

續修四庫全書



《續修四庫全書》編纂委員會編

續修四庫全書



上海古籍出版社



二八〇・史部・正史類

南北史合注一百九十一卷(卷八十七至卷一百十七)

〔清〕李

清撰

.....

229/10

據北京大學圖書館藏清四庫  
全書撤出本影印原書版框高  
二一三毫米寬一一七八毫米

# 南北史合注

三

〔清〕李清撰



欽定四庫全書

南北史合注卷八十七

明李清撰

魏本紀第一

北史一

魏之先出自黃帝軒轅氏黃帝子曰昌意昌意少子受封北國有大鮮卑山因以為號其後世為君長統幽都之北廣漠之野畜牧遷徙射獵為業淳朴簡易不為文字刻木結繩而已時事遠近人相傳授如史官紀錄黃

欽定四庫全書

南北史合注卷八十七

帝以土德王北俗謂土為拓謂后為跋故以為氏其裔始均仕堯時逐女魃於弱水北人賴其勲舜命為田祖歷三代至秦漢獯鬻獫狁山戎匈奴之屬累代作害中州而始均之裔不交南夏是以載籍無聞積六七十年代至諱毛者立

魏收魏書曰毛聰明將畧遠近所推

統國三十六大姓九十九威振北方道武即位追尊成皇帝追尊自毛始毛俎貸立貸俎觀立觀俎樓立樓俎

越立越俎推寅立推寅南遷大澤方千餘里厥土昏冥沮洳謀更南徙未行而俎利立利俎俊立俟俎肆立肆俎機立機俎蓋立蓋俎僧立僧俎隣立時有神人言此土荒遐宜徙建都邑隣年老乃以位授子詰汾命南移山谷高深九難八阻欲止有神獸形似馬聲類牛導引歷年乃出始居匈奴故地其遷移策畧多出推寅隣二主故時人並號推寅蓋俗云鑽研之義初詰汾嘗田於山澤歛見輜輶自天下既至見美婦人自稱天女受命

欽定四庫全書

南北史合注卷八十七

相偶旦日請還期年周時復會於此言終而別去如風雨及替詰汾至先田處果見天女以所生授之曰此君之子當世為帝王語訖而去即力微也故時人諺曰詰汾無婦家力微無舅家

愚按詰汾力微上俱有皇帝二字時未稱皇帝安得有此稱去之

詰汾俎力微立其後道武稱帝追尊貸曰節皇帝觀曰莊皇帝樓曰明皇帝越曰安皇帝推寅曰宣皇帝利曰

景皇帝侯曰元皇帝肆曰和皇帝機曰定皇帝蓋曰僖  
皇帝僧曰威皇帝隣曰獻皇帝詰汾曰聖武皇帝至力  
微始稱祖始祖神元皇帝諱力微元年歲在庚子先是  
西部內侵依於沒鹿迴部大人賓賓神元有雄傑之度  
後與賓攻西部賓軍敗失馬步走神元使以所乘駿馬  
給之賓歸求馬主神元隱而不言賓後知大驚將分國  
之半奉神元不受乃進其愛女賓猶思報恩乃從神元  
所欲徙所部北居長川積數年舊部人咸來歸附及賓

欽定四庫全書

南北史合注  
卷八十七

三

臨終戒其二子使謹奉神元其子不從乃陰謀逆神元  
殺之盡并其眾諸部大人悉服控弦之士二十餘萬三  
十九年遷于定襄之盛樂四月祭天諸部君長皆來助  
祭唯白部大人觀望不至徵而僂之遠近肅然神元乃  
告諸大人與晉和親

魏書載神元言曰我觀前世匈奴冒頓輩貪財掠邊  
民雖有所得而死傷不足相補更招寇仇百姓塗炭  
非長計也

四十二年遣子沙漠汗如晉且觀風土是歲曹魏景元  
二年也沙漠汗以國長子留洛陽

魏書曰始祖與鄰交好篤信推誠不為倚伏以邀一  
時之利寬裕任真遐邇歸附

後以父春秋已高求歸晉武帝具禮護送五十六年沙  
漠汗復如晉其冬還國晉征北將軍衛瓘以沙漠汗雄  
異恐為後患請留不遣復請以金錦賂國大人令致間  
隙

欽定四庫全書

南北史合注  
卷八十七

魏書曰國之執事及外部大人皆受重貨

五十八年方遣還神元使諸部大人詣陰館迎之酒酣  
沙漠汗仰視飛鳥飛九落之時國俗無彈衆大驚相謂  
曰太子被服南夏兼奇術絕人若繼國統變易舊俗吾  
等必不得志乃謀危害沙漠汗竝先馳還白太子引空  
弓而落飛鳥似得晉人異法自沙漠汗在晉後諸子愛  
寵神元頗有所惑及聞諸大人請因曰當便除之於是  
諸大人馳諸塞南矯害沙漠汗



魏書曰帝身長八尺英姿瓌偉在晉日朝士大夫多與親善雅為人物歸仰

其年神元不豫烏丸王庫賢親近任勢先受璫貨欲沮動諸部因於庭中礪鉞斧曰上恨汝曹讒殺太子欲盡收諸大人長子殺之大人皆信各各散走神元尋殂凡享國五十八年年一百四歲其後道武稱帝上廟號及謚子悉鹿立時諸部離叛立九年殂弟綽立七年殂

魏書曰帝雄武有智畧威德復舉

欽定四庫全書

南北史合注  
卷八十七

五

沙漠汗少子弗立政崇寬簡百姓懷服一年殂神元子祿官立九年分國為三部一居上谷北濡源西東接宇文部自統之一居代郡之參合陂北使沙漠汗長子猗屯統之一居定襄之盛樂故城使猗屯弟猗盧統之自神元以來與晉和好

魏書曰百姓又安財富殷實控弦騎士四十餘萬

是歲猗盧始出并州遷雜胡北徙雲中五原朔方又西渡河擊匈奴烏丸諸部自杏城以北八十里迄長城原

夾道立碣與晉分界二年葬沙漠汗及妃封氏初弗政欲改葬弗果而卒至是述成前意三年猗屯度漠北巡因西畧諸國凡積五歲諸部降附者三十餘國猗屯英傑魁岸馬不能勝常乘安車駕大牛牛角容一石帝曾中盡嘔吐之地仍生榆參合陂土無榆故時人異之十年匈奴別種劉淵

愚按唐高祖名淵故唐人避之書淵為元海今正之餘倣此

欽定四庫全書

南北史合注  
卷八十七

六

反晉於離石自號漢王并州刺史司馬騰來請師猗屯與猗盧大舉以助之大破淵衆於西河上黨猗屯與騰盟于汾東而還乃使輔相衛雄段繁於參合陂西累石為亭樹碑以記行焉十一年

魏書曰淵攻司馬騰請師帝以輕騎數千救之斬淵將綦母豚淵南走蒲子

晉假猗屯大單于金印紫綬是歲猗屯卒猗屯統部凡十一年後定襄侯衛操樹碑于大邦城以頌功德子普

根代立十三年祿官殂猗盧總攝三部為一統猗盧天  
姿英峙勇畧過人元年劉淵僭帝號自稱大漢三年晉  
并州刺史劉琨遣子導為質乞師

魏書曰白部大人叛入西河鐵弗劉虎舉眾於鴈門  
以應之攻琨新興鴈門

猗盧使弟子鬱律助琨破白部大人次攻鐵弗劉虎  
魏書曰屠其營落虎收餘燼西走渡河窟居朔方

愚按唐太祖名虎故唐人諱虎為武今正之餘倣此

欽定四庫全書

南北史合注  
卷八十七

晉懷帝進猗盧大單于封代公公以封邑去國縣遠從  
琨求句注陁北地琨乃徙馬邑陰館樓煩繁峙崞五縣  
人於陁南更立城邑盡獻其地東接代郡西連西河朔  
方數百里公徙十萬家充之

魏書曰劉琨又遣使請救洛陽帝遣騎二萬助之東  
海王司馬越辭以洛陽飢乃還是年漢劉淵卒子聰

僭立又載四年劉琨牙門將邪延據新興叛招入聰  
公遣軍討之聰退走五年劉琨遣使迄師討聰及石

勒公許之會聰遣其子繁襲晉陽害琨父母據其城  
琨來告難公遣長子六脩猗屯子普根及衛雄范班  
姬澹等為前鋒公躬統大眾二十萬後繼繁懼焚輜  
重突圍走縱騎追之斬其將劉儒劉豐簡令張平邢  
延伏尸數百里琨來拜謝固請進軍公曰吾不早來  
致卿父母見害誠以相愧今卿已復州境然吾遠來  
士馬疲弊且待再舉賊奚可盡乎饋琨馬牛羊各千  
餘車百乘又留精銳戍之而還是年晉雍州刺史賈

欽定四庫全書

南北史合注  
卷八十七

京兆太守韋鼎以晉懷帝為劉聰所執共立懷帝兄  
子秦王業為太子於長安

六年城盛樂以為北都脩故平城以為南都公登平城  
西山觀望地勢乃更南百里於灑水之陽黃瓜堆築新  
平城晉人謂之小平城使子六脩鎮之統領南部八年  
晉愍帝進公為代王置官屬食代常山二郡先是國俗  
寬簡至是明刑峻法諸部人多以違命得罪凡後期者  
皆舉部僇之或室家相携悉赴死所人問何之曰當就



誅其威嚴若此九年王召六脩不至怒討之失利遂為六脩所弒普根先守外境聞難來攻六脩滅之普根立月餘卒普根子始生猗屯妃立之又卒後道武稱帝追尊沙漠汗為文皇帝悉鹿為章皇帝綽為平皇帝弗為思皇帝祿官為昭皇帝猗屯為桓皇帝猗盧為穆皇帝至鬱律復稱祖太祖平文皇帝諱鬱律弗子資質雄壯甚有威畧元年歲在丁丑二年劉彥據朔方來侵西部王大破之西兼烏孫故地東吞烏吉以西控弦士馬將

欽定四庫全書

南北史合注  
卷八十七

九

百萬是歲晉愍帝為漢劉聰所弒元帝即位江南劉曜僭帝位改號趙王聞晉愍遇害顧謂大臣曰今中原無主天其資我乎曜遣使請和王不納三年石勒自稱趙王是為後趙遣使請和願為兄弟斬其使絕之五年晉元帝遣使韓暢加崇爵服王絕之講武有平南夏志猗屯妃以王得衆心恐不利己子遂弒之

本史曰桓后惟氏生三子長普根次惠帝次煬帝性猛忌平文之崩后所為也

大人死者數十人後道武稱帝上廟號及謚倚屯中子賀傳立以五年為元年王未親政事太后臨朝遣使與石勒通和時謂女國使四年王始臨朝以諸部人情未悉款順乃築城于東木根山徙都之五年殂弟紇那立以五年為元年三年後趙石勒遣石虎寇邊部王禦之不利遷於大寧時平文長子翳槐居於舅賀蘭部王遣使求之賀蘭部帥藹頭擁護不遣王怒召宇文部并力擊藹頭宇文衆敗王還大寧五年王出居宇文部賀蘭

欽定四庫全書

南北史合注  
卷八十七

十

及諸部大人立翳槐以五年為元年後趙石勒遣使求和王遣弟什翼犍如襄國徙者五千餘家七年藹頭不脩臣職召戮之國人復貳紇那自宇文部還入諸部大人復奉之以七年為後元年時翳槐出居于鄴三年石虎納翳槐于大寧國人六千餘家部落叛紇那出居於慕容部翳槐復立以三年為後元年城盛樂城在故城東南十里一年殂其後太祖即位追尊賀傳為惠皇帝紇那為煬皇帝翳槐為烈皇帝而昭成立高祖昭成皇

帝諱什翼捷

唐書曰昭成後有元行冲以系出拓跋撰魏典三十篇內言曹魏時河西柳谷出石有牛繼馬之象魏收作魏書謂晉元帝牛氏子冒司馬姓以著石符非也時成名捷繼晉受命獨此可當之 愚按行冲言近鑿姑錄以志奇

平文次子生而奇偉寬仁大度身長八尺隆準龍顏立髮委地卧則乳垂至席翳槐臨殂顧命迎高祖曰立此

欽定四庫全書

南北史合注 卷八十七

人則社稷安故高祖弟孤自詣鄴奉迎與高祖俱還十一月王即位于繁峙北時年十九稱建國元年二年春始置百官分掌衆職東自穢貊西及破落那莫不款附五月朝諸大人于參合陂議定都溼源川連日不決從太后計而止娉燕慕容晁妹為王后三年春移都雲中之盛樂宮四年築盛樂城於故城南八里王后慕容氏殂十月劉虎寇西境王遣軍大破之虎死子務桓立始來歸順王妻以女七年二月遣大人長孫扶迎繼后慕

容氏於和龍晁送女於境七月晁遣使來聘求交婚王許之以烈帝女妻焉十四年王以中州紛梗將親率六軍乘石氏之亂廓定中原諸大人諫乃止十八年太后王氏殂十九年正月劉務桓死其弟閼頭立潛謀反二十一年閼頭部人多叛懼而東走渡河半濟而水陷後衆盡歸其兄子悉勿祈初閼頭之叛悉勿祈兄弟十二人在王左右盡遣之歸欲其自相猜離至是悉勿祈奪其衆閼頭窮而歸命王待之如初二十二年春王東巡

欽定四庫全書

南北史合注 卷八十七

桑乾川四月悉勿祈死弟衛辰立二十三年六月王后慕容氏殂七月衛辰來會葬因求婚許之二十五年王南巡君子津

魏書載二十六年冬十月王討高車破之獲生口馬牛羊百餘頭二十七年討沒歌部破之獲牛馬羊數百萬頭

二十八年正月衛辰謀反度河東王討之衛辰懼遁走三十年十月王征衛辰時河水未成王乃以葦絙約漸



俄冰合乃散葦於上水草相結若浮橋衆軍利涉衛辰與宗族西走收其部落而還三十四年春長孫斤謀反伏誅斤之反也拔刃向衛坐太子寔格之傷脇五月葬後道武稱帝追謚為獻明皇帝七月王孫珪生大赦三十九年秦主苻堅遣其大司馬苻洛帥衆二十萬及其將朱彤張蚝鄧羌等諸道來侵王師不利王時不豫乃率國人避於陰山之北高車雜種盡叛四面寇掠不得芻牧復度漠南堅軍稍退乃還十二月至雲中旬有二

欽定四庫全書

南北史合注  
卷八十七

十一

日王子寔君作亂王遇弑殂時年五十七道武即位追上廟號及謚王性寬厚時國少繒帛代人許謙盜絹二疋守者以告王匿之謂燕鳳曰吾不忍視謙面卿勿洩之謙或慙而自殺為財辱士非也嘗擊西部叛賊流矢中目賊破後諸大臣執射者各持錐刀欲屠割之王曰各為其主何罪也釋之其仁恕若此

太祖道武皇帝

自北狄割據中原以來稱皇稱帝大書正史者從道

武始噫其孝文功哉

諱珪昭成帝嫡孫獻明帝子母曰獻明賀后初因還徙游於雲澤寢夢日出室內寤而見光自牖屬天歎然有感以建國三十四年七月七日生太祖於參合陂北其夜有光明昭成大悅羣臣稱慶大赦告於祖宗保者以太祖體重倍於常兒竊謂奇怪明年有榆生於藏胞之坎後遂成林太祖弱而能言目有光曜廣額大耳六歲而昭成殂秦王苻堅遣將內侮將遷太祖長安賴燕鳳

欽定四庫全書

南北史合注  
卷八十七

十二

乃免堅軍既還國衆離散堅使劉庫仁劉衛辰分攝國事南部大人長孫嵩及元他等盡將故人衆南依庫仁太祖於是轉在獨孤部元年歲昭成於金陵營梓宮木柈盡生成林太祖雖冲幼而嶷然不羣劉庫仁嘗語其子謂太祖有高天下之志必興復洪業七年十月晉敗秦苻堅於淮南慕容文等殺劉庫仁弟眷代攝國部八年慕容暉弟冲僭位是為西燕姚萇僭稱大單于萬年秦王慕垂僭稱燕王九年劉庫仁子顯殺眷而代之乃

將謀逆商人王霸知之履太祖足於眾中太祖乃馳還  
是時故大人梁益子六春為顯謀主盡知其計密使部  
人穆崇馳告太祖乃陰結舊臣長孫健元他等因幸賀  
蘭部其日顯果使人殺太祖不及語在獻明太后傳是  
歲乞伏國仁私署秦河二州牧大單于後秦姚萇弑秦  
王苻堅堅子丕僭即皇帝位於晉陽

登國元年春正月戊申太祖即代王位郊天建元大會  
於牛川復以長孫嵩為南部大人以叔孫普洛為北部

欽定四庫全書

南北史合注 卷八十七

十五

大人是月慕容垂僭即皇帝位於中山國號燕二月幸  
定襄之盛樂息眾課農西燕慕容冲為其部下所殺夏  
四月改稱魏王五月東幸陵石

魏書曰護佛侯部帥侯辰乙弗部帥代題叛走諸將  
請追之帝曰侯辰等世脩職役宜忍其小過當今草  
創人情不一愚近者固應爾不足怪也

秋七月還盛樂己酉代題復以部落來降旬有數日亡  
奔劉顯王使其孫倍斤領部落後秦姚萇僭即皇帝位

於長安秋八月劉顯遣弟亢泥迎王叔窟咄于慕容永  
以兵隨之來逼南境王左右干桓等與諸部大人謀應  
之事洩誅造謀者五人餘悉不問王慮內難乃北踰陰  
山幸賀蘭部阻山為固遣行人安童長孫賀請師於慕  
容垂垂令其子賀麟率師隨同等軍未至而寇逼於是  
北部大人叔孫普洛等十三人及諸烏丸亡奔衛反王  
自弩山幸牛川屯于延水南出代谷會賀蘭於高柳大  
破窟咄悉收其眾冬十月秦苻丕為晉將馮該所殺西

欽定四庫全書

南北史合注 卷八十七

十六

燕慕容永僭即皇帝位於長子十一月秦苻登僭即皇  
帝位於隴東十二月後燕慕容垂遣使授王西單于印  
綬封上谷王王不納

是歲晉孝武帝太元十一年 愚按南史內皆書魏  
周隋紀年獨北史不書南北一體宜補後梁東魏北  
齊倣此

二年夏五月遣安同固請兵于慕容垂垂遣其子賀麟  
率眾來會六月王親征劉顯大破之顯奔慕容永盡收



其部落秋八月王至自伐顯冬十月幸濡源十一月遂幸赤城十二月巡松漠還幸牛川

三年春正月王東巡夏四月幸東赤城五月癸亥北征庫莫奚大破之

魏書曰獲其四部雜畜十餘萬渡弱落水班賞將士

六月西秦乞伏國仁卒弟乾歸立私署河南王秋七月

庫莫奚部帥鳩集遺散夜犯行宮縱騎撲討盡滅之其

月王還赤城八月使九原公儀於後燕慕容垂冬十月

欽定四庫全書

垂遣使來聘

南北史合注  
卷八十七

愚按道武是時方屢請兵于垂以靖內難而除外寇

本史所云徵兵與垂朝貢皆誇誕之詞今易之 魏

書曰二月癸巳帝西征至女水討解如部大破之獲

男女雜畜數十萬

四年春正月甲寅襲高車諸部落二月癸巳遂至水水

討赤突隣部並大破之是月呂光自稱三河王夏四月

行還赤城五月使陳留公虔於後燕慕容垂冬十月垂

遣使來聘

五年春三月甲申西征至鹿渾海襲高車袁紇部大破之

魏書曰鹵獲生口馬牛二十餘萬

慕容垂遣子賀麟來會夏四月丙寅行幸意辛山與賀

麟討賀蘭紇奚諸部落大破之秋八月還幸牛川使秦

王觚於慕容垂九月壬申討叱奴部於囊曲河敗之冬

十月討高車豆陳部於狼山破之十二月還次白漠

欽定四庫全書

南北史合注  
卷八十七

六年春正月幸組埏川三月遣九原公儀陳留公虔等

西討黠弗部大破之夏四月祭天秋七七月壬申講武

於牛川行還組埏川後燕慕容垂止秦王觚求名馬王

絕之遣使於西燕慕容垂未遣其大鴻臚慕容鈞奉書

勸進尊號

慕容垂遣使勸進尊號有奉表字時承方稱帝與魏

為敵國此亦魏誕言今改書

九月王襲五原屠之收其積穀還組埏川於桐陽塞北



樹碑記功冬十月戊戌北征柔然

愚按柔然其本號北史呼為蠕蠕乃太武所改魏人主及臣下稱呼仍之餘皆改柔然從寔也

追破之於大磧南商山下十一月戊辰還幸紐埜川戊寅衛辰遣子直力鞮寇南部壬午王大破之於鐵岐山南

魏書曰獲其器械輜重牛羊二十餘萬

衛辰父子奔遼十二月滅之衛辰少子勃勃

欽定四庫全書

南北史合注 卷八十七

愚按勃勃其本名北史所云屈子乃明元所改魏人主及臣下稱呼仍之它皆改勃勃從寔也晉書又以

屈子為勃勃字更誤

亡奔薛于部車駕次於鹽池自河以南諸部悉平

魏書曰獲其珍寶畜產名馬三十餘萬匹牛羊四百

餘萬頭班賜諸臣各有差

收衛辰子弟宗黨無少長五千餘人盡殺之

魏書靈徵志載是月帝獵親獲鹿一角召問羣臣皆

曰鹿二角今一是諸國將并之應

是歲起河南宮

七年春正月幸木根山遂次黑鹽池饗羣臣諸國貢使北之美水三月還幸河南宮秋七月行幸漠南仍築巡臺冬十二月西燕慕容永遣使來聘

八年春正月南巡二月幸殺羊原赴白樓三月車駕西征侯呂部四月至苦水大破之五月還幸白樓夏六月

北巡秋七月臨幸新壇先是衛辰子勃勃奔薛于部徵

欽定四庫全書

南北史合注 卷八十七

之不送八月王南征薛于部屠其城九月還幸河南宮是年後秦姚萇卒

九年春三月北巡使東平公元儀屯田於河北五原至於柰陽塞外夏五月田於河東秋七月還幸河南宮冬

十月蠕蠕社崙等率部落西走是歲後秦姚興僭立殺

秦主苻登後燕慕容垂滅西燕永

十年夏五月幸鹽池六月幸河南宮秋七月後燕慕容

垂遣其子寶來寇五原八月王親兵河南冬十月辛未

寶燒船夜遁已卯王進軍濟河乙酉夕至參合陂丙戌大破之

魏書曰獲其器甲輜重軍資雜財十餘萬計

擒其王公以下文武將吏數千人於俘鹵中擢其才識者賈彞賈潤晁崇等參謀議憲章故寔十二月還幸雲中之盛樂

皇始元年春正月大蒐於定襄因東幸善無北陂三月後燕慕容垂寇桑乾陳留公虔死之垂遂至平城西北

欽定四庫全書

南北史合注  
卷八十七

三十一

聞王將至

資治通鑑曰珪震怖欲走曰將至者必飾辭

乃築城自守疾甚歸卒于上谷子寶秘喪還至中山乃僭立夏六月丁亥王太后賀氏殂是月葬獻明太后呂光僭稱天王國號涼

魏書天象志曰是月有星彗於髦頭所以去穢布新也先是有大黃星出于昴畢之分五十餘日燕太史丞王先曰當有真人起於燕代大兵鏘鏘不可當

幾帝建元立號天下莫敵

秋七月左司馬許謙上書勸進尊號於是改元始建天子旌旗出警入蹕八月己亥大舉攻後燕慕容寶王親勒六軍四十餘萬南出馬邑踰句注旌旗絡繹二千餘里鼓行而前人屋皆震別詔將軍封真等從東道襲幽州圍薊九月戊午次陽曲乘西山臨觀晉陽寶并州牧遼西王農棄城遁并州平初建臺省置百官封拜公侯將軍刺史太守尚書郎以下悉用文人王初拓中原留

欽定四庫全書

南北史合注  
卷八十七

三十二

心慰納諸士大夫詣軍門者無少長皆引入人得盡言苟有微能咸蒙叙用己未詔輔國將軍吳牧畧地晉川獲慕容寶丹陽王買得等於平陶城九月晉孝武帝殂冬十一月庚子朔王至真定自常山以東守宰或捐城奔竄或稽顙軍門唯中山鄴信都三城不下別詔東平公儀攻鄴冠軍將軍王建左軍將軍李栗等攻信都軍所行不得傷桑棗戊午進軍中山己未圍之王曰吾量寶不能出戰必憑城自守急攻則傷士久守則費糧不



如先平鄴信都然後還取中山諸將稱善丁卯車駕幸魯口城

二年春正月壬戌王引騎圍信都其夜寶冀州刺史宜都王慕容鳳踰城奔中山癸亥寶輔國將軍張驥獲軍將軍徐超舉城降是月南涼禿髮烏孤私署大單于西平王二月丁丑王軍于鉅鹿之北肆塢臨滹池水其夜寶悉眾犯營燎及行宮兵人駭散王驚起不及衣冠跣出擊鼓俄而左右及中軍將士稍集王設奇陣列烽營

欽定四庫全書

南北史合注 卷八十七

外縱騎衝之寶眾大敗走還中山獲其器械數十萬計寶尚書閔亮秘書監崔暹等降者相屬賜拜職爵各有差三月己酉車駕至盧奴寶求和請送秦王觚割常山以西奉魏乞守中山以東王許之己而寶背約辛亥車駕至中山命將圍之是夜寶弟賀麟將妻子走西山寶恐賀麟先據和龍壬子夜北道城內共立慕容普隣為主夏四月王以軍糧不繼詔東平公儀罷鄴圍徙屯鉅鹿五月庚子王以中山城內為普隣所脅詔喻之甲辰

曜兵揚威以示城內命諸軍罷圍南徙以待其變甲寅以東平公儀為左丞相封衛王進襄城公題爵為王秋七月普隣遣烏九張驥率五千餘人出城求食寇靈壽賀麟自丁零中入驥軍因其眾復入中山殺普隣而自立八月丙寅朔王進軍九門時大疫人馬牛死者十五六中山猶據守羣下咸思北還王知之謂曰斯固天命將若何四海皆可與為國在吾所以撫之耳何恤乎無人羣臣乃不敢言九月賀麟飢窮率三萬餘人寇新市

欽定四庫全書

南北史合注 卷八十七

甲子晦王進軍討之太史令晁崇奏曰不吉王曰何也對曰紂以甲子亡兵家忌之王曰武不以甲子勝乎崇無以對冬十月丙寅王進軍新市賀麟退阻泝水依漸洳澤以自固甲戌王臨其營戰於義臺陽大破之賀麟單馬走鄴慕容德殺之甲申賀麟所署公卿尚書將吏士卒降者二萬餘人其將張驥李沈慕容文等先來降尋皆亡還是日復獲之皆赦不問獲其所傳皇帝璽綬圖書府庫珍寶中山平乙酉襄城王題薨



是歲晉安帝隆安元年

天興元年春正月慕容德走保滑臺衛王儀剋鄴庚子幸真定遂幸鄴民老病不能自存者詔郡縣賑卹之王至鄴巡登臺榭徧覽宮城將有定都志乃置行臺遂還中山所過存問百姓詔大軍所經州郡皆復資租一年除山東民租賦之半車駕將北還發卒萬人通直道自望都鐵山鑿恒嶺至代五百餘里王慮還後山東有變乃於中山置行臺詔衛王儀鎮之使畧陽公遵鎮勃海

欽定四庫全書

南北史合注  
卷八十七

三五

之合口右軍將軍尹國光督租冀州聞王將還謀反欲襲信都安南將軍長孫嵩執送斬之辛酉車駕發中山至望都堯山徙山東六州民吏及徒河高麗雜夷三十六萬百工伎巧十餘萬口以充京師車駕次于恒山之陽博陵渤海章武諸郡羣盜並起畧陽公遵等討平之是月南燕慕容德自稱燕王據固固二月車駕至自中山幸繁峙宮更選屯衛詔給內徙新戶耕牛計口授田三月徵左丞相衛王儀還京詔畧陽公遵代鎮中山夏

四月壬戌以歷陽公穆崇為太尉鉅鹿公長孫嵩為司徒進封畧陽公遵為常山王南安公順為毘陵王祭天於西郊旗幟有加廣平太守遼西公意列謀反與郡人韓奇矯假識圖將襲鄴城詔反者就郡賜死是月燕蘭汗弒其主慕容寶自立為大單于昌黎王六月丙子詔有司議定國號羣臣奏曰昔周秦以前帝王居所生之土及王天下即承為號今國家啓基雲代應以代為號詔曰昔朕遠祖總御幽都控制遐國雖踐王位未定九

欽定四庫全書

南北史合注  
卷八十七

三五

州逮於朕躬掃平中土凶逆蕩除遐邇率服仍先號為魏

趙明誠金石錄曰魏自道武定號為魏後無復稱代事今魏碑數數有之蓋當時雖稱魏猶不廢始封故兼稱代耳即崔浩所云代魏兼稱猶彼殷商也

秋七月遷都平城始營宮室建宗廟立社稷燕慕容寶子盛討殺蘭汗自立為長樂王八月詔有司正封畿制郊甸端徑術樹道里平五權較五量定五度遣使巡行



郡國舉奏守宰不法者親覽察黜陟之冬十月起天文殿十一月辛亥尚書吏部郎中鄧淵

本史稱彥海避唐高祖諱今正之餘倣此

典官制立爵品定律呂協音樂儀曹郎中董謚撰郊廟社稷朝覲饗宴之儀三公郎中王德定律令申科禁太史令晁崇造渾儀考天象吏部尚書崔宏總裁之閏月左丞相衛王儀及王公卿士詣闕上書曰臣等聞宸極居中則列宿齊其昏帝王順天則羣后仰其度伏惟陛

欽定四庫全書

南北史合注 卷八十七

下德協二儀道隆三五仁風被於四海盛化塞於天區澤及昆蟲恩霑行葦謳歌所屬八表歸心而躬履謙虛退身後已宸儀未彰袞服未御非所以允皇天之意副樂推之心臣等謹昧死以聞王三讓乃許之十二月己丑皇帝即位于天文殿太尉司徒進璽綬百官咸稱萬歲

魏書禮志載告天文曰皇帝臣珪敢用玄牡昭告於皇天后土之靈上天降命乃眷我祖宗世王幽都珪

以不德思寧黎元冀行天罰殪劉顯屠衛辰平慕容定中夏羣臣勸進謂宜正位居尊副天人望珪以天時人謀不可久替謹命禮官擇吉日受皇帝璽綬惟神祇其丕祚魏室永綏四方

大赦改元追尊成帝以下及后號謚樂用皇始之舞詔百司議定行次尚書崔宏等奏從土德服色尚黃數用五祖以未臘以辰犧牲用白五郊立氣宣贊時令敬授民時行夏之正

欽定四庫全書

南北史合注 卷八十七

資治通鑑曰命朝野皆束髮加帽

徙六州二十二郡守宰豪傑吏民二千家於代都二年春正月甲子初祀上帝于南郊以始祖神元皇帝配降壇視燎成禮而反乙丑赦京師始制三駕之法庚午北巡分命諸將大襲高車常山王遵三軍從東道出長川高涼王樂真等從西道出牛川車駕親勒六軍從中道自駁髯水西北出二月丁亥朔諸軍同會破高車雜種三十餘部

魏書曰獲七萬餘口馬三十餘萬匹牛羊百四十餘萬

衛王儀督三將別從西北絕漠千餘里破其遺迸七部

魏書曰獲三萬餘口馬五萬餘匹牛羊二十餘萬頭

還次牛川及薄山竝刻石紀功以所獲高車衆起鹿苑

于南臺陰北距長城東苞白登屬之西山廣輪四十里

鑿渠引武川水注之苑中疎為三溝分流宮城內外又

穿鴻鴈池三月己未車駕至自北伐甲子初令五經羣

欽定四庫全書

南北史合注  
卷八十七

三九

書各置博士增國子太學生員三千人是月氏人李辯

叛慕容德求援於鄴行臺尚書和跋跋以輕騎應之剋

滑臺收德宮人府藏

魏書曰丙子遣建義將軍庾真等破侯莫陳部獲馬

牛十餘萬頭

秋七月起天華殿辛酉大閱于鹿苑八月增啓京城十

二門作西武庫除州郡民租賦之半辛亥詔禮官備撰

衆儀著於新令范陽人盧溥聚衆海濱稱幽州刺史攻

掠郡縣殺幽州刺史封杏干是月南涼禿髮烏孤卒其

弟利鹿孤立遣使朝貢冬十月大廟成遷神元平文昭

成獻明神主於太廟十二月

甲午慕容盛征南將軍燕郡太守高湖率戶三千內

屬

天華殿成涼呂光立其子紹為天王自稱太上皇及卒

庶子纂殺紹自立

三年春正月戊午材官將軍和突破盧溥於遼西獲之

欽定四庫全書

南北史合注  
卷八十七

三九

及其子煥傳送京師輟之癸亥祀北郊分命諸官循行

州郡觀風俗察舉不法二月丁亥詔有司祀日於東郊

始耕籍田壬寅皇子聰薨三月戊午立皇后慕容氏是

月穿城南渠於城內作東西魚池夏四月秦姚興遣使

來聘五月戊辰詔謁者僕射張濟使於興己巳東巡遂

幸涿鹿遣使者以太牢祭帝堯帝舜廟西幸馬邑觀澧

源六月庚辰朔日有蝕之秋七月西秦王乞弗乾歸大

為秦姚興所破壬子車駕還宮起中天殿及雲母堂金



華室

魏書載十有二月乙未詔曰世俗謂漢高起於布衣而有天下此未達其故也夫劉承堯統曠世繼德有蛇龍之徵雲彩之應五緯上聚天人俱協明革命之主大運所鍾不可以非望求也然狂狡之徒所以顛蹶不已誠惑於逐鹿之說而迷於天命也故有踵覆車之轍蹈覆逆之蹤毒甚者傾州郡害微者敗邑里至乃身死名頹殃及九族從亂隨流死而不悔豈不

欽定四庫全書

南北史合注 卷八十七

三十一

痛哉春秋之義大一統之美吳楚僭號久加誅絕君子賤其偽名比之塵垢自非繼聖載德天人合會帝王之業夫豈虛應有國有家者誠能推廢興有期審天命不易察微應之潛授絕姦雄之僭肆則幾於神智矣如此禍悖無緣而生兵甲何因而起凡厥來世勗哉戒之

時太史屢奏天文錯亂帝親覽經占多云宜改王易政於是數革官號欲以防塞凶狡消弭災變已慮羣下疑

惑冬十二月丙申下詔述成敗之理鑑殷周之失革秦漢之弊以喻臣下

魏書載詔曰上古之治尚德下名有任無爵易治而事序故邪謀不起周姬之末下凌上替以號自定以位制祿卿世其官大夫遂事陽德不暢議發家倍故釁起兵作秦漢之弊捨德崇侈能否混雜庶官失序任非其人於是忠義道寢廉恥節廢莫不由乎貴尚名位而禍敗及之矣古置三公職大憂重故曰待罪

欽定四庫全書

南北史合注 卷八十七

三十一

宰相將委任責成非虛寵祿也而今世俗僉以台輔為榮貴企慕而求之夫桀紂南面雖高可薄姬旦為下雖卑可尊一官可以効智華門可以垂範苟以道德為實賢於覆餗蒞家矣故量力者令終而義全昧利者身陷而名滅利之與名毀譽之疵競道之與德神識之家寶是故道義治之本名爵治之末名不本於道不可為宜爵無補於時不可為用來者誠思成敗之理察治亂之由鑑殷周之失革秦漢之弊則幾

于治矣

是歲李嵩私署秦涼二州牧涼公是為西涼

四年春二月丁亥命樂師入學習舞釋菜於先聖先師  
丁酉分命使者巡行州郡聽察辭訟糾劾不法是月後  
涼王呂光弟子隆弒呂纂而自立三月帝親漁薦於寢  
廟

魏書靈徵志曰晉昌民賈相為鴈門郡吏入句注西  
陁見一老父曰自今以後四十二年當有聖人出北

欽定四庫全書

南北史合注  
卷八十七

三十一

方時當大樂子孫永吉吾不及見之言終而過顧視  
之老父化為石人至帝破慕容寶之歲四十二年矣  
時新興太守上言其事

夏四月辛卯罷鄴行臺詔有司明揚隱逸五月起紫宸  
殿玄武樓涼風觀石池鹿苑臺六月盧水胡沮渠蒙遜  
私署涼州牧張掖公秋七月詔兗州刺史長孫肥南徇  
許昌彭武詔賜境內鎮戍將士布帛各有差八月後燕  
段興弒其主慕容盛其叔父熙盡誅段氏僭即皇帝位

冬十二月集博士儒生比衆經文字義類相從凡四萬  
餘字號曰衆文經是歲李嵩沮渠蒙遜並遣使朝貢  
五年春正月帝聞秦主姚興將寇邊庚寅大簡興徒詔  
并州諸軍積穀于平陽乾壁

魏書曰戊子材官將軍和突破黠弗索古延等諸部  
獲馬三千餘匹牛羊七萬餘頭辛卯蠕蠕社崙遣騎  
救素古延等和突逆擊破之于山南河曲獲鎧馬二  
千餘匹班師賞賜將士各有差二月癸丑征西大將

欽定四庫全書

南北史合注  
卷八十七

三十二

軍常山王遵等至安定之高平破多蘭部帥木易于  
率數千騎與衛辰屈丐棄國遁走追至隴西瓦亭不  
及而止獲其輜重庫藏馬四萬餘匹駱駝牛三千  
餘頭牛羊九萬餘口班賜將士各有差徙其民於京  
師

三月南涼禿髮利鹿孤卒夏五月秦姚興遣其弟義陽  
王平來侵平陽攻陷乾壁秋七月戊辰朔車駕西討八  
月乙巳至乾壁平固守進軍圍之興悉舉其衆來救甲



子帝度蒙坑逆擊興軍大破之冬十月平赴水死俘其衆三萬餘人獲興尚書左僕射狄伯支以下四品將軍以上四十餘人獲前亡臣王次多靳勒並斬以狗興頻使請和帝不許羣臣請進平蒲坂帝慮柔然為難戊申班師十一月車駕次晉陽徵相州刺史庾岳為司空十二月辛亥至自西征越勒莫弗率其部萬餘家內屬六年春正月辛未朔方尉遲部別帥率萬家內屬入居雲中夏四月癸巳朔日有蝕之五月大簡輿徒將畧江

欽定四庫全書 南北史合注 卷八十七 三十五

淮秋七月鎮西大將軍司隸校尉毗陵王順有罪以王還第戊子北巡築宮于豺山縱士校獵東北踰巔嶺出參合代谷九月行幸南平城規度澤南面夏屋山背南瓜堆將建新邑辛未車駕還宮冬十月起西昭陽殿乙卯立皇子嗣為齊王加車騎大將軍位相國紹為清河王加征南大將軍熙為陽平王曜為河南王封故秦愍王子夔為豫章王陳留桓王子悅為朱提王丁巳晉人來聘十一月庚午將軍伊謂大破高車十二月晉桓玄

廢其主司馬德宗為平固王而自立僭號楚是歲晉元興元年

天賜元年春二月晉劉裕起兵誅桓玄三月初限縣戶不滿百罷之夏五月置山東諸治發州郡徒謫造兵甲魏書官氏志曰是年八月初置六謁官準古六卿帝欲法古純質官號俱不依周漢舊名皆依遠古雲鳥之義諸官走使謂之鳧鴨取飛迅疾以伺察者為候官謂之白鷺取其延頸遠望餘官義皆類此咸有比

欽定四庫全書

南北史合注 卷八十七

况

秋九月帝臨昭陽殿分置眾職引朝臣文武親自簡擢量能叙用制爵四等曰王公侯子除伯男之號追錄舊臣加封爵各有差是秋江南大亂流人襁負奔淮北者行道相尋冬十月辛巳大赦改元築西宮十一月辛酉宮大選臣寮令各辨宗保舉才行行諸部子孫失業賜爵者二千餘人

二年春正月晉主司馬德宗復位夏四月祀西郊車旗

盡黑

魏書天象志曰帝御大駕百官及賓國諸部大人畢從至郊所帝立青門內近南壇西內皇后及九宮從黑門入列於青門內近北並西面祀訖而返冬十月南燕慕容德卒

是歲晉義熙元年

三年春正月甲申北巡幸射山宮校獵還至屋孤山二月乙亥幸代園山建五石亭三月庚子車駕還宮夏四

欽定四庫全書

南北史合注 卷八十七

月庚申復幸射山宮占授著作郎王宜弟造兵法孤虛立成圖三百六十時遂登定襄角史山又幸馬城甲戌車駕還宮六月發八百里五百里內男丁築漫南宮門闕高十餘丈引溝穿池廣苑園規立外城方二十里分置市里經途洞達三十日罷秋七月太尉穆崇卒八月甲辰行幸射山宮遂至青牛山丙辰西登武要北原觀九十九泉造石亭遂之石漠九月甲戌朔幸漠南鹽池壬午之漠中觀天鹽池度漠北之吐鹽池癸巳南還長

南北史合注 卷八十七

川丙申臨觀長陂冬十月庚申車駕還宮

四年春二月封皇子脩為河間王處文為長樂王連為廣平王黎為京兆王夏五月北巡自參合陂東過蟠羊山大雨暴水流輜車數百乘殺數百人遂東北踰石漠至長川幸濡源常山王遵有罪賜死六月赫連勃勃自稱大單于大夏天王秋七月西幸參合陂築北宮垣三旬而罷乃還宮後燕慕容寶養子高雲殺其主慕容熙而自立僭號天王八月誅司空庾岳

欽定四庫全書

南北史合注 卷八十七

三九

五年春正月行幸射山宮遂如參合陂觀魚于延水至寧川三月秦姚興遣使來聘秋七月戊戌朔日有食之冬十月禿髮傉檀僭即涼王位

六年夏帝不豫初帝服寒食散自太醫令陰羗死後藥數動發至此愈甚而災危屢見憂懣不安或數日不食或不寢達旦歸咎羗下喜怒乖常謂百寮左右不可信慮如天文之占或有肘腋之虞追思既往成敗得失終日竟夜獨語不止若傍有鬼物對揚者朝臣至前追其



舊惡便見殺害餘或顏色變動或喘息不調或行步乖節或言詞失措帝謂懷惡在心變見于外乃手自毆擊死者皆陳天安殿前於是朝野人情各懷危懼有司廢怠莫相督攝百工偷劫盜賊公行里巷間人為稀少帝亦聞之曰朕故縱使然幸過災年當更清整之耳

魏書天象志曰六年四月雷震天安殿東帝惡之命左校以衝車攻殿東西兩序屋毀之帝竟暴崩

秋七月慕容氏支屬百餘家謀欲外奔發覺伏誅死者

欽定四庫全書

南北史合注 卷八十七

三百餘人八月衛王儀謀叛賜死十月戊辰清河王紹弒帝帝崩於天安殿時年三十九永興二年九月甲寅上謚曰宣武皇帝葬盛樂金陵廟號太祖泰常五年改謚道武

魏書刑罰志曰太祖初歷艱難備嘗險阻知民情偽及在位躬行仁厚既定中原患前代刑網峻密乃除其苛法約定科禁大崇簡易是時民久苦兵亂畏法樂安帝知其如此鎮之以靜罰必從輕兆庶咸戴然

於大臣持法不捨季年災異頻見聖體不豫刑罰頗酷濫 愚按宋人進魏書表云道武太武暴戾甚於聽虎若果如言何以有國若斯之長讀此方知宋人言偏

太宗明元皇帝諱嗣道武皇帝長子母曰劉貴人登國七年生於雲中宮道武晚有男大悅乃大赦太宗明睿寬敏非禮不動天興六年封齊王拜相國初王母既賜死道武召告曰昔漢武將立其子而殺其母不令婦人

欽定四庫全書

南北史合注 卷八十七

與國政汝當繼統故吾遠同漢武王素純孝哀不自勝道武怒王還宮哀不自止道武知而又召王王欲入左右恐道武怒盛入或不測諫止之請待和解而進王從之乃遊行逝于外及元紹弒逆王還而誅之永興元年冬十月壬午皇帝即位大赦改元追尊皇妣為宣穆皇后公卿大臣先罷歸第者悉登用之詔南平公長孫嵩北新侯安同對理民訟簡賢任能是月馮跋弒其主高雲僭號天王是為北燕

按晉書及本史雲傳皆言為寵臣離班桃仁所弑此歸罪於跋必有所見

閏十月丁亥朱提王悅謀反賜死詔都兵將軍山陽侯奚斤巡諸州問民疾苦十二月戊戌封衛王儀子良為南陽王進陰平公列爵為王改封高涼王樂真為平陽王己亥帝始居西宮御天文殿柔然犯塞是歲乞伏乾歸始稱秦王是為西秦

二年春正月甲寅朔詔南平公長孫嵩等北征柔然因

欽定四庫全書

南北史合注  
卷八十七

三

留屯漠南夏五月嵩等自大漠還柔然追圍之於牛川壬申帝北伐柔然聞而遁走車駕還幸參合陂六月晉劉裕滅南燕慕容超秋七月丁巳立射臺于陂西仍講武乙丑至自北伐

三年春二月戊戌詔簡宮人非御及伎巧者悉以賜鰥民

魏書載詔曰衣食足知榮辱夫人飢寒切已唯恐朝夕不濟所急者溫飽而已何暇及仁義之事乎王教

多違蓋由於此非夫耕婦織內外相成何以家給人足乎其簡宮人非所當御及執作伎巧其餘悉出以配鰥民

己亥詔北新侯安同等持節巡行并定二州及諸山居雜胡丁零問其疾苦察舉守宰不法者辛丑簡宮女工伎之不怠者出賜人不能自存者三月乙未詔侍臣常佩劍夏五月丙寅復出宮女賜鰥人辛卯車駕謁金陵於盛樂己巳昌黎王慕容伯兒謀反伏誅六月秦姚興

欽定四庫全書

南北史合注  
卷八十七

三

遣使來聘秋七月戊申賜衛士脯三日冬十一月丁未大閱於東郊

魏書載十二月甲午詔南平公長孫嵩任城公稽拔白馬公崔玄伯坐朝堂錄決囚徒務在平當

四年春二月癸未登虎圍射猛虎夏四月乙未宴羣臣於西宮使各獻直言勿有所諱六月西秦乞伏乾歸為兄子公府所弑閏月丙辰大閱于東郊秋七月己巳朔東巡置四廂大將又放十二時置十二小將以山陽侯



奚斤元城公屈行左右丞相己卯大獮于石會山戊子臨去畿陂觀魚庚寅至于濡源西巡幸北部諸落八月壬子幸西宮臨板殿大饗羣臣命百姓大酺二日乙卯賜王公以下至宿衛將士布各有差冬十一月乙丑賜宗室近屬南陽王良以下至於總麻親布各有差是月沮渠蒙遜僭稱西河王十二月丁巳北遼至長城而旋五年春正月己巳大閱畿內男年十二以上悉集己卯幸西宮頓拔大渠帥四十餘人詣闕奉貢賜以繒帛錦

欽定四庫全書

南北史合注 卷八十七

四十三

起石壇薦饗賜從者大酺于山下前軍奚斤等破越勒泥部落於跋那山西魏書曰獲馬五萬匹牛二十萬頭徙二十萬餘家而還丙戌車駕自大室西南巡諸部落遂南次定襄大洛城東踰七嶺山田於善無川八月癸卯車駕還宮癸丑奚斤等班師甲寅白登山觀降人數軍實置新入于大寧給農器計口授田丁丑幸豺山宮癸未還宮冬十一月癸酉大饗於西宮秦姚興遣使來

欽定四庫全書

南北史合注 卷八十七

四十四

聘請進女許之

據晉書興傳則魏自求婚非興進女當以晉書為正神瑞元年春正月辛酉以禎瑞頻集大赦改元辛巳行幸繁峙賜王公以下至于士卒百工布帛各有差二月戊戌車駕還宮六月西秦乞伏熾盤滅南涼禿髮儁檀戊申幸豺山宮丁亥還宮秋七月晉將朱齡石滅蜀八月戊子詔馬邑侯元暉孫使於秦姚興遣使來聘九月丁巳朔日有蝕之冬十一月壬午詔使者巡行諸州



校閱守宰資財非自家所齎悉簿為賦守宰不如法聽  
百姓詣闕告之十二月丙戌朔柔然犯塞丙申車駕北  
伐

二年春正月丙辰車駕至自北伐二月丁亥大饗於西  
宮甲辰立宣武廟於白登西三月丁丑詔以刺史守宰  
率多通情今年資調懸遺者謫出家財以充不聽徵發  
於人夏四月晉人來聘己卯北巡五月丁亥次於參合  
東幸大寧下未田於四岬山六月戊午臨去畿陂觀魚  
欽定四庫全書

南北史合注  
卷八十七

辛酉次于濡源立螿臺遂射白熊於顏牛山獲之丁卯  
幸赤城親見長老問民疾苦復租一年南次石亭幸上  
谷問百年訪賢雋復田租之半壬申幸涿鹿登嶠山觀  
溫泉使以太牢祠黃帝唐堯廟癸酉幸廣寧己卯登廣  
寧之歷山以大牢祠舜廟帝親加禮庚辰幸代秋七月  
癸未車駕還宮復所過田租之半八月庚辰晦日有蝕  
之九月京師民飢聽就食山東冬十月壬子秦姚興使  
送其西平公主至帝以后禮納之辛酉行幸沮洳城癸

亥還宮丙寅詔以頻遇霜旱年穀不登命出布帛倉穀  
以賑貧窮十有一月丁亥幸射山宮庚子還宮

泰常元年春正月甲申幸射山宮戊子還宮二月丁未  
秦主姚興卒三月己丑長樂王處文薨夏四月壬子大  
赦改元庚申河間王脩薨五月甲申彗星二見六月丁  
己北巡秋七月甲申大獵于牛川登釜山臨殷繁水南  
觀於九十九泉戊戌還宮辛亥晦日有食之九月晉劉  
裕溯河伐秦姚泓遣部將王仲德從陸道至梁城兗州  
欽定四庫全書

南北史合注  
卷八十七

刺史尉建畏懦棄守北度仲德遂入滑臺詔將軍叔孫  
建等度河曜威斬尉建於城下冬十月幸射山宮十一  
月甲戌還宮戊寅起蓬臺於北苑十二月南陽王良薨  
二年春正月甲戌朔日有蝕之二月丙午詔使者巡行  
境內觀風俗問其所苦

魏書載詔曰九州之民隔遠京邑時有壅滯守宰至  
不以聞今作方輿或有貧窮失農務者其遣使者巡  
行天下省諸州觀民風俗問民疾苦察守宰治行諸



不能自申皆因以聞

是月西涼公李暠卒夏四月丁巳幸高柳壬戌還宮五月西巡至雲中遂濟河田於大漠秋七月乙亥還宮乙酉起白臺於城南高二十丈是月晉劉裕滅秦姚泓冬十月癸丑豫章王夔薨

魏書載十一月癸丑復諸州租稅

十二月己酉詔河東河內購姚泓子弟播越民間者庚申田於西山壬申幸大寧長川

欽定四庫全書

南北史合注 卷八十七

三年

魏書載春正月丁酉朔帝至自長川

春三月晉人來聘庚戌幸西宮以渤海范陽郡去年水復其租稅夏四月己巳徙冀定幽三州徙何以京師五月壬子東巡至濡源及甘松遣征東將軍長孫道生等帥師襲馮跋帝自突門嶺待之道生至龍城徙其居民萬餘家而還秋七月戊午車駕至京師八月鴈門河內大雨復其租稅

魏書禮志曰是月帝薦熟於太祖白登廟有車騎聲從北門入殷殷輶輶震動門闕執事者皆肅慄人為興隆之兆

冬十月戊辰築宮於西苑十一月赫連勃勃剋長安十二月晉安帝殂

四年春正月壬辰朔車駕臨河大蒐于犢渚癸卯還宮三月夏赫連勃勃僭即皇帝位癸丑築宮於蓬臺北夏四月庚辰享東廟遠藩助祭者數百國辛巳南巡幸鴈

欽定四庫全書

南北史合注 卷八十七

門賜所過無出今年租賦五月庚寅朔觀漁于灑水己亥還宮復所過一年租賦秋八月辛未東巡遣使祠恒岳甲申還宮賜所過無出今年田租九月甲寅築宮於白登山冬十一月丁亥朔日有蝕之十二月癸亥西巡至雲中踰白道北獵野馬於辱孤山至於黃河從君子津西度大狩於薛林山

是歲晉恭帝元熙元年

五年春正月丙戌朔自薛林東還至屋寶城饗勞將士

大酺二日班禽以賜之己亥還宮三月丙戌南陽王意文薨夏四月丙寅起灑南宮五月乙酉詔曰宣武皇帝體得一之玄遠應自然之冲妙大行大名未盡盛美今啓緯圖始覩尊號其更上尊號曰道武皇帝以章靈命之先啓聖德之玄同庚戌淮南侯司馬國璠池陽司馬道賜等謀反伏誅六月丙寅幸翳嶺山是月晉恭帝禪位于宋秋七月丁酉西至五原丁未幸雲中太室賜從者大酺八月癸亥還宮閏月甲午陰平王烈薨是歲西

欽定四庫全書

南北朝史合注

卷八十七

涼李歆為北涼沮渠蒙遜所殺其弟恂復自立於敦煌

是歲宋武帝永初元年

六年春正月幸公陽二月己亥詔境內二十戶輸戎馬一匹大牛一頭三月甲子陽平王熙薨乙亥制六部人羊滿百口者調戎馬一匹發京師六千餘人築苑起自舊苑東苞白登周回四十餘里是月沮渠蒙遜攻破敦煌李恂自殺遂滅西涼夏六月乙酉北巡至蟠羊山秋七月乙卯還宮癸酉西巡獵祚山親射猛虎獲之遂至

於河八月庚子大獮於瀆渚九月庚戌還宮壬申宋人來聘冬十月己亥行幸代十二月丙申西巡雲中

七年春正月甲辰朔自雲中西幸屋寶城賜從者大酺三日二月丙戌還宮三月乙丑河南王曜薨夏四月甲戌封皇子燾為太平王拜相國加大將軍丕為樂平王加車騎大將軍彌為安定王加衛大將軍範為樂安王加中軍大將軍健為永昌王加撫軍大將軍崇為建寧王加輔國大將軍俊為新興王加鎮軍大將軍獻懷長

欽定四庫全書

南北朝史合注

卷八十七

公主子嵇敬為長樂王拜大司馬大將軍初帝服寒食散頻年發動不堪萬幾五月立太平王燾為皇太子臨朝聽政是月宋武帝殂秋九月詔司空奚斤等帥師伐宋乙巳幸灑南宮遂如廣寧己酉詔皇太子率百國以法駕田於東苑車乘服物皆以乘輿之副辛亥築平城外郭周回三十二里辛酉幸嶠山遣使者祠黃帝唐堯廟因東幸幽州見耆年問其所苦賜以爵號分遣使者巡行州郡觀察風俗冬十月甲戌車駕還宮復所過田



租之半奚斤等濟河攻滑志不拔求濟師帝怒不許議親南征為其聲援壬辰出自天門關踰恒嶺四方藩附大人各帥所部從者五萬餘人十一月皇太子親統六軍至塞上安定王彌與北新公安同居守丙午曲赦司州殊死以下丙辰次於中山問民疾苦十二月丙戌行幸冀州存問民俗遣壽光侯叔子達等率眾自平原東度徇下青兗諸郡

八年春正月丙辰行幸鄴存問民俗司空奚斤既平兗

欽定四庫全書

南北史合注 卷八十七

十一

豫還圍虎牢宋守將毛德祖距守不下柔然犯塞二月戊辰築長城於長川之南起自赤城西至五原延袤二千餘里備置戍衛三月乙卯濟自靈昌夏四月丁卯幸成臯觀虎牢城內之水懸綆汲河帝令連艦上施轆轤絕其汲路又穿地道以奪其井丁丑幸洛陽觀石經閏月丁未還幸河內北登太行幸高都已未虎牢潰士眾大疫死者十二三辛酉幸晉陽班賜王公已下至於厮役五月丙寅還次鴈門皇太子率百官以從八月幸馬

邑觀於灑源九月乙亥還宮冬十月癸卯廣西宮起外牆周回二十里是歲飢詔所在開倉賑給十一月己巳帝崩於西宮時年三十二遺詔以司宮奚斤所獲軍寶賜大臣自司徒長孫嵩以下至士卒各有差十二月庚子上謚曰明元皇帝葬雲中金陵廟稱太宗帝兼資文武禮愛儒生好覽史傳以劉向所撰新序說苑於經典正義多有所闕乃撰新集三十篇採諸經史該洽古義云

欽定四庫全書

南北史合注 卷八十七

十二

是歲宋少主義符景平元年

論曰自古帝王之興誠有天命亦賴累功積德方契靈心有魏奄宅幽方代為君長神元生自天女桓穆勤於晉室冥符人事夫豈徒然昭成以雄傑之姿苞君人之量征伐四剋威被遐荒乃改都立號恢隆大業終百六十歲光宅區中其原因有由矣道武顯晦安危之中屈伸潛躍之際驅率遺黎奮其靈武克翦方難遂啓中原垂拱人神顯登皇極雖冠履不暇棲遑外土而制作經

謨咸出長久所謂大人利見百姓與能抑不世神武也而屯厄有期禍生非慮將人事不足豈天實為之乎明元承運之初屬廓定之始于時狼顧鳩跼猶有窺覲加以天賜之末內難尤甚帝孝心睿畧權正兼運纂業固基內和外撫終能周鄭款服聲教南被祖功宗德其義良已遠矣

愚按魏自道武至西魏恭帝共一百七十一年此云百六十載者止因魏收魏書以東魏紀年耳先有道

欽定四庫全書

南北史合注 卷八十七

武稱代王之登國十年亦未入今并補入



南北史合注卷八十七

欽定四庫全書

南北史合注卷八十八

明 李清撰

北史二



也泰常七年四月封太平王五月立為皇太子及明元帝疾命太子總攝百揆聰明大度意豁如也八月十一

欽定四庫全書

南北史合注 卷八十八

月己巳明元帝崩壬申太子即皇帝位大赦十二月追尊皇妣為密皇太后進司徒長孫嵩爵為北平王司空奚斤為宜城王藍田公長孫翰為平陽王其餘普增爵位各有差于是除禁銅釋嫌疑開倉庫賑窮乏河南流民相率內屬者甚衆

始光元年春正月丙寅定安王彌薨夏四月甲辰東巡幸大寧六月宋徐羨之弒其主義符秋七月車駕還宮八月柔然萬騎入雲中殺畧吏民攻陷盛樂帝帥輕騎



討之虜乃退走九月大簡輿徒于東郊將北討冬十二月遣平陽王長孫翰等討柔然車騎次祚山柔然北遁諸軍追之大獲而還

是歲宋文帝元嘉元年

二年春正月己卯車駕至自北伐三月丙辰尊保母竇氏曰保太后丁巳以北平王長孫嵩為太守平陽王長孫翰為司徒宜城王奚斤為司空庚申營故東宮為萬壽宮起永安樂二殿臨望觀九華堂初造新字千餘

欽定四庫全書

南北史合注 卷八十八

三

魏書載詔曰在昔帝軒命倉頡因鳥獸之跡以立文字自茲以降隨時改作篆隸草楷並行于世然時歷久遠傳習失真今文體錯謬會義不愜非所以示則來世也可制定文字世所用者頒下遠邇永為楷式

夏四月詔龍驤將軍步堆使宋五月詔天下十家發大牛一頭運粟塞上秋八月夏赫連勃勃卒九月永安樂二殿成丁卯大饗以落之冬十月癸卯車駕北伐東西五道並出平陽王長孫翰絕漠追之柔然北走

三年春正月壬申車駕至自北伐秦乞伏熾盤遣使朝貢請討赫連昌二月起太學于城東祀孔子以顏回配夏五月辛卯進中山公纂爵為王復南安公素先爵常山王六月幸雲中舊宮謁陵廟西至五原田于陰山東至和兜山秋七月築馬射臺于長川帝親登臺觀走馬王公諸國君長馳射中者賜金錦繒絮各有差八月車駕還宮宋人來聘帝以夏赫連勃勃卒諸子相攻冬十月丁巳車駕西伐幸雲中臨君子津會天暴寒數日冰

欽定四庫全書

南北史合注 卷八十八

三

合十一月戊寅率輕騎襲赫連昌壬午徙萬餘家而還至祚山班虜獲以賜將士各有差十二月詔奚斤西據長安秦隴氏羌皆叛昌詣斤降武都王楊玄及北涼沮渠蒙遜等使使內附

四年春正月乙酉車駕至自西伐賜留臺文武各有差徙民在道多死到者十六七己亥行幸幽州夏赫連昌遣其弟定向長安帝聞之遣就陰山伐木造攻具二月車駕還宮三月丙午詔金吾桓貸造橋于君子津丁丑



廣平王連薨夏四月丁未詔員外散騎常侍步堆使于  
宋五月車駕西攻夏赫連昌次拔隣山築城舍輜重以  
輕騎三萬先行戊戌至黑水帝親祈天告祖宗之靈而  
誓衆六月癸卯朔日有蝕之甲辰大破昌昌奔上邽乙  
巳車駕入城擄昌羣弟及其母妹妻妾宮人萬數府庫  
珍寶車旗器物不可勝計

魏書曰獲馬三十餘萬匹牛羊數千萬

辛酉班師留常山王素執金吾桓貸鎮統萬秋七月己

欽定四庫全書

南北史合注  
卷八十八

四

卯築壇于祚嶺戲馬馳射賜中者金帛繒絮各有差柔  
然寇雲中間破赫連昌懼而逃八月壬子車駕至自西  
伐飲至策勳告宗廟班軍實以賜留臺百寮各有差冬  
十一月以氏王楊玄為假征南大將軍都督梁州刺史  
南秦王十二月行幸中山守宰貪汙免者十數人癸卯  
車駕還宮復所過田租之半

神麤元年春正月以天下守令多非法精選忠良悉代  
之辛未京兆王黎薨二月改元司空奚斤進軍安定監

軍侍御史安頡出戰禽夏王昌其餘衆立昌弟定為主  
走還平涼三月辛巳侍中古弼送赫連昌至京師司空  
奚斤追赫連定于平涼馬鬣嶺為定所擒將軍丘堆先

在安定聞斤敗東走長安帝大怒詔頡令斬之夏四月

夏赫連定遣使來聘帝詔諭之壬子西巡戊午帝由子

河西大赦南秦王楊玄遣使朝貢五月秦乞伏熾盤卒

六月行幸長川秋七月還宮八月東幸廣寧臨觀溫泉

以太牢祭黃帝堯舜廟九月還宮冬十月田于牛川是

欽定四庫全書

南北史合注  
卷八十八

五

月還宮十一月乙未朔日有蝕之是月行幸河西大校  
獵十二月甲申還宮

二年夏四月宋人來聘庚寅車駕北伐五月丁未次于

沙漠舍輜重輕騎兼馬至粟水柔然震怖焚廬舍絕跡

西走冬十月振旅凱旋于京師告于宗廟列置新人于

漠南東至蠕源西暨五原陰山竟二千里十一月西巡

田于河西至祚山而還

三年春正月庚子車駕還宮壬寅大赦癸卯行幸廣甯



臨溫泉作溫泉歌二月丁卯司徒平陽王長孫翰薨戊辰車駕還宮壬寅大赦進會稽公赫連昌為秦王夏四月甲子行幸雲中勅勅萬餘落叛走詔尚書封鐵

魏書封鐵作劉潔

追滅之五月戊午論討勅勅功大明賞罰

魏書載詔曰夫士之為行在家必孝處朝必忠然後身榮于時名揚後世近遣尚書封鐵剪除亡命其所部將士有盡忠竭節以殞軀命者今皆追贈爵號武

欽定四庫全書

南北史合注 卷八十八

六

有蹈鋒鏑履難以自効者以功次進位或有故違軍法私離幢校者以軍法行戮夫有功蒙賞有罪受誅國之常典不可暫廢其宣勅內外咸使聞知

秋七月己亥詔諸征鎮將軍王公杖節邊遠者聽開府辟召其次增置吏員庚子詔大鴻臚卿杜超假節都督冀定相三州諸軍事行征南大將軍太宰進爵為王鎮鄴為諸軍節度八月宋將到彥之自清水入河汧河西行丙寅彥之遣將度河攻治坂冠軍將軍安頡督諸軍

大破之九月癸卯立密太后廟于鄴甲子行幸統萬遂征平涼是月燕馮跋卒弟弘殺其太子自立冬十月乙卯冠軍將軍安頡濟河攻洛陽丙子拔之辛巳安頡平虎牢十一月己酉車駕至平涼己亥行幸安平庚子帝自安定還臨平涼遂掘塹固守之行幸紐城安慰初附赦秦隴之人賜復七年辛酉安頡帥諸軍攻滑臺北涼沮渠蒙遜遣使朝貢壬寅封壽光侯叔孫建為丹陽王十二月丁卯夏赫連定弟社于度洛孤面縛出降平涼

欽定四庫全書

南北史合注 卷八十八

七

平收其珍寶定長安臨晉武功守將皆奔走關中平士申車駕東還但留巴東公延普等鎮安定

四年春正月壬午車駕次木根山大饗羣臣丙申宋將檀道濟王仲德從清水至滑臺丹陽王叔孫建汝陰公長孫道生拒之道濟不敢進是月夏赫連定滅秦乞伏慕末二月辛酉安頡司馬楚之平滑臺癸酉車駕還宮飲至策勲告于宗廟賜留臺百官各有差戰士賜復十年定州民饑詔開倉賑之宋將檀道濟王仲德東走三



月庚戌冠軍將軍安頡獻宋將萬餘人甲兵三萬夏六月夏赫連定北襲沮渠蒙遜為吐谷渾慕瓚所執閏月乙未柔然遣使朝貢詔散騎侍郎周紹使于宋秋七月己酉行幸河西起承華宮八月乙酉涼沮渠蒙遜遣子安周入侍吐谷渾慕瓚遣使奉表請送赫連定己丑以慕瓚為大將軍封西秦王九月癸丑車駕還宮庚申加大尉長孫嵩柱國大將軍以左光祿大夫崔浩為司徒征西大將軍長孫道生為司空癸亥詔兼太常李順持

欽定四庫全書

南北史合注  
卷八十八

八

節拜河西王沮渠蒙遜為假節加侍中都督涼州持節及西域羌戎諸軍事行征西大將軍太傅涼州牧涼王壬申詔曰

冊府元龜載詔一段 頃逆命縱逸戎車屢駕今二寇推珍方將偃武修文理廢職舉逸民拔幽延僞昧旦思求師輔

范陽盧玄博陵崔綽趙郡李靈河間邢穎渤海高允廣平游雅太原張偉等皆賢雋之胄冠冕州邦有羽儀之

用易曰我有好爵吾與爾靡之如玄之比隱跡衡門下

曜名譽者盡勅州郡以禮發遣遂徵玄等州郡所遣至者數百人皆差次序用冬十月戊寅詔司徒崔浩改律令行幸漠南十一月丙辰北部勅勒莫弗庫若干率其部數萬騎驅鹿獸數百萬詣行在所帝因而大狩以賜從者勒石漠南以紀功德宜城王奚斤坐事降爵為公十二月車駕還宮

欽定四庫全書

南北史合注  
卷八十八

九

延和元年春正月丙午尊保太后為皇太后立皇后赫連氏以皇子晃為皇太子謁于太廟大赦改元

魏書載己巳詔修廢官舉僞逸蠲除煩苛更定科制務從儉約

三月丁未追贈夫人賀氏為皇后壬申西秦王吐谷渾慕瓚送赫連定于京師夏五月宋人來聘六月庚寅車駕伐燕馮弘詔尚書左僕射安原等屯于漠南以備柔然辛卯詔兼散騎常侍鄧穎使于宋秋七月己巳車駕至和龍穿壘守之是月築東宮九月己卯車駕西還徙



營邱成周遼東樂浪帶方玄菟六郡人三萬家于幽州  
開倉賑之冬十月吐谷渾慕瓚遣使朝貢十一月己巳  
車駕至自和龍十二月己丑燕馮弘子長樂公崇及其  
母弟朗朗弟邈以遼西內屬先是辟召賢良而州郡多  
逼遣之詔以禮申喻任其進退

魏書載詔曰朕除偽平暴思得英賢緝熙治道故詔  
州郡搜揚隱逸進舉賢俊古之君子養志衡門德成  
業就才為世用或雍容雅步三命而後至或棲棲皇

欽定四庫全書

南北史合注 卷八十八

皇負鼎而自達雖徇尚不同濟時一也諸名人皆當  
以禮申諭任其進退何逼遣之有比刺史守宰宣揚  
失指彰朕不德自今以後各令鄉閭推舉守宰但宣  
朕虛心求賢之意既至當待以不次隨才文武任之  
政事其明宣勅咸使聞知

二年春正月庚午詔兼鴻臚卿李繼持節假馮崇車騎  
大將軍遼西王承制聽置尚書己下壬午行幸河西詔  
兼散騎常侍宋宣使于宋夏四月壬子車駕還宮涼沮

渠蒙遜卒以其子叔健為車騎將軍改封西河王五月  
己亥行幸山北六月遣永昌王健尚書左僕射安原督  
諸軍攻燕子和龍辛巳詔樂安王範發秦雍兵一萬築  
小城于長安城內秋八月燕遼西王馮崇上表求說降  
其父帝不聽九月宋人來聘并獻馴象一戊午詔兼大  
鴻臚卿崔贍持節拜征虜將軍楊難當為征南大將軍  
儀同三司封西秦王冬十一月車駕自山北還宮十二  
月己巳大赦辛未幸陰山北詔兼散騎常侍盧玄使于

欽定四庫全書

南北史合注 卷八十八

三年春正月乙未車駕次于女水大饗羣臣戊戌馮弘  
遣使求和帝不許丙辰南秦王楊難當尅漢中送雍州  
流人七千家于長安二月戊寅詔以頻年屢征有事西  
北運輸之役百姓勤勞令郡縣括貧富為三級富者租  
賦如常中者復二年不窮者復三年

冊府元龜載詔曰朕承統之始四方未賓蠕蠕陸梁  
于漠北鐵弗肆虐于三秦是以旰食忘寢抵掌扼腕



頻年屢征有事西北運輸之役百姓勤勞妨失農業  
遭罹水旱致使貧富不均未得家給人足或寒窮不  
能自贍朕甚閔焉今兵革漸寧宜寬徭賦與民休息  
富者如常中戶改復刺史守宰當務公平不得阿容  
辛卯車駕還宮三月甲寅行幸河西閏月甲戌秦王赫  
連昌叛走河西候將格殺之驗其謀反羣弟皆伏誅已  
卯車駕還宮進彭城公粟爵為王四月丁未行幸河西  
六月還宮秋七月辛巳東宮武備置屯衛三分西宮之  
欽定四庫全書 南北史合注 卷八十八 三  
一壬午行幸美稷遂至隰城命諸軍討山胡白龍于河  
西九月戊子尅之斬白龍及其將帥屠其城冬十一月  
車駕還宮十二月甲辰行幸雲中  
太延元年春正月乙未朔日有蝕之壬午降死罪刑已  
下各一等癸未出道武明元宮人令得嫁甲申大赦改  
元

冊府元龜載是年詔曰勸農平賦宰民所專急盡力  
三時黎元所克濟自今以後郡縣不得妄遣吏卒攪

擾民庶若有調發縣宰集三老計資定課哀多益寡  
不得縱富督貧避強侵弱牧守荷治民之任當揚化  
順典與國同憂直道正身肅居官次不亦可乎  
二月庚子詔長安及平涼人徙在京師其孤老不能自  
存者聽還鄉里丁未車駕還宮夏五月庚申集宜都公  
穆壽為宜都王汝陰公長孫道生為上黨王宜城公奚  
斤為恒農王廣陵公屢伏連為廣陵王遣使者二十輩  
使西域甲戌行幸雲中六月甲午詔曰去春小旱東作  
欽定四庫全書 南北史合注 卷八十八 三  
不茂憂勤尅已祈請靈祇豈朕精誠有感何報應之速  
雲雨震洒流澤霑渥有鄙婦人持方寸玉印詣潞縣侯  
孫家既而亡去莫知所在印有三字為龍鳥之形要妙  
奇巧不類人迹文曰早疫平推尋其理蓋神靈之報應  
也比者以來禎瑞仍臻甘露流液降于殿內嘉瓜合蒂  
生于中山野木連理植于魏郡在先后載誕之鄉白鷺  
集于盛樂舊都玄鳥隨之蓋有千數嘉禾頻歲合秀于  
恒農白兔並見渤海白雉三隻又集于平陽太祖之廟



天降嘉貺將何德以酬之其令天下大酺五日禮報百神守宰祭域內名山大川上答天意丙午秋七月田于桐陽巳卯樂平王丕等五將東伐至燕和龍徙男女六千口而還八月丙戌行幸河西九月車駕還宮冬十月癸卯尚書左僕射安原謀反伏誅甲辰行幸定州次于新城宮十一月巳巳校獵于廣川丙子行幸鄴祀宥太后廟諸所過親問高年褒禮賢後十二月癸卯遣使者以太牢祀北岳是年柔然秉持焉耆車師高麗鄯善等

欽定四庫全書

南北史合注 卷八十八

國並遣使朝貢

水經注載是月車駕東巡至廣昌嶺嶺高四十餘里帝停道側援弓射之飛矢踰岩後立御射碑

二年春正月甲寅車駕還宮二月戊子燕馮弘遣使朝貢來送侍子帝不許壬辰遣使十餘輩詣高麗東夷諸國詔喻之三月丙辰宋人來聘辛未遣平東將軍姚清安西將軍古弼討燕馮弘弘求救于高麗高麗遣其大將葛蔓盧迎之夏四月甲寅皇子小兒苗兒並薨五月

乙卯燕王馮弘奔高麗戊午詔散騎常侍封檢使高麗徵送馮弘丁卯行幸河西赫連定之西也楊難當竊據上邽秋七月庚戌命樂平王丕等討之詔散騎常侍游雅使于宋八月丁亥遣使六輩使西域帝校獵于河西詔廣平王張黎發定州七郡一萬二千人通莎泉道甲辰九月庚戌樂平王丕等至畧楊難當奉詔攝上邽守高麗不送馮弘帝將伐之納樂平王丕計而止冬十一月巳酉幸桐陽驅野馬于雲中置野馬苑閏月壬子車

欽定四庫全書

南北史合注 卷八十八

駕還宮乙丑改封潁川王提為武昌王河西沮渠渠牧

捷遣使朝貢是歲吐谷渾慕璿死沙車國遣使朝貢三年春正月癸未中山王纂薨戊子太尉北平王長孫嵩薨乙巳丹陽王叔孫建薨二月乙卯行幸幽州存恤孤老問民疾苦還幸上谷遂至代所過復田租之半三月巳卯車駕還宮丁酉宋人來聘夏五月巳丑詔天下吏民得舉告守宰不如法者丙申行幸雲中秋七月戊子使永昌王健上黨王長孫道生討山胡白龍餘黨于河



西滅之八月甲辰行幸河西九月甲申車駕還宮丁酉遣使者拜西秦王慕璜弟慕利延為鎮西大將軍儀同三司改封西平王冬十月癸卯行幸雲中十一月壬申車駕還宮是歲北涼王沮渠牧犍世子封壇來朝高麗契丹龜茲悅服焉者車師粟特疏勒烏孫渴盤陁鄯善破落者舌等國各遣使朝貢

四年春三月庚辰鄯善王弟素延者來朝癸未罷沙門年五十以下江陽王根薨是月高麗殺故燕王馮弘夏

欽定四庫全書

南北史合注  
卷八十八

五

五月戊寅大赦秋七月壬申車駕北伐冬十一月丁卯朔日有蝕之十二月車駕至自北伐上洛巴泉單等相率內附詔兼散騎常侍高雅使于宋

五年春正月庚寅行幸定州三月辛未車駕還宮庚寅以故南秦王世子楊保宗為征南大將軍秦州牧武都王鎮上邽夏五月癸未遮逸國獻汗血馬六月甲辰車駕西伐涼沮渠牧犍侍中宜都王穆壽轉輔皇太子決留臺事大將軍長樂王稽敬輔國大將軍建寧王崇二

萬人屯南漠以備柔然秋七月己巳車駕至上都屬國城大饗羣臣講武馬射壬午留輜重分部諸軍八月丙申車駕至姑藏牧犍兄子祖踰城來降乃分軍圍之九月丙戌涼牧犍與左右文武五千人面縛軍門帝解之縛待以藩臣之禮牧其城內戶口二十餘萬倉庫珍寶不可稱計進張掖公禿髮保周爵為王與龍驤將軍穆熊安遠將軍源駕分畧諸郡牧犍弟張掖太守宜得西奔酒泉與太守無諱復奔晉陽樂都太守安周南奔吐

欽定四庫全書

南北史合注  
卷八十八

十七

谷渾戊子柔然犯界遂至七界山京都大駭皇太子命上黨王長孫道生等拒之冬十月辛酉車駕還宮徙涼州人三萬餘家于京師留樂平王丕征西將軍賀多羅鎮涼州癸亥遣張掖王禿髮保周喻諸部鮮卑保周因率諸部叛于張掖十一月乙巳宋人來聘并獻馴象一十二月壬午車駕至自西伐飲至策勳告于宗廟楊難當寇上邽鎮將元勿頭討走之是歲鄯善龜茲疏勒焉耆高麗粟特渴盤陁破那悉半居等國並遣使朝貢



太平真君元年正月己酉沮渠無諱圖酒泉辛亥分遣侍臣巡行州郡觀察風俗問民疾苦二月己巳詔假通直常侍邢穎使于宋發長安人五千浚昆明池

魏書靈徵志載是月有黑風竟天廣五丈餘

三月酒泉陷夏四月戊午朔日有蝕之庚辰沮渠無諱寇張掖禿髮保周屯剛丹

魏書載丙戌詔撫軍永昌王健等督諸軍討保周

五月辛卯行幸北部丙辰車駕還宮六月丁丑皇孫濬

欽定四庫全書

南北史合注 卷八十八

生大赦改元秋七月行幸陰山己丑永昌王健大破禿髮保周走之丙申保太后竇氏殂于行宮癸丑保周自殺傳首京師八月甲申沮渠無諱降九月壬寅車駕還宮冬十一月丁丑行幸山北十二月還宮是歲州鎮十五饑詔開倉賑恤以河間王暉子羯兒為河間王後改封畧陽王

二年春正月癸卯拜沮渠無諱為征南大將軍涼州牧酒泉王甲辰行幸溫泉二月還宮三月辛卯葬惠太后

于崞山庚戌新興王俊畧陽王羯兒有罪黜為公辛亥封柔然郁久間乞歸

魏書作及列歸

為朔方王沮渠萬年為張掖王夏四月丁巳宋人來聘五月辛卯行幸山北秋八月辛亥詔散騎侍郎張偉使于宋行幸河西九月戊戌永昌王健薨冬十一月庚子鎮南大將軍奚眷平酒泉十二月甲戌車駕還宮丙子宋人來聘

欽定四庫全書

南北史合注 卷八十八

三年春正月甲申帝至道壇親受符籙備法駕旗幟盡青三月壬寅北平王長孫頽有罪削職為侯夏四月酒泉王沮渠無諱走度流沙據鄯善李暹孫寶據敦煌遣使內附五月行幸陰山北閏月南秦王楊難當為宋所敗奔上邽六月丙戌難當朝于行宮先是起殿于陰山北殿成而難當至因曰廣德焉秋七月詔討仇池八月甲戌晦日有蝕之冬十月己卯封皇子伏羅為晉王翰為秦王譚為燕王建為楚王余為吳王十二月己巳太



保襄城公盧魯元卒丁酉車駕還宮李寶遣伏朝貢以寶為鎮西大將軍開府儀同三司沙州牧敦煌公

四年春正月庚午行幸中山二月丙子次于恒山之陽詔有司刊石勒銘是月尅仇池三月庚申車駕還宮夏四月武都王楊保宗謀反諸將擒送京師氏羌復推保宗弟文德為主圍仇池六月詔復民貲賦三年其田租歲輸如常牧守不得妄有徵發違者有司彈糾勿縱癸巳大閱于西郊九月辛丑行幸漠南甲辰拾輜重以輕

欽定四庫全書

南北史合注

五

騎襲柔然分軍為四道冬十一月甲子車駕還至朔方詔曰朕平暴除亂二十年矣夫陰陽有往復四時有代謝授子任賢古今令典其令皇太子副理萬幾總統百揆諸功臣勤勞日久皆當以爵歸第隨時朝請饗宴朕前論道陳謨而已不宜復煩以劇職更舉賢俊以備百官明為科制以稱朕心十二月辛卯車駕至自北伐五年春正月壬寅皇太子始總百揆侍中中書監宜都王穆壽司徒東都公崔浩侍中廣平公張黎侍中建興

公古弼輔太子以決庶政諸上書者皆稱臣上疏儀與

表同戊申詔自王公已下至庶人私養沙門巫及金銀工巧之人在其家者皆遣詣官曹限今年二月十五日過期不出巫沙門身死主人門誅庚戌詔自三月以下至鄉士其子息皆詣太學其百工伎巧驕卒子息當習父兄所業不聽私立學校違者師身死主人門誅二月辛未中山王辰等八人以北伐後期斬于都南癸酉樂平王丕薨庚辰行幸廬

欽定四庫全書

南北史合注

五

魏書靈徵志曰真君五年二月張掖郡上書往曹氏之世邱池縣大柳谷山石表龍馬之形石馬脊文曰大討曹氏而晉氏代魏今石文記國家祖宗諱者受命之符乃遣使圖寫其文大石有五皆青質白章成文字其二石記張呂已然之効其三石記國家祖宗至今其文記昭成皇帝諱繼世四六天法平天下大安凡十四字次記太祖道武帝諱應王載記千歲凡七字次記太宗明元皇帝諱長子二百二十年凡



八字次記太平天王繼世主治凡八字次記皇太子  
諱昌封太山凡五字初帝封太平王天文圖錄又受  
太平真君之號與石文相應太宗名諱後有一人象  
携一小兒見者皆曰帝愛皇孫提携卧起不離左右  
此即上象靈契

三月戊辰大會于鄒南遣使者四輩使西域甲辰車駕  
還宮夏四月乙亥太宰陽平王杜超為帳下所殺五月  
丁酉行幸陰山北六月西平王吐谷渾慕利延殺其兄

欽定四庫全書

南北史合注 卷八十八

三

子緝代立緝弟叱力延等來奔乞師以叱力延為歸義  
王秋八月乙丑田于河西壬午詔員外散騎常侍高濟  
使于宋九月帝自河西至馬邑觀于崞川己亥車駕還  
宮丁未行幸漠南冬十月癸未晉王伏羅大破慕利延  
走奔白蘭其部一萬三千內附十一月宋人來聘十二  
月丙戌車駕還宮是歲粟特國遣使朝貢

六年春正月辛亥幸定州引見長老存問之詔兼員外  
散騎常侍宋愔使于宋二月遂西幸上黨觀連理樹于

玄氏至吐京討徙叛胡出配郡縣焉三月庚申車駕還  
宮詔諸有疑獄皆付中書以經義量決夏六月戊子朔  
日有蝕之壬辰北巡秋八月壬辰散騎常侍成周公萬  
度歸以輕騎至鄯善執其王真達與詣京師帝大悅厚  
待之車駕幸陰山北次于廣德王詔發境內兵三取一  
各當戒嚴以須後命徙諸種雜人五千餘家于北邊令  
民北徙畜牧至廣漠以餌柔然壬寅征西大將軍高涼  
王那等討吐谷渾慕利延軍到曼頭城慕利延驅其部

欽定四庫全書

南北史合注 卷八十八

三

落西度流沙那急追故西秦王慕瑣子被囊逆軍拒戰  
那擊破之中山公杜豐追度三危至雪山擒被囊及慕  
利延兄子什歸乞伏熾盤子成龍送京師慕利延遂西  
入于闐國九月廬水胡蓋吳聚眾反于杏城冬十一月  
高涼王那振旋還京師庚申遼東王寶漏頭薨河東蜀  
薛永宗聚黨入汾曲西道蓋吳受其位號蓋吳自號天  
台王署百官辛未車駕還宮選六州兵勇猛者使永昌  
王仁高涼王那分領為二道南畧淮泗以北徙青徐之



人實河南癸未西巡

七月春正月戊辰車駕次東雍禽薛永宗斬之其男女無少長皆赴水死辛未南幸汾陰蓋吳退走北地二月丙戌幸長安存問父老丁亥幸昆明池遂田于岐山之陽所過誅與蓋吳通謀反害守將者三月詔諸州坑沙門毀諸佛像

魏書釋老志曰帝與崔浩皆信寇謙之道浩尤不信佛數加非毀常謂虛誕為世賈害帝以其辨博頗信

欽定四庫全書

南北史合注  
卷八十八

五

之會蓋吳反杏城關中騷動帝西伐至長安寺內沙門飲從官酒入其便室見有弓矢矛楯帝怒曰此非沙門所用當與蓋吳通謀規害人耳命有司案誅一寺閱其財產大得釀酒具及州郡牧守富人所寄藏物以萬計又為窟室與貴室女私淫帝忿沙門非法浩時從行因進其說詔誅長安沙門毀破佛像勅留臺下四方一依長安行事又詔自王公以下有私養沙門者皆送官曹限今年二月十五日不出沙門身

死容止者門誅時景穆為太子監國素敬佛道頻來

陳殺沙門之濫又非圖像罪今罷其道杜諸寺門世不脩奉自然毀滅如是再三不允乃下詔曰昔後漢荒君信惑邪偽妄假睡夢以亂天常夸誕大言後世眩焉由是政教不行禮義大壞五服之內鞠為邱墟朕除偽定真滅其蹤跡自今以後敢有事胡神及造泥人銅人者門誅有非常之人乃能行非常之事非朕孰能去此歷代偽物有司其宣告州郡諸軍刺史

欽定四庫全書

南北史合注  
卷八十八

五

諸有佛像胡書皆擊破焚燒沙門無少長悉坑之雖不用太子言然猶緩宣詔遠近皆豫聞得各為計四方沙門多亡匿在京邑者亦蒙金銀寶像及諸經論大得秘藏而土木宮塔聲教所及莫不畢毀矣徙長安城內工巧二千家于京師夏四月甲申車駕至自長安戊子毀鄴城五層佛圖於泥像中得玉璽二其文皆曰受命于天既壽永昌其一刻其旁曰魏所受漢傳國璽五月蓋吳復聚杏城自號秦地王丙戌發司幽



定冀四州十萬人築畿上塞圖起上谷西至于河廣袤皆千里六月癸未朔日有蝕之秋八月蓋吳為其下人所殺傳授京師復畧陽公羯兒王爵

八年春正月癸未行幸中山三月河西王沮渠牧犍坐

罪賜死徙定州丁零三千家于京師夏五月車駕還宮

六月西征諸將扶風公處等八將坐盜沒軍資所在擄

掠賊各千萬計並斬之秋八月樂安王範薨冬十一月

侍中中書監宜都王穆壽薨十二月晉王伏羅薨

欽定四庫全書

南北史合注 卷八十八

九年春正月宋人來聘二月癸卯行幸定州山東民饑

詔開倉賑之罷塞圍作遂西幸上黨詔于壺關東北大

王山累石為三封又斬其鳳凰山南足以斷之三月車

駕還宮五月甲戌以交趾公韓拔為假征西將軍領護

西戎校尉鄯善王鎮鄯善賦役其民比之郡縣六月辛

酉行幸廣德宮丁卯悅般國遣使求與王師俱討柔然

帝許之秋八月詔中外諸軍戒嚴九月乙酉練兵于西

郊丙戌幸陰山是月成周公萬度歸千里驛上大破焉

者國其王鳩尸卑那奔龜茲冬十月辛丑恒農王奚斤薨癸卯以婚姻奢靡喪葬過度詔有司更為科限癸亥大赦十二月詔成周公萬度歸自焉支西討龜茲皇太子朝于行宮遂從北討至受降城不見柔然因積糧城內留守而還北平王長孫敦坐事降爵為公

十年春正月戊辰朔帝在漠南大饗百寮甲戌柔然吐

賀真懼遠遁三月蒐于河西庚寅車駕還宮夏四月丙

申朔日有蝕之五月庚行幸陰山九月閱武于磧山

欽定四庫全書

南北史合注 卷八十八

遂北伐冬十月庚子皇太子及羣官奉迎于行宮十二

月戊申車駕至自北伐已酉以平昌公託真為中山王

是歲浮圖沙國及龜茲疏勒破落那員闞諸國並遣使

朝貢

十一年春正月乙丑行幸洛陽所過郡國皆親對高年

存恤孤寡二月甲午大蒐于梁州皇子真薨是月大脩

宮室皇太子居于北宮車駕遂征懸瓠夏四月癸卯車

駕還宮賜從者及留臺郎吏已上生口各有差六月己



亥殺司徒崔浩辛丑北巡陰山秋七月宋將王玄謨攻滑臺八月辛亥田于河西癸未練兵于西郊九月辛卯車駕南伐癸巳皇太子北伐屯于漠南吳王余留京師都庾子曲赦定冀相三州死罪已下冬十月己丑車駕濟河玄謨棄軍而走乃命諸軍分道並進車駕自中道宋書索虜傳曰見秦始皇石刻使人排仆之使使者以太牢祭孔子是月頰眉國獻獅子十二月丁卯車駕至淮詔刈崔韋作筏數萬而濟

欽定四庫全書

南北史合注  
卷八十八

三

魏書島夷傳曰高涼王那出山陽永昌王仁于壽陽出橫江凡所經過莫不風靡

癸未車駕臨江起行宮于瓜步山諸軍皆臨江

魏書天象志曰騎士六十萬列屯三千餘里 又島

夷傳曰義隆大懼欲走吳會疑史臣甚辭

其降附者不可勝數甲申宋文帝使獻百牢貢其方物又請進女於皇孫以求和好帝以師婚非禮許和而不許婚

按宋書魏書皆以魏請婚結親言不許婚者誇辭也當從宋書

使散騎侍郎夏侯野報之帝詔皇孫為書致馬通問正平元年春正月丙戌朔大會羣臣于江上文武受爵者二百餘人丁亥車駕北旋二月癸未次魯口皇太子朝于行宮三月己亥車駕至自南伐飲至策勳告于宗廟以降人五萬餘家分置近畿賜留臺文武所獲軍資生口各有差夏五月壬寅大赦六月壬戌改元車師國

欽定四庫全書

南北史合注  
卷八十八

三

王遣子入侍詔以刑網太密犯者更衆命有司其案律令務求厥中其餘有不便于人者依比增損詔太子少傅游雅中書侍郎胡方回等改定律制畧陽王羯兒高涼王那有罪賜死戊辰皇太子薨壬申葬景穆太子于金陵秋七月丁亥行幸陰山省諸曹吏員三分之一九月癸巳車駕還宮冬十月庚申行幸陰山宋人來聘詔殿中將軍郎法祐使於宋己巳司空上黨王長孫道生薨十二月丁丑車駕還宮封皇孫濬為高陽王尋以皇



孫世嫡不宜在藩乃止改封秦王翰為東平王燕王譚為臨淮王楚王建為廣陽王吳王余為南安王是歲破落那爾賓迷密諸國皆遣使朝貢

二年春正月庚辰朔南來降人五千餘家于中山謀叛州軍討平之冀州刺史張掖王沮渠萬年與降人通謀賜死三月中常侍宗愛弒帝帝崩于永安宮時年四十五秘不發喪愛又矯皇后令殺東平王翰迎南安王余立之大赦改元為承平尊諡曰太武皇帝葬金陵雲中

欽定四庫全書

南北史合注 卷八十八

廟號世祖帝生不逮密太后及有所識言則悲慟哀感傍人明元聞而嘉歎及明元不豫衣不釋帶性清儉率素服御飲膳取給而已不好珍麗食不二味所幸昭儀貴人衣無兼綵羣臣白帝峻京邑城隍從周易設險之義又陳蕭何壯麗之色帝曰古人有言在德不在險屈丐蒸土築城而朕滅之豈在城也今天下未平方須民力土功之事朕所未為蕭何之對非雅言也每以財者軍國之本無所輕費至于賞賜皆勲績之家親戚愛寵

未嘗橫及臨敵常與士卒同在矢石間左右死傷相繼帝神色自若是以人思効命所向無前命將出師指授節度從命者無不制勝違與者率多敗失

本史陸侯傳曰安定盧承勳起等叛帝命侯往鎮長安諭之曰起等恃險不順王命若以重兵與卿則起等必合為一據險拒戰若以輕兵與卿則不制矣今使卿以方畧定之侯單馬之鎮卒以計平起等魏書劉潔傳曰勅勸新民苦將吏侵漁咸出怨言潔與

欽定四庫全書

南北史合注 卷八十八

安原奏請及河水未解徙之河西庶冰解不得度走帝曰此等習俗放散日久似園中鹿急則衝突緩則定吾處之有道不煩徙也潔等固執乃定徙二萬餘落于河西新民果驚駭北走饑死者枕藉性又知人拔士於卒伍唯才所長不論本末兼甚嚴斷明于刑賞功者賞不遺賤罪者刑不避親雖寵愛之終不虧法帝曰法者朕與天下同之何敢輕也故大臣犯法無所寬假雅善聽察瞬息間下無以措其姦隱然果



于誅戮後多悔之

愚按此宋人進魏書表所以稱太武暴戾過聰虎也當以族崔浩與南伐不禁殺戮當之其他赦高允之死容古弼歐劉樹之狂直又非道武可及乃察以暴戾過矣

高宗文成皇帝諱濬景穆皇帝長子母曰閻氏真君元年六月生于東宮高宗少聰達太武長置左右號世嫡皇孫年五歲太武北巡高宗從在後逢虜帥桎一奴將

欽定四庫全書

南北史合注  
卷八十八

加罰高宗謂奴今遭我汝宜釋之帥奉命解縛太武聞之曰此兒雖小欲以天子自處意奇之及長風格異常每參決大政可否正平二年三月中常侍宗愛弒逆立南安王余十月丙午又賊余于是殿中尚書長孫渴侯與尚書陸麗奉迎世嫡皇孫

興安元年冬十月戊申皇孫即位于永安前殿大赦改正平二年為興安以驃騎大將軍元壽樂為大宰都督中外諸軍錄尚書事以尚書長孫渴侯為尚書令儀同

三司十一月丙子二人爭權並賜死癸未廣陽王建臨淮王譚薨甲申皇妣閻氏崩進平南將軍宋子侯周怛爵為樂陵王南部尚書常安子陸麗為平原王文武各加位一等壬寅追尊皇考景穆太子為景穆皇帝妣閻氏為恭皇后尊保母常氏為保太后十二月戊申祔葬恭皇后于金陵乙卯初復佛法

冊府元龜載詔曰夫為帝王者必祇奉明靈顯彰二道釋迦如來功濟大千惠流塵境排斥羣邪開演正

欽定四庫全書

南北史合注  
卷八十八

覺前代迄今莫不崇尚世祖太武皇帝開廣邊荒德澤遐及沙門道士風義相感往往如林但山海之深怪物多有是以先朝因其瑕釁戮其有罪有司失旨一切斷禁景穆皇帝每為慨然軍國多事未遑脩復朕承洪緒思述先志今制諸州郡縣于衆居之所各聽建佛圖一區魏書釋老志又曰其好樂道欲為沙門者不問長幼聽其出家是時天下承風朝不及夕往時所毀佛寺仍還修矣佛像經論皆復得顯又



曰僧曇曜以復佛法之明年自中山被命赴京帝奉以師禮後奏平齊戶及諸民有能歲輸穀六十斛入僧曹者即為僧祇戶粟為僧祇粟遇儉歲賑饑又請民犯重罪及官奴以為佛圖戶供諸寺洒掃歲兼營田輸粟高宗並許之于是僧祇戶粟及寺戶徧于州鎮 愚按平齊在顯祖時高祖恐誤

丁巳以樂陵周怛為太尉平原王陸麗為司徒鎮西將軍杜元寶為司空戊寅進建業公陸侯爵為東平王進

欽定四庫全書

南北史合注 卷八十八

廣平公杜遺爵為王癸亥詔以營州蝗開倉賑恤甲子太尉樂陵王周怛有罪賜死進濮陽公問若文爵為王是歲保達沙獵等國遣使朝貢

二年春正月辛巳進司空杜元寶爵為京兆王廣平王杜遺薨進尚書僕射東安公劉尼爵為王封建寧王崇子麗為濟南王癸未詔與百姓雜調十五丙戌進尚書

西平公源賀爵為王二月己未司空京兆王杜元寶謀反伏誅建寧王崇崇子濟南王麗為元寶所引各賜死

乙丑發京師五千人穿天泉池是月宋太子劬弒文帝三月尊保太后為皇太后進安豐公問武皮爵為河間王夏五月宋孝武帝討誅太子劬而自立閏月乙亥太皇太后赫連氏崩秋七月辛亥行幸陰山濮陽王問若文永昌王仁謀反乙卯仁賜死若文伏誅己巳車駕還宮是月築馬射臺于南郊八月戊戌詔曰朕即位以來風雨順序邊方無事眾瑞兼呈又于苑內獲方寸玉印其文曰子孫長壽羣公卿士咸曰休哉豈朕一人克臻

欽定四庫全書

南北史合注 卷八十八

斯應實由天地祖宗降祐所致也思與兆庶共茲嘉慶其令百姓大酺三日降殊死己下囚九月壬子閱武于南郊冬十一月辛酉行幸信都中山觀察風俗十二月甲午車駕還宮復北平公長孫敦王爵是歲踈勒渴盤陀庫莫奚契丹蜀賓等國各遣使朝貢

興光元年春正月乙丑以侍中河南公伊敏為司空二月甲午帝至道壇受圖籙禮畢曲赦京師夏六月行幸陰山秋七月丙申朔日有蝕之庚子皇子弘生辛丑大



赦改元八月甲戌趙王深薨乙亥車駕還宮乙丑皇叔  
武頭龍頭薨九月庫莫奚國獻名馬有一角狀如麟閉  
都門大索三日獲奸人亡命數百人

冊府元龜載是秋勅有司于五級大寺內為太祖已  
下五帝鑄釋迦立像五各長一丈六尺用赤金二十  
五萬斤

冬十一月戊戌行幸中山遂幸信都都邑十二月丙子  
還幸靈丘至溫泉宮庚辰車駕還宮出于叱萬單等國  
欽定四庫全書

南北史合注  
卷八十八

各遣使朝貢

是歲宋孝武帝孝建元年

大安元年春正月辛酉奉太武景穆神主於太廟樂平  
王拔有罪賜死二月癸未武昌王提薨三月己亥以太  
武景穆神主入太廟改元曲赦京師死囚已下夏六月  
壬戌詔名皇子弘曲赦癸酉詔尚書穆真等二十人巡  
行州郡觀察風俗大明賞罰

魏書載詔曰夫為治者因宜設官舉賢任職故上下

和平若官非其人姦邪在位則政教陵遲思明黜陟

以隆治道今遣尚書穆伏真等二十人巡行州郡觀

察風俗入其境農不墾殖田畝多荒則徭役不時廢

于力也者老飯蔬食少壯無衣褐則聚斂煩數匱于

財也閭里空虛民多流散則緩導無方疎于恩也盜

賊公行劫奪不息則恩禁不設失于刑也衆謗並興

大少嗟怨善人隱伏奸邪當途則為法混淆昏于政

也請如此比黜而戮之善為政者褒而賞之其阿枉

欽定四庫全書

南北史合注  
卷八十八

不能自申聽詣使者告狀若信清能衆所稱美誣告  
以求直反其罪使者受財斷察不平聽詣公車上訴  
其不孝父母不敬長上為吏奸暴及為盜賊各具以  
名上容隱者以所匿之罪罪之

冬十月庚午以遼西公常英為太宰進爵為王是歲遮  
逸波斯踈勒等國各遣使朝貢

二年春正月乙卯立皇后馮氏二月丁巳立皇子弘為  
皇太子太赦夏六月羽林中郎于判元提等謀逆伏誅



秋八月田于河西平西將軍漁陽公尉眷北擊伊吾尅其城大獲而還九月辛巳進河東公閻毗零落公閻純爵並為王冬十月甲申車駕還宮甲午曲赦京師十一月改封西平王源賀隴西王噶達普嵐等國各遣使朝貢

三月春正月壬戌改于崞山戊辰車駕還宮徵漁陽公尉春拜太尉進爵為王錄尚書事夏五月庚申改于松山巳巳還宮封皇弟新成為陽平王六月癸卯行幸陰

欽定四庫全書

南北史合注 卷八十八

山秋八月田于陰山之北巳亥還宮冬十月將東巡詔太宰常英起行宮于遼西黃山十二月州鎮五蝗百姓饑使開倉賑給之是歲粟特于闐扶餘五十餘國並遣使朝貢

是歲宋大明元年

四年春正月丙午初設酒禁

魏書刑罰志曰帝以士民多因酒致鬪及議國政故禁之吉凶之會聽開禁有程日又增置內外候官伺

察諸曹及州鎮或徵服雜府寺間求百官過失有司窮治訊掠取服百官賦過二丈皆斬又增律七十九章

乙卯行幸廣甯溫泉宮遂東巡庚午至遼西黃山宮遊宴數日親對高年問勞疾苦二月丙子登碣石山觀滄海大饗羣臣于山上班賞進爵各有差改碣石山為樂遊山築壇記行于海濱戊寅南幸信都田于廣川三月丁未觀馬射于中山所過郡國賜復一年丙辰車駕還

欽定四庫全書

南北史合注 卷八十八

宮起太掖殿乙丑東平王陸侯薨夏六月壬戌詔曰比年以來雜調減省而所在州郡咸有逋懸非在職之官綏蕩失所貪穢過度誰使之然自今常調不充人不安業宰民之徒加以死罪六月丙申田于松山秋七月庚午行幸河西九月丁巳還宮辛亥太華殿成丙寅饗羣臣大赦冬十月甲戌北巡至陰山有故冢毀廢詔曰昔姬文葬枯骨天下歸仁自今有穿墳壠者斬之辛卯次于車輪山累石記行十一月車駕渡漠柔然絕迹遠遁



十二月中山王託真薨

五年春二月己酉司空河南公伊弼卒三月庚寅曲赦京師死罪已下夏四月乙巳封皇弟子推為京兆王五月常居國遣使朝貢六月戊申行幸陰山秋八月庚戌遂幸雲中壬戌還宮九月戊辰

魏書載詔曰夫褒賞必于有功刑罰審于有罪此由來常式牧守蒞民侵食百姓王賦不充雖歲滿去職應計前通正其刑罪而主者失于督察不加彈正使

欽定四庫全書

南北史合注  
卷八十八

有罪者優游獲免無罪者妄受其辜是故啟奸邪之路長貪暴之心豈所謂原情處罪以正天下自今諸遷代者仰列在職殿最案制治罪克舉者加之爵寵有愆者肆之刑戮使能否殊貫刑賞不差主者明為條制以為常楷

儀同三司敦煌公李寶卒冬十二月戊申詔以六鎮雲中高平二雍秦州徧遇災旱年穀不收開倉廩賑之有徙流者諭以桑梓

和平元年春正月甲子朔大赦改元庚午詔散騎侍郎

馮闡使于宋夏四月戊戌皇太后常氏殂于壽安宮五月癸酉葬昭太后于廣甯鳴鷄山六月甲午詔征西大將軍陽平王新城等討吐谷渾什寅崔浩之誅也史官遂廢至是復置秋七月西征諸軍至西平什寅走保南山九月庚申朔日有蝕之是月諸軍濟河追什寅遇瘴氣多病疫乃引還庚午車駕還宮冬十月居常王獻馴象三十一日詔散騎侍郎盧度世使于宋

欽定四庫全書

南北史合注  
卷八十八

二年春正月乙酉詔曰刺史牧民為萬里之表自頃每因發調逼人假貸大商富賈要射時利上下通同分以潤屋為政之弊莫過于此其一切禁絕犯者十疋以上皆死布告天下咸令知禁二月行幸中山遂幸信都三月宋人來聘車駕所過皆親對高年問疾苦詔年八十一子不從役靈邱南有山高百餘丈乃詔羣臣仰射山峯無能喻者帝彎弧發矢出三十餘丈過山南二百二十步遂刊石勒銘



此即水經注所載太武射廣昌嶺一事而誤為文成耶

是月發并肆州五千餘人修河西獵道辛巳車駕還宮  
夏四月乙未河東王閼毗薨五月癸未詔南部尚書黃  
盧頭李敷業考課諸州秋七月戊寅封皇弟小新成為  
濟陰王天賜為汝陰王萬壽為樂良王洛侯為廣平王  
八月波斯國遣使朝貢冬十月詔假員外散騎常侍游  
明根使於宋廣平王洛侯薨

欽定四庫全書 南北史合注 卷八十八

三年春正月壬午以東郡公乙渾為太原王癸未樂良  
王萬壽薨二月壬子朔日有蝕之癸酉田於崞山遂觀  
漁於旋鴻池三月甲申宋人來聘高麗菴王契噶思厭  
於師疏勒石那悉居半渴盤陀等國並遣使朝貢夏六  
月庚申行幸陰山秋七月壬寅幸河西九月壬辰常山  
王素薨冬十月詔員外散騎常侍游明根使于宋十一  
月壬寅車駕還宮十二月乙卯制戰陣之法十有餘條  
因大讐曜兵有飛龍騰蛇魚麗之變以示威武戊午零

陵王閼拔薨

四年春三月乙未賜京師民年七十以上大官厨食以  
終其年皇子胡人薨追封樂陵王乙巳詔諸州鎮守宰  
有擅召役兵民逼雇不程皆論同枉法夏四月癸亥帝  
幸西苑親射虎三頭五月壬辰侍中漁陽王尉眷薨壬  
寅行幸陰山秋七月壬午詔曰朕每歲閏月命羣臣講  
武所幸之處必立宮壇糜費勞損宜仍舊貫何必改作  
八月丙寅遂田于河西詔從官畋獵不得濫殺壬申詔

欽定四庫全書 南北史合注 卷八十八

以饑食賣鬻兒女者盡還其家違者以掠人論九月辛  
巳車駕還宮冬十月以定相二州實霜傷稼免其田租  
詔員外散騎常侍游明根使于宋十二月辛丑詔以喪  
葬嫁娶大禮未備致貴勢豪富越度奢靡命有司為之  
條格使貴賤有章上下咸序著之於令壬寅詔曰婚姻  
人道之始比者以來貴門多不率法或貪利財賂或因  
緣私好在于苟合無所擇選塵穢清化虧損人倫將何  
以宣示典謨垂之來裔今制皇族王公師傅侯伯及士



庶人之家不與百工伎巧卑姓為婚犯者加罪

五年春正月丁亥封皇弟雲為任城王二月詔以州鎮

十四去歲蟲水開倉賑恤夏四月癸卯進封頓邱公李

陵為王閏月戊子帝以旱故減膳責身是夜澍雨大降

五月宋孝武帝殂六月丁亥行幸陰山秋七月壬寅行

幸河西九月辛丑車駕還宮冬十月琅邪侯司馬楚之

卒十二月南秦王楊難當卒吐呼羅國遣使朝貢

六年春正月丙申大赦二月丁丑行幸樓煩宮高麗徒

欽定四庫全書

南北史合注

卷八十八

王對曼等國各遣使朝貢三月戊戌相州刺史西平王

王吐谷渾權卒乙巳車駕還宮夏四月破洛鄆國獻汗

血馬普嵐國獻寶劍五月癸卯帝崩于大華殿時年二

十六六月丙寅奉謚曰文成皇帝廟號高宗八月葬雲

中金陵

魏書食貨志曰高宗以常賦外雜調十五願為煩重

將除之尚書毛法仁以為此軍國費用不可罷帝曰

使地利無窮民力不竭吾孰與不足遂免之未幾復

調如前至顯宗時乃罷

顯祖獻文皇帝諱弘文成皇帝長子母曰李貴人興光

元年七月生于陰山北大安二年二月立為皇太子和

平六年五月甲辰即皇帝位大赦尊皇后曰皇太后車

騎大將軍乙渾鴛詔殺尚書楊保年等于禁中又殺司

徒公平原王陸麗已酉以渾為太尉錄尚書事以東安

王劉尼為司徒尚書左僕射和其奴為司空六月封繁

陽侯李嶷為丹陽王征東大將軍馮熙為昌黎王

欽定四庫全書

南北史合注

卷八十八

魏書載乙丑詔曰夫賦斂煩則民財匱課調輕則用

不足先朝權其輕重以惠百姓朕承洪業夙興待旦

惟民之恤欲令天下同于逸豫而徭賦不息將何以

塞煩去苛拯濟黎元令兵革不起畜積有餘諸有雜

調一以與民

秋七月癸巳以太尉乙渾為丞相九月庚子曲赦京師

丙午詔曰先朝以州牧親民宜置良佐故勅有司班九

條之制使前政選吏以待後人然牧司舉非其人僭于



典度今制刺史守宰到官之日仰自舉人望忠信以為  
選官不論前政共相平置若簡任失所以罔上論是月  
宋義陽王劉昶自彭城來奔冬十月徵陽平王新成京  
兆王子推濟陽王小新成汝陰王天賜任城王雲入朝  
十一月宋湘東王或殺其主子業而自立

是歲宋王子業景和元年又明帝泰始元年

天安元年春正月己丑朔大赦改元二月庚申丞相太  
原王乙渾謀反伏誅乙亥以待中元孔雀為濮陽王侍

欽定四庫全書

南北史合注  
卷八十八

四六

中陸定國為東郡王三月庚子以隴西王源賀為太尉  
辛丑高宗文成皇帝神主祔于神廟辛亥帝幸道壇親  
受符籙曲赦京師秋七月己酉初立鄉學郡置博士二  
人助教二人學生六十人冬十二月皇弟安平王薨

冊府元龜載天安中起永寧寺構七級浮圖高三百  
餘尺博敞為天下第一又於天宮寺造釋迦立像高  
四十三尺用赤金十萬斤 愚按永寧寺不始于胡  
太后獻文已先之矣

是歲州鎮十一旱民饑開倉賑恤

皇興元年春正月癸巳鎮南大將軍尉元大破宋將張  
永沈攸之於呂梁東宋人來聘庚子東平王道符謀反  
於長安其司馬段太陽斬之傳首京師道符兄弟皆伏  
誅閏月以頓邱王李峻為太宰二月濟陰王小新成薨  
宋東平太守申纂戍無鹽遇絕王使詔征南大將軍慕  
容白曜督諸軍往討三月甲寅尅之秋八月丁酉幸武  
州山石窟寺戊申皇子宏生大赦改元九月己巳進馮

欽定四庫全書

南北史合注  
卷八十八

四七

胡公李白為梁郡王冬十月己亥朔日有蝕之是月詔  
賜六鎮賔人布人三匹癸卯田于那男洹濮陽王孔雀  
坐怠慢降為公是歲高麗庫莫奚具伏弗都羽陵日連  
匹黎爾于闐普嵐粟特國各遣使朝貢

二年春二月癸未田于西山親射虎豹三月慕容白曜  
進圍東陽戊午宋人來聘夏四月丙子朔日有蝕之辛  
丑進南郡公李爵爵為王五月乙卯田于崑山遂幸繁  
時辛酉車駕還宮六月庚辰以河南關地曲赦京師殊



死以下以昌黎王馮熙為太傅秋九月辛亥封皇叔禎  
為南安王長壽為城陽王太洛為章武王休為安定王  
冬十月癸酉朔日有蝕之辛丑田于冷泉十一月州鎮  
二十七水旱詔開倉賑恤十二月甲午詔曰頃張永敢  
拒王威暴骨原隰天下之人一也其永軍殘廢之士聽  
還江南露骸草莽者勅州縣瘞之

冊府元龜載是年青徐平遣官至兗州以太牢祭孔子

欽定四庫全書

南北史合注 卷八十八

三

是歲高麗庫莫奚契丹于闐波斯等國並遣使朝貢  
三年春正月乙丑東陽漬金沈文秀

宋書索虜傳載魏詔曰荆吳僭傲跨時一方篡戮發  
於蕭牆毒害嬰於羣庶徐州刺史薛安都司州刺史  
常珍奇深體逆順歸誠獻疑遭難已久饑饉荐臻或  
以餬口之功私力竊盜或不識王命蔽竄山藪或為  
囚徒先被執繫元元之命甚可哀愍其曲赦淮北三  
州之民自天安二年正月三十日壬寅昧爽以前諸

犯死罪以下除逆惡不赦外餘繫囚見徒一切原遣  
若亡命山澤百日不首復其初罪今陽春之初東作  
方興三州之民各安其業以就農桑有饑窮不自存  
通其市糶之路鎮統之主勤加慰納遵用輕典以莅  
新化若綏蕩失中令民逃亡加罪無縱其普宣下使  
知朕意

戊辰司空平昌公和其奴卒二月己卯進上黨公慕容  
白暉爵為濟南王夏四月壬辰宋人來聘丙申名皇子

欽定四庫全書

南北史合注 卷八十八

四

宏大赦丁酉田于崞山五月徙清齊民于京師六月辛  
未立皇子宏為皇太子冬十冬丁酉朔日有蝕之是月  
太宰頓邱王李峻薨十一月進襄城公韓頽爵為王  
四年春正月州鎮大饑詔開倉賑恤二月以東郡王陸  
定國為司空詔征西大將軍上黨王長孫觀討吐谷渾  
什寅廣陽王石侯薨三月丙戌詔天下民病者所在官  
司遣醫就家診視所須藥任醫所量給之  
冊府元龜載詔曰朕思民病苦明發不寐疾深疾首



是以廣集良醫遠採名藥欲救護兆庶可宣告天下  
夏四月辛丑大赦戊申長孫觀軍至曼頭山大破什寅  
五月封皇弟長樂為建昌王六月宋人來聘秋八月柔  
然犯塞九月丙寅車駕北伐諸將俱會于女水大破虜  
軍司徒東安公劉尼坐事免壬申車駕至自北伐飲至  
策勳告于宗廟冬十月殺濟南王慕容白曜誅高平公  
李敷十一月詔弛山澤禁十二月甲辰幸鹿野苑石室  
寺陽平王新成薨是歲高麗庫莫奚契丹國遣使朝貢

欽定四庫全書

南北史合注 卷八十八

五年春二月乙亥詔假員外散騎常侍邢祐使于宋夏  
四月北平王長孫敦薨六月丁未行幸河西秋七月丙  
寅遂至陰山八月丁亥車駕還宮帝幼而神武聰睿機  
悟有濟人之規仁孝純至禮敬師友及即位雅薄時務  
常有遺世之心欲禪位於叔父京兆王子雅羣臣固請  
乃止丙午使太保建安王陸馥太尉源賀奉皇帝璽綬  
冊命皇太子升帝位

魏書天象志曰上迫于太后傳位太子與此不同

愚按此卷既非魏收原本恐亦唐人傳聞之訛 魏  
書載冊命曰昔堯舜禪天下皆由其子不肖若丹朱  
商均能負荷者豈搜揚仄陋而授之哉爾雖冲幼有  
君人之表必能恢隆王道以濟兆民今使太尉建安  
王陸馥太尉源賀持節奉皇帝璽綬致位爾躬其踐  
升帝位克廣洪業以光祖宗之烈使朕優游履道頤  
神養性可不善歟丁未詔曰朕希心玄古志存淡泊  
躬覽萬務則損頤神之和一日或曠政有淹滯之失

欽定四庫全書

南北史合注 卷八十八

但子有天下歸尊於父父有天下傳之于子今藉協  
靈運考會羣心爰命儲宮踐昇大位朕優游恭已栖  
心浩然社稷乂安不亦善乎百官有司其祇奉肩子  
以答天休宣布寓內咸使聞悉讀此方知後人所補  
魏志云迫于太后者非

於是羣公奏上尊號太上皇帝

魏書載羣公奏曰昔三皇之初淡泊無為故稱皇是  
以漢高祖既稱皇帝尊其父曰太上皇明不統天下



今皇帝幼冲萬幾大政猶宜陛下總之謹上尊號乃從之

已酉上皇從御崇光宮采椽不斷土階而已國之大事咸以聞承明元年文明太后憾帝暴崩于永安殿

魏書馮太后傳曰文顯祖暴崩人言太后為之通

鑑考異曰元行冲後魏典載太后伏壯士于禁中太上入謁遂崩按事若如此安得不彰而中外恬然不以為怪又孝文終不之知按後魏書及北史皆無

欽定四庫全書

南北史合注  
卷八十八

五

殺事而天象志云獻文暴崩實有鴆毒之禍今從之愚謂當作疑案

年二十三上謚曰獻文皇帝廟號顯祖葬雲中金陵

魏書顯祖傳位高祖猶躬覽萬幾刑政嚴明顯潔汰貪牧守清廉往往有聞末年尤重刑罰言及常用劓瘡每獄案必令覆鞠諸囚繫或積年不斷羣臣頗以為言帝曰獄滯雖非治體猶愈倉卒而濫夫人憂勞則思善故囹圄與福堂同居朕欲其改悔加以輕恕

耳由是囚繫雖淹刑多得所又以赦屢下則狂愚多

微倖故自延興終于季年不復下赦理官鞠囚杖限

五十有司欲免之則以細捶欲陷之則先大杖民多

誣引或絕命杖下帝乃為之制其捶用荆平其節訊

囚者其本大三分杖背者二分撻脛者一分拷悉依

令皆從輕簡魏書食貨志曰顯祖即位躬行儉素率

先公紳思賑益黎庶天安皇興間歲頻大旱又用兵

南方民勤于征戍轉運帝深以為念遂因民貧富為

欽定四庫全書

南北史合注  
卷八十八

五

租輸三等九品之制千里內納粟千里外納米上三

品入京中三品入他州要倉下三品入本州魏書

禮志曰顯祖禪位之二年有司奏天地五郊社稷已

下及諸神合一千七十五所歲用牲七萬五千五百

帝深愍生命乃詔曰夫神聰明正直享德與信何必

在牲苟誠感有著雖行潦菜羹可致大嘏何必多殺

方獲祉福其命有司非郊天地宗廟社稷之祀皆無

用牲于是悉用酒脯




論曰太武聰明雄斷威靈傑立藉二世之資奮征伐之氣遂戎軒四出周旋夷險平秦隴掃統萬剪遼海蕩河源南夷荷擔北蠕絕迹廓定四表混一華戎其為武功也大矣遂使有魏之業光邁百王豈非神叡經綸事當命世至于初則東儲不終末乃臺成所忽固本貽防殆弗思乎文成屬太武後內頗虛耗既而國蒙時艱朝野楚楚帝與時消息靜以鎮之養威布德懷緝中外自非機悟深裕於濟為心何能若此可謂有君人之度矣歟

欽定四庫全書

南北史合注 卷八十八

五



南北史合注卷八十八



欽定四庫全書

南北史合注卷八十九

明 李清 撰

北史三

高祖孝文皇帝諱宏猷文皇帝太子也母李夫人皇興元年八月戊申生於城紫宮神光照室天地氤氳和氣充塞高祖潔白有異姿襁褓岐嶷長而宏裕仁孝綽然有人君之表猷文尤愛異之三年六月辛未立為皇太子

欽定四庫全書

南北史合注 卷八十九

子五年受禪延興元年秋八月丙午皇帝即位于太華前殿改皇興五年為延興丁未宋人來聘九月壬戌詔在位及民庶進直言壬午青州高陽人封辨聚黨自號齊王州軍討平之冬十月丁亥沃野統萬二鎮勅勒板詔太尉隴西王源賀追擊之枹罕滅之徙其遺迸于冀定相三州為營戶十二月乙酉封駙馬都尉穆亮為趙郡王壬辰詔求舜後獲東萊人媯苟之後其家畢世以彰盛德之不朽復前濮陽王孔佳本封辛丑徙趙郡王





穆亮為長樂王癸丑日有蝕之

魏書靈徵志載是月徐州士士邢德於彭城南一百

二十里得著一株四十九枝下掘得大龜獻之

二年春正月太陽蠻酋桓誕率戶內屬拜正南將軍封

襄陽王曲赦京師及河西南至秦涇西至枹罕北至涼

州及諸鎮詔假員外散騎常侍邢祐使於宋二月丁巳

詔曰頃者淮徐未賓尼父廟隔非所致令祠典寢頓禮

章殄滅遂使女巫妖現淫進非禮自今有祭孔廟制用

欽定四庫全書

南北史合注  
卷八十九

酒脯而已不聽婦女雜合以祈非望之福犯者以違制

論其公家有事自如常禮柔然犯塞上皇次于北郊詔

諸將討之鹵遁走北部敕勒叛奔柔然上皇追至石磧

不及而還三月上皇至自北討戊辰以散騎常侍駙馬

都尉萬安國為大司馬大將軍封安城王庚午親耕籍

田連州敕勒謀反徙配青徐齊兗四州萬戶夏四月庚

子詔工商雜伎盡聽赴農諸州課人益種菜果辛亥宋

人來聘癸酉詔沙門不得去寺行者以公文

魏書靈徵志載是月詔曰近內外興建福業造立圖

寺然貧富之人費竭財產務存高廣殺昆蟲舍生之

類苟能精致累土聚沙福鍾不朽欲建為福之因未

去傷生之業朕為民父母慈養是務一切斷之

是月宋明帝殂五月丁巳詔軍警給璽印傳符次給馬

印六月安州民遭冰雹詔丐租賑恤丙申詔今年貢舉

尤為猥濫自今所遺皆可問盡州郡之高才極鄉閭之

選戊午行幸陰山秋七月壬寅詔州郡縣各遣二人才

欽定四庫全書

南北史合注  
卷八十九

堪專對者赴九月講武帝親問風俗八月百濟遣使請

兵伐高麗九月辛巳車駕還宮戊申統萬鎮將河間王

閻武皮坐貪殘賜死己酉詔以州鎮十一水旱丐其田

租開倉賑恤又詔流迸之人皆令還本違者徙邊冬十

月柔然犯塞及五原十一月上皇親討之將度漠柔然

聞之北走數千里丁亥封皇叔畧為廣川王壬辰分遣

使者巡省風俗問民疾苦帝每一月一朝崇光宮十二

月庚戌詔曰頃者以來官以勞升未久而代牧守無恤



人之心競為聚斂送故迎新相屬于路非所以固民志  
隆治道也自今牧守溫良仁儉克己奉公者可久于其  
任歲積有成遷位一級其貪殘非道侵削黎庶者雖在  
官甫爾必加黜罰著之於令以為彛準詔以代郡事同  
豐沛代人先配成邊者免之是歲高麗地豆干庫莫奚  
高昌等國並遣使朝貢

是歲宋泰豫元年

三月春正月庚辰詔員外散騎常侍崔演使于宋丁亥

欽定四庫全書

南北史合注  
卷八十九

改崇光宮為寧光宮二月

魏書載二月癸丑詔牧守令長勤率百姓無令失時

同郡內貧富相通家有兼牛通借無者若不從令一

門內終身不仕守宰不督察免所居官

戊午上皇至自北討飲至策勳告于宗廟甲戌詔縣令

能靜一縣劫盜者無理二縣即食其祿能靜二縣者三

年遷為郡守二千石能靜二郡上至三郡亦如之三年

遷為刺史三月壬午詔諸倉屯穀麥充積者出賜貧民

夏四月戊申詔假司空上黨王長孫觀等討吐谷渾拾  
寅壬子詔以孔子二十八世孫魯郡公以為崇聖大夫  
給十戶以供灑掃六月甲子詔曰往年縣召秀才二人  
問守宰善惡而賞者未幾罪者眾多肆法傷生情所未  
忍諸為人所列者特原其罪朕可代之

魏書靈徵志載延興三年秋秀容郡婦人一產四男

四產十六男

秋七月詔河南六州民戶收絹一匹綿一斤租三十石

欽定四庫全書

南北史合注  
卷八十九

五

乙亥行幸陰山八月帝從上皇幸河西拾寅謝罪請降

許之九月辛巳車駕還宮乙亥宋人來聘己亥詔曰今

京師及天下囚未判在獄致死無近親者給衣衾棺槨

葬之不得暴露辛丑詔遣十使巡行州郡檢括五口冬

十月上皇將南討詔州郡民十丁取一充行戶租五十

石以備軍糧十一月戊寅詔以河南州郡牧守多不奉

法致新邦百姓莫能上達遣使者觀風察獄黜陟幽明

搜揚賑恤癸巳上皇南巡至懷州所過問民疾苦賜高

年孝悌力田布帛十二月癸卯朔日有蝕之庚戌詔關外苑園聽民樵採是歲州鎮十一水旱丐民田租開倉賑恤相州民饑死者二千八百四十五人妖人劉舉自稱天子齊州刺史武昌王平原捕斬之

魏書靈徵志曰是年十二月顯祖因田鷹獲鴛鴦一其偶悲鳴上下不去帝悵然問左右曰此飛鳴者鴟乎雄乎對曰陽性剛陰性柔以剛柔推之必雌矣帝曰雖人鳥事別情性何殊于是禁不得畜鴛鴦

欽定四庫全書

南北史合注  
卷八十九

六

高麗契丹庫莫奚悉萬斤等國並遣使朝貢

是年宋主昱元徽元年

四年春正月癸酉朔日有蝕之丁丑太尉龍西王源賀以病辭位二月甲辰上皇至自南巡辛未禁寒食三月丁亥詔員外散騎常侍許赤武使于宋夏四月丁卯詔自今非謀反大逆干紀外奔罪止其身

魏書載夏六月乙卯詔曰下民凶戾不顧親戚一人為惡殃及合門朕為民父母深為愍悼自今以後非

謀反大逆干紀外奔罪止其身而已今德被殊方同軌將一宥刑寬禁不亦善乎

秋七月己卯曲赦仇池八月戊申大閱于北郊九月以宋亂故詔將軍元蘭等伐蜀漢冬十月庚子宋人來聘十一月分遣侍臣循河南七州觀察風俗撫慰初附是歲州鎮十三大饑丐民田租開倉賑之

冊府元龜載是年以中書覆案上下之法遂罷之獄有大疑乃評議焉先是諸曹奏事多有疑請又口傳

欽定四庫全書

南北史合注  
卷八十九

七

詔敕或致矯擅乃令事無大小皆據寔律正名不得疑奏合則制可失衷則彈之于是事咸精練羣下莫敢相同

粟特敕勒吐谷渾高麗曹利濶悉契丹庫莫奚地豆干等國並遣使朝貢

五年春二月癸丑詔定考課明黜陟夏四月詔禁畜鷹鷄開相告之制五月丙午詔員外散騎常侍許赤武使于宋丁未幸武州山辛酉幸車輪山六月庚午禁殺牛



馬壬申曲赦京師死罪遺備柔然秋九月癸卯洛州人賈伯奴稱恒農王豫州人田智度稱上洛王郡討平之冬十月上皇大閱于北郊十二月丙寅改封建昌王長樂為安樂王己丑城陽王長壽薨宋人來聘是歲高麗吐谷渾龜茲契丹庫莫奚地豆干柔然等國並遣使朝貢

承明元年春二月司空東郡王陸定國坐事免官爵兵夏五月冀州人宋伏龍聚眾自稱南平王郡縣捕斬之

欽定四庫全書

南北史合注 卷八十九

六月甲子詔中外戒嚴分京師見兵為三等第一軍出遣第一兵二等亦如之辛未太上皇帝崩壬申大赦改元大司馬大將軍安城王萬安國坐法賜死戊寅以征西大將軍安樂王長樂為太尉尚書左僕射南平公日辰為司徒進封宜都王以南部尚書李訢為司空尊皇太后為太皇太后臨朝稱制秋七月甲辰追尊皇妣李貴人為思皇后濮陽王孔雀有罪賜死八月甲子詔羣公卿士有使人益國者具狀以聞甲戌以長安二蠶多

死丐民歲賦之半九月丁亥曲赦京師

魏書靈徵志載是月幽州民齊淵家杜樹結實既成一朝盡落花葉復生七日內蔚然如春狀

冊府元龜載是月并州上言木連理相去一丈二尺中有五

枝相連

冬十月丁巳起七寶永安行殿乙丑進假東陽王丕爵

為王己未詔羣臣卿士下及吏人各聽上書直言及諫

使朝有不諱之音野無自蔽之響諸有益政利民可正

欽定四庫全書

南北史合注 卷八十九

風俗者有司以聞辛未幸建明佛寺大宥罪人進濟南

公羅拔為王是歲柔然高麗庫莫奚波斯契丹宕昌悉

萬斤等國並遣使朝貢

太和元年春正月乙酉改元

冊府元龜載詔曰朕夙承寶業元貺俱臻地瑞並應

風和氣婉天人交協實賴神祇七廟降福之助宜因

陽始令協典章其改今號為太和元年

辛亥

魏書載正月辛亥詔曰今牧民者與朕共治天下也宜簡以徭役先之勸獎相其水陸務盡地利使農夫外布桑婦內勤輕有徵發致奪民時以侵擅論民有不從其教情于農桑者加以罪刑

起太和安昌二殿已有秦州略陽人王元壽聚眾自號衝天王雲中飢開倉賑恤二月辛未秦益二州刺史武都公尉落候討破王元壽三月庚子以雍州刺史東陽王丕為司徒丙午詔曰去年牛疫死傷大半今東作既

欽定四庫全書

南北朝合注

興人須肄業其教所在督課田農有牛者加勤于常歲無牛者倍庸于餘年一夫制田四十畝中男二十畝無令人有餘力地有遺利夏四月丁卯幸白登山壬申幸崢山樂安王良薨詔復前東郡王陸定國官爵五月車駕祈雨于武州山俄澍雨大洽秋七月壬辰京兆王子推薨庚子定三等死刑己酉起朱明思賢門是月宋人殺其主昱八月壬子大赦丙子詔曰工商皂隸各有厥分而有司縱濫或染清流自今戶內有工役者唯止本

部丞已下準次而授若階籍元勳以勞定國者不從此制戊寅宋人來聘九月乙酉詔羣臣定律令于太華殿庚子起永樂遊觀殿于北苑穿神泉池冬十月辛亥朔日有蝕之癸酉宴京邑耆老年七十以上于太華殿賜以衣服詔七十已上一子不從役宋葭蘆戍主楊文度遣弟鼠襲陷仇池

魏書靈徵志曰是年十月鄉郡民李飛等詣京南山採藥遊越谷南領下見清碧石柱數百枚被詔案驗

欽定四庫全書

南北朝合注

稱所見清碧柱長者一匹相接而上或一尺二寸或一尺多不可數請付作曹採用時人神異之冊府元龜載冬十月詔曰朕每覽先王之典經論百代儲蓄既積黎民永安爰暨季葉世道凌替富強者并兼山澤貧弱者望絕一廛故地有餘利民無餘財或爭畝畔以亡身或因饑饉以棄業今遣使者循行州郡授以主業為勸課農桑之本

十一月癸未詔討楊鼠丁亥懷州人伊祈苟自稱堯後



應王聚眾于重山洛州刺史馮熙討平之閏月庚午詔  
員外散騎常侍李長仁使于宋十二月壬寅征西將軍  
皮喜攻陷葭蘆斬楊文度傳首京師丁未州郡八水旱  
民饑詔開倉賑恤是歲高麗契丹庫莫奚柔然居多羅  
西天竺舍衛疊伏羅粟楊婆員闍等國並遣使朝貢

是歲宋順帝昇明元年

二年春正月丁巳封昌黎王馮熙第二子始興為北平

王二月丁亥行幸代之湯泉所過問民疾苦以宮女賜

欽定四庫全書

南北史合注  
卷八十九

貧人無妻者癸卯車駕還宮乙酉晦日有蝕之三月丙

子以河南公梁彌機為宕昌王夏四月甲申幸崞山丁

亥還宮乙丑宋人來聘京師旱甲辰祈天災于北苑親

自禮馬減膳避正殿丙午澍雨大洽曲赦京師五月詔

曰迺者人漸奢尚婚葬越軌又皇族貴戚及士庶之家

不惟氏族高下與非類婚偶先帝親發明詔為之科禁

而百姓習常仍不肅改朕念憲章舊典永為定準犯者

以達制論六月庚子皇叔若薨秋

魏書靈徵志載是年七月武川鎮大風吹失六家羊  
角而上不知所在

八月分遣使者考察守宰問人疾苦丙戌詔罷諸州禽  
獸之貢九月乙巳朔日有蝕之丙辰曲赦京師冬十月  
壬辰詔員外散騎常侍鄭羲使于宋十二月癸巳太皇  
太后殺南郡王李忠是歲州鎮二十餘水旱人饑詔開  
倉賑恤龜茲國獻名駝龍馬珍寶甚衆吐谷渾柔然勿  
告等國並遣使朝貢

欽定四庫全書

南北史合注  
卷八十九

三年春正月癸丑坤德六合殿成庚申詔罷行察官二

月辛巳帝太皇太后幸代郡湯泉問民疾苦鰥寡貧者

妻以宮女己亥還宮三月癸卯朔日有蝕之甲辰曲赦

京師

冊府元龜載是月齊州獻五色犬其色如畫

夏四月壬申宋人來聘癸未樂良王樂平薨甲寅宋順

帝禪位于齊丙申幸崞山己亥還宮庚子進淮陽公尉

元爵為王宜都王日辰有罪賜死五月丁巳帝祈雨于

北苑閉陽門是日澍雨大洽辛酉賜國老各衣一襲綿  
五斤絹布各五疋六月辛未以雍州民飢開倉賑恤起  
文石室靈泉殿于方山秋七月壬寅詔免宮人年老及  
病者八月壬申詔羣臣進直言乙亥幸方山起思遠佛  
寺丁丑還宮九月壬子以司徒東陽王丕為太尉趙郡  
公陳建為司徒進爵魏郡王河南公苟頹為司空進爵  
河東王進太原中王猷中山王隴東公張祐新平王乙  
未定州刺史安樂王長樂有罪賜死庚申隴西王源賀

欽定四庫全書

南北朝史合注  
卷八十九

十五

薨冬十月己巳朔大赦十一月癸卯賜京師貧窮高年  
疾患不能自存衣服布帛各有差癸丑進假梁郡公元  
嘉爵為假王督二將出淮陰隴西公元琛三將出廣陵  
河東公薛豹子三將出廣固至壽春是歲吐谷渾高麗  
柔然地豆干契丹庫莫奚龜茲粟特州逸河龔疊伏羅  
員闞悉萬斤等國各遣使朝貢

是歲齊高帝建元元年

四年春正月癸卯乾象六合殿成乙卯廣川王略薨丁

已罷畜鷹鷄之所以其地為報德佛寺戊午襄城王韓  
頹有罪削爵徙邊二月癸巳以旱故詔天下祀山川羣  
神及能興雲雨者修飾祠堂薦以牲璧民有疾苦所在  
存問夏四月乙卯幸廷尉籍坊二獄引見諸囚詔隨輕  
重決遣以赴耕耘

魏書載夏四月乙卯詔曰廷尉者天下之平民命之  
懸今農時要月百姓肆力之秋而愚民陷罪者甚

宜隨輕重決遣耕耘之業

欽定四庫全書

南北朝史合注  
卷八十九

十五

辛巳幸白登山甲申賜天下貧民一戶內無雜財穀帛  
者粟一年朔幸火山壬寅還宮六月丁卯以澍雨大洽  
曲赦京師秋七月辛亥行幸泰山壬子詔會京師耆老  
賜綿綵衣服几杖稻米蜜麪復家人不徭役閏月丁亥  
幸獸園親錄囚徒輕者皆免之壬辰頓丘王李鍾葵有  
罪賜死八月甲辰幸方山戊申幸武州山石窟寺庚戌  
還宮乙酉詔諸州置冰室九月乙亥思義殿成壬午東  
明觀成戊子詔曰隆寒雪降可遣侍臣詣廷尉獄及囚



所察飢寒者給以衣食極枯者代以輕鎖是歲郡鎮十八水旱民飢詔開倉賑恤柔然悉萬斤等國並遣使朝貢

五年春正月己卯南巡丁亥至中山親見高年問民疾苦二月辛卯朔大赦賜孝悌力田孤貧不能自存者穀帛各有差免宮人老者還其親丁酉至信都存問如中山癸卯還中山己酉講武唐水之陽庚戌車駕還宮沙門法秀謀反伏誅假梁郡王嘉大破齊俘獲三萬餘口

欽定四庫全書

南北史合注 卷八十九

十六

送京師三月辛酉朔幸肆州癸亥講武雲水之陽所經者察守宰黜陟之己巳車駕還宮詔曰法秀妖作亂常妄說符瑞蘭臺御史張求等一百餘人招結奴隸謀為大逆有司科以族誅誠合刑憲但矜愚重命猶所不認其五族者降止同祖三族止一門門誅止身夏四月己亥行幸方山建永固石室于山立碑銘太皇太后終制于金冊又起鑿玄殿甲寅以旱故詔所在掩骸骨祈禱神祇任城王雲薨五月庚申以農月時要詔天下勿使

有農獄六月甲辰中山王獻死戊午封皇叔簡為齊郡王猛為安豐王秋七月庚申朔日有蝕之甲子齊人來聘九月庚午閱武于南郊大饗羣臣齊使車僧朗以班在宋使殷靈誕後辭不就席宋降人解奉君力僧朗于會中詔誅奉君等乙亥封昌黎王馮熙世子誕為南平王冬十二月癸巳州鎮十二饑詔開倉賑恤是歲鄧至柔然等國並遣使朝貢

欽定四庫全書

南北史合注 卷八十九

十七

瘠又諸州路衝復其民租十二年癸巳白蘭王吐谷渾翼世以誣罔伏誅乙未詔曰蕭道成逆亂江淮戎旂頻舉七州之民既有征運之勞深罪輕徭之義其復常調三年癸丑賜王公已下清勤著稱者穀帛有差三月庚辰幸虎園詔曰虎狼猛暴食肉殘生取捕之日每多傷害從今勿復捕貢辛巳幸武州山石窟寺賜貧老衣服是月齊高帝殂夏四月甲辰賜畿內鰥寡孤獨不能自存者粟帛各有差秋七月發州郡五萬人修靈丘道八



月癸卯朔分遣大使巡行境內遭水之處丐其租賦貧  
儉不自存者賜以粟帛庚子罷三澤禁九月辛酉以氏  
楊後起為武都王

魏書載冬十二月丁亥詔曰去秋淫雨洪水為災百  
姓嗷然故遣使者巡方賑恤而牧守不思利民之道  
期于取辦愛毛反裘甚無謂也今課督未入及將來  
租算一以丐之

是歲地豆干吐谷渾等國並遣使朝貢

欽定四庫全書

南北史合注  
卷八十九

冊府元龜載是年十一月帝親祀七廟

七年春正月庚申詔曰朕每思知百姓疾苦增修寬政  
故具問守宰苛虐之狀于州郡使者今秀孝計掾對多  
不寔甚乖朕虛求之意宜案以大辟明罔上必誅然情  
猶未忍可恕罪聽歸申下天下使知後犯無恕丁卯詔  
青齊光東徐四州戶運倉粟二十萬石送瑕丘琅邪復  
租竿一年三月甲戌以其定二州饑詔郡縣煮粥于路  
食之又弛關津之禁夏四月庚子幸崢山賜所過鰥寡

不能自存者衣服粟帛壬寅車駕還宮閏月癸丑皇子  
生大赦五月戊寅朔幸武州山石窟佛寺六月定州上  
言為粥所活九十四萬七千餘口秋七月甲申詔假員  
外散騎常侍李彪員外郎蘭英使于齊改封濟南王羅  
拔為趙郡王九月壬寅詔求讜言

魏書載詔曰朕聽政之際推慮末周案文審獄思聞  
已過自今羣官奏事當獻可替否無或面從俾朕之  
過彰于遠近

欽定四庫全書

南北史合注  
卷八十九

冀州上言為粥所活七十五萬一千七百餘口冬十月  
戊午皇信堂成十一月辛丑齊人來聘十二月乙巳朔  
日有蝕之癸丑詔曰夏殷不嫌一族之婚周室始絕同  
姓之娶斯皆教隨時設政因事改者也皇運初基日不  
暇給古風遺樸未遑釐改朕思易質求式昭維新自今  
悉禁絕之有犯者以不道論庚午開林慮山禁與民共  
之州鎮十三飢詔開倉賑恤

是歲齊武帝永明元年



八年春正月詔隴西公琛尚書陸獻為東西二道大使  
褒善罰惡夏四月甲寅幸方山戊子還宮庚申行幸旋  
鴻池遂幸崢山丁卯還宮五月己卯詔賑賜河南七州  
甲申詔員外散騎常侍李彪等使于齊六月丁卯詔曰  
制官班祿行之尚矣自中原喪亂茲制中絕先朝因循  
未遑釐改朕顧憲章舊典始班俸祿罷諸商人以簡人  
事戶增調三匹穀二斛九斗以為官司之祿均預調為  
二匹之賦即兼商用雖有一時之煩終克永逸之益祿

欽定四庫全書

南北史合注  
卷八十七

三

行之後賦滿一匹者死變法改度宜為更始其大赦天  
下與之惟新戊辰武州水壞民居秋七月乙卯行幸方  
山石窟寺八月甲辰詔以班制俸祿更興刑書寬猛未  
允人或異議制百辟卿士工商吏民各上便宜勿有所  
隱

魏書載秋八月甲辰詔曰帝業至重非廣詢博採無  
以興功先王知其如此是以諫鼓置于堯世謗木立  
于舜庭用能耳目四達庶類咸熙承明之初班下內

外聽各盡規以補其闕中旨雖宣允稱者少故變時  
法遠遵古典班制俸祿改更刑書寬猛未允人或異  
議思言者莫由申情求諫者無因自達故令上明不  
周下情壅塞今制百辟卿士工商吏民各上便宜利  
民益治損化傷政直言極諫勿有所隱務令詞無煩  
華理從簡寔朕將親覽使言之無罪聞之者足戒

九月甲午齊人來聘戊戌詔俸制十月為首每季一請  
于是內外百官受祿有差冬十一月乙未詔員外散騎

欽定四庫全書

南北史合注  
卷八十八

三

常侍李彪等使于齊十二月州鎮十五水旱人饑詔使  
者開倉賑恤是歲柔然高麗等國各遣使朝貢  
九年春正月戊寅詔禁圖讖秘緯及名孔子閉房記留  
者以大辟論又諸巫覡假稱神鬼妄言吉凶及委巷諸  
非墳典所載者嚴加禁斷癸未大饗羣臣于太華殿班  
賜皇詔二月己亥制皇子封王者皇孫皇曾孫紹封者  
皇女封者歲祿各有差封廣陽王建第二子嘉為廣陽  
王乙巳詔百辟卿士工商吏民各上書極諫靡有所隱

三月丙申封皇弟禧為咸陽王幹為河南王羽為廣陵王雍為潁州王懿為始平王詳為北海王夏四月癸丑幸方山甲寅還宮五月齊人來聘六月辛亥幸方山遂幸靈泉池己巳還宮秋七月丙午朔新作諸門癸未遣使拜宕昌王梁彌機兄子彌承為宕昌王戊子幸魚池登青原岡甲午還宮八月己亥行幸彌澤甲寅登牛頭山庚申詔曰教州災水饑饉薦臻致有責驚男女者天譴在予一人百姓橫罹報毒今自太和六年己未買

欽定四庫全書

南北史合注  
卷八十九

三十三

定冀幽相四州饑民良口者盡還所親雖轉為妻妾遇之非理情不樂者亦離之甲子還宮冬十月丁未詔使者循行州郡與牧守均給天下之田還受以生死為斷勸課農桑興富人之本

魏書載詔曰朕每覽先王之典經論百代儲畜既積黎民永安爰暨季葉斯道陵替富强者并兼山澤貧弱望絕一廛致令地有遺利民無餘財或爭畝畔以亡軀或因饑饉以棄業而欲百姓豐足安可得哉今

遣使者循行州郡與牧守均給天下之田還受以生死為斷勸課農桑興富民之本

辛酉司徒魏郡王陳建薨詔員外散騎常侍李彪尚書郎公孫阿六頭使于齊十二月乙卯以侍中淮南王他為司徒是歲京師及州鎮十三水旱傷稼巖昌高麗吐谷渾等國並遣使朝貢

十年春正月癸亥朔帝始服袞冕朝饗萬國二月戊戌初立黨里鄰三長定民戶籍

欽定四庫全書

南北史合注  
卷八十九

三十三

魏書食貨志載詔曰任土錯貢所以通有無并乘定賦所以均勞逸有無通則民財不匱勞逸則則民安其業又鄰里鄉黨之制所由來久欲使家至日見以大督小從近及遠然後義興訟息自昔以來諸州戶口籍貫不寔寶藏隱漏廢公罔私富强者并兼有餘貧弱者餬口不給賦稅無輕重之殊力役無眾寡之別雖建九品之格而豐壟之土未融雖立均輸之條而蠶織之鄉無異今革舊從新為里黨之法在所牧



守宜以喻民使知去煩即簡之要

三月庚戌齊人來聘夏四月辛酉朔始制五等公服甲

子帝初法服御輦祀西郊癸酉幸靈泉池戊寅還宮六

月辛酉幸方山己卯名皇子曰恂大赦秋七月戊戌幸

方山

魏書靈徵志載是年七月建興護澤縣民賈日中養

蠶有絲網成幕中有卷物似絹帶長四尺廣三寸薄

上復得黃繭二如履形

欽定四庫全書

南北史合注 卷八十九

八月乙亥給尚書五等品爵已上珠衣玉佩大小組綬

九月辛卯詔起明堂辟雍冬十月癸酉有司議依故事

配始祖于南郊十一月議定州縣官依口給俸十二月

乙酉汝南潁州饑詔弓田租開倉賑恤是歲柔然高麗

吐谷渾勿吉等國並遣使朝貢

十一年春正月丁亥朔詔定樂章非雅者除之二月甲

子肆州之鴈門及代郡民饑詔開倉賑恤夏五月壬辰

幸靈泉池遂幸方山癸巳南平王渾瑊甲午車駕還宮

詔復七廟子孫及外戚總麻已上賦役無所與六月辛

巳秦州民饑詔開倉賑恤

魏書載詔曰春旱至今野無青草上天致譴實由匪

德百姓無辜罹饑饉寤寐思求罔知所益公卿內外

股肱之臣其極言無隱以救民瘼

秋七月己丑詔今年穀不登聽民出關就食遣使者造

籍分遣去留所在開倉賑恤八月壬申柔然犯塞遣平

原王陸獻討之庚辰大議比代辛巳罷山北苑以其地

欽定四庫全書

南北史合注 卷八十九

賜貧民

魏書載九月庚戌詔曰去夏以歲旱民饑須遣就食

舊籍雜亂難可分簡故依局割民閱戶造籍欲令去

留得寔賑貸平均然過者以來猶有餓死衢路無人

收識良由本部不明籍貫未寔廉恤不周以至于此

朕猥居民上聞用慨然可重遣精檢勿令遺漏

冬十月辛未詔罷起部無益之作出宮人不執機杼者

甲戌詔曰鄉飲禮廢則長幼序亂孟冬十月民間歲隙



宜于此時導以德義可下諸州黨里內推賢而長者教其里人父慈子孝兄友弟順夫和妻柔不率長教者具以名聞十一月丁未詔罷尚方錦繡綾羅之工百姓欲造任之無禁其御府衣服金銀珠玉綾紬綿太官雜器太僕乘具內庫弓矢出其大半班賚百官及京師士庶下至工商皂隸逮于六鎮戍士各有差戾申詔今寒氣勁切杖箠難任自今月至來年孟夏不聽拷問罪人又歲饑輕囚宜速決無令簿罪久留獄行十二月詔秘書

欽定四庫全書

南北史合注  
卷八十九

丞李彪著作郎崔光改析國記依紀傳體是歲大饑詔所在開倉賑恤吐谷渾悉萬斤高麗等國並遣使朝貢十二年春正月辛巳朔初建五牛旌旂乙未詔鎮戍流徙之人年滿七十孤單窮獨無成人子孫旁無慕親者具狀以聞二月辛亥朔日有蝕之三月丁亥中散梁象保等謀反伏誅夏四月甲子大赦乙丑幸靈泉池丁卯遂幸方山己巳還宮齊將陳顯達攻陷澧長樂王穆亮率騎討之五月丁酉詔六鎮雲中河西及關內郡各修

水田通渠溉灌壬寅增置彝器于太廟秋七月己丑幸靈泉池遂幸方山己亥還宮九月甲午詔曰在昔古誠稱日蝕修德月蝕修刑迺者癸巳夜月蝕盡公卿已下宜慎刑罰以答天意丁酉起宣文堂經武殿癸卯淮南王他薨冬閏十月甲子帝觀築園丘于南郊辛未幸靈泉池癸丑還宮十一月雍豫二州民饑詔開倉賑恤梁州刺史臨淮王提坐貪縱配北鎮

欽定四庫全書

南北史合注  
卷八十九

冊府元龜曰是年詔羣臣求安民術有司上言請折州常調九分之二京師度支歲用之餘各立官司豐年糴儲于倉時儉則加私之一糴之于民如此民必力田以買絹積財以取官粟年豐則常積歲凶則直給又別立農官取州郡戶十分之一為屯民相水陸之宜斷頃畝之數以賦贖雜物市牛科給令其肆力一夫之田歲貢六十斛甄其正課并征戍雜役行此二事數年中則穀積民足矣帝善而行之自此公私豐贍雖時有水旱亦不為災



是歲高麗宕昌吐谷渾勿吉武興等國並遣使朝貢

十三年春正月辛亥祀圓丘初備大駕乙丑兗州人王

伯恭聚眾勞山自稱齊王東萊鎮將孔伯孫討斬之戊

辰齊人寇邊淮南太守王僧雋擊走之二月庚子引羣

訪政道得失捐益之宜三月夏州刺史章武王彬以貪

財削封夏四月丁丑詔曰升樓散物以資百姓至使人

馬騰踐多有毀傷今可斷之以本所費之物賜貧老窮

獨者州鎮十五大饑詔所在開倉賑恤丁亥幸靈泉池

欽定四庫全書

南北史合注 卷八十九

遂幸方山己丑還宮五月庚戌祀方澤六月汝陰王天

賜南安王禎並坐贓免為庶人秋七月丙寅幸靈泉池

與羣臣御龍舟賦詩而罷立孔子廟于京師八月乙亥

詔兼員外散騎常侍邢產兼員外散騎侍郎侯靈紹使

于齊

魏書載戊子詔諸州鎮有水田者各通灌溉遣匠者

所在指授

九月出宮人賜北鎮人貧鰥者冬十一月安豐王猛薨

十二月丙子司空河東王苟頽薨甲午齊人來聘己亥

以尚書令尉元為司徒左僕射穆亮為司空是歲高麗

吐谷渾陰平中赤武興巖昌等國各遣使朝貢

十四年春正月己巳朔日有蝕之行幸方山二月辛未

行幸靈泉池壬申還宮三月初詔定起居注制己卯詔

遣侍臣巡行州郡問民疾苦夏四月地豆千頻犯塞甲

戌征西大將軍陽平王熙擊走之甲午詔兼員外散騎

常侍邢產蘇季連使于齊五月己酉庫莫奚犯塞安州

欽定四庫全書

南北史合注 卷八十九

都將樓龍兒擊走之沙門司馬御忠自言聖王謀破平

原郡擒獲伏誅秋七月甲辰詔罷都牧雜制丙午行幸

方山丙辰幸靈泉池八月丙寅朔還宮辛卯詔議國之

行次九月癸丑太皇太后馮氏死詔聽藩鎮曾經內侍

者前後奔赴冬十月戊辰詔將親侍龍輿奉訣陵隧諸

常從之具悉可停之其武衛之官防侍如法癸酉葬文

明太皇太后于永固陵甲戌謁永固陵羣臣固請公除

帝不許己卯謁永固陵庚辰帝居廬引見羣僚于太和



殿太尉東陽王丕等據權制用請帝引古禮往復羣臣乃止京兆王太興有罪免官削爵詔曰公卿屢依金冊遺旨中代權制式請過塋即吉朕思宗遠古終年之制依禮既虞卒哭此月二十一日授服以葛易麻既以衰服在上公卿不得獨釋于下故于朕之授服變從練禮已下復為節制斟酌古今以制厥衷且取遺旨速除之一端粗申臣子周極之巨痛癸未詔曰朕遠宗古式欲終三年之禮百辟羣臣據金冊顧命將奪朕心從先朝欽定四庫全書

南北史合注 卷八十九 三十一

之制朕仰惟金冊俯自推省取諸二衷不許衆議以衰服過期終四節之慕又奉遵聖訓聿修誥旨不敢闇默自居以曠機政庶不愆遺令意差展哀慕之情並下州鎮長至三元絕告慶之禮甲申車駕謁永固陵十一月甲寅詔內外職人先班朝次及諸方雜克冬至之日盡聽入林三品已下衰服者至夕復臨餘旦臨而已哭拜之節一依別議

魏書禮志曰太和十四年秋九月文明太后崩將營

山陵諸王公表請特定北域及依漢魏故事既塋公除詔曰自遭禍罰奉侍梓宮猶希髣髴山陵遷厝所未忍聞冬十月王公等復固請詔曰山陵可依典冊衰服之宜情所未忍遂葬太后于永固陵諸王固請公除未許既引見太尉丕及羣臣于太和殿前哭拜盡衰出幸思賢門右詔尚書李冲宣旨曰先后平日每集羣官共論政治何圖獨見公卿言及喪事五內崩摧丕等進曰我遠祖每遇大諱惟侍從梓宮者凶

欽定四庫全書

南北史合注 卷八十九 三十二

服左右皆從吉四祖三宗因而無改陛下哀毀過禮所遇三食不滿半溢晝夜不釋經帶願少抑至慕奉行舊典帝曰哀毀常事朝夕食粥粗可支任所奏舊事亦因祖宗情專武畧未遑文教朕仰稟慈訓論時比事與先世不同今暫抑哀慕躬自披尋且以所懷詔問尚書游明根高閭等曰聖人制卒哭禮授練之變皆奪情以前今旬日即吉特成傷理對曰臣等尋太后遺旨踰月而葬葬即吉故于下葬初奏練除事



帝曰朕惟中代不遂三年之喪者由君上違世儲宮  
 初立自襲袞冕示皇極之尊朕在位過紀億兆知有  
 君矣于此不遂哀慕使情理俱損喪紀圯壞誠可痛  
 恨閻曰杜預論自古天子無行三年喪者漢文暗與  
 古合事可承踵帝曰竊尋聖母之旨令早即吉者慮  
 荒政事故也今不敢闇然以荒庶政惟欲存衰麻廢  
 吉禮朔望盡哀情在可許故專欲行之如杜預所論  
 誣矣秘書丞李彪曰漢馬后保養章帝葬不淹旬即  
 欽定四庫全書 南北史合注 卷八十九

已從吉然章帝不受誣焉后不損名願陛下割哀從  
 議帝曰朕聞孝子居喪見美麗則思親故釋錦服衰  
 內外相稱非虛加也今者豈徒顧禮違議苟免嗤嫵  
 抑情發于中奉終之事一遵遺冊痛慕之心事係于  
 予閻曰陛下不除服于上臣等獨除于下則臣道不  
 足又親御衰麻復聽朝政吉凶事雜臣竊為疑帝曰  
 卿等猶以朕未除服不忍先除奈何令朕獨忍于親  
 今仰逼遺冊不遂乃心惟欲居廬服喪升堂襲素使

大政不荒哀情獲遂謂為可耳羣臣各以親疎貴賤  
 遠近為除服之差彪曰三年不改父道今不遵冊恐  
 陟改道之嫌帝曰改父之道蓋謂慢孝忘親縱有可  
 陟寧受後代之譏未忍今日之情又前表稱古者葬  
 而即吉蓋季俗多亂權宜救世耳公卿偏執一隅謂  
 經世之要在斯非義也彪今雖治化清晏然江南有  
 未賓之吳漠北有不臣之鹵是以臣子猶懷不虞帝  
 曰魯公帶經從戎晉侯墨衰敗敵如有不虞越縵無  
 欽定四庫全書 南北史合注 卷八十九

嫵况衰麻乎豈可以晏安之辰預念軍旅以廢喪紀  
 者朕在不言之地但公卿執奪朕情遂成性復追用  
 悲絕帝遂號痛羣臣亦哭而辭出

丁巳齊人來聘十二月壬午詔依準丘井之式遣使與  
 州郡宣行條制隱口漏丁即聽附寔若朋附豪勢凌折  
 孤獨罪有常制是歲吐谷渾巖昌武興陰平高麗等國  
 並遣使朝貢

十五年春正月丁巳帝始聽政于皇信東室初分置左

一書〇〇冊 續修四庫全書 第 〇 反文內

右史官癸亥晦日有蝕之二月己丑齊人來聘三月甲辰車駕謁永固陵夏四月癸亥帝始進蔬食乙丑謁永固陵

魏書禮志曰帝設薦于太和廟是日始薦蔬食追感哀慕終日不食侍中馮誕等諫經宿及膳甲子罷朝夕哭

自正月不雨至于癸酉有司奏祈百神詔曰

魏書禮志曰昔成湯遇旱齊景逢災並不祈山川致

欽定四庫全書

南北史合注  
卷八十九

三五

雨皆至誠發衷澍潤千里萬方有罪在予一人

何宜四氣未周便行禮事唯當考躬責已以待天譴甲

戌詔員外散騎常侍李彪假散騎侍郎蔣少遊使于齊

己卯經始明堂改營太廟五月己亥議改律令于東明

觀折疑獄乙卯抱罕鎮將長孫百年攻吐谷渾所置洮

陽泥和二戌剋之俘獲三萬餘人詔悉免歸丙辰詔造

五輅六月丁未濟陰王爵以貪殘賜死秋七月乙丑謁

永固陵規建壽陵己卯詔議祖宗以道武皇帝為太祖

魏書禮志載詔曰禮祖有功宗有德烈祖有創基之

功世祖有開拓之德宜為祖宗百世不遷遠祖平文

功未及于昭成廟號太祖道武建業之勲高于平文

而廟號烈祖比功校德以為未允今尊道武為太祖

與顯祖為二祧餘以次遷愚按上文語氣以世祖與

烈祖並稱不知何以復改為顯祖疑魏書誤資治通

鑑又改云以世祖顯祖為二祧蓋亦疑其誤也不如

徑改為太祖世祖是太祖先號烈祖讀者辨之

欽定四庫全書

南北史合注  
卷八十九

三五

乙酉車駕巡省京邑聽訟而還八月壬辰議養老又議

肆類上帝禋于六宗禮帝親臨決詔郡國有時物可以

薦宗廟者貢之戊戌移道壇于疊乾之陰改曰崇虛寺

己亥詔諸州舉秀才先盡才學乙巳親定禘祫禮

魏書載是月甲寅集羣臣詔曰近論朝日夕月皆欲

以二分之一日行禮然月有餘閏行無常準若一依分

日或值月出于東而行禮于西尋情即理不可施行

昔秘書監薛調等謂朝日以朔夕月以朏卿等謂朔



肫二分何者為是尚書游明根等請用朔肫從之  
丁巳議律令事仍省雜祀

魏書禮志載詔曰國家自先朝以來饗祀諸祀凡一  
千二百餘處今欲減省羣祀務從儉約昔漢高祖所  
祀衆神及寢廟不少元成之際匡衡執論乃得減省  
光武之世禮儀始備饗祀有序神聰明正直不待煩  
祀也

九月辛巳齊人來聘

欽定四庫全書

南北史合注  
卷八十九

三十一

魏書禮志曰丙戌有司上言請卜祥日詔曰便及此  
期覽以摧絕筮日求吉有乖敬事之志又違永慕之  
心今直用晦日丁亥帝夜宿于廟帥羣臣哭已帝易  
服縞冠革帶黑履侍臣易服黑介幘白絹單衣革帶  
烏衣遂哭盡乙夜戊子晦帝易祭服縞冠素幘白布  
深衣麻繩履侍臣去幘易帽羣臣易服如侍臣又引  
入如前儀曹尚書游明根升廟跪慰復位哭遂出引  
太守外臣及諸渠帥入哭次引南國使臣并入客人

至甲夜四刻侍御散騎常侍司衛監以上升廟哭既  
而出帝出廟停之哀哭久乃還

冬十月庚寅

魏書禮志曰太尉丕奏太廟已就移廟日須得國之  
大姓遷主安廟詔答曰遷奉神主皆太尉事朕亦親  
行事時運流速奄及縞制復不得哀哭明堂後當親  
拜山陵寫世哀慕

車駕謁永固陵是月明堂太廟成十一月

欽定四庫全書

南北史合注  
卷八十九

三十二

魏書禮志曰己未朔帝禫于太和廟哀冕以祭已冠  
黑介幘素紗深衣拜陵而還癸亥冬至車駕祀圓丘  
遂祀明堂還至太和廟乃入甲子入太華殿服通天  
冠絳紗袍以享羣臣帝感慕樂懸而不作丁卯服袞  
冕辭太和廟帥百官奉祀遷于新廟 愚按孝文之  
服馮后也宋儒胡寅謂馮后弑獻文于孝文為不共  
不應服非所服獨明方孝儒駁之云獻文于孝文則  
父子馮后則子母雖不慈子道不可不盡况孝文乃

其孫若母殺子而孫得仇是知有父而不知父有親也子故兩採其說備錄孝文居喪始末附本紀下若文自孝孫而馮后自逆后觀綱目書弒其主弘便見予之不臚列馮后傳內以此

丁卯遷七廟神主于新廟乙亥大定官品

魏書禮志曰詔罷羣臣季冬朝賀袴褶行事謂之小歲者

戊寅考諸牧守詔假通直散騎常侍李彪假散騎侍郎

欽定四庫全書

南北史合注

卷八十九

蔣少遊聘于齊丁亥詔二千石考上上者假四品將軍賜乘黃馬一匹上中者五品將軍上下者衣一襲十二月壬辰遷社于內城之西癸巳帝臨朝堂詔班賜刺史以下衣冠以安定王休為太傅齊郡王簡為太保帝為高麗王璉舉哀于城東行宮己酉車駕迎春于東郊辛卯詔簡選樂官

冊府元龜載詔曰樂者感天地感神祇調陰陽通人鬼治用大矣逮末俗凌夷正聲傾廢多好鄭衛以悅

耳目故使樂官散缺伶官失守今方登革故章稽古復令樂正雅頌各得其宜今置樂官寔須任職不得仍令濫吹

是歲吐谷渾悉萬斤高麗鄧至巖昌等國並遣使朝貢十六年春正月戊午朔朝饗羣臣于太華殿帝始為王公與縣而不樂

魏書樂志載詔曰禮樂之道自古所先作樂和中制禮坊外音聲之用其致遠矣有周之季斯道崩缺故

欽定四庫全書

南北史合注

卷八十九

夫子忘味于聞韶正樂于返魯逮漢魏見樂章復缺然博採音韻粗有篇條皇室之興干戈仍用文教未淳失治定之雅音習不典之繁曲比大樂奏其職司愧感蕪懷禮樂事大為化之本可詳採古今以備茲典內外有才堪此任者任其參議

己未宗祀顯祖獻文皇帝于明堂以配上帝遂升堂以觀雲物降居青陽左个布政事每朔依以為常辛酉詔以太祖配南郊壬戌詔定行次以水承金甲子詔罷祖



裸乙丑詔制諸遠屬非太祖子孫及異姓為王者皆降  
為公公為侯侯伯子男仍舊皆除將軍號戊辰帝臨思  
義殿策問秀孝丙子始以孟月祭廟二月戊子帝移御永  
樂宮庚寅壞太華殿經始太極殿辛卯罷寒食享壬辰  
幸北部曹歷觀諸巡省京邑聽理冤訟甲午車駕初朔  
日于東郊遂以為常丁酉詔祀唐堯于平陽虞舜于廣甯  
夏禹于安邑周文于洛陽丁未帝臨宣文堂改謚宣尼  
曰文聖尼父告謚孔廟

欽定四庫全書

南北史分注 卷八十九

魏書禮志曰帝齋中書省親拜祭于廟

三月丁卯巡省京邑癸酉省西郊郊天雜事乙亥車駕  
初迎年于南郊自此為常辛巳以高麗王璉孫雲為其  
國王齊人來聘夏四月丁亥朔頒新曆令大赦甲寅幸  
皇宗學親問博士經義五月癸未詔羣臣于皇信堂更  
定律條流徒限制帝親臨決之

魏書載六月甲辰詔曰務農重穀王政所先今四氣  
休序時澤旁潤宜用天分地悉力東畝然京師之民

游食者眾不加督勸或耘耨失時可使檢察勤惰以  
聞

秋七月壬戌詔曰

冊府元龜載詔曰王者設官分職垂拱責成振綱舉  
網眾目斯理朕德謝知人豈能一見鑒識徒乖為君  
委授之義

自今選舉每以季月本曹與吏部銓簡甲戌詔兼員外  
散騎常侍宋弁使于齊八月庚寅車駕初祀夕月于西

欽定四庫全書

南北史分注 卷八十九

郊遂以為常乙未詔陽平王熙左僕射陸元督十二將  
北討柔然丙午巖昌王梁彌承來朝司徒尉元以老遜  
己酉詔以尉元為三老游明根為五更又養國老庶老  
將行大射之禮而不克成癸丑詔曰國家雖宗文以懷  
九服修武以寧八荒然于習武之方猶為未盡將于馬  
射之前先行講武之式可教有司豫修場埒其列陣之  
儀五戎之數別俟後制九月甲寅朔大序昭穆于明堂  
祀文明太皇太后于玄堂辛未帝哭于陵左終日不絕



聲壬申復以再周忌日哭于陵左絕膳三日哀至則哭  
甲戌帝拜哭辭陵還永樂宮辛巳武興王楊集始來朝  
冬十月己亥以太傅安定王休為大司馬特進馮誕為  
司徒

冊府元龜載是月己亥詔曰先王制禮郊天享祖莫  
不配祭然而有節曰登廟常用季秋躬駕展虔祝禮  
或有褻慢之失嘉樂頗涉野合之儀然投衣之且享祭  
明堂立冬之始奉烝太廟若復致齋白登便為一月

欽定四庫全書

南北史合注  
卷八十九

甲三

兩駕白登之高未若九室之美幃次之華未如清廟  
之盛將欲廢彼東山之祀成此二享之敬可勅有司  
攝行祭事

甲辰詔以功臣配饗太廟庚戌太極殿成饗羣臣十一  
月乙卯依古大寢權制三室以安昌殿為內寢皇信堂  
為中寢四下為外寢十二月賜京邑老人鳩杖齊人來  
聘是歲高麗鄧至契丹巖昌吐谷渾等國並遣使朝貢  
十七年春正月壬子朔饗百僚于太極殿乙丑詔大賜

諸蕃君長車旂衣馬錦綵繒纈多者一千少者三百各  
以命數為差詔兼員外散騎常侍邢巒使于齊丙子以  
吐谷渾伏連籌為其國王庚辰蠲大司馬安定王休太  
保齊郡王簡朔望之朝二月乙酉詔賜議律令之官各  
有差己酉車駕始藉田于都南三月戊辰改作後宮夏  
四月戊戌立皇后馮氏是月齊直閣將軍蠻酋田益宗  
率部落內屬五月五壬戌宴四廟子孫于宣文堂帝親  
與之齒行家人禮甲子帝臨朝堂引見公卿以下決疑

欽定四庫全書

南北史合注  
卷八十九

甲三

政錄囚徒丁丑以旱徹膳襄陽蠻酋雷婆思等率其部  
落內徙居于太和川六月庚辰朔日有蝕之丙戌帝將  
南伐詔造河橋乙未講武乙巳詔曰比百秩雖陳事典  
未叙自八元樹位躬加省覽作職員令二十一卷事迫  
戎期未善周悉須待軍回更論所闕權可付外施行立  
皇子恂為皇太子秋七月癸丑以皇太子立詔賜人為  
父後者爵一級為公士曾為吏屬者爵二級為上造鰥  
寡孤獨不能自存者粟五斛戊午中外戒嚴是月齊



武帝殂八月乙酉三老山陽郡公尉元卒丙戌車駕類于上帝遂臨尉元喪丁亥帝辭永固陵己丑發京師南伐步騎三十餘萬太尉丕奏請以宮人從詔以臨戎不語內事不許壬寅車駕至肆州民年七十已上賜爵一級路見眇跛停駕親問賜衣食復終身戊申幸并州親見高年問疾苦九月壬子詔兼員外散騎常侍高聰賈禎聘于齊丁巳詔車駕所經傷民秋稼者畝給穀五斛

戊辰濟河詔洛懷并肆所過回州賜高年爵恤鰥寡孤  
欽定四庫全書 南北史合注 卷八十九

獨各有差孝悌廉義文武應求者皆以名聞又詔廝養戶不得與庶士婚有文武之才積勞應進者同庶族例聽之庚午幸洛陽周巡故宮基跡帝顧謂侍臣曰晉德不修荒毀至此遂詠黍離詩為之流涕壬申觀河橋幸太學觀石經丙子詔六軍發軫丁丑帝戎服執鞭御馬而出羣臣稽顙于馬前請停南伐帝乃止仍議遷都計冬十月戊寅朔幸金墉城詔大司空穆亮與尚書李冲將作大匠董爵經始洛京

河南志云東西二十里南北十五里廟社宮室會府以外方三百步為一里開四門置里正四人門士八人總二百二十里宣武景明二年築坊三百二十各周一千二百

己卯幸河南城乙酉幸豫州癸巳次石濟乙未解嚴設壇于滑臺宮詔京師及諸州從戎者賜爵一級應募者加二級主將加三級癸卯幸鄴城乙巳詔安定主休率從官迎家口于代車駕送于漳水上初帝之南伐起宮

欽定四庫全書

南北史合注 卷八十九

殿于鄴西十一月癸亥宮成徙御焉十二月戊寅巡省六軍己未詔隱恤軍士死亡疾病務令優給是歲勿吉吐谷渾巖昌陰平契丹庫莫奚高麗鄒至等國並遣使朝貢

十八年春正月丁未朔朝羣臣于鄴宮澄鸞殿癸亥南巡詔相兗豫三州賜高年爵恤鰥寡孤獨各有差孝悌廉義文武應求者皆以名聞戊辰經殷比干墓祭以太牢乙亥幸洛陽西宮二月己丑行幸河陰規建方澤之



所丙申徙封河南王幹為趙郡王頴州王雍為高陽王  
壬寅北巡癸卯齊人來聘甲辰詔喻天下以遷都意閏  
月癸亥次苟注陘南皇太子朝于蒲地壬申至平城宮  
癸酉臨朝堂部分遷留甲戌謁永固陵三月庚辰罷西  
郊祭天壬辰帝臨太極殿喻在代羣臣遷移之畧夏五  
月甲戌朔日有蝕之乙亥詔罷五月五日七月七日饗  
六月己巳詔兼員外散騎常侍盧昶王清石使于齊秋  
七月乙亥以宋王劉昶為大將軍壬午侍中大司馬安

欽定四庫全書

南北史合注  
卷八十九

四

定王休薨壬辰北巡戊戌謁金陵辛丑幸朔州是月齊  
蕭鸞弒其主昭業八月癸亥皇太子朝于行宮甲辰行  
幸陰山觀雲川丁未幸閱武臺臨觀講武因幸懷朔武  
川撫冥柔玄等四鎮乙丑南還所過皆親見高年問民  
疾苦貧窮孤獨賜以粟帛丙寅詔六鎮及禦夷城人年  
老孤貧廢疾者賜粟宥罪各有差戊辰車駕至旋鴻池  
庚午謁永固陵辛未還平城宮九月壬申朔詔曰三載  
考績自古通經三考黜陟以彰能否朕今三載一考考

即黜陟欲令愚滯無妨于賢者才能不墜于下位各令  
當曹考其優劣為三等六品以下尚書重問五品已上  
朕將親與公卿論其善惡上上者遷之下下者黜之中  
中者守其本任壬午帝臨朝堂親加黜陟壬辰陰平王  
陽昷來朝冬十月甲辰以太尉東陽王丕為太傅戊申  
親告太廟奉迎神主辛亥車駕發平城宮壬戌次于中  
山之唐湖乙丑分遣侍臣巡問疾苦己巳幸信都庚午  
詔曰比聞緣邊之蠻多有竊掠致父子乖離室家分絕

欽定四庫全書

南北史合注  
卷八十九

四

冊府元龜曰朕方混一區宇若苟如此南人豈知朝  
德哉

可詔荆郢東荆三州勒諸蠻人勿有侵暴是歲齊蕭鸞  
弒其主昭文而自立十一月辛未朔詔冀定二州賜高  
年爵恤鰥寡孤獨各有差孝義廉貞文武應求者俱以  
名聞丁丑幸鄴甲申經比干墓親為弔文樹碑列之  
河南通志載其文云惟皇邁遷中之元載御次乎闕  
茂望舒會于星紀十有四日厥惟甲申指松而搖



步順京途以啓征路歷商區轄屆衛壤遂旁觀古跡  
游瞰曩風睹比干之墓悵然悼懷焉聊興其韵貽弔  
云爾曰三才之肇元兮敷五靈以扶德含剛柔于金  
一木兮資明闇于南北重離耀其炎暉兮習坎司玄以  
秉黑伊稟常之懷生兮昏睿通其啓明晝皎皎其何  
朗兮夜幽幽而致蔽哲人昭昭而澄光兮狂夫黜黜  
其若翳咨堯舜之耿介兮何桀紂之猖敗沈湎而不  
知慎兮終惑已以貽戾寥寥兮比干籍冑兮殷宗含

欽定四庫全書

南北史合注  
卷八十九

精兮誕粹真樹兮英風稟蘭露以滌神餐菊英而儼  
容如薜荔以蕩識佩江離而麗躬履霜以結水兮萃  
寤忠而彌濃千金豈其吾珍兮皇舉寔余所鍾奮誠  
諫而爐軀兮道危言以礮鋒嗚呼哀哉嗚呼哀哉惟  
子在殷實為梁棟外贊九功內徽辰共匡率袞職德  
音遐洞周師返旆非子誰貢否哉悖運遺此不辰三  
綱道沒七曜輝泯負乘竊器怠棄天倫懷誠齋怒謹  
言焉陳鬼侯已醢子不見歟鄂侯已脯子不問歟微

子去矣子不知歟箕子奴矣子不覺歟何其輕生致  
死歟何其愛義勇若歸歟遺休既仄不其惜歟永以  
無返不其痛歟嗚呼哀哉嗚呼哀哉曷不相時以卷  
舒兮徒委質而顛亡雖虛名空傳于千載詎何勲之  
可揚奚若騰魂以遠逝疾飛足而歸昌德北肩乎尚  
父卒同協于周王建鴻績于盛辰豈肯宇于齊方聞  
穆音于萬祀傳光業以修長而乃自受茲斃視窳殷  
辛剖心無補迷機喪身脫非武發封墓誰因嗚呼介

欽定四庫全書

南北史合注  
卷八十九

士胡不我臣愚按是歲寔太和八年都洛之始年也  
故云元載歲在甲戌故云閏茂月旅仲冬故云星紀  
朔次辛未故云十有四日  
己丑車駕至洛陽十二月辛丑朔分命諸將南征壬寅  
革衣服之制癸卯詔中外戒嚴戊申復代遷戶租賦三  
歲己酉詔王公伯子男開國食邑者王食半公三分食  
一侯伯四分食一子男五分食一辛亥車駕南伐丁卯  
詔郢豫二州賜高年爵恤孤寡鰥老各有差緣路之丁



復田租一歲孝悌廉貞文武應求者具以名聞戊辰車  
駕至懸瓠已巳詔壽陽鍾離馬頭之師所獲男女口皆  
放還南是歲高麗國遣使朝貢

是歲齊主昭業隆昌元年昭文延興元年又明帝建  
武元年

十九年春正月辛未朔朝饗羣臣于懸瓠癸酉詔禁淮  
北人不得侵掠犯者以大辟論甲戌檄諭齊主鸞壬午  
講武于汝水西大賚六軍平南將軍王肅左將軍元麗

欽定四庫全書

南北史合注  
卷八十九

五十一

並大破齊軍己亥車駕濟淮二月甲辰幸八公山路中  
雨甚詔去蓋見軍士病者親隱恤之戊申車駕巡淮南  
東民皆安堵租運屬路丙辰幸鍾離戊午軍士擒齊人  
三千帝曰在君為君其人何罪于是免歸辛酉發鍾離  
將臨江水司徒馮誕卒壬戌詔班師丁丑遣使臨江數  
齊主罪惡三月戊子太師馮熙卒夏四月丁未曲赦徐  
豫二州其轉運之士復租三年辛亥詔賜高年爵恤孤  
寡老疾各有差德著邱園者具以名聞齊人降者給復

十五年癸丑幸小沛使以太牢祭漢高祖廟己未幸瑕  
丘使以太牢祀岱嶽詔宿衛武官增位一級庚申幸魯  
城親祀孔子廟辛酉詔拜孔氏四人顏氏二人為官充  
州刺史舉部內士人堪軍國及守宰政績者具以名聞  
詔賜兗州人爵及粟帛如徐州又詔選諸孔宗子一人  
封崇聖侯邑一百戶以奉孔子祀命兗州為孔子起園  
陌修飾墳隴更建碑銘褒揚聖德戊辰行幸鳴噉太和  
廟成五月己巳城陽王鸞諸陽失利降為定襄縣王廣

欽定四庫全書

南北史合注  
卷八十九

五十二

川王諧薨庚午遷文成皇后馮氏神主于太和廟甲戌  
行幸滑臺丙子次于石濟庚辰皇太子朝于平桃城癸  
未車駕至自南伐甲戌減閒官祿以裨軍國之用乙酉  
行飲至禮班賜各有差甲午皇太子冠于廟六月己亥  
詔不得以北俗之語言于朝廷違者免所居官辛丑詔  
復軍士從駕渡淮者租賦三年癸卯詔皇太子赴平城  
宮壬子詔濟州東郡榮賜及河南諸縣駕車所經者賜  
高年爵恤孤寡老疾各有差孝悌廉義文武應求者具



以名聞癸丑求天下遺書秘閣所無有裨時用者加以厚賞乙卯曲赦梁州復民田租三歲丙辰詔遷洛之民死葬洛城不得還北于是代人南遷者悉為河南洛陽人戊午詔改長尺大斛依周禮制度班之天下秋八月幸西宮路見壞塚露棺駐輦埋之乙巳詔選天下勇士十五萬人為羽林武賁以充宿衛丁巳詔諸從兵從征被傷者皆聽還本金墉宮成甲子引羣臣歷宴殿堂九月六宮及文武盡遷洛陽丙戌行幸鄴丁亥詔諸墓舊

欽定四庫全書

南北史合注 卷八十九

五十三

銘記見存昭然為時人所知者三公及位從公者去墓三十步尚書令僕九列十五步黃門五校十步各不聽壘殖壬辰遣黃門郎以太牢祭比干墓乙未車駕還宮冬十月甲辰曲赦相州賜高年爵恤孤老痼疾各有差丙辰車駕至自鄴辛酉詔州郡舉士壬戌詔諸州牧考屬官為等之科以聞將加親覽以定升降詔徐兗光南青荆洛六州嚴募戎備應須赴集十一月行幸委粟山議定圓丘甲申祀圓丘丙戌大赦十二月乙未朔引羣

臣光極堂宣下品令為大選之始辛酉以咸陽王禧為長兼太尉復前安南王禎本爵甲子引見羣臣光極堂班賜冠服是歲高麗鄧至吐谷渾等國各遣使朝貢二十年春正月丁卯詔改姓元氏

資治通鑑載詔曰北人謂土為拓后為跋魏之先出于黃帝以土德王故為拓跋氏夫土者黃中之色萬物之元也宜改姓元氏又魏書氏族志載十九年詔曰代人諸胃先無氏族功賢之胤混然未分故官達

欽定四庫全書

南北史合注 卷八十九

五十三

者位極公卿功衰之親仍居猥任其穆陸賀劉樓于稽尉八姓自太祖以降勳著當時者勿充猥官一同四姓原出朔土舊為部落大人而皇始以來三世官在給事已上及品登王公者為始若本非大人而皇始以來職官三世尚書以上及品登王公而中間不降官緒亦為姓請部落大人後而皇始以來官不及前列有三世為中山監已上外為太守子都品登子男者為族若本非大人而皇始以來三世有令已上





外為副將子都太守品登侯以上者亦為族皆具由  
來擬姓族呈聞

壬辰封始平王總為彭城王復封定襄王鸞為平陽王  
二月辛丑幸華林聽訟于都亭壬寅詔自非金革皆聽  
終三年喪丙午詔畿內七十已上暮春赴京師將行養  
老禮庚戌幸華林聽訟于都亭癸丑詔介山之邑聽為  
寒食自餘禁斷三月丙寅宴羣臣及國老庶老于華林  
園詔國老黃耆已上假中山大夫郡守董年以上假給

欽定四庫全書

南北史合注  
卷八十九

季四

事中縣令庶老直假郡縣各賜鳩杖衣裳丁丑詔諸中  
正各舉其鄉人望年五十已上守素衙門者授以令長  
夏五月丙子詔敦勸農功令畿內嚴加課督惰業者申  
以楚撻力田者具以名聞丙戌初營方澤于河陰遣使  
以太牢祭漢光武及明章三帝陵又詔漢魏晉諸帝陵  
各禁方百步不得樵蘇踐藉丁亥祀方澤秋七月廢皇  
后馮氏戊寅帝以久旱咸秩羣神自癸未不食至于乙  
酉是夜澍雨太洽丁亥詔求直言極諫

冊府元龜載詔曰朕以炎陽興節輟膳三晨靈鑒誠  
款曲流雲液永休勿休寧敢僭怠將有賢人湛德高  
士凝棲雖加銓採未能詔致其精訪幽谷與茲賢彥  
直言極諫輔予不及

在京之囚悉命條奏八月壬辰朔幸華林園親錄囚徒  
咸降本罪二等決遣之戊戌幸嵩高甲寅還宮丁巳南  
安王禎薨幸華林園聽訟九月戊辰車駕閱武于小平  
津癸酉還宮丁亥將遣洛水入穀帝親臨觀庚寅晦日

欽定四庫全書

南北史合注  
卷八十九

季五

有蝕之冬十月戊戌以代遷之士皆為羽林武貴司州  
之民十二夫調一吏為四年吏卒歲開番假以供公私  
力役己酉曲赦京師十一月乙酉復封前汝陰王天賜  
孫景和為汝陰王前京兆王太興為西河王十二月甲  
子以西北州郡旱儉遣侍臣巡察開倉賑恤乙丑命開  
池禁丙寅廢皇子恂為庶人戊辰置常平倉樂陵王思  
譽知恒州刺史穆泰謀反不告削爵為庶人  
二十一年春正月丙申立皇子恪為皇太子賜天下為





父後者爵一級己亥遣侍臣巡方省察問民疾苦黜陟  
 守宰乙巳北巡二月壬戌次于太原親見高年問所不  
 便乙丑詔并州士人年六十已上假以郡守癸酉車駕  
 至平城甲戌謁永固陵癸未行幸雲中庚寅還宮辛卯  
 謁金陵乙未南巡甲寅詔汾州賜高年爵各有差丙辰  
 次平陽使以太宰祭唐堯夏四月庚申幸龍門使以太  
 宰祭夏禹癸亥幸蒲坂使以太宰祭虞舜修堯舜夏禹  
 廟辛未幸長安壬申武興王楊集始來朝乙亥親見高  
 年問所疾苦丙子遣侍臣分省縣邑賑賜穀帛戊寅幸  
 未央殿阿房宮遂幸昆明池癸未宋王劉昶薨丙戌使  
 以太宰祭漢帝諸陵五月己丑車駕言旋泛渭入河庚  
 寅詔雍州士人百年已上假華郡太守九十已上假荒  
 郡八十已上假華縣七十已上假荒縣庶老以年各  
 減一等七十已上賜爵三級其營船夫賜爵一級孤寡  
 鰥貧各賜穀帛其孝友德義文武才幹悉仰貢舉壬辰  
 使以太宰祭周文王于鄴周武王于鎬癸卯遣使祭華

欽定四庫全書

南北史合注 卷八十九

五十六

岳六月庚申車駕至自長安壬戌詔冀定瀛相濟五州  
 發卒士二十萬將南討癸亥司空穆亮遜位秋七月甲  
 午立昭儀馮氏為皇后甲寅帝親為羣臣講喪服于清  
 徽堂八月丙辰詔中外嚴壬戌立皇子愉為京兆王悌  
 為清河王懷為廣平王戊辰講武于華林園庚辰車駕  
 南討九月丙申詔司州洛陽實年七十以上無子孫六  
 十以上無期貧不自存者給以衣食及不滿六十而有  
 廢痼之疾無大功親窮困無以自療者皆于別坊遣醫  
 救護給太醫師四人豫諸藥物療之辛丑帝留諸將攻  
 赭陽引師而南丁未車駕發南陽留太尉咸陽王禧前  
 將軍元英攻之乙酉車駕至新野冬十月丁巳四面進  
 攻不剋詔左右軍築長圍守之乙亥追廢貞皇后林氏  
 為庶人十一月甲午齊前軍將軍韓秀方等十五將來  
 降丁酉大破齊軍于沔北獲其將軍王伏保等于是人  
 皆復業九十以上假以郡守六十五以上假以縣令新  
 野民張賸柵萬餘家拒守不下十二月庚申破之俘斬

欽定四庫全書

南北史合注 卷八十九

五十七



萬餘丁邠詔流徙之囚皆勿決遣登城之際令其先鋒  
自効庚午車駕臨馮遂東還戊寅還新野已邠親行營壘  
恤六軍以齊郡王子琛紹河間王若後是歲衛大高昌  
國遣使朝貢

二十二年春正月癸未朔饗羣臣于新野行宮丁亥拔  
新野降其太守劉思忌于宛

魏書曰戊子齊湖陽戌主蔡道福辛卯諸陽戌主成  
公期壬辰舞陽戌主黃瑤起南鄉太守席譙相繼遁

欽定四庫全書

南北史合注  
卷八十九

五八

庚戌幸南陽二月乙卯攻宛拔之南陽太守房伯王  
出降

庚午至自新野辛未詔以穰人首歸大順始終若一者  
給復三十年標其所居曰歸義鄉次降者給復十五年  
三月壬寅朔大破齊將崔慧景蕭衍軍于鄧城斬獲二  
萬餘庚寅行幸樊城觀兵襄沔耀武而還曲赦二荆魯  
陽辛丑行幸湖陽乙未次比陽戊申詔荊州諸郡民初  
次降附復同穰縣辛亥行幸懸瓠夏四月庚午發州郡

兵二十萬期八月中旬集懸瓠趙郡王幹薨秋七月壬  
午詔后之私府捐半六宮嬪御五服男女恒恤恒供亦  
令減半在戌之親三分省一以供賞是月齊明帝殂八  
月辛亥皇太子自京師來朝九月己亥帝以禮不伐喪  
詔反旆丙午車駕發懸瓠冬十月己酉朔曲赦二豫州  
殊死已上復民田租一歲十一月辛巳幸鄴是歲高麗  
遣使朝貢

欽定四庫全書

南北史合注  
卷八十九

五九

至是有瘳庚辰羣臣上壽大饗于澄鸞殿壬午幸西門  
豹祠遂歷漳水而還戊戌車駕至自鄴癸卯行飲至策  
勲禮甲辰大赦太保齊郡王簡薨二月辛亥以長無太  
尉咸陽王禧為太尉癸亥以中大將軍彭城王勰為司  
徒復樂陵王思譽本封癸酉齊將陳顯達攻陷馬園戌  
三月庚辰車駕南伐癸未次梁城丙戌帝不豫丁酉車  
駕至馬園戌戌頻戰破之己亥收其戎資億計諸將追  
奔漢水斬獲及赴水死者十八九庚子帝疾甚車駕北



次穀塘原甲辰詔賜皇后馮氏死詔司徒總徵太子于魯陽踐阼以北海王祥為司空王肅為尚書令廣陽王嘉為左僕射尚書宋弁為吏部尚書與太尉咸陽王禧右僕射任城王澄等六人輔政

魏書載甲辰詔曰我太祖丕丕之業與四象齊茂累聖重明屬厯寡昧兢兢業業思纂乃聖遺蹤遷都嵩極定鼎河漚庶南蕩既吳復禮萬國以仰光七廟俯濟蒼生困窮早減不永乃志公卿其善毗繼子隆我

欽定四庫全書

南北史合注 卷八十九

魏室不亦善歟

夏四月丙午朔帝崩于穀塘原之行宮時年三十三秘諱至魯陽發喪還京師上謚曰孝文皇帝廟曰高祖五月丙申葬長陵

宋楊萬里揮塵云太祖乾德四年詔置守陵兩戶三年一祭以太牢又按錄云魏孝文葬永陵在陝西富平縣大誤資治通鑑註曰長陵在瀍西瀍西河南地讀後文明皇后傳自明若富平永陵乃西魏文帝陵

也

帝幼有至性年四歲時獻文患癰帝親自吮膿五歲受禪悲泣不自勝獻文問其故對曰代親之感內切于心獻文甚嘆異之文明太后以帝聰聖後或不利馮氏將謀廢帝及于寒月單衣閉室絕食三朝召咸陽王禧將立之元丕穆泰李冲固諫乃止帝初不有憾惟深德丕等撫念諸弟始終曾無纖介惇睦九族禮敬俱深雖于大臣持法不縱然性寬慈進食者曾以熱羹覆帝手又曾于食中得蟲穢物並笑而怒之官者先有譖帝于太后太后杖帝數十帝然受不自申明太后崩後亦不介意聽覽政事從善如流

欽定四庫全書

南北史合注 卷八十九

冊府元龜載帝謂尚書等官曰臣稽古典章樹茲百職然尚書樞機是司豈惟總括百揆朕之得失實在於斯今年垂二周未嘗言朕一失亦未嘗進一賢而退一不肖此二事罪之大者魏書劉昶傳載帝言曰國家本來有一事可嘆臣下不肯公言得失是也今



卿等宜各盡其心為君患不能納諫為臣患不能盡忠

哀矜百姓

魏書刑罰志曰故事皆裸斬高祖以去衣裸體男女媾見非所謂齊以法而示以禮又以侯職千數重罪受求不列細過吹毛而舉皆罷之每有奏獄悉從降恕全命徙邊歲以千計京師決死獄歲竟不過五六月

州鎮亦減

欽定四庫全書

南北史合注  
卷八十九

六十二

恒思所以濟益天地五郊宗廟二分之禮常必躬親不以寒暑為倦尚書奏案多自尋生百官大小無不留心務于周洽每言凡為人君患于不均不能推誠遇物苟能均誠胡越之人皆可親如兄弟嘗從容謂史官曰直書時事無諱國家人君威福自己始復不書將何所懼南北征巡有司奏請修道帝曰粗修橋梁通輿馬便止不須去草剗令平也凡所修造不得已而為之不為不急之事重損人力巡幸淮南如在內地軍事須伐人樹

者必留絹酬其直苗稼無所傷踐諸有禁忌穰厭之方非典籍所載者一皆除罷雅好讀書手不釋卷五經之義覽之便講學不師授採其精奧史傳百家無不該涉善談莊老尤精釋義才藻富瞻好為文章詩賦銘頌任興而作有大文章馬上口授及其成也不改一字自太和十年已後詔冊皆帝文也自餘文章百有餘篇

魏書曰高祖留意文史文章百篇冠絕終古 隋書

經籍曰後魏孝文頗效屬辭未能變俗例皆淳古

欽定四庫全書

南北史合注  
卷八十九

六十三

愚謂文字中能兼淳古正人所難及恐孝文猶未臻此耳史官何言之易哉

愛奇好士情饑渴待納朝賢隨下輕重常寄以布素之意悠然玄邁不以世武嬰心又少善射僕有膂力年十餘能以指彈碎羊髀骨射禽獸莫不隨行所至而斃之至十五便不復殺生射獵之事悉止性儉素常服澣濯之衣鞍勒鐵木而已帝之雅志皆此類也

魏書天象志曰帝方修禮儀正喪服經人倫之化竟



未就而崩少君嗣立事復寢縉紳先生咸哀慟之

論曰有魏始基代朔廓平南夏開土經世咸以威武為

業文教之事所未遑也孝文纂承洪緒早著敷聖之風

時以文明攝事優游恭己玄覽獨得著自不言神契所

標固已符于冥化及躬總大政一日萬幾十許年間曾

不暇給殊途同歸百慮一致夫生靈所難行人倫之高

迹雖尊居黃屋盡蹈之矣若乃欽明稽古協御天人帝

王制作朝野軌度斟酌用舍煥乎其有文章海內黔黎

欽定四庫全書

南北史合注 卷八十九

咸受耳目之賜加以雄才大畧愛奇好士視下如傷役

已利物亦無得而稱之其經緯天地豈虛諡哉

魏書崔僧淵傳曰僧淵自宋入國累官征東大將軍

蕭驚遣其族兄惠景遺書說以入國之屈規今改圖

僧淵復書曰主上為人無幽不炤無細不存仁則無

遠不及博則無典不究殫三墳之微盡九丘之極文

章錯綜煥然蔚炳若夫子之墻矣遂開獨悟之門尋

先王之迹焉惟新中環之宅三光起重輝之炤庶物

蒙再造之恩始分氏定族料甲乙之科班官命爵清九

流之貫禮俗之叙燦然復興河洛之間重隆周道巷

歌里頌朝熙門穆文士競謀于廟堂武夫效勇于疆

場若論事勢此其實矣計彼主指齊篡殺人鬼同知

兄投心逆即千載何名見機而作其在茲乎賈不及

時雖貴不用若不早圖將枉連城讀僧淵此傳可括

孝文美德故錄于後

或問孝文王通曰可與興化矣中國之道不替孝文

欽定四庫全書

南北史合注 卷八十九

力也又曰太和之政近雅矣

南北史合注卷八十九

欽定四庫全書

南北史合注卷九十

明 李清 撰

魏本紀第四

北史四

世宗宣武皇帝諱洛孝文皇帝第二子母高夫人初夢為日所逐避于牀下日化為龍繞已數匝寤而驚悸遂有娠太和七年閏四月生于平城宮二十一年正月丙申立為皇太子二十三年四月丙午孝文帝崩丁巳太

欽定四庫全書

南北史合注 卷九十

子即皇帝位大赦諒闇委政宰輔六月乙卯分遣侍臣巡行州郡問民疾苦考察守令黜陟幽明褒禮名賢戊辰追尊皇妣曰文昭皇后秋八月戊申遵遺詔孝文皇帝三夫人已下悉免歸家癸丑增宦臣位一級冬十月癸未鄧至國王象舒彭來朝丙戌謁長陵丁酉享太廟十一月幽州人王惠定聚眾反自稱明法皇帝刺史李肅捕斬之是歲州鎮十八水飢分遣使者開倉賑恤高麗國兩遣使朝貢

是歲齊主寶卷永元元年

景明元年春正月辛丑朔日有蝕之壬寅謁長陵乙巳大赦改元丁未齊豫州刺史裴叔業以壽春內屬二月戊戌復以彭城王勰為司徒齊將胡松李居士軍屯宛陳伯之水軍逼壽夏四月丙申司徒彭城王勰車騎將軍王肅大破之己亥皇弟桃晃五月甲寅北鎮飢遣兼侍楊播巡撫開倉賑恤六月丙子以司徒彭城王勰為大司馬秋七月己亥朔日有蝕之齊將陳伯之寇淮南

欽定四庫全書

南北史合注 卷九十

八月乙酉彭城王勰破伯之于肥口九月齊州人柳世明聚眾反冬十月丁卯朔謁長陵庚寅齊克二州討世明平之丁亥改授彭城王勰司徒錄尚書事十一月丁巳陽平王頤薨是歲州鎮十七大飢分遣使者開倉賑恤高麗吐谷渾等國並遣使朝貢二年春正月丙申朔謁長陵庚戌帝始親政遵遺詔聽司徒彭城王勰以王歸第進太尉咸陽王禧位太保以司空北海王詳為大將軍錄尚書事丁巳引見羣臣于



太極前殿告以覽政之意壬戌以太保咸陽王禧位太尉以大將軍廣陵王羽為司空分遣大使黜陟幽明二月庚午進宿衛之官位一級甲戌大赦三月乙未朔詔以比年連有軍旅正調之外皆蠲罷辛亥詔尚書申明條制申下諸州刺史速請淹獄壬戌青齊徐兗四州大飢民死者萬餘口是月齊雍州刺史蕭衍奉其南康王寶融為主東赴建業夏五月壬子廣陵王羽薨壬戌太保咸陽王禧謀反賜死六月丁亥考諸州刺史加以黜

欽定四庫全書

南北史合注 卷九十

陟秋七月癸巳朔日有蝕之乙巳柔然犯塞辛酉大赦九月丁酉發畿內夫五萬五千人築京師三百二十坊四旬罷己亥立皇后于氏乙卯免壽春營戶並隸揚州冬十一月丙申以驃騎大將軍穆亮為司空丁酉以大將軍北海王詳為太傅領司徒壬寅改築圓立于伊水之陽乙卯仍有事焉十二月齊直後張齊殺其主蕭寶卷以降蕭衍是歲高麗吐谷渾等國並遣使朝貢是歲齊和帝中興元年

三年春二月戊寅以旱故詔州郡掩骸骨三月齊建安王蕭寶融來奔夏四月詔撫軍將軍李崇討魯陽反蠻齊主蕭寶融遜位于梁閏四月丁巳司空穆亮卒秋七月丁巳朔日有蝕之八月癸卯齊江州刺史陳伯之請降丁卯以前太傅平陽公元丕為三老九月丁巳行幸鄴丁卯詔使者弔比干墓戊寅閱武于鄴南冬十月庚子帝躬御弧矢射遠及一里五十步羣臣勒銘于射所甲辰車駕還宮

欽定四庫全書

南北史合注 卷九十

魏書載冬十有一月己卯詔京洛兵燹歲踰十紀先皇定鼎舊都惟新魏歷剪掃遐荒創茲雲構鴻功茂績規模長遠今廟社及建宮極斯崇便當以來月中旬蠲吉徙御仰尋遺意感慶交衷既禮盛周宣斯千之制事高漢祖壯禮之儀可依典故備茲考古以稱遐邇人臣之望魏書載冬十有二月戊子詔曰民本農桑國重蠶籍梁盛所憑冕織攸寄比京邑初基耕桑暫缺遺規往昔宜必祇修今寢殿顯成移御惟始



春郊無遠拂羽有辰便可表營千畝開設宮壇東未授筐躬勸億兆

壬寅以太極前殿初成饗羣臣賜布帛有差是歲河州大飢死者二千餘口西域二十七國並遣使朝貢

是歲梁武帝天監元年

四年春正月乙亥親耕籍田三月己巳皇后先蠶于北郊四月癸未朔蕭寶夤為東揚州刺史封丹陽郡公齊王庚寅南天竺國獻辟支佛雅成成為早故命鞠寬獄

欽定四庫全書

南北史合注 卷九十一

魏書載戊戌詔曰酷吏為禍綿古同患孝婦淫刑東海焦壤今不雨上旬意者有冤獄乎尚書鞠京師見囚務盡聽察之理

己亥減膳徹懸辛丑澍雨大洽五月甲戌行梁州事楊

椿大破反氏六月壬午朔封皇弟悅為汝南王秋七月

乙卯三老平陽公元丕卒庚午詔復收鹽池利辛未以

彭城王勰為太師八月勿吉國貢楛矢冬十一月己未

封武興國世子楊紹先為武興王

正始元年春正月丙寅大赦改元夏五月丁未朔太傅北海王詳以罪廢為庶人六月以旱故徹樂減膳癸巳詔有脩案舊典祇行六事

魏書載詔曰朕政刑多并陽早六旬京甸楛瘁在于之責有司可循案舊典祇行六事固固寬滯平處決之庶尹廢職重加脩舉鰥寡困窮在所存恤役賦殷煩咸加蠲省賢良正直以禮進之貪殘佞諛時加屏黜男女怨曠務令遵會稱朕意焉

欽定四庫全書

南北史合注 卷九十一

六

甲午帝以旱故親薦享于太廟戊戌詔立周旦夷齊廟于首陽山庚子以旱故公卿以下引咎責躬又錄京師見囚殊死已下皆減一等鞭杖之坐悉原之秋七月丙子假鎮南將軍李崇大破諸蠻八月丙子假鎮南將軍元英破梁將馬仙琕于義陽詔洛陽令有大事聽面敷奏乙酉元英攻拔義陽辛卯英又大破梁軍仍請三關丁酉封英為中山王九月詔諸州蠲停徭役不得橫有徵發柔然犯塞詔左僕射源懷討之冬十月乙未詔斷



羣臣白衣募吏十一月戊午詔有司依漢魏舊章營繕國學

魏書載詔曰古之哲王莫不崇建膠序開訓國冑昭宣三禮崇明四術使道暢羣邦風流萬宇自皇基仗構光宅中區軍國務殷未遑經建靜言思之有慙古烈可教有司依漢魏舊章營建國學

十二月丙子以苑牧公田分賜代遷戶已卯詔羣臣議定律令閏月癸卯朔行梁州事夏侯道遷居漢中來降

欽定四庫全書

南北史合注 卷九十

乙丑以高陽王雍為司空是歲高麗遣使來朝貢

二年春正月丙子封宕昌世子梁彌博為宕昌王二月梁州氏蜀反絕漢中運路州刺史邢巒頻大破之

魏書靈徵書曰是年三月徐州蠶蛾食人厄殘者一百十餘人死者二十二人

夏四月己未城陽王鸞薨己丑詔曰任賢明治自昔通規而中正所銓但為門第吏部彝倫乃不才舉遂使英德罕升司務多滯不精厥選將何考陟八座可審議往

代推賢之休必令才學並申資望兼致刑巒遺統軍王足西伐頻破梁諸軍遂入劍閣

魏書曰六月己丑詔錄先朝勳臣後隨才銓序又詔尚書李崇太府卿于忠散騎常侍游肇諫議大夫郗羨俱為大使分斷外州畿內各守令咎失彰露者即使施決州鎮重職聽為表聞

秋七月戊子王足擊破梁軍因逼涪城八月壬寅詔中山王英南討襄沔冬十一月戊辰朔武興王楊紹先叔

欽定四庫全書

南北史合注 卷九十

父集起謀反詔光祿大夫楊椿討之王足圍涪城益州諸郡戍降者十二三送編籍者五萬餘戶既而足引軍退是歲鄧至國遣使朝貢

三年春正月丁卯朔皇子昌生大赦壬申梁秦二州刺史邢巒連破氏賊剋武興秦州人王智等聚眾自號王公尋推秦州刺史呂苟兒為主年號建明己卯楊集起兄弟相率降二月丙辰詔求謙言戊午詔右衛將軍元麗討呂苟兒三月己巳以戎旅興詔停諸作己卯樂良



王長命坐殺人賜死庚寅平南將軍曲江縣公陳伯之  
自梁城南奔夏四月丁未詔罷鹽池禁五月丙寅詔以  
時澤未降春稼已旱或有孤老餒疾無贍救因以致死  
暴露溝塹者令洛陽部尉依法棺埋秋七月庚辰元麗  
大破秦賊降呂苟兒及其王公三十餘人秦涇二州平  
戊子中山王英大破梁徐州刺史王伯敷于陰陵己丑  
詔發定冀瀛相肆六州卒十萬以濟南軍八月壬寅安  
東將軍邢巒破梁將桓和于孤山諸將所在克捷兗州

欽定四庫全書

南北朝書  
卷九十

平壬戌曲赦涇秦岐涼河五州九月癸酉邢巒大破梁  
軍于宿豫徐州平己丑中山王英大破梁軍于淮南遂  
攻鍾離冬十一月甲子帝為京兆王愉清河王懌廣平  
王懷汝南王悅講孝經于武乾殿是歲高麗柔然國並  
遣使朝貢

四年夏四月戊戌鍾離大水中山王英大敗而還六月  
己丑朔詔有司準前式置國子立太學樹小學于四門  
魏書載詔曰高祖徙縣中區光宅天邑戎繕兼興未

違儒教朕思模聖規述遵先志可勅有司準訪前式  
置國子立太學樹小學于四門

秋八月己亥中山王英齊王蕭寶貴坐鍾離敗除名辛  
丑敦煌民飢詔開倉賑恤九月己未詔以徙正宮極庸  
績未酬以司空高陽王雍為太尉尚書令廣陽王嘉為  
司空百官悉進位一級庚申夏州長史曹明謀反伏誅  
甲子開斜谷舊道丙戌司州民飢詔開倉賑恤閏月甲  
午禁司馬大門不得車馬出入冬十月丁卯皇后于氏

欽定四庫全書

南北朝書  
卷九十

崩乙酉葬順皇后十一月丁未自碣石至于劍閣東西  
七千里置二十二郡尉十二月戊午詔兵士鍾離沒落  
者復一房田租三年是歲西域東夷四十餘國並遣使  
朝貢

永平元年春三月戊子皇子昌薨丙午以去年旱儉遣  
使者所在賑恤夏五月辛卯帝以旱故減膳徹懸六月  
壬申詔依洛陽舊圖脩聽訟觀當與王公卿士親臨錄  
問秋七月甲午立夫人高氏為皇后乙未詔以諸獄官



加杖違制付尚書精檢以聞八月壬子朔日有蝕之癸亥冀州刺史京兆王愉據州反丁卯大赦改元九月丙戌復前中山王英本封戊戌賜太師彭城王勰死癸卯假鎮北將軍李平剋信都擒愉送京師冀州平冬十月丁巳詔復北海王詳本封葬以王禮豫州彭城人白早生殺刺史司馬悅據城南叛十二月己未尚書邢巒剋懸瓠斬早生擒梁將齊苟兒等是歲北狄東夷西域十八國並遣使朝貢高昌國王麴嘉表求內徙

欽定四庫全書

南北史合注 卷九十一

十一

三年春正月中山王英拔梁武陽闕進攻黃峴西關皆克之涇州沙門劉慧汪聚眾反詔華州刺史奚康生討之夏四月己酉武州鎮飢詔開倉賑恤甲子詔緣邊州鎮自今一不聽寇盜境外犯者罪同境內

魏書載詔曰聖人濟世或正或權理無恒在先廟以雲駕甫遷蒿基始構河洛民庶徙內未安伊闕西南羣蠻填聚沔陽賊城連邑作戍蠶爾愚巴心未純款故暫抑造育之仁權緩肅奸之法今京師天固與昔

不同楊荆郢益悉皆我有保險諸蠻罔不歸附商洛民情誠倍往日唯襄懋已南仁乖道政被拘隔化非民之咎而無賴之徒輕相劫掠屠害良善離人父兄便可放彼掠民示其大惠捨此殘賊未令之愆并勅緣邊州鎮自今以後不聽緣邊寇盜犯者罪同境內若州鎮諸將知容不糾坐之如律

五月辛丑帝以旱故減膳徹懸禁斷屠殺甲辰幸華林都亭錄囚徒死罪以下降一等六月辛亥詔曰江海方

欽定四庫全書

南北史合注 卷九十一

十二

同車書宜一諸州軌轍南北不等今可申敕四方遠近無二秋八月丙午朔日有食之戊申以鄧至國世子像覽蹄為其國王九月辛巳封故北海王子顥為北海王壬午詔定諸門闈名冬十月以廣陽王嘉為司徒庚午郢州獻七寶牀詔不納

冊府元龜曰郢州刺史韓務獻七寶牀象牙白席詔曰晉武却雉頭裘服朕嘗嘉之今務所獻亦此類也奇麗之物有乖佩素可付其家人



冬十一月甲申詔禁屠殺含孕以為永制己丑帝于式  
乾殿為諸僧朝臣講維摩詰經十二月詔五等諸侯其  
同姓者出身公正六下侯從六上伯從六下子正七上  
男正七下異族出身公從七上侯從七下伯正八上子  
正八下男從八上清修出身公從八下侯正九上伯正  
九下子從九上男從九下是歲西域東夷二十四國並  
遣使朝貢

三年春二月壬子秦州沙門劉光秀謀反州郡捕斬之  
欽定四庫全書

南北史合注  
卷九十

十三

癸亥秦州隴西羌殺鎮將趙儁反州軍討平之三月丙  
戌皇子調生大赦夏四月平陽郡之禽昌襄陵二縣大  
疫自正月至此月死者二千七百三十人五月丁亥冀  
定二州旱儉詔開倉賑恤六月壬寅詔重求遺書于天  
下冬十月辛卯中山王英薨丙申詔太常立館使京畿  
內外疾病之徒咸令居處嚴勅醫署分師治療考其能  
否而行賞罰又經方浩博卒難窮究令有司集諸醫工  
惟簡精要取三十卷以班九服十二月辛巳江陽王繼

坐事除名甲申詔于青州立孝文皇帝廟殿中侍御史  
王敞謀反伏誅是歲西域東夷北狄十六國並遣使朝  
貢

四年春正月丁巳汾州劉龍駒聚眾反詔諫議大夫薛  
和討之二月壬午青齊徐兗四州民飢甚遣使賑恤三  
月壬戌司徒廣陵王嘉薨夏四月梁遣其鎮北將軍張  
稷及馬仙琕寇朐山詔徐州刺史盧昶率眾赴之五月  
己亥遷代京銅龍置天泉池西秋七月癸巳勿吉國貢  
欽定四庫全書

南北史合注  
卷九十

十四

楷矢丙辰詔禁天文學冬十月朐山城陷盧昶大敗而  
還十二月壬戌朔日有蝕之是歲西域東夷北狄二十  
九國並遣使朝貢  
延昌元年春正月乙巳以頻年水旱百姓飢餓分遣使  
者開倉賑恤丙辰以尚書令高肇為司徒清河王擇為  
司空三月甲午州郡十一大水詔開倉賑恤以京師穀  
貴出倉粟八十萬石以賑恤貧者己未安樂王銓薨夏  
四月詔以旱故斷食粟之畜丁卯詔曰遷京嵩縣年將



二紀虎聞缺唱演之音四門絕講訟之業博士端然虛  
祿靜言念之有兼愧慨可嚴勅有司國之學孟冬使太  
學四門明年暮春令就戊辰以旱故詔尚書與羣司鞠  
理獄訟辛未詔河北民飢就穀六鎮丁丑帝以旱故減  
膳徹懸癸未詔曰肆州地震陷裂死傷甚多亡者不可  
復追生病宜加療救可遣太醫折傷醫并給所須藥就  
療乙酉大赦改元詔立理訴殿申訟車以盡冤窮之理  
五月丙午詔天下有粟之家供年之外悉貸飢民自二

欽定四庫全書

南北史合注 卷九十一

十五

月不雨至于是月己未晦日有蝕之六月壬申澍雨大  
洽戊寅通河南北馬之禁庚辰詔出太倉粟五十萬石  
以賑京師及州郡飢民秋八月丁亥勿吉國獻楛矢冬  
十月乙亥立皇子詡為皇太子十一月丙申詔以東宮  
建賜天下為父後者爵一級孝子順孫廉夫節婦旌表  
門閭量給粟帛十二月己巳詔守宰為御史所彈遇赦  
免者及考在中第皆代之是歲西域東夷十國並遣使  
朝貢

二年春正月戊戌帝御申訟車親理冤訟二月丙辰朔  
賑恤京師貧民甲戌以六鎮大飢開倉拯贍己卯進太  
尉高陽王雍位太保閏月辛丑以苑牧之地賜代遷民  
無田者是春民飢死者數萬口夏四月庚子以絹十五  
萬疋賑河南郡飢民五月甲寅朔日有蝕之是月壽春  
大水遣平東將軍奚康生等步騎數千赴之六月乙酉  
青州民飢詔有司開倉賑恤甲午曲赦揚州辛亥帝御  
申訟車親理冤訟是夏十三郡大水秋八月辛卯詔以

欽定四庫全書

南北史合注 卷九十二

十六

水旱飢儉百姓多陷罪辜降死已下刑九月丙辰以貴  
族豪門崇習奢侈詔尚書嚴立限級節其流宕冬十月  
詔以恒肆地震民多死傷重丐一年租賦十二月丙戌  
丐洛陽河陰二縣租賦乙巳詔以恒肆地震民多離災  
其有課丁沒盡老幼單立家無受復者各賜廩粟以接  
來稔是歲東夷西域十餘國並遣使朝貢  
三年春二月乙未詔曰肆州秀容郡敷城縣鴈門郡平  
原縣自去歲四月以來山鳴地震于今不已告謹彰咎



朕甚懼焉可恤獲寬刑以答災譴夏四月青州民飢辛巳開倉賑恤乙巳帝御申訟車親理冤訟秋八月甲申帝臨朝堂考百司而加黜陟冬十一月辛亥詔司徒高肇為大將軍平蜀大都督率十五萬步騎西伐益州丁巳幽州沙門劉僧紹聚眾反自號淨居國明法王州郡捕斬之十二月庚寅詔立明堂是歲東夷西域八國並遣使朝貢

四年春正月甲寅帝不豫丁巳崩于式乾殿時年三十

欽定四庫全書

南北朝合注  
卷九十

十七

三

金石錄云魏書載宣武以太和七年生景明四年帝年二十而御射碑言年十七當以碑為據然則宣武終于延昌四年蓋三十五歲而史以為三十三誤

二月甲戌朔上謚曰宣武皇帝廟號世宗甲午葬景陵帝幼有大度喜怒不形于色雅性儉素初孝文欲觀諸子志尚大陳寶物任其所取京兆王愉等皆競取珍玩帝惟取骨如意而已孝文大奇之及庶人恂失德孝文

謂彭城王勰曰吾固疑此兒有非常志相今果然矣乃見立為儲貳雅愛經史尤精釋義每至講論終夜忘疲善風儀美容貌臨朝深嘿端嚴若神有人君之量矣

肅宗孝明皇帝諱詡宣武皇帝第二子母胡充華永平三年三月丙戌生于宣光殿之東北有光焰于庭中延昌元年十月乙亥立為皇太子四年正月丁巳宣武帝崩是夜太子即皇帝位戊午大赦己未徵下西討東防諸軍庚申詔太保高陽王雍入居西柏堂決庶政以任

欽定四庫全書

南北朝合注  
卷九十

十八

城王澄為尚書令百官總已以聽二王二月庚辰尊皇后高氏為皇太后辛巳司徒高肇至京師以罪賜死癸未進太保高陽王雍為太傅領太尉以司空清河王暉為司徒以驃騎大將軍廣平王懷為司空乙亥尊胡充華為皇太妃三月甲辰朔皇太后出俗為尼徙御金墉城丙辰詔進宮臣位一級己丑詔進文武羣官位一級夏六月沙門法慶聚眾反于冀州殺阜城令自稱大乘秋八月乙亥領軍于忠矯詔殺左僕射郭祚尚書裴植



免太傅高陽王雍官以王還第丙子尊皇太妃為皇太后  
 后戊子帝朝太后于宣光殿大赦己丑進司徒清河王  
 憚為太傅領太尉以司空廣平王懷為太保領司徒任  
 城王澄為司空庚寅以車騎大將軍于忠為尚書令特  
 進崔光為車騎大將軍並儀同三司壬辰復江陽王繼  
 本國復濟南王彧先封為臨淮王羣臣奏請皇太后臨  
 朝稱制九月乙巳皇太后親覽萬幾甲寅征西大將軍  
 元遙破斬法慶傳首京師安定王變堯冬十月庚午朔  
 欽定四庫全書 南北史合注 卷九十 十九

勿吉國貢楛矢乙酉以安定公胡國珍為中書監儀同  
 三司辛丑以高陽王雍為太師乙酉鎮南將軍崔亮破  
 梁將趙祖悅軍遂圍硤石丁卯帝皇太后謁景陵是歲  
 東夷西域北狄十八國並遣使朝貢  
 熙平元年春正月戊辰朔大赦改元荆沔都督元志大  
 破梁軍以吏部尚書李平為台節度討硤石諸軍三月  
 乙巳鎮東將軍蕭寶夤大破梁將於淮北癸亥初聽秀  
 才對策第中上以上叙之乙丑鎮南崔亮鎮東李平等

剋硤石斬趙祖悅傳首京師盡俘其眾三月戊辰朔日  
 有蝕之夏四月戊戌以瀛州民飢開倉賑恤五月丁卯  
 朔以炎旱明釐察獄訟權停作役庚午詔放華林野獸  
 于山澤秋七月庚午重申殺牛禁  
 冊府元龜曰是年詔遣沙門惠生使西域採諸經律  
 時帝于城內大社西起永寧寺太后親率百寮表基  
 立制佛圖九層高四十餘丈費用不可勝記  
 八月丙午詔古帝諸陵四面各五十步勿聽耕稼  
 欽定四庫全書 南北史合注 卷九十 二十

魏書載詔曰先賢列聖仁風盛德煥乎圖史暨歷數  
 永終陵隧杳藹鞠為茂草古帝諸陵多見踐踏明敕  
 所在諸有帝王墳陵四面各五十步勿聽耕稼  
 九月丁丑淮堰破梁綠淮城戍村落十餘萬口皆漂入  
 海是歲吐谷渾宕昌鄧至高昌陰平等國並遣使朝貢  
 二年春正月大乘餘賊復相聚攻瀛州刺史宇文福討  
 平之甲戌大赦庚寅詔遣大使巡行四方問疾苦恤孤  
 寡黜陟幽明二月丁未封御史中尉元匡為東平王三

月丁亥太保領司徒廣平王懷亮

魏書禮志載是月詔以太武皇帝神武纂業克清禍

亂可配南郊孝文皇帝惟新魏道刑措勝殘宜配明

堂

夏四月丁酉詔京尹所統年高者板賜郡各有差戊申

以開府儀同三司胡國珍為司徒乙卯皇太后幸伊闕

石窟寺即日還宮改封安定王超為北平王五月

魏書詔曰揚硤石荆山新淮郡城兵士戰沒者追給

欽定四庫全書

南北史合注 卷九十一

欽財復一房五年若無妻子復其家人二年身被三

瘡賞一階雖一瘡而四體廢落者一同此賞

庚辰重申天文禁犯者以大辟論秋七月乙亥儀同三

司汝南王悅坐殺人免官以王還第己巳享太廟八月

戊戌宴道武以己宗室年十五以上于顯陽殿申家人

禮

冊府元龜載詔曰皇魏開基帝胤繁衍親賢並茂而

猶沈屈素里曲褐衡門何以翼屏王室今可依世近

序之列位

己亥詔庶族子弟年未十五不聽入仕庚子詔咸陽京

兆二王子女還附屬籍

冊府元龜載詔曰周德崇厚蔡仲享國漢道仁恕淮

南畢王皆所以申恩赦威蠲盪舊蒙義彰曩策詠流

前史咸陽京兆兩門諸子並可聽附屬籍

丁未詔太師高陽王雍入居門下參決尚書奏事丙寅

詔自今月望當出城闈親納滯枉冬十月以幽冀滄瀛

欽定四庫全書

南北史合注 卷九十一

光五州飢遣使巡撫開倉賑恤丁酉年呂國貢楛矢

魏書載乙卯詔曰北京根舊帝業所基南遷二紀猶

有留住懷本樂故未能自遣若未遷者悉可聽其仍

停安堵永業門才術藝應于時求者自別徵引不在

斯例周之子孫漢之列族徧于海內豈拘南北千里

而已哉魏書靈徵志載十一月己未并州表送祁縣

民韓僧真女令姬從母右脇生胡太后詔付掖庭

是歲東夷西域氏羌等十一國並遣使朝貢



神龜元年春正月甲子詔以氏酋楊定為陰平王壬申詔給京畿老人板即縣各有差及賜鰥寡孤獨粟帛庚辰詔以雜役戶或冒入清流所在職人皆令五人相保無人任保者奪官還役乙酉秦州羌反幽州大飢死者三千七百九十人詔刺史開倉賑恤二月己酉詔以神龜表瑞大赦改元東益州氏反三月南秦州氏反夏四月丁酉司徒胡國珍薨甲辰改封江陽王繼為京兆王六月自正月不雨是月辛卯澍雨乃降秋七月河州人

欽定四庫全書 南北史合注 卷九十 五

却鐵忽聚眾反自稱水池王閏月甲辰開恒州銀山禁八月癸丑朔詔京師見囚殊死以下悉減一等魏書載丁巳詔曰頃年以來戎車頻動服制未終奪哀從役罔極之痛弗申鞠育之恩靡報非所謂敦崇至道者也自今雖金革之事皆不得請起居喪

甲子却鐵忽詣行臺源之恭降九月戊申皇太后弒故皇太后高氏于瑤光寺冬十月丁卯以尼禮葬芒山中二月辛未詔曰民生有終下歸北域京邑隱賑口盈億

萬貴賤攸憑未有定所今制乾脯山以西擬為九原是歲東夷西域北狄十一國並遣使朝貢

二年春正月辛巳朔日有蝕之丁亥詔曰皇太后撫謙自居稱號弗備宜遵舊典稱詔宇內以副元元之望是月改葬文昭皇太后高氏

魏書禮儀志載胡太后與服總既葬而除

二月乙丑齊郡王祐薨庚午羽林千餘人焚征西將軍張彘第毆傷彘焚殺其子均乙亥大赦丁丑詔求直言

欽定四庫全書 南北史合注 卷九十 五

壬寅詔以旱故命依舊雩祈察理冤獄掩骼埋骸賑窮恤寡三月甲辰澍雨大洽夏五月戊戌以司空任城王澄為司徒京兆王繼為司空秋八月乙未御史中尉東平王匡坐事削除官爵九月庚寅皇太后幸嵩高山癸巳還宮冬十二月癸丑司徒任城王澄薨庚申大赦詔除淫祀焚諸雜神是歲吐谷渾宕昌噉噠等國並遣使朝貢

正光元年春正月乙亥朔日有蝕之



魏書載乙酉詔曰建國緯立教為本來歲仲陽節和氣潤釋奠孔顏此其時也有司可豫繕國學圖飾聖賢置官簡牲擇吉備禮

夏四月丙辰詔尚書長孫承業巡撫北蕃觀察風俗五月辛巳以炎旱故詔八座鞠見囚申枉濫

魏書曰癸未詔刺史守令撫恤窮寃理決庶獄其賦役不便于民者具以狀聞

秋七月丙子侍中元乂中常侍劉騰奉帝幸前殿矯皇

欽定四庫全書

南北史合注  
卷九十

太后詔歸政遜位

魏書載詔曰我高祖孝文皇帝世宗宣武皇帝鴻勳未半俱早登遐車書弗同寇盜尚熾幼主稚弱風纂

寶歷朕敬順羣請臨朝總政帝年已長久思退身所往歲殷勤具陳情旨而僉爾眾意苦見勤奪詎俛從

事以迄于茲自此春耒先疾屢發夏首及今數加動劇便不堪日釐萬務巨細兼省帝齒周星紀識學逾躋足以撫輯萬邦朕當率前志敬遜別宮遠惟復子

明辟之義以自綏養實望羣公逮于黎庶深鑒斯理

乃幽皇太后北宮殺大傅清河王懌總勒禁放決事殿

中辛卯帝加元服大赦改元內外百官進位一等八月

甲寅相州刺史中山王熙舉兵欲討乂騰不果見殺九

月壬辰柔然主阿那瓌來奔戊戌以太師高陽王雍為

丞相冬十月乙卯以儀同三司汝南王悅為太尉十一

月己巳詔封阿那瓌為朔方郡公柔然王十二月壬子

詔送柔然王阿那瓌歸國如不容受任聽送閏辛酉以

欽定四庫全書

南北史合注  
卷九十

司空京兆王繼為司徒

洛陽迦藍記曰是歲沙門惠生自西域還得梵經論

一百七十部梁普通元年

二年春正月南秦州氏反二月車駕幸國子學講孝經

三月庚子幸國子學祠孔子以顏回配甲午右衛將軍

奚康生于禁中殺元乂不果為人所害以儀同三司劉

騰為司空夏四月庚子進司徒京兆王繼為太保壬寅

以儀同三司崔光為司徒五月丁酉朔日有蝕之秋七



月己丑以旱故詔有司脩案舊典祇行大事

魏書載六事云決園枉脩廢職恤困窮蠲賦役進賢

良黜貪邪偶怨曠

八月己巳柔然後主郁久間侯匿伐來奔懷朔鎮十二

月甲戌詔司徒崔光安豐王延明等議定服章庚辰以

東益南秦州氏反詔河間王琛討之失利是歲馬長居

宓波期高昌勿吉伏羅高車等國並遣使朝貢

三年春正月辛丑帝耕籍田夏四月庚寅以高車國王

欽定四庫全書

南北史合注 卷九十

履伊訶為鎮西將軍西海郡公高車國王五月壬辰朔

日有蝕之六月己巳以旱故詔分遣有司馳祈嶽瀆及

諸山川百神能興雲雨者命理冤獄止土功減膳徹懸

禁止屠殺冬十一月己丑朔日有蝕之乙巳祀圓丘丙

午詔班曆大赦十二月癸酉以太保京兆王繼為太傅

司徒崔光為太保是歲波期不溪龜茲吐谷渾並遣使

朝貢

四年春二月壬申追封故咸陽王禧為敷城王京兆王

愉為臨洮王清河王懌為范陽王以禮加葬丁丑河間

王琛章武王融並以貪汙削爵除名己卯柔然阿那瓌

率眾犯塞遣尚書左丞元孚為北道行臺持節喻之柔

然後主郁久間侯匿伐來朝司空劉騰卒夏四月阿那

瓌執元孚北遁秋

魏書載秋七月辛亥詔曰崇敬黃耆先代通訓故方

叔以元老處位充國以自強見留雖七十致仕明乎

典故然以德尚壯許其繫維今庶僚之中或年更懸

欽定四庫全書

南北史合注 卷九十

車循禮宜退但少收其功棄其身言念勸舊悵然未

忍或戴白在野未當外任或停私歷紀甫受考級如

此之徒雖滿七十聽其莅民以終常限或新解郡縣

或外任始停已滿七十方求更叙者吏部可依今不

奏其有高名俊德老成髦士灼然顯達者不拘斯例

若才非秀異見在朝官依令合解者可給本官半祿

以終其身使辭朝之叟不恨歸于閭巷矣

八月癸未追復故范陽王懌為河間王九月丁酉詔太



尉汝南王悅入居門下與丞相高陽王雍參決尚書奏  
事冬十一月癸未朔日有蝕之丙申趙郡王謚薨丁酉  
太保崔光卒十二月以太尉汝南王悅為太保徐州刺  
史北海王顥坐貪汙削爵除官是歲宕昌庫莫美國並  
遣使朝貢

五年春正月辛丑帝祀南郊三月沃野鎮人破六韓拔  
陵反聚眾殺鎮將號真王元年夏四月高平酋長胡琛  
反自稱高平王攻鎮以應拔陵別將盧祖遷擊破之五

欽定四庫全書

南北史合注  
卷九十一

三九

月都督北征諸將事臨淮王或討拔陵敗于五原削除  
官爵壬申詔尚書令李崇為大都督率廣陽王琛等北  
討六月秦州城人莫折大提據城反自稱秦王殺刺史  
李彥大提尋死子念生代立僭稱天子年號天建置立  
百官丁酉大赦秋七月甲寅詔吏部尚書元脩義為西  
道行臺率諸將西討戊午復河間王琛臨淮王或本封  
是月涼州幢帥于菩提呼延雄執刺史宋穎據州反念  
生遣其兄高陽王天生下隴東寇八月甲午雍州刺史

元志西討大敗于隴東退守岐州丙申詔諸州鎮軍元  
非犯配者悉免為編戶改鎮為州依舊立稱

魏書載丙申詔曰賞貴宿勞明主恒德太祖道武皇  
帝世祖太武皇帝躬率六師掃清蕪穢諸州鎮城人  
本充牙爪服勤征旅速顯祖獻文皇帝自北被南淮  
海思入便差割疆族分衛方鎮高祖孝文皇帝將還  
伊洛規過北疆蕩闡南境選良家苗胙增戍朔垂戎  
捍所寄實惟斯等先帝以其成效既亮方加酬錫會

欽定四庫全書

南北史合注  
卷九十一

三九

宛郢馳烽胸泗告警兵連積歲茲恩仍寢怨叛之興  
頗由于此朕叨承乾歷思廣惠滌宜追述前恩敷茲  
後施諸州鎮軍貫元非犯配者悉免為民鎮改為州  
依舊立稱此等世習干戈率多勁勇今既甄拔應思  
報効可三五簡發討彼沙隴妖黨狂醜必可蕩滌衝  
鋒斬級自依恒賞

九月壬申詔尚書左僕射齊王蕭寶寅為西道行臺大  
都督復撫軍北海王顥官爵為都督並率諸將西討乙



亥帝幸明堂饒寶貴等吐谷渾主伏連籌遣兵討涼州于菩提走追斬之城人趙天安復推宋穎為刺史冬十月營州城人劉安定執德興據城反執刺史李仲遵城人王惡兒斬安定以降德興東走自號燕王十二月詔太傅京兆王繼為太師大將軍率諸將西討莫折念生汾州正平平陽胡叛逆詔復征東將軍章武王融封爵為大都督率眾討之莫折念生遣兵攻涼州城人趙天安復執刺史以應之是歲噉啞契丹地豆千庫莫奚等

欽定四庫全書

南北史合注 卷九十

十三

國並遣使朝貢

孝昌元年春正月庚申徐州刺史元法僧據城反自稱宋王年號天啟遣其子景仲歸梁梁遣其將豫章王綜入守彭城法僧擁其寮屬南入詔臨淮王彧尚書李憲為都督安豐王延明為東道行臺俱討徐州癸亥蕭寶貴及征西將軍崔延伯大破賊于黑水天生退走入隴涇岐及隴悉平以太師大將軍京兆王繼為太尉二月以鎮軍將軍元乂為驃騎大將軍儀同三司詔追復故

樂良王長命爵以其子忠紹之戊戌大赦三月甲戌詔五品以上各荐所知夏四月辛卯皇太后復臨朝攝政引羣臣面陳得失

魏書載詔曰朕以寡昧夙承天厯神龜之末權臣擅命元乂劉騰陰相影響遂使皇太后幽隔後宮太傅清河王無辜致害相州刺史中山王熙橫被夷滅右衛將軍奚康生仍見誅剪從此已後無可畏忌無君不臣緣事彌彰蔽耳目之明專生殺之柄此而可忍

欽定四庫全書

南北史合注 卷九十

十三

孰不可懷雖屢經赦宥未容致之于法猶宜辨正以謝朝野騰身既往可追削爵位乂之罪狀誠合徽纆但以宗枝舊戚特加全貸可除名為民

壬辰征西將軍都督崔延伯大敗于涇川戰歿六月癸未大赦改元柔然王阿那瓌大破拔陵是夜諸將逼彭城蕭綜夜潛出降梁諸將奔退眾軍追躡免者十二三秋八月癸酉詔斷遠近貢獻珍麗違者免官柔玄鎮人杜洛周反于上谷年號真王九月乙卯詔減天下租賦



之半

魏書載辛酉詔曰追功表德為善者勸祖宗功臣勒  
銘王府而子孫廢替淪于凡民爵位無聞遷流有失  
潁川名守重泉令宰惠風善政結于民心而猶同常  
品未蒙褒陟非所謂愛及甘棠彞倫攸叙者也其功  
臣名將為先朝所知子孫屈塞不見齒叙牧守令長  
聲稱卓然者皆仰有司具以名聞朕將振彼幽滯用  
聞治風

欽定四庫全書

南北史合注  
卷九十

十一

壬戌詔五品以上各舉所知辛未曲赦南北秦州冬十  
月柔然遣使朝貢十一月辛亥詔父母年八十以上者  
皆聽居官祿養時四方多事諸蠻復反十二月壬午下  
詔親征山胡劉蠡升反自稱天子

二年春正月庚戌封廣平王懷庶長子誨為范陽王壬  
子以太保汝南王悅領太尉是月五原鮮于修禮反于  
定州年號魯興詔左光祿大夫長孫稚為大都督與都  
督河間王琛北討二月庚申帝及皇太后臨大夏門親

覽寬訟三月庚子追復中山王熙本爵以其子叔仁紹  
之夏四月大赦戊申北討都督河間王琛長孫承業失  
利奔還詔並免官爵五月丁未車駕將北討內外戒嚴  
前給事黃門侍郎元畧自梁還朝封義陽王以丞相高  
陽王雍為大司馬廣陽王淵為大都督率都督章武王  
融北討修禮六月己巳曲赦齊州絳蜀陳饗熾聚眾反  
自號始建王曲赦平陽建興正平三郡詔假鎮西將軍  
都督長孫承業討熾熾平之丙子改封義陽王畧為東

欽定四庫全書

南北史合注  
卷九十

十二

平王戊寅詔復京兆王繼本封江陽王戊子詔曰自運  
屬艱棘歷載于茲

冊府元龜載詔有云烽驛交馳征鼓不息祖宗盛業  
危若綴旒

朕威德不能遐被經畧無以及遠何以苟安黃屋無愧  
黜黎今便避居正殿蔬飧素服當親自招募冀集忠勇  
其有直言正諫之士敢決徇義之夫二十五日悉集華  
林東門人別引見共論得失秋八月丙子進封廣川縣



公元卽為常山王戊寅帝幸南石窟寺即日還宮戊子  
進武城縣公子攸為長樂王癸巳賊帥元洪業斬鮮于  
修禮請降為賊黨葛榮所殺都督爾朱榮執肆州刺史  
尉慶賓令其從叔羽生統州軍九月辛亥葛榮敗都督  
廣陽王琛章武王融于博野白牛邏融歿于陣榮自稱  
天子國號齊年稱廣安冬十一月戊戌杜洛周攻陷幽  
州執刺史王延年及行臺常景丙午稅京師田租畝五  
升借賃公田者畝一斗閏月稅市人出入者各一錢店

欽定四庫全書

南北史合注  
卷九十

三五

舍為五等梁將元樹逼壽春揚州刺史李憲力屈而降  
初留州縣及長史司馬戊戌主副質子于京師詔宗室子  
女屬籍在七廟內為雜戶濫門拘辱者悉聽離絕是歲  
疊伏羅庫國並遣使朝貢  
三年春正月甲戌以司空皇甫度為司徒儀同三司蕭  
寶夤為司空辛巳葛榮陷殷州刺史崔楷死之甲申詔  
峻鑄錢之制蕭寶夤大敗于涇州北海王顥亦敗走曲  
赦關西及正平平陽建興戊子以司徒皇甫度為太尉

已丑以四方未平詔內外戒嚴將親征二月丁酉詔關  
輸賞格輸粟入瀛定岐雍四州者官斗二百斛賞一階  
入二華州者五百石賞一階不限多少粟畢授官鹵賊  
據潼關丁未追復故東平王匡爵改封濟南王三月甲  
子詔將西討中外戒嚴鹵賊走復潼關戊辰詔金紫光  
祿大夫源子邕為大都督討葛榮秋七月相州刺史安  
樂王鑿據州反已丑大赦八月都督源子邕李神軌裴  
行攻鄆丁未斬鑿相州平九月己未東豫州刺史元慶

欽定四庫全書

南北史合注  
卷九十

三六

和以城南叛秦州城人杜粲殺莫折念生自行州事冬  
十月戊申曲赦恒農巴西河北正平平陽鄆郡及關西  
諸州軍辛亥以衛將軍討鹵大都督爾朱榮為車騎將  
軍儀同三司甲寅齊雍州刺史蕭寶夤據州反自號齊  
年稱隆緒詔尚書左僕射長孫稚討之十一月己丑葛  
榮攻陷冀州執刺史元孚逐出居人凍死者十六七十  
二月戊申都督源子邕裴衍與榮戰敗于陽平東北並  
沒



伽藍記曰京師平等金像一軀常有神驗國之吉凶  
先炳祥異孝昌三年十二月中此像面有悲容兩目  
垂淚徧體皆濕時號佛汗有比丘尼拭以淨綿須臾  
濕盡更易以他綿俄復濕三日乃止明年爾朱榮起  
兵百官死亡塗地

是月杜粲為駱超所殺遣使歸罪是歲柔然遣使朝貢  
是歲梁大通元年

武泰元年春正月乙丑生皇女秘言皇子丙寅大赦改

欽定四庫全書

南北史合注  
卷九十

七

元丙子長孫稚平潼關丁丑雍州人侯終德相率攻蕭  
寶黃寶黃度渭走雍州平二月癸丑皇太后弒帝帝崩  
于顯陽殿時年十九甲寅皇子即位大赦皇太后詔曰  
皇家握厯受圖年將二百高祖以文思先天世宗以下  
武繼世大行在御溫明恭順率望穹靈降祐麟趾衆繁  
自潘充華有孕椒宮冀誕儲兩而熊羆無兆唯虺逐彰  
時以國步未康假稱統胤欲底定國情何圖一旦弓劍  
莫追皇曾孫故臨兆王寶暉世子釗體自高祖大行平

日養愛特深及翊日弗愈大漸靡留乃延入青蒲受命  
玉几允應大寶即日踐阼可班宣遠通咸使知之乙卯  
幼主即位儀同三司大都督爾朱榮抗表請入奔赴勒  
兵而南是月杜洛周為葛榮所并三月甲申上謚曰孝  
明皇帝乙酉葬定陵廟號肅宗四月戊戌爾朱榮濟河  
庚子沉皇太后并幼主于河

論曰宣武承聖考德業天下想望風化垂拱無為邊徼  
稽服而寬以攝下從容不斷六和之風替矣比之漢世

欽定四庫全書

南北史合注  
卷九十

七

安順宣武之後繼以元成孝明冲齡統業靈后婦人專  
制任用非人賞罰乖并于是釁起宇內禍延邦畿卒享  
國不長抑亦淪胥之始也






欽定四庫全書

南北史合注卷九十一

明 李清 撰

北史五



侍孝昌二年八月進封長樂王歷侍中中軍將軍以凡

欽定四庫全書

南北史合注 卷九十一

彭城王劭事轉為衛將軍左光祿大夫中書監實出也  
武泰元年二月孝武崩大都督朱榮謀廢立以王家  
有忠勳且無人望陰與王通率眾來赴夏四月丙申王  
與兄弟夜北度河會榮於河陽  
永安元年夏四月戊戌王南濟河即皇帝位封皇兄彭  
城王劭為無上王皇弟霸城公子正為始平王以朱  
榮為使持節侍中都督中外諸軍事大將軍尚書令領  
軍將軍領左右封太原王己亥百寮相率奉璽綬備法

駕奉迎於河梁西至陶渚榮以兵權在己且聽費穆計  
遂有異志乃害靈太后及幼主次害無上王劭始平王  
子正又害丞相高陽王雍己下司空元欽儀同三司義  
陽王畧王公卿士二千人列騎衛帝遷於便幕榮尋悔  
稽顙謝罪辛丑車駕入宮御太極殿大赦改武泰為建  
義元年

魏書載辛丑詔曰太祖龍飛燕代累世重光豈圖多  
難邁茲百六致使妖悖四起內外競侵朝無恤政之

欽定四庫全書

南北史合注 卷九十一

臣野有怨酷之士實由女主專政致茲顛覆孝明皇  
帝冲順隱忍奄棄萬國眾用疑焉苟求胡出入守神  
器凡厥有心莫不解體太原王榮赴義晉陽大會河  
洛推翼眇躬應茲大命如涉淵海罔知所濟可大赦  
天下改武泰為建義元年從太原王督將軍士普加  
五階在京文官兩階武官三級復天下租役三年  
壬寅榮表請追謚無上王為皇帝餘死河陰者諸王刺  
史贈三司三品者令僕五品者刺史七品己下及庶人



郡鎮諸死者子孫聽立後授封爵詔從之癸卯以前太尉江陽王繼為太師以司州牧相州刺史北海王顥為太傅開府仍刺史封光祿大夫清泉縣侯李延實為陽平王位太保遷太傅以并州刺史元大穆為太尉封上黨以儀同三司楊椿為司徒以儀同三司頓丘郡公穆紹為司空領尚書令進爵為王以雍州刺史長孫稚為開府儀同三司進封馮翊王以殿中尚書元諶為東海王甲辰封敷城王坦為咸陽王諫議大夫元貴平為東

欽定四庫全書

南北史合注  
卷九十一

三

海王直閣將軍元肅為魯郡王秘書郎中元粲為長廣王以馮翊郡公源紹景復先爵隴西王扶風郡公馮同東郡公陸子彰北平公長孫悅並復先王爵以北平王超還復為安定王丁未詔中外解嚴庚戌封大將軍介朱榮次子義羅為梁郡王詔柔然主阿那瓌讚拜不名上書不稱臣是月汝南王悅北海王顥臨淮王彧前後奔梁五月丁巳朔加大將軍介朱榮北道大行臺以右僕射元羅為東道大使光祿勳元欣副之循方默陟先

行後聞辛酉大將軍介朱榮還晉陽帝餞於切陰丙寅詔親理究獄

冊府元龜載詔曰孝昌之季法令昏惑懷忠守素墮隔莫伸深怨夙憾控告靡所其有事在通途橫被疑異名例無爽枉見排抑或選舉不平或賦役煩苛諸如此類不可具記具有訴人經公車注不合者悉集華林東門朕當親理究獄以伸積滯是月立介朱榮女先嬪于孝明者為皇后魏收以后為高歡所納

欽定四庫全書

南北史合注  
卷九十一

四

故隱之宜補書

丁亥朔追封皇兄真定縣公子真為陳留王癸卯以高昌王世子光為平西將軍瓜州刺史襲爵秦臨縣伯高昌王帝以寇難未夷避正殿責躬撤膳又班募格收集忠勇有正言直諫之士集華林園面論時事幽州平北府主簿河間邢杲率河北流移人萬餘戶反於北海自署漢年號天統

魏書載夏六月辛亥詔曰朕當親御六戎掃靜燕代



太原王介朱榮率精甲十萬為左軍上黨王天穆總眾八萬為前軍司徒公楊椿勒兵十萬為右軍司空公穆紹通率八萬為後軍

秋七月己丑加大將軍介朱榮柱國大將軍錄尚書事壬子光州人劉舉聚眾反於濮陽自稱皇武大將是月高平鎮人万俟醜奴僭稱大位臨淮王彧自江南還朝八月太山太守羊侃據郡反甲辰詔大都督宗珍孫等討劉舉平之九月己巳封齊州刺史元欣為沛郡王壬

欽定四庫全書

南北史合注 卷九十一

五

申柱國大將軍介朱榮率騎七千討葛榮於滏口破擒之莫定滄瀛殷五州平己亥以葛榮平大赦改元為永安辛巳以介朱榮為大丞相進榮子平昌郡公文殊昌樂郡公文暢爵並為王以司徒楊椿為太保城陽王徽為司徒冬十月丁亥介朱榮遣葛榮於京師帝臨闕問門榮稽顙謝罪斬於都市戊戌加介朱榮太師壬子江陽王繼薨癸丑復膠東縣侯李侃希祖爵南郡王是月大都督費穆大破梁軍擒其將曹義宗檻送京師梁以

北海王顥為魏主年號孝基八據南充之鉅城十一月戊子以無上王世子韶為彭城王陳留王子寬為陳留王寬弟剛為浮陽王剛弟質為林慮王癸亥行臺于暉等大破羊侃於瑕丘侃奔梁戊寅封前將軍元凝為安東王是歲葛榮餘黨韓樓復據幽州反二年春二月甲午追尊皇考為文穆皇帝廟號肅祖皇妣為文穆皇后

加蓋記曰是年二月平等寺金像復汗五月北海王

欽定四庫全書

南北史合注 卷九十一

六

顥入洛

夏四月癸未遷文穆皇帝及文穆皇后神主於太廟百寮普加一級降畿內死罪以下刑庚子詔太原王介朱榮下將士並汎加二級辛丑上党王天穆大破邢果於濟南果降送於京師斬於都市五月壬子朔元顥剋梁國己丑内外戒嚴癸酉顥陷滎陽甲戌夜車駕北巡己亥幸河内丙子顥入洛丁丑進封城陽公元祉為平原王安昌縣公元鷲為華山王戊寅太原王介朱榮會車



駕於長子即日反旆上党王天穆北度會車駕於河內  
六月己丑儀同三司費穆伏誅元顥殺之也

此一事乃予增入志快也

秋七月戊辰都督介朱榮賀拔勝從硤石夜濟破顥子  
冠受及安豐王延明軍顥敗走庚午車駕入居華林園  
升大夏門大赦壬申以柱國大將軍太原王介朱榮為  
天柱大將軍癸酉臨顥縣卒江豐斬顥傳首京師甲戌  
以大將軍上党王天穆為太宰以司徒城陽王徽為大

欽定四庫全書

南北史合注  
卷九十一

七

司馬太尉

魏書載乙亥帝宴勞天柱大將軍介朱榮上党王天  
穆及北來督將於都亭出宮人三百繒錦雜綵數萬  
匹班賜有差又諸州郡遣使奉表行宮者並加一大  
階丁丑獲顥弟瑱斬之追奪受顥爵賞官級者

己卯以南青州刺史元旭為襄城王南充州刺史元暹  
為汝陽王閏月辛巳帝始居宮內辛卯以兼吏部尚書  
陽津為司空八月己未以太傅李延實為司徒丁卯封

瓜州刺史元太榮為東陽王九月大都督侯深破韓樓  
於薊斬之幽州平冬十月乙酉朔日有蝕之丁丑以前  
司空丹陽王蕭贊為司徒十一月己卯就德興自滎州  
遣使請降丙午以大司馬太尉城陽王徽為太保以司  
徒丹陽王蕭贊為太尉以雍州刺史長孫承業為司徒  
是歲梁中大通元年

三年

魏書靈徵志載是年二月民家有二銅像一願下生  
欽定四庫全書

南北史合注  
卷九十一

白毫四一頰傍生黑毛一

夏四月丁卯雍州刺史介朱天光討万侯醜奴蕭寶夤  
於安破擒之囚送京師甲戌以關中平大赦斬醜奴於  
都市賜寶夤死六月戊午噉噉國獻獅子一詔故胡太  
后親屬受爵於朝者皆黜為民

魏書靈徵志曰是月甲子申時辰地有青氣廣四尺  
東頭緣山西北引至天半止西北戌地有黑赤黃雲  
如山峰頭有青氣廣四尺許東南引至天半二氣相



接東南氣先散西北氣後滅亦帝幽崩之徵

是月白馬龍涸胡王慶雲偕稱帝號於永洛城秋七月丙子介朱天光平永洛城擒慶雲

伽藍記曰是年七月平等寺金像復汗每經神驗人皆惶懼至二月介朱光入洛

九月辛卯天柱大將軍介朱榮上党王天穆自晉陽來朝戊戌帝誅榮天穆於明光殿及榮子菩提乃升閭闔門大赦

欽定四庫全書

南北史合注 卷九十一

九

魏書載詔曰天道忌盈人倫嫉惡呂霍之門禍譴所伏梁董之家咎徵斯在頃孝昌之末天步孔艱女主亂政監國無主介朱榮爰自晉陽同憂王室義旗之建大會盟津舉世樂推共成鴻業論其始圖非無勞效曾未崇朝豺聲已露河陰之後安忍無親王公卿士一朝塗地宗戚靡遺內外俱盡假弄天威始危神器時事倉卒未遑問罪尋以葛賊橫行馬首南向捨過責成用平醜鹵及元顥問鼎大駕北巡復致勤王

展力行所以此論功且可補過既位極宰衡地踰齊

魯心如猛火山林無以供其暴意等漏卮江河無以

充其溢既見金革稍寧方隅漸泰不推天功專為己

力與奪任情臧否肆意無君之跡日月以甚拔髮數

罪益不足稱新竹書德豈云能盡方復託名朝宗陰

圖譽逆睥睨天居窺覲聖歷乃有裂冠毀冕之心將

為拔本塞源之事天既厭亂人亦悔禍同惡之臣密

來投告將而必誅罪無容捨又元天穆宗室未屬名

欽定四庫全書

南北史合注 卷九十一

十

望素微遭逢際會頗參義舉不能竭其忠誠以奉家國乃復棄本逐末背同即異為之謀主成彼禍心是而可忍孰不可忍並以伏辜自貽伊戚元惡既除神人慶泰可大赦天下

遣武衛將軍奚毅前燕州刺史侯深率眾鎮北中城是

夜左僕射介朱世隆榮妻鄉郡長公主率榮部曲自西

陽門出北河陰己亥攻河橋禽毅等屠害之據北中城

南逼京師以雍州刺史介朱天光為侍中儀同三司冬

十月癸卯朔封大鴻臚卿寶炬為南陽王汝南縣公脩  
為平陽王新陽伯誕為昌樂王復琅邪縣公李叔仁官  
爵仍為大都督以討世隆甲辰徙封魏郡王諶為趙郡  
王諶弟子趙郡王寔為平熙王戊申皇子生大赦己卯  
通直散騎常侍李苗以火船焚河橋介朱世隆退走丁  
卯詔以世隆北叛河內固守其在督將文武普加二級  
兵士給復三年壬申世隆停建興之高都介朱兆自晉  
陽來會之共推長廣王昇即偽位大赦所部年號建明  
欽定四庫全書  
南北史合注  
卷九十一  
十一

北寇丹谷將軍崔伯鳳戰沒楊文義史作龍降大都  
督源子恭奔退  
靈徵志曰是月己丑有赤氣如霧從顯陽殿西南角  
斜屬步廊高一丈許連地如絳紗幔自未至戌不滅  
帝惡之  
十二月甲辰介朱兆介朱度律自富平津上率騎涉度  
以襲京城事出倉卒禁衛不守帝步出雲龍門兆逼帝  
幸永寧寺殺皇子亂兵殺司徒臨淮王彧左僕射范陽  
王誨戊申介朱度律自鎮京師甲寅介朱兆遷帝於晉  
陽甲子弒帝崩于城內三級佛寺  
伽藍記曰介朱兆縊帝於三級寺臨終禮佛願不為  
國王又作五言曰權去生道促憂來死路長懷恨出  
國門懷悲入鬼鄉墜門一時閉幽庭豈復光思鳥吟  
青松悲風吹白楊昔來聞死苦何來身自當及葬所  
作五言詩即為挽歌朝野悲慟百姓皆掩涕  
時年二十四并害陳留王寬中興二年廢帝奉諡曰武



懷皇帝及孝武立又以皇考廟諱改謚孝莊皇帝廟號敬宗永熙元年冬葬靜陵

節閔皇帝

魏書稱前廢帝

諱恭字脩業獻文皇帝孫廣陵惠王羽之子母王妃帝少有志度事祖母嫡母以孝聞

魏書禮志曰恭與北海王顥同為庶祖母喪恭治重

居廬顥齋舂室而已

欽定四庫全書

南北史合注 卷九十一

正始中襲爵歷給事黃門侍郎王以元義擅權托稱病

病絕言垂一紀居於龍花佛寺無所交通永安未有白

孝莊言王不語將有異圖人間游聲又云常有天子氣

王懼禍遂逃匿上洛尋見追躡送京師拘禁多日以無

狀獲免

伽藍記曰莊帝疑王詐夜遣人盜掠衣物拔刀劍欲

殺之王張口以手拈舌竟不言帝信其真遂放歸第

及孝莊遇弒朱世隆等以元暉疎遠又非人望所推

以王潛默晦身有過人之量將謀廢立恐實不語乃令王所親申意無迫脅王曰天何言哉世隆大悅及元暉至邛南

冊府元龜曰朱世隆等奉表勸進王曰自量眇身

是以執讓今敬承所陳惟愧弗克負荷耳

世隆等乃奉王東郭外行禪讓禮

伽藍記載暉禪詔有曰王往以運屬啟憂卷懷積載

囊括有年今天眷明德歷數允集乃徐發樞機副茲

欽定四庫全書

南北史合注 卷九十一

疇屬

太尉朱度律奉輅車進璽紱王服袞冕百官侍衛入

自建春雲龍門

普泰元年春二月己巳皇帝即位於太極殿前羣臣拜

賀禮畢遂登闕闔門大赦

伽藍記曰黃門侍郎邢邵為赦文叙莊帝枉殺朱

榮狀帝曰永安手剪強臣非為失德直以天未厭亂

故達成濟之禍耳赦文直言門下朕以寡德運屬樂

推思與北庶同茲大慶肆昔之科一依常式時海內庶士咸稱聖君

以魏為大魏改建明二年為普泰元年罷稅市及稅鹽之官庚午詔曰自秦之末競為皇帝忘負乘之深殃垂貪鄙於萬葉予今稱帝已為褒矣可普告令知是月鎮遠將軍崔祖蟠聚青州七郡之眾圍東陽幽州刺史劉靈助起兵於薊河北大使高乾及其弟昂夜襲薊州執刺史元寔共推前河內太守封隆之行州事三月癸酉

欽定四庫全書

南北史合注  
卷九十一

十五

封長廣王粦為東海王以青州刺史魯郡王肅為太師沛郡王欣為太傅司州牧改封淮陽王以徐州刺史彭城王尒朱仲遠雍州刺史隴西王尒朱天光並為大將軍以柱國大將軍并州刺史潁川王尒朱光為天柱大將軍

愚按節閔曾立北女為皇后魏收以其為高歡所納故隱而不書合補

封晉州刺史平陽郡公高歡為渤海王以特進清河王

賈為太傅以尚書令樂平王尒朱世隆為太保以趙郡王諶為司空丙申定州刺史侯深破劉靈助於安國城斬之傳首京師夏四月癸卯帝幸華林都亭燕射班賜有差

冊府元龜曰太樂奏伎有倡優為愚癡者帝以其非雅戲詔罷之

壬子享太廟

魏書靈徵志曰是月甲寅有龍迹自宣陽門西出復

欽定四庫全書

南北史合注  
卷九十一

十六

入城乙卯羣臣入賀帝曰國將興聽於民將亡聽於神但當君臣上下克己為治未可恃此為慶

癸亥隴西王尒朱天光破宿勒明達擒送京師斬之丙寅以侍中尒朱彥伯為司徒詔有司不得復稱偽梁罷細作之條無禁隣國還往五月丙子尒朱仲遠使其都督魏僧勗等討崔祖蟠於東陽斬之六月己亥朔日有蝕之庚申渤海王高歡起兵信都以誅尒朱氏為名癸亥帝臨顯陽殿親理冤訟秋七月壬申尒朱世隆等害



前太保楊椿前司空楊津丙戌司徒朱彥伯以早遜位八月丙午朱度律朱仲遠等出禦高歡九月以彭城王朱劼為太宰庚戌以隴西王朱天光為大司馬癸巳追尊皇考為先帝皇妣為先皇妃封皇弟永業為高密王皇子子恕為渤海王冬十月壬寅高歡推北海太守元朗僭位於信都

伽藍記曰是年歸覺寺金像生毛眉髮皆具明年帝以廢崩

欽定四庫全書

卷九十一

七

二年春二月高歡敗朱天光等於韓陵夏四月辛巳高歡與元朗至芒山使魏蘭根慰喻洛邑且觀帝為人蘭根忌帝雅德

伽藍記曰孝莊初遣安東將軍楊大義平北將軍史倅龍各領兵三千守太行嶺率眾先降朱兆故兆得乘勝入洛陽已朱世隆論二人功各封千戶帝曰於王有功於國無勲不許朱仲遠鎮滑臺表用其下都督為西兗州刺史先用後表詔答曰已能近

補何勞遠聞朱天光滅萬俟醜奴獲波斯所獻獅送洛陽帝曰禽獸囚之則違其性命送歸其國使者以道遠殺諸路而返有司劾其違旨帝曰豈可以獸罪人遂赦之世隆侍宴帝每言太原王貪天功為己力罪亦合死世隆等愕然

還致毀謗竟從崔陵議廢帝於崇訓佛寺立平陽王脩是為孝武帝帝既失位乃賦詩曰朱門久可患紫極非情歡顛覆立可待一年三易換時運正如此惟有脩真

欽定四庫全書

南北史合注 卷九十一

六

觀五月丙申孝武酖弒帝崩於門下外省時年三十五孝武詔百司赴會葬用玉禮加九旒鑿輅黃屋左纛班劍百二十人後西魏追謚節閔皇帝

孝武皇帝

魏書曰出帝

諱修字孝則孝文皇帝孫廣平武穆王懷第三子生母李氏帝性沉厚學涉好武事遍體有鱗文年十八封汝陽縣公夢人有從諱謂已曰汝當大貴得二十五年永

安三年封平陽王普泰中為侍中尚書左僕射中興二  
年高歡既敗尔朱氏元朗自以疎遠請遜大位歡乃與  
百寮議以孝文不可無後時召汝南王悅於梁至將立  
之宿昔而止又諸王皆逃匿王在田舍先是嵩山道士  
潘彌望見洛陽城西有天子氣候之乃王也於是造第  
密言之居五旬歡使斛斯椿求王椿從王所親王思政  
見王王愛色曰非賣我耶椿遂以白歡歡遣四百騎奉  
迎王入氈帳陳誠泣下需襟王讓以寡德歡再拜王亦

欽定四庫全書

南北史合注  
卷九十一

十九

拜歡出備服御進湯沐連夜嚴警昧爽文武執鞭以朝  
使斛斯椿奉勸進表椿入帷門螿折延首而不敢前王  
令思政取表曰視之便不得不稱朕矣於是假朗詔策  
而禪位焉遂即位於東郭之外用代都舊制以黑氈蒙  
七人歡居其一帝於氈上西向拜天訖自東陽雲龍門  
入

永熙元年夏四月戊子皇帝御太極前殿羣臣朝賀禮  
畢升閭闔門大赦改中興二年為太昌元年

冊府元龜載詔曰上天降禍運際多難赫赫宗周剪  
為戎寇肅肅清廟將成茂草胡羯乘機肆其昏虐殺  
君害主剗剔海內大丞相渤海王高歡爰舉義旗志  
雪國恥廣門之軍貔虎奪氣鄴下之師金湯失險近  
者四胡相率實繁有徒驅天下之兵盡華戎之銳抱  
鼓暫交一朝盪滅元兇授首大憝斯擒揚旆濟河掃  
清伊洛士民安堵不失舊章社稷危而復安鴻基毀  
而復構朕猥當樂推承茲大業若涉淵冰固識攸濟

欽定四庫全書

南北史合注  
卷九十一

二十

可大赦天下

壬辰高歡還鄴車駕餞於乾脯山五月丙申弒節閔帝  
以太傅淮陽王欣為太師改封沛郡王以司徒趙郡王  
諶為太保以司空南陽王寶炬為太尉以太保長孫承  
業為太傅辛丑復前司空高乾位

魏書己巳帝幸華林都亭宴羣臣班賚有差羽林隊  
主唐猛突入稱慶帝以猛犯禁衛杖之猛辭色有忤  
斬之階下丁未詔賑孤老疾病無所依歸者



巳酉以儀同三司清河王亶為司徒

魏書載庚戌詔曰頃西土年饑百姓流徙或身倚溝

渠或命懸道路皆見棄草土取厭鳥為言念於茲有

警夜寐掩骼之禮誠所庶幾其諸有露屍令所在掩

覆可宣告天下

巳卯內外解嚴六月癸亥朔帝於華林園納訟丁卯南

陽王寶炬坐事降為驃騎大將軍以王歸第戊寅詔諸

受建明普泰中封爵汎級優待之階悉追巳卯臨顯陽

欽定四庫全書

南北史合注 卷九十一

三

殿納訟丙戌詔曰間者凶權誕恣法令變常遂立夷貊

輕賦與收天下之意隨以箕歛之重終納十倍之征掩

目捕雀何能過此今歲租調且兩收一丐明年復舊秋

七月

魏書載巳未詔曰頃永安馭運載育皇儲遂錫汎階

以申國慶近經普泰便爾中追今罪人既珍舊章斯

復宜述往旨用卒前恩皇子汎階一級悉可還授文

穆廟汎故宜停寢已受者依例追之

庚子以南陽王寶炬為太尉壬寅渤海王高歡率眾討

尔朱兆巳丑斬尔朱天光于都市庚戌尔朱光大掠晉

陽北走秀容并州平巳卯帝臨顯陽殿親理冤獄是月

東南大行臺樊子鵠大破梁軍于燕城擒其鄴王元樹

八月壬戌朔高澄未朝燕射班賚部下各有差丁卯封

西中郎將元寧為高平王九月庚子帝幸華林都亭引

見元樹及公卿百寮及蕃使督將等宴射班賚各有差

癸卯進燕郡公賀允爵為王巳帝幸都水南過浴池

欽定四庫全書

南北史合注 卷九十一

三

遂至瀝澗巳酉復獵於北原癸丑改封沛郡王欣為廣

陵王節閔子渤海王子恕為沛郡王巳卯帝謁山陵冬

十月辛酉朔日有蝕之十一月丁酉祀圓丘戊戌朝會

百官於太極前殿甲辰弒安定王朗及東海王暉巳酉

以汝南王悅為侍中大司馬開府英太后胡氏十二月

丁亥害大司馬汝南王悅大赦改元為永興以同明元

時年號尋改為永熙是歲柔然噉遼高麗契丹庫莫奚

高昌等國並遣使朝貢



二年春正月庚寅朝饗羣臣於太極前殿丁酉渤海王高歡大敗尔朱兆於赤洪嶺兆自殺山東平罷諸行臺已亥車駕幸嵩高石窟靈巖寺庚子又幸散施各有差丁亥追尊皇考為武穆皇帝太妃馮氏為武穆皇后皇妣李氏為皇太妃二月以咸陽王坦為司空辛卯阿至羅十萬戶內附詔復以渤海王高歡為大行臺隨機裁處甲午魯郡王肅薨丁巳以趙郡王諶為太尉以太尉南陽王寶炬為尚書令太尉開府夏四月己未朔日有蝕之

欽定四庫全書

南北史合注  
卷九十一

三十三

魏書天象志占曰在丙虧從正南起君陰謀 明朱鎬史糾云按日食者陽消陰長之機君弱臣強之象高歡脅君出奔辰弗集房天象昭然不曰臣有逆節翻曰君有陰謀何耶

庚寅詔諸幽枉未申事經一周以上悉集華林將親察覽秋七月壬辰以太師廣陵王欣為大司馬以太尉趙郡王諶為太師並開府庚戌以前司徒燕郡王賀拔允

為太尉八月己丑高澄來朝帝宴於華林都亭班賚部下各有差戊辰車駕餞澄于河梁仍濟河而返冬十月癸未以衛將軍瓜州刺史泰臨縣伯高昌王趙子堅為儀同三司進爵郡公十二月丁巳車駕狩於嵩陽士卒寒苦己巳遂幸温湯丁丑還宮

三年春二月壬戌大赦丙子帝親釋奠禮先師辛巳辛洪池波遂遊田壬午封左衛將軍元斌之為潁川王

魏書靈徵志載是月永寧寺九層佛圖災 伽藍記

欽定四庫全書

南北史合注  
卷九十一

三十四

曰帝登凌雲臺望火當時雷雨晦冥雜下霰雪百姓道俗咸來觀火悲哀之聲震動京邑火經三月不滅夏四月癸丑朔日有蝕之辛未高平王寧坐事降爵為公五月丙戌置勳府庶子箱別六百人騎官箱別二百人閤內部曲數千人帝內園高歡乃以斛斯椿為領軍使與王思政等統之以為心膂軍謀朝政咸決於椿分置督將及河南關西諸刺史辛卯詔戒嚴

魏書曰帝為斛斯椿元毗等間阻二於齊獻武王托



征蕭衍威署徵發河南諸州兵天下怪惡之 愚按  
孝武惡高歡專政故密謀討之且以君伐臣美怪惡  
之有收黨齊毀魏大率類此

揚聲伐梁實謀北討

魏書載詔曰大魏得一居宸秉六御寓而勾吳負險  
久遺度外世祖太武皇帝握金鏡以照耀擊玉鼓以  
鏗鏘長江已北盡為魏土頃天步中圯國網時屯凶  
豎乘機牙窺上國疆場侵噬州郡淪胥自非五牛警

欽定四庫全書

南北史合注 卷九十一

三十一

旃七萃按部何以復文武之舊業拯塗炭於遺黎朕  
將親總六軍經臨彭汭一勞永逸庶保無疆內外百寮  
便可嚴備出頓之期更聽後敕 丁酉帝幸華林都  
亭集京畿都督及軍士三千餘人慰勉之 魏書載  
夏六月丙子詔曰頃年以來六步時阻干戈不輯或  
狗節感恩奮不顧命或臨戎對敵赴難如歸身首橫  
分骸骨不斂勲誠靡錄崇贈莫加寤寐矜之良可悼  
嘆可普告內外所在言列若無親近聽故友陳之尚

檢實隨狀科贈庶幾慰冤魂少申惻隱

秋七月己丑帝親總六軍十餘萬次河橋高歡引軍東  
度丙午帝率南陽王寶炬清河王亶廣陽王港斛斯椿  
以五千騎宿於漣西陽王別舍沙門都維那惠臻負盟  
持干牛刀以從有牛百頭盡殺以食軍士眾知帝將出  
其夜亡者過半清河廣陽二王亦逃歸畧陽公宇文泰  
遣都督駱超李賢和各領兵數百騎來赴超先至甲戌  
賢和會帝於嶠中己酉高歡入洛遣妻昭及河南尹元

欽定四庫全書

南北史合注 卷九十一

三十二

子思領左右侍官追帝請迴駕高昂率勁騎及帝於陝  
西帝鞭馬長驚至湖城饑渴甚有王思村人以麥飯壺  
漿獻帝帝甘之復一村十年是歲二月熒惑入南斗眾  
星北流羣鼠浮河向鄴梁武跣而下殿以禳星變及聞  
帝之西慙曰鹵亦應天乎帝至稠桑潼關大都督毛洪  
賓迎獻食八月宇文泰遣大都督趙貴梁禦帥甲騎三  
千來赴乃迎帝過河帝謂禦曰此水東流而朕西上若  
得重謁洛陽廟是卿等功也帝及左右皆流涕泰迎帝

於東陽帝勞之將士皆呼萬歲遂入長安以雍州公廨為宮大赦進宇文泰為洛陽郡公尋拜大丞相甲寅高歡推司徒清河王亶為大司馬承制總萬幾居尚書省歡追車駕至潼關

魏書載秋八月戊辰清河王制曰姬祚中微踐土有從王之後劉氏將傾北軍致左袒之舉用能隆茲遠年克此卜世永熙之季權佞擅朝羣小是宗勳賢見害大丞相與甲汾川問罪伊洛羣奸畏威擁迫人主

欽定四庫全書

南北史合注  
卷九十一

三

以自蔽衛遠出秦方雖車駕流移未即返御然權佞將除天下延頸魏邦雖舊其化維新思與兆民同茲更始可大赦天下

九月己酉歡東還洛陽帝親督眾攻潼關斬其行臺華長瑜又剋華州其冬十月高歡推清河王亶子善見為主徙都鄴是為東魏魏於此始分為二閏十二月癸巳宇文泰酖帝崩初帝之在洛從妹不嫁者三一平原公主明月南陽王同產二安德公主清河王憚女三蒞藜

亦封公主帝內宴令諸婦人詠詩或詠鮑照樂府曰朱門九重門九閨願逐明月入君懷帝既以明月入閨蒞慕自縊宇文泰使元氏諸王取明月殺之帝不悅或時彎弓或時推案君臣由此不安平及遇弒之日潘彌奏言今日當甚有急兵其夜帝在逍遙園宴阿至羅顧侍臣曰此處彷彿華林園使人聊增悲怨命取所乘波斯驢馬使南陽王寶炬躍之將攀鞍蹶而死帝惡之日晏還宮至後門馬驚不前鞭打入謂潘彌曰今日幸無他

欽定四庫全書

南北史合注  
卷九十一

三

否彌曰過夜半則大吉須臾帝飲酒為泰所酖崩

愚按孝武入關封宗室臨淄縣子玄為陳留王城陽侯懋為毗平王毗為魏郡王順為濮陽王最為樂平王李海為馮翊王孚為扶風王暢為博陵王融為魏興王仲景為順陽王紀為華山王均為安昌王子孝為義陽王皆宜入本紀而傳內不載其月聊附於此時年二十五謚曰孝武皇帝殯於草堂佛寺

資治通鑑曰諫議大夫宋球慟哭嘔血泰以其名儒



不之罪也又曰高歡聞之啟請舉哀制服東魏主使  
羣臣議太學博士潘崇和謂君遇臣不以禮則無反  
服是以高湯民不哭桀周武民不哭紂國子博士衛  
既隆李同執議高后于永熙離絕未彰宜為之服東  
魏主從之 愚按孝武連裁三君宜有今日所恨者  
負君之宇文泰耳若崇和言固謬高后歡女故既隆  
等以此媚權臣非悛故主也

十餘年乃葬雲陵始宣武孝明間謠曰狐非狐貉非貉  
欽定四庫全書 南北史合注 卷九十一 三九

焦梨狗子齧斷索識者以為索謂本索髮焦梨狗子指  
宇文泰俗謂之黑獺也

是歲東魏孝靜帝天平元年

文皇帝諱寶炬孝文皇帝之孫京兆王愉之子母楊妃  
正始初坐父愉罪兄弟皆幽宗正寺及宣武崩乃得雪  
正光中拜直閣將軍時胡太后多嬖寵與孝明帝謀誅  
之事泄免官武泰中封邵縣侯永安三年進封南陽王  
孝武即位拜太尉加侍中永熙二年進太保開府尚書

令三年孝武與高歡構難以王為中軍四面大都督及  
從入關拜太宰錄尚書事孝武崩丞相畧陽公宇文泰  
率羣公卿士奉表勸進三讓乃許焉

大統元年春正月戊申皇帝即位於城西

魏書寶炬輕躁薄行耽淫酒色宇文黑獺既害出帝  
乃偕大號此魏收誣辭且西正東偽魏澹所著魏書  
是也惜不傳

大赦改元追尊皇考為文景皇帝皇妣楊氏為皇后已  
欽定四庫全書 南北史合注 卷九十一 三九

西進丞相畧陽公宇文泰都督中外諸軍錄尚書事大  
行臺改封安定郡公以尚書令斛斯椿為太保廣平王  
贊為司徒乙卯立妃乙弗氏為皇后皇子欽為皇太子  
甲子以廣陵王欣為太傅以儀同三司万俟壽樂干為  
司空東魏將侯景攻陷荊州二月前南青州刺史大野  
拔斬兗州刺史樊子鵠以州降東魏夏

丘悅三國典畧載夏四月詔曰逆賊高歡初從尔朱  
榮入洛勸祭篡位罪一孝莊幽辱實歡之由無辭可



反詐為建義罪二廢殺建明罪三廢殺中興罪四廢  
殺普泰罪五廢殺汝南王悅罪六雖尊先帝然實輕凌舉  
兵逼逐罪七先帝嘗使舍人元士弼詣歡論事歡露  
髮袒體見士弼直問何物來士弼曰有敕歡曰何物  
敕取書裂之肆口惡罵罪八毀撤宮廟焚除塔寺戶  
口百萬驅擁北邊死者過半罪九蒸孝莊后逼令為  
尼罪十取普泰后列在私房罪十一改嫁孝武后與  
彭城王韶更相擬以圖廢置罪十二高乾兄弟起義

欽定四庫全書

南北史合注  
卷九十一

三

立勲歡忌其豪傑密令屠殺帝不獲已從之歡見赦  
曹哭稱枉死罪十三凡事賀拔允令看額上有天子  
相否允不敢答由是害之罪十四武衛伊林先帝親  
委歡收斬之罪十五歡上事天柱下承兒任銜滙餘  
血誓同生死乃背允朱蓋加誅滅罪十六從叔自南  
歸國歡忌而殺之罪十七尚書崔孝芬辛雄等國家  
勲舊責以駕行不從一時屠害罪十八永熙中求并  
州城營起臺殿詐云誘賊劉彞升中旨顯抑終不可

停罪十九歡逐先帝後扶清河王亶撫其長大難制  
復廢之立其幼男猶忌清河尋行醜毒罪二十歡有  
莫大之罪未伏天誅朕將親帥六軍襲行薄伐丞相  
董茲戎律計日殲定 愚按殺建明中興普泰三主  
與汝南王皆孝武猜忌罪不在歡而歡自病逐孝武  
事孝靜甚恭未有恭於子而醜其父者讀綱目書卒  
自明餘或當或甚惟連納二故君后為歡大罪

欽定四庫全書

南北史合注  
卷九十一

三

五月降罪人加安定公宇文泰位柱國秋七月以開府  
儀同三司念賢為太尉以司空万俟壽樂干為司徒以  
開府儀同三司越勒肱為司空梁州刺史元羅以州降  
梁九月有司詔煎御香澤須錢萬貫帝以軍旅在外停  
之冬十月太師上党王長孫權薨十二月以太尉念賢  
為太傅以河州刺史梁景獻為太尉是年封崇室琰為  
宋安王

二年春正月辛亥祀南郊改以神元皇帝配東魏攻陷  
夏州二月儀同三司段敬討叛羌梁公定平之三月以



梁州刺史李叔仁為司徒以司徒万俟壽樂干為太宰夏

費長房歷代三寶記載四月甘露降秋穀不熟

五月司空越勒肱卒秦州刺史建中王万俟普撥及其

子太宰壽樂干率所部奔東魏秋九月以扶風王孚為

司空以太保斛斯椿為太傅冬十一月追改始祖神元

皇帝為太祖道武皇帝為烈祖

愚按道武開基之主宜為太祖配祀南郊孝文所定

欽定四庫全書

南北史合注 卷九十一

是也文帝之改為非

是歲關中大饑人相食死者十七八

三年春二月槐里獲神璽大赦夏四月太傅斛斯椿薨

五月以廣陵王欣為太宰賀拔允為太師六月以司空

扶風王孚為太保以太尉梁景獻為大尉以司徒廣平

王贊為太尉以開府儀同三司王盟為司空冬十月安

定公宇文泰大破東魏君於沙苑拜泰柱國大將軍十

二月司徒李叔仁自梁州通使於東魏建昌太守賀蘭

植斬之

四年春正月辛酉拜天於清暉室終帝世遂為常二月

東魏攻陷南汾頡豫廣四州廢皇后乙弗氏三月立柔

然女郁久閭氏為皇后大赦以司空王盟為司徒秋七

月東魏將侯景等圍洛陽帝與安定公宇文泰東伐

令狐德棻周書曰魏帝將如洛陽拜園陵會東魏圍

獨孤信於洛陽詔太祖率六軍救信帝亦東

戰不利車駕西還以關中趙青雀作亂留止閭鄉尋討

欽定四庫全書

南北史合注 卷九十一

平之九月帝至自東伐以撫軍將軍梁公定為南洮州

刺史安西蕃

是歲東魏元象元年

五年春二月赦京城內夏五月以開府儀同三司李弼

為司空免伎樂雜役之徒皆從編戶秋七月詔自今恒

以朔望親閱京師見禁囚徒以司空扶風王孚為太尉

冬十月於陽武門外懸鼓置紙筆以求得失

是歲東魏興和元年

六年春正月庚戌朝羣臣自西遷至此禮樂始備太尉扶風王孚薨二月賜故后乙弗氏死皇后郁久閭氏亦尋崩鑄五銖錢降罪人冬十一月太師念賢卒

七年春二月幽州刺史順陽王仲景以罪賜死三月夏州刺史劉平謀反大都督于謹討擒之秋八月詔班政事之法六條冬十一月叛羗梁公定徙黨屯於赤水城秦州刺史獨孤信擊平之尚書奏班十二條制十二月帝御憑雲觀引見諸王叙家人禮手詔為宗誠十條賜

欽定四庫全書

南北史合注  
卷九十一

三

八年春三月初置六軍夏四月鄯善玉兄鄯朱那率眾內附秋八月以太尉王盟為太保冬十月詔皇太子鎮河東十二月行幸華州

周書曰魏帝狩於華陰大饗將士太祖率諸將朝於行在所

起萬壽殿於沙苑北

九年春正月降罪人禁中外及從母兄弟姊妹為昏閭

月車駕至自華州二月東魏北豫州刺史高仲密據虎牢內附以仲密為侍中司徒封渤海郡公秋七月大赦以太保王盟為太傅以太尉廣平王贊為司空冬十二月以司空李弼為太尉

是歲東魏武定元年

十年春正月甲子詔公卿已下每月上封事三條極言得失刺史二千石銅墨已上有讜言嘉謨勿有所諱夏五月太師賀拔勝卒秋七月更權衡度量

欽定四庫全書

南北史合注  
卷九十一

三

歷代三寶記曰是年正獄訟寬刑罰廣學業敦禮教斷草書去文就質

十一年夏五月太傅王盟卒詔諸鞠大辟獄皆命三公覆審然後加刑冬始築圓丘於城南封皇子儉

愚按周書元偉傳內有大將軍梁王元儉疑是文帝諸子封國皆一字

十二年春二月涼州刺史宇文仲和反秦州刺史獨孤信討平之三月鑄五銖錢夏五月詔女年不滿十三以



上勿得以稼秋九月冬魏渤海王高歡攻玉壁晉州刺史韋孝寬力戰禦之冬十二月歡焚營而退

十三年春正月開白渠溉田二月詔自今應官刑者直沒官勿刑亡奴婢應黜者止科亡罪以開府儀同三司

若于惠為司空東魏渤海王高歡薨其司徒侯景據穎州率河南六州內附授景太傅河南大行臺上谷郡公

三月大赦夏五月以太傅侯景為大將軍以開府儀同三司獨孤信為大司馬晉王謹堯秋七月司空若于惠

欽定四庫全書

南北史合注 卷九十一

三

卒大將軍侯景據豫州叛封皇子寧為趙王

周書曰是年冬太祖奉魏帝西狩岐陽 梁太清元

年

十四年春正月赦穎豫廣北洛陽荆襄等七州以開府

儀同三司趙貴為司空皇孫生大赦夏五月以安定公

宇文泰為太師廣陵王歡為太傅太尉李弼為大宗伯

前太尉趙貴為大司寇以司空于謹為大司空是年封

皇子廓為齊王

十五年己巳五月梁武帝殂初詔諸代人太和中改姓者並令復舊六月東魏渤海王高澄攻陷潁州秋八月東魏蘭京等殺其渤海王高澄冬十二月封梁雍州刺史岳陽王肅為梁王

歷代三寶記曰是年詔依古禮男女異路

十六年夏四月封皇子儒為燕王公為吳王五月東魏丞相高洋篡位國號齊秋七月詔安定公宇文泰東討

至恒農齊師不出乃還九月大赦是年封宗室偉為南

欽定四庫全書

南北史合注 卷九十一

三

安王

是歲梁簡文帝大寶元年 齊王高洋天保元年

洋本魏臣也西魏一日猶存當以君道臨齊斥姓斥

名以此周纂西魏則兩國分尊

十七年春三月庚戌帝崩於乾安殿時年四十五夏四

月庚辰葬永陵

宋揮塵錄曰乾德四年詔禁樵採又云陵在富平縣

東南既誤指帝陵為孝文陵恐此所指者又孝武雲

陵之訛也明一統志載二陵甚明

上謚曰文皇帝帝性強果始為太尉時侍中高隆之恃渤海王高歡之黨驕狎公卿因公會帝勸酒不飲怒而歐之罵曰鎮兵何敢爾也孝武以歡故免帝太尉歸第命羽林守衛月餘復位及歡將改葬皇考朝廷追贈太師百寮會弔者盡拜帝獨不屈曰安有生三公而拜贈太師耶及躋大位權歸周室嘗登逍遙觀望嵯峨山謂左右曰望此令人有脫屣之意若朕年五十便委政儲

欽定四庫全書

南北史合注 卷九十一

三

宮尋山餌藥不能一日萬幾也既而大運未終竟保天祿云

愚按魏收魏書不為西魏三帝立紀南史其本之魏澹魏書乎然短簡寂寞若此宜隋煬不以為善而澹書之義例嚴正反不得與收之穢史並傳也

廢帝諱欽文皇帝長子母乙弗后大統元年正月乙卯立為皇太子年七歲文帝以托安定公宇文泰曰是子才由於公不才亦由於公公勉之十七年三月文帝崩

太子即皇帝位大赦立妃宇文氏為皇后是月梁邵陵王蕭綸侵安陸大將軍楊忠討擒之

愚按是年秋七月侯景廢簡文帝立豫章王棟改天正元年十一月侯景僭即皇帝位國號大漢

元年春正月改元始去年號冬十一月梁湘東王蕭繹討侯景擒之遣其舍人來告始嗣位於江陵

二年秋八月大將軍尉遲迥克成都劍南平冬十一月安定公宇文泰殺尚書元烈是年封宗室元定為建城王

欽定四庫全書

南北史合注 卷九十一

四十一

三年春正月安定公宇文泰廢帝而立齊王廓置帝雍州解舍帝自元烈殺害有怨言密謀誅泰淮安王育廣平王贊等並垂淚諫帝不聽故及於辱夏四月史臣柳虬執簡告於朝曰廢帝文皇帝嗣子以托安定公又納公女為匹公既受茲重寄任居元輔不能訓誨有成效令廢黜負文皇帝付屬之意此咎非安定公而誰泰乃令太常盧辨作告喻公卿曰嗚呼我羣后暨眾士惟文皇帝以祿祿之嗣托於予訓之誨之庶厥有成而予罔



能弗變厥心庸暨乎廢墜我文皇帝之志嗚呼茲  
咎予其馬避予實知之矧爾衆人之心哉惟予之  
顏豈惟今厚將恐來世以予為口實庚戌宇文泰  
配帝崩

呂東萊大事記及馬端臨文獻通考別本皆云壽十  
六不知何據 愚按帝紀與恭帝紀皆寂寥不足觀  
故取他書益之云

恭皇帝諱廓文皇帝第四子失其母氏大統十四年封

欽定四庫全書

南北史合注  
卷九十一

四

齊王二十四軍建以王為使持節大將軍大都督十六  
年高洋篡東魏安定公宇文泰奉詔討之命王鎮隴右  
廢帝三年正月即皇帝位大赦改元立妃若干氏為皇  
后

元年夏四月帝大饗羣臣庚戌宇文泰弒廢帝及故后  
宇文泰是月柔然乙梅連官寇廣武五月柱國李弼追  
擊之斬首數千級收輜重而還冬十一月師滅梁戕梁  
孝元帝梁太尉王僧辯奉孝元子方智為王承制居建

業

二年春正月冊梁王蕭譽為梁皇帝

歷代三寶記曰是年三月送梁國圖籍墳典至長安  
秋七月梁太尉王僧辯納貞陽侯蕭淵明於齊奉以為  
主立梁王方智為太子九月梁司空陳霸先殺僧辯廢  
蕭淵明復奉方智為帝是歲梁廣州刺史王琳寇邊大  
將軍豆盧寧帥師討之

資治通鑑曰是年宇文泰諷淮安王育上表請如古

欽定四庫全書

南北史合注  
卷九十一

四

制降爵為公於是宗室諸王皆降為公 是歲梁帝

紹泰元年後梁宣帝天定元年

三年春正月丁丑初行周禮建六官

隋書禮儀志載詔曰六樂尚矣聲歌之節舞蹈之容  
寂寥已絕但方行古人之事宜本於茲可制其歌舞  
配日月星辰

以安定公宇文泰為太師大冢宰以柱國李弼為大司  
徒趙貴為太保大宗伯以尚書令獨孤信為大司馬以

干謹為大司寇以侯莫陳崇為大司空冬十月乙亥安  
定公宇文泰薨十二月庚子帝遜位於周出居大司馬  
府

是歲梁太平元年

次年正月周氏封帝為宋公二月周冢宰宇文護弒帝  
崩謚曰恭皇帝

愚按大事記文獻通考皆云壽二十二不知何據

周續封道武後羅為韓公羅卒又改封譙詳廣平王

欽定四庫全書

南北史合注  
卷九十一

四

懷傳

東魏孝靜皇帝

愚按北史別魏而東之明非正也然孝靜賢足取而

亡足憐北史不用魏澹魏書例削紀為傳當以此

諱善見清河文宣王璽之世子母胡妃永熙三年八月

拜開府儀同三司孝武既入關勃海王高歡乃與百寮

會議推世子以奉明帝後時年十一

天平元年冬十月丙寅皇帝即位於城東北大赦改元

庚午以太師趙郡王諶為大司馬以司空咸陽王坦為  
太尉以開府儀同三司高威為司徒以開府儀同三司  
高昂為司空壬申享太廟

魏書載壬申詔曰安安能遠自古明典是以殷遷八

城周卜三地隆替無恒事由變通故也高祖孝文皇

帝式觀乾象俯協人謀發自武州幸茲嵩縣魏雖舊

國其命維新及正光之季國步孔棘喪亂不已寇賊

交侵俾我生民無所措手今遠遵古式深驗時事考

欽定四庫全書

南北史合注  
卷九十一

四

龜襲吉遷宅漳溢庶克隆洪基再昌寶歷主者明為

條格及時發邁

丙子車駕北遷於鄴詔渤海王高歡留後部分改司州

為洛州以尚書元弼為儀同三司洛州刺史鎮洛陽十

一月兗州刺史樊子鵠南青州刺史大野拔據瑕丘反

庚寅車駕至鄴

魏徵隋書食貨志曰東魏遷都于鄴出粟一百三十

萬石以賑窮民



居北城相州之解改相州刺史為司州牧魏郡太守為魏尹徙鄴舊人西徑百里以居新遷人分鄴置臨漳縣以魏郡林慮廣平陽丘汲郡黎陽東濮陽清河廣宗等郡為皇畿十二月丁卯燕郡王賀拔允薨庚午詔內外解嚴百司悉依舊章從容雅服不得以衿衫從事丙子進侍中封隆之等五人為大使巡喻境內丁丑赦畿內

欽定四庫全書

南北史合注 卷九十一

濟北置南中洛水置北中

三年春正月己亥無尚書右僕射東南道行臺元宴討元慶和破走之二月壬午以太尉咸陽王坦為太傅以司州牧西河王暕為太尉己丑前南青州刺史大野拔斬樊子鵠以降兗州平戊戌梁司州刺史陳敬之寇豫州刺史堯雄擊走之三月辛酉以司徒高盛為太尉以司空高昂為司徒濟陰王暉業為司空渤海王高歡討平山胡劉彘升辛未以旱故詔京邑反諸州郡縣收瘞

骸骨夏四月前青州刺史侯梁反攻掠青齊癸未濟州刺史蔡偁討平之壬辰降京師見囚夏五月大旱勒城門殿門及省府寺署坊門澆人不簡王公無限日得雨乃止六月元慶和寇南頓豫州刺史堯雄大破之秋七月甲戌封汝南王悅孫綽為瑯琊王八月辛卯司空濟陰王暉業坐事免甲午發衆七萬六千人營新宮九月丁巳以開府儀同三司襄城王昶為司空冬十月丁未梁柳仲禮寇荊州刺史王元擊破之癸丑祀圓丘甲寅

欽定四庫全書

南北史合注 卷九十二

閭闔門災龍見并州中十二月壬午車駕狩於鄴東甲

午文武百官量事各給祿是歲高麗契丹國並遣使朝貢於西魏為文皇帝大統元年三年春正月癸卯朔饗羣臣於前殿戊申詔百官舉士舉不稱才者兩免之二月丁未梁光州刺史郝樹以州內附丁酉加渤海王世子高澄為尚書令大行臺大都督三月甲寅以開府儀同三司華山王鷲為大司馬丁卯陽夏太守盧公纂據郡南叛大都督元整破之夏四

月丁酉昌樂王謚薨五月癸卯賜鰥寡孤獨貧窮者各有差丙辰以錄尚書事西河王恂為司州牧戊辰太尉高盛卒六月辛巳趙郡王謚薨秋七月庚子大赦梁夏州刺史田獨鞏頴川防城都督劉鸞慶並以州內附八月并肆涿建四州霜實大饑九月壬寅以定州刺史侯景魚尚書右僕射南道行臺節度諸軍南討丙辰平陽人路季禮聚眾反辛酉御史中尉竇泰討平之冬十一月戊申詔遣使巡檢河北流移饑民侯景攻剋梁楚州

欽定四庫全書

南北史合注  
卷九十一

四

獲刺史恒和十二月以并州刺史尉景為太保辛未遣使者板假老人官百歲以下各有差壬寅皇生父太司馬清河王亶薨癸未以太傅咸陽王坦為太師是歲高麗勿吉並遣使朝貢

四年春正月以汝陽王暹為錄尚書事夏四月辛未遷七帝神主於新廟大赦

温子昇集載詔曰朕瞻言往事取則前脩乃襲去鄴用追遷鄴今清廟初興闕宮始就靈祇萃止祖考來

格神光夜照香氣朝聞今月吉辰躬展誠敬時和氣婉景麗雲柔四表來廷萬國在位哀樂相交感慶交集固宜觀象雷雨布寬大之恩取類澤風申肆眚之今可大赦天下 愚按資治通鑑注以道武明元太武文成獻文孝文宣武為七帝而高歡既推帝以奉孝明後豈有子不祀父禮恐七帝乃八帝之誤

內外百官普進一階先是滎陽人張儉等聚眾反於大駝山通西魏壬辰武衛將軍高元成討破之六月己巳

欽定四庫全書

南北史合注  
卷九十一

四

辛華林園理訟辛未詔尚書掩骼埋胔推錄囚徒壬午閭闔門災秋七月甲辰遣兼散騎常侍李楷聘於梁八月西魏剋陝州刺史李徽伯死之九月侍中元子思與其弟謀西入並賜死閏月己丑衛將軍右光祿大夫蔣天樂謀反伏誅禁京師沽酒冬十月以咸陽王坦為錄尚書事壬辰渤海王高歡西侵敗於沙苑己酉西魏行臺龔景壽都督楊白駒寇洛州大都督韓賢大破之西魏又遣其大行臺元季海大都督獨孤信逼洛州刺史



廣陽王湛棄城歸闕季海信遂據金墉十一月丙子以  
驃騎大將軍儀同三司万俟普為太尉十二月甲辰梁  
人來聘河間人邢磨納范陽人盧仲禮各聚眾反是歲  
高麗柔然並遣使朝貢

元象元年春正月辛酉朔日有蝕之有巨象自至碣郡  
陂中南兗州獲送於鄴丁卯大赦改元二月丙辰遣兼  
散騎常侍鄭伯猷聘於梁夏四月庚寅曲赦畿內開酒  
禁六月壬辰帝幸華林都堂聽訟是夏山東大水堰塞

欽定四庫全書

南北史合注  
卷九十一

四元

鳴於樹上秋八月辛卯勃海王高歡大敗西魏於河陰  
九月大都督賀拔仁擊邢磨納盧仲禮等破平之冬十  
月梁人來聘十二月庚寅遣陸操聘於梁

段成式酉陽雜俎曰魏使操等聘於梁入樂遊苑西  
門內青油幕下梁武備三仗乘輿從南門入操等東  
面再拜梁武北入臨光殿坐皂帳南面諸賓及羣官  
俱坐定遣中書舍人殷靈宣旨慰勞具有辭答 又  
曰操至梁梁武坐小輿使再拜宣旨勞問至重雲殿

引昇殿梁武着菩薩衣北面太子已下皆菩薩衣侍  
衛如法一道人贊禮佛辭凡三卷其贊第三卷中稱  
為魏主魏相高并南北二境士女禮佛訖操與其羣  
臣俱再拜

是歲高麗遣使朝貢

興和元年春正月辛酉以尚書令孫騰為司徒三月甲  
寅朔封常山郡王邵第二子曜為陳郡王五月甲戌立  
皇后高氏乙亥大赦六月乙酉以尚書左僕射司馬子

欽定四庫全書

南北史合注  
卷九十一

五元

如為山東黜陟大使尋為東北道行臺差選勇士庚寅  
前潁川刺史奚忠業為河南大使簡發勇士丁酉梁人  
來聘戊申開府儀同三司汝陽王暹薨秋八月壬辰遣  
兼散騎常侍王元景聘於梁九月甲子發畿內十萬人  
城鄴四十日罷辛未曲赦畿內死罪已下各有差冬十  
一月癸亥以新宮成大赦改元八十以上賜綾帽及杖  
七十旁無期親及有疾廢者各賜粟帛築城之夫給復  
一年是年高麗遣使朝貢

二年春正月壬申以太保尉景為太傅以驃騎大將軍開府儀同三司庫狄干為太保丁丑徙御新宮大赦內外百官並進一階營構主將別優一階三月乙卯梁人來聘夏五月己酉西魏行臺宮廷和陝州刺史宮元慶率戶內屬置之河北馬場振康各有差壬子遣無散騎常侍李象聘於梁閏月丁丑朔日有蝕之己丑封皇兄景植為宜陽王皇弟威為清河王謙為潁川王

愚按孝靜加恩同氣而北面所天是知有兄弟而不  
欽定四庫全書

南北史合注  
卷九十一

五十二

知有父也

六月壬子大司馬華山王鷲薨

魏書靈徵志載是年八月徐州濟陰郡廳事前烏巢於槐鳥母死有雀銜食哺烏雛不失其時並皆長大詔賞太守帛十匹

冬十月梁人來聘十二月乙卯遣無散騎常侍崔長謙聘於梁是歲高麗柔然勿吉並遣使朝貢  
三年春二月甲辰阿至羅出吐拔那渾大率部來降三

月乙酉梁州人公孫貴賓聚眾反自號天王陽夏鎮將討擒之夏四月戊申阿至羅國主副伏羅越君子去賓來降封為高車王六月乙丑梁人來聘秋七月己卯宜

陽王景植薨八月甲子遣無散騎常侍李騫聘於梁先是詔羣官於麟趾閣議定新制冬十月甲寅班於境內己巳發夫五萬人築漳濱堰三十五日罷癸亥車駕狩於西山十一月戊寅還宮丙戌以開府儀同三司彭城王韶為太尉以度支尚書胡僧敬為司空是歲柔然高麗勿吉國並遣使朝貢

南北史合注  
卷九十一

五十三

四年春正月丙辰梁人來聘夏四月丙寅遣無散騎常侍李繪聘於梁乙酉以侍中廣陽王湛為太尉以尚書右僕射高隆之為司徒以太尉彭城王韶為錄尚書事丁亥太傅尉景坐事降為驃騎大將軍開府儀同三司辛卯以太保庫狄干為太傅以領軍將軍婁昭為大司馬封祖裔為尚書右僕射六月丙申復前侍中樂良王忠爵丁酉復陳留王景皓常山王紹宗高密王永業爵秋



八月庚戌以開府儀同三司吏部尚書侯景為兼尚書僕射河南行臺隨機討防冬十月甲寅梁人來聘十一月壬午驃騎大將軍開府儀同三司青州刺史西河王暕薨十二月辛亥遣兼散騎常侍陽裴使於梁是歲柔然高麗吐谷渾並遣使朝貢

武定元年春正月壬戌朔大赦改元己巳車駕蒐於邯鄲之西山癸酉還宮二月壬申北豫州刺史高仲密據虎牢西叛西魏丞相宇文泰率眾來援三月丙午帝親

欽定四庫全書

南北史合注 卷九十一

五

納訟甲申勃海王高歡大敗西魏於邙山追奔至恒農而還豫洛二州平夏四月封彭城王韶弟襲為武安王五月壬寅以剋復虎牢降死罪以下囚己未以吏部尚書侯景為司空六月己亥梁人來聘戊寅封前員外散騎侍郎元長春為南郡王八月己丑以汾州刺史斛律金為大司馬壬午遣兼散騎常侍李渾聘於梁冬十一月甲午車駕狩於西山己還宮是歲吐谷渾柔然高麗並遣使朝貢

二年春二月丁卯徐州人劉烏黑聚眾反遣行臺慕容紹宗討平之三月梁人來聘以早故宥死罪己下囚丙午以開府儀同三司孫騰為太保壬子以勃海王世子高澄為大將軍文武職事賞罰眾典皆秉於澄以領中書監元弼為錄尚書事以尚書左僕射司馬子如為尚書令以太原公高洋為左僕射夏五月甲午遣散騎常侍魏季景聘於梁丁酉太尉廣陽王湛薨秋八月癸酉尚書令司馬子如坐事免九月甲申以開府儀同三司

欽定四庫全書

南北史合注 卷九十一

五

濟陰王暉業為太尉太師咸陽王坦坐事免以王還第冬十月丁巳太保孫騰大司馬高隆之各為括戶大使凡獲逃戶六十餘萬十一月西河地陷有火出甲申以司徒高隆之為尚書令以前大司馬婁昭為司徒庚子祀圓丘辛丑梁人來聘是歲吐谷渾地豆于室韋高麗柔然勿吉等國並遣使朝貢

三年春正月丙申遣兼散騎常侍李獎聘于梁二月庚申吐谷渾國奉其從妹以備後庭納為容華嬪夏五月

甲辰大赦秋七月庚子梁人來聘

隋書五行志曰九月豹入鄴城南門格殺之

冬十月遣中書舍人尉瑾聘於梁十二月以司空侯景為司徒以中書令韓軌為司空戊子以太保孫騰為錄尚書事是歲高麗吐谷渾柔然並遣使朝貢

四年夏五月梁人來聘六月庚子以司徒侯景為河南大行臺應機討防秋七月壬寅遣兼散騎常侍元廓聘于梁八月移洛陽漢魏石經于鄴

欽定四庫全書

南北史合注 卷九十一

五

魏書曰九月勃海王高歡攻西魏玉壁不克冬十一月

月以疾班師 隋書五行志曰是年冬大霧六日晝

夜不解占為陰侵陽臣將侵君之象此明年元瑾劉

思逸謀殺大將軍之應 愚按此乃明年大將軍高

澄嘗辱君父跋扈不臣之應而史反以為元瑾等奉

詔討澄等所感召大謬

隋書五行志入云武定五年秋大雨七十餘日亦元

瑾謀殺大將軍之應其謬同

是歲室韋勿吉地豆干高麗柔然並遣使朝貢

五年春正月己亥朔日有蝕之丙午勃海王高歡薨辛

亥司徒侯景降于西魏以求救西魏遣其將李弼王思

政赴之思政等入據潁川景乃出走豫州己丑梁人來

聘二月侯景復背西魏歸梁夏四月壬申大將軍高澄

來朝甲午遣兼散騎常侍李緯聘於梁五月丁酉朔大

赦戊戌以尚書右僕射襄城王旭為太尉甲辰以太原

公高洋為尚書令領中書監以青州刺史尉景為大司

欽定四庫全書

南北史合注 卷九十一

五

馬以開府儀同三司庫狄干為太師以錄尚書事孫騰

為太傅以汾州刺史賀拔仁為太保以司空韓軌為司

徒以領軍將軍可朱渾道元為司空以司徒高隆之錄

尚書事以徐州刺史慕容紹宗為尚書左僕射高陽王

斌為右僕射戊午大司馬尉景卒六月己酉帝為故勃

海王高歡舉哀于東堂服總衰秋

魏書載七月以大將軍高澄都督中外諸軍錄尚書

事甲申葬勃海獻武王於鄴城西北車駕祖于漳濱



通鑑曰八月壬辰帝以大將軍高澄無禮密詔尚書祠部郎中元瑾侍讀荀濟長秋卿劉思逸淮南王宣洪華山王大器濟北王徽等共誅之事池反為所害出帝于宮中 隋書五行志曰是月豹上銅雀臺九月辛丑梁貞陽侯蕭淵明寇徐州堰泗水於寒山灌彭城以應侯景冬十一月己酉以尚書左僕射慕容紹宗為東南道行臺與大都督高岳潘相樂大破擒之及其二子瑀道十二月己未蕭淵明至帝御閭闔門受俘

欽定四庫全書

南北史合注

卷七

讓而宥之岳等廻師討侯景是歲高麗勿吉並遣使朝貢

是歲梁太清元年

六年春正月己亥大都督高岳等大破侯景於渦湯俘斬五萬餘人餘溺死於渦水水為不流景走淮南二月己卯梁遣使求和許之三月癸巳以太尉襄城王旭為大司馬以開府儀同三司高岳為太尉辛亥以冬春元旱赦罪人各有差夏四月甲子吏部令史張永和青州

人崔閏等偽假人官事覺亂檢首者六萬餘人甲戌以尚書左僕射慕容紹宗為大行臺與太尉高岳司徒韓軌大都督劉豐等討王思政於潁川引洧水灌其城九月己酉梁人來聘冬十月戊申侯景濟江推梁臨賀王正德為主以攻建業是歲高麗室韋柔然吐谷渾並遣使朝貢

欽定四庫全書

南北史合注

卷八

七年春正月戊辰梁北徐州刺史中山侯蕭正表以鎮內附封蘭郡公吳郡王三月丁卯侯景剋建業夏四月大行臺慕容紹宗遇暴風溺水死五月丙辰梁武帝殂戊寅大將軍高澄帥師赴潁川六月剋之獲西魏大將軍王思政等秋七月大將軍高澄至自潁川帝宴澄及諸將於華林園八月辛卯立皇子長仁為皇太子大將軍高澄為蘭京所殺

本史書盜賊勃海王高澄今正之辨見後

癸巳大赦內外百官並進二級甲午太原公高洋如晉陽冬十月癸未以開府儀同三司咸陽王坦為太傅甲

午以開府儀同三司潘相樂為司空十二月甲辰吳郡王蕭正表薨以并州刺史彭樂為司徒是歲柔然地豆干室常高麗吐谷渾並遣使朝貢

八年春正月辛酉帝為勃海王高澄舉哀於東堂戊辰詔太原公高洋嗣事徙封齊郡王甲戌地豆干契丹並遣使朝貢二月

魏書曰甲申葬勃海文襄王車駕祖於漳濱

庚寅以尚書令高隆之為太保三月庚申進齊郡王高

欽定四庫全書

南北史合注  
卷九十一

七

洋爵為齊王夏四月己巳柔然遣使朝貢五月甲寅詔齊王為相國總百揆備九錫之禮以齊國太妃為王太后王妃為王后丙辰遜帝位于齊己未齊氏封帝為中山王邑一萬戶上書不稱臣答不稱詔載天子旌旗行魏正朔乘五時副車封王諸子為縣公邑各一千戶奉絹一萬尺錢一萬貫粟二萬石奴婢三百人水碾一具田百頃園一所於中山國立魏宗廟次年十二月己酉齊王高洋弒帝崩時年二十八

天保三年二月奉謚曰孝靜皇帝葬於鄴西漳北後忽命發之陵崩死者六十人

資治通鑑曰拔梓宮於漳水 宋揮塵錄曰太祖乾德四年詔禁樵採禁空陵耶抑後有收而葬之扣符堅於石虎耶

帝好文美容儀力能挾石獅子以踰墻射無不中嘉辰宴會多命羣臣賦詩從容沉雅有孝文風

資治通鑑曰柏獻武王歡自病逐君之醜事帝禮甚

欽定四庫全書

南北史合注  
卷九十一

六

恭事無大小必以聞可否聽之每侍宴俯伏上壽帝設法會乘輦行香歡執香爐步從鞠躬屏氣承望顏色故其下奉帝莫敢不恭

渤海王高澄嗣事甚忌焉以大將軍中兵參軍崔季舒為中書黃門侍郎令監察動靜大小皆令季舒知澄與季舒書曰癡人復何似癡聾小差未宜用心檢校帝嘗與澄獵於鄴東馳逐如飛監衛都督烏那羅受工伐從後呼帝曰天子莫走馬大將軍怒澄嘗侍帝飲大舉觴



曰臣澄勸陛下帝不悅曰自古無不亡之國朕亦何用  
此生為澄怒曰朕朕狗脚朕使季舒啟帝三拳奮衣而  
出明日澄使季舒勞帝帝亦謝焉賜絹季舒未敢受以  
啟澄澄使取一段帝來百疋與之曰亦一段爾帝不堪  
憂辱詠謝靈運詩曰韓亡子房奮秦帝魯連恥本自江  
海人忠義動君子常侍侍講荀濟知帝意乃與華山王  
大器元瑾等密謀於宮中偽為山而作地道向北城至  
千秋門門者覺地下響動以告澄澄勒兵入宮不拜而

欽定四庫全書

南北史合注  
卷九十一

三

坐曰陛下何意反耶臣父子功存社稷何負陛下耶此  
必妃嬪輩所為欲殺胡夫人及李嬪帝正色曰自古惟  
聞臣反君不聞君反臣王自欲反何關於我我殺王則  
社稷安不殺則社稷危身且不暇惜何況妃嬪必欲殺  
逆緩速在王

愚按澄勒兵入宮以下本史所刪甚多情事與語意  
俱晦今改依資治通鑑云

澄乃下牀叩頭大啼謝罪於是酣飲夜久乃出居三日

幽帝於含章堂大器元瑾等皆烹於市及將禪文宣襄  
城王昶司徒潘相樂侍中張亮黃門郎趙彥深等求入  
奏事帝在昭陽殿見之昶曰五行遞運有始有終齊王  
聖德欽明萬姓歸仰願陛下則堯禪舜帝便欽容答王  
此事推挹已久謹當遜避又云若爾須作詔書侍郎崔  
劼裴讓之奏云詔已作訖即付楊愔進帝凡十條書訖  
曰將安朕何所復若為而去愔對曰在北城別有館宇  
還備法駕依常仗衛而去帝乃下御座步就東廊口詠

欽定四庫全書

南北史合注  
卷九十一

三

范蔚宗後漢書贊云獻生不辰身播國屯終我四百永  
作虞賓所司奏請發帝曰古人念遺簪敝屣欲與六宮  
別可乎高隆之曰今天下猶陛下之天下沉在後宮乃  
步入與夫人嬪以下訣莫不歎歔掩涕嬪趙國李氏誦  
陳思王詩王其愛玉體俱享黃髮期自皇后已下皆哭  
直長趙德以故犢車一乘候於東上閣帝上車德超上  
車持帝肘之曰朕畏天順人授位相國何物奴敢逼  
人德尚不下

三國典畧曰大將軍高澄攻王思政於潁川親坐所築土山堰上趙道德引其裾使下曰箭頭有鏃不避大王已箭果集澄坐之所 資治通鑑曰常山王演欲廢少主殷自立以諸臣勸進語白於太皇太后趙道德曰相王不學周公輔成王而欲骨肉相奪獨不畏後世謂之篡耶太皇太后是之 愚按趙道德忠於澄若彼忠於少主殷以拒演又若此獨無禮於孝靜耶不知資治通鑑何據乃改趙德為趙道德綱目

欽定四庫全書

南北史合注  
卷九十一

亦然一耶二耶學人再考之

及出雲龍門王公百僚衣冠拜辭帝曰今日不減道鄉公漢獻帝眾皆悲愴高隆之泣灑

愚按本史裴讓之傳云帝與羣臣別讓之獨流涕歆歆何以不載

遂入北城下司馬子如南宅初帝禪位前一月有禾生於銅研旦長數寸有穗識者以為忝離之感云及文宣行幸嘗以帝自隨帝后封太原公主常為帝嘗食以護

視焉竟遇醜而崩

資治通鑑曰齊王飲公主酒使人醜王殺之并其子

論曰莊帝運接交喪招納勤王雖時事孔棘而卒有四海獨逆剪除權奸擅命神慮獨斷芒刺幸除而天未忘亂禍不旋踵

魏書曰未聞長轡之策遽深負刺之恐謨謀罕術授任乖方猜撫行僂禍不旋踵 愚按魏收此論甚謬

欽定四庫全書

南北史合注  
卷九十一

蓋以袒高歡者袒尔朱榮以詆孝武者詆孝莊也

自茲之後魏室土崩始則制屈強胡終乃權歸霸政主祭祀者不殊於寄坐遇黜辱者有甚於奕棋雖以節閔之明孝武之長

魏書曰平陽猜惑自絕宗廟悖德為甚 愚按猜惑悖德四字收專為媚高氏而言若帝之罪在弑君淫妹此非其實

祇以速是奔波文帝以剛強之質終以守雌自寶



廢帝圖權自禍君子哀其志焉  
靜恭運終天祿皆不保其身悲夫

隋翻經學士費長房作歷代三寶記以道武以下都  
平城者為北魏孝文以下都洛陽者為南魏孝武以  
下都長安者為西魏孝靜都鄴為東魏共成東西南  
北四魏云

欽定四庫全書

南北史合注  
卷九十一

六五

南北史合注卷九十一

欽定四庫全書

南北史合注卷九十二

明 李清 撰

齊本紀上第六

北史六

齊高祖神武皇帝姓高氏諱歡字賀六渾勃海穆入六  
世祖隱晉玄菟太守隱生慶慶生泰泰生湖三世仕慕  
容氏

魏書曰魏登國十年燕主慕容寶遣其太子寶來伐

欽定四庫全書

南北史合注  
卷九十二

湖諫曰魏燕之與國彼有內難此遣赴之此有所求  
彼無違者和好多年行人相繼往求馬不得遂留其  
弟曲在於此非彼之失正當救修舊好而復令太子  
遠伐魏王有雄畧兵馬精強險阻艱難備嘗之矣太  
子富於春秋意果氣銳必小魏而易之萬一不如所  
欲損威傷重言頗切厲垂怒免湖官既而寶果敗於  
參合寶立乃起湖為燕郡太守

及慕容寶敗國亂湖率眾歸魏為右將軍湖生四子第

三子謚

魏書曰謚天安中除中散專典秘閣高宗深重之拜  
秘書郎謚以墳典殘缺奏請廣訪羣書大加繕寫由  
是代京圖籍莫不審正顯祖御寧光宮謚恒侍講讀  
仕魏位至侍御史坐法徙居懷朔鎮謚生皇考樹生性  
通率不事家產

魏書曰樹生佐陽平王討蠕蠕先驅有功尚氣俠浮  
沉自適不願職位辭不受賞論者高之

欽定四庫全書

南北史合注  
卷九十二

三

住居白道南數有赤光紫氣之異隣人以為怪勸徙居  
避之皇考曰安知非吉居之自若及高祖生而皇妣韓  
氏殂養於同姓姊婿鎮獄尉景家高祖既累世北邊  
故習其俗遂同鮮卑長而深沉有大度輕財重士為豪  
傑所宗目有精光長頭高額齒白如玉少有人傑表家  
貧及聘武明皇后始有馬得給鎮為隊長鎮將遼西段  
長常奇高祖貌謂曰君有康濟才終不徒然便以子孫  
為託及貴追贈長司空擢其子寧而用之高祖自隊長

轉為函使嘗乘驛過建興雲霧晝晦雷聲隨之半日乃

絕若有神應者每行道路往來無風塵之色又嘗夢履  
眾星而行覺而內喜為函使六年每至洛陽給令史麻  
祥使祥嘗以內啗高祖高祖性不立食坐而進之祥以  
為慢已咎高祖四十及自洛陽還傾產結客

三國典畧曰神武因夢履星而行覺而內喜

一時親故怪問之荅曰吾至洛陽宿衛羽林相率焚領  
軍張晏宅朝廷懼亂不問為政若此事可知也財物豈

欽定四庫全書

南北史合注  
卷九十二

三

可常守邪自是乃有澄清天下之志與懷朔省事雲中  
司馬子如及秀容人劉貴中山人賈顯智為奔走之友  
懷朔戶曹史孫騰外兵史侯景亦相友結劉貴嘗得一  
白鷹與高祖及尉景蔡儁子如賈顯智等獵于沃野見  
一赤兔每搏輒逸遂至迦澤澤中有茅屋將奔入有狗  
自屋中出噬之鷹兔俱死高祖怒以鳴鏑射之狗斃屋  
中有二人出持高祖襟甚急其母兩目盲曳杖呵二子曰  
何故觸大家出甕中酒烹羊待客因自言善暗相徧捫



諸人言皆貴而指揮俱由高祖又曰子如歷位顯智不善終飲竟出行數里還更訪之本無人居向非人也諸人亦加敬異孝昌元年柔玄鎮人杜洛周反於上谷高祖與同志從之醜其行事私與尉景段榮蔡儁圖之不果而逃為其騎所追文襄及魏永熙后皆幼武明后於牛上抱負之文襄累落牛高祖彎弓將射之以決去后呼榮求救賴榮透下取之以免遂奔葛榮又亡歸爾朱榮於秀容先是劉貴事榮盛言高祖美至是始得見以

欽定四庫全書

南北史合注 卷九十二

并州抵揚州邑人龐蒼鷹止園焦中每從外歸主人遙聞行響動地蒼鷹母數見園焦上赤氣赫然屬天又蒼鷹夜欲入有青衣拔刀叱曰何故觸王言訖不見始以為異密覘之唯見赤蛇蟠牀上益驚異因殺牛分肉厚以相奉

李百藥北齊書蒼鷹小傳曰蒼鷹交游豪俠厚待賓旅知高祖有伯王之畧割宅相奉

蒼鷹母求以高祖為義子及得志以其宅為第號南宅

欽定四庫全書

南北史合注 卷九十二

雖門巷開廣堂宇崇麗其本所住園焦以石墜塗之留而不毀至文宣時遂為宮既而榮以神武為親信都督時魏孝明銜鄭儼徐紇逼靈太后未敢制私使榮舉兵內向榮以高祖為前鋒至上黨帝又私詔停之及帝暴崩榮遂入洛將篡位高祖諫

魏書爾朱榮傳曰榮將謀篡獻武王與司馬子如切諫榮曰慈誤若是當以死謝朝廷今日安危之機計將安在獻武王曰未若還奉長樂以安天下於是還



奉孝莊 周書賀拔岳傳曰都督高歡勸榮稱帝左右多同之及榮改悔岳勸榮殺歡以謝天下左右曰歡愚疎言不思難今四方尚梗事藉武臣請舍之收其後效乃止 愚按二史所紀不同合從資治通鑑以周書所記為準

恐不聽請鑄像卜之鑄不成乃止孝莊立以定策封銅鞮伯及爾朱榮擊葛榮令高祖喻下賊別稱王者七人後與行臺于暉破羊侃於泰山尋與元天穆破邢杲於

欽定四庫全書

南北史合注  
卷九十二

六

濟南累遷第三鎮人酋長嘗在榮帳內榮問左右曰一日無我誰可主軍皆稱爾朱兆榮曰此正可統三千騎以還堪代我主衆者唯賀六渾耳因誡兆曰爾非其匹終當為其子穿鼻乃以高祖為晉州刺史於是大聚飲因劉貴貨榮下要人盡得其意時州庫角無故自鳴高祖異之無幾孝莊誅榮及爾朱兆自晉陽將舉兵赴洛召高祖高祖使長史孫騰辭以絳蜀汾胡欲反不可委去兆恨焉騰復命高祖曰兆舉兵犯上此大賊也吾不

能久事之自是始有圖兆計及兆入洛執孝莊以北高祖聞之大驚又使孫騰偽賀兆因密覘孝莊所在將劫以舉義不果乃以書喻之言不宜執天子受惡名於海內兆不納弒帝而與爾朱世隆等立長廣王粲改元建明封高祖為平陽郡公及費也頭紇豆陵步藩入秀容逼晉陽兆徵公公將往賀拔馬過兒請緩行以獎之公乃往迺還辭以河無橋不得渡步藩軍感兆敗走初孝莊誅爾朱榮知其黨必有逆謀乃密敕步藩令襲其後

欽定四庫全書

南北史合注  
卷九十二

七

步藩既敗兆等兵勢日盛兆又請救於公公內圖兆復累步藩後難除乃與兆悉力破之藩死深德公誓為兄弟時世隆度律彥伯共執朝政天光據關右兆據并州仲遠據東郡各擁兵為暴天下苦之葛榮衆流入并肆者二十餘萬為契胡陵暴皆不聊生大小二十六反誅夷者半猶草竊不止兆患之問計於公公曰六鎮反殘不可盡殺宜選王腹心私使統馬若有犯者罪其帥則所罪者寡兆曰善誰可行賀拔允時在坐請公公拳歐



之折其一齒曰生平矢柱時奴輩伏處分如鷹犬今日天下安置在王而阿鞠泥敢誣下罔上請殺之兆以公為誠遂委馬公以兆醉恐醒後復致疑貳遂出宣言受委統州鎮兵可集汾東受令乃建牙陽曲川陳部分有款軍門者絳中袍自稱梗楊驛子願厠左右訪之則以力聞嘗於并州市搯殺人者乃署為親信兵士素惡兆而樂神武于是莫不皆至居無何又使劉貴請兆以并肆頻歲霜旱降戶掘黃鼠食皆面無穀色徒汚人國土

欽定四庫全書

南北史合注 卷九十二

請令就食山東待温飽而處分之兆從其議其長史慕容紹宗諫不可兆曰香火重誓何所慮耶紹宗曰親兄弟尚難信何論香火時兆左右已受公金因譖紹宗與公舊隙兆乃禁紹宗而催公發公自晉陽出滏口路逢爾朱榮妻鄉郡長公主自洛陽來馬三百匹盡奪易之兆聞釋紹宗問馬紹宗曰猶掌握中物也於是自追公至襄垣會漳水暴長橋壞公隔水拜曰所以借公主馬非有他故備山東道耳王受公主言自來賜追今渡河

而死不辭此眾叛兆自陳無此意因輕馬渡與公坐幕下陳謝遂授刀引頭使公砍已公大哭曰自天柱堯背賀六渾更何所仰願大家千萬歲以申力用今旁人構間至此大家何忍復出此言兆投刀於地遂刑白馬而盟誓為兄弟留宿夜飲尉景伏壯士欲執兆公齧臂止之曰今殺之其黨必奔歸聚結兵飢馬瘦不可相支若英雄崛起則為害滋甚不如且置之兆雖勁捷而兇狡無謀不足圖也且日兆歸營又召公公將上馬詣之孫

欽定四庫全書

南北史合注 卷九十二

騰牽衣乃止兆隔水肆罵馳還晉陽兆心腹念賢領降戶家累別為營公偽與之善觀其佩刀因取而殺之其從者盡散於是士眾咸悅倍願附從初魏太武真君中內學者奏言上黨有天子氣云在壺關大玉山太武於是南巡以厭之累石為三封斬其北鳳凰山以毀其形後上黨人居晉陽者號上黨坊公實居之及是舍大王山六旬而進將出滏口倍加約束纖毫之物不聽侵犯將過麥地輒步牽馬遠近聞之皆稱高儀同將兵整肅



益歸心焉遂前行屯鄴北求糧於相州刺史劉誕誕不  
供有軍營租米公自取之魏普泰元年二月公軍次信  
都高乾封隆之開門以待遂據冀州是月爾朱度律廢  
元粦而立節閔帝欲羈縻公三月節閔封公為勃海王  
徵使入覲王辭四月癸巳又加授東道大行臺第一鎮  
人酋長龐蒼鷹自太原來奔王以為行臺即後卒於安  
州刺史王自向山東養士繕甲禁兵侵掠百姓歸心乃  
詐為書言爾朱兆將以六鎮人配契胡為部曲衆皆愁

欽定四庫全書

南北史合注  
卷九十二

又為并州符徵兵討步落稽發萬人將遣之孫騰尉景  
偽請留五日如此者再王親送之郊雪涕執別人皆號  
慟哭聲動地王乃喻之曰與爾俱失鄉客義同一家不  
意在上乃爾徵召直向西已當死後軍期又當死配國  
人又當死奈何衆曰唯有反耳王曰反是急計須推一  
人為主衆願奉王王曰爾鄉里難制不見葛榮乎雖百  
萬衆無刑法終自灰滅今以吾為主當與前異不得欺  
漢兒不得犯軍令生死任吾則可不爾不能取笑天下

衆皆頓顙死生唯命王曰若不得已明日推牛饗士喻  
以討爾朱兆之意封隆之進曰千載一時普天幸甚王  
曰討賊大順也拯時大業也吾雖不武以死繼之何敢  
讓焉六月庚子建義於信都尚未顯背爾朱氏及李元  
忠與高乾平殷州斬爾朱羽生首來謁王撫膺曰今日  
反決矣乃以元忠為殷州刺史是時軍威既振乃抗表  
罪狀爾朱氏世隆等秘表不通八月爾朱兆攻陷殷州  
李元忠來奔孫騰以為朝廷隔絕不權立天子則衆望

欽定四庫全書

南北史合注  
卷九十二

無所係十月壬寅奉章武王融子勃海太守朗為皇帝  
年號中興是為廢帝時度律仲遠軍次晉陽爾朱兆會  
之王用竇泰策縱反閭度律仲遠不戰而還王敗兆於  
廣阿十一月攻鄴相州刺史劉誕嬰城固守王起土山  
為地道往建大柱一時焚之城陷入地麻祥時為湯陰  
令王呼之曰麻都祥慙而逃

永熙元年正月壬午拔鄴城據之  
三國典畧曰高歡攻鄴時瑞物無歲不有令史焚連



理木煮白雉食之

廢帝進王大丞相柱國大將軍太師是時青州建義大都督崔靈珍大都督耿翔皆遣使歸附行汾州事劉貴棄城來降閏三月爾朱天光自長安兆自并州度律自洛陽仲遠自東郡同會鄴眾號二十萬挾洹水而軍節閔以長孫稚為大行臺總督馬王令封隆之守鄴自出頓紫陌時馬不滿二千步兵不至三萬眾寡不敵乃於韓陵為圓陣連牛驢以塞歸道於是壯士皆有死志四

欽定四庫全書

南北史合注 卷九十二

十三

面赴擊之爾朱兆責王背已王曰本戮力者共輔王室今帝何在兆曰永安枉害天柱我報讐耳王曰我昔日親聞天柱計汝在戶前立豈得言不反邪且以君殺臣何報之有今日義絕矣乃合戰大敗之爾朱兆對慕容紹宗叩心曰不用公言以至於此將輕騎走紹宗反旗鳴角收聚散眾成軍容而西上高季武以七騎追奔度野馬岡與兆遇高昂望之不見哭曰喪吾弟矣夜久季武還血滿袖斛斯椿倍道先據河橋初普泰元年十月

歲星熒惑鎮星太白聚於背參色甚明太史占云當有

王者興是時王起信都至是破兆等四月斛斯椿執天光度律送洛陽長孫稚遣都督賈顯智張徽入洛陽執世隆彥伯斬之兆奔并州仲遠奔梁州遂死馬時凶靈既除朝廷慶悅初未戰之前月章武人張紹夜中忽被數騎將踰城一大將軍前勅紹為軍導向鄴云佐受命者除殘賊紹回視之兵不測整疾無聲將至鄴乃放及戰之日爾朱氏軍人見陣外士馬四合蓋神助也既而

欽定四庫全書

南北史合注 卷九十二

十三

王至洛陽廢節閔

愚按節閔帝賢主歡失人心在廢節閔一著東西魏之中分周齊之互競率皆由此

及中興主而立孝武帝孝武帝即位授王大丞相天柱大將軍太師世襲定州刺史增封并前十五萬戶王辭天柱減戶五萬壬辰還鄴天子餞於乾脯山執手而別七月壬寅王帥師北伐爾朱兆封隆之言侍中斛斯椿賀拔勝賈顯智等往事爾朱普皆反嗟今在京師罷任



必構禍隙王深以為然乃歸天光度律於京師斬之遂自滄口入爾朱兆大掠晉陽北保秀容并州平王以晉陽四塞乃建大丞相府定居之爾朱兆既至秀容分兵守險出入寇掠王揚聲討之師出止者數四兆意怠王揣其歲首必宴會遣竇泰以精騎馳之一日一夜行三百里王以大軍繼之

二年正月竇泰奄至爾朱兆庭軍人因宴休情忽見泰軍驚走追破之於赤洪嶺兆自縊王親臨厚葬之慕容

欽定四庫全書

南北史合注  
卷九十二

十四

紹宗以爾朱榮妻子及餘衆自保馬突城降王以義故待之甚厚王之入洛也爾朱仲遠部下都督橋寧張子期自滑臺歸命王以其助亂且數反覆皆斬之斛斯椿由是內不自安乃與南陽王寶炬及武衛將軍元毗魏光祿王思政構王於天子舍人元士弼又奏王受敕大不敬故天子心貳於賀拔岳初孝明時洛下有兩板相擊謠言銅板打鐵板元家世將末好事者以二板謂拓拔賀拔言俱將衰敗之兆時司空高乾密啟王言天子

之貳王即封呈天子殺之又遣東徐州刺史潘紹業密敕長樂太守龐蒼鷹令殺其弟昂昂先聞兄死以狗刺柱伏壯士執紹業於路得敕書於袍領遂來奔王王抱其首哭曰天子枉害司空遠使以白武幡其家屬時乾次弟慎在光州為政嚴猛又縱部下取納天子使代之慎聞難將奔梁其屬曰公家勲重必不兄弟相及乃樊衣推虎車歸勃海逢使者亦來奔於是天子與王隙矣阿至羅虜正光以前常稱藩自魏朝多事皆叛王遣使

欽定四庫全書

南北史合注  
卷九十二

十五

招納便附款先是詔以寇賊平罷行臺至是以殊俗歸降復授王大行臺隨機處分王賚其粟帛議者以為徒費無益王不從慰撫如初其酋帥吐陳等感恩皆從指揮救曹泥取萬俟受洛干大收其用河西費也頭虜紇豆陵伊利居苦池河恃險擁衆王遣長史侯景屢招不從天平元年正月壬辰王西伐費也頭虜紇豆陵伊利於河西滅之遷其部落於河東

資治通鑑曰魏主讓之曰伊利不侵不叛為國純臣



王忽伐之詎有一介行人來請之乎

二月永寧寺九層浮屠災既而人有從東萊至云及海上人咸見於海中俄霧起乃戒說者以為天意若曰永寧見災魏不寧矣飛入大海勃海應矣天子既有異圖時侍中封隆之與孫騰私言隆之喪妻天子欲妻以從妹騰亦未信心害隆之泄其言於斛斯椿椿以白天子又孫騰帶仗入省擅殺御史並亡來奔稱天子遣舍人梁續於前光祿少卿元子幹攘臂擊之謂騰曰語爾高

欽定四庫全書

南北史合注 卷九十二

十六

王元家兒拳正如此領軍婁昭辭疾歸晉陽天子於是  
以斛斯椿兼領軍分置督將及河南關西諸刺史華山  
王鷲在徐州王使邸珍奪其筓鑰建州刺史韓賢濟州  
刺史蔡儁皆王同義天子忌之故省建州以去賢使御  
史中尉蔡儁察儁罪以開府賈顯智為濟州儁拒之天  
子愈怒五月下詔云將征勾吳發河南諸州兵增宿衛  
守河橋六月丁巳密詔王曰宇文黑獺自平破秦隴多  
求非分朕有非常事資經畧但表啟未全背戾進討事

涉忽忽遂召羣臣議其可否僉言假稱南伐內外戒嚴

一則防黑獺不虞二則可威吳楚時天子將伐王王部  
署將帥慮疑故有此詔王乃表曰荊州綰接蠻左密邇  
畿服關隴恃遠將有逆圖臣今前勒兵馬三萬擬從河  
東而渡又遣恒州刺史庫狄干瀛州刺史郭瓊汾州刺  
史斛律金前武衛大將軍彭樂擬兵四萬從來達津渡  
遣領軍將軍婁昭相州刺史竇泰前瀛州刺史堯雄并  
州刺史高隆之擬兵五萬以討荊州遣冀州刺史尉景

欽定四庫全書

南北史合注 卷九十二

十七

前冀州刺史高敖曹濟州刺史蔡儁前侍中封隆之擬  
山東兵七萬突騎五萬以征江左皆約勒所部伏聽處  
分天子知王覺其變乃出表命羣臣議之欲止王諸軍  
王乃集在并僚佐令其博議還以表聞仍以信誓自明  
忠款曰臣為嬰佞所間陛下一旦賜疑令猖狂之罪爾  
朱時計臣若不盡誠竭節敢負陛下則使身受天殃子  
孫殄絕陛下若垂信赤心干戈不動佞臣一二人願即  
廢出辛未天子錄在京文武議意答王使舍人溫子昇



草敕昇逸巡未敢作帝據胡牀拔劍作色子昇乃作勅曰前持心血速以示王深冀彼此共相體悉而不良之徒生生間貳近孫騰倉卒向彼致使聞者疑有異謀故遣御史中尉綦儁具申朕懷今得王啟言誓懇惻反覆思之猶所未解以朕眇身過王武畧不勞尺刃坐為天子所謂生我者父母貴我者高王今若無事背王規相攻討則使身及子孫還如王誓皇天后土實聞此言近慮宇文為亂賀拔勝應之故纂嚴欲與王俱為聲援宇

欽定四庫全書

南北史合注  
卷九十二

十八

文今日使者相望觀其所為更無異迹賀拔在南開拓邊境為國立功念無可責若欲分討何以為辭東南不賓為日已久先朝以來置之度外今天下戶口減半未宜窮兵極武朕既闇昧不知佞臣是誰可列其姓名如聞庫狄干語王云本欲取懦弱者為主無事立此長君使不可駕御今但作十五日行自可廢之更立餘者如此議論自是王間勳人豈出佞臣之口去歲封隆之背叛今年孫騰逃走不罪不送誰不怪王騰既為禍始曾

無愧懼王若事君盡誠何不斬送二首王雖啟圖西去而四道進或欲南度洛陽或欲東臨江左言之者猶應自怪聞之者寧能不疑王若守誠不貳晏然居北在此雖有百萬之眾終無圖彼之心王脫信邪棄義舉旗南指縱無駟馬隻輪猶欲奮空拳而爭死朕本寡德王已立之百姓無知或謂實可若為他人所圖則彰朕之惡假令還為王殺幽辱蓋粉了無遺恨何者王既以德見推以義見舉一朝背德舍義便是過有所歸本望君臣

欽定四庫全書

南北史合注  
卷九十二

十九

一體不圖今日分疎至此古語云越人射我笑而道之吾兄射我泣而道之朕既親王情如兄弟所以投筆附膺不覺歎歎初王自京師將北以為洛陽久經喪亂王氣衰盡雖有山河之固土地褊狹不如鄴請遷都天子曰高祖定鼎河洛為永永之基經營制度至世宗乃畢王既功在社稷宜遵太和舊事王奉詔至是復謀馬遣兵千騎鎮建興益河東及濟州兵於白溝鹵船不聽向洛諸州和糴粟運入鄴城天子又勅王曰王若厭伏人



情杜絕物議雅有歸河東兵罷建興戍送相州粟追濟  
州軍令蔡儒受代使邴珍出徐止戈散馬各事家業脫  
須糧廩別遣轉輸則讒人結舌疑悔不生王高枕太原  
朕垂拱京洛終不舉足渡河干戈相指王若馬首南向  
問鼎輕重朕雖無武欲止不能必為社稷宗廟出萬死  
之策決在於王非朕能定為山止簣相為惜之天子時  
以任祥為兼尚書左僕射加開府祥棄官走至河北據  
郡待王天子乃勅文武官北來者任去留下詔罪狀王

欽定四庫全書

南北史合注  
卷九十一

二十

為北伐經營王亦勅馬宣告曰孤遇爾未擅權舉大義  
於四海奉戴主人義貫幽明橫為斛斯椿讒搆以誠節  
為逆首昔趙鞅與晉陽之甲誅君側惡人今者南邁誅  
椿而已以高昂為前鋒曰若用司空言豈有今日之舉  
司馬子如答王曰本欲小者正為此耳天子徵兵關右  
召賀拔勝赴行在所遣大行臺長孫承業大都督潁川  
王斌之斛斯椿兵鎮虎牢汝陽王暹兵鎮石濟行臺長  
孫子彥帥前弘農太守元洪畧鎮陝賈顯智率豫州刺

史斛斯元壽伐蔡儒王使竇泰與左箱大都督莫多婁  
貸文逆顯智韓賢逆暹元壽軍降泰貸文與顯智遇於  
長壽津顯智陰約降引軍退軍司元玄覺之馳還請益  
師天子遣大都督侯幾紹赴之戰於滑臺東顯智以軍  
降紹死之七月天子躬率大眾屯河橋王至河北十餘  
里再遣口申誠款天子不報王乃引軍渡河天子問計  
羣臣或云南依賀拔勝或云西就關中或云守洛口死  
戰未決而元斌之與斛斯椿爭權不睦斌之棄椿竟還

欽定四庫全書

南北史合注  
卷九十二

二十一

紿帝云王兵至即日天子遜於長安己酉王入洛停於  
永寧寺八月甲寅召集百官謂曰為臣奉主匡救危亂  
若處不諫爭出不陪隨緩則耽寵爭榮急便寬失臣節  
安在遂收開府儀同三司叱列延慶兼尚書左僕射辛  
雄兼吏部尚書崔孝芬都官尚書劉厥兼度支尚書楊  
機散騎常侍元士弼並殺之誅其貳也

愚按五臣貳於歡必忠於魏惜乎事蹟靡考

士弼籍沒家口王以萬幾難贖推清河王亶為司馬承



制決事尋至弘農遂西尅潼關執毛洪賓進軍長城龍  
門都督薛崇禮降王退舍河東命行臺尚書長史薛瑜  
守潼關大都督庫狄溫守封陵於蒲津西岸築城守華  
州以薛紹宗為刺史高昂行豫州事九月庚寅王還洛  
陽以屢奉表啟皆不為天子所答乃集百寮沙門耆老  
議立清河王亶世子是為孝靜帝

愚按孝靜年方十一正用司馬子如欲立小者之計  
它皆飾辭

欽定四庫全書

南北史合注  
卷九十二

二十二

魏於是始分為二王以孝武既西恐逼峭陝洛陽復在  
河外接近梁境如向晉陽形勢不能相接依議遷鄴護  
軍祖瑩贊馬詔下三日駕便發戶四十萬狼狽就道王  
留洛陽部分事畢還晉陽自是軍國政務皆歸相府先  
是童謠曰可憐青雀子飛入鄴城裏羽翮垂欲成化作  
鸚鵡子好事者竊言雀子謂天子清河王子鸚鵡謂王  
也

隋書五行志載童謠云可憐青雀子飛入鄴城裏作

竄猶未成舉頭失鄉里寄書與父母好看新婦子帝  
本清河王世子后則丞相高歡女鄴都宮室未成即  
逢禪代作竄未成之效也帝尋崩后改降楊愔時后  
母婁太后尚在故言寄書婦母新婦子斥后也與此  
稍異

初孝昌中山胡劉彞升自稱天子年號神嘉居雲陽谷  
西土歲被其寇謂之胡荒

二年正月西魏渭州刺史可朱渾道元擁眾內屬王迎

欽定四庫全書

南北史合注  
卷九十二

二十三

納之壬戌王襲擊劉彞升大破之己巳天子褒詔以王  
為相國假黃鉞劔履上殿入朝不趨王固辭三月王欲  
以女妻彞升太子候其不設備辛酉潛師襲之其北部  
王斬彞升首以送眾復立其子南海王王進擊之又獲  
南海王及其弟西海王北海王皇后公卿以下四百餘  
人胡魏五萬戶壬申王朝於京師四月王請給遷人廩  
各有差

隋書食貨志曰初魏孝武西遷六坊之眾從而西者



不能萬人餘皆北徙並給常廩春秋二時賜帛以供衣服常調外逐豐稔處折絹糴粟以充國儲於諸州緣河津濟皆官舍儲積以擬漕運於滄瀛幽青四州傍海置鹽官煮鹽每年收錢軍國之資得以周贍自是後倉庫充實至元象興和中頻歲大穰穀斛至九錢是時法網寬弛民多離舊居缺於徭賦神武命孫騰封隆之分括無籍戶得六十餘萬於是僑居者各還本屬自後租調之入有加

欽定四庫全書

南北史合注 卷九十二

二十四

三國典畧載王移檄西魏曰告宇文黑獺逆徒等汝擁逼乘輿遠道關隴予東丹誠冀行天罰今遣相州刺史孫騰自潼關西入濟州刺史竇泰為南面都督前冀州刺史司徒公高昂直截隴口前濟州刺史蔡雋領魯陽蠻兵從鹽池西渡為西面開府定州刺史十二州大行臺侯景領四海雄豪為後軍擬十一月三十日大集西雍州

九月甲寅王以州郡縣官多乖法請出使問民疾苦

三年正月甲子王帥庫狄干等萬騎襲西魏夏州身不火食四日而至縛稍為梯夜入其城擒其刺史費也頭斛拔俄彌突因而用之留都督張瓊鎮守遷其部落五千戶以歸西魏靈州刺史曹泥與其婿涼州刺史劉豐遣使請內屬西魏安定公宇文泰圍泥水灌其城不沒者四尺王命阿至羅發騎三萬徑度靈州繞出西軍後獲馬五千匹西師乃退王帥騎迎泥豐生拔其遺戶五千以歸復泥官爵天子詔加王九錫固讓乃止二月王

欽定四庫全書

南北史合注 卷九十二

二十五

令阿至羅逼西魏秦州刺史建忠王万俟普撥王以衆應之六月甲午普撥與其子太宰受洛干幽州刺史叱干寶樂右衛將軍破六韓常及督將三百餘擁部來降八月丁亥王請均斗尺班於境內九月辛亥汾州胡王迺觸曹貳龍聚衆反署立百官年號平都王討平之十二月丁丑王自晉陽西侵遣兼僕射行臺汝陽王暹司徒高昂等趣上洛大都督竇泰入自潼關

四年正月癸丑竇泰軍敗自殺王軍次蒲津以冰薄不



得赴救乃班師高昂攻剋上洛二月乙酉王以并肆汾  
建晉東雍南汾秦陝九州霜旱民飢流散所在開倉賑  
給六月壬申王如天池獲瑞石隱伏成文曰六王三川  
十一月壬辰王西侵自蒲津濟衆二十萬西魏相宇文  
泰軍於沙苑王以地扼少却西軍鼓躁而進軍大亂棄  
器甲十有八萬王跨橐駝候船以歸

元象元年三月辛酉王固請解丞相天子許之四月庚  
寅王朝京師壬辰還晉陽請開酒禁并賑恤宿衛武官

欽定四庫全書

南北史合注  
卷九十二

二十六

七月壬午行臺侯景司徒高昂圍西魏將獨孤信於金  
墉西魏帝及丞相宇文泰並來赴救大都督庫狄干師  
諸將前驅王總衆繼進八月辛卯戰於河陰大破西魏  
軍俘獲數萬司徒高昂大都督李猛宗顯死之西師之  
敗獨孤信先入關泰留其都督長孫子彥守金墉遂焚  
營道王遣兵追奔至峭不及而還初王知西師來侵自  
晉陽率衆馳赴至孟津未濟而軍有勝負既而王渡河  
子彥亦棄城走王遂毀金墉而還十一月庚午王朝於

京師十二月壬辰還晉陽

興和元年七月丁丑天子進王為相國錄尚書事固讓  
乃止十一月乙丑王以新宮成朝於京師天子與王燕  
射王降階下稱賀又辭勃海王及都督中外諸軍事詔  
不許十二月戊戌王還晉陽

二年十二月阿至羅別部遣使請降王帥衆迎之出武  
州塞不見大獵而還

三年五月王巡北境使使與柔然通和

欽定四庫全書

南北史合注  
卷九十二

二十七

四年五月辛巳王朝於京師請令百官每月面敷政事  
明揚仄陋納諫屏邪親理獄訟褒黜勤怠牧守有德節  
級相坐椒掖之內進御以序後園鷹犬悉皆棄之六月  
甲辰王還晉陽九月王西侵十月己亥圍西魏儀同三  
司王思政於玉壁城欲以致敵西師不出十一月癸未  
王以大雪士卒皆死乃班師

武定元年二月壬申北豫州刺史高慎據虎牢西叛三  
月壬辰西魏相宇文泰率衆援高慎圍河橋南城戊申



王大敗之於印山禽西魏督將以下四百餘人俘斬六萬計是時軍士有盜殺驢者軍令應死王弗殺將至并州決之明日復戰奔西軍告王曰在西師盡銳來攻衆潰王失馬赫連陽順下馬授王與蒼頭馮文洛扶上俱走從者步騎六七人追騎至親信都督尉興慶曰王去矣興慶腰邊百箭足殺者人王勉之曰事濟以爾為懷州若死則用爾子興慶曰兒小願用兄許之興慶關矢盡而死西魏太師賀拔勝以十三騎逐王河州刺史劉

欽定四庫全書

南北史合注 卷九十二

二十八

洪徽射中其二勝稍將中王段韶橫射勝馬墮遂免豫洛二州平王使劉豐追奔拓地至恒農而還七月王貽宇文泰書責其弒孝武之罪八月辛未天子詔王為相國錄尚書事大行臺餘如故固辭乃止是月王命於肆州北山築城西自馬陵戍東至土墮四十日罷十二月己卯王朝於京師庚辰還晉陽

二年三月癸巳王巡行冀定二州因朝京師以冬春旱亢請蠲縣責賑窮乏宥死罪以下又請授老人板職各

有差四月丙辰王還晉陽十一月王討山胡破平之俘獲一萬餘戶分配諸州

三年正月甲午開府儀同三司爾朱文暢開府司馬任胄都督鄭仲禮中府主簿李世林開府參軍房子遠等謀賊王因十五日夜打簇懷刃而入其黨薛季孝以告並伏誅丁未王請於并州置晉陽宮以處配口三月乙未王朝於京師丙午還晉陽十月丁卯王上言幽安定三州北接奚幽然請於險要修立城戍以防之躬自臨

欽定四庫全書

南北史合注 卷九十二

二十九

履莫不嚴固乙未王請釋芒山俘桎梏配以民間寡婦四年八月癸巳王將西侵自鄴會兵於晉陽殿中將軍曹魏祖曰不可今八月西方王以死氣逆生氣為客不利主人則可兵果行傷大將王不從自東西魏構兵鄴下每先有黃黑螿陣鬪占者以為黃者東魏戎衣色黑者以為西魏戎衣色人間以此候勝負是時黃螿盡死九月王圍玉壁西魏晉州刺史韋孝寬守玉壁城中出鐵面王使元盜



二字疑有誤一元作兀亦不可解

射之每中其目用李業興孤虛術萃其北北天險也乃起土山鑿十道又于東南鑿二十一道以攻之城無水汲於汾王使移汾一夜而畢孝寬奪據土山頓軍五旬城不拔死者七萬人聚為一冢有星墜於王營衆驢並鳴士皆警懼王有疾十一月庚子與疾班師庚戌遣太原公洋鎮鄴辛亥徵世子澄至晉陽有惡鳥集於亭樹世子使斛律光射殺之己卯王以無功表解都督中

欽定四庫全書

南北史合注  
卷九十二

三十

外諸軍事天子優詔許焉是時西魏言王中弩

資治通鑑曰軍中訛言帝孝寬以定功弩射殺丞相

魏人聞之因下令曰勁弩一發函身自殞

王聞之乃勉坐見諸貴使斛律金作勅勒歌

古樂府載歌曰敕勒川陰山下天似穹廬籠罩四野

天蒼蒼野茫茫風吹草底見牛羊

王自和之哀感流涕侯景素輕世子嘗謂司馬子如曰

王在吾不敢有異王無不能與鮮卑小兒共事子如掩

其口至是世子為王書召景景先與王約得書書背微

點乃來至是點景不至又聞王疾遂擁兵自固王謂世子曰我雖有疾爾面更有餘憂何也世子未對又問曰豈非憂侯景叛耶曰然王曰景專制河南十四年常有飛揚跋扈志願我能養豈為汝駕御也今四方未定勿遽發哀庫狄干鮮卑老公斛律金勅勒老公並性道直終不負汝可朱渾道元劉豐生遠來投我必無二心賀拔焉過兒樸實無罪過潘相樂本作道人心和厚汝兄

欽定四庫全書

南北史合注  
卷九十二

三十一

弟當得其力韓軌少慙宜寬借之彭樂心腹難得宜防

護之少堪敵侯景者慕容紹宗我故不貴之留以與汝

宜深加殊禮委以經畧

五年正月朔日蝕王曰日蝕其為我耶死亦何恨丙午

陳啟於天子是日殂於晉陽時年五十二秘不發喪六

月壬午天子於東堂舉哀三日制總麻詔凶禮依漢大

將軍霍光東平王蒼故事贈假黃鉞使持節相國都督

中外諸軍事齊王璽紱輜輶車黃屋左纛前後羽葆鼓



吹輕車介士兼備九錫殊禮謚獻武王八月甲申葬於鄴西北漳水之西天子臨送於紫陌天保初追崇為獻武皇帝廟號太祖陵曰義平

山川紀異曰高澄欲葬父歡作虛塚於漳水西鑿穴鼓山石窟佛頂之旁納歡柩而殺羣匠及齊亡一匠子知之發石窟盜金器而逃

天統元年改謚神武皇帝廟號高祖神武性深密高岸終日儼然人不能測機權之際變化若神軍國大略獨

欽定四庫全書

南北史合注 卷九十二

三十三

運懷抱文武將吏罕有預之統馭軍衆法令嚴肅臨敵制勝策出無方聽斷昭察不可欺犯知人好士全護勳舊性周給每有文教常殷勤款悉指事論心不尚綺靡擢人授任在於得才苟其所堪拔於厮養有虛聲無實者稀見任用諸將出討奉行方略罔不克捷違失指畫多致奔亡雅尚儉素刀劍鞍勒無金玉之飾少能劇飲自當大任不過三爵居家如官仁恕愛士始范陽盧景裕以明經稱魯郡韓毅以工書顯咸以謀逆見擒並蒙

恩置之第館教授諸子其文武之士盡節所事見執獲而不罪者甚多故遐邇歸心皆思効力南和梁國北懷柔然吐谷渾阿至羅成所招納獲其力用規畧遠矣

世宗文襄皇帝諱澄字子惠神武長子母婁太后生而岐嶷神武異之魏中興元年立為勃海王世子就杜詢講學敏悟過人詢甚嘆服二年加侍中開府儀同三司尚孝靜帝妹馮翊長公主時年十二神情雋爽便若成人神武試問以時事得失辨析無不中理自是軍國籌

欽定四庫全書

南北史合注 卷九十二

三十三

策皆預之天平元年加使持節尚書令大行臺并州刺史三年入輔朝政加領軍左右京畿大都督時人多問器識猶以少年期之而機畧嚴明事無疑滯朝野振肅元象元年攝吏部尚書魏自崔亮後選人常以年勞為制乃釐改前式銓擢唯在得人又沙汰尚書郎妙選人地以充之才名之士咸被薦擢假有未居顯位者皆致之門下為賓客每山園游宴必見招携執射賦詩各盡所長以為娛適興和二年加大將軍領中書監仍攝吏



部尚書自正光以後天下多事在任羣官廉潔者寡乃  
奏吏部郎崔暹為御史中尉糾劾豪權無所縱捨於是  
風俗更始私枉路絕乃勝於街衢具論經國政術仍開  
直言之路有論事上書苦言切至者皆優容之武定四  
年十一月神武西侵不豫班師世子馳赴軍所侍衛還  
晉陽五年正月丙午神武殂秘不發喪辛亥司徒侯景  
據河南反潁州刺史司馬子雲以城應之景誘執豫州  
刺史高元成襄州刺史李密廣州刺史暴顯等遣司空

欽定四庫全書

南北史合注  
卷九十二

三十四

韓軌率眾討之四月壬申世子朝於京師

資治通鑑曰東魏主與之宴澄起舞識者知其不終  
六月己巳韓軌等自潁州班師丁丑還晉陽乃發喪告  
喻文武陳神武遺志七月戊戌天子詔以世子為使持  
節大丞相都督中外諸軍錄尚書事大行臺勃海王王  
啟辭位願停王爵壬寅天子詔太原公洋攝理軍國遣  
中使穀喻八月戊戌王啟申神武遺令請減國邑分封  
將督各有差辛未朝京師固辭丞相詔曰既朝野攸憑

安危所繫不得令遂本懷須有權奪可復前大將軍餘  
如故壬辰害尚書祠部郎中元瑾等詳見孝靜紀九月  
己亥王請勳舊灼然未蒙齒錄者悉求旌賞朝士名行  
有聞或以年耆疾滿告謝者准其本秩授以州郡不得  
蒞事聽蔭子孫自天平元年以來遇事亡官者聽復本  
資豪貴之家不得占護山澤其第宇車服婚姻送奠奢  
僭無限者並令禁斷從太昌元年以來將帥有殊功異  
效者子弟年十歲以下請聽依第出身其兵士從征身

欽定四庫全書

南北史合注  
卷九十二

三十五

殞陣傷者蠲其家租課若有藏器避世者以禮招致隨  
才擢叙罷營構之官在朝百官怠惰不動有所曠廢者  
免所居官若清幹克濟皎然可知者即宜超叙不拘常  
式辛丑王還晉陽武定六年正月己未王朝於京師二  
月己卯梁遣使慰并請通和王許其和而不答書侯景  
之叛也南兖州刺史石長宣頗相影響諸州刺史守令  
佐史多被誣誤景破後悉被擒獲尚書咸處極刑王並  
請減降於是斬長宣餘並從寬宥三月戊申王請朝臣



及牧守令長各舉賢良及驍武膽畧堪守邊城者務在  
得才不拘職素其稱事六品散官五品以上朝廷所悉  
不在舉限其稱事七品散官六品以下并及州郡縣雜  
白身不限在官解職並任舉之隨才進擢辛亥王南臨  
黎陽濟虎牢自洛陽從太行而反晉陽於路遺書朝士  
相戒朝野承風莫不振肅六月王巡北邊城戍賑賜各  
有差七月乙卯王朝於京師八月庚寅還晉陽使大行  
臺慕容紹宗與太尉高岳大都督劉豐討王思政於潁

欽定四庫全書

南北史合注  
卷九十二

三十六

川先是王遣行臺尚書辛術率諸將畧江淮之北至是  
獲二十三州七年四月甲辰天子進王位相國封齊王  
綠紱綬贊拜不名入朝不趨劍履上殿食冀州之勃海  
長樂安德武邑瀛州之河間五郡邑十五萬戶使持節  
都督中外諸軍事錄尚書大行臺並如故丁未王入朝  
固讓天子不許五月戊寅王帥師自鄴赴潁川六月丙  
申克潁州禽西魏大將軍王思政以忠於所事釋而待  
之

三國典畧曰齊王澄以舟師還次於小平津北岸古  
冢崩骨見銘曰今卜高原千秋之後化為下泉當逢  
伯主必為改遷王曰古人之卜何神也令改葬之  
七月王朝於京師請立皇太子復辭爵位殊禮未報八  
月辛卯為梁將蘭欽子京所殺

本史作作亂今正之 隋書五行志曰魏孝武時有  
童謠云百尺高竿推折水底燃燈澄滅澄文襄名五  
年神武薨推折之應七年文襄遇害澄滅微也 愚

欽定四庫全書

南北史合注  
卷九十二

三十七

按高澄歐詈君父亂臣賊子人人得誅不得以京為  
賊辨見京傳

時年二十九秘不發喪明年正月辛酉天子舉京於太  
極東堂詔贈物八萬段凶事依漢大將軍霍光東平王  
蒼故事贈假黃鉞使持節相國都督中外諸軍事齊王  
璽紱輜輶車黃屋左纛後部羽葆鼓吹輕車介士備九  
錫禮謚曰文襄王二月甲申葬於義平陵之北天保初  
追尊曰文襄皇帝廟號世宗陵曰峻成文襄美姿容善



言笑談諧之際從容弘雅性聰警多籌策當朝作相聽斷如流愛士好賢待之以禮有神武風然少壯氣猛嚴峻刑法高慎西叛侯景南翻非直本懷狼戾兼有懼威畧情欲奢淫動輒率制度嘗於宮西造宅墻院高廣廳事宏壯亞太極殿神武入朝責之乃止

論曰昔魏氏失馭中原蕩析齊神武爰從晉部大號翼方屢戰而剪凶徒一麾以清京洛尊主匡國功濟天下既而魏孝武規避權逼厯數既盡適速開河之分焉文

欽定四庫全書

南北史合注 卷九十二

三十八

襄嗣膺霸道威畧昭著內除奸逆外拓淮夷殫斤貪殘存情人物而志在峻法急於御下於前王之德有所未同蓋天意人心好生惡殺雖吉凶報應未皆影響總而論之積善多慶然文襄禍生所忽蓋有由焉

朱敬則論曰文襄克纂丕基不忝遠圖故能委任紹宗克平侯景嘉思政之忠遙接其手寤陸生之直更賞其能此亦可稱若乃天陰甫傾洪基靡構國有大難未可三年不言高宴後園豈得一朝盤舞此不慎

爾儀也曰天子為癡人比尊名於狗脚恨崔稜之語不念元勳忿孫騰之議寧思佐命此不慎名器也加



以併清蕩思紅綺如花決池而弄淫女下獄而罪貞顯婦人之節鄭人獻捷尚禮南冠之賢所以盡俘囚之才得醉者之力今者陷孝審之罪賞王儀之心拒蘭欽之慈仗專諸之劍非不幸也

欽定四庫全書

南北史合注 卷九十二

三十九







事大行臺齊郡王食邑一萬戶三月庚申又進封齊王  
食冀州之勃海長樂安德武邑瀛州之河間五郡邑十  
萬戶王自居晉陽寢室每夜有光如晝既為王夢人以  
筆點已額旦日以語館客王曇首曰吾其退乎曇首拜  
賀曰王上加點為主當進也五月辛亥王如鄴光州獲  
九尾狐以獻甲寅天子遣蕙太尉彭城王韶司空潘相  
樂奉冊進王位相國總百揆以冀州之勃海長樂安德  
武邑瀛州之河間高陽章武定州之中山常山博陵十

欽定四庫全書

南北史合注  
卷九十三

三

郡邑二十萬戶加九錫殊禮齊王如故

北齊書載冊命曰於戲敬聽朕命夫惟天為大列昏  
宿而垂象謂地蓋厚疏川岳以阜物所以四時代序  
萬類駢羅庶品得性羣形不天然則皇王統歷深視  
高居拱穆垂衣寄成師相此則夏伯殷尹竭其股肱  
周成漢昭無為而治頃者天下多難國命如旒則我建國  
之業將墜於地齊獻武王奮迅風雲大濟難危爰翼  
朕躬國為再造經營庶土以至勤憂及文襄承構迺

廣前業康邦危難道格穹蒼王繼德應期千齡一出  
惟機惟深乃神乃聖大崇霸德實廣相猷雖冥功妙  
實藐絕言象標聲示迹典禮宜宣今申後命其敬虛  
受王搏風初舉建旗上地庇民立政時雨滂流下識  
廉耻仁加水陸移風易俗自齊變魯此王之功也仍  
攝天臺總參戎律策出若神威行朔土引弓鼠跡松塞  
無烟此又王之功也逮光統前緒持衡匡合華戎混  
一風海調夷日月光華天地清晏聲接響隨無思不

欽定四庫全書

南北史合注  
卷九十三

四

偃此又王之功也逃矣炎方逋遠正朔懷文曜武授  
畧深規淮楚連城摧然桑落此又王之功也關峴襟  
帶跨躡蕭條腸胃之地岳立鳩峙偏師繞指渙同水  
散此又王之功也晉熙之所險薄江雷迫隔聲  
教迷方未改命將鞠旅履其巢穴威畧風騰傾懈南  
海此又王之功也羣蠻跋扈世絕南疆搖蕩邊陲亟  
為塵梗懷德畏威向風請順傾畝盡落其至如雲此  
又王之功也胡人別種延蔓山谷首渠萬旅廣袤千



里憑險不恭恣其桀黠有樂淳風相携叩欵粟帛之  
調王府充積此又王之功也茫茫涉海世敵諸華風  
行鳥逝倏來忽往既飲醇醪附同膠漆種裘委仞奇  
獸銜尾此又王之功也秦川尚阻作我仇讐爰挹椒  
蘭飛書請好天動其衷辭早禮厚區宇又寧遐邇畢  
至此又王之功也江陰告禍民無適歸蕭宗子弟尚  
相投庇如鳥還山猶川赴海荆江十部俄而獻割乘  
此會也將混米方此又王之功也天平地成率土咸

欽定四庫全書

南北史合注  
卷九十三

五

茂禎符顯見史不停筆既連百木兼呈九尾素過秦  
雀蒼比周鳥此又王之功也搜揚管庫衣冠獲序禮  
云樂云銷沉俱振輕徭徹賦矜獄寬刑大信外彰深  
仁遠洽此又王之功也王有安日下之久勲加以表  
光明之盛德宜贊洪猷以左右朕言昔旦奭外分毛  
畢入佐出內之任王宜摠之人謀鬼謀兩儀協契錫  
命之行義申公道以王踐律蹈禮執物蒼生圓首安  
志率心歸道是以賜王大路戒路各一玄北二駟王

深重民天惟本是務衣食之用榮辱所由是用錫王  
衮冕之服赤舄副焉王深廣惠和易調風化神祇且  
格功德可象是用王軒懸之樂六佾之舞王風聲振  
赫九域咸綏遠人率俾奔走委賁是用錫王朱戶以  
居王求賢選衆草萊以盡陳力就列罔非其人是用  
錫王約陞以登王英圖猛槩抑揚千品毅然之節肅  
是非遠是用錫王武貴之士三百人王興亡所繫制  
極幽顯紀行天討罪人咸得是用錫王鈇鉞各一王

欽定四庫全書

南北史合注  
卷九十三

六

鷹揚豹變實扶下土狼顧鴟張罔不彈射是用錫王  
彤弓一彤矢百盧弓十盧矢千王孝悌之至通於神  
明率民興行感達區宇是用錫王鉅鬯一卣珪瓚副  
焉往欽哉其祇順往冊保弼皇家用終爾休德對揚  
我太祖之顯命

丙辰天子遜位別宮

北齊書曰魏帝以天人之望有歸下詔曰三才剖判  
百王代興治天靜地和神敬鬼庇民造物感自靈符



非一人大寶實有道神器昔我祖宗應運奄一區宇  
歷聖重光暨於九葉德之不嗣仍離屯圯盜名字者  
遍於九服擅制命者非止三公主殺朝危人神靡繫  
天下之大將非魏有賴齊獻武王奮陽靈武剋剪多  
難重懸日月更綴星神廟以掃除國由再造鴻勳巨  
業無德而稱遠文襄承構世業逾廣通安遠服海內  
晏如國命以康生生得性迨相國齊王緯文經武統  
率大業盡瘁窮幾研深測化思隨冥運智與神行思

欽定四庫全書

南北史合注  
卷九十三

比春天成同夏日坦至心於萬物被大道於八方故  
百寮師師朝無秕政綱疏澤洽率土歸心外盡江淮風  
靡屈膝辟地懷人百城奔走闢隴慕義而請好瀚漢仰  
德而致誠伊所謂命世應期實撫千載禎符雜還異  
物同途謳誦填委殊方一致代終之迹斯表人靈之契  
已合天道不遠我不獨知朕入纂鴻休將承世祀藉  
援立之厚延宗社之箕靜言大運欣於避賢遠惟唐  
虞禪代之典近想魏晉揖讓之風其可昧興替之禮

稽神祇之望今便遜於別宮歸帝位於齊國推聖與  
能眇符前執主者宜布天下以時施行

又使燕太尉彭城王韶兼司空敬顯儁奉冊禪位致置  
書於王并奉皇帝璽綬禪代之禮一依唐虞漢魏故事  
北齊書載冊曰咨爾相國齊王夫氣分形化物繫君  
長皇王遠興人非一姓昔放勳馭世沉璧屬子重華  
握歷持衡擁璇所以英賢茂實昭晰千古豈感哀有  
運興廢在時知命不得不授畏天不可不受是故漢

欽定四庫全書

南北史合注  
卷九十三

劉吉否當塗順民曹歷不永金行納禪此皆重規襲  
矩率由舊章者也我祖宗光宅混一萬宇迄於正光  
之末奸孽乘權厥政多僻九域離盪永安運窮人靈  
殄瘁羣逆滔天割裂四海國土臣民行非魏有齊獻  
武王應期授手鳳舉龍驤舉廢極以立天扶傾柱而  
鎮地剪滅黎毒匡我隆歷有大德於魏室被博利於  
蒼生及文襄繼軌誕光前業內剽凶權外摧侵叛遐邇  
肅晏功格上玄王神祇協德舟梁一世體文昭武追



變窮微自舉跡藩鎮頌歌總集入統機銜風猷弘遠  
又大承世業扶國昌家相德日躋霸風迺遠威靈斯  
暢則荒遠奔馳聲畧所播而隣敵順欵以富有之資  
運英特之氣顧盼之間無思不服圖謀潛蘊千祀彰  
明嘉禎幽秘一朝紛委以表代德之期用啟興邦之  
迹蒼蒼在上照臨不遠朕以虛昧猶未逡巡靜言愧  
之坐以待旦且時來運往媿舜不暇以當陽世革命  
改伯禹不容於北面况於寡薄而可踟躕是以仰協

欽定四庫全書

南北史合注  
卷九十三

九

穹昊俯從百姓敬以帝位式授於王天祿永終大命  
革矣於戲其祗承歷數允執其中對揚天休斯年千  
萬豈不盛歟

王累表固辭詔不許於是尚書令高隆之率百寮勸進  
天保元年夏五月戊午皇帝即位於南郊升壇柴燎告天  
齊書載告天文曰皇帝臣洋敢用玄牡昭告於皇皇  
后帝否泰相沿廢興迭用至道無親應用斯輔上覽  
唐虞下稽魏晉莫不先天揖讓考歷歸終魏室多難年

將三十孝昌以後內外去之世道橫流蒼生塗炭賴  
我獻武拯其將溺三建元首再立宗祧掃絕羣凶芟  
夷奸宄德被黔黎勳光宇宙文襄嗣武烈構鴻基功  
浹寰宇威稜海外窮髮懷音西寇納款青邱保候丹穴  
來庭扶翼危機重匡顛運是則有大造於魏室也魏  
帝以卜世告終上靈厥德欽若昊天允歸大命以禪  
臣洋夫四海至公天下為一總民宰世樹之以君既  
川岳啟符人神效祉羣公卿士八方兆庶僉曰皇極

欽定四庫全書

南北史合注  
卷九十三

十

乃顧於上魏朝推進於下天位不可暫虛逼羣議恭  
膺大典猥以寡薄託兆民之上雖天威在顏咫尺無  
遠循躬自省實懷祗惕敬簡元辰升壇受禪肆類上  
帝以答萬國之心永隆嘉祉保佑有齊以被於無窮  
之祚

諸文皆魏收筆

是月鄴下獲赤雀獻於郊所事畢還宮御太極前殿大  
赦改元百官進兩大階六州緣邊職人三大階自魏孝



莊已後百官絕祿至是復給已未詔封魏帝為中山王  
追尊皇祖文穆王為文穆皇帝皇祖妣為文穆皇后皇  
考獻武王為獻武皇帝皇兄文襄王為文襄皇帝命有  
司議祖宗以開辛酉尊王太后為皇太后乙酉降魏朝  
封爵各有差其信都從義及宣力霸朝西來人并武定  
六年以來南來投化者不在降限辛未遣大使於四方  
觀察風俗聞民疾苦甲戌遷神主於太廟六月辛巳詔  
改封崇聖侯孔長為恭聖侯邑一百戶奉孔子祀并下

欽定四庫全書

南北史合注  
卷九十三

魯郡以時脩葺廟宇又詔吉凶車服制度各為等差具  
立條式使儉而獲中分遣使人致祭於五岳四瀆其竟  
祠舜廟下及孔父老君等載於祀典者成秩罔遺又詔  
冀州之勃海長樂二郡先帝始封之國義旗初舉之地  
并州之太原青州之齊郡霸朝所在王命是基君子有  
作貴不忘本齊郡勃海可并復一年長樂復二年太原  
復三年壬午詔故太傅孫騰故太保尉景故司馬婁昭  
故司徒高敖故尚書左僕射慕容紹宗故領軍万俟

千古定州刺史段榮故御史中尉劉貴故御史中尉竇  
泰故殷州刺史劉豐故濟州刺史蔡儁等並左右先帝  
經贊皇基或不幸早歿或殞身王事可遣使者就墓致  
祭并撫問妻子又詔封宗室太尉高岳為清河王太保  
高隆之為平原王開府儀同三司高歸彥為平秦王徐  
州刺史高恩宗為上洛王營州刺史高長弼為廣武王  
兼武衛將軍高子瑗為平昌王兼北中郎將高顯國為  
襄王前太子庶子高敞為趙郡王揚州縣開國公高孝

欽定四庫全書

南北史合注  
卷九十三

緒為脩城王又詔封功臣太庫狄干為章武王大司馬  
斛律金為咸陽王并州刺史賀拔仁為安定王殷州刺  
史韓軌為安德王瀛州刺史可朱渾道元為扶風王司  
徒彭樂為陳留王司空潘相樂為河東王癸未詔封諸  
弟青州刺史浚為永安王尚書左僕淹為平陽王定州  
刺史洸為彭城王儀同三司演為常山王冀州刺史渙  
為上黨王儀同三司清為襄城王儀同三司湛為長廣  
王皆為任城王湜為高陽王濟為博陵王凝為新平王



潤為馮翊王洽為濮陽王丁亥詔立王后季氏為皇后  
 王子殷為皇太子庚寅詔以庫狄干為太宰司徒彭樂  
 為太尉司空潘相樂為司徒開府儀同三司司馬子如  
 為司空己亥以皇太子初入東宮赦畿內及并州死罪  
 已下降餘州死罪已下囚秋七月辛亥尊文襄妃元氏  
 為文襄皇后宮曰靜德又封文襄子孝琬為河間王孝  
 瑜為河南王封隆之為錄尚書事尚書左僕射平陽王  
 淹為尚書令改御史中尉為中丞舊魏御府所有珍奇  
 欽定四庫全書 南北史合注 卷九十三 十三

雜綵常所不給人者悉送內後園以供七日宴賜八月  
 詔郡國脩立費序廣延髦俊敦述儒風其國子學生亦  
 依舊銓補往者文襄皇帝所運蔡邕石經五十二枚移  
 置學館依舊脩立又詔求直言正諫之士待以不次命  
 收民之官廣勸農桑庚寅詔曰以朕虛薄嗣弘王業思  
 所以贊揚威績播之萬古雖史官執筆有聞無墜猶恐  
 緒言遺美時或未書在位王公文武大小降及庶人爰  
 至僧徒或親奉音旨或承傳旁說凡可載之文籍悉條

封上甲午詔曰魏世議定麟趾格遂為通制官司施用  
 猶未盡善羣官可更論討新令未成之間仍以舊格從  
 事

冊府元龜載八月詔諸收民官專意農桑勤心勸課  
 廣收天地之利以備水旱

九月癸丑以領東夷校尉遼東郡開國公高麗王成為  
 使持節侍中驃騎大將軍領護東夷校尉王公如故丁  
 卯詔以梁侍中使持節假黃鉞都督中外諸軍事大將  
 欽定四庫全書 南北史合注 卷九十三 十四

軍承制邵陵王蕭綸為梁王庚午幸晉陽是日皇太子  
 入居涼風堂監國冬十月己卯備法駕御金輅入晉陽  
 宮朝皇太后於內殿辛巳曲赦并州太原晉陽縣及相  
 國府四獄囚乙酉以時進元韶為尚書左僕射并州刺  
 史段韶為右僕射壬辰罷相國府留騎兵外兵曹各立  
 一省別掌機密十一月西魏詔安定公宇文泰帥師來  
 討至陝城分騎北度至建州甲寅湘東王蕭繹遣使朝  
 貢丙寅帝親戎出次城東泰見軍容嚴盛歎曰高歡不



死矣遂班師十二月辛丑車駕至自晉陽是歲高麗乘  
然吐谷渾庫莫奚並遣使朝貢

是歲西魏文帝大統十六年梁簡文帝大寶元年  
二年正月丁未梁湘東王蕭繹遣使朝貢辛亥祀圓丘  
以神武皇帝配

佛藏曰詔諸鷲鳥傷生之類皆放山林以其地為皇  
太后經始寶塔廢鷹師曹為報德寺

癸亥親籍田

欽定四庫全書

南北史合注  
卷九十三

十五

冊府元龜曰其制千畝自餘一頃地中通阡陌作祠  
壇於陌南阡西又為大營於外設御耕壇於阡東陌  
北每年正月上辛後卜吉使公卿祀先農於壇上祭  
訖親耕先祠司農進種稔之種六宮主之又置先農  
坐於壇上衆官朝服帝乃服通天冠絳紗袍黑介幘  
佩蒼玉黃綬青帶株烏備法駕乘木輅耕官青朝服  
從殿中監進御耒於壇南百官定列帝出便殿升耕  
壇南陛即御座應耕者各進於列帝降自南陛至耕

位釋劍執耒三推三反升壇即坐耕官一品五推五  
反二品七推七反三品九推九反籍田令率其衆以  
牛耕終千畝以青廂奉種稔跪進司農詣耕所洒之  
種訖司農省功奏事畢帝降便殿衣饗宴畢班賚而  
還

乙丑享太廟甲戌帝汎舟城東二月壬辰太尉彭樂謀  
反伏誅三月丙午襄城王淸薨己未詔梁承制湘東王  
繹為梁使持節假黃鉞相國建梁臺總百揆承制梁王

欽定四庫全書

南北史合注  
卷九十三

十六

庚申司空司馬子如坐事免是月梁交梁義新四州刺  
史各以地內附魏文帝崩

不改本史原文者以君道臨齊也

夏四月壬辰梁湘東王蕭繹遣使朝貢庚午以前司空  
司馬子如為太尉秋七月己卯改顯陽殿還為昭陽殿  
辛卯改殷州為趙州以避太子之諱是月侯景廢梁簡  
文帝立蕭棟為主九月壬申免諸伎作也收雜色役隸  
之徒為白戶癸巳行幸趙定二州因至晉陽冬十月戊



申起宣光建始嘉福仁壽諸殿庚申蕭繹遣使朝貢丁卯文襄帝神主入於廟十一月侯景廢梁主棟僭即偽位於建康自稱曰漢十二月弒中山王是歲柔然室帝高麗並遣使朝貢

三年春正月丙申帝親討庫莫奚於代郡大破之以其口配山東為百姓二月柔然主阿那瓌為突厥所破瓌自殺其太子菴羅辰及瓌從弟登注俟利登注子庫提並擁眾來奔柔然餘眾立注次子鐵代為主三月戊子

欽定四庫全書

南北史合注 卷九十三

十七

詔清河王岳司空潘相樂行臺辛術帥師南侵冬已詔進梁王蕭繹為梁王夏四月壬申東南道行臺辛術於廣陵送傳國八璽甲申以吏部尚書楊愔為尚書右僕射六月己亥清河王岳等班師已卯車駕幸晉陽冬十月乙未次黃墟嶺仍起長城北至社于戌四百餘里立三十六戌十一月辛巳梁王蕭繹即位於江陵是為孝元帝遣使來聘十二月壬子車駕還宮戊午幸晉陽契丹室帝並遣使朝貢

是歲魏廢帝元年梁孝元帝承聖元年

四年春正月丙子山胡圍離石帝親討之未至而逃因巡三堆戌大狩而還己丑以魏末用永安錢又數品皆輕濫鑄新錢文曰常平五銖二月送柔然鐵代父登注及子庫提還北鐵代尋為契丹所殺國人復立登注為主仍為其大人阿富提等所殺國人復立庫提為主夏四月車駕還宮戊午西南有大聲如雷五月庚午校獵於林慮山戊子還宮六月甲辰章武王庫狄干薨秋

欽定四庫全書

南北史合注 卷九十三

十八

北巡莫定幽安仍北討契丹冬十月丁酉車駕至平州逆西道趣長墜甲辰帝踰山嶺為士卒先指麾奮擊大破契丹是行也帝露頭袒身晝夜不息行千餘里唯食肉飲水氣色彌厲丁巳登碣石山臨滄海十一月己未帝自平州還遂如晉陽閏月壬寅梁人來聘十二月己未突厥復攻柔然柔然舉國來奔癸亥帝北討突厥迎納柔然乃廢其主庫提立阿那瓌子菴羅辰為主置之馬邑川親追突厥於朔方突厥請降許之而還自是貢



獻相繼是歲庫莫奚遣使朝貢

五年春正月癸丑帝討山胡大破之男子十二已上皆斬女子及幼弱賞軍士遂平石樓石樓絕險魏代所不能至於是遠近山胡莫不擣服是役也有都督戰傷其什長路暉禮不救帝命剗其五歲令九人分食之肉及穢惡皆盡自是始行威虐是月魏丞相宇文泰廢帝而立齊王廓是為恭皇帝三月柔然菴羅辰叛帝親討大破之辰父子北遁太保賀拔仁坐遠緩拔其髮免為庶

欽定四庫全書

南北史合注  
卷九十三

十九

人使負炭輸晉陽宮夏四月柔然寇肆州帝自晉陽討之至恒州時虜騎散走大軍已還帝帥麾下二千餘騎為殿夜宿黃瓜堆柔然別部數萬騎扣鞍而進四面圍逼帝安睡平明方起神色自若指畫軍形潰圍而出虜走追擊之伏尸三十里獲菴羅辰妻子生口三萬餘五月丁未北討柔然又大破之六月柔然遠遁秋七月壬辰降罪人庚戌至自北伐八月庚午以司州牧清河王岳為太保以安德王執為大司馬以扶風王可朱渾道

元為大將軍以司空尉紱為司徒以太子少師侯莫陳

相為司空以尚書令平陽王淹為錄尚書事以常山王演為尚書令以上黨王渙為尚書右僕射丁丑行幸晉陽辛巳錄尚書事平原王高隆之薨封冀州刺史段韶為平原王是月詔常山王演上黨王渙清河王岳平原王段韶於洛陽西南築伐惡城新城屢河南城四鎮九月帝親自臨幸欲致魏師魏師不出乃如晉陽冬十月魏攻陷江陵殺梁孝元帝梁將王僧辯在建業推孝元帝

欽定四庫全書

南北史合注  
卷九十三

二十

子晉安王蕭方智為太宰承制置百官十二月庚申車駕北巡至達達嶺親覽山川險要將起長城地豆干契丹肅慎並遣使朝貢

是歲魏恭皇帝元年

六月春正月壬寅清河王岳渡江剗夏首梁郢州刺史陸法和請降詔以梁貞陽侯蕭淵明為梁主遣尚書右僕射上黨王渙送之江南是月後梁宣帝即位於江陵二月甲子以陸法和為使持節都督中外諸軍事太尉



大都督西南道大行臺三月丙戌上黨王渙剋東關斬  
梁將裴之橫丙申車駕至自晉陽封文襄二子孝珩為  
序寧王延宗德王戊戌帝臨昭陽殿決獄是月發寡婦  
以配軍士築長城夏五月蕭淵明入建業僭即皇帝位  
六月

北齊書載詔曰梁國違禍主喪臣離興亡繼絕義在  
於我納以長君拯其危弊比送梁主已入金陵藩禮  
既修分義方篤越鳥之思豈忘南枝凡是梁民宜聽還國

欽定四庫全書

南北史合注  
卷九十三

五

甲子河東王潘相樂薨壬申帝親討柔然甲戌諸軍大  
會祁連地乙亥出塞至庫狄谷百餘里無水泉六軍渴  
乏俄大雨戊寅蕭淵明使朝貢秋七月己卯帝頓白道  
留輜重親帥輕騎五千追柔然壬午及之懷朔鎮帝躬  
犯矢石頻大破之遂至沃野壬辰還晉陽九月己卯車  
駕至自晉陽冬十月梁將陳霸先襲殺王僧辯廢蕭淵  
明復立蕭方智為主辛丑行幸晉陽十二月梁秦州刺  
史徐嗣徽南豫州刺史任約等襲據石頭城並以州內

附壬辰大都督蕭軌帥眾至江遠都督柳達摩等度江  
鎮石頭乙亥太保清河王岳堯柳達摩為霸先所攻摩  
以石頭降是歲突厥柔然高麗庫莫奚並遣使朝貢詔  
發夫一百八十萬人築城自幽州北夏口西至恒州九  
百餘里

是歲梁敬帝紹泰元年又後梁宣帝天定元年  
七年春正月辛丑封司空侯莫陳相為白水郡王車駕  
至自晉陽於鄴城西馬射大集眾庶觀之二月辛未詔

欽定四庫全書

南北史合注  
卷九十三

五

常山王演等於涼風臺讀尚書奏案論定得失帝親決  
之三月丁酉大都督蕭軌等帥眾濟江夏四月乙丑儀  
同三司婁叡討魯陽蠻大破之丁卯造金華殿五月漢  
陽王洽薨帝以肉為斷慈遂不復食六月乙丑蕭軌等  
與梁師戰於鍾山西遇霖雨失利軌及都督李元王敬  
實東方老軍司裴英起並沒士卒還者十二三乙丑梁  
湘州刺史王琳獻馴象秋七月乙亥魏相安定公宇文  
泰薨是月發山東寡婦二千六百人配軍士有夫而溢



貪者十二三十一月壬子併省州三郡一百五十三縣  
五百八十九鎮三戌二十六

北齊書載詔曰魏自孝昌之季數鍾澆否衣冠道盡  
黔首塗炭銅馬鐵脛之徒黑山青犢之侶泉張晉越  
豕突燕秦是使豪家大族鳩率鄉部託迹勤王規自  
署置或外家公主謁內戎昧利納財啟立州郡收  
守令長虛增其數損害公私為弊殊煩既幸為政之  
禮徒有驅羊之費朕寅膺寶歷恭臨八荒將欲鎮蹠  
欽定四庫全書

南北史合注  
卷九十三

五

歸靜反薄還淳苟失其中理從刊正旁觀舊史逃聽  
前言周曰成康漢稱文景編戶之多古今為最而丁  
口減於疇日守令倍於昔辰非所以馭俗調風示之  
軌物且五嶺內賓三江回化拓土開疆利窮南海但  
要荒之所舊多浮偽百室之邑便立州名三戶之民  
空張郡目譬諸木犬猶彼泥龍循名督實事歸烏有  
今所併省一依舊制  
十二月庚子魏恭帝遜位於周

此與魏書本紀不同且洋不能以纂討篡故仍依本  
史原文耳

脩廣三代宮殿先是自西河總秦戍築長城東至海前  
後所築東西凡三千六十里一戌其要害置州鎮凡二  
十五所是歲庫莫奚遣使朝貢

是歲梁太平元年

八年春三月大熱人或渴死夏四月庚午詔禁取蝦蟹  
蜺蛤之類惟許私家捕魚乙酉詔公私禁取鷹鷄以大

欽定四庫全書

南北史合注  
卷九十三

十四

師咸陽王斛律金為右丞相以前大將軍扶風王可朱  
渾道元為太傅以開府儀同三司賀拔仁為太保尚書  
令常山王演為司空以錄尚書事長廣王湛為尚書令  
以尚書右僕射楊愔為左僕射以併省尚書右僕射崔  
暹為左僕射以上黨王渙為錄尚書事是月帝在城東  
馬射教京師士女悉赴觀不赴者罪以軍法七日乃止  
五月辛丑冀州人劉向於鄴謀逆黨與皆伏誅秋八月  
庚辰詔丘郊禘洽時祭皆市取少牢不得割割有司監



視必令豐備農社先蠶酒肉而已雩禱風雨司人司祿  
靈星禱祀皆果餅酒脯唯當務盡誠敬義同如在辛巳  
置榷酤自夏至九月河北六州河南十三州畿內八郡  
大蝗飛至鄴蔽日聲如風雨甲辰詔今年遭蝗處免租  
冬十月己亥梁敬帝遜位於陳陳武帝遣使稱藩朝貢  
是歲周孝閔帝元年冢宰宇文護殺閔帝而立明帝又  
改元年初於長城內築重城自庫洛拔而東至於鳩紇  
成凡四百餘里庫莫奚遣使朝貢

欽定四庫全書

南北史合注 卷九十三

二十五

是歲陳武帝永定元年

九年春二月丁亥降罪人已丑詔燎野限以重冬不得  
他時行火損昆蟲草木三月丁酉車駕至自晉陽夏四  
月辛巳大赦是月北豫州刺史馬消難以城叛於周大  
旱帝以祈雨不降毀西門豹祠掘其塚五月辛丑以尚  
書令長廣王湛為錄尚書事以驃騎大將軍平秦王歸  
彥為右僕射甲辰以前左僕射楊愔為尚書令六月乙  
丑帝自晉陽北巡己巳至祁連池戊寅還晉陽是夏山

東大蝗遣人夫捕而坑之秋七月辛丑給畿內老人劉  
奴等九百四十三人版職及杖帽各有差戊申詔趙燕  
定瀛南營五州及司州廣平清河二郡去年蝨澇損田  
蕪春夏少雨苗稼薄者免今年租稅八月乙丑車駕至  
自晉陽甲戌行幸晉陽先是發丁匠三十餘萬人營三  
臺於鄴因舊基高博之大起宮室及遊豫園至是三臺  
成改銅雀曰金鳳金武白聖應冰井曰崇光冬十一月  
甲午車駕至自晉陽登三臺御乾象殿朝宴羣臣以新

欽定四庫全書

南北史合注 卷九十三

二十六

宮成丁酉大赦內外文武官並進一大階丁巳梁相州  
刺史王琳遣使請立蕭莊為梁主戊寅以太傅可朱渾  
道元為太師以司徒尉綮為太尉以冀州刺史段韶為  
司空以錄尚書事常山王演為大司馬以錄尚書事長  
廣王湛為司徒起大莊嚴寺是歲赦永安王浚  
十年春正月戊戌以司空侯莫陳相為大將軍辛丑太  
尉長樂郡公尉綮肆州刺史濮陽公婁仲遠並進爵為  
王甲寅行幸遼陽甘露寺二月丙戌帝於甘露寺禪居



深觀

佛藏曰天保年中道士陸脩靜自梁至與僧曇顯角法不勝帝乃升座自驗臧否教諸道士皆染剃從沙門教不從者斬其自號神仙者皆令上三爵臺投身飛遊悉委屍於地帝每受戒於僧法上必面掩地令法上履髮而授天竺僧耶舍病帝率季后躬問起居尤尊禮禪師每親往參覲受菩薩戒其好佛如此

愚按文宣奉佛愈虔殺人愈烈真咄咄怪事故備錄

欽定四庫全書

南北史合注 卷九十三

之以誌怪

唯軍國大政奏聞三月戊戌以侍中高德正為尚書右僕射丙辰車駕至自遼陽是月梁主蕭莊至郢州遣使朝貢夏閏四月丁酉以司州牧彭城王滌為兼司空以侍中高陽王湜為尚書左僕射乙巳以兼司空彭城王浟為兼太尉攝司空事封皇子紹廉為長樂王五月癸未害魏宗室始平公元世括東平公元景式等二十五家禁止時進元韶等十九家尋並害之男子無少長皆

斬所殺三千人

愚按魏宗室彭城王元韶傳內書殺元氏七百二十一人此又云三千誤耶抑槩指平日所殺不獨元氏耶

並投漳水六月陳武帝殂秋八月戊戌封皇子紹義為廣陽王以尚書右僕射河間王孝琬為左僕射癸卯詔諸軍人或有父祖改姓冒入元氏或假托稱認妄稱姓元者不聞世數遠近悉聽改復本姓是月殺左僕射高

欽定四庫全書

南北史合注 卷九十三

德正九月己巳行幸晉陽冬十月甲午帝暴崩於晉陽

宮德陽堂

釋道宣感通錄云帝於晉陽宮不豫命劉桃枝負行臭血淋漓其夜崩

時年三十一遺詔凶事一從儉約喪月之斷限以三十日嗣子百僚內外遐邇奉制割情愿從公除癸卯發喪欽於宣德殿十一月辛未梓宮還鄴十二月梓宮殯於太極前殿乾明元年二月丙申葬武寧陵謚曰文宣



皇帝廟號顯祖帝沉敏有遠量外若不逮內鑒甚明文  
襄年英秀神武時所愛重百僚承風莫不震懼而帝善  
自晦迹言不出口恒自貶退言咸順從故深見輕雖家  
人亦以為不及文襄嗣業帝以次長見猜嫌帝后李氏  
美每預宴會容貌遠過文襄元后文襄彌不平帝每為  
后私營服玩小佳文襄即令逼取后恚有時未與帝笑  
曰此物猶應可求凡何須容恠文襄媿而不取便恭受  
亦無飾讓每退朝還第輒閉閣靜坐雖對妻子能竟日

欽定四庫全書

南北史合注  
卷九十三

三九

不言或袒跣奔躍后問其故對曰為爾漫戲蓋習勞而  
不肯言也所寢至夜曾有光巨細可察后驚告帝帝曰  
慎勿妄言自此惟與后寢侍御皆令出外文襄崩秘不  
發喪其後漸露天子竊謂左右曰大將軍死似是天意  
威權當歸王室矣及帝將赴晉陽親辭謁於昭陽殿從  
者千人居前持劍者十餘輩帝在殿下數十步立而衛  
士升階已二百許人皆攘袂扣刃若對嚴敵令主者傳  
奏曰臣有家事須詣晉陽言訖再拜而出天子失色目

送帝曰此人又似不見容朕不知死在何日及帝至并  
州慰諭將士指辭款實眾皆欣然曰誰謂左僕射翻不  
減今公指文襄也時訛言上黨出聖人帝聞之將徒一  
郡而張思進上言殿下生於南宮坊名上黨即是上黨  
出聖人帝悅而止先是童謠曰一朶朶兩頭然河邊叛魁飛  
上天朶然兩頭於文為高河邊魁幾謂水邊羊指帝名  
也於是徐之才感言宜受禪帝曰先父亡兄功德如此  
尚終北面吾又何敢當之才曰正為不及父兄須早升

欽定四庫全書

南北史合注  
卷九十三

三九

九五如其不作人將生心且識云羊飲盟津角柱天盟  
津水也羊飲水邊名也角柱天大位也又陽平郡界回  
星驛旁有大水土人常見羣羊數百立卧其中就視不  
見事與讖合願王勿疑帝以聞高德正德正亦贊成之  
乃使李密卜之遇大橫曰大吉漢文帝之封也復鑄像  
卜之一寫而成使段韶問斛律金於肆州金來朝深言  
不可以鎧曹宗景業首陳符命請殺之乃議於太后前  
太后謂諸貴曰王兒豈直必無此意直高德正樂禍教



之而然帝意已決乃整兵而東使德正之鄴諷諭公卿  
莫有應者司馬子如逆帝於遼陽固言未可杜弼亦抱  
馬諫帝欲還尚食李集曰此行事非小而言還帝偽言  
使向東門殺之別令賜絹十疋五月帝復東赴鄴令左  
右曰異言者斬是月光州獻九尾狐帝至鄴城南召入  
并齋板策旦高隆之進謁曰用此何為帝作色曰我自  
有事若欲族滅耶隆之謝而退帝乃作園丘備法物草  
禪讓事及登極後神明轉茂外柔內剛果於斷割人莫  
欽定四庫全書

南北史合注  
卷九十三

三

能窺又時明吏事留心政務簡靖寬和坦於任使故朝  
臣得盡匡贊朝政粲然兼以法馭下或有違犯不容熟  
戚內外肅然至於軍國機策獨決懷抱規謀宏遠有人  
君大畧又以三方鼎峙繕甲練兵左右宿衛置百保軍  
每臨行陣親當矢石鋒刃交接唯恐前敵不多屢犯難  
厄常致剋捷常追及柔然令都督高阿那肱率騎數千  
塞其走道時鹵軍猶五萬餘肱以兵少請益帝更減其  
半騎肱奮擊大破之鹵主踰越巖谷僅以身免都督高

元海王師羅並無武藝先稱怯弱一旦交鋒有踰駑壯  
嘗於東山游宴以闕隴未平投孟震怒召魏收於前立  
為詔書宣示遠近將事西行

隋書五行志曰齊文宣下詔西伐極陳甲兵之威已  
復訖謂羣臣曰墨獺非我所制卒不行

是歲魏相宇文泰薨西人震恐嘗為度隴計既征伐四  
剋威震戎夏六七年後以功業自矜遂留情耽酒肆行  
淫暴或躬自鼓舞歌謳不息從旦通宵以夜繼晝或袒

欽定四庫全書

南北史合注  
卷九十三

三

露形體塗傅粉黛散髮胡服雜衣錦綵拔刀張弓遊行  
市肆勲戚之第朝夕臨幸時乘鹿車白象駱駝牛驢並  
不施鞍勒或感暑炎赫日中暴身隆冬酷寒去衣疾走  
從者不堪帝居之自若街坐巷宿處處游行多使劉桃  
枝崔季舒負行或擔胡鼓柏之親戚貴近左右近習侍  
從錯雜無復等差徵集淫姬悉去衣裳分付從官朝夕  
臨視或聚棘為馬紐草為索逼遣乘騎牽引來去流血  
洒地以為娛樂凡諸殺害多令支解或焚於火或投於



河沈醜既久彌以狂惑每至將醉輒拔劍挂手或張弓傳矢或持執年樂游行市廛問婦人曰天子何如答曰顛顛癡癡何成天子乃殺之或馳騁衢路散擲錢物恣人拾取爭競喧嘩方以為喜

資治通鑑曰妻太后以帝酒狂舉杖擊之曰如此父生如此兒帝曰即當嫁此老母與胡太后大怒遂不言笑帝欲太后笑而不得

太后常在北宮坐一小榻帝時已醉手自舉牀后便墜

欽定四庫全書

南北史合注 卷九十三

三十三

落頗有傷損醒後大慙恨令多聚柴火將入其中太后驚懼親自持免又設地席令平秦王高歸彥執杖口自責數脫背就罰勒歸彥杖不出血即斬汝太后泣抱之帝流涕苦請太后聽許方捨背杖笞脚五十衣冠拜謝悲不自勝因是戒酒一旬還復如初沈酒轉劇嘗幸李后家以鳴鏑射后母崔正中其頰因罵吾醉時尚不識太后老婢何事馬鞭亂打一百有餘三臺構木高二十七丈兩棟相距二百餘尺工匠危怯皆繫繩自防帝登

脊疾走都無怖畏時復雅儻折旋中節傍人見者莫不寒心又召死囚以席為翅從臺飛下免其罪殘果敢者盡皆獲全猶豫者或致損跌沈醜既久轉虧本性怒大司農穆子容使之脫衣而伏親射之不中以楸貫其下窾入腸雖以楊情為宰輔使進廁箒以其體肥呼為楊肚馬鞭鞭其背流血夾袍以刀子務其腹崔季舒託伴言曰老小公子惡戲因掣刀而去又置棺中載以輜車幾下釘數四曾至彭城王浹宅謂其母介朱曰憶汝

欽定四庫全書

南北史合注 卷九十三

三十四

辱我母督時向何由可耐手刃之

愚按本史爾朱氏傳內又云文宣將無禮於太妃不從過禍豈因其不從假此為辭乎不然豈一事兩岐又至故僕射崔暹第謂暹妻李曰頗憶暹否李曰結髮義深實懷追憶帝曰若憶時自往看也親斬之愚按本史崔暹傳云妻為子婦樂安公主所諧文宣名殺之或受公主諧未便因婦殺姑且時暹猶在故暹亡而李氏殺實緣主諧耶



棄頭城外嘗在晉陽以稍戲刺都督尉子耀應手死在三臺太光殿上鋸殺都督穆嵩又幸開府暴顯家有都督韓括無罪忽衆中召斬之數段魏樂安王元昂后姊壻其妻有色帝數幸之欲納為昭儀召昂伏以鳴鏑射百餘下疑血垂將一石竟死後帝自往弔哭於喪次逼擁其妻仍令從官脫衣助襪兼以錢絲號為信物一日所得將踰巨萬后帝不食乞讓位於姨太后又為言帝意乃釋所幸薛嬪甚寵忽憶其與高岳私

欽定四庫全書

南北史合注  
卷九十三

三十五

通無故斬首

愚按既私通何云無故且其事載后妃傳甚詳非無故也本紀特欲甚文宣之暴措辭未免兩岐耳

藏之懷內尋宴東山勸酬始合忽探其首投祥上支解其屍弄其髀為琵琶一座驚怖帝方收取對之流涕云佳人難再得甚可惜也載屍以出被髮步哭而隨之至有閭巷庸氓人無識知者忽令召斬鄴下繫徒至大辟簡取隨駕號供御囚手刃為戲

隋書刑法志曰楊愔命憲司先定死囚置伏衛中帝欲殺人則執以應經三月不殺則赦其死曾幸金鳳臺受佛戒因召死囚編蘆條為翼命飛下為之放生一墜昏致死

北齊書曰文宣末年每言見諸鬼物聞異音聲

凡所屠害動多支解或投烈火或棄漳流兼外築長城內營臺殿賞費過度境內騷然各懷怨毒而素嚴斷臨下加之默識強記百僚戰慄不敢為非帝曾夜宿杜門

欽定四庫全書

南北史合注  
卷九十三

三十六

嶺嶺有數株松樹皆將千年枝葉嫩茂似有神物所託時帝以被酒向嶺噴罵射中一株未幾枯死又言屢中時人謂之靈不專云昏暴末年不能進食惟數飲酒麴孽成災因而致斃初帝登祚改年天保識者曰天保之字為一大人只十其不過十乎又先是謠云馬子入石室三千六百日帝以午年生故曰馬子三臺石虎舊居故云石室三千六百日十年也又帝曾問泰山道士曰吾得幾年天子答曰三十年矣道士出帝謂李后曰十



年十月十日得非三十也過此無慮人生有死何足致  
惜但憐正道尚幼人將奪之耳及期果崩濟南竟不終  
位先是霍州發楚夷王女塚尸如生得珠襦玉匣帝珍  
之遂以歛焉初祖珽險薄多過帝數罪之每呼為老賊  
及武成時珽被任遇乃說武成曰文宣狂暴何得稱文  
既非創業何得稱祖若文宣為祖陛下萬歲後將何以  
稱武成溺於珽說天統初詔改謚曰景烈廟號威宗武  
平初趙彥深執政又復奏本謚廟號云

欽定四庫全書

南北史合注  
卷九十三

三五

廢帝殷字正道小字道人文宣帝長子母李后天保元  
年立為皇太子時年六歲性明慧初學反語於跡字下  
注云自反時侍者未達其故太子曰跡字足傍亦為跡  
豈非自反耶嘗宴北宮獨令河間王勿入左右問其故  
太子曰世宗遇賊處王復何以在此文宣每言太子得  
漢家性質不似我欲廢之立太原王初詔國子博士李  
寶鼎卒復詔國子博士郝時侍講太子雖富於春秋而  
溫裕開朗有人君之度貫綜經業省覽時政甚有美名

七年冬文宣召朝臣文學者及禮學官於宮宴會令以  
經義相質帝親身臨聽太子手筆措問在坐莫不歎美  
九年文宣在晉陽太子監國集諸儒講孝經令楊愔傳  
旨謂國子助教許散愁曰先生在世何以自資對曰散  
愁自少以來不登嬖童之牀亦不入季女之室服膺簡  
策不知老之將至若斯而已太子曰顏子縮屋稱貞柳  
下嫗而不亂未若此翁白首不娶者乃齎絹百疋後文  
宣登金鳳臺召太子使手及囚太子惻然再三不斷其

欽定四庫全書

南北史合注  
卷九十三

三八

首文宣怒親以馬鞭撻太子三下由是氣悸而精神時  
復昏擾十年十月文宣崩癸卯太子即皇帝位於陽宣  
德殿大赦內外百官普加汎級亡官失爵聽復資品庶  
成尊皇太后為太皇太后皇后為皇太后立妃李氏為  
皇后詔曰九州軍人七十已上授以板職武官年六十  
已上及癘病不堪驅使者並皆放免土木營造金銅鐵  
諸雜作工一切停罷十一月乙卯以右丞相咸陽王斛  
律金為左丞相以錄尚書事常山王演為太傅以司徒



長廣王湛為太尉以司空段韶為司徒以平陽王演為  
司空高陽王湜為尚書左僕射河間王孝琬為司州牧  
侍中燕子獻為右僕射戊午分遣使者巡省四方求政  
得夫省察風俗問民疾苦十二月戊戌改封上黨王紹  
仁為漁陽王廣陽王紹義為范陽王長樂王紹廣為隴  
西王是歲周武成元年

乾明元年春正月癸丑朔改元己未詔寬徭賦癸亥太  
皇太后杖殺高陽王湜是月車駕至自晉陽己亥以太

欽定四庫全書

南北史合注  
卷九十三

三十九

傳常山王演為太師錄尚書左僕射平秦王歸彥為司  
空趙郡王儼為尚書左僕射詔諸元良口配沒宮內及  
賜人者並左免甲辰帝幸芳林園親錄囚徒及死罪已  
下咸赦免各有差乙巳太師常山王演大司馬長廣王  
湛矯詔誅尚書令楊愔尚書右僕射燕子獻領軍大將  
軍可朱渾天和侍中宋敏道散騎常侍鄭子熙戊申以  
演為太丞相督都中外諸軍錄尚書事以湛為太傅京  
畿大都督以司徒段韶為大將軍以前司空平陽王淹

為太尉以司空平秦王歸彥為司徒彭城王滌為尚書  
令又以高麗王世世湯為使持節領東夷校遼東郡公  
高麗王是月王琳為陳所敗蕭莊自拔至和州三月甲  
寅詔軍國事皆申晉陽稟大丞相常山王規箕壬申封  
文襄第二子孝珩為廣寧王第三子長恭為蘭陵王夏  
四月癸亥詔河南定莫趙瀛滄南膠光南青九州徃因  
蝨水頗傷時稼遣使分塗瞻恤是月周冢宰宇文護殺  
明帝五月壬子以開府儀同三司劉洪徽為尚書右僕

欽定四庫全書

南北史合注  
卷九十三

四十

射秋八月壬午太皇太后令廢帝為濟南王全食一郡  
以常山王演入纂大統是日帝居別宮皇建二年九月  
孝昭帝殺帝於晉陽時年十七帝聰慧寬厚天保間雅  
有令名及承大位楊愔燕子獻宋欽道等同輔以常山  
王地親望重內外畏服加以文宣初崩太后本欲立之  
故愔等並懷猜忌王憂悵乃白太后誅其黨時平秦王  
歸彥亦預謀皇建二年秋天文告變歸彥慮有後害仍  
白孝昭以帝當咎乃遣歸彥馳駟至晉陽害之



資治通鑑曰孝昭遣人醜之王不從遂扼殺之

遇害二旬而孝昭遇崇崩見後本紀大寧三年莖於武寧之西北謚閔悼王初文宣命邢邵制帝諱邵以名殷字正道尤之曰殷家第及正字一止吾身後兒不得也邵懼請改之文宣不許曰天也因謂孝昭曰奪時但奪慎勿殺

愚按文宣既殺魏孝靜又并其三子與宗族奪殺兩兼是為身教孝昭不從令從身有以夫

欽定四庫全書

南北史合注 卷九十三

聖

孝昭皇帝演字延安神武第六子文宣母弟也幼而英峙有大成之量武明皇太后早所愛重魏元象元年封常山郡公及文襄執政遣中書侍郎李同軌就霸府為諸弟師公所見文籍源其指歸而不好辭彩每歎云雖盟津之師左驂震而不弔同軌以為能遂篤志讀漢書至李陵傳恒壯其所為聰敏過人所與游一如其家諱終身未嘗誤犯同軌病卒又命開府長流參軍刁柔代之性嚴褊不善誘訓中被遣出王送出閣慘然流涕具

敬業重情如此天保初進爵為王五年除尚書令王善斷割長思理省內畏服七年從文宣還鄴以尚書奏事多有異同令王與朝臣先論定得失然後敷救王長於街割斷咸盡其理文宣歎重之八年轉司空錄尚書事九年除大司馬仍錄尚書事文宣溺於遊宴王憂悵憤見神色文宣覺之謂王曰但令汝在我何為不樂王惟啼泣拜伏竟無所言文宣亦太悲抵盃於地曰汝似嫌我自今敢進酒者斬因取所遇盃盡皆棄壞後益沈湎

欽定四庫全書

南北史合注 卷九十三

聖

或入諸貴戚家角立批拉不限貴賤惟王之內外肅然王又密撰事條將諫其友王晞不可王不從因間極言遂逢大怒王性頗嚴尚書郎中割斷有失輒加捶楚令史奸慝便即考竟文宣乃立王於前以刀環擬脅台被罰者臨以白刃求王之短咸無所陳方見釋自是不許答箠郎中後賜王魏時宮人醒而忘之謂工擅取刀環亂築因此致困皇太后日夜啼泣文宣不知所為乃釋王晞禁令侍王王月餘漸瘳不敢復誅及文宣崩王居



禁中護喪事幼主即位乃即朝班除太尉錄尚書事朝政皆決於王月餘乃居藩邸自是詔敕多不關預或言於王曰鷲鳥捨巢必有深卵之患今日之地何宜屢出乾明元年從廢帝赴鄴居領軍府時陽愔燕子獻可朱渾天和宋欽道鄭子默等以王威望既重內懼權逼請以王為太師司州牧錄尚書事長廣王湛為太司馬錄并省尚書事京畿大都督王既以尊親猜斥乃與長廣王期獵謀於野三月甲戌王初上省發領軍府大風起

欽定四庫全書

南北史合注  
卷九十三

聖三

壞作遇車慢甚惡之及至省朝士咸集坐定酒數行執愔子獻天和欽道等與坐王戎服與平原王韶平秦王高歸彥領軍劉洪徽入自雲龍門至中書省前遇鄭子默又執之同斬於御府王至東閣門都督成休寧抽刃呵王王令高歸彥喻之休寧厲聲大呼不從歸彥既作領軍素為兵士所服皆弛兵仗休寧方嘆息而罷王入至昭陽殿幼主太后皇太后並出臨御坐王奏愔等之罪求伏專擅之辜時庭中及兩廊下衛士二千餘人皆

被甲待詔武衛永樂武力絕倫久被文宣重遇撫又思效廢帝吃訥兼倉卒不知所言太皇太后又為皇太后誓言帝無異志唯去逼而已高歸彥救勞衛士永樂方內刀而泣王令歸彥引侍衛之士向華林園以京畿軍入守門閣斬永樂於園詔以王為大丞相都督中外諸軍錄尚書事相府佐史進位一等王尋如晉陽有詔軍國大政咸詔決之馬既當大位知無不為擇其令典考綜名實少主恭己以聽政太皇太后尋下令廢少主命

欽定四庫全書

南北史合注  
卷九十三

聖四

王統大業

皇建元年八月壬午皇帝即位于宣德前殿大赦改乾明元年為皇建詔奉太皇太后還稱皇太后皇太后稱文宣皇后宮曰昭信乙酉詔自太祖創業已來諸有佐命功臣子孫絕滅國絕不傳者有司搜訪近親以名聞當量為力後諸郡國老人各授板職賜黃帽鳩杖又詔審正之士並聽進見陳事軍人戰亡死王事者以時申文當加榮贈督將朝士名望素高位歷通顯天保以來



未蒙追贈者亦皆錄奏又以廷尉中丞執法所在繩違  
案罪不得舞文美法其官奴婢年六十已上免為庶人  
戊子以太傅長廣王湛為丞相以太尉平陽王淹為太  
傅以尚書令彭城王滌為大司馬壬辰詔分遣大司馬  
省四方觀察風俗問民疾苦考求得失按訪賢良詔曰  
昔武王剋殷先封往代兩漢魏晉無廢茲典及元氏統  
歷不循舊章朕纂承大業思弘古典但二王三恪舊說  
不同可議禮是非列名條奏其禮儀體式亦仰議之又

欽定四庫全書

南北史合注  
卷九十三

聖五

詔國子寺可備立官屬生講習經典歲自考試其文襄  
帝所運石經宜即施列學館外州大學亦仰典司勤加  
督課丙申詔九勲人有重封者聽分授子弟以廣骨肉  
之恩九月壬辰詔議定三和樂冬十一月幸丑立祀元  
氏為皇后世子百年皇太子賜天下為父後者爵一級  
癸丑有司奏獻武皇帝廟宜奏武德樂舞昭烈之舞文  
襄皇帝廟宜奏文德之樂舞宣政之舞文宣皇帝廟宜  
奏文正之樂舞光大之舞詔曰可庚申以故太師尉景

故太師太原王婁昭故太宰章武王庫狄干故太尉段  
榮故太師万俟普故太師高乾故司徒莫多婁貸文故  
太保劉貴故太保封祖裔故廣州刺史王懷十二人配  
饗獻武廟庭故太師清河王岳故太宰安德王韓軌故  
宰扶風王可朱渾道元故太師高昂故大司馬劉豐故  
太師万俟受洛干故太尉慕容紹宗十一人配饗文襄  
廟庭故太尉河東王潘相樂故司空薛脩義故太尉破  
六韓常三人配饗文宣廟庭是月帝親戒北討庫莫奚

欽定四庫全書

南北史合注  
卷九十三

聖六

出長城虜奔遁  
三國典畧曰孝昭至庫莫奚以木爪灰毒魚魚死浮  
出庫莫奚竊相謂曰池有靈魚犯之不祥乃遁  
分兵致討大獲牛馬括入晉陽宮十二月丙午車駕至  
晉陽  
二年春正月辛亥祀圓丘壬子禘於太廟癸丑詔降罪  
人各有差丁丑詔內外執事官從五品已上及三府主  
簿功曹錄事參軍諸王文學御史廷尉三官尚書郎中



中書舍人每二年內各舉一人秋九月殺濟南王冬十月丙子以尚書令彭城王洸為太保長樂王尉祭為太尉己酉野雉棲於前殿之庭

隋書食貨志曰皇建中干州刺史稽曷建議開幽州督元舊陂長城左右營屯歲收稻粟數十萬石北境得贍又於河南置懷義等屯以給河南費自是稍止轉輸之勞

十一月甲辰詔曰朕嬰此暴疾奄忽無逮今嗣子冲眇

欽定四庫全書

南北史合注  
卷九十三

早

未開政術社稷業重理歸上德右丞相長廣王湛體道居宗海內瞻同胞共氣家國所憑可遣尚書左僕射趙郡王叔喻旨徵王統茲大寶其喪紀之禮一同漢文三十六日悉從公除山陵施用悉從儉約先是帝不豫而無聞聽覽是日崩於晉陽宮時年二十七  
大寧元年閏十二月癸卯梓宮還鄴上謚曰孝德皇帝  
庚午堊文靖陵帝聰敏有識度深沉能斷身八尺腰帶十圍儀望風表迥然獨秀自居臺省留心政術閑明薄

領吏所不逮及正位宸居彌所克勵輕徭薄賦勤恤民隱內無私寵

北齊興亡論曰後庭墳塋皆藩邸之舊數不盈十外收人物雖后父位亦特進無別晨臨朝務知人善惡每訪左右冀獲直言曾問舍人裴澤在外議論得失澤率爾對曰陛下聰明至公有識之士咸言傷細帝王之度頗為未弘帝咲曰誠如卿言朕初臨萬幾慮不能周故致爾耳此事安可久行恐後又嫌疎漏澤因被罷遇

欽定四庫全書

南北史合注  
卷九十三

早

其樂聞過如此趙郡王叔與庫狄顛安侍坐帝曰須拔我同堂弟顛安我親姑子今序家人禮除君臣之敬可言我不逮顛安曰陛下多妄言曰若何對曰陛下昔見文宣以馬鞭撻人常以為非而今行之非妄言耶帝握手謝之又使直言對曰陛下太細天子似吏帝曰朕甚知之久將整之以至無為耳又問王晞晞答如顛安皆從容受紉性至孝太后不豫出居南宮帝行不正履容色敗瘁衣不解帶殆將四旬殿去南宮五百餘步雞鳴



而去辰時方遂去來徒行不乘輿輦太后所苦小增便  
 寢伏閣外食飲藥物盡皆躬親太后嘗心痛不堪帝立  
 侍帷前以爪掐手心血流出袖友愛諸弟無君臣隔難  
 勇有謀于時國富兵強將雪神武遺恨意在頻駕平陽  
 為進取策遠圖不遂惜哉初帝恐濟南復興弒之後頗  
 愧悔初苦內熱頻進湯散時有尚書令史姓趙于鄴見  
 文宣從楊愔燕于獻等西行言相與復仇帝在晉陽宮  
 與毛夫人亦見之遂漸危篤備禳厭之事或煮油四酒

欽定四庫全書

南北史合注 卷九十三

四九

或持炬燒逐諸厲方出殿梁山騎棟上歌呼自若了無  
 懼容

愚按文宣篡殺兼行孝昭所謂亦學前人耳受厲不  
 暇何厲人吾未敢信

時有天狗下乃於其所講武厭之有兔驚馬帝墜而絕  
 肋太后視疾問濟南所在者三帝不對太后怒曰殺去  
 耶不用吾言死其宜矣臨終之際唯扶服牀枕叩頭  
 顏氏家訓曰遺詔言恨不見皇太后山陵

遣使詔追長廣王湛入纂大統又書云宜將吾妻子置  
 一好處勿學前人也

論曰神武平定四方威權在已還鄴後雖主祭有人號  
 令所加政皆自出文宣因循鴻業自朝及野莫敢不推  
 曾未期月遂登宸極始則存心政事風化肅然數年之  
 間朝野安乂其後縱酒肆欲事極猖狂昏邪殘暴近代  
 未有饗國不永實由斯疾濟南繼業大革其弊風教繁  
 然股肱輔弼雖懷厥誠既不能贊弘道德和睦親懿又

欽定四庫全書

南北史合注 卷九十三

五

不能遠慮防身深謀衛主應斷不斷自取其災臣既誅  
 夷君尋廢辱皆任非其人所致爾孝昭早居臺閣故事  
 通明文宣崩大革前弊及臨君極留心更深時人服其  
 明而譏其細也情好稽古率由禮度將封先代之廟且  
 敦學校之風徵召才賢文武畢集於是周氏朝政移於  
 宰臣主將相猜下無危殆乃睽闕右實懷兼并之志經  
 謀宏曠近代明主而降年不永其故何哉豈幽顯之塗  
 別有復報將齊之基宇止在於斯帝欲大之天不許也



欽定四庫全書

南北史合注卷九十四

明李清撰

齊本紀下第八

北史八

世祖武成皇帝諱湛神武第九子孝昭母弟也儀表瓌  
傑神武尤所鍾愛神武方招懷荒遠乃為世子娉柔然  
太子菴羅辰女號隣和公主世祖時八歲冠服端嚴神  
情閑遠華戎歎異元象中封長廣郡公天保初進爵為

欽定四庫全書

南北史合注  
卷九十四

王拜尚書令尋兼司徒遷太尉乾明初楊愔等密相疎  
忌以王為大司馬領并州刺史王既與帝謀誅諸執政  
遷太傅錄尚書事領京畿大都督皇建初進位右丞相  
孝昭幸晉陽王以懿親居守鄴政事咸見委託二年帝  
崩遺詔徵王入統大位發喪於晉陽宮崇德殿皇太后  
令司宣遺詔左丞相斛律金率百寮敦勸三奏乃許之  
大寧元年冬十一月癸丑皇帝即位於南郊大赦  
三國典畧曰宣令於殿門外建金雞宋孝王不識其

欽定四庫全書

南北史合注  
卷九十三

季

南北史合注卷九十三

南北史合注 卷九四



義以問光祿大夫司馬膺之曰柴海中有占曰天雞  
星動當有赦由是帝王以雞為候

改皇建二年為大寧乙卯以司徒平秦王歸彥為太傅  
以尚書右僕射趙郡王叔為尚書令以太尉尉粲為太  
保以尚書令段韶為大司馬以豐州刺史婁叔為司空  
以太傅平陽王淹為太宰以太保彭城王湊為太師錄  
尚書事以冀州刺史博陵王濟為太尉以中書監任城  
王浚為尚書左僕射以并州守斛律光為右僕射封孝

欽定四庫全書

南北史合注  
卷九十四

昭皇帝太子百年為樂陵王庚申詔大使巡行天下求  
政善惡問民疾苦擢進賢良是歲周武帝保定元年  
河清元年春正月乙亥車駕至自晉陽辛巳祀南郊壬  
午享太廟丙戌立妃胡氏為皇后子緯為皇太子大赦  
內外百官普加汎級諸為父後者賜爵一級己亥以前  
定州刺史馮翊王潤為尚書左僕射詔斷屠殺以順春  
令二月丁未以太宰平陽王淹為青州刺史太傅領司  
徒領軍大將軍宗師平秦王歸彥為太宰冀州刺史乙

卯兼尚書令任城王浚為司徒詔散騎常侍崔瞻聘于  
陳閏二月後梁宣帝殂夏四月辛丑皇太后婁氏崩乙  
己青州刺史上言今月庚寅河濟清改太寧二年為河  
清降罪人各有差五月甲申祔葬武明皇后於義平陵  
乙丑以尚書右僕射斛律光為尚書令秋七月太宰冀  
州刺史平秦王歸彥據州城反詔大司馬段韶司空婁  
叔討擒之乙未斬歸彥并其三子及黨與二十人於市  
丁酉以大司馬段韶為太傅司空婁叔為司徒以太傅

欽定四庫全書

南北史合注  
卷九十四

平陽王淹為太宰以尚書令斛律光為司空以太子太  
傅趙郡王叔為尚書令中書監河間王孝琬為尚書令  
僕射癸亥行幸晉陽陳人來聘冬十一月丁丑詔兼散  
騎常侍封孝琬使於陳十二月丙辰車駕至自晉陽是  
歲殺太原王紹德

是歲後梁孝明帝天保元年

二年春正月乙亥帝詔臨朝堂策試秀孝以太子少傅  
魏收為兼尚書右僕射己卯收以阿縱除名丁丑以武



明皇后配祭北郊辛卯帝臨都亭錄見囚降在京罪人各有差三月己丑詔司空斛律光督五營軍士築戍於軹關丙戌以兼尚書右僕射趙彥深為左僕射夏四月并汾晉東雍南汾五州蟲旱傷稼遣使賑恤戊午陳人來聘五月壬午詔以城南雙堂之苑迴大總持寺六月乙巳齊州上言濟州水口見八龍升天乙卯詔兼散騎常侍崔子武使於陳庚申敕司州牧河南王孝瑜秋八月辛丑詔以三臺宮為大興聖寺冬十二月癸巳陳人

欽定四庫全書

南北史合注 卷九十四

來聘己酉周將楊忠帥突厥阿史那木可汗等二十餘萬人自恒州分為三道殺掠吏民是時大雨雪連月南北千餘里平地數尺霜晝下雨血於太原戊午帝至晉陽己未周軍逼并州又遣大將達奚武帥眾數萬至東雍及晉周與突厥相應是歲室韋庫莫奚靺鞨契丹並遣使朝貢  
三年春正月庚申朔周軍至城下而陳戰於城西周軍及突厥大敗人畜死者相枕數百里不絕詔平原王段

詔追出塞而還三月辛酉以律令班下大赦己巳盜殺太師彭城王浹庚辰以司空斛律為司徒以侍中武興王普為尚書左僕射甲申以尚書令馮翊王為司空夏四月辛卯詔兼散騎常侍皇甫亮使於陳五月甲子帝至自晉陽壬午以尚書令趙郡王暉為錄尚書事以前司徒婁叡為太尉甲申以太傅段韶為太師丁亥以太尉任城王湝為大將軍壬辰行幸晉陽六月庚子大雨晝夜不息至甲辰乃止是月晉陽訛言有鬼兵百姓競

欽定四庫全書

南北史合注 卷九十四

擊銅鐵以捍之殺樂陵王百年歸宇文媼於周秋九月乙丑封皇太子綽為南陽王嚴為東平王是月歸閭媼於周陳人來聘突厥寇幽州入長城虜掠而還閏月乙未詔遣十二使巡行水滂州免其租調乙巳突厥寇幽州周軍三道並出使其將尉遲迴寇洛陽楊標入軹關權景宣趣懸瓠冬十一月甲午迴等圍洛陽戊戌詔兼散騎常侍劉逖使於陳甲辰大尉婁叡大破周軍於軹關禽楊標十二月乙卯豫州刺史王士良以良降周將



權景宣丁巳帝自晉陽南征己未太宰平陽王淹薨壬戌太師段韶大破尉遲迥等解洛陽圍丁卯帝至洛陽免洛州經周軍處一年租賦赦州城內死罪已下囚己未以太師段韶為太宰司徒斛律光為太尉并州刺史蘭陵王長恭為尚書令壬辰帝至虎牢經滑臺次於黎陽所經減降罪人丙子車駕至自晉陽

冊府元龜載是年詔每年春月早課農桑自春及秋男子十五以上皆就田畝桑蠶之月婦女十五以上

欽定四庫全書

南北史合注 卷九十四

皆營蠶桑務使地無遺力人無游手

是歲高麗靺鞨新羅並遣使朝貢山東大水饑死者不可勝計發賑事竟不行

四年春正月癸卯以大將軍任城王浩為大司馬辛未幸晉陽二月甲寅詔以新羅國王金興真為使持節東夷校尉樂浪郡公新羅王壬申以年穀不登禁酤酒己卯詔減百官食稟各有差三月戊子詔給西兗梁滄趙州司州之東郡陽平清河武都冀州之長樂勃海遭水

滂之處貧下戶粟各有差家別斗升而已又多不付是月彗星見有物隕於殿庭如赤漆鼓帶小鈴殿上石自起兩兩相對又有神見於後園萬壽堂前山穴中其體壯大不辨其面兩齒絕白長出於唇帝直宿嬪御已下七百人咸見焉帝又夢之夏四月戊午大將軍東安王婁叡坐事免乙亥陳人來聘太史奏天文有變占當易主丙子乃使太宰段韶兼太尉持節奉皇帝璽綬傳位皇太子大赦改元為天統元年百官進級降罪各有差

欽定四庫全書

南北史合注 卷九十四

又詔皇太子妃斛律氏為皇后於是郡公尊帝為太上皇帝軍國大事咸以奏聞始將傳政使內參乘子尚乘驛送詔書於鄴子尚出晉陽城見人騎隨後忽失之尚未至鄴而其言已布矣天統四年十二月辛未上皇崩於鄴宮乾壽堂時年三十二

三國典畧曰齊長廣郡廳梁木忽作人像太守惡而刷去明日復出鄉人伐枯桑於中得折足死龍長尺餘識者以為長廣齊王上本封齊氏木運得龍為吉



州司州之東郡陽平清河武都冀州之長樂勃海遺水  
滂之處貧下戶粟各有差家別斗升而已又多不付是  
月彗星見有物隕於殿廷如赤漆鼓帶小鈴殿上石自  
起兩兩相對又有神見於後園萬壽堂前山穴中其體  
壯大不辨其面兩齒絕白長出於唇帝直宿嬪御已下  
七百人咸見焉帝又夢之夏四月戊午大將軍東安王  
婁叡坐事免乙亥陳人來聘太史奏天文有變占當易  
主丙子乃使太宰段韶兼太尉持節奉皇帝璽綬傳位  
欽定四庫全書

南北史合注  
卷九十四

皇太子大赦改元為天統元年百官進級降罪各有差  
又詔皇太子妃斛律氏為皇后於是羣公尊帝為太上  
皇帝軍國大事咸以奏聞始將傳政使內參乘子尚乘  
驛送詔書於鄴子尚出晉陽城見人騎隨後忽失之尚  
未至鄴而其言已布矣天統四年十二月辛未上皇崩  
於鄴宮乾壽堂時年三十二

三國典畧曰齊長廣郡廳梁木忽作人像太守惡而  
剝去明日復出鄉人伐枯桑於中得折足死龍長尺

木枯龍死非吉徵至是崩

謚曰武成皇帝廟號世祖五年二月甲申葬永平陵

盧思道北齊興亡論曰武成少稟凶德不孝不仁龍

攢在殯淚不承臉太后之喪亦不哀哭纜及公除便

衣縫裘縱侈荒淫不知紀極甘酒嗜音夜以繼日

三國典畧曰武成後宮無限衣皆珠玉每歲費萬金

寒月皆食韭芽

後主諱緯字仁綱武成皇帝長子母胡皇后夢於海上

欽定四庫全書

南北史合注  
卷九十四

坐玉盃日入裙下遂有娠天保七年五月五日生後主

於并州邸後主少美容儀武成特所愛寵拜世子及武

成入纂大業大寧二年正月丙戌立為皇太子河清四

年武成禪位太子

天統元年夏四月丙子皇帝即位於晉陽宮大赦改河

清四年為大統丁丑以太保賀拔仁為太師太尉侯莫

陳相為太保司空馮翊王潤為司徒錄尚書事趙郡王

叡為司空尚書左僕射河間王孝琬為尚書令戊寅以



瀛州刺史尉粲為太尉斛律光為大將軍東安王婁叡  
為太尉尚書右僕射趙彥深為左僕射六月壬戌彗星  
出文昌東北其大如手後稍長至大餘百日乃滅己巳  
詔兼散騎常侍王季高使於陳秋七月乙未增置都水  
使者一人冬十一月癸未上皇至自晉陽己丑上皇詔  
改太祖獻武皇帝為神武皇帝廟號高祖獻明皇后為  
武明皇后其文宣謚號委有司議定十二月庚戌上皇  
狩於北郊壬子狩南郊乙卯狩西郊壬戌上皇幸晉陽

欽定四庫全書

南北史合注  
卷九十四

十

丁卯帝至自晉陽庚午有司奏改顯祖文宣皇帝為威  
宗景烈皇帝河南大疫是歲高麗契丹靺鞨並遣使朝  
貢  
二年春正月辛卯祀圓丘癸巳禘祭於太廟詔降罪人  
各有差丙申以吏部尚書尉瑾為尚書右僕射庚子行  
幸晉陽二月庚戌上皇至自晉陽壬子陳人來聘三月  
乙巳上皇詔以三臺施興聖寺以早故降禁囚夏四月  
陳文帝殂五月乙酉以兼尚書左僕射武興王晉為尚

書令己亥上皇詔封皇子儼為東平王仁弘為齊安王  
仁固為北平王仁英為高平王仁光為淮南王六月詔  
兼散騎常侍韋道儒聘於陳秋八月上皇幸晉陽九月  
乙卯以太保侯莫陳相為太傅大司馬任城王浹為太  
保太尉婁叡為大司馬馮翊王潤為太尉開府儀同  
三司韓祖念為司徒十一月大雨雪盜竊太廟御服十  
二月乙丑陳人來聘是歲救河間王孝琬突厥靺鞨國  
並遣使朝貢周天和元年

欽定四庫全書

南北史合注  
卷九十四

十一

是歲陳天康元年  
三年春正月壬辰上皇至自晉陽乙未大雪平地二尺  
戊戌詔京官執事散官三品已上各舉二人稱事七品  
已上及殿中侍御史尚書都檢校御史主書及門下錄  
事各舉一人鄴宮九龍殿災延燒西廊二月壬寅朔帝  
加元服大赦九州職人各進四級內外百官普進二級  
夏四月癸丑詔兼散騎常侍司馬幼之使於陳五月甲  
午上皇以領軍大將軍東平王儼為尚書令乙未大風



晝晦發屋拔樹六月己未上皇詔封皇子仁機為西河王仁約為樂浪王仁儉為潁川王仁雅為安樂王仁統為丹陽王仁謙為東海王閏六月辛巳左丞相斛律金薨壬午上皇詔尚書令東平王儼錄尚書事以尚書左僕射趙彥深為尚書令并省尚書右僕射婁定遠為尚書左僕射中書徐之才為右僕射秋八月辛未上皇以太保任城王湝為太師馮翊王潤為大司馬太宰段韶為左丞相太師賀拔仁為右丞相太傅侯莫陳相為太

欽定四庫全書

南北朝合注  
卷九十四

十三

故左丞相趙郡王琛配饗神武廟廷是年突厥大莫婁室韋百濟靺鞨等國並遣使朝貢是歲陳主伯宗光大元年四年春正月壬子以故清河王岳河東王潘相樂十人並配饗神武廟廷癸亥詔兼散騎常侍鄭大護使於陳三月乙巳上皇以司徒東平王儼為大將軍南陽王綽為司徒開府儀同三司廣寧王孝珩為尚書令夏四月辛未鄴宮昭陽殿災及宣光瑤華等殿辛巳上皇幸晉陽五月癸卯以尚書右僕射胡長仁為左僕射中書監和士開為右僕射壬戌上皇至自晉陽自正月不雨至於六月六月甲子朔大雨甲申大風拔木折樹是月彗星見東井秋九月周人來通和詔侍中斛斯文略報聘周冬十月辛巳以尚書令廣寧王孝珩為錄尚書事左僕射胡長仁為尚書令右僕射和士開為左僕射中書監唐邕為右僕射十一月壬辰詔兼散騎常侍李翥使於陳是月陳安成王頊廢其主伯宗而自立十二月辛

欽定四庫全書

南北朝合注  
卷九十四

十三



未太上皇帝崩丙子大赦九州職人普加一級內外百官並加兩級戊寅上太上皇后尊號為皇太后甲申詔細作之務及所在百工悉罷之又詔振廷晉陽中山宮人等及鄴下并州太官官口二處其年六十已上及有癘患者仰所司簡放庚寅詔天保七年已來諸家緣坐配流者所在令還是歲契丹靺鞨國並遣使朝貢五年春正月辛亥詔以金鳳等三臺未入寺者施大興聖寺是月殺定州刺史博陵王濟二月乙丑詔應官刑

**欽定四庫全書**

南北史合注 卷九十四

者普免刑為官口又詔禁網捕鷹鷄及畜養籠放之物已丑改東平王儼為瑯琊王詔侍中叱列長入使於周是月殺太尉趙郡王暉三月丁酉以司空徐顯秀為太尉并省尚書令婁定遠為司空是月行幸晉陽夏四月甲子詔以并州尚書省為大基聖寺晉祠為大崇皇寺乙丑車駕至自晉陽秋七月己丑詔降罪人各有差戊申詔使巡省河北諸州無雨處境內偏旱者優免租調冬十月壬戌詔禁造酒十一月辛丑詔以太保斛律光

為太傅大司馬馮翊王潤為太保大將軍瑯琊王儼為大司馬十二月庚午以開府儀同三司蘭陵王長恭為尚書令庚辰以中書監魏收為尚書右僕射是歲大莫婁國遣使朝貢

是歲陳孝宣帝太建元年

武平元年春正月乙酉朔改元太師并州刺史東安王婁叡薨戊申詔兼散騎常侍裴獻之聘於陳二月癸亥以百濟王餘昌為使持節侍中驃騎大將軍帶方郡公

**欽定四庫全書**

南北史合注 卷九十四

王如故己巳以太傅咸陽王斛律光為右丞相并州刺史右丞相安定王賀拔仁為錄尚書事冀州刺史任城王潛為太師丙子降死罪已下囚閏月戊戌錄尚書事安定王賀拔仁薨三月辛酉以開府儀同三司徐之才為尚書左僕射夏六月乙酉以廣寧王孝珩為司空甲辰以皇子恒生故大赦內外百官普進二級九州職人普進二級己酉以開府儀同三司唐邕為尚書右僕射秋七月癸丑封孝昭皇帝子彥基為城陽王彥康為定



陵王彥忠為梁郡王甲寅以尚書令蘭陵王長恭為錄  
尚書事中領軍和士開為尚書令癸酉以華山王凝為  
太傅八月辛卯行幸晉陽九月乙巳立皇子恒為皇太  
子冬十月辛巳以司空廣寧王孝珩為司徒以上洛王  
思宗為司空封蕭莊為梁王戊子曲降并州死罪已下  
囚已丑復顯祖文宣皇帝諡號十二月丁亥車駕至自  
晉陽詔左丞相斛律光出晉州道脩城戍是歲鞞鞞遣  
使朝貢

欽定四庫全書

南北史合注  
卷九十四

十六

二年春正月丁巳詔兼散騎常侍劉瓛使於陳戊寅  
以百濟王餘昌為使持節都督東青州刺史二月壬寅  
以錄尚書事蘭陵王長恭為太尉并省錄尚書事趙彥  
深為司空尚書令和士開為錄尚書事左僕射徐之才  
為尚書令右僕射唐邕為左僕射吏部尚書馮子琮為  
右僕射夏四月壬午以大司馬琅邪王儼為太保甲午  
陳遣連和謀伐周議弗許六月段韶攻周汾州剋之獲  
刺史楊敷秋七月庚午太保琅邪王儼矯詔殺錄尚書

事和士開於南臺即日誅領軍大將軍庫狄伏連治書  
侍御史王子宣等尚書右僕射馮子琮賜死殿中八月  
己亥行幸晉陽九月辛亥以太師任城王潛為太宰馮  
翊王潤為太師己未左丞相段韶薨戊午曲降并州界  
內死罪已下各有差庚午殺太保琅邪王儼壬申陳人  
來聘冬十月罷京畿府入領軍府己亥車駕至自晉陽  
十一月庚戌詔侍中赫連子悅使於周丙寅以徐州行  
臺廣寧王孝珩為錄尚書事庚午以錄尚書事廣寧王

欽定四庫全書

南北史合注  
卷九十四

十七

孝珩為司徒癸酉以右丞相斛律光為左丞相  
隋書五行志曰是年有免出廟社中  
三年春正月己巳祀南郊辛亥退贈故琅邪王儼為楚  
帝二月己卯以衛菩薩為太尉辛巳以并省吏部尚書  
高元海為尚書右僕射庚寅以左僕射唐邕為尚書令  
侍中祖珽為左僕射三月辛酉詔文武官五品已上各  
舉一人是月周誅冢宰宇文護夏四月周人來聘秋七  
月戊辰害左丞相戊陽王斛律光及其弟幽州行臺荆



山公豐樂八月庚寅廢皇后斛律氏為庶人以太宰任  
城王潛為右丞相太師馮翊王潤為太尉蘭陵王長恭  
為大司馬廣寧王孝珩為大將軍安德王延宗為司徒  
詔領軍封輔相聘於周戊子拜右昭儀胡氏為皇后已  
丑以司州牧壯平王仁堅為尚書令特進許季良為左  
僕射彭城王寶德為右僕射癸巳行幸晉陽是月脩文  
殿御覽成勅付史閣九月陳人來聘冬十月降死罪以  
下囚甲午拜弘德夫人穆氏為左皇后大赦十二月辛

欽定四庫全書

南北史合注  
卷九十四

丑廢皇后胡氏為庶人

隋書五行志曰是年龍見邯鄲井中氣五色屬天  
是歲新羅百濟勿吉突厥並遣使朝貢周建德元年  
四年春正月戊寅以并省尚書令高阿那肱為錄尚書  
事庚辰詔兼散騎常侍崔象使於陳是月鄴都并州並  
有狐媚多截人髮二月乙巳拜左皇后穆氏為皇后丙  
午置文林館乙卯以尚書令北平王仁堅為錄尚書事  
丁巳行幸晉陽是月周人來聘三月辛未盜入信州殺

刺史和士休南兖州刺史鮮于世榮討平之庚辰車駕  
至晉陽夏四月戊午以大司馬蘭陵王長恭為太保大  
將軍定州刺史南陽王綽為大司馬大司馬太尉衛菩  
薩為大將軍司徒安德王延宗為太尉司空武興王晉  
為司徒開府儀同三司宜陽王趙彥深為司空癸丑祈  
皇祠壇壇藪之內忽有車軌之轍案驗傍無人跡不知  
車從所來乙卯詔以為大慶班告天下己未周人來聘  
五月丙子詔史官更撰魏書癸巳以領軍穆提婆為尚

欽定四庫全書

南北史合注  
卷九十四

書左僕射以侍中中書監段孝言為右僕射是月開府  
儀同三司尉破胡長孫洪畧等與陳將吳明徹戰於呂  
梁南大敗破胡走免洪畧戰歿遂陷秦涇二州明徹進  
陷和合二州是月殺太保蘭陵王長恭六月明徹進圍  
壽陽壬子幸南苑從官唱死者六十人以錄尚書事高  
阿那肱為司徒丙辰詔開府王師羅使於周秋九月校  
獵於鄴東冬十月陳將吳明徹陷壽陽辛丑殺侍中崔  
季舒張彫唐敬騎常侍劉逖封孝琰黃門侍郎裴澤郭



遵癸卯行幸晉陽十二月戊寅以司徒高阿那肱為右丞相是歲高麗靺鞨並遣使朝貢突厥使求婚

五年春正月乙丑置左右城英各一人二月乙未車駕

至自晉陽朔州行臺南安王思好反辛丑行幸晉陽尚

書令唐邕等大破思好思好投火死焚其尸并其妻李

氏丁未車駕至自晉陽甲寅以尚書令唐邕為錄尚

書事夏五月大旱晉陽得死魃長二尺面頂各二目帝

聞之使刻木為形以獻庚申大赦丁亥陳人侵淮北秋

欽定四庫全書

南北史合注 卷九十四

五

八月癸卯行幸晉陽甲辰以高勣為尚書右僕射是歲

殺南陽王綽

六年春三月乙亥車駕至自晉陽丁丑烹祿賦鄭子饒

於都市是月周人來聘夏四月庚子以中書監陽休之

為尚書右僕射秋七月甲戌行晉陽八月丁酉冀定趙

幽滄瀛六州大水是月周師入洛川屯芒山攻逼洛城

縱火船焚浮橋河橋絕閏月己丑遣右丞相高阿那肱

自晉陽禦之師次河陽周師夜遁庚辰以司空趙彥深

為司徒斛律阿列羅為司空辛巳以軍國費用不足稅

關市舟車山澤鹽鐵店肆輕重各有差開酒禁是歲靺

鞨遣使朝貢

隋書五行志曰宮中有數圍大樹無故自拔齊以木

德王亡國之兆 又并州招遠樓下有赤蛇與黑蛇

鬪數日赤蛇死赤齊色黑周色赤死亦齊亡象

七年春正月壬辰詔去秋已來水潦人饑不自立者所

在付大寺及富戶濟其性命甲寅大赦乙卯車駕至自

欽定四庫全書

南北史合注 卷九十四

五

晉陽二月辛酉括雜戶女年二十以下十四已上未嫁

悉集省隱匿者家長處死刑二月丙寅風從西北起發

屋拔樹五日乃止夏六月戊申朔日有蝕之庚申司徒

趙彥深卒秋七月丁丑大雨霖是月以水滂遣使巡撫

流亡民戶八月丁卯行幸晉陽雉集御座獲之有司不

敢聞詔營邯鄲宮冬十月丙辰帝大狩於祁池周師攻

晉州癸亥帝還晉陽甲子出兵大集晉祠庚午帝發晉

陽癸酉帝列陣而行上雞栖原與周齊王憲相對至夜



不戰周師歛陣退十一月周武帝退還長安留偏師守  
晉州

顏氏家訓曰張延雋為青州行臺左丞匡維主將鎮  
撫疆場儲器愛民隱若敵國羣小不得行志同力排  
之既代後公私擾亂周師一舉此鎮先平齊亡遂啓  
於此

高阿那肱等圍晉州城戊寅帝至圍所十二月戊申周

武帝來救晉州庚戌戰於城南帝棄軍先還齊軍大敗

欽定四庫全書

南北史注  
卷九十四

三

癸亥入晉陽憂懼不知所之甲寅大赦帝謂朝臣曰周  
師甚盛若何羣臣咸曰一得一失自古皆然宜停百賦  
安朝野收遺兵背城死戰以存社稷帝意猶豫欲向壯  
朔州乃留安德王延宗廣寧王孝珩等守晉陽不守即  
欲奔突厥羣臣皆不可帝不從開府儀同三司賀拔伏  
思封輔相慕容鍾葵等宿衛近臣三十餘人西奔周師  
乙卯詔募兵遣安德王延宗為左廣廣寧王孝珩為右  
廣延宗入見帝帝告欲向壯朔州延宗泣諫不從帝哀

遣王康德與中人齊紹等送皇太后皇太子於壯朔州  
丙辰帝幸城南軍營勞將士其夜欲遁諸將不從丁巳  
大赦改武平七年為隆化元年

隋書五行志曰時人離合其字曰降死竟以降周死  
其日穆提婆降周詔除安德王延宗為相國委以備禦  
延宗流涕受命帝乃夜斬五龍門而出欲走突厥從官  
多散領軍梅勝即叩馬諫乃迴鄴時唯高阿那肱等十  
餘騎廣寧王孝珩襄城王彥道續至得數十人同行戊

欽定四庫全書

南北史注  
卷九十四

三

午延宗從眾議即皇帝位於晉陽改隆化為德昌元年  
庚申帝入鄴辛酉延宗與周師戰於晉陽大敗為周所  
虜帝遣募人重加官賞雖有此言竟不出物廣寧王孝  
珩奏請出宮人及珍寶班賜將士帝不悅斛律孝卿居  
中受委帶甲處分請帝親勞為帝撰辭且曰宜慷慨流  
涕感激人心帝既出臨眾將令之不復記所受言遂大  
笑左右亦羣哈將士莫不解體自大丞相已下太宰大  
司馬三師大將軍三公等官並增負而授或三或四不



可勝數甲子皇太后從北道至引文武一品已上入朱  
華門賜酒食及紙筆問樞周方畧羣臣各異議帝莫知  
所從又引高元海宋士素盧思道李德林等欲議禪位  
皇太子先是望氣者言當有革易於是依天統故事授  
位幼主

幼主名恒後主長子母穆皇后武平元年六月生於鄴  
其年十月立為皇太子隆化二年春正月乙亥即皇帝  
位時年八歲改元為承光元年大赦尊皇太后為太皇

欽定四庫全書

南北史合注  
卷九十四

三

太后帝為太上皇帝后為太上皇后於是黃門侍郎顏  
之推中書侍郎薛道衡侍中陳德信等勸上皇往河外  
募兵更為經畧若不濟南投陳國從之丁丑太皇太后  
上皇自鄴先趣濟州周師漸逼癸未幼主又自鄴東走  
己丑周師至陌陌橋癸巳焚城西門上皇將百餘騎東  
走乙亥渡河入濟州其日幼主禪位於大丞相任城王  
浟令侍中斛律孝卿送禪文璽綬於瀛州孝卿持之歸  
周又為任城王詔尊上皇為無上皇幼主為守國天王

留太皇太后濟州遣高阿那肱留守上皇并皇后攜幼  
主走青州韓長鸞鄧顥順等數十人從上皇既至青州  
即為入陳計而高阿那肱召周軍約生致齊主乃屢使  
人告賊軍在遠今令人燒斷橋路上皇所以停緩周軍  
奄至青州上皇窘急將遜於陳置金囊韋後與長鸞淑  
妃等十餘騎至青州南鄧村為周將尉遲綱所獲送鄴  
周武帝與抗賓主禮

欽定四庫全書

南北史合注  
卷九十四

三

拜  
三國典畧曰齊主緯夢黑衣貴人送相驅逐已向之  
并太后幼主諸王俱送長安封帝溫國公至建德七年  
誣與宜州刺史穆提婆謀反及延宗等數十人無少長  
咸賜死神武子孫所存者一二而已  
愚按神武所存子孫不止一二齊諸王傳可考惟武  
成子仁英雅得免當云一二耳  
大象末陽休之陳德信等廢大丞相楊堅請收英聽之  
英於長安北原洪瀆川帝幼而令善



冊府元龜曰幼時曾讀詩賦語人云終有解作此理  
否

及長頗學綴文置文林館引諸文士而言語澁訥無志  
度不喜見朝士非寵私昵狎未嘗交語性懦不堪人視  
視者即忿責其奏事者雖三公令錄莫得仰視皆畧陳  
大旨驚走而出每災異寇盜水旱亦不自貶損唯諸處  
設齋以此為脩德雅信巫覡解禱無方初琅邪王儼舉  
兵人告者誤云庫狄伏連反帝曰必仁威也又斛律光

欽定四庫全書

南北史合注  
卷九十四

三

死後諸武官舉高思好堪大將軍帝曰思好喜反皆如  
所言遂自謂策無遺笑乃益驕縱威為無愁之曲自彈  
胡琵琶而唱之侍和者百數人間謂之無愁天子常出  
見羣屬盡殺之或殺人剝面皮視之任陸令萱和士開  
高阿那肱穆提婆韓長鸞等宰制朝政陳德信鄧長顓  
何洪珍參預機權各引親黨起居非次官由財進獄以  
賄成亂政害民難以備載諸官奴婢閹人商人胡戶雜  
戶歌舞人見鬼人濫得富貴者將以萬數庶姓封王者

將以百數不復可紀開府千餘儀同無數領軍一時三  
十連判文書各作依字不具姓名莫知誰也諸貴寵祖  
禍追贈官歲一進位極乃止官掖婢皆封郡君宮女寶  
衣玉食者五百餘人

隋書五行志作千餘人

一裙直萬疋鏡臺直千金競為變巧朝衣夕弊

隋書五行志曰後主好令宮人以白越布折額狀如

盤帽又為白蓋皆喪禍之服

欽定四庫全書

南北史合注  
卷九十四

三

承武成奢麗以為帝王當然乃更增益宮苑造偃武脩  
文臺其嬪嬙諸院中起鏡殿寶殿瑋瑋殿丹青彫刻妙  
極當時又於晉陽起十二院壯麗過鄴下所愛不恒數  
毀又復夜以火照作寒以湯為泥百工困窮無時休息  
鑿晉陽西山為大佛像一夜燃燈油萬盆光照宮內又  
為胡昭儀起大慈寺未成改為穆皇后大寶林寺窮極  
工巧運石填泉勞費億計人牛死者不可勝紀  
隋書食貨志曰計財用不給乃減朝士祿斷諸曹糧



膳及九州軍民常賜以供之

御馬則藉以糗食食物有十餘種將合牝牡則設青廬具牢饌而親觀之狗飼以梁肉馬及鷹犬有儀同郡君之號故有赤彪儀同逍遙郡君陵霄郡君高思好書所謂馱龍道遙著也犬於馬上設褥抱之鬪雞亦號開府犬馬雞鷹多食縣幹鷹之入養者稍割犬肉飼之至數日乃死又於華林園立貧窮村舍帝自弊衣為乞食兒又為窮兒之市躬自交易需築西鄙諸城黑衣為羌兵

欽定四庫全書

南北史合注  
卷九十四

三六

鼓譟陵之親率內參臨拒或入彎弓射入自晉陽東巡單馬馳騫衣解髮散而歸又好不急之務曾一夜索蝎及旦得三升特愛非時之物取求火急皆須朝微夕辨當勢者因之貸一責十賦歛日重徭役日煩民力既殫藏空竭乃賜諸佞幸賣官或得郡兩三或得縣六七各分州郡下逮鄉官亦多降中者故有敕用州主簿敕用功曹於是州縣職司多出富商大賈競為貪縱民不聊生爰自鄴都及諸州郡所在徵稅百端俱起

隋書食貨志曰齊武平陵權倖並進賜與無限加之

早蝗國用轉屈乃料境內六等富人調令出錢顏之推奏請立闕市邸店之稅鄧長顓贊成之後主大悅於是以其所入供御府聲色之費軍國之用不豫未幾亡

凡此諸役皆漸於武成至帝增廣然未嘗有帷薄淫穢唯此事頗優於武成云初河清末武成夢大蜚攻破鄴城故索境內蠲膏以絕之識者以後主名聲與蜚相協亡

欽定四庫全書

南北史合注  
卷九十四

三五

齊徵也又婦人皆翦剔著假髻危邪之狀如飛鳥至於南面則髻心正西始自內宮為之被於四遠天意若曰元首翦落危側當走西也

隋書五行志曰齊鄴中有童謠曰金作掃帚玉作把淨掃殿屋迎西家至是驗

又為刀子者及皆狹細名曰盡勢遊童戲者好以兩手持繩拂地而却上跳且唱曰高末高末之言蓋高氏運祚之末也



三國典畧曰齊後主末有九頭鳥見色赤似鴨九頭皆鳴

然則亂亡之數蓋有兆云

論曰武成風度高爽經筵弘長文武之官俱盡謀力有帝王之量矣但愛狎庸豎委以朝權帷薄之間淫侈過度滅亡之兆其在斯乎玄象告變傳位元子名號雖殊政由已出迹有虛飾事非憲典又河南河間太原樂陵諸王或以時嫌或以猜忌皆無罪而殞非所謂知命任

欽定四庫全書

南北史合注

三

天體大道之義也後主以中庸之姿懷易染之性永言先訓教匪義方始自襁褓至於傳位隔以正人閉其善道養德所履異乎春誦夏弦過度所聞莫非不軌不物輔以中官姝媪屬以麗色淫聲縱構繼之娛恣朋淫之好泊乎在御彌見淪胥罕接朝士不親政事一日萬幾委諸凶族內侍帷幄外吐絲綸威厲風霜志迴天日虐人害物搏噬無厭賣獄鬻官竅壑難滿重以名將貽禍忠臣顯戮始見浸溺之萌俄觀土崩之勢周武因機遂混

區夏悲夫蓋桀紂罪人其亡也忽焉自然之理矣

唐魏徵論曰神武以雄傑之姿始基霸業文襄以英明之略伐叛柔遠於時喪君有君師出以律河陰之役摧宇文如反掌渦陽之戰掃侯景如拉枯故能氣懾西隣威加南服文宣因累世之資遂遷魏鼎懷譎詐非常才運屈奇不測之智網羅俊乂明察臨下文武名臣盡其力用親戎出塞命將臨江定單于於龍城納長君於梁國外內充實疆場無警胡騎息其南侵秦人不敢東顧

欽定四庫全書

南北史合注

三

既而荒淫敗德罔念作狂為善未能亡身餘殃足以傳後得以壽終幸也肩嗣不永宜哉孝昭地過身危逆取順守外敷文教內蘊雄圖將以牢籠區域奄有函夏享齡不永績用無成若或天假之年足使秦吳肝食武成即位邪道陵遲昭襄之風摧焉已墜墜乎後主外內崩離衆潰平陽身禽青土天道深淵或未易談吉凶由人抑可揚摧觀夫有齊全盛控帶遐阻西包汾晉南極江淮東盡海隅壯漸沙漠六國之地我獲其五九州之境



彼分其四料甲兵之衆寡校帑藏之虛實折衝千里之將帷幄六奇之士二方之優劣無等級以寄言然其太行長城之固自若也江淮汾晉之險不移也帑藏輸稅之富未虧也士庶甲兵之衆不缺也然前王用之有餘後主守之不足何哉前王御時沐風栢雨拯其弱而救其焚信必賞過必罰安而利之既與共其存亡同其生死後主則不然以人從欲損物利已雕墻峻宇甘酒嗜音廓肆過於宮園禽色荒於內外俾畫作夜周水行舟

欽定四庫全書

南北史合注  
卷九十四

三

所欲必成所求必得既不執不物又暗於聽受忠信弗聞萑菲必入視人如草芥從惡如順流佞闖處當軸之權婢媼擅回天之力賣官鬻獄亂政淫刑剗削被忠良祿位加於犬馬讒邪並進法令多聞持馭者非止百人搖樹者不唯一手於是土崩瓦解衆叛親離顧瞻周道咸有西歸之志方更盛其官觀窮奢極淫謂黔首可愚指白日自保驅倒戈之旅抗前歌之師五世崇基一舉而滅豈非錡金石者難為功摧枯朽者易為力歟抑又

聞之皇天無親唯德是輔齊自河清逮於武平土木之工不息嬪嬙之選無已征稅盡人力殫物產無以給其求江海不能贍其欲所謂火熾矣更負薪以足之數既窮矣又為惡以促之欲求大厦不燔延期過歷不亦難乎由此言之齊氏敗亡蓋亦由人匪惟天道也

齊書

欽定四庫全書

南北史合注  
卷九十四

三

南北史合注卷九十四



欽定四庫全書

南北史合注卷九十五

明 李清 撰

北史九



宇文氏諱泰字黑獺代郡武川人其先上自天皇帝為黃帝所滅子孫適居朔野後有葛烏免者雄武多算略鮮卑奉以為主遂摠十二部落世

為大人裔孫曰普回因狩得玉璽三紐文曰皇帝璽普

欽定四庫全書

南北史合注 卷九十五

回以為天授獨異之其俗謂天子曰宇文故國號宇文

并以為氏普回子莫那自陰山南徙始居遼西是曰獻

侯為魏舅甥之國自莫那九世至歸豆為慕容晃所滅

其子陵仕燕拜駙馬都尉封玄菟公及慕容寶敗歸魏

拜都牧主賜爵安定侯天興初魏遷豪傑於代都陵隨

例徙居武川即為其郡縣人陵生系系生韜生韜生皇

考肱並以武畧稱肱任俠有氣幹正光末沃野鎮人破

六韓拔陵作亂其偽署王衛可壞最盛肱糾合鄉里斬

壞眾乃散後陷鮮于脩禮脩禮令肱還統其部眾為定

州軍所破戰沒於陣武成初追謚德皇帝太祖其少子

也母王氏初孕五月夜夢抱子升天纔不至而止寤以

告皇考皇考喜曰雖不至天貴亦極矣太祖生而有黑

氣如蓋下覆其身及長身長八尺方額廣額美鬚髯髮

長委地垂手過膝背有黑子宛轉若龍盤之形面有紫

光人望而敬畏之少有大度不事家人生業輕財好施

以交結賢士大夫為務隨皇考在鮮于脩禮軍及葛榮

欽定四庫全書

南北史合注 卷九十五

殺脩禮太祖時年十八榮任以將帥察其無成謀與諸

兄去之計未行會榮滅因隨爾朱榮遷晉陽榮忌太祖

兄弟雄傑託以他罪殺太祖第三兄洛生太祖以家寬

自理辭旨慷慨榮感而免之益加敬待始命統軍從已

征討後以別將從賀拔岳討北海王顥於洛陽孝莊反

正以功封寧都子後從岳入關平万侯醜奴行原州事

時關隴寇亂太祖撫以恩信百姓皆喜曰早遇宇文使

君吾等豈從逆亂太祖嘗從數騎於野忽聞蕭鼓音問



從者皆莫聞意獨異之普泰二年爾朱天光東拒勃海王高歡留弟顯壽鎮長安召秦州刺史侯莫陳悅東下岳知天光必敗欲留悅共圖顯壽而計無所出太祖謂岳曰今天光尚近悅未必貳心若以此事告恐其驚懼然悅雖為主將不能制物若先說其衆必人有留心進失爾朱之期退恐人情變動若乘此說悅事無不遂岳大喜即令太祖入悅軍說之悅遂與岳襲長安太祖輕騎為前鋒追至華陰禽顯壽及岳為闕西大行臺以太

欽定四庫全書

南北史合注  
卷九十五

三

祖為左丞領岳府司馬事無巨細皆委決焉歡既除爾朱氏遂專朝政太祖請往觀之至并州

冊府元龜曰歡問岳軍事太祖占對雄辨

歡以太祖非常人曰此小兒眼目異常將留之太祖說陳忠欵具託左右苦求復命倍道而行行一日而歡乃悔發上驛千里追太祖至關不及而反太祖還謂岳曰高歡豈人臣耶逆謀未發者憚公兄弟耳侯莫陳悅庸材亦不為歡忌但為之備圖之不難今費也頭控弦之

騎不下一萬夏州刺史解拔彌俄突勝兵三千餘人及靈州刺史曹泥並恃僻遠常懷異望河西流人紇豆陵伊利等戶口富實未奉朝風今若移軍近隴扼其要害示之以威懷之以德即可收其士馬以資吾軍西輯氐羌北撫沙塞還軍長安匡輔魏室此桓文之舉也岳大悅復遣太祖詣闕請事密陳其狀魏孝武帝納之加太祖武衛將軍還令報岳岳引軍西次平涼岳以夏州隣接寇賊欲以良刺史鎮之衆皆舉太祖岳曰宇文左丞

欽定四庫全書

南北史合注  
卷九十五

四

吾左右手何可廢也沉吟累日乃從衆議表為夏州刺史太祖至州伊利亞風欵附而曹泥猶通使於歡魏永熙三年正月賀拔岳欲討曹泥太祖曰曹泥孤城阻遠未足為憂侯莫陳悅密通貪而無信是宜先圖岳不聽遂與悅俱討泥二月至河曲果為悅所害衆散還平涼唯大都督趙貴率部曲收岳尸還營三軍未知所屬諸將以都督寇洛年最長推總兵事洛素無雄畧威令不行乃請遜位於是趙貴言於衆稱太祖英資雄畧若告



喪必來赴難因而奉之大事濟矣諸將皆稱善乃令赫連達馳至夏州告太祖士吏咸泣請留以觀其變太祖曰

周書載太祖言曰悅害元帥應乘勢直據平涼而反趙起屯兵永洛吾知其無能為也

難得易失者時也不俟終日者機也今不早赴恐眾心自離都督彌姐元進規應悅密圖太祖事發斬之乃率帳下輕騎馳赴平涼時歡遣長史侯景招引岳眾太祖

欽定四庫全書

南北史合注 卷九十五

五

至安定遇於傳舍吐哺上馬謂曰賀拔公雖死宇文泰尚存卿何為也景失色曰我猶箭耳隨人所射乃還太祖至平涼哭岳甚慟將士悲且喜曰宇文公至吾無憂矣歡又使景與常侍張華原義寧太守王基勞太祖太祖不受命與基有舊將留之并欲留景並不屈乃遣之時斛斯椿在太祖所曰景人傑也何故放之太祖亦悔驛追不及基亦逃歸言太祖雄傑請及其未定滅之歡曰卿不見賀拔侯莫陳乎吾當以計拱手取之及沙苑

之敗歡始追悔時天子將圖神武聞岳被害遣武衛將軍元毗宣旨勞岳軍追還洛陽毗到平涼會諸將已推太祖侯莫陳悅亦被敕追還悅既附歡不肯應召太祖曰悅枉害忠良不復應詔此國大賊令諸軍戒嚴將討悅及毗還太祖表於天子辭以高歡至河東

冊府元龜又載表曰在此軍士多是關西人皆戀鄉邑不願東下今迫以上命悉令赴關悅躡其後歡邀其前

欽定四庫全書

南北史合注 卷九十五

六

首尾受敵乞少停緩太祖志在討悅而未測朝旨且眾未集假為此辭因與元毗及諸將刑牲盟誓同獎王室初賀拔岳營河曲軍吏獨行忽見一翁謂曰賀拔雖據此眾終無所成當有一宇文家從東北來後必大盛言訖不見至是方驗天子因詔太祖為大都督即統賀拔岳軍太祖密表岳逆狀復與悅書責以殺賀拔岳罪又喻令歸朝

周書載書曰頃正光之末天下沸騰故將軍賀拔公



攘袂勃起志寧寓縣西顧無憂繫公是賴勳茂賞隆  
遂征闕右君名微行薄故將軍降遷高之志薦君為  
隴右行臺朝議以君功名闕然未之許也頻煩請謁  
至於再三天子難違上將方相聽許高氏專權主上  
虛心寄隆晉鄭君復與故將軍同受密旨結盟並力  
共匡時難口血未乾匕首已發協黨國賊共危本朝  
孤思負誓有靦面目吾以弱才猥當藩牧蒙天子拔  
擢之恩荷故將軍國士之遇聞問之日魂魄驚馳便

欽定四庫全書

南北史合注  
卷九十五

陳啓天朝暫來奔赴衆情所推遂當戎重比有敕旨  
召吾還闕亦有別詔令君入朝君若督率所部自隴  
東邁吾亦總勒師徒北道還闕如首鼠兩端不時奉  
詔專戮違旨國有常刑枕戈坐甲指日相見幸圖利  
害無貽噬臍

悅乃詐為詔書與秦州刺史万俟普撥令為已援普撥  
疑之封呈太祖太祖表奏之天子因問安秦隴計太祖  
請召悅授以內官及處以瓜涼一藩不然則終致猜虞

三月太祖進軍至原州衆軍悉集諭以討悅意士卒莫  
不懷憤遂表於天子陳討悅狀

冊府元龜載表曰自大都督臣岳沒後臣頻奉詔還  
闕直以督將已下咸稱賀拔公視我如子今仗恥未  
報何顏處世若得一雪冤酷萬死無恨且悅外附強  
臣內違朝旨臣今上思逐惡之志下遂節士之心冀  
伏天威為國除害小違大順實在茲辰克定之後伏  
代斧鉞

欽定四庫全書

南北史合注  
卷九十五

四月引兵上隴留兄子遵為都督鎮原州太祖軍令嚴  
肅秋毫無犯百姓大悅軍出木狹闕大雪平地二尺太  
祖知悅怯而多猜乃倍道兼行出其不意悅果疑左右  
有異志左右不自安衆遂離貳聞大軍且至退保畧陽  
留一萬餘人據守永洛太祖至圍之城降太祖即率輕  
騎數百趣畧陽以臨悅軍其部將皆勸悅退保上邽時  
南秦州刺史李弼亦在悅軍密遣使請為內應其夜悅  
出軍軍自驚潰將卒或來降太祖縱兵奮擊大破之悅



與其子弟及麾下數十騎遁走

周書載太祖曰悅本與曹泥應接不過走向靈州耳帝乃命原州都督導等追悅至牽屯山斬之傳首洛陽太祖至上却悅府庫財物山積皆以賞士卒毫無所取左右竊以一銀甕歸太祖知而罪之即剖賜將士衆大悅歡聞關隴尅捷遣使使於太祖深相倚結太祖拒不納封其書以聞時歡已有異志故天子深仗太祖令引軍稍東乃命大都督梁禦率步騎五千將鎮河渭合

欽定四庫全書

南北史合注 卷九十五

九

口為圖河東計魏帝進太祖侍中驃騎大將軍開府儀同三司關西大都督畧陽縣公承制封拜使持節如故時天子方圖歡又遣徵兵公令前秦州刺史駱超為大都督率輕騎一千赴洛乃進授公兼尚書左僕射關西大行臺餘官如故公乃傳檄方鎮曰皇家創歷保安四海運距孝昌屯珍屢起乘釁之徒因翼生羽賊臣高歡一介鷹犬効力戎行覩冒恩私遂階榮寵不能竭誠盡節專挾奸回乃勸爾朱榮行篡及榮以專政伏誅世隆

以凶黨外叛歡苦相敦勉令取京師又勸吐万兒復為弒虐暫奉建明以今天下假推普泰欲竊威權並歸廢斤俱見酷害於是稱兵河北假討爾朱榮通表奏云取讒賊既行廢黜遂將篡弒以人望未改恐鼎鑊交及乃求宗室權允人心天方與魏必將有主翊戴聖明誠非歡力而阻兵安忍自以為功廣布腹心跨州連郡端揆禁聞莫非親黨昏行貪虐竄竄生靈而舊將名臣正人直士橫生瘡痍動挂網羅故武衛將軍伊琳清貞剛毅

欽定四庫全書

南北史合注 卷九十五

十

禁旅攸屬直閣將軍鮮于康仁忠亮驍傑爪牙斯在歡收而戮之曾聞奏司空高乾是其黨與每相影響謀危社稷恐先泄漏乃密白朝廷使殺高乾方哭對其弟稱天子橫戮孫騰任祥歡之心脅並使入居樞近伺國間隙知歡逆謀將發相繼歸逃歡益加撫待亦無陳白故關西大都督清水公賀拔岳勳德隆重興亡攸寄歡好亂樂禍深相忌毒乃與侯莫陳悅陰圖陷害幕府以受律專征便即討戮歡知逆狀已露稍懷旅拒遂遣蔡儻



拒代令竇泰佐之又遣侯景等云向白馬輔世珍等徑趨石濟高隆之及婁昭等屯據壺關韓軌之徒擁眾蒲坂於是上書天子數論得失訾毀乘輿威侮朝廷藉此微庸冀之大寶或言徑赴荆楚開疆於外或言分詣伊洛取彼讒人或言欲來入關與幕府決戰今聖明御運人盡忠良誰為傾側而歡感福自己生是亂階緝構南箕指鹿為馬包藏凶逆伺我神器是而可忍孰不可容幕府親當受賑惟敵是俟頻有詔書班告天下稱歡逆

欽定四庫全書

南北史合注  
卷九十五

十一

亂徵兵致伐今便分命將帥應機進討或趣其要害或襲其窟穴若稍逼宮廟則分命諸將直取并州幕府躬自東轅電赴伊洛若固其巢穴未敢發動亦命羣帥百道俱前輟裂賊臣以謝天下其州鎮郡縣率土黎民或州鄉冠冕或勳庸濟世並宜捨逆歸順立効軍門封賞之科已有別格凡百君子可不勉哉公謂諸軍曰高歡雖智不足而詐有餘今聲言欲西意在入洛吾欲令寇洛率馬步萬餘自涇州東引王羆率甲士一萬先據華

州歡若西來羆足抗拒如其入洛洛即襲汾晉吾便速駕直赴京邑使其進有內顧之憂退有被躡之勢一舉而定此為上策眾咸稱善七月公率眾發自高平前軍至弘農而歡稍逼京師天子親總六軍屯河橋令左衛元斌之領軍斛斯椿鎮虎牢公謂左右曰高歡一日行八九百里曉兵者所忌正須乘便擊之而主上以萬乘之重不能渡河決戰方綠津據守且長河萬里捍禦為難一處得渡大事去矣即以大都督趙貴為別道行臺

欽定四庫全書

南北史合注  
卷九十五

十二

自蒲坂濟趣并州遣大都督李賢將精騎二千赴洛陽會斌之與斛斯椿爭權鎮防不守天子遂輕騎入關公備儀衛奉迎謁見東陽驛免冠流涕謝罪周書載公言曰臣不能式遏寇虐使乘輿遷幸請拘司敗帝曰公之忠節暴於朝野朕以不得負乘致寇今日相見深用厚顏何勞謝也 資治通鑑又曰朕方以社稷委公公其勉之乃奉天子都長安披草萊立朝廷軍國之政咸取決於



帝仍加授大將軍雍州刺史兼尚書令進封畧陽郡公  
 別置二尚書隨機處分解尚書僕射餘如故初天子在  
 洛陽許以馮翊長公主配公未及結納而天子西遷至  
 是詔公尚之拜駙馬都尉八月歡襲陷潼關侵華陰公  
 率諸軍屯霸上待之歡留其將薛瑾守關而退乃進軍  
 斬瑾函其卒七千還長安進位丞相冬十月高歡立清  
 河王亶子善見為帝遷於鄴是為東魏十一月遣儀同  
 李虎與李弼趙貴等討曹泥於靈州虎引河灌之明年  
 欽定四庫全書 南北史合注 卷九十五 十三

泥降遷其豪帥於咸陽十二月魏孝武帝復與公隙遇  
 酖崩公與羣公定冊尊立魏南陽王寶炬為嗣是為文  
 帝

大統元年正月己酉天子進公都督中外諸軍錄尚書  
 事大行臺改封安定郡王公固讓王及錄尚書許之乃  
 改封安定郡公東魏將司馬子如寇潼關公軍滿上子  
 如乃回軍自蒲津寇華州刺史王羆擊走之三月公命  
 有司為二十四條新制

周書曰命所司斟酌今古參考變通可以益國利民  
 便時適治者為二十四條新制

奏行之

二年五月秦州刺史建忠王万俟普撥率所部入東魏  
 公輕騎追之至河北千餘里不及而還

三年正月東魏丞相高歡寇龍門屯軍蒲坂造三道浮  
 橋度河又遣其將竇泰趣潼關高昂圍洛州公出軍廣  
 陽召諸將謂曰高歡持吾三面又造橋示欲必度是欲  
 欽定四庫全書 南北史合注 卷九十五 十四

綴吾軍使竇泰得西入耳且歡起兵以來泰每先驅下  
 多銳卒屢勝而驕今出其不意襲之必剋剋泰則歡不  
 戰而走矣諸將咸曰賊在近捨而襲遠若有蹉跌悔何  
 及也公曰歡前再襲潼關吾軍不過灊上今者大來謂  
 吾但自守耳又狙於得志有輕我心乘此擊之何往不  
 剋歡雖造橋未能徑渡比五日中吾取泰必矣庚戌公  
 還長安聲言欲向隴右辛亥謁天子而潛軍至小關竇  
 泰卒聞軍至陳未成公襲之盡俘其眾斬泰傳首長安



高昂聞之焚輜重走歡亦撤橋退公乃還長安六月公請罷行臺天子復申前命授公錄尚書事固讓乃止八月丁丑公率李弼獨孤信梁禦趙貴于謹若于惠怡岑劉亮王德侯莫陳崇李遠達奚武十二將東伐至潼關誓於師曰與爾有衆奉天威誅暴亂惟爾衆士整爾甲兵戒爾戎事無貪財以輕敵無暴民以作威用命有賞不用命有戮爾衆士其勉之乃遣于謹先徇地至盤豆拔之獲東魏將高叔禮送於長安戊子至弘農攻之

欽定四庫全書

南北史合注  
卷九十五

十五

冊府元龜曰時連日雨乃率諸將冒雨攻之

城潰擒東魏陝州刺史李徽伯擄其戰士八千守將高千走渡河命賀拔勝追擒之並送長安於是宜陽等郡皆歸附先是南豪傑應東魏者皆降高歡懼率衆下蒲坂將自后土濟遣其將高昂以三萬人出河南是歲關中飢公館穀弘農五十餘日時軍士不滿萬人聞歡將渡乃引兵入關歡遊渡河逼華州刺史王羅嚴守乃涉洛軍於許原西公至渭南徵諸州兵未會將擊之

周書載公言曰高歡越山渡河遠來至此天亡之時也

諸將以衆寡不敵請待歡更西觀之公曰歡若至咸陽人情轉騷動今及其新至可擊之即造浮橋於渭令軍士齋三日糧輕騎度渭輜重自渭南夾渭而西十月壬辰至沙苑拒東魏軍六十餘里歡引軍來會癸巳候騎告東魏軍至公召諸將謀李弼曰彼衆我寡不可平地置陣此東十里有渭曲可先據以待之遂進至渭背水

欽定四庫全書

南北史合注  
卷九十五

十六

東西為陣李弼為右拒趙貴為左拒將士皆偃戈葭蘆中間鼓聲而起日晡東魏師至望見軍少競萃於左軍亂不成列兵將交公鳴鼓士皆奮起于謹等六軍與之合戰李弼等率鐵騎橫擊之絕其軍為二遂大破之斬六千餘級臨陣降者二萬餘人歡夜遁追至河上復大剋前後擄其卒七萬留其甲兵二萬餘悉縱歸收其輜重兵甲獻俘長安李穆言高歡膽破逆之可獲公不聽還軍渭南時所徵諸州兵始至乃於戰所準當時兵人



種樹一株栽柳七千根以旌武功天子進公柱國大將軍增邑以左僕射馮翊王元海為行臺與開府獨孤信帥步騎二萬向洛陽賀拔勝李弼度河圍蒲坂蒲坂鎮將高子信開門納勝軍東魏將薛崇禮棄城走勝等追獲之公進軍蒲坂畧定汾絳初公自弘農入關後東魏將高昂圍弘農聞歡軍敗退守洛陽獨孤信至新安昂復走度河遂入洛陽自梁陳已西將吏降者相屬於是東魏將堯雄趙育是云寶出潁川欲復降地公遣儀同

欽定四庫全書

南北史合注 卷九十五

七

宇文貴梁遷等逆擊大破之趙育來降東魏復遣任祥率河南兵與堯雄合儀同怡峯與貴遷等復擊破之又遣都督韋孝寬取豫州是云寶殺其東揚州刺史以州來降

四年三月公率諸將入朝禮畢還華州七月東魏將侯景等圍獨孤信於洛陽歡繼之公奉天子至穀城臨陣斬東魏將莫多婁代文悉鹵其眾送弘農進軍瀍東景等夜解圍去及旦公率輕騎追至河上景等北據河橋

南屬却山為陣與諸軍戰公馬中流矢驚逸軍中擾亂都督李穆下馬授公軍復振於是大捷斬其將高昂李猛宋顯等鹵其甲士一萬五千人赴河死者萬數是日置陣既大首尾懸遠從旦至未戰數十合氣霧四塞莫能相知獨孤信李遠居右趙貴怡峯居左戰並不利又未知天子及公所在皆棄其卒先歸開府李虎念賢等為後軍遇信等退即與俱還由是班師洛陽亦失守大軍至弘農守將皆已棄城西走所鹵降卒在弘農者相

欽定四庫全書

南北史合注 卷九十五

十八

與閉門拒守進攻拔之誅其魁首數百人大軍之東伐也關中所留兵少前後所鹵東魏士卒皆散在民間乃謀亂及虎等至長安計無所出乃與太尉王盟僕射周惠達輔魏太子出次渭北關中大震百姓相剽劫於是沙苑所俘軍人趙青雀雍州人于伏德等遂反青雀據長安子城伏德保咸陽與太守慕容思度各收降卒以拒還師長安民皆相率拒青雀每日接戰天子留閣鄉令公討之長安父老見公且悲且喜曰不意今日復得



見公士女咸相賀華州刺史宇文導襲咸陽斬思度禽  
伏德南度渭與公會攻破青雀太傅梁景廩以疾留長  
安與青雀通謀至是亦伏誅關中乃定天子還長安公  
復屯華州十二月是云竇襲洛陽東魏將王元軌棄城  
走都督趙剛襲廣州拔之自襄廣以西城鎮復西屬  
五年冬公大閱於華陰

六年春東魏將侯景出三鵝將侵荊州公遣開府李弼  
獨孤信各率騎出武關景乃還夏柔然度河至夏州公  
召諸軍屯沙苑備之

欽定四庫全書

南北史合注  
卷九十五

十九

七年十一月公奏行十二條制恐百官不勉於職事又  
下令申明之

八年夏四月公大會諸軍於馬牧十月東魏相高歡侵  
汾絳圍玉壁公出軍蒲坂歡退度汾追之遂遁去

九年二月東魏北豫州刺史高慎舉州來附公率師迎  
之三月東魏相高歡據切山陣不進者數日公留輜重  
於瀍曲軍士銜枚夜登切山未明擊之歡單車為賀拔

勝所逐僅免公率右軍若干惠大破歡軍悉鹵其步卒  
趙貴等五將軍居右戰不利歡復合戰公又不利夜引  
還入關屯渭上歡進至陝開府達奚武等禦之乃退公  
以切山諸將失律上表自貶天子不許

周書載魏帝報曰公仗鉞專征舉無遺笑朕垂拱九  
載實資元輔之力今大寇未殄以諸將失律便欲自  
貶宜抑此謙光恤予一人

於是廣募關隴豪右以增軍旅十月公大閱於櫟陽還  
欽定四庫全書

南北史合注  
卷九十五

二十

屯華州

十年五月公朝於京師七月天子以公前後所上二十  
四條及十二條新制定為中興永式命尚書蘇綽更損  
益之總為五卷班於天下於是搜簡賢才為牧守令習  
新制而遣馬數年間百姓便之十月公大閱於白水  
周書載春三月令曰古帝王內立百官非欲富貴其  
身益以天下非一人能治是故博訪賢才以禮命之  
其人聞命則慘然曰凡受人之事任人之勞何捨已



從人又自勉曰天生儒士所以利時彼人主欲與我  
為治安可苟辭於是降心受命及其居官也晝不甘  
食夜不甘寢思所以匡主安民不違恤家故妻子不  
免飢寒於是人主賜以俸祿尊以軒冕不以為惠賢  
臣受之亦不以為德位不虛加祿不妄賜則天下可  
不言而治矣後世衰微此道遂廢乃以官職為私恩  
爵祿為榮惠人君命官親則授之受則任之人臣受  
位可以尊身而潤屋則迂道求之損身而利物則巧

欽定四庫全書

南北文合注  
卷九十五

三

言辭之於是公道沒奸詐生天下由此不治矣諸在  
朝之士當念職事艱難夙夜兢兢才堪則審已而當  
之不堪則收短而避之使天官不妄加王爵不虛受  
則淳素之風庶幾可反

十一年三月公大閱於白水遂西狩岐陽

十二年春涼州刺史宇文仲和據州反瓜州人張保害

刺史盛慶以應之公遣開府獨孤信討之東魏將侯景

侵襄州公遣開府若干惠禦之至穰景遁去五月獨孤

信平涼州禽仲和遷其百姓六千餘家於長安瓜州都  
督令孤延起義誅張保瓜州平七月公大會諸軍於咸  
陽  
十三年正月東魏丞相高歡薨子澄嗣事河南大行臺  
侯景與澄有隙舉河南六州來附被圍於潁川六月公  
遣開府李弼援之東魏將韓軌遁去景遂徙鎮豫州於  
是遣開府王思政據潁川弼引軍還七月侯景密圖附  
梁公知其謀即追還前後所配景將士景懼遂叛

欽定四庫全書

南北文合注  
卷九十五

三

十四年春天子詔封公長子覺為寧都郡公初公以平  
元顓納孝莊帝功封寧都縣子至是改為郡封覺用彰  
勤王之始也五月天子進公位太師公奉魏太子巡撫  
西境登隴刻石紀事遂至原州歷北長城大狩東趣五  
原至蒲州聞天子不豫而還及至疾已愈乃還華州是  
歲東魏將高岳圍王思政於潁川

十五年春公遣大將軍趙貴率師援王思政高岳堰洧

水灌城潁川以北皆為陂澤救兵不得至六月潁川陷



初侯景圍建業梁司州刺史柳仲禮赴臺城梁竟陵郡守孫暹以郡內附公使大都督符貴鎮之及建鄴陷仲禮還司州來冠暹以郡叛公大怒十一月遣開府楊忠攻剋隨州進圍仲禮長史馬岫於安陸是歲東魏大將軍高澄為蘭京所殺弟洋嗣事

十六年正月仲禮來援安陸楊忠逆擊於滹頭大破之擒仲禮馬岫以城降三月天子封第二子震為武邑公夏五月東魏丞相高洋篡位國號齊

欽定四庫全書

南北史合注  
卷九十五

三

周書曰齊文宣廢其主元善見而自立臣前君名顛謬乃爾

七月公奉天子詔東討拜章武公尊為大將軍總督留守諸軍屯涇北鎮關中九月丁巳軍出長安連雨自秋及冬諸軍馬驢多死遂於弘農北造橋濟河自蒲坂還於是河南自洛陽河北自平陽以東遂入於齊

十七年三月魏文帝崩皇太子嗣位公以冢宰總百揆十月遣大將軍王雄出子午伐上津魏興大將軍達奚

武出散關伐南鄭

廢帝元年春王雄平上津魏興以其地置東梁州四月達奚武圍南鄭月餘梁州刺史宜豐侯蕭倫以州降武八月東梁州百姓圍州城公復遣王雄討之

二年正月天子詔公為左丞相大行臺都督中外諸軍事

周書云去丞相大行臺與此不同

二月東梁州平遷其豪帥於雍州三月公遣大將軍魏

欽定四庫全書

南北史合注  
卷九十五

三

安公尉遲迴伐梁武陵王蕭紀於蜀四月公勒銳騎三萬西踰隴度金城河至姑臧吐谷渾震懼遣使獻其方物七月公至自姑臧八月尉遲迴剋成都劍南平十一月尚書元烈謀害公公殺之

三年正月始作九命之典以叙內外官爵以第一品為九命第九品為一命改流外品為九秩亦以九為上又改置州郡縣凡改州四十六置州一改郡一百六改縣三百三十天子以元烈死有怨言密謀圖公事泄公與



公卿議廢帝立齊王廓是為恭帝

恭帝元年四月乙亥天子詔封公子邕為輔城公憲為安城公七月公西狩至原州梁孝元帝遣使請據舊圖以定疆界又結連於齊言辭悖慢公曰古人有言天之所廢誰能興之其蕭繹之謂乎十月壬戌遣柱國子謹中山公護與大將軍楊忠率銳騎先屯江陵城下丙申子謹至江陵列營圍守辛亥剋其城戕梁孝元帝鹵百官士庶以歸沒為奴婢者十餘萬免者二百餘家遂立

欽定四庫全書

南北史合注 卷九十五

三五

蕭譽為梁主居江陵為魏附庸是為梁宣帝魏氏之初統國三十六大姓九十九後多絕滅

愚按魏氏西遷後多留東魏不得言絕滅

至是以諸將功高者為三十六國後次者為九十九姓後所統軍人亦改從其姓

二年梁廣州刺史王琳寇邊十月公遣大將軍豆盧寧帥師討之

三月正月丁丑初行周禮建六官天子進公位太師大

冢宰公以漢魏官繁思革前弊大統中令穉綽盧辯依

周制改創其事尋亦置六卿官然因創次未成衆務猶歸臺閣至是始畢乃命行之四月公北巡七月渡北河天子封公子直為秦郡公招為正平公九月公不豫還至雲陽命中山公護受遺輔嗣子十月乙亥公殂於雲陽宮還長安發喪時年五十二月甲申葬成陵宋揮塵錄曰太祖乾德四年詔置三戶歲一饗以太牢然不及武帝何也

欽定四庫全書

南北史合注 卷九十五

三六

謚文公及孝閔受禪追尊為文王廟曰太祖武成元年追尊為文皇帝文帝知人善任使從諫如順流崇尚儒術明達政事恩信被物能駕馭英豪一見之者咸思用命沙苑所獲囚俘釋而用之及河橋之役以充戰士皆得其死力諸將出征授以方畧無不制勝性好朴素不尚虛飾恒以反風俗復古始為心云

孝閔皇帝諱覺字陁羅尼文帝第三子母元皇后大統八年生於同州七歲封畧陽郡公時善相者史元華見



公退謂所親曰此公子有至貴相但恨不壽耳魏恭帝三年三月命為安定公世子四月拜大將軍十月乙亥文帝殂丙子世子嗣位為太師大冢宰十二月丁亥天子詔以岐陽地封為周公庚子詔禪位於公

愚按周氏受禪獨無建天子旌旗出警入蹕及加九錫諸惡套猶存朴耶抑史官失記耶

曰予聞皇天之命不于常惟歸於德故堯授舜舜授禹時宜也天厭我魏邦垂變以告惟爾罔弗知予雖不明

欽定四庫全書

南北史合注  
卷九十五

十一

敢弗冀天命格有德哉今踵唐虞舊典禪位於周庸布告遐邇焉使大宗伯趙貴持節奉冊書曰咨爾周公帝王之德弗常有德者受命時乃天道予式時庸荒求於唐虞之彛踵曰我魏德之終舊矣我邦大小罔弗知今其可久弗於天道而不歸有德歟時用詢謀僉曰公昭考文公格勳德於天地丕濟黔黎暨公又躬宣重光故玄象徵見於上謳訟奔走於下天之厯數用實在焉予安敢弗若是以欽祗聖典遜位於公公其享茲天命保

有萬國可不慎歟天子臨朝遣戶部中大夫濟北公元迪致皇帝璽綬公固辭公卿百辟勸進太史陳祥瑞乃從之

元年春正月天王即位柴燎告天朝百官于路門追尊皇考文公為文王皇妣為文后大赦封魏帝為宋公是日槐里獻赤雀百官奏議曰帝王之興罔弗更正朔明受之于天革民視聽也逮于尼父稽諸陰陽云行夏之時後王所不易今魏歷告終周室受命以木承水實當

欽定四庫全書

南北史合注  
卷九十五

十二

行錄正用夏時式遵聖道惟文王誕玄氣之祥有黑水之讖服色宜尚馬制曰可以大司徒趙郡王李弼為太師以大宗伯南陽王趙貴為太傅大冢宰以大司馬河內公獨孤信為太保以大宗伯中山公護為大司馬以大將軍寧都公毓高陽公達奚武武陽公豆盧寧小司冠陽平公李遠小司馬博陵公賀蘭祥小宗伯魏安公尉遲迥等並為柱國壬寅祀圓丘詔曰予本自神農其于二丘宜作厥主始祖獻侯啟土遼海配南北郊文考



德符五運受天明命祖于明堂以配上帝癸卯祀方丘  
甲辰遂祭太社初除市門稅乙巳享太廟丁未會于乾  
安殿班賞各有差戊申詔有司分命使者巡察風俗求  
民得失禮餼高年恤于鰥寡辛亥祀南郊壬子立王后  
元氏辛酉享太廟癸亥親耕籍田二月癸酉朔朝日於  
東郊戊寅祭太社丁亥大司馬護矯詔害柱國楚國公  
趙貴太保獨孤信坐免甲午以大司空梁國公侯莫陳  
崇為太保大司馬晉國公護為大冢宰柱國博陵公賀

欽定四庫全書

南北史合注  
卷九十五

二十七

蘭祥為大司馬高陽公達奚武為大司寇大將軍化政  
公宇文貴為柱國是月冢宰護弒宋公三月己酉護矯  
詔害衛國公獨孤信壬子詔以浙州飢免其租輸癸亥  
省六府士員三分之一夏四月壬申降死罪以下囚壬  
午謁成陵丁亥享太廟五月己酉王將觀漁於昆明池  
博士姜頊諫乃止秋七月壬寅王聽訟于右寢多所哀  
宥辛亥享太廟八月戊辰祭太社辛未降死罪已下囚  
甲午詔二十四軍舉賢良九月庚申改太守為郡守王

性剛果忌晉公護之專司會李植軍司馬孫恒以先朝  
佐命入侍左右亦疾護權重乃與宮伯乙鳳賀拔提等  
潛請王誅護王許之又引宮伯張先洛先洛以白護護  
乃出植為梁州刺史恒為潼州刺史鳳等更奏王將召  
羣臣入因此誅護先洛又白之時小司馬尉遲綱仍總  
統宿衛兵護乃召綱入殿中詐呼鳳等論事以次執送  
護第並誅之綱仍罷禁兵王無左右獨在內殿以宮人  
執兵自守護遣大司馬賀蘭祥逼王遜位貶為畧陽公

欽定四庫全書

南北史合注  
卷九十五

三十一

幽於舊邸月餘日護弒帝崩時年十六  
冊府元龜曰在位二百七十日  
植恒等亦遇害及武帝誅護乃詔曰故畧陽公至德純  
粹天姿秀傑屬魏祚告終寶命將改詎歌九集歷數攸  
歸上協蒼靈之慶下昭后祇之錫而禍生肘腋蒙起蕭  
牆白虎噬驂蒼鷹集殿幽辱神器弒酷乘輿究結生靈  
毒流寓縣今河海澄清氛沴消蕩追尊之禮宜崇徽號  
遣太師蜀國公迴於南郊上謚曰孝閔皇帝陵曰靜陵



世宗明皇帝諱毓小名統萬突文帝長子母姚夫人永熙三年文帝臨夏州生於統萬城因名焉大統十四年封寧都郡公魏恭帝三年累遷大將軍鎮隴右孝閔踐阼進位柱國轉岐州刺史有美政

嘉運燕話曰帝刺史岐州時堂上時有圓雲若蓋五色相間經時滅韋敬遠曰此天子氣也及帝立知敬遠非常人側席禮聘卒不肯出

及孝閔廢晉公護遣迎公於岐州九月癸亥至京師止

欽定四庫全書

南北史合注  
卷九十五

三十一

舊卹羣臣上表勸進備法駕奉迎公固讓羣臣固請乃許之元年秋九月天王即位大赦乙丑朝羣臣於延壽殿冬十月癸酉太師趙國公李弼卒已卯以大將軍昌平公尉綱為柱國乙酉祀圖丘丙戌祀方丘甲午祭太社冢宰護矯詔害陽平公李遠辛未梁敬帝遜位於陳是月冢宰護弒畧陽公十一月庚子享太廟祀元立十二月庚午謁成陵庚辰以大將軍輔城公邕為柱國戊子赦長安見囚甲午詔元氏子女坐趙貴等事以來有

沒為官口者悉免之

周書載詔曰善人之後猶屢世獲宥矧魏氏以禮讓代終豈容不加隱卹是歲陳武帝永定元年

二年春正月乙未以大冢宰晉公護為太師辛亥親耕

籍田癸丑立王后獨孤氏丁巳於雍州置十二郡

冊府元龜載二月詔曰王者宰世一物失所若納於

隍偽齊境土本同大化往因時難致阻東西遂使疆

場交相抄掠恚可哀傷自元年以來有被掠者皆可

欽定四庫全書

南北史合注  
卷九十五

三十二

放免

三月甲午北豫州刺史司馬消難舉州來附改雍州刺史為牧京兆郡守為尹庚申詔三十六國九十九姓自魏南徙皆稱河南人今周室既都關中宜改稱京兆人夏四月己巳以太師晉公護為雍州牧辛未降死罪囚一等五歲刑已下皆原之甲戌天王后獨孤氏崩甲申葬敬后五月乙未以大司空梁國公侯莫陳崇為大宗伯六月己巳板授高年刺史守令恤鰥寡孤獨各有差



分長安為萬年縣並居京城辛未幸昆明池壬申遣使分行州郡理囚徒察風俗掩骸埋骨秋七月順陽獻三足鳥八月甲子羣臣上表稱慶於是大赦文武普進二級

周書載詔曰天不愛寶地稱表瑞莫不威鳳巢閣圖龍躍沼豈直日月珠連風雨玉燭是以鈞命決曰王者至孝則出元命苞曰人君至治所有虞舜烝烝來茲異趾周文翼翼翔此靈禽文考至德下覃遺仁爰

欽定四庫全書

南北史合注 卷九十五

十一

被遠符千載降茲三足將使三方歸本九州翕定惟此大體景福在民予安敢讓宗廟之善弗宣大惠可大赦天下文武官普進二級

九月辛卯以大將軍楊忠王雄並為柱國甲辰封少師元羅為韓國公以紹魏後

愚按羅乃道武後見列傳

丁未行幸同州故宅賦詩

周書載詩曰玉燭調秋氣金輿歷舊宮還如過白水

更似入新豐霜潭浸晚菊寒井落踈桐舉杯延故老令聞歌下風

冬十月癸亥太廟成乙亥以功臣賀拔勝等十三人配享文帝廟庚壬午大赦是歲噉突厥遣使朝貢

武成元年春正月乙酉太師晉公護上表歸政天王始親萬幾軍旅猶總於護初改都督諸州軍事為總管三月癸巳陳六軍天王親擐甲冑迎太白於東方吐谷渾寇邊庚戌遣大司馬賀蘭祥率眾討之夏五月戊子詔

欽定四庫全書

南北史合注 卷九十五

十二

有司造周歷

周書載詔曰皇王之迹異因革道殊莫不播八政成物兆三元為紀是以容成創定於軒轅義和欽命於唐世鴻範九疇大弘五法易曰澤中有火革君子以治厯明時故厯之為義大矣但忽微成象象極則差分積命時時積則外開開至于獲麟二百七十六萬歲畧度推移餘分盈縮南正無聞疇人靡記暑往寒來理率攸序敬授民時何其積謬昔漢世三郡洛下



閱善治厯云後八百歲當有聖人定之自火行至今  
木德應其運矣朕何讓焉可命有司傍稽六律仰觀  
七曜博推古今造我周厯量定以聞

已亥聽訟於正武殿辛亥以大宗伯梁國公侯莫陳崇  
為大司徒大司寇高陽公達奚武為大宗伯武陽公豆  
盧寧為大司寇柱國輔城公邕為大司空乙卯詔曰比  
屢有紕發官司赦前事者有司自今勿推究惟庫廩倉  
廩與海內所共漢帝有云朕為天下守財耳若有侵盜

欽定四庫全書

南北史合注  
卷九十五

三十五

公家財畜錢粟者魏朝之事年月既遠一不須問自周  
有天下以來雖經赦宥事迹可知者有司宜即推窮得  
實之日免其罪徵備如法賀蘭祥攻拔洮陽洪和二城  
吐谷渾遁走閏月高昌遣使朝貢六月戊子大雨霖  
冊府元龜載詔曰朕拱運膺圖罔敢怠荒而霖雨作  
沴害麥傷苗隕屋湮垣泊于昏墊諒朕不德蒼生何  
咎

詔公卿大夫士爰及牧守黎庶等令各上封事謹言極

諫無所所諱其遭水者有司可時巡檢條列以聞庚子  
詔曰頽川從我是曰元勳無忘父城實起王業文考屬  
天地草昧造化權輿拯彼流亡匡茲頽運賴英賢盡力  
文武用心翼贊大功克隆帝業而被堅執銳柳風沐雨  
永言疇昔良用慨然若功成名遂建國割符予唯休也  
其有致死王事妻子無歸者朕甚傷之凡從先王向夏  
州發夏州從來見在及薨亡者並量賜錢帛稱朕意焉  
是月陳武帝殂秋八月己亥改天王稱皇帝追尊文王

欽定四庫全書

南北史合注  
卷九十五

三十六

為文皇帝大赦改元癸丑增御正四人位上大夫  
周書載辛未進封輔城公邕為魯國公安成公憲為  
齊國公秦郡公直為衛國公正平公招為趙國公封  
皇弟儉為譙國公純為陳國公盛為越國公達為代  
國公通為冀國公道為滕國公進封天水公廣為蔡  
國公高陽公達奚武為鄭國公武陽公豆盧寧為楚  
國公博陵公賀蘭祥為涼國公寧蜀公尉遲迴為蜀  
國公化政公宇文貴為許國公陳留公楊忠為隋國



公昌平公尉遲綱為吳國公武威公王雄為曹國公  
邑各萬戶

冬十月齊文宣帝殂

二年春正月癸丑朔大會羣臣於紫極殿始用百戲三  
月辛酉重陽閣成會羣臣公侯列將卿大夫及突厥使  
於芳林園賜錢帛各有差夏四月冢宰護置毒于糖粳  
帝食之庚子大漸詔曰有生有死者物理必然朕雖不  
德性好典墳披覽聖賢餘論未嘗不以此自曉今乃命

欽定四庫全書

南北史合注  
卷九十五

十一

也將啓手啓足從先帝於地下實無恨於心矣所可恨  
者朕享大位四年不能使政化脩理黎庶豐足九州未  
一二方猶梗顧抱此恨目用不瞑惟冀仁兄冢宰洎朕  
先正先父公卿大臣等勿忘太祖遺志提絜後人朕雖  
沒九泉形骸不朽今大位虛曠社稷無主朕兒幼少未  
堪當國魯國公邕朕之介弟寬仁大度海內共聞能弘  
我周家必此子也夫人貴有始終公等事太祖輔朕躬  
可謂有始矣若顧其艱難輔邕王天下可謂有終矣哀

死事生人臣大節公等可思念此言令萬代稱歎朕稟  
生儉素每寢大布之被服大帛之衣凡是器用皆無彫  
刻身終之日豈容違棄此好喪事所須務從儉約歛以  
時服勿使有金玉之飾若以禮不可缺皆令用瓦小歛  
訖七日哭文武百官各權辟麻苴以素服從事葬日選  
擇不毛之地因勢為墳勿封勿樹且厚葬傷生聖人所  
誠既服膺聖教安敢違之凡百官司勿異朕意四方州  
鎮使到各令三日哭哭訖權辟凶服以素服從事待大

欽定四庫全書

南北史合注  
卷九十五

十二

例除非有呼召各按部自守不得輒奔赴闕庭禮有通  
塞隨時之義葬訖內外悉除服從吉三年內勿禁婚娶  
一如平常事有不盡準此為斷死而可忍古人有之朕  
今忍死盡此懷抱其詔即帝口授也辛丑帝崩於延壽  
殿時年二十七謚曰明皇帝廟號世宗五月辛未葬昭  
陵帝寬仁明厚敦睦九族有君人之量幼而好學博覽  
羣書善屬文詞彩溫麗及即位集公卿已下有文學者  
八十餘人於麟趾殿刊校經史又摺採衆書自義農已



來訖於魏末叙為世譜凡百卷所著文章十卷

論曰昔者水運將終羣凶放命或權威震主或彘逆滔天咸謂大寶可以力致神器可以求得而卒誅夸繼及亡不旋踵是知天命有底庸可怡乎周文爰自替躍眾無一旅驅馳戎馬之際躡足行伍之間時屬與能運膺起聖鳩集義勇糾合同盟一舉而殄仇讎再駕而匡王室內詢帷幄外仗材雄推至誠以待人弘大順以訓物高氏藉甲兵之眾恃戎馬之強屢入近畿志圖吞噬及

欽定四庫全書

南北史合注  
卷九十五

三九

英謀電發神旆風馳弘農建城濮之勳沙苑有昆陽之捷取威定霸以弱為強紹元宗哀緒創隆周景命南清江漢西舉巴蜀北控沙漠東據伊瀍乃擯落魏晉憲章古昔脩六官廢典成一代鴻規德刑並用勳賢兼叙遠安邇悅俗阜人和功業若此人臣以終盛矣哉非求雄畧冠時英姿不世天與神授緯武經文者孰能與於此乎昔漢獻蒙塵曹公成夾輔之業晉安播蕩宋公建匡合之勳校德論功綽有餘裕至於渚宮制勝闔城孑戮

柔然歸命盡種誅夸

太平廣記曰泰遣兵襲破荊州鹵繫朝士民庶百四十餘萬口殺梁孝元又為突厥所逼盡誅柔然來歸者五百餘人其主臨死仰天而嘆後病見孝元及柔然主為祟怒罵之

雖事出權道而用乖德教斯為過矣

愚按周文兩弑其君祚安得常乃舍其內而摘其外何也

欽定四庫全書

南北史合注  
卷九十五

四

孝閔承既安之業膺樂推之運明皇處代却之尊纂太宗之緒始則權臣專命終乃政出私門俱懷芒刺之疑用致幽絀之禍惜哉

南北史合注卷九十五



欽定四庫全書

南北史合注卷九十六

明 李清撰

周本紀下第十

北史十

高祖武皇帝諱邕字彌羅突文帝第四子母叱奴太后  
魏大統九年生於同州有神光照室幼而孝敬聰敏有  
器質文帝異之曰成吾志者此兒年十二封輔城郡公  
孝閔帝踐阼拜大將軍出鎮同州明帝即位遷柱國授

欽定四庫全書

南北史合注  
卷九十六

蒲州刺史入為大司空行御正進封魯國公領宗師甚  
見親愛參議朝廷大事性沉深有遠識非因顧問終無  
所言明帝每嘆曰夫人不言言必有中武成二年四月  
帝崩遺詔傳位於公公固讓百官勸進乃從之壬寅即  
皇帝位大赦冬十二月改作路門是歲齊孝昭帝廢其  
主殷而自立

是歲陳文帝天嘉元年又齊主殷乾明元年孝昭帝

皇建元年

保定元年春正月戊申改元文武百官各增四級以大  
冢宰晉公護為都督中外諸軍事令五府總於天官庚  
戌祀圓丘壬子祀方丘甲寅祀感帝於南郊乙卯祭太  
社己巳享太廟班文帝所述六官於廟庭

冊府元龜載詔曰太祖文皇帝捨末魏倣風誕述六  
官厥用允集所謂乾坤改而重構詎止帝王洪範已  
哉今可班於太祖廟庭以揚休烈

甲戌板授高年官各有差乙亥親耕籍田丙子大射於

欽定四庫全書

南北史合注  
卷九十六

正武殿賜百官各有差二月己卯遣大使巡察天下風  
俗甲午朔日於東郊丙午省輦輿去百戲弘農上言九  
尾狐見三月丙寅改八丁兵為十二丁兵率歲一月役  
夏四月丙子朔日有蝕之庚寅以少傅吳公尉遲綱為  
大司空丁酉白蘭遣使獻犀甲鐵鎧五月丙午封孝閔  
帝子康為紀國公皇子贊為魯國公晉公護獲玉斗以  
獻六月乙酉遣御正殷不害使於陳秋七月戊申以旱  
故詔所在降死罪已下囚更鑄錢文曰布泉以一當五



與五銖並行

周書載已酉追封皇伯父顓為郡國公次伯父連為杞國公第三伯父洛生為莒國公又追封武邑公震為宋國公並襲封

九月甲辰南寧州使獻滇馬及蜀鎧冬十月甲戌朔日有蝕之十一月乙巳陳人來聘進封柱國廣武公竇熾為鄧國公丁巳狩於岐陽是月齊孝昭帝殂十二月車駕至自岐陽是歲突厥吐谷渾高昌宕昌龜茲等國並

欽定四庫全書

南北史合注  
卷九十六

遣使朝貢

是歲齊武成帝大寧元年

二年春正月壬寅初於蒲州開河渠同州開龍首渠以廣灌溉丁未以陳主弟頊為柱國送還江南閏月己亥大司馬涼公賀蘭祥卒二月癸丑以久不雨宥罪人京城三十里內禁酒梁宣帝殂夏四月甲辰以旱故禁屠

宰  
周書載丁巳南陽獻三足烏湘州上言見二白鹿從

三角獸而行

癸亥詔曰諸柱國等勲德隆重宜有優崇各準別制邑戶聽寄食他縣五月庚午以山南眾瑞並集大赦免今年役及租賦之半壬辰以柱國隋公楊忠為大司空六月己亥以柱國蜀公尉遲迥為大司馬分山南荊州安州襄州江陵為四總管秋七月己巳封開府賀拔緯為霍國公九月戊辰朔日有蝕之陳人來聘冬十月辛亥帝御大武殿大射戊午講武於少陵原

欽定四庫全書

南北史合注  
卷九十六

冊府元龜載丁未詔曰昔唐堯疎葛之衣粗糲之食尚臨汾陽而永嘆登姑射而興想况無聖人之德而嗜欲過之朕甚惡焉今巨寇未平軍費甚廣百姓誰與為足凡朕衣服飲食所須爰及宮內調度朕今手自減削凡爾百司其各思省約曷朕不逮

十一月丁卯以大將軍衛公直趙公招並為柱國  
是歲齊河清元年後梁孝明帝天保元年

三年春正月辛未改光遷國為遷州乙酉冢宰護逼殺



太保梁公侯莫陳崇二月庚子初頒新律辛丑渭州獻一足烏辛酉詔自今舉大事行大政非軍機急速皆依月令以順天心三月乙丑朔日有蝕之丙子宕昌國獻生猛虎二詔放之南山乙酉益州獻三足烏夏四月乙未以柱國鄭公達奚武為太保大將軍韓果為柱國己亥帝御正武殿錄囚徒癸卯大雩癸丑有牛足生於背戊午幸太學以太傅燕公于謹為三老而問道焉初禁報讎犯者以殺人論壬戌詔百官及庶人上封事極言

欽定四庫全書

南北史合注 卷九十六

五

得失五月甲午朔以旱故避正寢不受朝甲戌雨秋七月戊辰行幸原州庚午陳人來聘丁丑幸津門問百姓賜以金帛又賜高年板職各有差降死罪囚一等八月丁未改作路寢九月甲子自原州登隴山丙戌幸同州戊子詔柱國楊忠帥騎一萬與突厥伐齊己丑初令世襲州郡縣者悉改為五等爵州封伯郡封子縣封男冬十月庚戌陳人來聘十二月辛卯車駕至自同州遣太保達奚武率騎三萬出平陽以應楊忠是月有人生子

男而陰在背後如尾兩足指如獸爪有犬生子腰以後分為二身兩尾六足

四年春正月庚申楊忠破齊長城至晉陽而還二月庚寅朔日有蝕之三月庚辰初令百官執笏夏四月癸卯以柱國鄧公竇熾為大宗伯五月壬戌封明帝長子賢為畢國公癸酉以大將軍安武公李穆為柱國丁亥改禮部為司宗大司禮為禮部大司樂為樂部六月庚寅改御伯為納言秋八月丁亥朔日有蝕之詔柱國楊忠

欽定四庫全書

南北史合注 卷九十六

六

帥師與突厥東伐至北河而還戊子以柱國齊公憲為雍州牧以許公宇文貴為大司徒九月丁巳以柱國衛公直為大司空封開府李虎為唐國公若于鳳為徐國公陳人來聘是月以皇世母閭氏自齊至大赦閏月己亥以大將軍韋孝寬長孫儉並為柱國冬十月癸亥以大將軍陸通宇文盛蔡公廣並為柱國甲子詔大象宰晉公護伐齊帝齋於太廟庭授以斧鉞

周書宇文護傳載詔曰太祖丕授天明造我周室高



氏乘釁跋扈竊有并冀世濟其惡腥穢彰聞皇天震怒假手突厥驅略汾晉掃地無遺坐待滅亡鑒之愚智故突厥班師仍屯彼境更集諸部傾國齊至星流電擊數道俱進期在仲冬同會并鄰大冢宰晉公朕之懿昆惟公是屬朕當親執斧鉞廟庭祇受有司宜勒衆軍量程赴集進止遲速委公處分

於是護總大軍出潼關大將軍權景宣帥山南諸軍出豫州少師楊樹出軹關丁卯帝幸沙苑勞師癸酉還宮

欽定四庫全書

南北史合注  
卷九十六

七

十一月甲午柱國尉遲廻圍洛陽柱國齊公憲營芒山晉公護次陝州十二月丙辰齊豫州刺史王士良以州降壬戌齊師渡河晨至洛陽諸軍驚散尉遲廻帥麾下數十騎扞敵得却至夜引還柱國王雄力戰死之遂班師楊樹於軹關戰沒權景宣亦棄豫州而還是歲突厥粟特焉耆等國並遣使朝貢

五年春正月甲申朔以柱國王雄死王事故廢朝辛卯白虹貫日乙巳以雄世子謙為柱國二月辛丑詔陳公

純等逆皇后於突厥丙寅以柱國李穆為大司空綏德

公陸通為大司寇壬申行幸岐州戊子柱國豆盧寧卒

夏四月齊武成帝禪位太子緯自稱太上皇帝五月丙

戌以皇族父興襲虞國公己亥左右武伯各置中大夫

一人六月庚申彗星出三台入文昌犯上將經紫宮入

苑漸長丈餘百日乃滅辛未詔江陵人年六十五已上

為官奴婢者已令放免其公私奴婢年七十以外者所

在官私宜贖為庶人秋七月辛巳朔日有蝕之庚寅行

欽定四庫全書

南北史合注  
卷九十六

八

幸秦州降死罪已下刑辛丑遣大使巡察天下八月丙

子車駕至自秦州九月益州獻三足烏冬十月辛亥改

函谷關城為通洛坊十一月庚辰岐州上言一角獸見

丁未陳人來聘是歲吐谷渾遣使朝貢

是歲齊後主緯天統元年

天和元年春正月己卯朔日有蝕之辛巳考路寢命厚

臣賦古詩京邑耆老亦會焉頌賜各有差癸未大赦改

元百官普加四級己亥親耕籍田丁未於宕昌國置宕



州遣小載師杜杲使於陳二月戊辰詔三公已下各舉所知庚午日闕光遂微日中見烏三月丙午祀南郊夏四月辛亥雩甲子日有交暈白虹貫之是月陳文帝殂五月庚辰帝御正武殿集羣臣親講禮記吐谷渾龍涸王莫昌率戶內附以其地為扶州甲午詔曰甲子乙卯禮云不樂長弘表昆吾之稔杜蕢有揚解之文自世道喪亂禮儀紊毀此典茫然已墜於地宜依是日省事停樂庶知為君之難為臣不易貽之後昆殷鑒斯在六月

欽定四庫全書

南北史合注 卷九十六

九

丙午以大將軍辛威為柱國秋七月戊寅築武功郿斜谷武都留谷津坑諸城以置軍民壬午詔諸胄子入學但束脩於師不勞釋奠釋奠者學成之祭自今為恒式八月己未詔諸有三年喪或負土成墳或寢苫骨立一志一行可稱揚者本部官司隨事上言當加帛勉以勵薄俗九月乙亥信州蠻反詔開府陸騰討平之冬十月甲子初造山雲儼以備六代樂十一月丙戌行幸武功等城十二月庚申還宮

是歲陳天康元年

二年春正月癸酉朔日有蝕之己亥親耕籍田三月癸酉改武遊園為道會苑丁亥初立郊丘壇墼制度夏四月乙巳省併東南諸州以大將軍陳公純為柱國五月丁丑進封安武公李穆為申國公六月辛亥尊所生叱奴氏為皇太后閏月庚午地震戊寅陳湘州刺史華皎帥眾來附遣衛國公直等援之因而南伐壬辰以大將軍譙公儉為柱國秋七月辛丑梁州上言鳳凰集樞樹

欽定四庫全書

南北史合注 卷九十六

十

羣鳥列侍萬數甲辰立路門學置生七十二人九月衛公直等與陳將淳于量吳明徹戰於沌口王師敗績元定以步騎數千先渡遂沒江南冬十一月戊戌朔日有蝕之癸丑太保許國公宇文貴卒冊府元龜載是年省掖庭四夸樂後宮羅綺宮人五百餘人是歲突厥吐谷渾安息等國並遣使朝貢是歲陳主伯宗光大元年



三年春正月辛丑祀南郊二月丁卯幸武功丁亥還宮  
三月癸卯皇后阿史那氏至自突厥甲辰大赦丁未大  
會百寮及賓客於路寢戊午太傅燕公于謹卒夏四月  
辛巳以太保達奚武為太傅大司馬尉遲迴為太保柱  
國齊公憲為大司馬五月庚戌享太廟庚申幸醴泉宮  
六月甲戌有星孛於東井秋七月壬寅柱國隋公楊忠  
薨戊午車駕還宮八月乙丑韓公元羅薨齊人來聘請  
和親詔軍司馬陸逞報聘於西帝御大德殿集百寮及  
欽定四庫全書

南北史合注  
卷九十六

十一

經成集百寮講說封魏廣平公子元謙為韓國公以紹  
魏後  
愚考新唐書宰相世系圖乃知謙為西魏廣平公贊  
子孝文帝玄孫  
丁巳柱國吳公尉遲綱卒六月築原州及涇州東城秋  
七月車駕還宮丁巳突厥遣使獻馬柱國昌寧公長孫  
儉卒  
是歲陳孝宣帝太建元年  
欽定四庫全書

南北史合注  
卷九十六

十二

五年春二月己巳封邵惠公孫胄為邵國公三月辛卯  
進封柱國韋孝寬為鄆國公甲辰初令宿衛官員往關  
外者將家累入京不樂者解宿衛夏四月甲寅以柱國  
宇文盛為大宗伯幸醴泉宮省帥都督官丙寅遣大使  
巡察天下六月壬辰封開府梁睿為蔣國公丙子以皇  
女生故降宥罪人并免通租懸調七月車駕還宮冬十  
月辛巳朔日有蝕之丁酉太傅鄭公達奚武卒十一月  
乙丑追封章武公導為幽國公丁卯柱國幽公廣薨十



二月癸巳大將軍鄭恪帥師平越雋置西寧州是月齊將斛律光侵邊於汾北築城自華谷至龍門

是歲齊武平元年

六年春正月己酉朔以路門未成故廢朝詔齊公憲率師禦斛律光丁卯以大將軍王傑譚公會鴈門公田弘魏公李暉等並為柱國三月己酉齊公憲自龍門渡河斛律光退保華谷憲攻拔其新築五城夏四月戊寅朔日有蝕之辛卯信州蠻反遣大將軍趙閻帥師討平之

欽定四庫全書

南北史合注 卷九十六

庚子以大將軍司馬消難侯莫陳瓊大安公閻慶神武公竇毅南陽公叱羅協平高公侯伏侯龍恩並為柱國封開府斛斯徵為岐國公右官伯長孫覽為薛國公五月癸亥遣納言鄭詡使於陳丙寅以大將軍李虎中山公訓杞公亮上庸公陸騰安義公宇文邕北平公冠紹許公宇文善犍為公高琳鄭公達奚震隴東公楊纂常山公于翼並為柱國六月乙未以大將軍太原公王秉為柱國是月齊將段韶攻陷汾州秋七月乙丑以大將

軍越公盛為柱國八月癸酉省掖庭四夷樂後宮羅綺工五百餘人冬十月壬午冀公通薨乙未遣右武伯谷會琨使於齊壬寅帝親帥六軍講武城南十一月壬子以大將軍侯莫陳芮大將軍李意並為柱國丙辰齊人來聘丁巳行幸散關十二月己丑還宮是冬牛疫死者十六七

建德元年春正月戊午帝幸玄都觀親御法座講說公卿道俗論難事畢還宮降死罪及流罪一等其五歲刑

欽定四庫全書

南北史合注 卷九十六

已下並宥之二月癸酉遣大將軍昌城公深使於突厥司宗李際使於齊乙酉柱國安義公宇文邕薨二月癸卯朔日有蝕之齊人來聘丙辰誅大冢宰晉公護及其子柱國譚公會并柱國侯伏侯龍恩及其弟大將軍萬壽大將軍劉勇等大赦改元

周書宇文護傳載詔曰太師大冢宰晉公護地實宗親義兼家國爰初草創同濟艱難遂任總朝權寄深家國不能竭其誠効罄以心力盡事君之節申送往



之情朕兄故略陽公英風神機禮歸當辟遺訓在耳  
忍害先加永尋推割貫切骨髓世宗明皇帝聰明神  
武護內懷凶悖外託尊崇凡厥臣民誰無怨憤朕纂  
承洪基十有三載委政師輔責成宰司護志在無君  
義違臣節懷茲螫毒逞彼狼心任情誅暴肆行威福  
朋黨相煽貨賄公行所好加毛羽所惡生瘡痍朕約  
已罪躬情存庶政每恩施寬惠下輒抑而不行遂使  
戶口彫殘征賦勞劇家無日給民不聊生且三方未

欽定四庫全書

南北史合注  
卷九十六

十五

定邊隅尚阻疆場待車旗之備武夫資扞城之力侯  
伏侯龍恩萬壽劉勇等未効勲庸先居上將高門峻  
宇甲第雕牆實繁有徒同惡相濟百姓嗷嗷含生業  
業嘗恐七百之基忽焉顛墜億兆之命一旦陷危上  
累祖宗之靈下負蒼生之責今肅正典刑護已即罪  
其餘凶黨咸亦伏誅氛霧既清遐邇同慶可大赦天  
下改天和七年為建德元年

罷中外府癸亥以太傅尉遲迥為太師柱國實熾為太

傅大司空李穆為太保齊公憲為大冢宰衛公直為大  
司徒趙公招為大司空柱國辛威為大司寇綏德公陸  
通為大司馬詔曰民亦勞止則星動於天作事不時則  
石言於國頃興造無度徵發不已加以頻歲師旅農畝  
廢業去秋災蝗年穀不登自今正調外無妄徵發夏四  
月甲戌以代公達滕公迥並為柱國己卯詔公卿已下  
各舉所知遣工部代公達使於齊丙戌詔百官軍民上  
封事極言得失丁亥詔斷四方非常貢獻庚寅追尊略

欽定四庫全書

南北史合注  
卷九十六

十六

陽公為孝閔皇帝癸巳立魯公贊為皇太子大赦百官  
各加封級五月封衛公直長子賓為莒國公紹莒莊公  
洛生後壬戌以大旱集百寮於庭詔之曰亢陽不雨豈  
朕德薄刑賞年中歟將公卿大臣或非其人歟宜盡直  
言無有所隱公卿各引咎自責其夜澍雨六月庚子改  
置宿衛官員秋七月辛丑陳人來聘九月庚子朔日有  
蝕之庚申扶風掘地得玉盃以獻冬十月庚午詔江陵  
所獲俘虜充官口者悉免為民辛未遣小匠師楊勰使



於陳大司馬綏德公陸通卒十一月丙午帝親御六軍講武於城南庚戌行幸羌橋集京城以東諸都督以上頒賜各有差乙卯還宮壬戌以大司空趙公招為大司馬十二月壬申行幸斜谷集京城以西諸軍都督以上頒賜有差丙戌還宮己丑帝御正武殿親錄囚徒至夜罷庚寅幸道會苑以上善殿壯麗遂焚之

隋書五行志曰是年濮陽郡有石像郡官令載向府將刮取金在道自躍投地如是者再乃以大繩縛着

欽定四庫全書

南北史合注 卷九十六

十七

車壁又絕繩而下

二年春正月辛丑祀南郊乙巳以柱國田弘為大司空大將軍若于鳳為柱國庚戌復置帥都督官乙卯享太廟閏月己巳陳人來聘二月辛亥白虹貫日甲寅詔皇子贊巡撫西土壬戌遣司會侯莫陳凱使於齊省雍州內八部併入京兆馮詡扶風咸陽等郡三月己卯皇太子於岐州獲白鹿二以獻詔答曰在德不在瑞癸巳省六府諸司中大夫以下官府置四司以下大夫為官之

長上士貳之夏四月己亥享太廟丙辰增改東宮官員五月丁丑以柱國侯莫陳瓊為大宗伯榮陽公司馬消難為大司寇上庸公陸騰為大司空六月庚子省六府員外諸官皆為丞壬子皇孫衍生文武官普加一級大階大選諸軍將帥丙辰帝御路寢集諸軍將勛以戎事庚申詔諸軍旗旌皆畫猛虎鷲鳥之狀秋七月己巳享太廟自春末不雨至是月壬申集百寮於大德殿帝責躬罪已問以時政得失戊子雨八月丙午改三夫人為

欽定四庫全書

南北史合注 卷九十六

十八

三妃闕中大蝗九月乙丑陳人來聘戊寅詔以頃者婚嫁競為奢靡有司宜加宣勒使遵禮制壬午納皇太子妃楊氏冬十月癸卯齊人來聘甲辰奏六代樂成帝御崇信殿集百官觀之十一月辛巳帝親帥六軍講武城東癸未集諸軍都督以上五十人於道會苑大射帝親臨射堂大備軍容十二月癸巳集羣官及沙門道士等帝升高座辨三教先後以儒教為先道教次之佛教為後以大將軍赫連達為柱國詔軍民間年多者壽可頒



授老職使榮沾邑里戊午聽訟於正武殿自旦及夜繼之以燭

三年春正月壬戌朝羣臣於路門進柱國齊公憲衛公直趙公招譙公儉陳公純趙公盛代公達滕公通爵為王己巳享太廟庚午突厥遣使獻馬癸酉詔自今男年十五女年十三以上爰及鰥寡所在以時嫁娶務從節儉乙亥親耕籍田丙子初服短衣享二十四軍督將以下試以軍旅之法縱酒盡歡詔以往歲年穀不登令公

欽定四庫全書

南北史合注

卷九十六

私道俗凡有貯積粟麥者皆準口聽留已外盡糶二月壬辰朔日有蝕之丁酉紀公康畢公賢鄧公貞宋公實漢公贊秦公贄曹公允並進爵為王丙午令六府各舉賢良清正之士癸丑柱國許公宇文善有罪免乙卯幸雲陽宮丙辰大赦三月辛酉車駕還宮癸酉皇太后叱奴氏崩帝居倚廬朝夕供一溢米羣臣表請累旬乃止詔皇太子贊總庶政夏四月乙卯齊人來弔賜會葬丁巳有星孛於東井五月庚申英文宣后於永固陵帝袒

既至陵所辛酉詔曰齊斬之情經籍彙訓近代沿革遂亡斯禮伏奉遺令既葬便除攀慕凡延情實未忍三年之喪達於天子古今無易之道王者所常行但時有未諧不得全制軍國務重庶有聽朝衰麻之節苦廬之禮率遵前典以申罔極百寮已下宜遵遺令公卿上表固請俯就權制過葬即吉帝不許引古答之羣臣乃止遂申三年之制五服內亦令依禮初置太子諫議員四人文學十人皇子皇弟友員各二人學士六人戊辰詔故

欽定四庫全書

南北史合注

卷九十六

晉公護及諸子追復先封改葬加謚初斷佛道二教經像悉毀罷沙門道士並令還俗佛藏曰帝將廢佛法集衆僧名儒道士文武二千餘人會議者四時見帝精悟明鑒內烈外溫皆莫敢爭獨僧靜藹智炫爭之甚力智炫至云今欲廢佛存道猶以庶代嫡帝生母叱奴太后也帝作色入內終不聽然亦不罪明旦出勅二教俱廢靜藹憤法淪沒以刀刺心死智炫尋遁齋



隋書五行志曰齊後主時有桑門貌如狂人見鳥則向之作禮見沙門則毆辱之烏周色未幾周滅齊除佛法

并禁諸淫祀非祀典所載者盡除之六月丁未集諸軍將教以戰陣之法壬子更鑄五行大布錢以一當十與布泉錢並行戊午詔曰至道弘深混成無際體包空有理極幽玄但岐路既分源流逾遠淳離朴散形器斯乖遂使三墨八儒朱紫交競九流七畧異說相騰道隱小

欽定四庫全書

南北史合注 卷九十六

五

成其來舊矣不有會歸爭驅靡息今可立通道觀聖哲微言先賢訓典金科玉篆秘蹟玄文可以濟養黎元扶成教義者並宜弘闡一以貫之俾夫翫培塿者識嵩岱之崇岷守積礫者悟渤澥之泓澄不亦可乎

佛藏曰周武雖滅二教意存道術乃置通道觀學士三百人並選佛道兩宗奇才俊邁者充之不久廢觀聽士隨才賦任

秋七月庚申行幸雲陽宮乙酉衛王直在京反欲突入

蕭章門司武尉暹運等拒守直敗遁走戊子車駕還宮八月辛卯擒直於荊州免為庶人丙申幸雲陽宮冬十月丙申詔御正楊尚希使於陳庚子詔蒲州民遭飢乏絕者令向鄜城以西及荊州管內就食甲寅幸蒲州乙卯曲赦蒲州見囚大辟以下丙辰幸同州十一月戊午子闡遣使獻名馬已巳大閱於同州城東甲戌車駕至自同州十二月戊子大會衛官及軍民以上賜錢帛各有差丙申改諸軍軍人並名侍官癸卯集諸軍講武於

欽定四庫全書

南北史合注 卷九十六

五

臨臯澤涼州比年地震壞城郭地裂涌泉出

四年春正月戊辰初置營軍器監壬申詔刺史守令親勸農桑事非機要悉停至秋布寬大之令多所蠲免癸酉幸同州二月丙戌朔日有蝕之辛卯改置宿衛官員已酉柱國廣德公李意有罪免三月丙辰遣小司寇元倬使於齊郡縣各省主簿一人丙寅車駕還宮甲戌以柱國趙王招為雍州牧夏四月甲午柱國燕公子寶有罪免丁酉初令上書者並為表於皇太子以下稱啟秋



七月丙辰幸雲陽宮己未禁五行大布錢不得出入關  
布泉錢聽入而不聽出丁卯車駕還宮甲戌陳人來聘  
丙子召大將軍以上於大德殿帝親諭以伐齊之旨言  
往以政出權宰無所措懷自親覽萬機便圖東討惡衣  
非食繕甲練兵數年以來戰備稍足而偽主昏虐恣行  
無道伐暴除亂斯實其時

周書又載帝言曰今欲數道出兵水陸並進北拒太  
行之路東扼黎陽之險若東拔河陰充豫馳檄可定

欽定四庫全書

南北朝合注  
卷九十六

三五

然後養銳享士以待其至但得一戰破之必矣  
羣臣咸稱善丁丑下詔暴齊氏過惡

周書載詔曰高氏因時放命據有汾漳擅假名器歷  
年永久朕以亭毒為心遂敦聘好而彼懷惡不悛背  
言負信竊邑藏奸往者軍下宜陽蒙由彼始兵興汾  
曲事非我先此獲俘囚禮送相繼彼所拘執曾無一  
反加以淫刑妄送毒賦繁興齊魯軫珍悴之哀幽并  
啟來蘇之望既禍盈惡稔衆叛親離不有一戎何以

大定今白藏辰涼風戒節朕當躬御六師恭行天  
罰庶憑祖宗之靈潛資將士之力風馳九有電掃八  
紘可分命衆軍指期進發

以柱國陳王純為前一軍總管司馬消難為前二軍總  
管鄭公達奚震為前三軍總管趙王盛為後一軍總管  
周昌公侯莫陳瓊為後二軍總管趙王招為後三軍總  
管齊王憲帥衆二萬趨黎陽隋公楊堅廣寧公侯莫陳  
迴帥舟師三萬自渭入河柱國梁公侯莫陳芮帥衆一

欽定四庫全書

南北朝合注  
卷九十六

三五

萬守太行道申國公李穆帥衆三萬守河陽道常山公  
于翼帥衆二萬出陳汝壬午帝親帥六軍衆六萬直指  
河陰八月癸卯入齊境禁伐樹殘苗稼犯者以軍法從  
事丁未帝親帥諸軍攻拔河陰大城攻子城未剋帝有  
疾九月辛酉夜班師水軍焚舟而退齊王憲于翼李穆  
等所在剋捷降拔三十餘城皆棄而不守唯以王藥城  
要害令儀同三司韓正守之正尋以城降齊戊寅至自  
東伐冬十月戊子初置上柱國上大將軍官改開府儀



同三司為開府儀同大將軍又置上開府上儀同官甲午幸同州閏月以柱國齊王憲蜀公尉遲迴為上柱國榮陽公司馬消難為梁州總管詔諸畿郡各舉賢良十一月己亥改置司內官員十二月辛亥朔日有蝕之庚午車駕還宮丙子陳人來聘是歲岐寧二州民饑詔開倉賑恤

五年春正月辛卯行幸河東涑川集關河東諸軍校獵甲午還同州丁酉詔分遣大使周省四方察訟聽謠問

欽定四庫全書

南北史合注 卷九十六

民邱隱廢布泉錢戊申初令鑄錢者至絞從者遠配二月辛酉遣皇太子贊巡撫西土仍討吐谷渾三月壬寅

車駕至自同州文宣皇太后服再暮戊申祥夏四月乙卯幸同州五月壬辰還宮六月戊申朔日有食之辛亥享太廟丙辰利州總管紀王康有罪賜死丁巳幸雲陽宮秋七月乙未京師早八月戊申皇太子伐吐谷渾至伏侯城而還乙卯車駕還宮乙丑陳人來聘九月丁丑大醮正武殿以祈東伐冬十月帝復諭羣臣曰朕去歲

屬有疹疾遂不得克平通寇

周書載帝言曰前入賊境備見敵情觀彼行師殆同兒戲又聞其朝政昏亂政由羣小百姓嗷然朝不謀夕天與不取恐貽後悔

于時出軍河外直為撫背未扼其喉然晉州本高歡所起統攝要重今往攻之彼必來援嚴軍以待擊之必克然後乘破竹之勢鼓行而東足以窮其窟穴諸將多不願行帝曰機者事之微不可失沮軍事者以軍法裁之

欽定四庫全書

南北史合注 卷九十六

己酉帝總戎東伐以越王盛為右軍總管令杞公亮為右二軍總管隋公楊堅為右三軍總管譙王儉為左一軍總管大將軍竇泰為左二軍總管廣化公邱崇為左三軍總管齊王憲陳王純為前軍癸亥帝至晉州遣齊王憲帥精騎二萬守雀鼠谷陳王純步騎二萬守千里徑鄭公達奚震步騎一萬守統軍川大將軍韓明步兵五千守齊子嶺烏氏公尹升步騎五千守鼓鍾鎮涼城公辛韶步騎千守蒲津關柱國趙王招步騎一萬自華



谷攻汾州諸城柱國宇文盛步騎兵一萬守汾水關遣  
內史王誼監六軍攻晉州城帝屯於汾曲齊王憲攻洪  
洞永安二城並拔之是夜虹見於晉州城上首向南尾  
入紫宮帝每日自汾曲赴城下親督戰庚午齊行臺左  
丞侯子欽出降壬申齊晉州刺史崔嵩夜密使送款上  
開府王軌應之未明登城遂剋晉州甲戌以上開府梁  
士彥為晉州刺史鎮之十一月己卯齊主自并州帥眾  
來援帝以其兵新集且避之詔諸軍班師齊主遂圍晉

欽定四庫全書

南北史合注  
卷九十六

七

州齊王憲屯諸軍於涑水為晉州聲援河東地震癸巳  
至自東伐獻俘於太廟

周書載冬十一月甲午詔曰偽齊違信背約惡稔禍  
盈是以親總六師問罪汾晉兵威所及莫不摧殄賊  
眾危惶鳥栖自固暨元戎及旆方來聚結遊魂境首  
尚敢趨起朕方更率諸軍應機除剪

丙申放齊諸城鎮降人還丁酉帝發京師壬寅渡河與  
諸軍合十二月戊申次晉州庚戌帝帥諸軍八萬置陣

東西二十餘里乘常御馬從數人巡陣所至輒呼主帥  
姓名慰勉之將士感見知各思自厲將戰有司請換馬  
帝曰朕獨乘良馬何所之齊主亦於塹北列陣

周書曰初齊攻晉州恐王師猝至於城南穿塹自喬  
山臨汾水

申後齊人填塹南引帝大喜勸諸軍擊之齊人便退齊  
主與其麾下數十騎走還并州齊眾大潰軍資甲仗數  
百里間委棄山積辛亥帝幸晉州仍率諸軍追齊主諸

欽定四庫全書

南北史合注  
卷九十六

八

將因請還師帝曰縱敵患生卿等若疑朕將獨往諸將  
不敢言甲寅齊主遣其丞相高阿那肱守高壁帝麾軍  
直進那肱望風退散丙辰師次介休齊將韓建業舉城  
降以為上柱國封郟國公丁巳大軍次并州齊主留其  
從兄安德王延宗守并州自將輕騎走鄴是月詔齊王  
公以下示以順逆之道

冊府元龜載詔曰朕經臨萬國志清四海嗟彼齊趙  
獨為匪氓乃眷東顧載深長思為主高緯涼德早聞



醜聲夙著酒色是耽盤遊是悅閹豎居阿衡之位胡人寄唇吻之重棟梁骨鯁剪為仇讐狐趙餘緒降為阜隸民不見德唯虐是聞朕懷茲漏網置之度外欲各靜封疆而爾之主相反構厲階惟懼戲魚弱之謀爪牙奮干戈之勇羸糧裹甲若赴私仇是以一鼓而定晉川再舉而推逋醜偽丞相高阿那肱驅逼餘燼竊據高壁偽定南王韓建業作守介休規相抗擬聊示兵威應時崩潰或單馬宵遁或面縛軍門若懷遠

欽定四庫全書

南北史合注 卷九十六

以德則爾難德綏若處隣以義則爾難義服朕親馭羣雄長驅海內大軍舒旆萬隊啟行望歲之民室家相慶來蘇之后思副厥成偽主若妙盡人謀深達天命當惠以焚觀待以列侯偽相王公以下衣冠士民之族如有深知事宜建功立效官榮爵賞各有加隆執迷不改則委之執憲以正刑書嗟爾士庶胡寧自棄善求多福無貽後悔

於是齊將帥降者相繼封其特進賀拔伏恩為都國公

餘官爵有差戊午高延宗僭即偽位改年德昌己未軍次并州帝帥諸軍合戰齊人退帝逐北及城東門諸軍連城置陣至夜延宗帥其眾排陣而前城中軍却人相蹂踐大為延宗所敗齊人欲閉門以闔下積尸靡不得闔帝從數騎崎嶇危險僅得出門至明

資治通鑑曰帝駐馬鳴角收兵

帥諸軍更戰大破之擒延宗并州平壬戌詔曰昔天厭水運龍戰於野兩京否隔四紀於茲朕垂拱巖廊君臨

欽定四庫全書

南北史合注 卷九十六

宇縣相邠人於海內混楚弓於天下一物失所有若推溝方欲德綏未服義征不諛偽主高緯放命燕齊怠慢典刑傲覆天紀加以背惠怒隣棄信忘義朕應天從物伐罪弔民一鼓而蕩平陽再舉而推強敵偽署王公相繼道左高緯智窮數屈逃竄草間偽安德王高延宗擾攘之間遂竊名號與偽齊昌王莫多婁敬顯等收合餘燼背城借一王威既振魚潰鳥離破竹更難建瓴非易延宗眾散衿甲軍門根本既傾枝葉自實幽青海岱折



簡而來冀北河南傳檄可定八紘共貫六合同風方當  
偃伯靈臺休牛桃塞無疆之慶非獨在予漢皇約法除  
其苛政姬王輕典刑彼新邦思覃惠澤被之率土新集  
臣庶皆從蕩滌可大赦天下高緯及王公以下若釋然  
歸順咸許自新或我之將卒亡入偽朝亦從寬宥官榮  
次序依例無失齊制偽令即宜削除鄒魯指紳幽并騎  
士一介可稱即宜銓錄丙寅出齊宮中金銀寶器珠玉  
麗服及宮女二千人班賜將士以柱國趙王招陳王純

欽定四庫全書

南北史合注  
卷九十六

主

越王盛祀公亮梁公侯莫陳芮庸公王謙北平公冠紹  
鄭公達奚震並為上柱國封齊王憲子安城郡公質為  
河間王

周書載進大將軍廣化公邱崇為潞國公神水公姬  
願為原國公廣業公尉遲運為魯國公

諸有功者封授各有差癸酉帝帥六軍趣鄴

是歲齊隆化元年

六年春正月乙亥齊主傳位於其太子恒改年承光自

號太上皇壬辰帝至鄴癸巳帥諸軍圍之齊人拒守諸  
軍奮擊大破之遂平鄴

興亡論曰軍令肅然秋毫無犯數旬而定不戮一人  
未及下車草具與政山東士女欣戴如歸

齊主先送其母及妻子於青州及城陷帥數十騎走青  
州遣大將軍尉遲勤追之是戰也於陣獲其齊昌王莫  
多婁敬顯帝數之曰汝有死罪三前從并州走鄴棄母  
攜妻妾不孝外為偽主戮力內實通啟於朕不忠送款

欽定四庫全書

南北史合注  
卷九十六

主

後猶持兩端不信如此用懷不死何待遂斬之是日西  
方有聲如雷甲午帝入鄴詔去年大赦班宣未及之處  
皆從赦例封齊開府洛州刺史獨孤永業為應國公已  
亥詔曰晉州大陣至鄴身殞戰場者其子即授父本官  
尉遲勤擒齊主及其太子恒於青州庚子詔曰偽齊之  
末奸佞擅權濫罰淫刑動挂羅網偽右丞相咸陽王故  
斛律光偽侍中特進開府故崔季舒等七人  
愚按崔季舒為權臣高澄心腹奉毆孝靜一死不足



贖何優贈之有

或功高獲罪或直言見誅朕兵以義動剪除凶暴表閭封墓事切下車宜追贈諡并加寔措其見在子孫各隨蔭叙錄家口田宅沒官者並還之辛丑詔偽齊東山南園及三臺並毀撤瓦木諸物凡入用者盡賜百姓山園之田各還本主

周書載詔曰偽齊叛渙竊有漳濱世縱淫風事窮離飾或穿池運石為山學海或層臺累構蔽日凌雲以

欽定四庫全書

南北史合注 卷九十六

三

暴亂之心極奢侈之事有一於此未或弗亡朕非食薄衣以弘風教追念生民之費尚想力役之勞方當易茲輿俗率歸節儉其東山南園及三臺可並毀撤瓦木諸物凡入用者盡賜下民山園之田各還本主二月丙午論定諸軍勳置酒於齊太極殿會軍士以上班賜有差丁未齊主至帝降自阼階見以賓主禮齊任城王潛在冀州擁兵未下遣上柱國齊王憲與柱國隋公楊堅討平之齊范陽王高紹義叛入突厥齊諸行臺

州鎮悉降關東平合州五十五郡一百六十二縣三百八十五戶三十萬二千五百二十八口二千萬六千八百八十六乃於河陽及幽青南兗豫徐北朔定州置總管府相并二總管各置官及六府官癸丑詔自偽武平三年以來河南諸州人偽齊破掠為奴婢者不問公私並放免其住在淮南者亦即聽還願住淮北者可隨便安置瘡疾孤老不能自存者所在矜恤

周書載詔曰無侮斃獨事顯前書哀彼衿人惠流往

欽定四庫全書

南北史合注 卷九十六

三

訓偽齊末政昏虐實繁災甚滔天流毒比屋無罪無辜係虜三軍之手不飲不食僵仆九遠之門朕為民父母職養黎民念甚泣辜情深罪已除其苛政事屬改張宜加寬宥兼行賑卹云

乙卯車駕發自鄴丙辰以柱國楊堅為定州總管三月壬午詔山東諸州各舉士

僧道論衡曰周武平齊復欲除齊地佛法名諸大德赴殿集議帝升座言曰朕受天命世弘三教儒教禮



義忠信所出故須存立若真佛無像遙敬表心經塔  
何情徒為文費且父母恩重沙門不敬朕欲毀經除  
塔返沙門於家如何時僧慧遠抗言不可帝不聽下  
詔盡除之嘗言以民為子可謂大慈四海為家即同  
法界治政以理何異救物安樂百姓寧殊拔苦其持  
論如此 歷代三寶記曰周武毀滅佛法前代闕山  
西東數百年來所造佛塔掃地悉盡融剝聖容焚滅  
經典八州祠廟出四十千盡賜王公充為第宅三方

欽定四庫全書

南北史合注  
卷九十六

三五

釋子減三百萬皆復軍民還歸編戶

夏四月乙巳至自東伐列齋主於前其王公等並從車  
輿旌旗及器物以次陳於其後備大駕布六軍奏凱樂  
獻俘於太廟京邑觀者皆稱萬歲戊申封齋主為溫國  
公庚戌大會羣臣及諸蕃客於路廟乙卯廢蒲陝涇寧  
四州總管己巳享太廟詔分遣使人巡方撫慰觀風省  
俗

冊府元龜載詔曰東夏既平王道初被偽齋與政餘

風未殄朕劬勞萬機恐下民疾苦不能上達寢與軫  
慮用切於懷宜分道使人云

五月丁丑以柱國譙王儉為大冢宰庚辰以上柱國杞  
公亮為大司徒鄭公達奚震為大宗伯梁公侯莫陳芮  
為大司馬柱國應公獨孤永業為大司寇鄖公韋孝寬  
為大司空辛巳大黜於正武殿以報功己丑祀方立詔  
曰往者冢臣專任制度有違正殿別寢事窮壯麗非直  
雕墻峻宇深戒前王而締構弘敞有踰清廟不軌不物

欽定四庫全書

南北史合注  
卷九十六

三五

何以示後兼東夏初平人未見德率先海內宜自朕始  
其路寢會議崇信舍仁雲和思齊諸殿等農隙之時悉  
可撤毀雕斲之物並賜貧民締造之宜務從卑樸癸巳  
幸雲陽宮戊戌詔曰京師宮殿已從撤毀並鄴二所華  
侈過度誠復作之非我豈容因而弗革諸堂殿壯麗並  
可除蕩薨宇雜物分賜貧民三農之隙別寢營構止蔽  
風雨務在卑狹庚子陳人來聘是月青城門無故自崩  
六月辛亥御正武殿錄囚徒甲子東巡丁卯詔曰自今



不得娶母同姓以為妻妾秋七月己卯封齊王憲第四子廣都公員為莒國公丙戌幸洛州己丑詔山東諸州舉有才智者赴行在所共論政事得夫戌戌以上柱國庸公王謙為益州總管八月壬寅議權衡度量頒於天下其不依新式者悉追停之詔曰以刑止刑以輕代重罪不及嗣皆有定科雜役之徒獨異常憲一從罪配百代不免罰既無窮刑何以措凡諸雜戶悉放為民配雜之科因之永削甲子鄭州獻九尾狐皮肉銷盡骨體猶

欽定四庫全書

南史合注 卷九十六

七

具帝曰瑞應之來必昭有德若使五品時序四海和平家識孝慈乃能致此今無其時恐非實錄乃焚之九月壬申以柱國鄧公竇熾申公李穆為上柱國戊寅初令庶人以上非朝祭之服唯得衣綢綿綢絲布圓綾紗絹綃葛布等九種壬辰詔東土諸州儒生明一經以上並舉送州郡以禮發遣癸卯封上黃公王軌為鄭國公冬十月戊申行幸鄴宮戊午改葬德皇帝於冀州帝服總哭於太極殿百官素服哭是月誣溫公高緯謀反殺之

夷其族十一月壬申封皇子充為道王允為蔡王癸酉陳將吳明徹侵呂梁徐州總管梁士彥與戰不利退守徐州遣上大將軍王軌討之是月稽胡反遣齊王憲討平之詔自魏永熙三年以來十月以前東土人被鈔在化內為奴婢者及平江陵日良人沒為奴婢者並免同民伍詔曰正位於中有聖通典質文相革損益不同五帝則四星之象三王制六宮之數劉曹已降等列彌繁選擇偏於生靈命秩方於庶職椒房丹地有眾如雲本

欽定四庫全書

南史合注 卷九十六

十八

由嗜欲非闕風化朕運當澆季思復古始弘贊後庭事從簡約可置妃二人世婦三人御妻三人按詔所云周武嬪御之簡如此然齊孝昭故后元氏既云入周氏宮而南陽王綽妃鄭氏又云為周武所幸豈八人中齊已居耶恐未可信自茲以外宜悉減省己亥晦日有蝕之初行刑書要制持杖羣強盜一疋以上不持杖羣強盜五疋以上監臨主掌自盜二十疋以上小盜及詐請官物三十疋以上



正長隱五戶及十丁以上隱地三頃以上皆至死刑書所不載者自依律科十二月北營州刺史高寶寧據州起兵庚申行幸并州宮移并州軍人四萬戶於關中丁卯以隋國公楊堅為南兗州刺史戊辰廢并州宮及六府

隋書五行志曰是年陽武有獸三狀如水牛一黃一黑一赤赤與黑鬪久之黃者自傍觸之黑者死黑周所尚色死乃亡象後數年周果滅而隋有天下旌旗

欽定四庫全書

南史合注  
卷九十六

五

尚赤戎服以黃

是歲吐谷渾百濟並遣使朝貢

是歲齊幼主恒承光元年亡

宣政元年春正月癸酉吐谷渾偽趙王他婁屯來降壬午行幸鄴宮辛卯幸懷州癸巳幸洛州詔於懷州置宮二月甲辰柱國大冢宰譙王儉薨丁巳車駕至自東廵乙丑以上柱國越王盛為大冢宰陳王純為雍州牧三月戊辰於蒲州置宮廢同州及長春二宮壬申突厥遣

使朝貢甲戌初服常冠以皂紗為之加簪不施纓導其制若今折角巾云上大將軍王軌破陳師於呂梁擒其將吳明徹等俘斬三萬餘人丁亥詔柱國豆盧寧征江南武陵南平等郡所有士庶為人奴婢者悉依江陵放免壬辰改元夏四月壬子初令遭父母喪聽終制庚申突厥入寇幽州五月己丑帝總戎北伐遣柱國原公姬願東平公宇文神舉等五道俱入發闕中公私馬驢悉從軍癸巳帝不豫止雲陽宮丙申詔停諸軍六月丁酉

欽定四庫全書

南史合注  
卷九十六

五

帝疾甚還京其夜崩於乘輿時年三十六遺詔曰人肖形天地稟質五常脩短之間莫非命也朕君臨宇縣十有九年未能使百姓安樂刑措不用未旦求衣分宵忘寢昔魏室將季海內分崩太祖扶危翼傾肇開正業燕趙榛蕪又竊名號朕上述先志下順人心遂與王公將帥共平東夏雖復妖氛蕩定而民勞未康每一念此若臨冰谷將欲包舉六合混同文軌今遘疾大漸力氣稍微有志不申以此歎息天下事重萬機不易王公以下



爰及庶寮宜輔導太子副朕遺意令上不負太祖下不失為臣朕雖瞑目九泉無所復恨朕平生居處每存菲薄非訓子孫亦本心所好喪事費用須使儉而合禮墓而不墳自古通典隨吉即葬其訖公除四方士庶各三日哭妃嬪以下無子者悉放還家上謚曰武皇帝廟號高祖己未葬孝陵帝沉毅有智謀初以晉公護專權常自晦迹人莫測其深淺及護後始親萬機克已勵精聽覽不怠用法嚴整多所罪殺

欽定四庫全書

南北朝合注 卷九十六

十一

興亡論曰帝天性嚴忍果於殺戮血流盈前不廢飲噉尤好田獵從禽非夜不返飛走之類值無免者帝號令懇惻惟屬意於政羣臣畏服莫不肅然性既明察少恩惠凡布懷立行皆欲踰越古人身衣布袍寢布被無金寶之飾諸宮殿華綺者皆撤毀之土階數尺不施檀栢其雕文刻鏤錦繡纂組一皆禁斷後宮嬪御不過十餘人

興亡論曰帝屏重肉之膳躬大布之衣始自六宮被

於九服令行禁止內外肅然

勞謙接下自強不息以海內未康銳情教習至於校兵閱武步行山谷履涉勤苦皆人所不堪平齊之役見軍士有跣行者帝親脫靴賜之每宴會將士必自執盃勸酒或手付賜物至於征伐躬在行陣性又果決能斷大事故能得士卒死力以弱制強破齊後遂欲平突厥定江南一二年間必使天下一統此其志也

佛藏曰帝滅齊後前沙門任道琳表言不宜殘壞太

欽定四庫全書

南北朝合注 卷九十六

十二

祖所立寺廟請復佛法帝曰自廢法以來民役稍稀租調年增兵師日盛東平偽齊西定妖戎我國樂民安豈非有益且太祖何以屢討齊不克至朕乃平耶道琳曰此偶會耳滅桀誅紂豈皆緣壞佛止見道消國滅未聞兵強祚久帝不聽

宣皇帝諱贊字乾伯武帝長子母李太后武成元年生於同州保定元年五月丙午封魯國公建德元年四月癸巳武帝親告廟冠於阼階立為皇太子二年詔皇太



子巡撫西土文宣后崩武帝諒闇詔太子總朝政五旬  
罷武帝每巡幸四方太子常留監國五年二月又詔太  
子巡西土因討吐谷渾

宣政元年六月丁酉武帝崩戊戌太子即皇帝位尊皇  
后曰皇太后甲子害上柱國齊王憲閏月乙亥詔山東  
流民新復業及突厥侵掠家口破亡不能存濟者給復  
一年立妃楊氏為皇后辛巳以上柱國趙王招為太師

陳王純為太傅柱國代王達滕王迥盧公尉遲運薛公  
欽定四庫全書

南北史合注  
卷九十六

長孫覽並為上柱國是月幽州盧昌期據范陽反詔柱  
國東平公宇文神舉討平之秋七月乙巳享太廟丙午  
祀圓丘戊申祀方澤庚戌以小宗伯岐公斛斯徽為大  
宗伯壬戌以南兗州總管隋公楊堅為上柱國大司馬  
癸亥尊所生李氏為帝太后八月丙寅夕月於西郊長  
安萬年二縣民居京城者給復三年壬申幸同州遣大  
使巡察諸州制九條

周書載曰一曰決獄科罪皆准律文二曰母族絕服

外者聽婚三曰以杖決罰悉令依法四曰郡縣當境  
賊盜不擒獲者並仰錄奏五曰孝子順孫義夫節婦  
表其門閭才堪任用者即宜申薦六曰或昔經驅使  
名位未達或沉淪蓬華文武可施宜並採訪具以名  
奏七曰偽齊七品已上敕收用八品以下爰及流外  
若欲入仕皆聽預選降二等授官八曰州舉高才博  
學者為秀才郡舉經明行脩者為孝廉上州郡歲一  
人下州郡三歲一人九曰年七十以上依式授官鰥

欽定四庫全書

南北史合注  
卷九十六

寡困乏不能自存者並加稟恤

宣下州郡以上柱國薛公長孫覽為大司徒柱國楊公  
王誼為大司空丙戌以柱國永昌公椿為大司寇九月  
丁酉以柱國宇文盛張掖公王傑杞罕公辛威鄖國公  
韋孝寬並為上柱國庚戌封皇弟元為荆王詔諸應拜  
者皆以三拜成禮冬十月癸酉至自同州十一月己亥  
講武道會苑帝親擐甲胄是月突厥犯邊圍酒泉殺掠  
吏民十二月甲子以柱國畢王賢為大司空己丑以上



柱國河陽總管滕王道為行軍元帥伐陳免京師見徒  
令從軍是歲百濟遣使朝貢

大象元年春正月己丑受朝於路門帝服通天冠絳紗  
袍羣臣皆服漢魏衣冠大赦改元大成初置四輔官以  
大象宰越王盛為大前疑蜀公尉遲迴為大右弼申公  
李穆為大左輔大司馬隋公楊堅為大後丞癸卯封皇  
子行為魯王甲辰東巡丙午以柱國常山公于翼為大  
司徒辛亥以柱國許公宇文善為大宗伯戊午行幸洛

欽定四庫全書

南史卷九十六

陽立魯王行為皇太子二月癸亥詔曰河洛之地舊稱  
朝市魏氏失馭城闕為墟我太祖受命豐鎬有懷光宅  
高祖往巡東夏布政此宮朕以眇身祇承寶運庶幾聿  
修之志敢忘燕翼之心昨佇蹕金墉備嘗遊覽百王制  
度基址尚存今若因循為功易立宜命邦事修復舊都  
奢儉取文質之間功役因子來之義北瞻河內咫尺非  
遙前詔經營今宜停罷於是發山東諸州兵增一月功  
為四十五日役起洛陽宮常役四萬人以迄晏駕并移

相州六府於洛陽稱東京六府殺柱國徐州總管王軌  
停南討諸軍以趙王招女為千金公主嫁於突厥乙亥  
行幸鄴丙子初令總管刺史行兵者加持節餘悉罷之  
辛巳詔傳位於皇太子衍

周書載詔曰朕以寡薄祇承鴻緒思隆國本用弘天  
歷皇太子衍地居上嗣正統所歸遠憑積德之休允  
協無疆之祚帝王之量未萌而成天祿之期不謀已  
至今傳位於衍乃瞻四海深合謳歌之望俾予一人

欽定四庫全書

南史卷九十六

高蹈風塵之表萬方兆庶知朕意焉

大赦改元大成為大象帝於是自稱天元皇帝所居稱  
天臺冕二十有四旒車服旗鼓皆以二十四為節內史  
御正皆置上大夫皇帝行稱正陽宮置納言御正諸衛  
等官皆准天臺尊皇太后為天元皇太后封內史上大  
夫鄭譯為沛國公癸未日出將入時其中並有烏色大  
如雞卵經四日乃滅戊子以大前疑越主盛為太傅大  
右弼尉遲迴為大前疑尋出為相州總管代王達為大



右弼辛卯詔徙鄴石經於洛陽又詔洛陽凡是元遷戶  
並聽還洛州此外欲往者聽之河陽幽相豫亮青徐七  
總管受東京六府處分三月庚申車駕至自東巡大陳  
軍伍親掾甲冑入自青門皇帝行備法駕從百官迎於  
青門外是時驟雨儀衛失容辛酉封趙王招第二子賢  
為永康縣王

夏四月壬戌朔有司奏言日蝕不視事過時不食乃臨  
軒立妃朱氏為天元皇后癸亥以柱國畢王賢為上柱

欽定四庫全書

南北史合注  
卷九十六

四

國已已享太廟壬午大醮於正武殿五月辛亥以洛州  
襄國郡為趙國齊州濟南郡為陳國豐州武當安富二  
郡為越國潞州上黨郡為代國荊州新野郡為滕國邑  
各一萬戶令趙王招陳王純趙王盛代王達滕王通並  
之國是月遣使簡視京城及諸州士庶女充選後宮突  
厥寇并州六月咸陽有池水變為血徵山東諸州民修  
長城秋七月庚寅以大司空畢王賢為雍州牧大後丞  
隋公楊堅為大前疑柱國榮陽公司馬消難為大後丞

丙申納大後丞司馬消難女為正陽官皇后已酉尊帝  
太后李氏為天皇太后壬子改天元帝后朱氏為天皇  
后立妃元氏為天右皇后妃陳氏為天左皇后八月庚  
申幸同州壬申還宮甲戌以天左皇后父大將軍陳山  
提天右皇后父開府元晟並為上柱國山提封鄜國公  
晟封翼國公初武帝作刑書要制用法嚴重及帝即位  
恐物情未附除之至是為刑經聖制其法深刻

欽定四庫全書

南北史合注  
卷九十六

四

隋書刑法志曰周宣殘暴初即位首誅功王重臣內  
外危懼帝恐失眾心乃行寬法數行肆赦為姦者皆  
輕犯法於是又廣高祖刑書要制而更峻其法謂之  
刑經聖制

大醮於正武殿告天而行壬午以上柱國雍州牧畢王  
賢為太師上柱國鄜公韓建業為大左輔是月所在蝘  
羸鬪各四五尺死者十八九九月己卯以鄜王貞為大  
冢宰上柱國鄜公韋孝寬為行軍元帥率行軍總管杞  
公亮鄜公梁士彥伐陳遣御正杜杲等使於陳冬十月



壬戌幸道會苑大醮以高祖武皇帝配醮初復佛像及天尊像帝與二像俱南坐大陳雜戲令京城士庶縱觀是月相州人段德舉謀反伏誅十一月乙未幸渦陽戊戌幸同州壬寅還宮乙巳初鑄永通萬國錢以一當千與五行大布並行是月韋孝寬拔壽陽杞國公亮拔黃城梁士彥拔廣陵陳人退走江北盡平十二月戊午以災異屢見帝御路寢見百官詔曰朕以寡德君臨區宇至有金入南斗木犯軒轅熒惑干房又與土合流星照

欽定四庫全書

南北史合注 卷九十六

早九

夜東南而下然則南斗主於爵祿軒轅為於後宮房曰夫明堂布政所也火土則憂孽之兆流星為兵凶之驗豈其官人失序女謁尚行政事乎方憂患將至何其昭著若斯之甚將避正殿齋居克念惡衣減膳去飾徹懸披不諱之誠開直言之路欲使刑不濫及賞弗踰等選舉以才官闈脩德宜宣諸內外庶盡弼諧允叶人心用消天譴於是舍仗衛往天興宮百官上表勸復寢膳許之甲子還宮御正武殿集百官及官人內外命婦大列

妓樂又縱胡人乞寒用水澆沃以為戲樂乙丑行幸洛陽帝親御驛馬日行三百里四皇后及文武侍衛數百人並乘駟從令四后方駕齊驅或有先後便加譴責人馬頓仆相屬於道己卯還宮

二年春正月丁亥帝受朝於道會苑癸巳享太廟乙巳造二辰畫日月像以置左右戊申雨雪雪止又雨細黃土移時乃息乙卯詔江西諸州新附民給復二十年初稅入市者人一錢二月丁巳帝幸路門學行釋奠禮戊

欽定四庫全書

南北史合注 卷九十六

早十

午突厥遣使獻方物且逆千金公主乙丑改制詔為天制敕為天敕尊天元皇太后為天元上皇太后天皇太后李氏為天元聖皇太后癸未立天元皇后楊氏為天元大皇后天皇后朱氏為天大皇后天右皇后元氏為天右大皇后天左皇后陳氏為天左大皇后正陽宮皇后直稱皇后是月洛陽有禿鶯鳥集新太極殿前榮州有黑龍見與赤龍鬪於汴水側黑龍死三月丁亥賜百官及百姓大酺詔進封孔子為鄒國公邑數準舊并立



後承襲別於京師置廟以時祭奠

周書載詔曰孔子德惟藏往道實生知以大聖之才屬千古之運載弘儒業式叙彝倫至如幽贊天人之理裁成禮樂之務故以作範百王垂風萬葉朕欽承寶厯服膺禮義春言洙泗懷道滋深且褒成啟號雖彰故實旌崇聖績猶有闕如可追封鄒國公邑數准舊并立後承襲別於京師置廟以時祭享

欽定四庫全書

南北史合注  
卷九十六

十一

戊子行軍總管杞公亮舉兵反行軍元帥韋孝寬獲而殺之辛卯以永昌公椿為杞國公紹簡公連後行幸同州增侯正前驅式道為三百六十重自應門至赤岸澤數十里間旛旗相蔽鼓樂俱作又令武賁執鈔馬上稱警蹕以至同州乙未改同州宮為天成宮庚子車駕至自同州詔天臺侍衛皆着五色及紅紫綠衣以雜色為緣名曰品色衣有大事與公服間服之壬寅詔內外命婦皆執笏其拜宗廟及天臺皆俛伏  
興亡論曰內外命婦朔望朝謁皆令為丈夫拜伏以

示肅恭

甲辰初置天中大皇后立天左大皇后陳氏為天中大皇后立妃尉遲氏為天左大皇后夏四月己巳享太廟己卯以旱故降囚死罪已下壬午幸中山祈雨至咸陽宮雨降甲申還宮令京城士女於衢巷作音樂迎候五月甲午帝備法駕幸天興宮乙未帝不愈還宮揚州總管隋公楊堅入侍疾丁未追趙陳代滕五王入朝己酉大漸御正下大夫劉昉與內史上大夫鄭譯矯制以

欽定四庫全書

南北史合注  
卷九十六

十二

隋公楊堅受遺輔政是日帝崩於天德殿時年二十二謚曰宣皇帝七月丙申葬定陵  
隋書五行志曰周宣帝與宮人連臂蹋躑歌曰自知身命促把燭夜行遊果即位二年崩  
帝在東宮武帝慮其不堪承嗣遇之甚嚴朝見進止與諸臣無異雖隆寒盛暑亦不得休息性嗜酒武帝遂禁醪醴不許至東宮每有過輒加撻扑嘗謂之曰古來太子被廢者幾人餘兒豈不堪立耶於是遣東宮官屬錄



帝言語動作每月奏聞帝懼威嚴矯情脩飾以是惡不  
外聞嗣位之初方逞其欲大行在殯曾無戚容即逼亂  
先帝官人

興亡論曰帝朋淫於家乃至長樂亦有醜聲

纒踰年便恣聲樂采擇天下子女以充後宮好自矜夸  
飾非拒諫禪位後彌復驕奢耽醜後宮或旬日不出公  
卿近臣請事皆付闕官奏之所居宮殿帷帳皆飾以金  
玉珠寶光華炫耀極麗窮奢及營洛陽宮雖未成畢其

欽定四庫全書

南北史合注  
卷九十六

十一

規模壯麗踰漢魏遠矣唯自尊崇無所顧憚國典朝儀  
率情改變後宮位號莫能詳錄每對臣下稱天不稱朕  
以五色土塗所御天德殿各隨方色又於後宮與皇后  
等列坐用宗廟禮器罇彝珪瓚之屬以次食焉又令羣  
臣朝天臺者致齋三日清身一日車旗章服倍於前王  
之數既自比上帝不欲令人同已常自帶綬及冠通天  
冠加金附蟬顧見侍臣武弁上有金蟬及王公有綬者  
並令去之

興亡論曰帝少在儲宮頗覽經籍臨朝對眾亦有精  
神但稟性猜狂特好詭異

又不聽人有高大之稱諸姓高者改為姜九族稱高祖  
者為長祖曾為次長祖官稱名位凡謂上及大者改為  
長有天者亦改之又令天下車皆渾成為輪禁天下婦  
人皆不得施粉黛唯官人得乘有輜車加粉黛西陽公  
温乃祀公亮子帝之從祖兄也其妻尉遲氏有色因入  
朝帝飲以酒逼淫之亮聞之懼謀反纒誅温即追尉遲

欽定四庫全書

南北史合注  
卷九十六

十一

氏入宮初為妃尋立為皇后每左右侍臣論議唯欲興  
造革易未嘗言及政事遊戲無恒出入不節羽儀仗衛  
晨出夜還或幸天興宮或遊道會苑陪侍之官皆不堪  
命散樂雜戲魚龍爛漫之伎常在目前好令京城少年  
為婦人服飾入殿歌舞與後宮觀之以為喜樂擯斥舊  
臣多所猜怨又吝於財略無賜與恐羣臣規諫不得行  
已志常遣左右密伺察之動止所為莫不抄錄小有乖  
違輒加其罪



興亡論曰帝屏棄羣臣內外門閣皆別令官者守視  
出入去來皆錄其數殿省以目相視

自公卿以下皆被楚撻其間誅戮黜免者不可勝言每  
捶人皆以百二十為度名曰天杖後又加至二百四十  
宮人內職亦如之后妃嬪御雖被寵嬖亦多杖背

興亡論曰後廷嬪妾房有數人自旦至夕每令危坐  
相對有不如法便即極楚 隋書刑法志曰嘗作霹

靄車以威婦人又曰帝酣飲過度嘗中飲有下士楊

欽定四庫全書

南北史合注  
卷九十六

五

汝祐歌曰朝亦醉暮亦醉日日恒常醉政事日無次  
鄭譯奏之命杖二百四十死後更使中士皇甫猛歌

猛歌又諷諫譯復奏之賜猛杖一百二十

於是內外恐懼人不自安皆求苟免莫有固志重足累  
息以逮於終

靜皇帝諱衍後改名闡宣帝長子母朱皇后建德二年  
六月生於東宮大象元年正月癸卯封魯王戊午立為  
皇太子二月辛巳宣帝居鄴宮傳位於帝居正陽宮

二年五月乙未宣帝寢疾詔帝入宿路門學已酉宣帝

崩帝入居天臺廢正陽宮大赦停洛陽宮作庚戌尊天  
元上皇太后為太皇太后天元聖皇太后李氏為大帝  
太后天元太皇后為皇太后天太皇后朱氏為帝太后  
其天中太皇后陳氏天右大皇后元氏天左大皇后尉  
遲氏並出俗為尼以柱國漢王贊為上柱國揚州總管  
隋公楊堅為假黃鉞左大丞相柱國秦王贊為上柱國  
帝居諒闇百官總已聽於左大丞相壬子以上柱國鄖

欽定四庫全書

南北史合注  
卷九十六

六

公韋孝寬為相州總管罷入市稅錢六月戊午以柱國  
許公宇文善神武公竇毅修武公侯莫陳瓊大安公閻  
慶並為上柱國趙王招陳王純越王盛代王達滕王道  
來朝庚申復佛道二教辛酉以柱國杞公贊燕公于寶  
部公賀拔伏恩並為上柱國甲子相州總管尉遲迴舉  
兵討丞相堅不受代詔發關中兵以韋孝寬為行軍元  
帥攻之柱國畢王賢謀討丞相堅事泄遇害以上柱國  
秦王贊為大冢宰杞公椿為大司徒己巳詔南定北光



衡巴四州人為宇文亮抑為奴婢者並免之甲戌有赤  
氣起西方漸東行徧天庚辰罷諸魚池及山澤公禁者  
與百姓共之以柱國蔣公梁睿為益州總管秋七月甲  
申突厥送齊范陽王高紹義庚寅申州刺史李惠起兵  
討丞相堅庚子詔陳趙越代滕五王入朝不趨劍履上  
殿榮州刺史邵公宇文冑舉兵討丞相堅堅遣大將軍  
楊素攻之青州總管尉遲勤舉兵討丞相堅丁未隋公  
楊堅為都督內外諸軍事己酉鄖州總管司馬消難舉

欽定四庫全書

南北史合注  
卷九十六

五

兵討丞相堅以柱國楊公王誼為行軍元帥攻之壬子  
趙王招越王盛謀討丞相堅遇害癸丑封皇弟行為萊  
王術為郢王是月豫州襄州總管諸蠻各率種落起兵  
八月庚申益州總管王謙舉兵討丞相堅不受代以梁  
睿為行軍元帥攻之庚午韋孝寬破尉遲迴於鄴迴自  
殺相州平移相州於安陽其鄴城及邑毀廢之丙子以  
漢王贊為太師以上柱國并州總管申公李穆為太傅  
以宋王實為大前疑以秦王贇為大右弼以燕公子寶

為大左輔己卯以尉遲迴平大赦

李德林集載詔曰逆賊尉遲迴志懷奸慝因緣戚屬  
位冠朝倫屬先皇晏駕獨欣天災稱兵擁眾便懷問  
鼎乃詔太師肅茲九伐而凶徒孔熾充原蔽野諸將  
肆雷霆之威壯士縱狼狽之氣直指漳濱擒斬元惡  
羣醜喪魄咸集鼓下順高秋之氣就上天之誅兩河  
妖孽一朝掃蕩自朝及野喜怍相趨思弘寬簡之政  
用副億兆之心可大赦天下

欽定四庫全書

南北史合注  
卷九十六

五

愚按此楊堅所假也指忠為逆特錄之以著其惡  
庚辰司馬消難擁眾以魯山甌山二鎮奔陳遣大將軍  
元景山追擊之鄖州平沙州氏帥開府楊永安起兵應  
王謙遣大將軍達奚儒攻之楊素破宇文冑於滎陽害  
之以上柱國神武公竇毅為大司馬以齊公于智為大  
司空廢相青荆金晉梁州六總管九月丙戌廢河陽總  
管為鎮隸洛州以小宗伯竟陵公楊慧為大宗伯壬辰  
廢皇后司馬氏為庶人戊戌以柱國楊公王誼為上柱



國庚戌以柱國常山公于翼化政公宇文忻並為上柱國進封翼為保國公忻為英國公壬子丞相去左右號隋公楊堅為大丞相冬十月甲寅日有蝕之壬戌丞相堅矯詔殺陳王純加堅大冢宰五府總於天官戊寅梁睿破王謙害之傳首京師益州平十一月甲辰達奚儒破楊永安沙州平丁未上柱國郎公韋孝寬卒十二月壬子以柱國蔣公梁睿為上柱國丁巳以柱國邦公楊雄普安公賀蘭暮郎公梁士彥上大將軍新寧公叱列

欽定四庫全書

南北史合注  
卷九十六

五元

長文武鄉公崔弘度大將軍中山公宇文愨濮陽公宇文述渭原公和干子任城公王景漁陽公楊銳上開府廣宗公李崇隴西公李詢並為上柱國庚申以柱國楚公豆盧勣為上柱國癸亥詔曰太祖受命龍德猶潛三分天下志扶魏室多所改作冀允上立文武羣官賜姓者眾本殊國邑實乖胙土不歆非類異骨肉而共蒸嘗不愛其親嗟行路而叙昭穆朕君臨區宇累世於茲可仍遵謙挹之旨久行權宜之制諸改姓者悉宜復舊甲

子大丞相隋公楊堅進爵為王以郡為隋國己巳以柱國沛公鄭譯為上柱國辛未隋王堅矯詔殺代王達滕王道壬申以大將軍長寧公楊勇為上柱國大司馬以小冢宰始平公元孝矩為大司寇

大定元年春正月壬午改元

冊府元龜載詔曰朕以不天夙遭殛罰光陰過速遽及此辰踰祀革號憲章前典可改大定元年

丙戌詔戎秩上開府以上職事下大夫以上外官刺史

欽定四庫全書

南北史合注  
卷九十六

六十一

以上各舉賢才二月庚午大丞相隋王楊堅為相國總百揆加九錫甲子帝遜位於隋居別宮隋氏封帝為介國公邑萬戶車服禮樂一如周制上書不稱表答表不稱詔有其文事竟不行

隋書五行志曰周初有童謠云白楊樹頭金雞鳴祇有阿舅無外甥帝嫡母楊后也為隋氏甥

隋開皇元年五月壬申隋主楊堅弒帝崩時年九歲謚曰靜皇帝葬恭陵



隋書本紀曰以其族人洛嗣 愚按宇文氏保全元族自雁赤族詎曰天道然考介公一爵歷隋唐梁後唐晉五朝或備二王後或備三恪見五代史冊府元龜不絕其血食亦云長矣猶是保全元族之餘波也

論曰自東西否隔二國爭強戎馬生郊干戈日用兵連禍結力敵勢均疆場之事一彼一此武皇繼業未親萬機慮遠謀深以蒙養正及英威雷發朝政惟新內難既除外畧方始苦心焦思克已勵精勞役為士卒之先居


欽定四庫全書

南北史合注 卷九十六

十一

處同匹夫之儉脩富國之政務強兵之術乘讐人之有釁順天道而推亡數年之間大勳斯集攄祖宗宿憤拯東夏沾危盛矣哉有成功者也若使翌日之瘳無爽經營之志獲申贖武窮兵雖見譏於良史雄圖遠畧足方駕於前王而識嗣子非才顧宗祏至重滯愛同於晉武則哲異於宋宣但欲威之覆楚期於懲肅義方之教豈若是乎卒使昏虐君臨奸回肆毒宣后之行事身沒已幸矣靜帝越自幼冲紹茲衰統內外挾孫劉之詐戚藩

無齊代之強隋氏因之遂遷龜鼎雖復岷峨投袂翻成凌奪之威漳滏勤王無救宗周之隕嗚呼以文皇經啟鴻基武皇克隆景業未踰二紀不祀忽諸斯蓋宣帝餘殃非孺子罪戾也



欽定四庫全書

南北史合注 卷九十六

十二

南北史合注卷九十六



卷九十七

卷九十七

賴大將軍侯伏侯壽等救護以免後襲爵隋國公武帝  
 既為皇太子甥公長女為妃益加禮重齊王憲言於帝  
 曰普六茹堅相貌臣每見之不覺自失恐非人下請早  
 除之帝曰此止可為將耳內史王軌驟諫曰皇太子非  
 社稷主普六茹堅有反相

賜姓見皇考忠傳

三國典略曰軌以隋公堅相異因入侍武帝晏佯醉  
 撥去堅頭上帽曰是何物頭額又皇甫某見堅舉手



自拍其額武帝謂公曰皇甫道公額也

帝不悅曰必天命有在將若之何公甚懼深自晦匿後從帝平齊進柱國又與齊王憲破齊任城王浟於冀州除定州總管先是州城門久閉不行齊人白文宣時或請開之文宣不許曰當有聖人啟之及公至而開之莫不驚異遷亳州總管宣帝即位以後父徵拜上柱國大司馬大象初遷大後丞右司武俄轉大前疑帝每巡幸恒委以居守時宣帝為刑經聖制其法深刻公以法令

欽定四庫全書

南北史合注

四

滋章非興化之道切諫不納公位益隆帝頗以為忌時帝四幸女並為皇后爭寵相毀帝每謂后曰必族滅爾家因召公命左右曰若色動即殺之公容色自若遂免大象二年五月以公為揚州總管將發暴足疾而止已未帝不豫時靜帝幼冲前內史上大夫鄭譯御正大

公假黃鉞左大丞相百官總已而聽以正陽宮為丞相府以鄭譯為長史劉昉為司馬具置寮佐宣帝時刑政峻酷者悉更以寬大之制天下歸心矣

天命論曰帝嘗出長安城東獵馬上思濟生民夜夢一長大人素服冠幘謂曰時未至及欲作相夢人曰時至矣

六月趙王招陳王純越王達代王盛滕王迥並至長安相州總管尉遲迥自以宿將心不能平遂舉兵趙魏之

欽定四庫全書

南北史合注

五

士響應旬日間眾至十餘萬宇文弼以榮州石碓以建州席毗以沛郡毗弟又羅以兗州皆應迥遣子質於陳以求拔公命上柱國鄭公韋孝寬擊之雍州牧畢王賢及趙陳等五王謀殺公公執賢斬之而掩趙王等不問因詔五王劍履上殿入朝不趨以安之時五王陰謀滋甚公以酒肴造趙王觀其指趙王伏甲臥內公賴元曹免於是害趙越二王八月庚午韋孝寬破尉遲迥斬之傳首闕下餘黨悉平初迥之起兵鄖州總管司馬消難



據州應迴淮南州縣多從之襄州摠管王誼攻之消難  
奔陳荆郢羣蠻乘釁而起命亳州摠管賀若誼討平之  
先是上柱國王諱為益州摠管亦擁衆巴蜀以匡復為  
辭公以東夏山南為事未遑興師諱遂屯劍口臨始州  
至是乃命上柱國梁睿往平之傳首闕下隲劍閣之險  
以絕亂萌九月壬子天子進公大丞相十月詔追贈公  
曾祖烈為柱國太保都督十州諸軍事徐州刺史隋國  
公諡曰康祖禎為柱國都督十三州諸軍事同州刺史  
欽定四庫全書

南北史合注  
卷九十七

六

隋國公諡曰獻考忠為上柱國太師大冢宰都督十三  
州諸軍事雍州牧壬戌害陳王純天子進公大冢宰五  
府總於天官十一月辛未害代王達滕王道十二月甲  
子天子授公相國摠百揆去都督內外諸軍事大冢宰  
之號進爵為王以隋州之崇業鄆州之安陸城陽温州  
之宜人應州之平靖上明順州之淮南士州之永川昌  
州之廣昌安昌申州之義陽淮安息州之新蔡建安豫  
州之汝南臨潁廣寧初安蔡州之蔡陽郢州之漢東二

十郡為隋國劍履上殿入朝不趨贊拜不名備九錫之  
禮加璽紱遠遊冠相國印綠綬綬位在諸侯王上隋國  
置丞相以下一依舊式王再讓乃受王爵辭十郡天子  
詔進王曾祖祖考爵並為王夫人為王妃  
大定元年二月壬子下今日以前賜姓皆復其舊甲寅  
王受九錫之禮

魏徵隋書載策曰咨爾隋王天覆地載藉人事以財  
成日往月來由王道而盈昃五氣陶鑄萬物流形誰

欽定四庫全書

南北史合注  
卷九十七

七

代上玄之工斯則大聖而已曰惟先正翊亮皇朝種  
德積善載誕上相精采不代風骨異人匡國濟時除  
凶撥亂百神奉職萬國宅心殷相以先知悟入周輔  
乃弘道於代方斯茂如也今將授王典禮其敬聽朕  
命朕以不德早承丕緒上靈降禍夙構慙凶妖醜覲  
覲密圖社稷官省之內疑慮驚心公受命先皇志在  
匡弼輯諧內外潛運機衡奸人懾憚謀用丕顯俾贊  
疏之危為太山之固是公重造皇室作霸之基也伊



我祖考之代寄任已深入掌禁兵外司藩政文經武略久播朝野戎軒大舉長驅晉魏平陽震熊羆之勢冀部耀貔虎之威初平東夏人心未一叢臺之北易水之南西距井陘東至滄海比數千里舉袂如帷委以連城建旌杖節教因其俗刑用輕典如泥從印猶草隨風此又公之功也吳越不賓多歷年代淮海之外時非國有爰整其旅出鎮於亳武以威物文以懷遠羣盜自奔外戶不閉民黎慕義襁負而歸自此之

欽定四庫全書

南北史合注 卷九十七

風化行南國此又公之功也宣帝御宇任重宗臣入典八屯外司九伐禁衛勤巡警之務治兵得蒐狩之禮此又公之功也鑾駕遊幸頻委留臺文武注意軍國諮稟萬事咸理反顧無憂此又公之功也朕在諒闇公實總已磐石之宗奸回者衆招引無賴結連羣小往者國哀甫爾已創陰謀積惡數旬昆吾方稔泣誅罄旬宗廟以寧此又公之功也尉遲猖狂稱兵鄴邑欲長戟而指北闕強弩而圍南斗憑陵三魏之間

震驚九州之半聚徒百萬悉成豕淇水洹水一飲而竭人之死生翻繫凶豎壽之長短不由司命公乃戒彼鷹揚出車練卒誓蒼兕於河朔建瓴水於東山口授兵書手畫行陣量敵制勝指日尅期諸將遵其成旨壯士感其大義輕死忘生轉鬪千里旗鼓奮發如火燎毛玄黃變漳河之水京觀比爵臺之峻百城氛祲一旦廓清此又公之功也青土連率跨據東秦藉負海之饒倚連山之險望三輔而將逐鹿指六國

欽定四庫全書

南北史合注 卷九十七

而願連雞風雨之兵助鬼為虐本根既拔枝葉自殞屈法申恩示以大信此又功之功也申部殘賊充斥一隅蠅飛蟻聚攻州略地播以玄澤迷更知反服而捨之無費遺鏃此又公之功也宇文胄親則宗枝外藩巖邑影響鄴賊有同就燥迫脅吏民叛渙城戍偏師誅滅遂入網羅東之虎牢有同囹圄事窮將軍如伏國刑此又公之功也擅讓席毗擁衆河外陳韓梁鄭宋衛鄒魯村落成巢鏡之墟民庶為豺狼之餌城



有畫閉卷無行人授律出師隨機掃定讓既授首毗  
亦泉懸此亦公之功也司馬消難與國親姻作鎮安  
陸性多嗜欲意好貪聚擅誅刺舉之使專殺儀台之  
臣懼罪畏威動而內異蠶食郡縣鳩毒華夷聞有王  
師自投南裔帝唐崇山之罰僅可方此大漢流禦之  
刑是亦相匹逋逃入藪荆郢周安此亦公之功也王  
謙在蜀翻為厲階閉劍閣之門塞靈關之宇自謂五  
丁復起萬夫莫向分閭推轂嘗不踰時風馳席卷一

欽定四庫全書

南北史合注  
卷九十七

十

舉大定擒斬兇惡掃地無遺此又公之功也陳頊因  
循偽業自擅金陵屢遣醜徒超超江北公指揮藩鎮  
無不摧殄方置文深之柱非止尉佗之拜此又公之  
功也公有濟天下之勤重之以明德序百揆而穆四  
門耻一匡之舉九合尊賢崇德尚齒貴功錄舊旌善  
興亡繼絕寬猛相濟彝倫攸叙敦睦帝親崇獎王室  
星象不折陰陽自調玄冥祝融如奉太公之召雨師  
風伯以應成王之宰祥風嘉氣觸石搖林瑞獸異禽

遊園鳴閣至功至德可大可久朕又聞之昔明王設  
官胙土營邱四履得征五侯參墟寵章異其社物故  
藩屏作固垂拱責成沉嘿巖廊不下堂席公道高往  
烈賞薄前王求諸故實甚用懼焉往加大典憲章在  
昔議以自牧未應朝禮日月不居便已隔歲時談物  
議其謂朕何今進授相國摠百揆以申州之義陽等  
二十郡為隋國今命使持節太傅上柱國杞國公椿  
大宗伯大將軍金城公趙照授相國印授相國禮絕

欽定四庫全書

南北史合注  
卷九十七

十一

百辟任摠羣官舊職常典宜與事革昔唐臣太尉舜  
佐司空姬旦相周霍光輔漢不居藩國唯在天朝其  
以相國摠百揆去衆號馬上所假節大丞相大冢宰  
印綬又加九錫其敬聽朕後命以公執律修德慎獄  
恤刑為其訓範入無異志是用錫公大輅戎輅各一  
玄牡二駟公勤心地利所保人天崇本務農公私殷  
阜是用錫公衮冕之服赤舄副馬公樂以移風雅以  
變俗遐邇胥悅天地咸和是用錫公軒懸之樂六佾



之舞公仁風德教覃及海隅荒忽幽遐回首內向是用錫公朱戶以居公水鏡人倫銓衡庶職能官流咏遺賢必舉是用錫公納陛以登公執鈞於內正性率下犯義無禮罔不屏黜是公錫公虎賁之士三百人

此段元本闕 是用錫公鈇鉞各一公威嚴夏日精厲秋

霜猶夏必誅顧盼天壤掃清奸宄折衝無外是用錫公彤弓一彤矢百盧弓十盧矢千惟公考通神明肅

恭祀典尊嚴如在情切幽明是用錫公秬鬯一卣珪

欽定四庫全書

南北史合注 卷九十七

十三

瓚副馬隋國置丞相以下一遵舊式往欽哉其敬循

往策祇服大典簡恤爾庶功對揚我太祖之休命

丙辰天子又詔玉冕十有二旒建天子旌旗出警入蹕

乘金根車駕六馬備五時副車置旒頭雲罕樂舞八佾

設鐘簾宮懸王妃為王后世子為太子前後三讓乃受

俄下詔依唐虞漢魏故事王三讓不許乃遣太傅上柱

國祀國公椿奉冊曰咨爾相國隋王粵若上古之初爰

啟清濁降符授聖為天下君非以區宇之富未以宸極

為尊大庭軒轅以前驪連赫胥之日咸以無為無欲不將不迎遐哉其詳不可聞已厥有載籍遺文可觀聖莫逾於堯美莫過於舜堯得太尉已作運衡之篇舜遇司空便叙菁華之竭彼褰裳脫屣二宮設饗百官歸禹若帝之初斯蓋上則天時下祇天命不敢不受湯伐於夏武革於殷干戈揖讓雖復異揆應天順人其道不異自漢迄晉有魏至周天歷逐獄訟之歸神鼎隨謳歌之去道高者稱帝祿盡者不王與夫文祖神宗無以別也周

欽定四庫全書

南北史合注 卷九十七

十三

德將盡禍難頻興宗戚奸回咸將竊發顧瞻宮闕將圖

宗社藩維連率逆亂相尋搖蕩三方不合如礪蛇行鳥

攫投足無所王受天明命獻德在躬除羣凶於城社廓

妖氛於遠服八極九野萬方四裔圓首方足莫不樂推

往歲長星夜掃經天晝見八風比夏后之作五緯同漢

帝之聚除舊之徵昭然在上近者赤雀降社玄龜効靈

鐘石變音蛟龍出穴布新之貺煥焉在下朕仰祇皇靈

俯順民願敬以帝位禪於爾躬天祚若窮天祿永終於



戲王其允執厥和儀刑典刑升園邱而敬蒼昊御皇極而撫黔黎副率土之心恢無疆之祚可不盛歟

愚考李德林集以上諸文皆德林筆

遣太宗伯大將軍金城公趙煦奉皇帝璽紱百官勸進王受焉

廣五行記曰周大定時永州得白石割為二股中有

楊樹形黃根紫葉

開皇元年春二月甲子王自相府常服入宮備禮即皇

欽定四庫全書

南北史合注  
卷九十七

十四

帝位於臨光殿設壇南郊遣兼太傅上柱國鄧公竇熾

柴燎告天是日告廟大赦改元

音義考曰帝以周齊不遑寧處去隨之足國號大隋

然於音為墮失正音矣

京師慶雲見改周官依漢魏舊制以相國司馬高頴為

尚書左僕射兼納言相國司錄虞慶則為內史監兼吏

部尚書相國內郎李德林為內史令上開府韋世康為

禮部尚書上開府元暉為都官尚書開府戶部尚書元

暉為兵部尚書上儀同司宗長孫毗為工部尚書尚書

上儀同司會揚尚希為度支尚書雍州牧揚會為左衛

大將軍乙丑追尊皇考為武元皇帝廟號太祖

愚按歷代受禪之君皆追封三代隋獨否與桓玄同

皇妣呂氏為元明皇后改周氏左社右廟制為右社左

廟遣八使巡省風俗丙寅脩廟社立王后獨孤氏為皇

后王太子勇為皇太子丁卯以大將軍趙煦為尚書右

僕射上開府伊婁彥恭為右武侯大將軍己巳以五千

欽定四庫全書

南北史合注  
卷九十七

十五

戶封周帝介國公為隋室竇周氏諸王皆降為公尋盡

滅其族辛未以皇帝同安郡公彙為衛王皇子鴈門公廣

弟邵國公慧為滕王同安公彙為衛王皇子鴈門公廣

為晉王俊為秦王秀為越王諒為漢王并州總管李穆

為太師上柱國竇熾為太傅幽州總管子翼為太尉觀

國公田仁恭為太子太師武德郡公柳敏為太子太保

丁丑以晉王廣為并州總管封陳留郡公智積為蔡王

興城郡公靜為道王戊寅改東京府為尚書省發官牛



五千頭分賜貧民

佛藏曰是月命京師及諸州城居聚落各創佛寺

此周武後興佛法之始故謹書之

三月宣仁門槐樹連理衆枝內附壬午白狼國獻方物

甲申太白晝見乙酉又晝見丁亥詔犬馬器玩口味不

得獻上戊子弛山澤禁已丑蓋屋獻連理樹植於宮庭

戊戌以太子少保蘇威兼納言吏部尚書庚子詔前代

品爵悉依舊定丁未梁孝明帝使其太宰蕭岷等來賀

欽定四庫全書

南北史合注 卷九十七

十六

夏四月辛巳大赦壬午太白歲星晝見戊戌太常散樂

並免為編戶禁雜樂百戲辛丑陳人來聘于周至而帝

已受禪致之介國是月發稽胡脩築長城二旬而罷五

月戊午封邦國公楊雄為廣平王永康郡公楊弘為河

間王辛未弒戒公帝舉哀朝堂六月癸未詔以初受命

赤雀降祥推五德相生為火色其郊及社廟依服冕之

儀如朝會之服旗幟犧牲盡尚赤戎服尚黃秋七月乙

卯帝始服黃百寮畢賀

李德林集載詔曰太祖武元皇帝魏氏將謝躬事經

綸周室勃興同心匡贊間關二代造我帝基往者梁

氏將滅親尋構禍蕭督稱兵擁衆據有襄陽將入魏

朝狐疑未決先帝出師樊鄧飲馬漢兵彼感威懷連

城頓顙隋郡安陸未卽風從敵人騁輔車之援重城

固金湯之守乃復練卒簡徒一舉而尅始於是日遂

啟漢東蕭繹往在江陵主梁稱制外通表奏陰有異

圖王師薄伐帝實先鋒誅厥放命繼其絕祀有齊未

欽定四庫全書

南北史合注 卷九十七

十七

已凶徒孔熾連山巨防艱危萬里晉水之陽是其心

復於是鳴鑿秉鉞假道北隣懸兵萬里直指參墟左

紫右拂麻積草靡雖事未既也而英風大震齊人因

以挫衄周武賴以成功積德累仁福流後嗣俾朕虛

薄君臨區有昔夏因治水尚且銘山周日巡遊猶因

勒石其襄陽隋郡江陵晉陽並宜立寺一所建碑頌

德

八月壬午廢東京官甲午遣樂安公元諧擊吐谷渾於



青海破降之九月戊申遣使賑給戰亡者家庚午陳將周羅暉攻臨朝聖蕭摩訶寇江北卒未以越王秀為益州總管改封蜀王壬申以薛公長孫覽宋安公元景山並為行軍元帥伐陳仍令尚書左僕射高顛節度諸軍是月行五銖錢冬十月乙酉百濟王扶餘昌遣使來賀授昌上開府儀同三司帶方郡公戊子行新律壬辰行幸岐州十一月乙卯以永富郡公竇榮定為右武侯大將軍遺兼散騎侍郎鄭撫使於陳已有流星如墜墻

欽定四庫全書

南北史合注  
卷九十七

十八

光照於地十二月甲申以禮部尚書韋世康為吏部尚書庚子至自岐州壬寅高麗王高陽遣使朝貢授陽大將軍遼東郡公太子太保柳敏卒是歲鞞鞞突厥阿波可汗沙鉢略可汗並遣使朝貢

二年春正月癸丑幸上柱國王誼第庚申幸安成長公主第庚申陳孝宣帝殂辛酉置河北道行臺尚書省於洛并州以晉王廣為尚書令置河南道行臺尚書省於洛州以秦王俊為尚書令置西南道行臺尚書省於益州

以蜀王秀為尚書令戊辰陳遣使請和求歸胡璽甲戌詔舉賢良二月己丑詔以陳有喪命高顛等班師庚寅加晉王廣左武衛大將軍辛卯幸趙國公獨孤陀第庚子京師雨土三月初命入宮殿門通籍戊申開渠引杜陽水於三時原夏四月丁丑以寧州刺史竇榮定為左武侯大將軍庚寅大將軍韓僧壽破突厥於雞頭山上柱國李充破突厥於河北山五月戊申以上開府長孫平為度支尚書己酉以旱故帝親省囚徒其日大雨已

欽定四庫全書

南北史合注  
卷九十七

十九

未高寶寧寇平州突厥入長城庚申以豫州刺史皇甫績為都官尚書甲子改傳國璽曰受命璽丁卯詔民年六十以上免課六月壬午以太府卿蘇孝慈為兵部尚書甲申使使弔於陳乙酉上柱國李充破突厥於馬邑丙申詔曰朕祇奉上玄君臨萬國屬生靈之弊處前代之官以為作之者勞居之者逸改創之事心未遑也而王公大臣陳謨獻策咸云義農以降至於姬劉有當世而屢遷無革命而不徒曹馬之後時見因循乃末世宴



安非往聖宏義此城從漢彫殘日久屢為戰場舊經喪  
 亂今之宮室近代權宜又非謀筮從龜瞻星揆日不足  
 建皇王之邑合大衆所聚論變通之數具幽顯之情同  
 心因請詞情深切然則京師百官之府四海歸向非朕  
 一人所獨有苟利於物其可違乎且殷之五遷恐人盡  
 死是則吉凶之士制長短之命謀新去故如農望秋雖  
 則劬勞究安宅今區宇寧一陰陽順序安安以遷勿懷  
 胥怨龍首山川原秀麗卉物滋阜下食相土宜建都邑

欽定四庫全書 南北史合注 卷九十七 二十

定鼎之基永固無窮之業在斯公私府宅規模遠近營  
 構資須隨事條奏仍詔左僕射高顛將作大匠劉龍鉅  
 鹿郡公賀婁子幹太府少卿高龍又等創造新都秋七  
 月癸巳詔新置都處墳墓令悉遷葬設祭仍給入功無  
 主者命官為殯葬甲午行新令冬十月以撮毀故徙居  
 東宮給內外官人祿癸酉皇太子勇屯兵咸陽以備胡  
 虜庚寅帝疾愈享百寮於觀德殿賜錢帛皆任自取盡  
 力以出辛卯以營新都副監賀婁子幹為工部尚書十

一月丙午初命為方陣戰法及制軍營圖樣下諸軍府  
 擬征突厥十二月辛未帝講武後園甲戌上柱國竇毅  
 卒丙子名新都曰大興城乙酉遣彭城公虞慶則屯弘  
 化以備胡突厥寇周槃行軍總管達奚長儒為虜所敗  
 丙戌賜國子生經明者束帛丁亥親錄囚徒是歲高麗  
 百濟並遣使朝貢

三年春正月庚子將遷新都大赦禁大刀長稍始令人  
 以二十一成丁歲役功不過二十日不役者收庸廢遠

欽定四庫全書 南北史合注 卷九十七 二十一

近酒坊罷鹽井禁

冊府元龜隋書食貨志曰是月詔罷酒坊又以周末  
 專利鹽池鹽井皆禁詔與百姓共之矯前禁也又詔  
 朔州總管趙仲卿大興屯田於長城北以實塞下又  
 詔河西勒民立堡營田積穀京師置常平監

二月己巳朔日有蝕之癸酉陳人來聘突厥犯邊癸未  
 以左武衛大將軍李禮成為右武衛大將軍三月丁未  
 上柱國鮮虞縣公謝慶恩卒丙辰以雨故常服入新都



京師承明里醴泉出丁巳詔購遺書於天下癸亥城榆  
關夏四月己巳衛王爽大破突厥於白道山停菜原陽  
雲內紫河等鎮而還上柱國建平郡公于義卒庚午吐  
谷渾寇臨洮洮州刺史皮子信死之壬申以尚書右僕  
射趙煦兼內史令丁丑以滕王瓚為雍州牧庚辰行軍  
總管陰壽大破高寶寧於黃龍甲申以早故帝親祀雨  
師丙戌詔天下勸學行禮

冊府元龜詔曰魏氏不競周齊抗衡遂為強弱多厯

欽定四庫全書

南北史合注  
卷九十七

三

年所務權詐而薄儒雅重干戈而輕俎豆朝野以機  
巧為師文吏刻深為法雖復建立庠序業非時貴道  
亦不行然維持名教微相弘益治國立身非禮不可  
而積習生常閭閻吉凶之禮動悉乖方執憲之職率  
爾無聞古今之學且耕且養若敦以學業勸以經術  
自可家慕大道人希至德始自京師爰及州郡宜祇  
朕意勸學行禮

己丑陳郢州城主張子譏遣使請降帝以和好不納辛

卯遣兼散騎常侍薛舒聘於陳癸巳帝親雩五月癸卯  
太尉任城公于翼卒行軍總管李晃破突厥於摩那渡  
口乙巳梁太子蕭琮來賀遷都辛酉親祀方澤壬戌行  
軍元帥竇滌定破突厥及吐谷渾於涼州赦黃龍死罪  
以下六月庚午封衛王爽子集為遂安郡王戊寅突厥  
遣使求和庚辰行軍總管梁遠破吐谷渾於爾汗山斬  
其名王秋七月壬戌詔曰往者山東河表經此長亂孤  
城遠守多不自全濟陰太守杜猷身陷賊徒命懸寇手

欽定四庫全書

南北史合注  
卷九十七

三

郡省事范臺攻傾產營護免其戮辱眷言誠節寔有可  
嘉宜超恒賞用明沮勸臺攻可大都督假湘州刺史丁  
卯日有蝕之八月壬午遣尚書右僕射高頴出寧州道  
吏部尚書虞慶則出原州道並為行軍元帥以擊胡戊  
子親祀太社九月壬子幸城東觀稼癸丑大赦冬十月  
甲戌廢河南道行臺省十一月發使巡省風俗又詔使  
者舉賢才以備銓擢庚辰陳人來聘陳主知帝貌異世  
人使副使袁彥圖像而去甲午罷天下諸郡十二月乙



郊遣兼散騎常侍唐令則使於陳戊午以刑部尚書蘇威為戶部尚書是歲高麗突厥鞞鞞並遣使朝貢

是歲陳後主至德元年

四年春正月甲子朔日有蝕之祀太廟辛未祀南郊壬申梁孝明帝來朝甲戌大射於北苑十日罷壬午齊州水辛卯渝州獲獸似麋一角同蹄壬辰班新曆二月乙巳帝餞梁帝於霸上庚戌行幸隴州突厥可汗阿史那玷厥率其屬來降夏四月己亥勅總管刺史父母及子

欽定四庫全書

南北史合注 卷九十七

年十五以上不得將之官庚子以吏部尚書虞慶則為

尚書右僕射瀛洲刺史揚尚希為兵部尚書毛州刺史

劉仁恩為刑部尚書五月癸酉契丹主莫賀弗遣使請

降拜大將軍六月庚子降四徒壬子開通濟渠自渭達

河以通運漕

隋書食貨志載詔曰京邑所居五方輻湊重關四塞

水陸艱難大河之流波瀾東注百川海濱萬里交通

雖三門之外或有危慮但發自小平陸運至陝還從

河水入於渭川兼及上流控引汾晉舟車來去為益殊廣而渭川水力大小無常流沙淺深即成阻闕計其途路數百而已動移氣序不能往復汎舟之役人亦勞止公私之弊情實愍之故東發潼關西引渭水因籍民力開通漕渠量事計功易可成就不有暫勞安能久逸宣告庶民庶知朕意焉

甲寅制官人非戰功不授上柱國以下戎官以雍同華歧宜五州旱命無出今年租調戊午秦王俊來朝秋七

欽定四庫全書

南北史合注 卷九十七

月丙寅陳人來聘八月甲午遣十使巡省境內戊戌衛

王奕來朝壬寅上柱國太傅鄧公實熾卒乙卯陳將夏

侯苗請降帝以通和不納九月甲子幸襄國公主第乙

丑幸灊水觀漕渠賜督役者帛己巳帝親錄囚徒庚午

契丹內附甲戌以關中飢行幸洛陽癸未太白晝見冬

十一月壬戌遣兼散騎常侍薛道衡使於陳甲戌改周

十二月為臘腊

冊府元龜載詔曰古稱臘者接也取新故交接姬周



歲首今仲冬建亥之月稱蜡可也後周用夏后之時  
行姬氏之蜡考諸先代於義有違其十一月行蜡者  
停可以十二月為臘

是歲鞞鞞女國並遣使朝貢

五年春正月戊辰詔行新禮壬申詔罷江陵總管後至  
梁主琮時依舊三月戊午以尚書左僕射高穎為左領  
軍大將軍以上柱國宇文忻為右領軍大將軍夏四月  
壬寅上柱國王顓謀反誅乙卯詔徵山東大儒馬縉伯

欽定四庫全書

南北史合注  
卷九十七

五

等戊申車駕至自洛陽五月甲申初置義倉梁孝明帝  
殂遣上大將軍元契使於突厥阿波可汗秋七月庚申  
陳人來聘壬午突厥沙鉢略可汗上表稱臣八月甲辰  
河南諸州水遺戶部尚書蘇威賑給之戊申有流星數  
百四散而下己酉幸栗園九月丁巳至自栗園九月乙  
丑改鮑陂曰杜陂灞水曰滋水丙子遣兼散騎常侍李  
若使於陳冬十一月丁卯晉王廣來朝十二月丁未降  
囚徒是歲契丹遣使朝貢

六年春正月甲子黨項羌內附庚子班厯於突厥壬申  
使戶部尚書蘇威巡省山東二月乙酉山南荆浙七州  
水遣前工部尚書長孫毗賑卹之丙戌制刺史上佐每  
歲暮更入朝上考課丁亥發丁男十一萬修築長城二  
旬罷庚子大赦三月己未洛陽男子高德上書請帝為  
太上皇傳位皇太子帝曰朕承天命撫育蒼生日旰  
夜猶恐不逮豈學近代帝王事不師古傳位於子自求  
逸樂哉癸亥突厥沙鉢略可汗遣使朝貢夏四月己亥

欽定四庫全書

南北史合注  
卷九十七

五

陳人來聘秋七月辛亥河南諸州水乙丑京師雨毛如  
馬尾長者二尺餘短者六七寸八月辛卯關內七州旱  
蠲其賦稅遣散騎常侍裴世豪使於陳戊申上柱國太  
師申公李穆卒閏月丁卯皇太子鎮洛陽辛未晉王廣  
秦王俊並來朝丙子上柱國郟國公梁士彥上柱國杞  
公宇文忻柱國舒公劉昉謀反伏誅上柱國許公宇文  
善有罪除名九月辛巳帝素服御射殿詔百寮射梁士  
彥三家資物丙戌上柱國宋安公元景山卒辛丑詔賑



恤大象以來死事之家

隋書刑罰志曰是年詔免尉遲迥王謙司馬消難三逆人家口配沒者悉官酬贖使為編戶因除孳戮相

坐法

冬十月己酉以河北道行臺尚書令并州總管晉王廣為雍州牧餘官如故以兵部尚書楊尚希為禮部尚書癸丑置山南道行臺尚書省於襄州以秦王俊為尚書令

欽定四庫全書

南北史合注 卷九十七

五

隋書五行志曰是年霍州有老翁化為虎 梁後主

琮廣運元年

七年春正月癸巳祀太廟乙未制諸州歲貢三人二月丁巳祀朝日於東郊己巳陳人來聘壬申幸醴泉宮是月發丁男十萬修築長城二旬罷夏四月己酉幸晉王弟庚戌於揚州開山陽瀆以通運漕突厥沙鉢略可汗卒癸亥頒青龍符於東方總管刺史西方以西方以白虎南方以朱雀北方以玄武甲戌遣兼散騎常侍楊周

使于陳以戶部尚書蘇威為吏部尚書五月乙亥朔日

有蝕之己卯隕石於武安滄陽間十餘里秋七月己丑

衛王奕薨帝發喪於門下外省八月庚申梁後主蕭琮

來朝九月乙酉梁安平王蕭巖掠於其國以奔陳辛卯

廢梁國曲赦江陵以梁主蕭琮為柱國封甘國公冬十

月庚申行幸同州以先帝所居曲降因徒癸亥幸蒲州

丙寅宴父老帝極歡曰此間人物衣服鮮麗容止閑雅

良由士官之鄉陶染成俗也十一月甲午幸馮翊祭故

欽定四庫全書

南北史合注 卷九十七

五

社父老對詔失旨帝大怒免其縣官而去戊戌車駕至自馮翊

隋書五行志曰是年相州有桑門化為蛇尾繞樹而

自抽長二丈許陳禎明元年

八年春正月乙亥陳人來聘二月辛酉陳人寇硤州三

月辛未上柱國隴西公李詢卒甲戌遣兼散騎常侍程

尚賢使於陳戊寅詔大舉伐陳

隋書載詔曰有陳竊據江表逆天暴物朕初受命陳



項尚存往來修睦望其遷善時日無幾覺惡已聞厚  
納叛亡侵犯城戍于時王師大舉將一車書陳項反  
地收兵責躬請約俄而致殞仍詔班師叔寶承風因  
求繼好每見珪璫入朝輜軒出使何嘗不殷勤曉諭  
戒以惟新而狼子之心出而彌野威侮五行怠棄三  
正誅剪骨肉夷滅才良據手掌之地恣溪壑之險劫  
奪閭閻資產俱竭驅蹙內外勞役弗已徵責女子擅  
造宮室日增月益止足無期帷簿墮墻有逾萬數實

欽定四庫全書

南北史合注  
卷九十七

五

衣王食窮奢極侈淫聲樂飲俾晝作夜斬直言之客  
滅無罪之家欺天造惡祭鬼求恩歌舞衢路酣醉宮  
闈盛粉黛而執干戈曳綺羅而呼警蹕躍馬振策從  
旦至昏負甲持戈隨逐徒行天災地孽物怪人妖衣  
冠鉗口道路以目自古昏亂罕或能比傾心翹足誓  
告於我重以背德違言搖蕩疆場已映之下海溢以  
西江北江南為鬼為蜮抄掠人畜斷截樵蕪市井不  
立農事廢寢歷陽廣陵窺覩相繼或謀圖城邑劫剽

吏民晝伏夜遊鼠竄狗盜彼則羸兵做卒來必就擒  
此則重門設險有勞蕃捍天之所覆無非朕臣每聞  
聽覽有懷傷惻有梁之國我南藩也其君入朝潛相  
招誘不顧朕恩士女深迫脅之悲城府致空虛之歎  
豈容對而不誅忍而不救近日秋始謀欲弔民益部  
樓船盡令東騫使有神龍數十騰躍江流引伐罪之  
師向金陵之路船作則龍止船行則龍去四日之內  
三軍皆觀豈非蒼昊愛人幽明展事降神先路協贊

欽定四庫全書

南北史合注  
卷九十七

五

軍威便可出師授律永清吳越其將士糧仗水陸資  
須期會進止一准別勅  
隋書五行志曰是年四月幽州民家以白楊木懸灶  
上積十餘年忽生三條皆長三尺餘甚鮮茂  
秋八月丁未河北諸州饑遣吏部尚書蘇威賑恤之九  
月癸巳嘉州言龍見冬十月己亥太白出丙方己未置  
淮南行臺省於壽春以晉王廣為尚書令辛酉陳人來  
聘拘不遣甲子有星孛於牽牛將伐陳有事太廟授律



令晉王廣秦王俊清河公揚素並為行軍元帥伐陳於  
是晉王出六合秦王出襄陽素出信州荊州刺史劉仁  
恩出江陵宜陽公王世積出蕪春新義公麟擒虎出廬  
江襄邑公賀若弼出吳州落叢公燕榮出東海合摠管  
九十兵五十一萬八千皆受晉王節度東接滄海西距  
巴蜀旌旃舟楫橫亘數千里

明楊慎集載帝詔曰陳國未盡藩節誠須責罪若命  
水龍終當屈水龍謂戰船也

欽定四庫全書

南北史合注 卷九十七

三

仍曲赦陳國十一月丁卯車駕餞師詔購陳叔寶位上  
柱國萬戶公乙亥行幸定城陳師誓衆丙子幸河東十  
二月車駕至自河東

九年春正月己巳白虹夾日癸酉以尚書左僕射虞慶  
則為右衛大將軍丙子賀若弼敗陳師於蔣山獲其將  
蕭摩訶韓擒虎進師入建鄴獲陳主叔寶陳國平合州  
四十郡一百縣四百戶五十萬口二百萬癸巳遣使持  
節巡撫之二月乙未廢淮南尚書省丙申制五百家為

鄉正一人百家為里長一入夏四月己亥幸驪山親勞  
旋師乙巳三軍凱入獻俘太廟以晉王廣為太尉庚戌  
帝御廣陽門宴將士頒賜各有差辛亥大赦以陳都官  
尚書孔範散騎常侍王瑳王儀御史中丞沈觀等邪佞  
以致滅亡皆投之邊裔陳人普給復十年軍人畢世免  
徭役擢陳文武衆才而用之官奴數千可歸者歸之餘  
盡分賜將士及王公貴臣其資物皆於五琛賜王公以  
下大射毀所得秦漢三大鐘越二大鼓又設亡陳女樂

欽定四庫全書

南北史合注 卷九十七

三

謂公卿等曰此聲似啼朕聞甚不喜故與公等一聽亡  
國之音俱為永鑒辛酉以吏部侍郎宇文弼為刑部尚  
書宗政卿楊昇為工部尚書壬戌詔曰今率土大同含  
生遂性兵可立威不可不戢刑可措化不可專行禁衛  
九重之餘鎮守四方之外戎旅軍器皆宜停罷武力之  
子俱可學文民間甲仗悉皆除毀閏月丁丑頒木魚符  
於總管刺史雌一雄三已卯以吏部尚書蘇威為尚書  
右僕射六月乙丑以荊州總管楊素為納言丁卯以吏



部侍郎盧愷為禮部尚書時羣臣咸請封禪詔不許曰  
豈可命一將軍除一小國以薄德封名山用虛言干上  
帝邪八月壬戌以廣平王雄為司空冬十一月壬辰考  
使定州刺史豆盧通等上表請封禪亦不許庚子以右  
衛大將軍虞慶則為右武衛大將軍右領軍將軍李安  
為右領軍大將軍甲寅降囚徒十二月甲子詔太常卿  
牛弘通直散騎常侍許善心秘書丞姚察通直郎虞世  
基等議定樂

欽定四庫全書

南北史合注  
卷九十七

書

隋書載詔曰朕清蕩萬方情存古樂鄭衛淫聲魚龍  
雜戲樂府之內盡以除之今欲更調律呂改張琴瑟  
且妙術精微非因教習工人代掌止傳糟粕不足達  
神明之德論天地之和區域之間奇才異議天知神  
授何代無之蓋晦迹於非時俟昌言於所好宜可搜  
訪速以奏聞庶觀一藝之能共就九成之業  
冊府元龜載是年詔曰朕君臨區宇於斯九載開直  
言之路披不諱之心自頃還議論功昌言乃衆推誠

切諫其事甚疎公卿士庶非所望也各啟至誠輔茲  
不逮無或默默退有後言

十年春正月乙未以皇孫昭為河南王楷為華陽王二  
月庚申行幸并州

隋書五行志曰帝幸并州宴秦王及王子相帝為四  
言詩曰紅顏詎幾玉貌須臾一朝花落白髮難除明  
年後歲誰有誰無明年子相卒十八年王薨

夏四月辛酉車駕還宮五月乙未詔曰魏末喪亂縣宇

欽定四庫全書

南北史合注  
卷九十七

書

瓜分役軍歲動未遑休息兵士軍人權置坊府南征北  
伐居處無定家無完堵地罕苞桑恒為流寓之人竟無  
鄉里之號朕甚愍之凡是軍人可悉屬州縣墾田籍帳  
一同編戶軍府統領宜依舊式罷山東河南及北方緣  
邊之地新置軍府六月辛酉制民年五十免役收庸秋  
七月癸卯以納言楊素為內史令庚戌帝親錄囚徒辛  
亥高麗遣東郡公高陽卒八月壬申遣柱國韋洸上開  
府王景並持節巡撫嶺南百越皆服九月丁酉至自并



州冬十月甲子頒木魚符於京官五品以上十一月辛卯幸國學頒賜各有差辛丑祀南郊是月婺州人汪文進會稽人高智慧蕪州人沈玄愴皆舉兵反自稱天子樂安蔡道人饒州吳世華永嘉沈孝徽泉州王國慶餘抗楊寶英交趾季春等皆自稱大都督詔內史令楊素討平之是歲吐谷渾契丹並遣使朝貢

十一年春正月丁酉以平陳所得古器多為妖變悉毀之丙午皇太子妃元氏薨帝舉哀東宮文思殿二月戊

欽定四庫全書

南北史合注 卷九十七

三十一

午以大將軍蘇孝慈為工部尚書丙子以臨潁令劉曠政績尤異擢營州刺史辛巳晦日有蝕之夏五月癸卯詔百官悉詣朝堂上封事乙巳以右衛將軍元昊為左衛大將軍秋八月壬申幸栗園滕王瓚薨巳亥至自栗園上柱國沛國公鄭譯卒是歲突厥高麗靺鞨並遣使朝貢突厥獻七寶盤

十二年春二月巳巳以蜀王秀為內史令兼右領軍大將軍以漢王諒為雍州牧右衛大將軍秋七月乙巳尚

書右僕射邳公蘇威禮部尚書容城侯盧愷並坐事除名壬申幸昆明池即日還宮巳巳享太廟晦日有蝕之八月甲戌制天下死罪諸州不得便決皆令大理覆之乙亥幸龍首池癸巳制宿衛者不得輒離所守丁酉上柱國楚公豆盧勣卒戊戌帝親錄囚徒冬十月丁丑以遂安王集為衛王壬午祀太廟至太祖神主前帝流涕嗚咽不自勝十一月辛亥祀南郊巳未上柱國新義公韓擒虎卒甲子百寮大射於武德殿十二月乙酉以內史令楊素為尚書右僕射是歲突厥吐谷渾靺鞨並遣使朝貢

欽定四庫全書

南北史合注 卷九十七

三十一

十三年春正月乙巳上柱國郇公韓建業卒壬子祀感帝巳未以信州總管韋世康為吏部尚書壬戌行幸岐州二月丙子詔營仁壽宮丁亥至自岐州巳卯立皇孫暕為豫章王戊子晉州刺史南陽郡公賈悉達隰州總管撫寧郡公韓延等以賄伏誅巳丑制坐事去官者配防一年丁酉制私家不得隱藏緯候圖讖夏五月癸亥



詔禁民間撰集國史臧否人物秋七月丁巳幸昆明池  
戊辰晦日有蝕之九月丙辰降囚徒庚申封邵公楊綸  
為滕王冬十一月乙卯上柱國華陰公梁彥光卒是歲  
契丹奚霫室韋靺鞨並遣使朝貢

十四年夏四月乙丑詔曰比命有司總令研究正樂雅  
聲詳定已訖宜即施用見行者停民間音樂流僻日久  
棄其舊體競造繁聲流宕不歸遂以成俗宜加禁約務  
存其本五月辛酉京師地震關內諸州旱六月丁卯詔

欽定四庫全書

南北史合注  
卷九十七

三八

省府州縣皆給解田不得治生與民爭利秋七月乙未  
以邵公蕪威為納言八月辛未關中大旱民饑帝率戶  
口就食洛陽并命民山東就食冬閏十月甲寅詔曰梁  
齊陳往皆創業一方綿歷年代卽宗祀廢絕祭奠無主  
興言矜念良以愴然昔國公蕭琮及高仁英陳叔寶等  
宜令以時世修祭祀所須器物有司給之

時帝已先封周族人洛為介國公尹起莘謂獨不及  
周誤乙卯制外官九品以上父母及子年十五不得從

之官十一月壬戌制州縣佐史三年一代不得重任癸  
未有星孛於角亢十二月乙未東巡狩

佛藏曰是歲也勅自十年四月以前諸有僧尼私度  
者並給額附責任其出家凡增數十萬人

十五年春正月壬戌車駕次齊州親問疾苦丙寅旅王  
符山庚午以歲早祀泰山謝咎大赦天下二月丙辰禁  
私家畜兵器關中緣邊不在其例禁河以東不得乘馬  
丁巳上柱國蔣公梁睿卒三月己未車駕至自東巡望

欽定四庫全書

南北史合注  
卷九十七

三五

祭五嶽海瀆丁亥幸仁壽宮夏四月己丑朔大赦甲辰  
以趙州刺史楊達為工部尚書五月丁亥制京官五品  
以上佩銅魚符六月戊子詔鑿砥柱庚寅相州刺史豆  
盧通貢綾文布命焚於朝堂辛丑詔名山未祀典者  
悉命祀之秋七月甲戌遣邵公蕪威巡省江南戊寅至  
自仁壽宮辛巳制九品以上官以理去官者並聽執笏  
冬十一月辛酉幸溫湯乙丑至自溫湯十二月戊子敕  
盜邊糧一升以上皆斬籍沒其家己丑詔文武官以四



考更代是歲吐谷渾林邑等國並遣使朝貢

十六年春二月丁亥封皇孫裕為平原王筠為安成王

毅為安平王恪為襄城王該為高陽王韶為建安王煦

為潁川王夏六月甲午制工商不得進任并州大驛辛

丑詔九品以上妻五品以上妻夫亡不得改嫁秋八月

庚戌詔決犯罪者三奏方行刑冬十月己丑幸長春宮

十一月壬子至自長春宮

十七年春二月癸未太平公史萬歲伐西寧克之庚寅行幸

欽定四庫全書

南北史合注 卷九十七

仁壽宮庚子上柱國王世積討桂州賊李先仕平之三月丙辰

詔諸司屬官有犯聽于律令外斟酌決杖辛酉帝親錄囚

徒癸亥上柱國彭城公劉昶以罪伏誅庚午遣御史柳或皇

甫誕巡河南北夏四月戊寅頒新曆壬午詔功臣世子世孫

未經州任者量才叙用五月庚申晏百寮於玉女泉班

賜各有差己巳蜀王秀來朝閏月己卯郡鹿入殿門馴

擾侍衛內秋七月丁丑桂州入李世賢反遣右武侯大

將軍虞慶則討平之丁亥并州總管秦王俊坐事免以

王就第九月甲申車駕至自仁壽宮庚寅帝謂侍臣曰

廟庭設樂本以迎神齋祭之日觸目多感當此之際何

可為心存路奏樂禮為未允公卿宜更詳之冬十月丁

未頒銅虎符於驃騎車騎府戊申道王靜菴庚午詔曰

五帝異樂三王殊禮皆隨事有損益因情立節文仰惟

祭享宗廟瞻敬如在罔極之感情深茲日而禮畢升路

鼓吹發音還入宮門金石振響斯則哀樂同日心事相

違宜改茲往式用弘禮教自今享廟日不須備鼓吹殿

欽定四庫全書

南北史合注 卷九十七

庭勿設樂懸辛未京師大索十二月壬子上柱國桂州

道行軍總管魯公虞慶則以罪伏誅

隋書五行志曰大興城西南袁村設佛會有一老翁

白裙襦衣求食而去衆莫識追觀之行二里許不見

但一陂中白魚長丈餘小魚從者無數入爭射之或

弓折弦斷竟中之剖其腹得杭飯始知此魚向老翁

也後數日漕渠水暴溢人皆溺死

是歲高麗突厥並遣使朝貢



十八年春正月辛丑詔曰是越之民往承弊俗所在之處私造大船因相聚結致有侵害江南諸州民間有船長三丈以上悉括入官二月甲辰幸仁壽宮乙巳以漢王諒為行軍元帥水陸三十萬伐高麗夏五月辛亥詔畜猫鬼蠱毒厭魅野道之家投于四裔六月丙寅詔點高麗王高元官爵秋八月丙子詔京官五品以上總管刺史舉志行脩謹清平幹濟之士九月己丑漢王諒師遇疾疫而斃死者十二三庚寅敕舍客無公驗者坐及

欽定四庫全書

南北史合注  
卷九十七

四三

刺史縣令辛卯車駕至自仁壽宮冬十一月甲戌帝親錄囚徒癸未祀南郊十二月庚子上柱國夏州總管東萊公王景以罪伏誅是歲自京師至仁壽宮置行宮十所祀宋陳亳曹戴賴等州水詔並免庸調十九年春正月癸酉大赦戊寅大射於武德殿二月己亥晉王廣來朝甲寅幸仁壽宮夏四月丁酉突厥利可汗內附達頭可汗犯塞行軍總管史萬歲擊破之六月丁酉以豫章王暕為內史令秋八月癸卯上柱國尚書

左僕射齊公高顯坐事免辛亥上柱國皖城公張威卒甲寅上柱國城陽公李徽卒九月乙丑以太常卿牛弘為吏部尚書冬十月甲午以突厥利可汗為啟民可汗築大利城處其部落十一月有司言元年己未日漸長十二月乙未突厥都藍可汗為部下所殺國大亂星隕於勃海

二十年春正月辛酉朔帝幸仁壽宮突厥高麗契丹並遣使朝貢二月丁丑無雲而雷三月辛卯熙州入李英

欽定四庫全書

南北史合注  
卷九十七

四三

林反遣行軍總管張衡討之夏四月壬戌突厥犯塞以晉王廣為行軍元帥擊破之乙亥天有聲如瀉水自南而北六月丁丑秦王俊薨九月丁未車駕還宮冬十月己未太白晝見乙丑廢皇太子勇及諸子為庶人隋書太子勇傳載詔曰太子之位實為國本自古儲副長惡不悛仍令守器皆由情溺寵愛致使宗社傾已蒼生塗地由此言之天下安危繫乎上嗣豈不重哉皇太子勇地則居長情所鍾愛初登大位即建春



官而性識庸闇仁孝無聞昵近小人委任奸佞前後  
愆謬難以具舉豈敢以不肖子亂天下勇及其男女  
為王公主者並可廢為庶人事非獲已良深愧嘆  
殺柱國太平公史萬歲已已殺左衛大將軍五原公元  
吳十一月戊子立晉王廣為皇太子天下地震京城大  
風雪十二月戊午詔東宮官屬於皇太子不得稱臣辛  
巳詔毀壞偷盜佛及天尊象嶽鎮海瀆神形者以不道  
論沙門壞佛像道士壞天尊像以惡逆論

欽定四庫全書

南北史合注  
卷九十七

四

仁壽元年春正月乙酉朔大赦改元以尚書右僕射楊  
素為左僕射以納言蘇威為右僕射丁酉徙河南王昭  
為晉王突厥寇恒安遣柱國韓洪擊之敗績以晉王昭  
為內史令辛丑詔曰君子立身雖云百行惟誠與孝最  
為其首故投生殉節自古稱難殞身王事禮加二等而  
世俗之徒不達大義致命戎旅不入兆域興言念此每  
深愍歎且入廟祭祀並不廢闕何止墳塋獨在其外自  
今戰王之徒宜入墓域二月乙卯朔日有蝕之夏五月

已丑突厥男女九萬餘口來降壬辰驟雨震雷大風拔  
木宜君湫水移於始平六月乙卯遣十六使巡省風俗  
已丑廢太學及州縣學唯留國子一學取正三品以上  
子七十二人充生

隋書載詔曰儒學之道訓教生人朕撫臨天下思弘  
德教延集學徒崇建庠序開進仕之路佇賢雋之人  
而國學胄子垂將千數州縣諸生成亦不少徒有名  
錄空度歲時未有德為代範才任國用良由設學之

欽定四庫全書

南北史合注  
卷九十七

四

理多而未精今宜簡省明加獎厲於是國子學唯留  
學生七十人太學四門及州縣學並廢  
頒舍利於諸州秋七月戊戌改國子為太學  
隋書五行志載是年十月蘭州楊樹上松生高三尺  
六節十二枝  
十一月已丑祀南郊十二月楊素擊突大破之  
二年春三月已亥帝幸仁壽宮夏四月庚戌岐雍二州  
地震秋七月丙戌詔內外官各舉所知八月已巳皇后



獨孤氏崩九月丙戌車駕還宮壬辰河南北諸州大水  
遣工部尚書楊達賑恤之乙未上柱國表州總管金水  
公周搖卒隴西地震冬十月壬子曲赦益州管内癸丑  
以工部尚書楊達為納言閏月甲申詔尚書左僕射楊  
素與諸術者刊定陰陽并謬己丑詔楊素右僕射蘇威  
吏部尚書牛弘內史侍郎薛道衡祕書丞許善心內史  
舍人虞世基著作郎王劼等脩定五禮

隋書載詔曰禮之為用時義大矣黃琮蒼璧降天地

欽定四庫全書

南北史合注  
卷九十七

四十六

之神靈盛牲食展宗廟之敬正父子君臣之序明婚  
姻喪紀之節故道德仁義非禮不成安上治民莫善  
於禮自區宇亂離歷年代王道衰而變風作微言絕  
而大義乖與代推移其弊日甚至於四時郊祀之節  
文五服麻葛之隆殺是非異說躋駁殊塗致使聖教  
凋訛輕重無准朕當澆滌之時屬干戈之代刪正藝  
典日不暇給今四海又安五戎勿用理宜弘風訓俗  
道德齊禮綴往聖舊章興先王茂則尚書左僕射越

國公楊素尚書右僕射邳國公蘇威吏部尚書奇章  
公牛弘內史侍郎薛道衡祕書丞許善心內史舍人  
虞世基著作郎王劼或任居端揆博達古今或器推  
令望學綜經史委以裁緝實允僉議可並脩定五禮  
壬寅莫獻皇后於太陵十二月癸巳益州總管蜀王秀  
有罪廢為庶人交州人李佛子舉兵反遣行軍總管劉  
方討平之三年春二月戊子以大將軍蔡陽郡公姚辨  
為左武侯大將軍夏五月癸卯詔曰哀哀父母生我劬

欽定四庫全書

南北史合注  
卷九十七

四十七

勞但風樹不敬嚴敬莫追霜露既降感思徒切六月十  
三日是朕生日其日令海內為武元皇帝元明皇后斷  
屠六月甲午詔曰禮云親以期斷蓋以四時之變易萬  
物之更始故聖人象之其有三年加隆爾也但家無二  
尊母為厭降是以父在喪母還服於期者服之正也豈  
容期內而更小祥然三年之喪而有小祥者禮云期祭  
禮也期而除喪道也以是之故雖未再期而天地一變  
不可不祭不可不除故有練焉以存喪祭之本然期喪



有練於理未安雖云十一月而練乃無所法象非期非時豈可除察而儒者徒擬三年之喪立練禫之節可謂苟存其變而失其本欲漸於奪但薄於喪致使子則冠練去經黃裏緇緣經則布葛在躬粗服未改豈非經哀尚存子情已奪親踈失倫輕重顛倒乃不順人情豈聖人之意故知先聖之禮廢于人邪三年之喪尚有不行者至於祥練之節安能不墜禮云父母之喪無貴賤一也而大夫士之喪父母乃貴賤異服然則禮壞樂崩由

欽定四庫全書

南北史合注 卷九十七

四六

來漸矣所以晏平仲斬粗練其老謂之非禮滕文公服三年其臣咸所不欲蓋由王道既衰諸侯異政將踰越法度惡禮制害已乃減去篇籍自制其宜遂至骨肉之恩輕重從俗無易之道隆殺任情夫禮不從天降不從地出由人而已謂情緣於恩也故恩厚者禮隆情輕者禮薄聖人以是稱情立文別親踈貴賤之節自臣子道消上下失叙莫大之恩逐情而薄莫重之化與時而殺此乃服不稱喪容不稱服非聖人緣恩表情制禮之時

然喪與其易也寧戚則禮之本也禮有其餘未若於哀則情之實也今十一月而練非禮之本非情之實由是言之父在喪母不宜有練但依禮十三月而祥中月而禫庶合聖人之意達人子之心秋七月丁卯詔州縣搜揚賢哲咸取明知古今通識安危究政教之本達禮樂之源不限多少不得不舉徵召將送必須以禮

隋書載詔曰日往月來唯天所以運序山鎮川流唯地所以宣氣故能成天地大德育萬物為功况一人

欽定四庫全書

南北史合注 卷九十七

四九

君四海獨見致治不藉羣才未之有也是以唐堯欽明命羲和居嶽虞舜睿德升元凱作相此則鳴鶴在陰其子必和風雲之從龍虎賢哲之應聖明君德不回臣道以正故能通天地之和順陰陽之序自王道衰民風薄上莫能公道以御物下必踵私法以希時上下相蒙君臣義失則政乖政乖則人困蓋同德之風難嗣離德之軌易追則任者不休休者不任是以行歌避代辭位灌園卷而可懷黜而勿愠放逐江湖



之上沉赴河海之流至於閭巷秀異之士鄉曲博雅之儒言足佐時行足勵俗遺棄於草野湮滅而無聞所以覽古而歎息也方今區宇一家實乃天意朕夙夜祇懼日慎一日兆庶未康一物失所雖求傅巘莫見幽人徒相崆峒未聞至道唯恐商歌長夜抱關夷門遠跡犬羊之間屈身僮僕之伍其令州縣搜訪賢哲皆取明知古今通識治亂究政教之本達禮樂之源不限多少不得不舉限以三旬咸令進路徵召將

欽定四庫全書

南北史合注  
卷九十七

五

送必須以禮

八月壬申上柱國檢校幽州總管落藁公燕榮以罪伏誅九月壬戌置常平倉甲子以營州總管韋冲為戶部尚書十二月癸酉河南諸州水遺納言楊達賑恤之四年春正月丙辰大赦甲子幸仁壽宮夏四月乙卯帝不豫六月庚午大赦有星入月中數日而退長人見鴈門秋七月乙未日青無光八日乃復甲辰帝疾甚卧於仁壽宮與百寮辭訣握手歔歔丁未太子廣弒帝崩於

大寶殿

趙毅大業略記曰煬帝聞高祖欲召太子勇呼楊素張衡進毒藥又簡驍健官奴三十人皆服婦人衣下置仗立於門巷間為衛素等既入高祖暴崩馬總通歷曰張衡入拉高祖血濺御屏寃痛之聲聞外兩說未知孰是

時年六十四詔曰嗟乎自晉室播遷天下分裂以至周齊戰爭相尋上天降監授命於朕撥亂反正天下大同

欽定四庫全書

南北史合注  
卷九十七

五

所以昧旦臨朝不敢逸豫一日萬幾留心親覽匪曰朕躬蓋為百姓故也王公卿士每日闕庭刺史以下歲時朝集何嘗不罄竭心腑誠教殷勤義乃君臣情兼父子庶藉百寮之智安率土之民不謂遺疾彌留至於大漸但四海百姓衣食不豐教化政刑猶未盡洽興言念此唯以留恨朕今踰六十不復稱天但筋力精神一時勞竭欲安養百姓所以致此人生子孫誰不念愛既為天下事須割情勇及秀等並懷悖惡既無臣子之心所以



黜廢古人有云知臣莫若君知子莫若父今勇秀得志共理家國亦當戮辱遍公卿酷毒流民庶今惡子孫已為百姓黜屏好子孫足堪負荷大業此雖朕家事理不容隱皇太子廣地居上嗣堪承朕志內外同心共安天下朕雖瞑目何所復恨國家大事不可限以常禮既葬公除行之自昔今宜遵用不勞改定凶禮所須纔令周事務從儉約不得勞人諸州總管刺史以下宜率其職不須奔赴自古哲王因人作法前帝後帝沿革隨時律

欽定四庫全書

南北史合注 卷九十七

五十二

令格式有不便於事者宜依前脩改務當政要嗚呼敬之哉無墜朕命乙卯發喪河間楊柳四株無故黃落既而花葉復生八月丁卯梓宮至自仁壽宮丙子殯於大興前殿諡曰文皇帝廟號高祖十月乙卯葬太陵

宋揮塵錄曰太祖乾德四年詔置三戶歲一饗以太

宰

同墳異穴士庶赴奠者皆聽入視陵內帝性嚴重有威容外質木而內明敏有大略得政之始羣情不附諸子

幼弱內有六王之謀外致三方之亂握強兵居重鎮者皆周之舊臣帝推以赤心各盡其用不踰期月剋定三邊未及十年平一四海薄賦輕刑內脩制度外撫戎夷每旦聽朝日昃忘倦居處服翫務存節儉令行禁止上下化之開皇仁壽間丈夫不衣綾綺無金玉之飾常服率多布帛裝帶不過銅鐵骨角而已雖畚於財賞賜有功亦無所愛惜

隋書食貨志曰帝躬履儉約六宮咸服澣濯之衣乘

欽定四庫全書

南北史合注 卷九十七

五十三

輿供銜有故敝者隨令補用皆不改作非宴享事所食不過一肉有司嘗進香用穗袋答所司戒後由是內外率職府帑充實百官祿賜及賞功臣皆出豐厚九年陳平親御朱雀門因行慶賞自門外夾道列金帛之積達於南郭以次頒給所費三百餘萬段給復江表十年諸州並免當年租賦十年五月又以宇內無事益寬徭賦十二年有司上言庫藏皆滿帝曰朕薄賦於人又大經賜用何得爾也對曰用處常出納



處常入乃更闢左藏院構屋受之下詔曰既富而教  
方知廉耻寧積於人無藏府庫河北河東今年田租  
三分減一兵減半庸調全免

每乘輿四出路途上表者駐馬親自臨問或潛遣行人  
采聽風俗吏民得失民間疾苦無不留意嘗遇關中飢  
遣左右視民所食有得豆屑雜康奏者帝流涕示羣臣  
深自咎責為損膳不御酒肉者將一期及東拜泰山關  
中戶口就食洛陽者道路相屬帝敕斥候不得驅逼男

欽定四庫全書

南北史合注  
卷九十七

五十四

女參厠伏衛問遇逢扶老携幼者輒引馬避之慰勉而  
去至艱險處見負擔者遽令左右扶助之將士戰歿必  
加優賞仍令使者就家勞問自強不息朝夕孜孜民庶  
殷繁帑藏允實雖未能致臻至道亦近代良主然雅性  
沈猜素無學術好為小數言神燭聖杖堪能療病又信  
王劭解石文以為已瑞不達大體於是故忠臣義士莫  
得盡行蠲辭其草創元勳及有功諸將誅夷獲罪罕有  
存者又不悅詩書楊素希旨遂奉除學校唯婦言是聽

廢黜諸子逮於暮年持法尤峻喜怒失常果於殺戮常  
令左右送西域朝貢使出關其所經處受收軍所饋  
鸚鵡麋皮馬鞭小物聞而大怒又詣武庫見署中燕穢  
不理於是執武庫令及諸受遺者出開遠門外親自臨  
決死者數十人又往往潛令賄遺令史府史受者必死  
議者以此少之

資治通鑑曰帝晚節用法益峻御史於元日不劾武  
官衣劍不齊者帝曰爾為御史縱捨自由命殺之諫

欽定四庫全書

南北史合注  
卷九十七

五十五

議大夫毛思祖諫又殺之將作寺丞以課參翹遲晚  
武庫令以署庭荒蕪左右出使或授收軍馬鞭鸚鵡  
帝察知並親臨斬之帝既喜怒不恒不依科律信任  
楊素素復任情不平與鴻臚少卿陳延有隙嘗經蕃  
客館庭中有馬尿又太僕於氈上擣蒲以白帝帝大  
怒主客令及擣蒲者皆殺之捶陳延幾死帝遣親  
衛大都督長安屈突通往隴西檢覆羣牧得隱匿馬  
二萬餘匹帝大怒將斬太僕卿慕容悉達及諸監官



千五百人通諫曰人命至重陛下柰何以畜產故殺  
千有餘人臣敢以死請帝瞋目叱之通又頓首曰臣  
一身分死就陛下句千餘人命帝感寤曰朕不明至  
此賴卿忠言耳悉達等皆減死論擢通左武侯將軍  
隋書刑法志曰帝尚慘急而奸回不止京師白日公  
行劫盜命盜一錢以上皆棄市此後又定制行署取  
一錢以上聞見不告言者罪至死自此四人共盜一  
椹桶三人同竊一瓜事發即決有數人劫執事謂之

欽定四庫全書

南北史合注  
卷九十七

五

曰吾豈求財者為狂人來耳而為我奏至尊自古體  
國立法未有盜一錢即死者而不為我上聞吾更來  
而屬無遺類矣帝聞為停此法

論曰文帝樹基立本積德累仁

二語不切不如用隋書龍德在田奇表見異二語

徒以外戚之尊受托孤之任與能之議未為所許是以  
周室舊臣咸懷憤惋既而王謙固三蜀之阻不踰期月  
尉遲迴舉全齊之衆一戰而止非止人謀抑亦天贊乘

茲機運遂遷周鼎于時蠻夷猾夏荆揚未一劬勞日昃  
經營四方樓船南邁則金陵失險驃騎北指則單于款  
塞職方所載並入疆理禹貢所圖咸受正朔雖晉武克  
平吳會漢宣推亡固存不能尚也七德既敷九歌已洽  
尉侯無警遐通肅清於是躬節儉平徭賦倉廩實法令  
行君子樂生小人安業強不凌弱衆不暴寡民物殷阜  
朝野歡娛自開皇二十年間天下無事區宇晏如也但  
素無術業不能盡下無寬仁之度有刻薄之資暨乎暮

欽定四庫全書

南北史合注  
卷九十七

五

年此風愈扇又雅好瑞符暗於大道建彼維城權侂京  
室皆同帝制靡所適從聽妬婦之言惑邪臣之說溺寵  
廢嫡託付失所滅父子之道開昆弟之隙縱其尋斧翦  
代本墳土未乾子孫繼踵為戮松檟纒列天下已非隋  
有惜哉迹其衰怠之源稽其亂亡之兆起自文皇成於  
煬帝所由來遠矣不祀忽諸未為不幸也

南北史合注卷九十七



欽定四庫全書

南北史合注卷九十八

明 李清 撰

隋本紀下第十二

北史十二

煬皇帝

東恭帝先謚為世祖明皇帝從煬不從明者從實也  
諱廣一名英小字阿度高祖第二子母獨孤后美姿儀  
少敏慧高祖及后於諸子中特所鍾愛在周以高祖勳

欽定四庫全書

南北史合注  
卷九十八

封鴈門郡公開皇元年立為晉王拜柱國州總管時年  
十三尋授武衛大將軍進上柱國河北道行臺尚書令  
大將軍如故高祖令項城公敬安道公才李徹輔導之  
王好學善屬文沈深嚴重高祖密令善相者來和徧視  
諸子和曰晉王眉上雙骨隆起貴不可言繼而高祖幸  
王所居第見樂器絃多斷絕又有塵埃若不用者以為  
不好聲妓王尤自矯飾當時稱為仁孝嘗觀獵遇雨左  
右進油衣王曰士卒皆霑濕我獨衣此乎乃令持去六

年轉運南道行臺尚書令其年徵拜雍州牧內史令八  
年冬大舉伐陳以王為行軍元帥

煬帝集載王檄曰我大隋之有天下也惟彼江表獨  
阻皇風夫物極則返否終斯泰郭璞有云年經三百  
天下大同乃欲以區區之陳違上天冥數基不可存  
一也彼恃長江舟楫矜其夙習而我據上游鼓柁之  
能吳楚不異高艦巨舫東西萬里況彼之兵士不過  
十萬首尾分布所在危急守以時月則魚爛土崩接

欽定四庫全書

南北史合注  
卷九十八

以鋒刃則鳥驚鹿走理在必然不假枚卜基不可存  
二也豐侯好酒實喪厥邦梁伯役民潰其宗社偽主  
覆車是襲日夜沉湎繕造宮室莫知窮已寶衣玉食  
墳積后宮短褐粗糲不充編戶基不可存三也偽主  
忌能護短酷法淫刑骨鯁之臣盡見疎斥諫諍之士  
皆被屠害遠邇結舌衣冠解體基不可存四也以此  
小邦攝于大國累其十二方此未危而長惡益甚縱  
毒彌深帝乃憫然於彼黎獻授鉞推轂弔民伐罪惟



廢偽主自餘士庶皆從士皆若膠柱不移率其蟻衆  
敢抗王師軍有常刑禍不旋踵悔無及矣宜早圖之  
廣白 愚按廣之此檄乃他年所以自檄故節存之  
陳平執陳湘州刺史施文慶散騎常侍沈容卿市令  
湯慧朗刑法監徐析尚書都令史暨慧以其邪佞有害  
于民斬之石闕下以謝三吳於是封府庫資財無所取  
天下稱賢進位太尉賜路車乘馬衮冕之服元珪白璧  
各一雙拜并州總管俄江南高智慧等聚衆作亂徙王

欽定四庫全書

南北史合注  
卷九十八

三

為揚州總管鎮江都每歲一朝高祖祠泰山領武侯大  
將軍明年歸藩後數載突厥寇邊復為行軍元帥出靈  
武無鹵而旋及太子勇廢立王為皇太子是月當受冊  
高祖曰吾以大興公成帝業令王出舍大興其夜烈風  
大雪地震山崩民舍多壞壓死者百餘口仁壽初奉詔  
巡撫東南是夜高祖每避暑仁壽宮恒令王監國四年  
七月高祖遇弒王即皇帝位於仁壽宮八月奉梓宮還  
京師并州總管漢王諒舉兵詔尚書左僕射楊素討平

之九月乙巳以備身將軍崔彭為左領軍大將軍十一  
月乙未幸洛陽丙申發丁男十數萬掘塹自龍門東接  
長平汲郡抵臨清關渡河至浚儀襄城達于上洛以置  
關防癸丑詔曰朕聞姬邑兩周如武王之意殷人五徙  
成湯后之業雒邑自古之都王畿之內天地所合陰陽  
所和控以三河固以四塞水陸通貢賦等故漢祖曰吾  
行天下多矣唯見雒陽自古皇王何嘗不留意所不都  
者或九州未一或因其府庫作雒之制所以未暇我有

欽定四庫全書

南北史合注  
卷九十八

四

隋之始便欲創茲懷雒日復一日越暨于今朕肅膺寶  
歷纂臨萬邦遵而不失心奉先志今者漢王諒悖逆毒  
被山東遂令州縣或淪非所由關河懸遠兵不赴急加  
以并州移戶復在河南周遷殷民意在于此况復南服  
遐遠東夏殷大因機順動今也其時羣司百辟僉諧厥  
議但成周墟塔弗堪胥宇今可於伊雒營建東京便即  
設官分職以為民極夫宮室之制本以便生民豈謂理  
臺瓊室方為宮殿土塔采椽而非帝王者乎今所營構



務從儉約無令雕牆峻宇復起于當今欲使卑宮菲食將貽于後世有司明為條格稱朕意焉十二月乙丑以右武衛將軍來護兒為右驍衛大將軍戊辰以柱國李景為右武衛大將軍以右武衛率周羅暉為右武侯大將軍

大業元年

隋書五行志曰識者謂離合其字為大苦尋天下喪亂率土遭酷

欽定四庫全書

南北史合注  
卷九十八

五

春正月壬辰朔大赦改元立妃蕭氏為皇后改豫州為溱州洛州為豫州廢諸州總管府丙申立晉王昭為皇太子丁酉以上柱國宇文述為左衛大將軍己亥以豫章王暕為豫州牧戊申發八使巡省風俗下詔曰昔者哲王治天下其在愛民乎既富而教家給人足遠至邇安治定功成率由斯道朕恭嗣寶位聿遵先緒永言政術多有缺然況以四海之遠兆民之衆未獲親臨問其疾苦每慮幽昃莫舉冤屈不申一物失所用傷和氣所

以興寤增歎而夕惕載懷者也布政為始宜存寬大可分遣使人巡省方俗宣揚風化薦拔淹滯申達幽枉孝悌力田給以優復鰥寡孤獨不能自存者量加賑濟義夫節婦旌表門閭高年之老加其板職並依別條賜以粟帛篤疾之徒給侍丁者雖有侍養之名曾無賙贍之實明加檢校使得存養若有名行顯著操履脩潔及學業才能一藝可取咸宜訪採將身入朝所在州縣以禮發遣其蠹政害民不便于時者使還之日具錄奏聞已

欽定四庫全書

南北史合注  
卷九十八

六

酉以吳州總管宇文弼為刑部尚書二月己卯以尚書左僕射楊素為尚書令三月丁未詔尚書令楊素納言楊達將作大匠宇文愷營建東京徙豫州郭下居民實之

隋書食貨志曰每月役丁三百萬人命黃門侍郎王弘上儀同于士澄採大木於江南諸州引至東都所經州縣遞送往返首尾相屬千里不絕而東都役使促迫而死者十四五每月載死丁東至城臯北至河



陽車相望於道

戊申詔曰聽採輿論謀及庶民故能審政刑得失是知  
昧旦思治欲使幽枉必達曩倫有章而牧宰苟為僥倖  
以求考課虛立殿最不存理實網紀罔理冤屈莫申關  
河重阻無由自達朕故建立東京躬親存問今將存厯  
淮海觀省風俗眷求謹言徒繁詞翰而鄉校之內闕爾  
無聞恒然夕惕用勞興寢其民有知州縣官人政治  
苛刻侵害百姓背公徇私不便于民者聽詣朝堂封奏

欽定四庫全書

南北史合注  
卷九十八

庶乎四聰以達天下無冤又於阜澗營顯仁宮

隋書食貨志曰顯仁宮苑園連接北至新安南及飛

山西至澗池周圍數百里

採海內奇珍異獸草木之類以實園苑徙天下富商大  
賈數萬家於東京辛亥發河南諸郡男女七百萬開通  
濟渠自西苑引穀洛水達于河自板渚引河通于淮

隋書食貨志曰謂之御河河畔築御道樹以柳杜

寶大業雜記曰苑內造山為海周十餘里水源數丈

中有方丈蓬萊瀛洲諸山各相去三百步山高出水  
百餘尺

庚申遣黃門侍郎王弘上儀同于士澄往江南採木造  
龍舟計鳳舳黃龍赤艦樓船等數萬艘夏四月癸亥大  
將軍劉仲方擊林邑破之五月庚戌戶部尚書義豐侯  
韋沖卒六月甲子熒惑入太微秋七月丁酉制戰亡家  
給復十年丙午滕王綸衛王集並奪爵徙邊閏七月甲  
子以尚書令楊素為太子太師安德王雄為太子太傅

欽定四庫全書

南北史合注  
卷九十八

河間王弘為太子太保丙子詔曰君民建國教學為先  
而言絕義乖多歷年代雖復饜宇時建示同愛禮函丈  
或陳殆為虛器遂使紆青拖紫非以學優制錦操刀類  
多牆面雅缺道消實由于此方今區宇平一文軌攸同  
十步之內必有芳草四海之中豈無孝秀諸在家及見  
入學者若有篤志好古耽典悅禮學行優敏堪膺時務  
所在採訪具以名聞即當隨其器能擢以不次若研精  
經術未願仕進可依其藝業深淺門蔭高卑雖未升朝



並量準給祿庶恂恂善誘不日成器其國子等學亦宜申明舊制教習生徒其為課試之法以盡砥礪之道八月壬寅帝御龍舟幸江都以左武衛大將軍郭行為前軍右武衛大將軍李景為後軍文武官五品以上給樓船九品以上給黃篋舳舻相接二百餘里

隋書食貨志曰募諸水工謂之殿脚衣錦行滕執青絲纜挽舟以幸江都所經州縣並令供頓獻食豐者加官爵乏者譴至死 資治通鑑曰龍舟四重高四

欽定四庫全書

南北史合注  
卷九十八

九

十五丈長二百尺上重有正殿內殿東西朝堂中二重有百二十房皆飾以金玉下重內侍處之皇后乘翔螭舟制度差小而粧飾無異別有浮景九艘三重皆水殿也又有漾彩朱鳥蒼螭白虎玄武飛翔青鳧陵波五樓道場玄壇樓船板楡黃篋等數千艘後宮諸王公主百官僧尼道士蕃客乘之及載內外百司供奉之物共用挽船士八萬餘人其挽漾彩以上者九千餘人謂之船脚皆以錦綵為袍又有平乘青龍

艨艟艘八檣艇舸等數千艘並十二衛兵乘之並載兵器帳幕兵士自引不給夫舳舻相接二百餘里照耀川陸騎兵翊兩岸而行旌旗蔽野所過州縣五百里內皆令獻食多者一州至百舉極水陸奇珍後宮厭飲將發之際多棄埋之

冬十月己丑赦江淮已南揚州給復五年舊總管內給復三年十一月己未以大將軍崔仲方為禮部尚書

冒夢齡隴語曰是年也鴈門人房四安母年百歲首

欽定四庫全書

南北史合注  
卷九十八

十

生角長二寸

二年春正月辛酉東京成

杜寶大業雜記曰東京成徙都之其宮北據邛山南直伊闕之口洛水貫都有河漢之象其宮室臺殿皆宇文愷所創愷巧思絕倫制造頗窮奢麗前代都邑莫比

賜監督者有差以大理卿梁毗為刑部尚書丁卯遣十使併省州縣二月丙戌詔尚書令楊素吏部尚書牛弘



大將軍宇文愷內史侍郎虞世基禮部侍郎許善心制定輿服始脩輦輅及五時副車

大業雜記曰輦輅輿車並朱絲碧油網絡裝以金玉填以雜寶珠璫紅翠及天下奇妙文物羽儀書記未有

帝常服皮弁十有二琪文官皮服珮玉五品已上給犢車通幟三公親王加油絡武官巾幘袴褶三品已上給爬槩下至吏胥服色各有差非庶人不得戎服戎置

欽定四庫全書

南北史合注 卷九十八

十一

都尉官三月庚午車駕發江都先是太府少卿何稠太府丞雲定與盛脩儀伏于是課州縣送羽毛百姓求捕之網羅被水陸禽獸有堪覽眊之用者殆無遺類

隋書禮志曰是年翟雉尾一直十縑白鷺鮮半之

資治通鑑曰烏程有高樹踰無附枝上有鶴巢民欲取之不可上乃伐其根鶴恐殺其子自拔髦毛投地時人語曰天子造羽儀羣鳥自獻羽

至是成夏四月庚戌帝自伊闕陳法駕備千乘萬騎入

於東京辛亥帝御端門大赦天下免今年租賦癸丑以冀州刺史楊文思為民部尚書五月甲寅金紫光祿大夫兵部尚書李通坐事免乙卯詔曰旌表先哲式在饗祀所以優禮賢能顯彰遺愛朕永鑒前脩尚想名德何嘗不興歎九原屬懷君子其自古以來賢人君子有能樹聲立德佐世匡時博利殊切有益于民者並宜營祠宇以時致祭墳壟之處不得侵踐有司量為條式稱朕意焉六月壬子以尚書令太子太師楊素為司徒進封

欽定四庫全書

南北史合注 卷九十八

十二

豫章王暕為齊王秋七月癸丑以衛尉卿衛玄為工部尚書庚申制百官不得計考增級必有德行功能灼然顯著者擢之壬戌擢藩邸舊臣鮮于羅等二十七人官爵有差甲戌皇太子昭薨乙亥上柱國司徒楚國公楊素卒八月辛卯封皇孫倓為燕王侗為越王侑為代王九月乙丑立秦王俊子浩為秦王冬十月戊子以靈州刺史段文振為兵部尚書十二月庚寅詔曰前代帝王因時創業君民建國禮尊南面而歷運推移年代永久



邱壘殘毀樵牧相趨塋兆堙蕪封樹莫辨興言淪滅有  
愴于懷自古以來帝王陵墓可給隨近十戶蠲其雜役  
以供守視

杜祐通典曰是冬置洛口回洛倉此外諸倉儲粟多  
者千萬石少者數百石天下義倉又皆充滿京都及  
并州庫布粟各數千萬魏晉以降未有

三年春正月癸亥敕并州逆人已流配而逃亡者所獲  
之處即宜斬決丙子長星竟天出于東壁二旬而止是

欽定四庫全書

南北史合注  
卷九十八

十三

月武陽郡士言河水清二月己丑彗星見于東井文昌

歷大陵五軍北河入太微掃帝座前後百餘日而止三

月辛亥車駕還京師壬子以大將軍姚辨為左衛將軍

癸丑遣羽騎朱寬使于流求國乙卯河澗王弘薨夏四

月庚辰詔曰古者帝王觀風俗所以憂勤兆庶安集遐

荒自蕃夸內附未遑親撫山東經亂復加存恤今欲安

集河北巡省趙魏所司依式甲申頒律令大赦天下關

內給復三年壬辰改州為郡改度量衡並依古式改上

柱國以下官為大夫甲午詔曰天下之重非獨理所安

周稱多士漢號得人尚想前風載懷欽佇朕引領巖谷

實行周行冀與羣才共康庶績而景茅寂寞投竿罕至

豈美璞韜采未值良工將介石在懷確乎難拔永鑒前

哲憮然興懷凡厥在位譬諸股肱若濟巨川義同舟楫

豈得保茲寵祿晦爾所知優游卒歲甚無謂也祁大夫

舉善良史以為至公臧文仲蔽賢尼父譏其竊位宜思

進善用匡寡博夫孝悌有聞人倫之本德行敦實立身

欽定四庫全書

南北史合注  
卷九十八

十四

之基或節義可稱或操履清潔所以激貪厲俗有益風

化強毅正直執憲不撓學業優敏文才美秀並廟廊之

用實瑚璉之資才堪將畧則拔以禦侮力有驍壯則任

以爪牙爰及一藝可取亦宜採錄若眾善畢舉與時無

棄以此求理庶幾非遠文武有職事者五品已上宜依

令十科舉人有一于此不必求備朕當待以不次隨才

升用其見任九品已上官不在舉送之列丙申車駕北

巡狩丁酉以刑部尚書宇文弼為禮部尚書戊戌敕百



司不得踐暴禾稼其有須開為路者有司計地所收即以近倉酬賜務從優厚己亥至赤岸澤以太牢祭故太師李穆墓五月丁巳突厥啓民可漢遣子拓特勒來朝戊午發河北十餘郡丁男自太行山達于并州以通馳道丙午啓民可漢遣其兄子毗黎伽特勒來朝辛酉啓民可漢請自入塞奉迎與駕帝不許癸酉有星孛于文昌上將星皆動搖六月辛巳獵于連谷丁亥詔曰聿追孝饗德莫至焉崇建寢廟禮之大者然則質文異代損

欽定四庫全書

南北史合注 卷九十八

七

益殊時學滅坑焚經典散逸憲章湮墜廟堂制度師說不同所以世數多少莫能是正連室異宮亦無定准朕欽承景運冀隆大典于是詢謀在位博訪儒術咸以為文皇帝受天明命恤獄緩刑輕徭薄賦芟夸宇宙混壹車書東漸西被無思不服南征北怨俱荷來蘇駕甃乘風歷代所弗至辨髮左衽聲教所罕及莫不厥角闕塞頓柔闕庭荷歟偉歟無得而名者也朕又聞之德厚者流光理辨者禮緝是以周之文武漢之高光典章特立

謚號斯重豈非緣情稱述即崇顯之義乎文皇帝宜別建廟宇以彰巍巍之德仍遵月祭用表蒸蒸之懷有司以時創造務合典制又名位既殊禮亦異等天子七廟事著前經諸侯二昭義有差降故知以多為貴王者之禮今可依用貽厥後昆五子次榆林郡丁酉啓民可漢來朝甲辰帝御北樓觀漁於河以宴百寮秋七月辛亥啓民可漢上表請變服襲冠帶詔啓民贊拜不名在諸侯王上甲寅帝于郡城東御大帳其下備儀衛建旌旗

欽定四庫全書

南北史合注 卷九十八

六

宴啓民及其部落三千五百人奏百戲之樂賜啓民及其部落各有差丙子殺光祿大夫賀若弼禮部尚書宇文弼太常卿高頴尚書左僕射蘇威坐事免發丁男百餘萬築長城西距榆林東至紫河綿亘千餘里二旬而罷死者十五六八月壬午車駕發榆林乙酉啓民飾廬清道以侯乘輿帝幸其帳啓民奉觴上壽宴賜極厚帝謂高麗使者曰歸語而王當早來朝見不然者吾與啓民巡彼土矣皇后亦幸義城公主帳己丑啓民可漢歸



蕃癸巳入樓煩關壬寅次太原詔營晉陽宮九月己未  
次濟源幸御史大夫張衡宅宴飲極歡己巳至東都壬  
申以齊王暕為河南尹開府儀同三司癸酉以戶部尚  
書楊文思為納言是歲吐谷渾高昌并遣使朝貢  
四年春正月乙巳詔發河北諸郡男女百餘萬開永濟  
渠引沁水南達于河北通涿郡

隋書食貨志曰自是南丁不供始以婦人從役

庚戌百寮大射于允武殿丁卯賜城內居民米各十石

欽定四庫全書

南北史合注  
卷九十八

七

壬申以太府卿元壽為內史令鴻臚卿楊玄感為禮部  
尚書癸酉以工部尚書衛玄為右武侯大將軍大理卿  
長孫熾為戶部尚書二月己卯遣司朝謁者崔毅使突  
厥處羅致漢血馬三月辛酉以將作大匠宇文愷為工  
部尚書乙丑車駕幸五原因出塞巡長城

資治通鑑曰行宮設大合板城載以槍車每頓舍則  
外其轅為外圍內布鉄菱次施弩牀以繩連機有人  
觸繩則弩機旋轉向所觸發

丙寅遣屯田主事常駿使赤土致羅罽夏四月丙午以  
離石之汾源臨泉鴈門之秀容為樓煩郡起汾陽宮

資治通鑑曰帝無日不治宮室兩京及江都園囿亭

殿雖多久而愈厭每遊幸左右顧盼無可意者不知

所適乃備責天下山川圖躬自歷覽詔于汾州之北

汾水之源營汾陽宮

癸丑以河內太守張定和為左屯衛大將軍乙卯詔曰

突厥啓民可汗率領部落保附關塞頻入謁見屢有陳

欽定四庫全書

南北史合注  
卷九十八

六

請以擅牆毳幕事窮荒陋上棟下宇願同比屋誠心懇  
切朕之所重宜於萬壽成置城造屋其帷帳牀褥以上  
隨事量給務從優厚稱朕意焉五月壬申蜀郡獲三足  
烏張掖獲元狐各一秋七月辛巳發丁男二十餘萬築  
長城自榆林而東乙未左屯衛大將軍宇文述破吐谷  
渾於曼頭赤水八月辛酉親祠恒岳河北道郡守畢集  
大赦天下車駕所經郡縣免一年租調九月辛未徵天  
下鷹師悉集東京至者萬餘人戊寅彗星出五車掃文



昌至房而減辛巳詔免長城役者一年租賦冬十月丙午詔曰先師尼父聖德在躬蘊茲素王而頽山之歎忽踰千祀盛德之美不在百代永惟懿範宜有優崇可立孔子後為紹聖侯有司求其苗裔以聞辛亥詔曰昔周王下車首封唐虞之胤漢帝承歷亦命殷周之後皆所以褒立先代憲章在昔朕嗣膺景業傍求雅訓有一弘益欽若令典以為周兼夏殷文質大備漢有天下車書混一魏晉沿襲風流未遠並宜立後以存繼絕之義有

欽定四庫全書

南北史合注 卷九十八

十九

司可求其胃緒列聞乙卯頒新式于天下是歲百濟倭迦羅含國並遣使朝貢

五月春正月丙子改東京為東都癸未詔天下均田戊子自東都還京師己丑制民間鐵義搭鈎積办之類皆禁絕之太守每歲密上屬官政迹二月戊戌次閱鄉詔祭古帝王陵及開皇功臣墓庚子制魏周官不得為蔭戊申車駕至京師丙辰宴耆舊四百人于武德殿頒賜各有差己未帝御崇德殿之西院愀然不悅顧謂左右

曰此先帝所居實用增感情所未安於此院西別營一殿壬戌制父母聽隨子之官三月己巳車駕西巡河右庚午有司言武功男子史永遵與從父昆弟同居帝嘉之賜物一百段米二百石表其門閭乙亥幸扶風舊宅夏四月己亥大獵于隴西乙巳次狄道癸亥出臨津關度黃河至西平陳兵講武五月乙亥帝大獵于延山長圍周亘二千里庚辰入長寧谷壬午度星嶺甲辰宴羣臣于金山之上丙戌梁浩疊御馬度而橋壞斬朝散大

欽定四庫全書

南北史合注 卷九十八

二十

夫黃亘及督役者九人吐谷渾主率眾保覆袁州帝分命內史元壽南屯金山兵部尚書段文振北屯雪山太僕卿楊義臣東屯琵琶峽將軍張壽西屯泥嶺四面圍之吐谷渾主伏允以數十騎遁遣其名王詐稱伏允保車我真山壬辰詔右屯衛大將軍張定和往捕之定和挺身挑戰為賊所殺亞將柳武建擊破之斬首數百級甲午其仙頭王窮蹙率男女十餘萬口來降

資治通鑑載帝謂侍臣曰自古天子有巡狩禮而江



東諸主傅脂粉坐深宮不與百姓相見此何禮也

六月丁酉建左光祿大夫梁默右翊衛將軍李瓊等追吐谷渾主皆遇賊死之癸卯經大斗拔谷山路隘險魚貫而出風霰晦冥與後宮相失

資治通鑑曰妃主後宮狼狽相失與軍士雜宿山間士卒凍死者大半丙午次張掖辛亥詔諸郡學業該通才藝優洽膂力驍壯超絕等倫在官勤奮堪理政事立性正直不避強禦四科舉人壬子高昌王麴伯雅來朝

欽定四庫全書

南北史合注  
卷九十八

三

伊吾吐屯設等獻西域數千里之地帝大悅癸丑置西海鄯善河源且末等四郡

隋書食貨志曰時謫天下罪人配為戍卒大開屯田發西方諸郡運糧給之道里懸遠兼遇寇掠死亡相續

丙辰帝御觀風行殿盛陳文物奏九部樂設魚龍曼延宴高昌王吐屯設于殿上以寵異之其蠻夸陪列者三十餘國戊午大赦天下開皇己來流配悉放還鄉晉陽

逆黨不在此例隴右諸郡給復三年秋七月丁卯置馬

牧于青海渚中以求龍種無効而止九月癸未車駕入長安冬十月癸亥詔曰優德尚齒載之典訓尊事乞言義彰膠序鬻熊為師無取筋力方叔元老克壯其猷朕永言稽古用求至理是以龐眉黃髮更求收叙務簡秩優無虧藥餌庶等卧理佇其弘益今歲耆老赴集者可于近郡處置年七十已上疾患沉滯不堪居職即給賜帛送還本郡其官至七品以上者量給稟以終厥身十

欽定四庫全書

南北史合注  
卷九十八

三

一月丙子車駕幸東都是歲赤吐高麗吐谷渾伊吾黨項並遣使朝貢

六年春正月癸亥朔旦有盜數十人皆素冠練衣焚香持華自稱彌勒佛入自建國門監門者皆稽首既而奪衛士仗將為亂齊王暕遇而斬之于是都下大索與相連坐者千餘家丁丑以諸番酋長畢集盛陳角觝大戲于端門街天下奇伎異藝畢集

資治通鑑曰戲場周圍五千步執絲竹者萬八千人



聲聞四十里自昏達旦燈火燭天地

終月而罷上數微服往觀之二月乙巳武賁郎將陳稜朝請大夫張鎮州擊流求破之獻俘萬七千口頒賜百官乙卯詔曰帝國草創王業艱難咸依股肱協同心德用能救厥頽運克膺大寶然後疇庸茂賞開國承家誓以山河傳之不朽近代凋喪四海未壹茅土妄假名實相乖歷茲永久莫能懲革皇運之初百度伊始猶循舊貫未暇改作今天下交泰文軌攸同宜率遵先典永垂

欽定四庫全書

南北史合注 卷九十八

五

大訓自今已後唯有功勳乃得賜封仍令子孫承襲其舊賜五等爵非有功者皆除之丙辰改封安德王雄為觀王河間王子慶為郇王庚辰徵魏齊周陳樂人悉配太常三月癸亥幸江都宮甲子以鴻臚卿史祥為左驍衛大將軍夏四月丁未宴江淮已南父老頒賜各有差六月壬辰鴈門賊師尉文通聚眾三千保於莫壁谷遣鷹揚楊伯泉擊破之甲寅制江都太守秩同京尹冬十月壬申刑部尚書梁毗卒壬子戶部尚書銀青光祿大

夫長孫熾卒十二月己未左光祿大夫吏部尚書牛弘卒辛酉朱崖人王萬昌舉兵作亂遣隴西太守韓洪討平之

資治通鑑曰是冬敕穿江南河自京口至餘杭八百餘里廣十餘丈通龍舟

是歲室韋赤土並遣使朝貢

七年春正月壬寅左武衛大將軍光祿大夫真定侯郭行卒二月己未帝升釣臺臨楊子津大宴百寮頒賜各

欽定四庫全書

南北史合注 卷九十八

五

有差己亥帝自江都御龍舟入通濟渠遂幸涿郡

資治通鑑曰勅選部門下內史御史四司之官于舟前選補其受選者三千餘人或徒步隨舟三千餘里不得處分凍餒疲頓因而致死者什一二

壬午詔曰武有七德先以安民政有六本興以教義高麗虧失藩禮將欲問罪遠左恢宣勝略雖懷伐國仍事省方今往涿郡巡撫民俗其河北諸郡及山西山東年九十已上版受太守八十者授縣令三月丁亥右光祿



大夫左屯衛大將軍姚辨卒夏四月庚午幸涿州之臨  
朔宮五月戊子以武威太守樊子蓋為民部尚書秋大  
水山東河南漂沒三十餘郡民相賣為奴婢冬十月乙  
卯底柱山崩偃水逆流數十里戊午以東平太守吐萬  
緒為左屯衛大將軍十二月己酉突厥處羅多利可汗  
來朝帝大悅接以殊禮時遼東戰士及饋運者填咽于  
道晝夜不絕苦役者為羣盜

資治通鑑曰敕幽州總管往東萊海口造舟官吏督

欽定四庫全書

南北史合注  
卷九十八

五十五

役日夜立水中不敢息自股以下皆生蛆于是盜羣  
起

甲子敕都尉鷹揚與郡縣相知追捕隨獲決斬之是歲  
百濟遣使朝貢

八年春正月辛巳大軍集于涿郡以兵部尚書段文振  
為左侯衛大將軍壬午詔曰粵我有隋誕膺靈命提封  
所漸細柳蟠桃之外聲教爰暨紫舌黃枝之域遠至邇  
安罔弗和會高麗小醜迷昏不恭崇聚勃碣之間薦食

連穢之境雖復漢魏誅夸巢窟擾亂雜多阻種落還

集萃川數于前代播實繁以迄今睠彼華壤翦為夸類

厯年永久惡稔既盈移告之嚴未嘗面受朝覲之禮莫

肯躬親誘納亡叛不知紀極充斥邊垂極勞烽候在昔

薄伐已漏天網曾不懷恩翻其長惡乃兼契丹之黨處

劉海戍習鞞鞞之服侵軼遼西又青邱之表咸脩職貢

碧海之濱同稟正朔遂復冠攘琛賫遏絕往來輶軒奉

欽定四庫全書

南北史合注  
卷九十八

五十六

人此而可忍孰不可容且法令苛酷賦歛煩重賄貨如

市寬枉莫申重以仍歲災凶比屋饑饉兵戈不息徭役

無期力竭轉輸身填溝壑境內哀惶不勝其弊省俗觀

風爰暨幽朔吊民間罪無俟再駕今宜授律啓行分麾

屆路掩滄海而雷震及扶餘以電掃左第一軍可饒方

道第二軍可長岑道第三軍可海冥道第四軍可蓋馬

道第五軍可南蘇道第六軍可建安道第七軍可遼東

道第八軍可玄菟道第九軍可扶餘道第十軍可朝鮮



道第十一軍可沃沮道第十二軍可樂浪道右第一軍可粘蟬道第二軍可含資道第三軍可渾彌道第四軍可臨屯道第五軍可候城道第六軍可提奚道第七軍可踏頓道第八軍可肅慎道第九軍可碣石道第十軍可東賧道第十一軍可帶方道第十二軍可襄平道凡此眾軍先奉廟畧駱驛引途總集平壤莫非如豺如貔之勇百戰百勝之雄朕躬馭元戎為其節度涉遼而東循海之右其外輕齎游閱隨機應響卷甲銜枚出其不

欽定四庫全書

南北史合注 卷九十八

三

意又滄海道軍舟艦千里高颿電逝巨艦雲飛廣斷沮江逕造平壤其餘被髮左衽之人控弦待發微盧彭濮之旅不謀同辭仗順臨逆人百其勇若高元泥首棘門自歸司寇即解縛焚櫬弘之以恩其餘臣民願朝奉化咸加慰撫各安生業隨才任用無隔夸夏營壘所次務在整肅芻蕘有禁勿犯若同惡相濟抗拒官軍國有常刑俾無遺類明加曉示稱朕意焉總一百一十三萬三千八百號二百萬餽運倍之癸未第一軍發終四十日

引師乃進旌旗亘千里近古出師之盛未之有也乙未以右侯衛大將軍衛玄為刑部尚書甲辰內史令元壽卒二月甲寅詔曰朕觀風燕裔問罪遼濱文武叶力爪牙思奮莫不執銳勤王捨家從役罕蓄倉廩之資兼損播殖之務雖復素飽之眾情在忘私悅使之徒宜從其厚諸行從一品以下伏飛募人以上家口郡縣宜數存問若有糧食之少皆賑給之或雖有田疇貧弱不能自耕種可于多丁富室勸課相助使居者有餘積之豐行

欽定四庫全書

南北史合注 卷九十八

三

役無顧後之慮壬戌司空京兆尹光祿大夫觀王雄薨三月辛卯兵部尚書左侯衛大將軍段文振卒癸巳帝御師甲子臨戎于遼水橋戍戍大軍為賊所拒不果濟右屯衛大將軍左光祿大夫麥鐵杖武貴郎將錢士雄孟金義等皆死之甲午車駕度遼大戰于東岸擊賊破之遼東

冊府元龜載丙申詔曰朕嗣膺天命晷緯不占之鄉梯航所絕之域罔弗來庭而遼左島脊獨懷逆命朕



爰整六師親麾三令歷代通醜一鼓大定憬彼遐夸  
萬里肅清今凱旋言及宜順茲含養與物惟新可大  
赦天下 愚按煬帝功未立而氣已盈其敗宜哉故  
錄之

乙未大頓見二大鳥高丈餘躡身朱足游泳自若帝異  
之命工圖寫并立銘頌五月戊午納言楊達卒時諸將  
各奉旨不敢越機既而高麗各城守攻之不下六月己  
未幸遼東責怒諸將止城西數里御六合城七月壬午

欽定四庫全書

南北史合注 卷九十八

二十九

宇文述等敗績於薩水右屯衛將軍薛世雄死之九軍  
並陷師奔還亡者千餘騎癸卯班師九月庚辰帝至東  
都已丑詔曰軍國異容文武殊用時當撥亂屠販可以  
登朝世屬隆平經術然後升仕豐都爰肇儒服無預于  
周行建功之朝功臣不參于吏職自三分未一四海交  
爭未遑文教唯尚武功設官分職罕以才授班朝理民  
乃由勲敘莫非拔足行陣出自勇夫學數之道不習政  
事之方無取是非暗於在己威福專於下吏貪冒貨賄

不知紀極蠹政害民實由于此自今已後諸授勲官者  
並不得回授文武職事庶遵彼更張取類于調瑟求諸  
名製不傷于美錦若吏部輒擬用者御史即宜糾彈冬  
十月戊寅工部尚書宇文愷卒十一月己卯以宗女華  
容公主嫁高昌王辛巳光祿大夫韓壽卒甲申宇文述  
于仲文等除名為民斬尚書右丞劉士龍以謝天下是  
歲大旱疫人多死山東尤甚密詔江淮南諸郡閱視民  
間童女姿質端麗者每歲貢之

欽定四庫全書

南北史合注 卷九十八

三十

九年春正月丁丑徵天下兵募民為驍勇集于涿郡壬  
午賊帥杜彥永王潤等陷平原郡大掠而去辛卯置折  
衝果毅武勇雄武等郎將官以領驍果乙未平原李德  
逸聚眾數萬稱阿舅賊劫掠山東靈武白榆妄稱奴賊  
劫掠牧馬北連突厥隴右多被其患遣將軍范貴討之  
連年不能克戊戌大赦己亥遣代王侑刑部尚書衛玄  
鎮京師辛丑以右驍衛將軍李渾為驍衛大將軍二月  
己未濟北人韓進洛聚眾數萬為羣盜壬午復宇文述



等官爵又徵兵討高麗三月丙子濟北人孟海公起兵為盜眾至數萬丁丑發丁男十萬城興戊寅幸遼東以越王侗工部尚書樊子蓋鎮東都庚子北海人郭方預聚徒為賊自號盧公眾至三萬攻陷郡城大掠而去夏四月庚午車駕度遼壬申遣宇文述楊義臣趣平壤城五月丁丑熒惑入南斗己卯濟北人甄寶車聚眾萬餘寇掠城邑六月乙巳禮部尚書楊玄感反於黎陽

隋書食貨志曰是年詔課閭中富民計其資產出驢

欽定四庫全書

南北史合注 卷九十八

三

往伊吾河源且未運糧多者數百頭每頭價至萬餘又發諸州丁分為四番于遼西柳城運屯往來艱苦盜賊四起道路南絕隴右牧馬盡掠奴賊楊玄感遂乘虛為亂

丙辰玄感逼東都河內賈理裴弘策拒之反為所敗戊辰兵部侍郎斛斯政奔高麗庚午帝班師高麗犯後軍勅右武衛大將軍李景為後拒遣左翊衛大將軍宇文述左候衛將軍屈突通等馳傳發兵討玄感秋七月己

卯令所在發民城縣府驛癸未餘杭人劉元進舉兵反眾至數萬八月壬寅左翊衛大將軍宇文述等破楊玄感於閩鄉斬之餘黨悉平

資治通鑑曰玄感之敗龍舟水殿皆為所焚詔江都更造凡數千艘制度仍大于舊

癸卯吳人朱燮晉陵人管崇擁眾十萬餘自稱將軍寇江左甲辰制驍果家蠲免賦役丁未詔郡縣城去道過五里已上者徙就之戊申制盜賊籍沒其家乙卯賊帥

欽定四庫全書

南北史合注 卷九十八

三

陳瑱等三萬攻陷信安郡辛酉司農卿光祿大夫葛國公趙元淑以罪伏誅九月己卯濟陰人吳海流東海人彭孝才並舉兵為盜眾數萬庚辰賊帥梁慧高聚眾四萬陷蒼梧郡甲午車駕次上谷以供費不給大怒免太守虞荷等官丁酉東陽人李三兒向但子舉兵作亂眾至萬餘閏月己巳幸博陵庚午帝謂侍臣曰朕昔從先朝周旋于此年甫八歲日月不居修經三紀追惟曩昔不可復希言未卒流涕嗚咽侍衛者皆泣下沾襟冬十



月行丑賊帥呂明星率眾數千圍東郡武賁郎將費青  
奴擊斬之乙酉詔曰博陵昔為定州地居衝要先皇歷  
試所基王化斯遠朕巡撫氓庶爰屆茲邦瞻望郊廛緬  
懷敬止思所以宣播慶澤覃被下人式光令緒可改博  
陵為高陽郡赦境內死罪已下給復一年於是召高祖  
時故吏皆量才授職壬辰納言蘇威為開府儀同三司  
朱燮管崇推劉元進為天子遣將軍吐萬緒魚俱羅討  
之連年不能尅齊人孟讓王簿等眾十餘萬據長白山

欽定四庫全書

南北史合注  
卷九十八

三

攻剽諸郡清河賊張金稱眾各數萬勃海賊帥格謙自  
號燕王孫宣雅自號齊王眾各十萬山東苦之丁亥以  
右侯衛將軍郭榮為右侯衛大將軍十一月己酉右侯  
衛將軍馮孝慈討張金稱於清河反為所敗孝慈死之  
十二月甲辰車裂楊玄感弟朝散大夫積善及黨與十  
餘人仍焚而揚之丁亥扶風人向海明舉兵作亂稱皇  
帝建元白鳥遣太僕卿楊義臣擊破之

十年春正月甲寅以宗女為信義公主嫁突厥曷娑那

可汗二月辛未詔百寮議伐高麗數日無敢言者戊子  
詔曰竭力王役致身戎事咸由狗義莫匪勤誠委命草  
芥暴骨原野興言念之每懷愍惻往年問罪將屆遼濱  
廟筭勝畧具有進止而楊諒愾凶高頰悞狠不遵成規  
坐貽撓退遂令死亡者眾不及埋藏今宜遣使人分道  
收葬設祭于遼西郡立道場一所思加泉壤庶弭窮魂  
之寃澤及枯骨用弘仁者之惠辛卯詔曰黃帝五十二  
戰成湯二十七征方令行天下最爾高麗僻居荒裔抄

欽定四庫全書

南北史合注  
卷九十八

三

竊我邊乘侵逼我城鎮是以去歲出軍問罪遼碣風馳  
霆逝追奔逐北焚其城郭汙其宮室高元伏鎖泥首送  
款軍門尋請入朝歸罪司寇許其改過乃詔班師而長  
惡靡悛宴安鳩毒便可分命六師百道俱進朕當親執  
武節臨御諸軍秣馬九都觀兵遼水順天誅于海外拯  
窮黎于倒懸止除元惡餘無所問若有識存亡之分悟  
安危之機翻然北首自求多福必其同惡相濟抗拒王  
師若火燎原刑茲無赦有司便宜宣布咸使知聞丁酉



扶風人唐弼舉兵反聚眾十萬推李弘為天子自稱唐王

後代隋者果唐李氏亦一奇也

三月壬子行幸涿郡癸亥次臨渝宮親御戎服禡祭黃帝斬叛軍者以釁鼓夏四月辛未彭城賊張大彪聚眾數萬保縣薄山為盜遣榆林太守董純擊破斬之甲午車駕次北平五月庚子詔舉郡孝悌廉潔各十八壬寅賊帥宋世謨陷琅邪庚申延安人劉迦論舉兵反自稱

欽定四庫全書

南北朝

卷九十八

五

皇王建元大世六月辛未賊帥鄭文雅林寶護等眾三萬陷建安郡太守楊景祥死之秋七月癸丑車駕次懷遠鎮甲子高麗遣使請降囚送斛斯政帝大悅八月己巳班師右衛大將軍左光祿大夫鄭榮卒冬十月丁卯帝至東都已丑還京師十一月丙申支解斛斯政于金光門外乙巳有事于南郊己酉賊帥司馬長安破長平郡乙卯離石胡劉苗王舉兵反自稱天子以其第六兒為永安王眾至數萬將軍潘長文討之不能剋是月賊

師王德仁永眾數萬保林慮山為盜十二月壬申帝如東都其日大赦天下戊子入東都庚寅賊帥孟讓眾十餘萬據都梁宮遣江都丞王世充擊破之悉鹵其眾是歲曹國遣使貢方物

十一年春正月甲午朔宴羣寮戊戌虎賁郎將高建毗破賊帥顏宣政于齊郡鹵男女數千口乙卯大變蠻夸設魚龍曼延之樂頒賜各有差二月戊辰賊帥楊仲緒等率眾萬餘攻北平滑公李景破斬之庚午詔曰設險

欽定四庫全書

南北朝

卷九十八

五

守國若在前經重門禦暴事彰往策近代戰爭居民散逸田疇無伍郭郭不脩遂使遊惰實繁寇攘未息今宜令民悉城居田隨近給使強弱相容力役兼濟穿窬無所厝其姦宄崔蒲不得聚其逋逃有司具為事條務令得所丙子王須拔反自稱漫天王國號燕賊魏刁兒自稱歷山飛眾各十餘萬北連突厥南寇趙三月丁酉殺右騎衛大將軍光祿大夫鄭公李渾將作監光祿大夫李敏並族其家癸卯賊帥司馬長安破西河己酉幸太



原避暑汾陽宮秋七月己亥淮南人張起緒舉兵為盜  
衆至三萬辛丑光祿大夫右禦衛大將軍張壽卒八月  
乙卯巡北塞戊辰突厥始畢可汗率騎數十萬謀襲乘  
輿義成公主遣使告變壬申車駕馳幸鴈門癸酉突厥  
圍成官軍頻戰不利帝大懼欲率精騎潰圍出民部尚  
書樊子蓋固諫乃止齊王暕以後軍保崞縣甲申詔天  
下諸郡募兵於是守令各來赴難九月甲辰突厥解圍  
去丁未曲赦太原鴈門死罪以下冬十月壬戌帝至東

欽定四庫全書

南北史合注  
卷九十八

都

隋書食貨志曰是時百姓廢業屯集城堡無以自給  
然所在倉廩猶大充伋吏皆畏法莫肯賑救初皆剝  
樹皮食之漸及於葉皮葉皆盡乃煮土或搏藁為末  
食之後乃人相食

丁卯彭城人魏騏驎聚衆萬餘為盜寇魯郡壬申賊帥  
盧明月聚衆十餘萬寇陳汝間東海賊李子通擁衆度  
淮自號楚王建元明政寇江都十一月乙卯賊帥王須

拔破高陽郡十二月戊寅有大流星如斛墜明月營破  
其衝車庚辰詔民部尚書樊子蓋發關中兵討絳郡賊  
敬盤陀柴保昌等經年不能尅譙郡人朱梁擁衆數十  
萬寇荆襄僭稱楚帝建元昌達漢南諸郡多為所陷是  
歲突厥新羅靺鞨畢大辭訶吐傳越烏那曷波臘吐火  
羅俱慮建忽論靺鞨訶多沛漢龜茲疏勒于闐安國曹  
國何國穆國畢衣密失範延伽折契丹等國並遣使朝  
貢

欽定四庫全書

南北史合注  
卷九十八

十二年春正月甲午鴈門人翟松栢起兵于靈邱衆至  
數萬轉攻傍縣

資治通鑑曰詔毗陵通守路道德集十郡兵數萬于  
郡東南起宮苑周圍十二里內為十六離宮倣東都  
西苑制而奇麗過之又欲築宮會稽因亂不果成  
二月甲子夜有二大鳥似鵬飛入大業殿止御幄至明  
去癸亥東海賊盧公暹率衆萬餘保蒼山  
資治通鑑曰帝于上巳與羣臣飲于西苑命杜寶創



水飾圖經采古水事七十二使朝散大夫黃衮以木為之間以妓航酒舸人物自動如生鐘磬笙瑟能成音曲

夏四月丁巳顯陽門災

資治通鑑曰是月大業殿西院火帝以為盜起驚走入西苑匿草間火定乃還帝自八年以後每夜眠恒驚悸云有賊令數婦人搖撫乃得眠

癸亥魏刁兒所部將甄賊兒復號厯山飛衆十萬轉寇

欽定四庫全書

南北史合注 卷九十八

太原將軍潘長文討之反為所敗長文死之五月丙戌

朔日有蝕之既癸巳大流星殞於吳郡為石壬午帝於景華宮徵求螢火得數斛夜出遊山而放之光遍巖谷

唐貞觀政要載太宗謂侍臣曰人君言不可易隋煬帝幸甘泉宮怪無螢火敕云捉取照夜所司遽命數千人採拾進五百車于宮側小事尚爾况大乎

秋七月壬戌民部尚書光祿大夫樊子蓋卒甲子幸江都宮

隋書五行志曰帝幸江都作詩曰求歸不得去真成真箇春鳥聲爭勸酒梅花笑殺人帝以三月被弒遭春之應及至江都復夢二豎子歌曰住亦死去亦死未若乘船渡江水由是築居丹陽功未就遇弒

以越王侗光祿大夫段達太府卿元文都檢校民部尚書韋津右武衛將軍皇甫無逸右司郎盧楚等總留守事戊辰馮翊人孫華自號總管舉兵為盜高涼通守洗瑤徹舉兵作亂嶺南溪洞多應之己巳熒惑守羽林月

欽定四庫全書

南北史合注 卷九十八

餘乃退八月乙巳賊帥趙萬海衆數十萬自恒山寇高

陽壬子有大流星如斗出王良閣道聲如壞牆癸丑大流星如甕出羽林九月丁酉東梅人杜伏威揚州沈覓敵等作亂衆至數萬右禦衛將軍陳稜擊破之戊午有二枉矢出北斗魁委曲地形注于南斗壬戌安定人荔非世雄殺臨涇令舉兵反自號將軍冬十月己丑開府儀同三司左翊衛大將軍光祿大夫許公宇文述卒十二月癸未鄱陽人操天成舉兵反自號元興王建元始



興攻陷豫章郡乙酉以右翊衛大將軍來護為開府儀同三司行左翊衛大將軍壬辰鄱陽人林士弘自稱皇帝國號楚建元太平攻陷九江廬陵郡唐公李淵

愚按李延壽以唐臣撰北史故不敢註唐公名氏此君臣之辭也

破甄翟兒於西河鹵男女千口是歲真臘遣使貢方物十三年春正月壬子齊郡杜伏威率眾度淮攻陷歷陽郡丙辰勃海人竇建德設壇河間之樂壽自稱長樂王

欽定四庫全書

南北史合注  
卷九十八

三

建元丁丑辛巳賊帥徐圓朗率眾數千破東平郡弘化人到仙成聚萬餘人為盜傍郡苦之二月壬午朔方人梁師都殺郡丞唐世宗據郡反自稱大丞相遣銀青光祿大夫張世隆擊之反為所敗戊子賊率王子英破上谷郡己丑馬邑校尉劉武周殺太守王仁恭舉兵作亂北連突厥自稱定陽可汗庚寅賊帥李密翟讓等陷興洛倉越王侗遣虎賁郎將劉長恭光祿少卿房胤擊之反為所敗死者十五六庚子李密自號魏公稱元年開

倉賑羣盜眾至數十萬河南諸郡相繼陷壬寅劉武周

破武賁郎將王智辯於桑乾鎮智辯死之三月戊午廬

江人張子路舉兵反遣右禦賊將軍張鎮州擊破之夏

四月癸未金城校尉薛舉率眾反自稱西秦霸王建元

秦興攻陷隴右諸郡己丑賊率孟讓夜入東都外郭燒

豐都市而去癸巳李密陷回洛東倉丁酉賊帥房憲伯

陷汝陰郡是月光祿大夫虎賁郎將裴仁基淮陽太守

趙佗等並以眾叛歸李密五月辛卯夜有流星如甕墜

欽定四庫全書

南北史合注  
卷九十八

三

子江都甲子唐公李淵起兵于太原丙寅突厥數千寇

太原淵擊破之秋七月壬子樊噉守積屍丙辰武威人

李軌舉兵反攻陷河曲諸郡自稱梁王建元安樂八月

辛巳唐公李淵破虎牙將宋老生于霍邑斬之九月己

丑帝括江都人女寡婦以配從兵是月武陽郡丞元寶

藏以郡叛歸李密與衛帥李文相攻陷黎陽倉彗星見

于營室冬十月丁亥太原陽世洛聚眾萬餘人寇掠京

邑丙申故梁後羅令蕭銑據縣起兵鄱陽人董景珍以



郡迎銑于羅縣號梁王攻陷傍郡戊戌虎賁郎將高昆  
敗濟北郡賊甄寶車于盪山十一月丙辰唐公李淵入  
京師辛酉遙尊帝為太上皇立代王侑為帝改元義寧  
帝起宮丹陽將遜于江左有烏鵲來巢幄帳驅不能止  
熒惑犯太微有石自江浮入楊子日光四散如流血帝  
甚惡之

資治通鑑曰帝至江都荒淫益甚宮中為百餘房各  
盛供張寶以美人日令一房為主人江都郡丞趙元

欽定四庫全書

南北史合注  
卷九十八

聖

楷掌供酒饌帝與蕭后及幸姬厯就宴飲酒厄不離  
口從姬十餘人亦常醉然帝見天下危亂亦擾擾不  
安退朝則幅巾短衣策杖步遊徧厯臺館非夜不止  
汲汲顧景唯恐不足

十四年二月右屯衛將軍宇文化及虎賁郎將司馬德  
戡元禮監門直閤裴虔通將作少監宇文智及武勇郎  
將趙行樞鷹揚郎將孟景內史舍人元敏符璽郎李復  
牛方裕千牛左右李孝本弟孝質直長許弘仁薛世良

城門郎唐奉義醫正張愷等以驍果作亂入犯宮闈弒  
帝帝崩于溫室時年五十蕭后令宮人撤牀簀為櫬瘞  
之化及發後右禦衛將軍陳稜奉梓宮于成象殿莫吳  
公臺下發斂之始容貌若生眾咸異之唐高祖謚曰煬  
皇帝

隋書五行志曰帝喜習吳音卒死江都 冊府元龜  
曰屯衛將軍張鎮州督運江上為帝發喪哭甚慟哀  
感行路 新唐書載武德二年詔隋帝及其宗室柩

欽定四庫全書

南北史合注  
卷九十八

聖

在江都者為營窆置陵廟以故宮人守之  
及平江南後改葬雷塘帝初以己藩王于次不當立每  
矯情飾行思鈞虛名陰為奪宗計時高祖雅重文獻后  
而性忌妾媵太子勇內多嬖幸由此失愛帝后庭有子  
皆不育示無私寵取媚于后大臣用事者傾心與交中  
使至第無貴賤皆曲承顏色申以厚禮婢僕往來者無  
不稱其仁厚入常私入宮掖密謀于文獻后楊素等因  
機構扇遂成廢立自高祖大漸暨諒闇中蒸淫無度山



陵始就即事巡游以天下承平日久士馬金盛慨然慕  
秦皇漢武之事乃盛理宮室窮極侈靡

資治通鑑曰帝即大位先詔內史舍人封德彝管顯  
仁宮南接澗北跨路凡大江以南五嶺以北奇材異  
石悉輸洛陽又求海內佳木異草珍禽奇獸以實園  
囿又築西苑周二百里其內為海為方丈為蓬萊瀛  
洲諸山亭觀宮殿羅絡山上向背如神

欽定四庫全書

南北史合注  
卷九十八

五

兵擊之盛興屯田于玉門柳城外課天下富室分道市  
武馬馬尺直十餘萬坐是凍餒者十家而九性多詭譎  
所幸之處不欲人知每幸之所輒數道頓置四海珍羞  
殊味水陸必備求市者無遠不置郡縣官民競為獻食  
奸吏侵漁內外虛竭頭會箕歛民不聊生于時軍國多  
務日不暇給帝方驕怠惡聞政事奏請罕決又猜忌臣  
下無所專任朝廷不合意者必構其罪族滅之高頴賀  
若弼先皇心膂參謀惟惺張衡李金才藩邸惟舊績著

經綸惡其直道忌其正議求其無形之罪加以丹頸之  
戮其餘事君盡禮蹇蹇匪躬無罪奪戮者不可勝紀

隋書五行志曰帝嘗謂近臣曰我性不欲諫若位望  
通顯諫我求名本所不耐若卑賤之士雖少寬假然  
卒不置之要地

政刑弛紊賄貨公行莫敢有言道路以目六軍不息百  
役繁興行者不歸居者失業民饑相食邑落為墟帝弗  
之恤也東西行幸靡有定居每以供費不給逆取數年

欽定四庫全書

南北史合注  
卷九十八

六

之賦所至惟與後宮流連沉湎惟日不足  
資治通鑑曰海北有龍鱗渠縹緲注海乃緣渠作十  
大院開門臨渠每院以四品夫人主之宮樹秋冬凋  
落則剪綵為花葉色渝則易以新者沼內亦剪綵為  
荷芰菱芡十六院爭以着羞精麗相高求恩市寵帝  
以月夜從宮女數千騎遊西院作清夜遊曲奏之馬  
上

招迎媼媼朝夕共肆醜言又引少年令與宮人穢亂以



為娛樂盜賊蜂起近臣互相掩蔽不以實對或言賊多  
輒大被詰責各求苟免上下相蒙每出師徒敗亡相繼  
戰士盡力不加賞賜百姓無辜咸被屠戮蒸庶積怨天  
下土崩至于就擒而猶未寤也

資治通鑑曰帝喜讀書自為揚州總管置王府學士  
百人恒令脩撰以至為帝前後近三十載脩撰未嘗  
暫輟自經術文章兵農地里醫卜釋道至蒲卜鷹犬  
皆為新書共成三十一部萬七千餘卷初西京嘉則

欽定四庫全書

南北史合注  
卷九十八

四

殿有書三十七萬卷帝命秘書監柳顧言等詮次除  
其複雜得正御本三萬七千餘卷納于東都脩文殿  
又曰帝于觀文殿前為書室十四間每三間開方  
戶垂錦幔上有二飛仙戶外地中施機發之帝幸書  
室有宮人執香爐前行踐機則飛仙收幔而上戶扉  
厨扉皆自啓帝出則垂閉復故 隋書文苑傳曰煬  
帝初習藝文為庾信體及即位一變其舊與越公書  
建東都詔冬至受朝詩並存雅體歸于典制故當時

綴文之士得依而取正 五行志曰帝自負才學嘗  
謂侍臣曰天下謂朕承籍餘緒若與士大夫高選亦  
當為天子 天文志曰帝遣官人四十就太史局詔  
表充教以星厯業成者進內以參占驗 經籍志曰  
帝即位秘閣之書限寫五十副本分三品上品紅琉  
璃軸中品紺琉璃軸下品漆軸擇東都觀文殿東西  
廂構室居之又聚魏以來古跡名畫起二臺殿後東  
曰妙楷臺藏古跡西曰寶臺藏古畫 大業拾遺曰

欽定四庫全書

南北史合注  
卷九十八

四

帝平日愛惜書史積如邱山一字不許外出及唐平  
東都將取觀文殿寶厨新書八千許卷載還長安或  
夢帝大叱云何將我書取去後風覆舟一卷無遺又  
夢帝喜云我得書矣

東恭皇帝伺

愚按隋有兩恭帝一伺一侑伺都于東都東魏之洛  
陽也侑都于關中西魏之長安也故做兩魏例以東  
西別之



字仁謹元德太子之子母劉良娣大業三年立為越王  
帝每巡幸王常留守東都楊玄感反與戶部尚書樊子  
蓋拒之

隋書食貨志曰伺與段達等守東都東都糧盡布帛  
山積乃以絹為汲綆燃布以炊

事平朝于高陽拜高陽太守俄以本官留守東都十三  
年帝幸江都復令王與金紫光祿大夫段達太府卿元  
文都攝戶部尚書韋津右武衛將軍皇甫無逸等總留

欽定四庫全書

南北史合注  
卷九十八

臺事字文化及弒逆文都等議立王奉表勸進

皇泰元年五月戊辰皇帝即位於東都大赦改元上大  
行皇帝廟謚追尊皇考元德太子曰孝成皇帝廟號世  
宗尊皇母劉良娣為皇太后以段達為納言陳國公右  
翊衛大將軍攝禮部尚書王世充為納言鄭國公左翊  
衛大將軍攝吏部尚書元文都為內史令魯國公左驍  
衛大將軍盧楚為內史令皇甫無逸為兵部尚書杞國  
公右武衛大將軍郭文懿為內史侍郎趙長文為黃門

侍郎乙酉李密遣使請降拜密太尉尚書令魏國公討  
東平化及然後入朝輔政秋七月詔曰我大隋有天下  
於茲三十八載高祖文皇帝聖畧神功載造區夏世祖  
明皇帝則天法地混一華戎莫不盡入提封皆為臣妾  
往因厯試統臨南服自居皇極順茲望幸所以往歲省  
方展禮肆覲豈意釁起非常延及冕旒奉諱之日五情  
崩殞字文化及世傳庸品其父述往屬時來早沾厚遇  
賜以婚媾置之公輔徒承海岳之恩未有涓埃之答化

欽定四庫全書

南北史合注  
卷九十八

辛

及以此下材夙蒙顧盼昔陪藩國統領衛兵及從升皇  
祚陪列九卿但本性克狠恣其貪穢或交結惡黨或侵  
掠商賈事重刑籤狀盈獄簡三經除解尋復本職再從  
邊裔仍即追還生成之恩昊天罔極獎擢之義人事罕  
聞而乃梟獍為心禽獸不若縱毒與禍傾覆行宮諸王  
兄弟一時殘酷朕所以刻骨崩心飲膽嘗血瞻天視地  
無處自容今王公卿士庶尹百辟咸以大寶鴻名不可  
顛墜元克巨滑須早存珍翼戴朕躬嗣守寶位出黼辰



而仗旄鉞釋衰麻而探甲冑銜冤誓眾忍淚臨兵指日  
適征以平大盜且化及偽立秦王之子幽逼比于拘囚  
其身自稱霸相專擅擬于九五履踐禁御據有宮闈昂  
首揚眉初無慙色衣冠朝望外懼克威志士誠臣內懷  
憤怨以我義師順彼天道梟奪醜族匪夕伊朝太尉尚  
書令魏公李密丹誠內發宏略外舉率勤王之師討違  
王之逆朕親御六軍星言繼軌以此眾戰兼斯順舉若  
火焚毛如湯沃雪况賊擁此人徒皆有離德京都侍衛

欽定四庫全書

南北史合注  
卷九十八

三

西憶鄉家江左淳民南思鄉邑比來表書駱驛人信相  
尋若王師一臨舊章暫睹自應解甲倒戈冰銷葉散且  
聞化及自恣天奪其心殺戮不辜挫辱人士莫不道路  
以目號天跼地朕今復讎雪耻梟輟者一人拯溺救焚  
所哀者士庶唯望天鑒孔殷佑我宗社億兆感義俱會  
朕心梟戮元凶策勳飲至四海交泰稱朕意焉兵衛軍  
機並受魏公節度冬十月丙戌鄭國公王世充殺元文  
都盧楚郭文懿趙長文等皇甫無逸走長安以世充為

左僕射總督內外諸軍事尊皇太后為聖感皇太后甲  
寅王世充敗李密密奔虎牢尋降唐癸未以王世充為  
太尉守尚書令

二年春二月夏王竇建德討宇文化及於聊城誅之遣  
使以表至詔封為夏王三月辛巳進鄭國公王世充為  
鄭王加九錫夏四月乙巳帝禪位于鄭鄭封為潞國公  
五月癸巳鄭王王世充弒帝崩帝眉目如畫溫厚仁愛  
風格儼然王世充擁兵殺元盧等不得已命開門納之

欽定四庫全書

南北史合注  
卷九十八

三

世充入見于乾陽殿帝曰公擅相誅殺曾不聞奏豈臣  
道乎今肆其強力敢及我耶世充拜伏流涕陳辭哀苦  
乃命上殿引見劉太后自是專擅朝政帝無所關預及  
世充敗李密勢益張帝力不能制唯取內庫綵物大造  
幡花又出諸服玩令僧散施貧乏世充聞使其黨張績  
董濬守章善顯福二門宮內雜物雖毫釐不得出也世  
充欲加九錫使段達等入請于帝帝曰鄭公近平李密  
已拜太尉自是以來未有殊績俟天下稍平議之未晚



達曰太尉欲之帝不得已熟視達曰任公及將篡位又命達同雲定興等十餘人入奏曰天命不于常鄭王公德甚盛願陛下遵唐虞之迹帝斂膝據鞍怒曰天下者高祖之天下東都者世祖之東都若隋德未衰此言不可輒發必天命有改何煩禪讓公等或先朝舊臣或臺鼎重望忽有斯言朕亦何望神色凜然侍衛者莫不流汗既而退朝對太后泣世充遂幽帝于含涼殿及遜位後宇文儒童裴仁基等謀誅世充復尊立帝事世儒童

欽定四庫全書

南北史合注  
卷九十八

五

等見害帝亦遇弒詳見王世暉傳世充謚曰恭皇帝

明楊慎集載帝楊叛兒歌云青春正陽日結伴戲京

華龍媒玉珂馬鳳軫繡香車水映臨橋柳風吹夾路

花日昏歡宴羅相將歸狹斜予憐其以亡國遇弒特

錄之

西恭皇帝諱侑元德太子之子母韋妃性聰敏有氣度

大業三年立為陳王後數載徙為代王及煬帝親征遼

東令於京師總留事十一年從幸晉陽拜太原太守尋

鎮京師唐公李淵入長安尊煬帝為太上皇秦王纂業

義寧元年十一月壬戌皇帝即位于大興殿詔曰王道

喪亂天步不康屬之于朕達此百罹襁褓之歲夙遭憫

凶孺子之辰太上播越興言感動實疚于懷太尉唐公

李淵糾合義兵翼戴皇室爰奉明詔弼予幼冲一人在

遠三讓不遂僂俛南面厝身無所苟利社稷莫敢或違

可大赦天下改大業十三年為義寧元年十一月十六

日昧爽以前大辟罪已下皆赦除之常赦所不免者不

欽定四庫全書

南北史合注  
卷九十八

五

在赦限尊煬帝為太上皇甲子以光祿大夫大將軍太

尉唐公李淵為假黃鉞使持節大都督內外諸軍事尚

書令大丞相進封唐王丙寅詔曰朕惟孺子未出深宮

太上遠巡追蹤穆滿時逢多難委當尊極若涉大川罔

知所濟民之情偽曾未之聞賴股肱戮力上宰賢良匡

佐冲人輔其不逮軍國機務事無大小文武設官位無

貴賤憲章賞罰咸歸相府庶績其凝責成斯屬已已以

唐王李淵子隴西公建成為唐國世子敦煌公世民為



京兆尹改封秦公元吉為齊公太原置鎮北府乙亥張  
掖康老和舉兵反十二月癸未薛舉僭稱天子冠扶風  
秦公李世民為元帥擊破丁亥桂陽人曹武徹舉兵反  
建元通聖丁酉擒驍衛大將軍屈突通于閩鄉乙巳賊  
帥張善安攻陷廬江郡

二年春正月丁未詔唐王履劍上殿入朝不趨贊拜不  
名加前後羽葆鼓吹壬戌將軍王世充為李密所敗河  
內通守孟善誼虎賁郎將王辨揚威劉長恭梁德董智  
欽定四庫全書

南北史合注  
卷九十八

十五

通皆死之庚戌河陽郡尉獨孤武都降于李密三月丙  
辰右屯衛將軍宇文化及弒太上皇於江都宮右禦衛  
將軍獨孤盛使之齊王暕趙王杲燕王倓右翼衛大將  
軍宇文協內史侍郎虞世基御史大夫裴蘊給事郎許  
善心皆遇害化及立秦王浩為帝自稱大丞相朝士文  
武皆受其官爵光祿大夫宿公麥折衝郎將朝請大夫  
沈同謀討賊夜襲化及營反為所害戊辰詔唐王李淵  
備九錫之禮加璽紱遠游官綠綬綬位在諸侯王上唐

相置丞相已下一依舊式五月乙巳朔詔唐王李淵冕  
十有二旒建天子旌旗出警入蹕金根車駕備五時副  
車置旄頭雲罕車儻八佾設鐘簋宮懸王后王子王女  
爵命之號一依舊典戊午詔曰天禍隋國太行太上皇  
遇盜江都憫予小子哀號永感仰惟荼毒仇復靡申相  
國唐王膺期命世扶危拯溺總九合于一匡決百勝于  
千里糾率夸夏保又朕躬功格蒼旻歷數斯在屈為人  
臣載違天命當今九服崩離三靈改卜大運去矣請避

欽定四庫全書

南北史合注  
卷九十八

十六

賢路私僮命駕須歸藩國予本代王及予而代天之所  
廢豈期如是庶憑稽古之聖以謀四凶幸值惟新之恩  
預充三恪雪冤恥于皇祖守禮祀為孝孫朝聞夕殞及  
泉無恨今遵故事遜于舊邸庶官羣辟改事唐朝若釋  
重負感泰兼懷乃敕有司凡有表奏皆不得聞是日帝  
遜位於唐唐氏廢帝為鄜國公武德二年夏五月崩時  
年十五謚曰恭皇帝

新唐書曰太宗貞觀十七年六月葬隋恭帝噫何其



緩也高祖不得辭其罪矣鄭樵通志於本紀大書帝崩編年又細書唐人害之不知何據無乃因薄生疑也夫資治通鑑曰鄒公薨以其族子行基嗣唐書宰相世系圖曰行基四傳至幼言皆為鄒國公冊府元龜曰玄宗開元二年敕二王後周介公隋鄒公四時饗廟牲及祭服祭品並官給而於鄒公尤厚每年給絹三百疋米一百石天寶七年又詔求魏孝文帝嫡系一人續封韓國公以備三恪五代史曰梁欽定四庫全書南北史合注卷九十八 五十一

派今備錄於此  
史臣曰煬帝爰在弱齡早有志尚南平吳會北却匈奴昆弟之中獨著聲績于是矯情飾貌肆厥奸回故得獻后鍾心文皇革慮天方肇亂遂升儲兩踐峻極之榮基承丕顯之休命地廣三代威振八紘單于頓顙越裳重譯赤仄之泉流溢宇都內紅腐之粟充積于塞下負其富强之資思逞無厭之欲狹殷周之制度尚秦漢之規摹恃才矜己傲佞明德內懷險躁外示疑簡威冠服以塞其奸除諫官以掩其過荒淫無度法令滋彰教絕四維刑參五虐誅劓骨肉屠剗忠良受賞者莫見其功為戮者莫聞其罪驕怒之兵屢動土木之功不息頻出朔方三駕遠左旌旗萬里征稅百端猾吏侵漁人弗堪命乃急令暴賦以擾之嚴刑峻法以臨之甲兵威武以董之自是海內騷然無聊生矣俄而玄感肇恭陽之亂向奴有鴈門之圍天子方棄中土遠之揚越奸宄乘釁強弱相陵關梁閉而不通皇輿征而莫返加之以師旅因



之以饑饉流離道路轉死溝壑十七八焉於是相聚雀  
符蝟毛而起大則跨州連郡稱帝稱王小則千百為羣  
攻城剽邑流血成川澤死人如亂麻炊者不及折骸食  
者不遑易子茫茫九土並為糜鹿之場慄慄黔黎俱充  
地豕之餌四方萬里簡書相續猶謂鼠竊狗盜不足為  
虞上下相蒙莫肯念亂振蟬蚹之羽窮長夜之樂土崩  
魚爛貫盈惡稔普天莫匪仇讐左右皆為敵國終然不  
悟同彼望夸遂以萬乘之尊死于匹夫之手億兆靡感

欽定四庫全書

南北史合注  
卷九十八

五

恩之士九牧無勤王之師子弟同就誅奪體骨棄而莫  
掩社稷顛隕本枝殄絕自肇有書契以迄於茲宇宙崩  
離生靈塗炭喪身滅國未有若斯之甚也

唐朱敬則論曰隋之亡也小人方興羣盜孔熾天子  
乃幸維揚泛軸轡驅虎賁之騎唱龍舟之歌以大江  
為天塹以長淮為地險周章至戲下猶自未知閭樂  
入廡前何不告我彼煬帝者聰明多知廣學博聞乃  
棄峭函奧區違河雒重阻蛟龍失雲漁父為害鯨鯢

去水螻蟻成災豈不色醉其心天奪之鑒乎  
書曰天作孽猶可違自作孽不可活觀隋室之存亡斯  
言有徵矣  
恭帝侗立於正議奪於凶渠賢而不終與魏孝靜同  
悲焉  
恭帝侗年在幼冲遭家多難羣盜蜂起豺狼塞路南巢  
遂往流瓠不歸既而謳歌有屬笙鐘變響雖欲不遵堯  
舜之迹庸可得乎

欽定四庫全書

南北史合注  
卷九十八

六

隋書曰自周邦不競隋運將隆武元高祖並著大功  
於王室平南國推東夏總百揆定三方然後變謳歌  
遷寶鼎于時匈奴驕倨吳不朝既爭長黃池亦飲  
馬清渭高祖內綏外禦日不暇給委心膂于俊傑寄  
折衝于爪牙文武爭馳羣策畢舉服猾夏之鹵掃黃  
旗之寇五岳作鎮四海為池厚澤被于域中餘威震  
於殊俗煬帝蒙故業踐丕基矜厯數在已忽王業艱  
難不務以道恤人將以申威海外運拒諫之智騁飾



非之辯恥轍迹之未遠忘德義之不脩於是鑿通渠  
開馳道樹以柳杞隱以金槌西出玉門東踰碣石墜  
山堙谷浮河達海民力凋盡徭戍無期率土之心烏  
驚魚潰方西規奄蔡南討流求親總入狄之師屢踐  
三韓之域自以輔轡軒唐奄吞周漢遂乃外疎猛士  
內忌忠良出師命將不料衆寡兵少力屈者以畏懼  
受顯誅竭誠克服者以功高蒙隱戮或突鋒刃之下  
或殞鴆毒之中賞不可以有功求刑不可以無罪免

欽定四庫全書

南北史合注  
卷九十八

李二

畏首畏尾進退維谷彼山東羣盜多出廝役無尺土  
之資十家之產豈有陳涉亡秦張角亂漢之謀哉皆  
苦于上欲無厭下不堪命饑寒交切救死萑苻莫識  
旌旗什伍之容安知行師用兵之勢但人自為戰衆  
怒難犯故攻無完城野無橫陣星羅碁布以千百數  
豪傑因其機以動之乘其勢而用之雖有勇敢之士  
明智之將連踵覆沒莫之能禦煬帝魂褫氣懾望絕  
兩京謀竄身于江湖襲永嘉之舊迹既而禍生較下

繫起舟中身棄南巢之野首懸白旗之上子孫勦絕  
宗廟為墟夫以開皇之初北大業之盛度土地廣狹  
料戶口衆寡算甲兵多少校倉廩虛實九鼎之譬鴻  
毛未踰輕重培塿之方嵩岱曾何等級論地險則遼  
隧未擬于長江語人謀則勾麗不侔于陳國高祖掃  
江南以清六合煬帝事遼東而喪天下其故何哉所  
為之迹同所用之心異也高祖北却強胡南并百越  
十有餘載戎車屢動民亦勞止不為無事然其動也

欽定四庫全書

南北史合注  
卷九十八

李三

思以安之其勞也思以逸之是以民致時雍師無怨  
讟誠在于愛利故其興也勃焉煬帝嗣承平之基席  
已安之業肆其淫放虐用其民視億兆如草芥顧羣  
臣如寇讎勞近以事遠求名而喪實兵纏魏闕陷危  
弗圖危解雁門慢遊不息天奪之魄人益其災羣盜  
並興百殃俱起自絕民神之望故其亡也忽焉訊之  
古老考其行事此高祖所由興而煬帝所以滅也隋  
之得失存亡大較與秦相類始皇併吞六國高祖統



一九州二世虐用威刑煬帝肆行猜毒皆禍起羣盜而身殞匹夫原始要終若合符契矣

予嘗論曰隋之分而為二也一為長安隋恭以代王立者侑一為東都隋恭以越王立者侑兩主皆謚恭又皆煬孫正偽烏可無辨夫煬存而侑立是孫可廢祖則唐公淵挾侑以僭也若煬弒而侑立是祖應傳孫則元文都翼侑以繼也故予明授受以定正偽謂侑偽侑正然則唐安所承曰煬虐而唐代耳止承煬

欽定四庫全書

南北史合注卷九十八

不立侑則堂堂正正之師也顧既立之後奪之無乃

蛇足乎若侑之繼煬則正矣當大元文都之立而正

五世充之篡 愚作是論後見宋人所作唐書宰相

世系圖於侑僅註鄒國公於侑則註隋恭皇帝不以

為正偽也已讀隋書天文志為唐太尉長

孫無思等所撰者有云王世充於東都殺恭帝篡號

鄭唐臣已先帝之矣孰謂予言謬者

南北史合注卷九十八

欽定四庫全書

南北史合注卷九十九



明李清撰

北史十三

桓帝惟后

平文王后

昭成慕容后

獻明賀后

欽定四庫全書

南北史合注卷九十九

道武慕容后

劉后

明元姚后

杜后

太武赫連后

賀后

景穆郁久間后

文成李后

馮后別見

獻文李后

孝文林后

孝文前馮后

後馮后

高后

宣武于后

高后

胡后別見

孝明胡后



孝莊母李后

孝莊爾朱后

節閔母王太妃

節閔爾朱后

孝武嫡母馮后

生母李太妃

孝武高后

文帝母楊后

文帝乙弗后

郁久閭后 廢帝宇文后別見

恭帝若干后

孝靜母胡后

孝靜高后

漢因秦制帝之祖母曰太皇太后母曰皇太后妃曰皇

欽定四庫全書

南北史合注  
卷九十九

二

后餘則多稱夫人隨世增損非如周禮有夫人嬪婦御  
妻之數焉魏晉相因時有升降前史言之具矣魏氏王  
業之兆雖始於神元然自昭成之前未具言六宮之典  
而章平思昭穆惠煬烈八帝妃后無聞道武追尊祖妣  
皆從帝謚為皇后始立中宮餘妾或稱夫人多少無限  
然皆有品次太武稍增左右昭儀及貴人椒房等後庭  
漸多矣又魏故事將立皇后必令手鑄金人以成者為  
吉不則不得立也又太武文成保母劬勞之恩並極尊

崇之義雖事乖典禮而觀過知仁孝文改定內官左右

昭儀位視大司馬三夫人視三公三嬪視三卿六嬪視

六卿世婦視中大夫御女視元士後置女職以典內司

尚書書令僕作司大監女侍中三宮視二品監女尚書

美人女史女賢人女書史書女小書女五官視三品中

才人供人中使女生才人恭使宮人視四品青衣女酒

女饗女食奚官女奴視五品及齊神武文襄俱未踐尊

極神武嫡妻稱妃其所聘柔然女稱為柔然公主文襄

欽定四庫全書

南北史合注  
卷九十九

三

既尚魏朝公主故無別號西宮自餘姬侍並稱娘而已  
文宣後庭雖有夫人嬪御之稱然未具員數孝昭內職  
甚少唯楊嬪才貌兼美復是貴家襄城王母桑氏有德  
行並蒙恩禮其餘無聞焉河清新令內命婦依古制有  
三夫人九嬪二十七世婦八十一御女又準漢制置昭  
儀有左右二人比丞相其弘德正德崇德為三夫人比  
三公光猷昭訓隆徽為上嬪比三卿宣徽凝暉宣明順  
華凝華光訓為下嬪比六卿正華令則修訓曜儀明淑



芳華敬婉昭華光正昭寧貞範弘徽和德弘猷茂光明  
信靜訓曜德廣訓暉範敬訓芳猷婉華明範艷儀暉則  
敬信為二十七世婦比從三品穆光茂德貞懿曜光貞  
凝光範令儀內範穆閨婉德明婉艷婉妙範暉章敬茂  
靜肅瓊章穆華慎儀妙儀明懿崇明麗則婉儀彭媛修  
閑修靜弘慎艷光漪容徽淑秀儀芳婉貞慎明艷真穆  
修範肅容茂儀英淑弘艷正信凝婉英範懷順修媛良  
則瑤章訓成潤儀寧訓淑懿柔則穆儀修禮昭慎貞媛

欽定四庫全書

南北史合注  
卷九十九

四

肅閨敬順柔華昭順敬寧明訓弘儀崇敬修敬承閑昭  
容麗儀閑華思柔媛光懷德良媛淑猗茂範良信艷華  
徽娥肅儀妙則為八十一御女比正四品武成好內並  
具其員自外又置才人采女以為散號後主既立二后  
昭儀以下皆倍其數又置左右娥英比左右丞相降昭  
儀比二大夫尋又置淑妃一人比相國周氏率由姬制  
內職有序文帝創基修衽席以儉約武皇嗣歷節情欲  
於矯枉宮闈有貫魚之美戚里無私溺之尤可謂得君

人之體宣皇外行其志內逞其欲溪壑難滿承擇無厭  
恩之所如莫限所阜榮之所及無隔險設於是升蘭殿  
以正位踐椒庭而齊體者非一人焉階房帷而拖青紫  
緣恩幸而擁玉帛非一族焉雖辛癸之荒淫趙李之傾  
惑曾未足比其髣髴也人厭苛政弊事實多文帝之祀  
忽諸特由於此隋文思華前弊大矯其違唯皇后當室  
傍無私寵婦官位號未詳備焉開皇二年著內官之式  
略依周禮省減其數嬪三員掌教四德視正三品世婦

欽定四庫全書

南北史合注  
卷九十九

五

九員掌賓客祭祀視正五品女御三十八員掌女功絲  
枲視正七品又采漢晉舊儀置六尚六司六典述相統  
攝以掌宮掖之政一曰尚宮掌導引皇后及閨閣稟賜  
管司令三人掌圖籍法式糾察宣奏典琮三人掌琮璽  
器玩一曰尚儀掌禮義教學管司樂三人掌音律之事  
典贊三人掌導引內外命婦朝見三曰尚服掌服章寶  
藏管司飾三人掌簪珥花嚴典御三人掌巾櫛膏沐四  
曰尚食掌進饌先嘗管司醫三人掌方藥卜筮典器三



人掌鑄彝器血五曰尚寢掌帷帳牀褥管司筵三人掌  
鋪設灑掃典執三人掌扇傘燈燭六曰尚工掌營造百  
役管司製三人掌衣服裁縫典會三人掌財帛出入六  
尚各三員視從九品六司視勲品六典視流外二品初  
文獻皇后功參歷試外預朝政內擅宮闈懷嫉妬之心  
虛嬪妾之位不設三妃防其上逼自嬪以下置六十員  
加又抑損服章降其品秩至末獻崩後始置貴人三員  
增嬪至九員世婦二十七員御女八十一員貴人等闕  
欽定四庫全書  
南北史合注  
卷九十九  
六

掌宮闈之務六尚以下皆分隸焉煬帝時后妃嬪御無  
釐婦職唯端容麗飾陪從宴遊而已帝又參詳典故自  
製嘉名著之於令貴妃淑妃德妃是為三夫人品正第  
一順儀順容順華修儀修容修華充儀充容充華是為  
九嬪品正第二婕妤一十二員品正第三美人才人一  
十五員品正第四是為世婦寶林二十員品正第五御  
女二十四員品正第六采女三十七員品正第七是為  
女御總一百二十以叙於宴寢又有承衣刀人皆趨侍

左右並無負數視六品以下時又增置女官準尚書省  
以六局管二十四司一曰尚宮局管司言掌宣傳奏啟  
司簿掌名錄計度司正掌格式推罰司闈掌門閣管籥  
二曰尚儀局司籍掌經史教學紙筆几案司樂掌音律  
司賓掌賓客司贊掌禮儀贊相導引三曰尚服局管司  
璽掌琮璽符節司衣掌衣服司飾掌湯沐巾櫛玩弄司  
仗掌仗衛戎器四曰尚食局管司膳掌膳羞司醢掌酒  
醴醢醢司藥掌醫巫藥劑司饗掌康餼柴炭五曰尚寢  
欽定四庫全書  
南北史合注  
卷九十九  
七

局管司設掌牀席帷帳鋪設灑掃司輿掌輿輦傘扇執  
持羽儀司苑掌園籩種植蔬菜瓜果司燈掌火燭六曰  
尚工局管司製掌營造裁縫司寶掌金玉珠璣錢貨司  
綵掌綉帛司織掌織染六尚二十二司員各二人唯司  
樂司膳員各四人每司又置典及掌以貳其職六尚十  
人品從第五司二十八人品從第六典二十八人品從  
第七掌二十八人品從第九女史流外量局閑劇多者  
十人以下無定員數聯事分職各有司存焉



魏神元皇后竇氏

魏書官氏志曰代北內入諸姓紇豆陵氏孝文改竇氏魏收皆從其後改者以就簡便餘倣此

沒鹿回部大人賓之女賓臨終誡其二子速侯回題令善事神元及賓卒速侯等欲因神元會喪為變語泄神元聞之晨起以佩刀殺后馳使告速侯等言后暴殂速侯等來赴因執殺之

文帝皇后封氏

欽定四庫全書

南北史合注 卷九十九

內入諸姓是賁氏孝文改封氏

生桓揚二帝早崩桓帝立乃葬焉文成初穿天泉池獲一石銘稱桓帝葬母氏遠近赴會二十餘萬有司以聞命藏之太廟次妃蘭氏是生思帝

桓皇后惟氏生三子長曰普根次惠帝次煬帝平文殂后攝國事時謂女國后性猛忌平文之殂后所為也

平文皇后王氏廣寧人年十三因事入宮得幸於平文生昭成帝平文殂昭成在襁褓時國有內難將害帝子

后匿帝袴中呪曰若天祚未終汝無聲遂良久不啼得免於難昭成初欲定都澤源川築城郭起宮室議不決后曰國自上世遷徙為業今事難後基業未固若郭而居一旦寇來難卒遷動乃止烈帝之崩國祚殆危興復大業后之力也殂葬雲中金陵道武即位配饗太廟昭成皇后慕容氏慕容皝之女初帝納皝妹為妃未幾殂昭成復請繼好

本史作皝請繼好皆飾詞今正之

欽定四庫全書

南北史合注 卷九十九

遣大人長孫秩進后皝送於境上后至有寵生獻明帝及秦明王后性聰敏多智專父理內每事多從初昭成遣衛辰兄悉勿祈還部落后誡之曰汝還必深防衛辰辰姦搢終當滅汝悉勿祈死其子果為衛辰所殺卒如后言建國二十三年殂道武即位配饗太廟獻明皇后賀氏

內入諸姓賀賴氏又北方有賀蘭氏文俱改賀氏東部大人野干女少以容儀選入東宮生道武符洛內



侮后與道武及故臣吏避難北徙俄高車來抄掠后乘車避賊而南中路失道乃仰天曰國家崩豈至爾絕惟神扶助遂馳輪王不傾行百餘里至七個山南免難後劉顯使人將害帝姑為顯弟允渥妻知之密告后梁眷亦來告難后乃令帝去之后夜飲顯醉向晨故驚廡中群馬使起視馬后泣謂曰吾諸子始皆在此今盡亡失汝等誰殺之故顯使不急追道武得至賀蘭部羣情未甚歸附后從弟外朝大人悅舉部隨從供奉盡禮

欽定四庫全書

南北史合注  
卷九十九

十

顯怒將害后后奔允渥家匿神車中三日允渥舉室請救乃得免會顯部亂始得亡歸後后弟染干忌道武得人心舉兵圍通行宮后出謂染干曰汝等今安所置我而欲殺吾子染干慙而去後后少子秦王觚使于燕慕容重止之后以觚不及憂念寢疾皇后始元年殂附葬于盛樂金陵後追加尊謚配饗焉

道武皇后慕容氏寶之季女中山平入充掖庭得幸左丞相衛王儀等奏請立皇后帝從儀言令后鑄金人成

乃立之封后母孟為漂陽君後崩

道武宣穆皇后劉氏劉眷女登國初納為夫人生華陰公主後生明元后專理內事寵待有加以鑄金人不成故不登后位魏故事後宮產子將為儲貳其母皆賜死愚按史言魏故事誤辨見文成李后傳中

道武末年后以舊法堯明元即位追尊謚位配饗太廟自此後宮人為帝母皆正配饗

魏書禮志載太常少卿元端奏云道武配園丘道武

欽定四庫全書

南北史合注  
卷九十九

十一

劉后配方澤

明元昭哀皇后姚氏姚興女西平長公主也明元以后禮納之後為夫人

太平廣記曰夫人悲思故國帝因造白樓登望飾以鉛粉號馬邑白樓

后因鑄金人不成未升尊位然帝寵禮如后泰常五年堯帝追恨之贈皇后璽綬而加謚葬雲中金陵

明元密皇后杜氏魏郡鄴人陽平王超之妹初以良家



子選入太子宮有寵生太武及明元即位拜貴嬪

魏不殺太子母一見

泰常五年堯謚曰密貴嬪葬雲中金陵太武即位追尊號謚配饗太廟

魏書禮志載元端表曰明元配上帝明密杜后配地祇愚按道武以慕容為正后太武以赫連為正后乃不皆不配方澤地祇而配嗣君生母非禮也

又立廟于鄴刺史四時薦祀以魏郡太后所生之邑復

欽定四庫全書

南北史合注 卷九十九

十三

其調役後甘露降于廟庭文成時相州刺史高閭表修后廟詔曰婦人外成理無獨祀陰必配陽以成天地未聞有莘之國立太姒之饗此乃先皇所立一時之至感非經世之遠制便可罷祀先是太武保母竇氏初以夫家生事誅與二女俱入官操行純備進退以禮明元命為太武保母性仁慈帝感其恩訓奉養不異所生及即位尊為保太后後尊為皇太后封其弟漏頭為遼東王太后訓釐內外甚有聲稱性恬素寡欲喜怒不形於色

好揚善隱惡帝征涼州柔然吳提入寇太后命諸將擊

走之其君元年殂詔天下大臨三日太保盧魯元監護

喪事謚曰惠葬崑崙山從后意也初后嘗登崑崙山顧謂左

右曰吾母養帝躬敬神受人若死而不滅必不為賤鬼

然於先朝本無位次不可違禮以從園陵此山之上可

以終託故葬焉別位后寢廟於崑崙山建碑頌德

太武皇后赫連氏勃勃女也太武平統萬納后及二妹

俱為貴人後立為皇后文成初崩祔葬金陵

欽定四庫全書

南北史合注 卷九十九

十三

太武敬哀皇后賀氏代人初為夫人生景穆

魏不殺太子母二見

神麋元年堯追贈貴嬪葬雲中金陵後追號尊謚配饗

太廟后少孤無父兄僅爵其從父遠為長鄉子卒贈光

祿大夫五原公

景穆恭皇后閭氏

愚按高宗本紀作皇妣閭氏今此傳又作郁久閭氏

從本姓也刪之



河東王毗妹少以才選入東宮有寵生文成

魏不殺太子母三見

文成即位未及上尊號崩追尊號謚葬雲中金陵配饗太廟又文成乳母常氏本遼西人因事入宮乳帝有劬勞保護之功文成即位尊為保太后尋尊為皇太后告於郊廟和平元年殂詔天下大臨三日謚曰昭葬於廣寧唐并山俗謂之鳴雞山太后遺志也依惠太后故事別立寢廟置守陵二百家樹碑頌德

欽定四庫全書

卷九十九

十五

文成皇后李氏梁國蒙縣人母頓丘王峻之妹后初生有異於常父方叔恒言此女當大貴及長姿質美麗太武南征永昌王仁出壽春軍至后宅因得后及仁鎮長安遇事誅后與其家人送平城宮文成登白樓望見美之乃下臺后得幸於齊庫中遂有娠常太后後問后知之時守庫者亦私記於壁別加驗問皆符及生獻文拜貴人太安二年太后依故事

愚按道武殺明元生母亦偶行之耳自後太武景穆

文成三母皆以天年終惟馮后甫立即賜獻文生母

李貴人死不過如東漢竇后欲專外家名耳今依故事者馮后辭也細觀諸傳自見史緣而筆之誤予友朱昭芑大以為然已補入史料矣

令后具條記在南兄弟及引所結宗兄洪之悉以付託臨訣每一稱兄弟拊膺慟泣遂薨後謚曰元皇后葬金陵配饗太廟

獻文思皇后李氏中山安喜人南郡王惠女安德婉淑

欽定四庫全書

南北史合注  
卷九十九

十五

年十八以選入東宮獻文即位為夫人生孝文帝皇興三年薨葬金陵承明元年追崇號謚配饗太廟孝文貞皇后林氏平原人父勝位平涼太守叔父金閭起自閭官獻文初為定州刺史為乙渾所誅及勝兄弟皆死勝無子有二女入掖庭后容色美麗得幸於孝文生皇子恂以恂將為儲貳太和七年依舊制薨帝仁怒不欲襲前事而稟文明太后意故不果行謚曰貞后葬金陵及恂以罪賜死有司奏追廢后為庶人



孝文廢后馮氏太師熙之女太和十七年孝文既終喪太尉元丕等表以長秋未建六宮無主請正內位孝文從之立后為皇后恩意甚厚

魏書曰孝文每遵典禮后及夫嬪以下妾御皆以次進

孝文後重引后姊昭儀至洛稍有寵后禮受漸衰昭儀自以年長且前入宮掖表見侍念輕后不率妾禮后雖不妬時有愧恨之色昭儀規為內主諧構百端尋廢后

欽定四庫全書

南北史合注 卷九十九

十六

為庶人后貞謹有德操遂為練行尼後終於瑤光佛寺孝文幽皇后亦熙女母曰常氏本賤微得幸於熙熙元妃公主薨後遂主家事生后與北平公夙文明太皇太后欲家世貴寵乃簡熙二女俱入掖庭時年十四其一卒后有姿媚偏見愛幸未幾疾太后遣還家為尼帝猶留念焉歲餘太后崩帝服終頗存訪之又聞后素疹瘥除遣閹官雙三念璽書勞問遂迎赴洛陽及至寵愛過本初專寢當夕宮人稀進拜左昭儀後立為皇后始后

以疾歸頗聞失德及帝頻歲南征后遂與中官高菩薩私亂及帝在汝南不豫后使公然醜恣中常侍雙蒙等為其心腹是時彭城主公宋王劉昶之子婦也年少居北平公夙后同母弟后為求婚於孝文孝文許之主不願后欲強之婚有日矣主密與侍婢及僮十餘人乘輕車冒霖雨赴懸瓠奉謁孝文自陳本意因言后與菩薩亂狀帝駭愕未信祕匿之

魏書曰惟彭城王總侍疾左右具知其事

欽定四庫全書

南北史合注 卷九十九

十七

此後后漸憂懼與母常氏求託女巫禱厭孝文疾不起一旦得如文明太后輔少主賞報不貲又取三牲宮中祇祠假言祈福專為左道常氏或自詣宮中或遣侍婢與相報答帝至洛執問菩薩雙蒙等具得情狀帝以疾卧舍溫室夜引后并列菩薩等於戶外后臨入令搜衣中有寸及便斬后頓首泣謝乃賜坐東楹去御筵二丈餘孝文令菩薩等陳狀又讓后曰汝有妖術可具言之后乞屏左右密陳孝文教中常侍悉出唯長秋卿白整



在側取衛直刀拄之后猶不言孝文乃以綿堅塞整耳  
自小語再三呼整無所應乃令后言之事隱人莫知也  
高祖喚彭城北海二王令入生言昔是汝嫂今便他人  
但入勿避又曰此老嫗欲白及挿我肋上可窮問本末  
勿有所難又云馮家女不能復相廢遂且使在宮中空  
生有心乃能自死勿謂吾猶有情也帝素至孝猶以文  
明太后故未行廢二王出乃賜后死訣后再拜稽首涕  
泣及入宮後帝命中官有問於后后罵曰我天子婦當  
面對豈令汝傳也帝怒勅后母常氏入示以后狀常捷  
之百餘乃止帝尋南伐后留京師雖以罪失寵而夫人  
嬪妾奉之如法惟宣武在東宮令無朝謁帝疾甚謂彭  
城王勰曰後宮久乖陰德自絕於天吾死後可賜自盡  
別宮葬以后禮庶掩馮門大過帝崩梓宮達魯陽乃行  
遺詔北海王詳宣遺旨長秋卿白整等入授后藥后走  
呼不肯引訣曰官豈有此是諸王輩殺我耳整等執持  
強之乃舍椒而盡梓宮次洛南咸陽王禧等知審死相

欽定四庫全書

南北史合注  
卷九十九

六

視曰若無遺詔我兄弟亦當作計去之豈可令失行婦  
人宰制天下殺我輩也謚曰幽皇后葬長陵塋內  
孝文文昭皇后高氏

內入諸姓有是樓氏孝文改高氏

司徒公肇妹父聰母蓋氏凡四男二女皆生於東商孝  
文初乃舉室西歸近龍城鎮鎮表后德色婉艷及至文  
明太后親幸北部曹見后奇之入掖庭時年十三初后  
幼曾夢在堂內立日光自窗中照之灼灼而熱后東西  
避之光猶斜照不已如是數夕怪之以白其父賜賜以  
問遼東人閔宗宗曰此奇徵也

欽定四庫全書

南北史合注  
卷九十九

十九

魏書載宗言曰光照女身必有恩命女避猶照者主  
上來求女不獲已也

昔有夢月入懷猶生天子况日照之徵此女將被帝命  
誕育人君象也後生宣武及廣平王懷樂安公主時馮  
幽后為昭儀寵盛密有母養帝心后自代如洛陽暴薨  
於汲郡之共縣或云昭儀所賊也宣武為皇太子二日



一朝幽后后拊念慈愛有加孝文出征宣武入朝必久留後宮親視櫛沐母道隆備後有司奏請加號謚曰文昭貴人孝文從之宣武踐祚追尊配饗后先葬長陵東南陵制卑局因就起山陵號終寧陵置邑戶五百家孝明時更上尊號曰太后

魏書載詔曰文昭皇太后作合高祖寶誕英聖而夙世淪暉孤墜弗祔先帝孝感自衷遷奉未遂永言哀恨義結幽明可速令遷奉更上尊號稱太皇太后觀

欽定四庫全書

南北史合注 卷九十九

三十一

此則本史止言太后誤

以同漢晉之典正姑婦之禮廟號如舊遷靈櫬於長陵北內西北六十步初開終寧陵數丈於梓宮上獲大蛇長丈餘黑色頭有王字蟄而不動靈櫬既遷還置地舊處

宣武順皇后于氏

內入諸姓勿怛于氏孝文改于氏新唐書又作萬怛于未知孰是

太尉烈弟勳女宣武始親政事烈時為領軍總心膂之任以嬪御未脩因左右稱后有容德乃迎為貴人時年十四甚見寵愛立為皇后后靜默寬容性不妬生皇子三歲天後暴崩宮禁事秘莫能知悉而世議歸咎高夫人葬永泰陵謚曰順皇后

宣武皇后高氏文昭皇后弟優女為貴嬪生皇子早天又生建德公主後拜為皇后甚見禮性妬宮人希御及明帝即位上尊號曰皇太后尋為尼居瑤光寺非大節

欽定四庫全書

南北史合注 卷九十九

三十二

慶不入宮時建德公主始五六歲靈太后出觀母武邑君值天文有變欲以當禍是夜暴崩天下寃之喪還瑤光佛寺殯皆以尼禮

魏書禮志曰太后既以尼崩肅宗特詔為齋哀三月以申追仰有司奏案故事皇太后崩自復魂斂葬百官哭臨禮甚多今尼太后委尊居道不依配極之典但孝經義成君臣理無廢絕內外羣臣權改常服單衣邪巾奉送至墓列位哭拜事訖而除止在京師更



不宣下詔可

初孝文幽后寵欲專其愛後宮接御多見阻遏孝文每言於近臣稱婦人妬防雖王者不能免况士庶乎宣武高后悍忌嬪御或至帝崩不蒙侍接由是在洛二十餘年皇太子育者唯孝明而已

孝明皇后胡氏靈太后從兄冀州刺史盛之女靈太后欲榮重門族故立為皇后明帝頗有酒德專嬖充華潘氏后及嬪御並無過寵太后為帝選納抑屈人流時博

欽定四庫全書

南北史合注  
卷九十九

五

陵崔孝芬范陽盧道約隴西李瓚等女俱為世婦諸人訢訟咸見忿責武泰初后既入道遂居瑤光寺

孝莊母文景皇后李氏趙郡人彭城王勰妃生孝莊永安二年追加總帝號贈妃為文景皇后

孝莊皇后爾朱氏榮之女先為孝明嬪及榮立孝莊欲帝立為后帝不得已從之后性妬屢致忿恚榮誅後乃誕皇子帝遇弒皇子亦被撲殺遷鄴後高歡納為別室敬重踰妻妃見必束帶自稱下官歡迎柔然公主還妃

迎於木井北與公主前後別行不相見公主引角弓仰

射翔鶴應弦而落妃引長弓斜射飛鳥亦一發中歡喜曰我此二婦並堪擊賊後為尼歡為起佛寺天保初為太妃及文宣狂酒將無禮於太妃太妃不從遂遇禍

節閔母先太妃王氏廣陵王羽妃生節閔普泰元年加羽先帝號贈妃為太妃

節閔爾朱后兆之女

愚按西魏文帝罪高歡詔言其取普泰皇后列在私

欽定四庫全書

南北史合注  
卷九十九

五

房而兆傳內亦言節閔納兆女為后本史作建明后乃普泰之誤今正之

帝遇廢弒高歡納之生任城王湝未幾與趙郡公琛私通徙靈州後適范陽盧景璋

孝武嫡母武穆皇后馮氏廣平王懷妃永熙二年加懷帝號贈妃為武穆皇后又贈生母李氏為皇太妃

孝武皇后高氏渤海王歡長女帝見立納為后及帝幸關西降為彭城王韶妃



文景皇后楊氏弘農人京兆王愉妃生文帝大統元年加愉帝號贈妃為文景皇后帝舅騰位開府儀同三司卒贈司空謚貞襄

文帝文皇后乙弗氏

魏書官志內入諸姓乙弗氏孝文改乙氏至文帝復舊

河南洛陽人先世為吐谷渾渠帥居青海號青海王涼州平后高祖莫瓌擁部落入附拜定州刺史封西平公

欽定四庫全書

南北史合注 卷九十九

五

自莫瓌後三世尚公主女多為王妃甚見貴重父瓌儀同三司兖州刺史母淮陽長公主乃孝文第四女后美容儀少言笑年數歲父母異之指示諸親曰生女何妨若此實勝男年十六文帝納為妃及即位以大統元年冊為皇后后性好節儉蔬食故衣珠玉羅綺絕於服玩又仁慈不妬帝益重之生男女十二人多早夭唯太子及武都王戊存

愚按本史別傳又作宜都王式

時新都關中務欲東討柔然寇邊未遑北伐故帝結婚撫之於是更納悼后命后遷居別宮出家為尼悼后猶懷猜忌復徙后居秦州依子秦州刺史武都王帝雖限大計恩好不忘後密令養髮有追還意然事祕外無知者六年春柔然舉國度河前驅以過夏州或言虜為后尚存與此役帝曰豈有百萬之眾為一女子舉也然致此物論朕亦何顏見將師乃遣中常侍曹寵貴手教令后自盡后奉教揮泪謂寵曰願至尊享千萬歲天下康

欽定四庫全書

南北史合注 卷九十九

五

寧死無恨也因命武都王前與訣遺語皇太子辭皆悽愴因慟哭久之侍衛咸垂涕失聲莫能仰視召僧設供令侍婢數十人出家手為落髮事畢入室引被自覆崩年三十一鑿麥崖為龕葬之柩將入有二叢雲先入龕中項之一滅一出後號寂陵及文帝山陵畢有手書云萬歲後欲令后配饗公卿乃議追謚文皇后祔太廟廢帝時合葬永陵后兄繪封魏昌縣公又為吏部尚書文帝悼皇后郁久閭氏



文帝詔代人改姓者復舊故又從郁久間

柔然主阿那瓌長女容貌端嚴夙有成智大統初柔然

屢犯北邊帝乃與約通好結婚命扶風王孚往迎柔然

俗以東為貴后營幕戶席皆東向車七百乘馬萬疋馳

千頭及到黑鹽池魏朝函簿文物始至孚奏請正南面

后曰我未見魏主故柔然女也魏仗向南我自東面孚

無以對四年正月至京師立為皇后時年十四六年

后懷孕將產居瑤華殿間上有大吠聲惡之又見婦人盛

欽定四庫全書

南北史合注

卷九十九

飾至后所后謂左右此為何人醫正傍侍悉無見者時

謂文后之靈產訖崩年十六葬少陵原十七年合葬永

陵當會橫橋北后梓宮先至鹿苑帝輜輶後來將就次

所軌折不進

恭帝皇后若干氏

內入諸姓若干氏孝文改苟氏西魏復舊

司空長樂正公惠之女有容色恭帝納為妃及即位立

為皇后後出家為尼在佛寺殂竟無謚

孝靜母胡妃安定臨涇人清河王直妃生孝靜及即

位丞相歡以奉孝明後為辭直與妃皆無尊稱

孝靜皇后高氏歡第二女天平四年詔聘為皇后歡前

後固辭不許與和初詔司徒孫騰司空襄城王昶等奉

詔致禮以后駕迎於晉陽丞相第五月立為皇后大赦

齊受禪降為中山王妃

此本史誤與魏文帝降漢曹后為山陽公夫人不同

彼系漢而此遠魏也合作改封太原公主

欽定四庫全書

南北史合注

卷九十九

帝遇殺出俗為尼後改降尚書左僕射楊愔

南北史合注卷九十九



欽定四庫全書

南北史合注卷一百

明 李清 撰

列傳第二

北史十四

后妃下

齊神武妻后

柔然郁久闍公主 韓太妃 鄭太妃 馮娘 李娘 附

文襄元后

琅琊公主 附

文宣李后

段昭儀

王嬪

薛嬪 附

廢帝李后

欽定四庫全書

南北史合注

卷一百

孝昭元后

武成胡后

李夫人 附

後主斛律后

胡后

穆后

馮淑妃 附

周文元后

叱奴后

孝閔元后

明帝獨孤后

武帝阿史那后

李后

宣帝楊后 別見

宣帝朱后

陳后

元后

尉遲后

靜帝司馬后

隋文帝獨孤后

陳夫人 蔡夫人 附 煬帝蕭后

齊武明皇后婁氏諱昭君贈司徒內干之女少明悟強族多聘

之不肯行及見神武城上執役驚曰此真吾夫也乃使婢通意

又數致私財使聘已父母不得已許焉神武既有澄清之志傾

產結英豪密謀秘策后恒參預及拜渤海王妃聞闡之事悉決

焉后高明嚴斷雅遵儉約往來外舍侍從不過十人性寬厚不

妬神武姬侍咸加恩待一日將出師西侵后夜寤生一男一女

左右請退告神武弗聽曰王出統大兵何得以我故輕離軍幕

欽定四庫全書

南北史合注

卷一百

死生命也來復何為神武聞之嗟嘆良久沙苑敗後侯景請以

精騎二萬取宇文黑獺神武悅以告后后曰得獺失景何利焉

乃止神武逼於柔然欲娶其女未決后曰國家大計願不疑也

及柔然主至避正室處之神武愧謝曰彼將有覺願絕勿顧慈

愛諸子不異已出躬自紡織手縫戎服以帥左右弟昭以功名

自達餘親屬未嘗為請爵位每言有材當用私不亂公文襄嗣

業進太妃文宣將受魏禪后固執不許之天保初尊為皇太后

官曰宣訓濟南即位尊為太皇太后尚書令楊愔等受遺詔輔



政疎忘諸王太皇太后密與孝昭定策誅之下令廢立孝昭即位復為皇太后考昭崩下詔立武成大寧二年春太后寢疾四月辛丑崩於北宮年六十二五月甲申葬義平陵太后凡孕六男二女皆感夢孕文襄夢一斷龍孕文宣夢大龍首尾屬天地張口動目勢狀驚人孕孝昭夢蠕龍於地孕武成夢龍浴於海魏二后則夢月入懷孕襄城博陵二王又夢鼠入衣下后未崩有童謠曰九龍母死不作孝及后崩武成時服緋袍如故未幾登三臺置酒作樂宮女進白袍帝怒投諸臺下和士閉請止樂

欽定四庫全書

南北史合注 卷一百

帝大怒過之帝於昆季次實九益其徵也 柔然公主郁久閭阿那瓌女柔然強盛與西魏通和欲連兵東伐神武病之令杜弼使柔然為世子求婚阿那瓌曰高王自娶則可神武猶豫尉景與武明后及文襄並勸請乃從之武定三年使慕容儼往聘八月神武迎於下館阿那瓌使其弟秃突佳來送女且報聘戒曰待見外孫返國主性嚴毅一生不肯華言神武當病不得往主所秃突佳怨恚神武自射堂輿疾以就主神武崩文襄從柔然國法蒸主產一女 上黨太妃韓氏軌之妹神武儼時欲聘

之軌母不許及神武貴韓氏夫已死乃納之 馮翊太妃鄭氏名大車嚴祖妹初為魏廣平王妃遷鄴後神武納之寵冠後庭生馮翊王潤神武征劉蠡升文襄蒸於大車神武還一婢告之二婢為證神武杖文襄一百幽之武明后亦見隔絕時彭城爾朱太妃有寵生子洸神武有廢立意文襄求救於司馬子如子如來朝偽為不知者請武明后神武告其故子如曰消難亦姦子如妾如此事正可覆蓋妃是王結髮婦常以父母家財奉王

欽定四庫全書

南北史合注 卷一百

王在懷朔被杖背完皮妃晝夜供給視瘡後避葛賊同走并州貧困燃馬屎自作靴思義何可忘夫婦相宜女配至尊男承大業又妻領軍勳何宜搖動一女子如草芥况婢言不必信神武因使子如鞠之子如見文襄尤之曰男兒何意畏威自誣因反二婢辭脅使自縊乃啓神武曰果虛言神武大悅召后及文襄后遥見神武一步一叩頭文襄且拜且進父子夫妻相泣如初 愚按歡非為子如欺也糟糠不可棄棄則教薄家嗣



不可黜黜則府爭歡非為子如欺乃自欺耳無自欺  
真儒而巧自欺奸雄

神武乃置酒曰全我父子者司馬子如賜黃金百三十  
斤文襄贈良馬五十疋 高陽太妃游氏父京之為相  
州長史神武剋鄴欲納之京之不許遂牽曳取之京之  
尋死游氏於諸太妃中最有德訓諸王公主婚嫁常令  
主之馮狼者子昂妹也初為魏任城王妃適爾朱世隆  
神武納之生浮陽公主李娘者廷實妹初為城陽王妃  
並早卒不為太妃

欽定四庫全書

南北史合注  
卷一百

文襄敬皇后元氏魏孝靜帝妹孝武時封馮翊公主歸  
於文襄容德兼美曲盡和敬初生河間王孝琬時文襄  
為世子三日孝靜幸世子第贈錦綵及布帛萬匹世子  
辭求通受諸貴禮遺於是十屋皆滿次生兩公主文宣  
受禪尊為文襄皇后居靜德宮及保天六年文宣漸致  
昏狂乃移居高陽之宅而取其府庫曰吾兄昔為我婦  
我今須報乃淫於后其高氏女婦無親疎皆使左右亂

文之於前以葛為絙令魏安德王騎上使人推引之又  
命胡人苦辱之帝又自呈露以示羣下  
朱敬則文宣論有云或醫行罵眾僚或摩尻示羣下  
蓋指此

武平中后崩祔葬義平陵 瑯琊公主名玉儀魏高陽  
王斌庶生妹初不見齒為孫騰妓騰又放棄文襄遇諸  
途悅而納之遂被殊寵奏魏孝靜封焉文襄謂崔季舒  
曰爾由求為我求色不如我自得一絕異者崔暹必當

欽定四庫全書

南北史合注  
卷一百

造我直諫我亦有以待之及暹諂事文襄不復段以顏  
色居三日暹懷刺墜於前文襄問何用此為暹悚然曰  
未得通公主文襄大悅把暹臂入見季舒語人曰崔暹  
常念吾佞在大將軍前每言叔父合殺及其自作體佞  
乃過於吾玉儀同產姊靜儀先適黃門郎崔括文襄亦  
幸之皆封公主括父子由是超授賞賜甚厚  
文宣皇后李氏諱祖娥趙郡李希宗女容德甚美初為  
太原公夫人及帝將建中宮高隆之高德正言漢婦人



不可母天下宜更擇美配楊愔固請依漢魏故事不改元妃而德正猶固請廢后立段昭儀欲結勳貴授帝不從乃立后帝好撻嬪御至有殺戮者唯后獨蒙禮敬天保十年改為可賀敦皇后孝昭即位降居昭信宮號昭信皇后武成踐阼逼后淫亂云若不許我當殺爾兒后懼從之後有娠太原王紹德至閤不得見愔曰兒豈不知耶姊姊腹大故不見兒后聞之大慙由是生女不舉帝橫刀詬曰爾殺我女我何殺爾兒對后前以刀鐔築

欽定四庫全書

南北史合注  
卷一百

七

殺紹德后大哭帝愈怒裸后亂搗之號天不已盛以絹囊流血淋漓投諸渠水良久乃蘇犢車載送妙勝尼寺后性愛佛法因此為尼齊亡入關隋時得還

趙郡段昭儀韶妹也婚夕韶妻元氏為俗弄女婿法戲文宣文宣銜之後因發怒謂曰我會殺爾婦元氏懼匿婁太后家終文宣世不敢出昭儀才色兼美禮遇殆同正嫡後主時改適錄尚書唐邕王嬪者瑯琊人嬪姊先適崔修文宣並幸之數數降其夫家起用修為尚書

即薛嬪者本娼家女年十四五時為清明王岳所好其父求內宮中大被寵其姊亦進御文宣後知先與岳通又為其父乞司徒公大怒先鋸殺其姊薛嬪當時有娠過產亦從戮廢帝李皇后文宣皇后之弟女父祖勳後歷殿中尚書孝昭皇后元氏開府元嬪女初為常山王妃

欽定四庫全書

南北史合注  
卷一百

八

北齊書曰天保時文宣以後故魏宗室欲帝離之陰為廣求淑媛欲移其寵帝雖承旨有納而情義彌重天保末賜姓步六孤氏及孝昭即位立為皇后帝崩從梓宮之鄴始度汾橋武成聞后有奇藥追索不得使闈人就車頓辱降居順成宮武成既殺后子樂陵王后被悶隔不得與家相知忽宮內有飛語帝令檢推得后父兄書信蠻生免官后以齊亡入周氏宮隋文帝作相放還山東

武成皇后胡氏安定胡延之女母范陽盧道約女也初懷孕有胡僧詣門曰此宅瓠蘆中有月既而生后天保



初為長廣王妃產後主日有鴉鳴產帳上武成崩尊為  
皇太后陸媪及和士開密謀殺趙郡王叔出婁定遠元  
文暹為刺史並詔事太后初武成時后與諸閹藜狎武  
成寵幸和士開每與后握槩因此與后姦自武成崩後  
數出詣佛寺又與沙門曇獻通布金錢於獻席又挂寶  
裝胡床於獻屋壁武成平生所御也乃置百僧內殿託  
以聽講日夜與曇獻寢處以獻為昭立統僧徒暹指太  
后獻曇獻謂為太上皇帝聞太后不謹未之信後朝太

欽定四庫全書

南北史合注  
卷一百

九

后見二少尼悅而召之乃男子也於是曇獻事亦發皆  
伏法并殺元山王三郡君皆太后所昵也帝自晉陽奉  
太后還鄴至紫陌卒遇大風舍人魏僧伽明風角奏即  
時當有暴逆事帝詐云鄴中有急彎弓纏稍馳入南城  
令鄧長顓幽太后北宮仍敕內外諸親不得相見久之  
帝迎復太后太后初聞使至大驚慮有不測每太后設  
食帝亦不敢嘗周使元偉來聘作述行賦叙鄭莊公剋  
段遷姜氏文雖不工當時深以為愧齊亡入周恣行姦

穢開皇中死 宏德夫人李氏趙郡李叔讓女初為魏  
孝靜嬪武成納焉

是魏孝靜出宮時味陳思王詩之趙國李嬪即可嘆  
生南陽王仁威為太妃姊為南安王思妃坐夫反焚死  
太妃聞之發狂薨 文宣王嬪及中人盧勒义妹武成  
並以為嬪武成崩後胡后令二嬪自殺二嬪悲哭後主  
為惻愴私遺衣物令出外避馬盧養淮南王後為太妃  
又有馬嬪亦得幸為后所妬自縊死彭樂任祥並有女

欽定四庫全書

南北史合注  
卷一百

十

因坐父兄事皆入宮為文宣所幸武成以彭為夫人養  
齊安王任生丹楊王並為太妃  
愚按高歡父子兄弟內亂穢甚於元令人思歡納兩  
爾朱后事

後主皇后斛律氏左丞相光女初為皇太子妃後主受  
禪立為皇后武平三年正月生女帝欲悅光詐稱生男  
為大赦光遇害后廢在別宮後令為尼齊滅嫁開府元  
仁



元仁魏宗室也今亦納高家一后即當於此着眼  
後主皇后胡氏隴東王長仁女胡太后自愧失母儀之  
道欲求悅後主故飾后宮中令帝見之帝果悅立為宏  
德夫人進左昭儀大被寵愛斛律后廢陸媪欲以穆夫  
人代太后不許祖珽請立胡昭儀遂進為皇后既非陸  
媪勸立又意在穆夫人後於太后前作色曰何物親姪  
女作如此語太后問何語曰不可道固問之乃誣后語  
大家云太后行多非法不可以訓太后大怒喚后出立  
欽定四庫全書

南北史合注  
卷一百

十一

剔其髮送還家帝思之每致詩通意後與斛律廢后俱  
召入內數日鄴不守後亦改嫁  
後主皇后穆氏名邪利本斛律后從婢也其母名輕霄  
本穆子倫婢轉入侍中宋欽道家姦私生后莫知氏族  
或云后即欽道女小字黃花後字舍利欽道婦妬輕霄  
黥其面為宋字欽道伏誅黃花因入宮幸於後主宮內  
稱為舍利大監女侍中陸媪知其寵養為女薦為宏德  
夫人武平元年六月生皇子恒時後主未有儲嗣斛律

后丞相光女也慮其懷恨先令母養之立為皇太子陸  
以國姓之重穆陸相對又奏賜姓穆氏胡后之廢陸有  
助焉遂立為皇后大赦初有折衝將軍元正烈於鄴城  
東水中得璽以獻文曰天皇后璽蓋石氏所作詔書頒  
告以為后瑞武成為胡后造真珠裙袴所費不可勝計  
為火所焚後主既立后復營之屬周武遭太后喪詔侍  
中薛孤康買等往吊又遣商胡齋錦綵三萬疋與弔使  
同往欲市真珠為后造七寶車周人不與交易然竟造  
欽定四庫全書

南北史合注  
卷一百

十二

馬先是童謠曰黃花勢欲落清觴滿杯酌言黃花不久  
也後主自立穆后昏飲無度故云清觴滿盃酌又詔改  
陸息駱提婆姓為穆以后故也后既以陸為母提婆為  
家遂路入視輕霄輕霄後自療面欲求見為陸所禁遏  
竟不得  
隋書五行志曰齊穆后將如晉陽向北宮亂胡太后  
至宮內門所乘七寶車無故陷入於地牛沒四足是  
年齊滅后被擄入長安



馮淑妃名小憐大穆后從婢穆后愛哀以五月五日進之號續命慧黠能彈琵琶工歌舞後主惑之坐同席出並馬願得死生一處命淑妃處隆基堂妃惡曹昭儀常居之悉令反易其地周師取平陽帝獵於三堆晉州亟告急帝將還妃請更殺一圍帝從其言識者以為後主名綿殺圍非吉徵及帝至晉州城已欲沒作地道攻之城陷十餘步將士乘勢欲入帝敕且止召妃共觀妃粧點不時至周人以木拒塞城遂不下舊俗相傳晉州城

欽定四庫全書

南北史合注 卷一百

西石上有聖人跡妃欲往觀帝恐弩矢及橋故抽攻城木造遠橋監作舍人以不速成受罰帝與妃度橋橋壞至夜乃還稱妃有功將立為左皇后即使馳取皇后服御仍與並騎觀戰東偏少却妃怖曰軍敗矣帝遂以妃奔還至洪洞成妃方粉鏡自玩後亂唱賊至復走內叅自晉陽以皇后褙翟至帝為按轡命妃著之然後去帝奔鄴太后後至帝不出迎妃將至鑿城北門出十里迎之復以妃奔青州後主至長安請周武帝乞妃帝曰朕

視天下如脫屣一老嫗豈與公惜也仍賜之

三國典畧曰初武成殂後有童謠曰千錢置果園中有芙蓉樹破券不分明蓮子隨他去調甚悲苦至是乃應時妃名小憐故也

及帝遇害以賜代王達甚廢之妃彈琵琶因斷絃作詩曰雖蒙今日寵猶憶昔時憐欲知心斷絕應看膝上茲達妃為妃所諧幾致於死隋文帝以賜達妃兄李詢令著布裙配春詢母逼令自殺

欽定四庫全書

南北史合注 卷一百

隋書五行志曰齊亡後后妃貧者至賣燭為業

後主以李祖欽女為左昭儀進為左娥英裴氏為右娥英娥英者取舜妃娥皇女英其名陽休之所制樂人曹僧奴進二女大者忤旨剝面皮少者彈琵琶為昭儀封僧奴曰南王僧奴死又貴其兄弟妙達等二人同日皆封郡王為昭儀別起隆基堂甚綺麗陸媪誣以左道殺之又有董昭儀毛夫人彭夫人王夫人小王夫人二李夫人皆寵毛能彈箏本和士開薦幸者彭以音技進卒



於晉陽為造佛寺與總持相埒一李是隸戶女以五絃  
進一女即孝貞女小玉生一男諸閹人在傍皆蒙賜給  
毛兄思安超登武衛董父賢義亦作軍主田昭儀父亦  
超登開府自餘姻屬多至大官

周文皇后元氏魏孝武妹初封平原公主

按本史張欣傳即張歡傳稱平陽公主時平原公主  
從孝武入關無兩平原理宜從欣傳

適開府張歡歡性貪殘遇后無禮后怒愬帝殺歡改封

欽定四庫全書

南北朝史合注  
卷一百

十五

后馮翊公主以配周文帝生孝閔魏大統十七年薨恭  
帝三年十一月合葬成陵孝閔踐阼追尊為王后武成  
初又追尊為皇后

文宣皇后叱奴

內入諸姓叱奴氏魏孝文改狼氏西魏時復舊

代人周文帝為丞相納為姬生武帝天和三年六月尊  
為皇太后建德三年三月崩五月葬永固陵

孝閔皇后元氏名胡摩魏文帝第五女初封晉安公主

帝為畧陽公尚馬及踐阼立為王后帝被廢后為尼建  
德初武帝誅晉公護上帝尊號以后為孝閔皇后居崇  
義宮隋革命後出居里第大業十二年崩

明敬皇后獨孤氏

內入諸姓獨孤氏孝文改劉氏後周隋唐時又復舊  
太保衛公信長女帝在藩納為夫人二年正月立為王  
后四月崩葬昭陵武成初追崇為皇后明帝崩與后合  
葬

欽定四庫全書

南北朝史合注  
卷一百

十六

獨異志曰信三女生三天子長生周武帝次生隋煬  
帝三生唐高祖讀此方知長女為明帝后武帝嫂非  
母也

武成皇后阿史那氏突厥木杆可汗侯斤之女突厥滅  
柔然盡有塞表地志陵中夏周文方與齊人爭衡結為  
援侯斤初欲以女配帝既而悔之武帝即位前後累遣  
使要結乃許歸后保定五年二月詔陳公純許公宇文  
貴神武公竇毅南安公楊符等備皇后文物及行殿并



六宮以下一百二十人至侯斤牙所迎后侯斤又許齊  
婚將有異志純等累請不得反命會雷風大起飄壞其  
窮廬侯斤以為天譴乃禮送后純等奉以歸天和三年  
三月至武帝親迎之后有姿貌善容止帝深敬禮

宋初新唐書竇后傳云武帝以突厥女為后姿陋寵  
后時為帝甥女密諫曰吾國未靖虜且強願抑情撫  
接以取合從則江南關東不吾梗與此不同

宣帝即位尊為皇太后大象元年二月改天元皇太后

欽定四庫全書

南北史合注  
卷一百

十七

二年二月又尊曰天元上皇太后宣帝崩靜帝尊為太  
皇太后隋開皇二年殂年三十二詔有司備禮祔葬后  
於孝陵

武皇后李氏名娥姿楚人于謹平江陵后家被籍沒至  
長安周文以后賜武帝後得幸生宣帝宣政元年七月  
尊為帝太后大象元年二月改為天元帝太后七月又  
尊為天皇太后二年二月尊為天元聖皇太后宣帝崩  
靜帝尊為太帝太后隋開皇元年三月為尼改名常悲

八年殂以尼禮葬京城南

宣帝后朱氏滿月吳人家坐事沒東宮宣帝為太子后  
被選掌衣帝召幸之遂生靜帝大象元年四月立為天  
元帝后七月改為天皇后二年二月又改為天大皇后  
后本非良家又長帝十餘歲踈賤無寵以靜帝故特尊  
崇之班亞揚后宣帝崩靜帝尊后為帝太后隋開皇元  
年二月為尼改名法淨六年殂以尼禮葬京城南

宣帝后陳氏名月儀自云潁川人大將軍山提第八女

欽定四庫全書

南北史合注  
卷一百

十八

大象元年六月以選入宮拜德妃月餘日立為天左皇  
后二年二月改天左大皇后二月又詔以坤儀比德土  
數惟五四大皇后外增置天中大皇后一人以后為天  
中大皇后帝崩后為尼改名華光唐永徽初終父山提  
本爾朱兆隸仕齊位特進開府東兗州刺史謝陽王武  
帝平齊拜大將軍封浙陽公大象元年以后父超授上  
柱國進鄴國公除大宗伯

宣帝皇后元氏名樂尚河南洛陽人開府晟第二女年



十五被選入宮拜貴妃大象元年七月立為天右皇后  
二年二月改天右大皇后帝崩后為尼改名華勝初后  
與陳后同時選入宮俱拜為妃及升后又同日受冊寵  
遇均等年齒復同特相親愛及為尼後李朱及尉遲后  
相繼歿而二后至唐貞觀中尚存后父晟少以元氏宗  
室拜開府大象元年七月以后父進上柱國封翼國公  
宣帝皇后尉遲氏

內入諸姓尉遲氏孝文改尉氏西魏復舊至唐不改

欽定四庫全書

南北朝合注  
卷一百

十六

名繁熾蜀公迴孫女有美色初適杞公亮子西陽公温  
以宗婦例入朝帝逼幸之及亮謀逆帝誅温追后入宮  
拜長貴妃大象二年三月立為天右大皇后帝崩后為  
尼改名華道隋開皇十五年殂

噫魏恭帝若干后不為尼周世乎觀此五尼所謂其  
則不遠

靜帝司馬皇后名令姬柱國榮陽公消難女大象元年  
二月宣帝傳位於帝七月納為皇后宣帝命也二年九

月隋王楊堅輔政以后奔陳廢后為庶人後嫁隋司州  
刺史李丹唐貞觀初猶存

隋文獻皇后獨孤氏諱伽羅河南洛陽人周大司馬衛  
公信女信見文帝有奇表故以后妻之時年十四帝與  
后相得誓無異生子后姊周明帝后長女周宣帝后貴  
戚之盛莫與為此而后每謙卑自守及宣帝崩隋文居  
禁中總百揆后使李圓通謂席曰騎虎之勢必不得下  
勉之及受禪立為皇后突厥嘗與中國交市有明珠一

欽定四庫全書

南北朝合注  
卷一百

十七

篋價直八百萬幽州總管陰壽白帝市之后曰當今戎  
狄屢寇將士罷勞未若以八百萬分賞有功百寮聞而  
畢賀文帝甚寵憚之帝每臨朝后輒與帝方輦而進至  
閣乃止又使宦官伺帝有失則必匡諫多所宏益帝退  
朝乃同反宴寢相顧欣然后早失二親帝常懷感慕見公  
卿有父母者每為致禮有司奏曰周禮周官之妻命於  
王后憲章在昔請依古制后曰以婦人與政或從此漸  
不可開也不許后每謂諸公主曰周家公主類無婦德



失禮舅姑離薄人骨肉爾等當誠之后姑子都督崔長仁犯法當斬文帝以后故免之后曰國家之事焉可顧私長仁竟生死異母弟施以猫鬼巫蠱詛后坐當死后三日不食為請命曰施若蠹政害民不敢言今坐為妾身敢請其命施得減死一等后雅性儉約帝嘗合止痢藥須胡粉一兩因宮內不用求竟不得又欲賜柱國劉嵩妻織成衣領宮內亦無帝以后不好華麗故齊七寶車及鏡臺絕巧麗使毀車以鏡臺賜后后雅好讀書識

欽定四庫全書

南北朝史合注 卷一百

五

達今古言事皆與帝意合宮中稱二聖后兄女夫死於并州后嫂以女有娠請不赴葬后曰婦人事夫何容不往其姑在宜自誥之姑不許女遂行后頗仁愛每聞大理決囚未嘗不流涕然性妬後宮莫敢進御尉遲迥女孫美先在仁壽宮帝見而悅之得幸后伺帝聽朝陰殺之帝大怒單騎從苑中出不由徑路入山谷間三十餘里高頰楊素等追及扣馬諫帝太息曰吾貴為天子不得自由頰曰陛下豈以一婦人輕天下耶意少解駐馬

良久夜方還宮后候於閣內及帝至流涕拜謝頰素等和解之帝置酒極歡后自此意頗折初后以頰是父家客甚見親禮至是聞頰謂已為一婦人因銜恨又以頰夫人死其妾生男益不善漸加譖毀帝亦唯后言是用后見諸王及朝士有妾孕者必勸帝斥之時皇太子多內寵妃元氏暴薨后意太子愛妾雲氏害之由是諷帝黜頰竟廢太子立晉王廣皆后謀也仁壽二年八月甲子日暈四重已巳太白犯軒轅其夜后崩於永安宮年

欽定四庫全書

南北朝史合注 卷一百

五

五十九葬太陵后崩後宣華夫人陳氏華容夫人蔡氏俱寵帝頗惑之由是發疾及危篤謂侍者曰使皇后在吾不及此 宣華夫人陳氏陳宣帝女性聰慧姿貌無雙陳滅配掖庭後選入宮為時獨孤后妬後宮罕得進御唯陳氏有寵煬帝在藩陰有奪宗計規為內助每致禮焉進金蛇金駝等物以取媚陳氏皇太子廢立頗有力焉及后崩進貴人專房擅寵主斷內事六宮莫比帝大漸遺詔拜為宣華夫人初帝寢疾仁壽宮夫人與太



子同視疾平旦出更衣為太子所逼拒之得免歸於帝所帝怪其神色有異問之夫人泣然曰太子無禮

趙毅大業畧記以陳夫人為蔡夫人當從隋書

帝恚抵牾曰畜生何堪付大事獨孤誤我意謂文獻后也因呼兵部尚書柳述黃門侍郎元巖曰呼我兒述等呼太子帝曰勇也述巖出閣為敕訖示左僕射楊素素白太子太子遣張衡入寢殿令夫人及後宮同侍疾者並就別室俄聞帝崩未發喪夫人與諸後宮相顧曰事

欽定四庫全書

南北史合注  
卷一百

五

變矣皆色動股慄哺後太子遣使者齎金合帖紙於際親署封字以賜夫人夫人見之惶懼疑為鳩也不敢發使者促之乃發見合中有同心結數枚諸宮人相謂曰得免死矣夫人恚而却坐不肯致謝諸宮人共逼之乃拜使者其夜太子蒸馬場帝即位出居仙都宮尋召入歲餘終年二十九帝深悼之為製神傷賦 容華夫人蔡氏丹陽人陳滅選入宮為世婦容儀婉嫵帝甚悅之以文獻后故希得進幸后崩後漸見寵拜為貴人參斷

宮掖亞於陳氏帝寢疾加號容華夫人帝崩後自請見煬帝言事亦為帝所蒸

煬帝愍皇后蕭氏梁孝明帝女江南風俗二月生子者不舉后以二月生季父爰收養之未幾爰夫妻俱死轉養舅張軻家軻甚貧后躬親勞苦煬帝為晉王文帝選妃於梁卜諸女皆不吉梁明乃迎后舅氏令使者占之吉遂冊為妃后性婉順有智識好學解屬文頗知占候文帝大善之煬帝甚寵敬焉及嗣位立為皇后帝每遊

欽定四庫全書

南北史合注  
卷一百

五

幸未嘗不從時后見帝失德心知不可不敢措言因為述志賦自寄其詞曰承積善之餘慶備箕箒於皇庭恐脩名之不立將負累於先靈迺夙夜而匪懈實竇懼於玄冥雖自強而不息亮愚蒙之多滯思竭節於天衢才追心而弗逮實庸薄之多幸荷隆寵之嘉惠賴天高而地厚屬王道之昇平均二儀之覆載與日月而齊明賴春生而夏長等品物而同榮願立志於恭儉私自兢於誠盈孰有念於知足苟無希於濫名惟至德之宏深情



弗適於聲色感懷舊之餘思求故劍於宸極叨不世之殊賜謬非才而未職何寵祿之踰分撫胸襟而未識雖沐浴於恩光內慙惶而累息願微躬之寡昧思令淑之良難實不違於啟處將有情而自安若臨深而履薄心戰慄其如寒夫居高而必危每處滿而防溢知恣奪之非道乃攝生於沖謐嗟寵辱之易驚尚無為而抱一履謙光而守志且願安乎容膝珠簾玉箔之奇金屋瑤臺之美雖時俗之崇麗蓋哲之所鄙愧締紘之不工豈絲

欽定四庫全書

南北史合注 卷一百

五

竹而喧耳知道德之可尊明善惡之由已蕩囂煩之俗慮乃服膺於經史綜箴誠以訓心觀女圖而作軌遵古賢之令範冀福祿之能綏時循躬而三省覺今是而昨非嗟黃老之損思信為善之可歸慕周姒之遺風美虞妃之聖則仰先哲之高才慕至人之休德質菲薄而難蹤心恬愉而去惑乃平生之耿介實禮義之所遵雖生知之不敏庶積行以成仁懼達人之益寡謂何求而自陳誠素志之難寫同絕筆於獲麟及帝幸江都臣下離

貳

資治通鑑曰帝自曉占候卜相好為吳語嘗夜置酒仰視天文謂后曰外間大有人圖儂然儂不失為長城公卿不失為沈后且共樂飲耳因飲滿沉醉又嘗引鏡自照顧后曰好頭頸誰當斫之后驚問則笑曰貴賤苦樂更迭為之亦復何傷

有宮人白后曰外間人人欲反后曰任汝奏之宮人言於帝帝大怒曰非汝宜言斬之後宮人復白后曰宿衛

欽定四庫全書

南北史合注 卷一百

五

者往往偶語謀反后曰天下事一朝至此已無可救何用言之徒令帝憂煩耳自是無復言者及宇文文化及之亂隨軍至聊城化及敗沒於竇建德建德妻曹氏妬悍煬帝妃嬪美人並使出家并后置於武強縣是時突厥處羅可汗方盛其可賀敦即隋義公主也遣使迎后建德不敢留遂攜其孫正道及諸女入虜庭唐貞觀四年破突厥皆以禮致之歸京師賜宅興道里二十一年崩詔以后禮合葬於揚州煬帝陵謚曰愍



別記載侯夫人事夫人色美入宮不得進御一日自  
經棟下臂懸錦囊中有文左右取以進帝乃詩也內  
自感三首與自傷一首尤為悽婉帝見之反覆傷感  
往視其尸猶潔美如生乃責中使許廷輔不選入迷  
樓罪賜自盡厚葬夫人帝酷好其詩誦不去口命樂  
府歌之 東恭帝母劉氏孝成皇帝良姊也帝即位  
尊為皇太后王世充專政加號聖感皇太后後不知  
所終西恭帝母章妃無考

欽定四庫全書

南北史合注  
卷一百

三

論曰男女正位人倫大綱三代以還逮於漢晉何嘗不  
敗於矯諛而興於聖淑至於后稷稟靈巨迹神元生自  
天女克昌來葉異世同符此後諸婦無足論者文明邪  
險幸不墜國靈后淫恣卒亡天下傾城之誠其在茲乎  
若乙后迫於畏逼有足傷矣昔鈞弋年少子幼漢武所  
以行權魏世遂為常制子貴母必死矯枉不亦過乎孝  
文終草其失良有以也神武明追蹤周亂後主敗家馮  
妃此跡褒后汙隆之義蓋有係焉周氏粵自文皇逮乎

武帝年踰二紀世歷四君業非草昧之辰事殊權宜之  
日乃棄同即異自我作古既而報者倦矣施者無厭向  
所謂和親未幾已成讎敵奇正之道有異於斯歷觀前  
載以外戚而居宰輔者多矣而傾漢室者王族喪周家  
者楊氏何滅亡之禍若合符焉隋文取鑒已往大革前  
失故母后之家不罹禍敗獨孤權無呂霍獲全仁壽之  
前蕭氏勢異梁竇不傾大業之後

欽定四庫全書

南北史合注  
卷一百

三

隋書曰蕭后初歸藩邸有輔佐君子之心煬帝得不  
以道便謂人無忠信父子之間尚懷猜阻夫婦之際  
其何有焉暨乎國破家亡竄身無地飄流異域惜哉  
或不隕舊基或更隆克構豈非處之以道所致然乎

南北史合注卷一百



欽定四庫全書

南北史合注卷一百一

明 李清 撰

列傳第三

北史十五

獻明皇帝

景穆皇帝

先帝

文景皇帝

欽定四庫全書

東海王彞

安定王朗

獻明皇帝諱寔昭成皇帝太子生道武皇帝事見昭成紀景穆皇帝諱晃太武皇帝長子母賀夫人延和元年正月丙午立為皇太子時年五歲明慧強識有聞不忘及長好讀經史皆通大義太武甚奇之及西征涼州太子監國初太武伐河西李順等咸言姑臧無水草不可行師太子有疑色及車駕至姑臧乃詔太子曰姑臧城東西門外涌泉合於城北其大如何澤草茂盛可供大

軍數年人之多言亦可惡也太子謂宮臣曰為人臣不實若此豈是忠乎吾初聞有疑但帝決行耳幾誤人大事言者何面目見帝也

魏書釋老志曰道士寇謙之奏造靜輪宮欲宮不聞雞犬上交天神太子言於世祖曰人天道殊卑高定分謙之欲要無成之期說不然之事損財勞民必如其言不如因東山萬仞之上為功差易帝然之以難違崔浩贊成秘計故不從

欽定四庫全書

東海王彞

安定王朗

真君四年從征柔然至鹿渾谷與賊遇虜惶擾太子言於太武曰宜速進擊掩其不備尚書令劉潔固諫以為塵盛賊多須軍大集太子曰此塵由賊懼擾營上何有此塵太武疑之遂不急擊柔然遠遁既獲虜候騎乃云不覺官軍卒至上下惶懼北走經六七日知無追者乃徐行帝深恨之自是太子所言軍國大事多見納用遂知萬機及監國命有司使百姓有牛家以人牛相質魏書載令曰周書言任農以耕事貢九穀任圃以樹



事貢草木任土以餘財貢器物任商以市事貢貨賄  
任牧以畜事貢鳥獸任嬪以女事貢布帛任衛以山  
事貢其材任虞以澤事貢其物其制有司課畿內民  
使無牛家以人牛力相買墾殖鋤耨其有牛家與無  
牛家一人種田二十二畝償以私鋤功七畝如是為  
差至與小老無牛家種田七畝小老者償以鋤功二  
畝皆以五口下貧家為率各列家別口數所勸種頃  
畝明立簿目所種者於地首標題姓名以辨播殖功

欽定四庫全書

南北史合注  
卷一百一

又禁飲酒雜戲棄本沽販者於是墾田大增正平元年  
六月戊辰以憂薨於東宮

通鑑考異曰宋索虜傳云虜主燾至汝南瓜步是私  
取諸營園獲甚衆燾歸聞知大加搜檢是懼謀殺燾  
燾詐死使其近習召晃迎喪於道執之返國單以鐵  
籠尋殺之蕭子顯齊書亦同宋略曰燾既南侵晃至  
執之單以鐵籠捶之三百曳於叢棘殺之此皆江南  
傳聞之誤今從後魏書

時年二十四庚午命持節兼太尉張黎兼司空寶瑾奉  
冊即柩謚景穆太子文成即位追尊為景穆皇帝廟號  
恭宗

文穆皇帝名勰字彥和獻文皇帝子少而岐嶷姿性不  
羣太和九年封始平王加侍中總生而母潘氏卒其年  
獻文崩及有知識啟求追服文明太后不許乃毀容憔悴  
心喪三年不參吉慶孝文大奇之敏而耽學雅好屬  
文長直禁內參決軍國大政萬幾之事無不預及車駕

欽定四庫全書

南北史合注  
卷一百一

南代領宗子軍宿衛左右轉中書令侍中如故改封彭  
城王帝升金墉城顧見堂後桐竹曰鳳皇非梧桐不棲  
非竹實不食今梧桐並茂能致鳳乎勰曰鳳皇應德而  
來豈桐竹能降帝笑曰朕亦未望降之後宴侍臣於清  
徽堂日晏移於流化池林下

冊府元龜載孝文曰向宴之始君臣肅然及將進觴  
而流景將頽竟不盡適戀戀餘光故重引御等  
帝仰觀桐葉之茂曰其桐其椅其實離離愷悌君子莫



不令儀令林下諸賢足敷歌詠遂令黃門侍郎崔光讀  
暮春羣臣應制詩至總詩帝為改一字曰昔初奚舉子  
人謂至公今見總詩始知中令之舉非私也總曰臣露  
此拙方見聖朝之私賴蒙神筆賜刊得有令譽帝曰雖  
雕琢一字猶王本體總曰詩三百一言可蔽今陛下賜  
刊一字足價等連城總表解侍中詔曰蟬貂之美待汝  
而光人之秋何容方退後從幸代都次於上黨之銅  
觀山路傍有大松十數根時帝進繼遂住而賦詩令示

欽定四庫全書

南北史合注  
卷一百一

五

總曰吾作詩雖不七步亦不言遠汝可作之比至吾問  
令就時總去帝十步且行且作未至帝所而就詩曰問  
松林松林經幾冬山川何如昔風雲與古同帝大笑曰  
汝此亦調責吾耳詔贈總生母潘氏為彭城國太妃又  
除中書監侍中如故帝南伐漢陽假總中軍大將軍加  
鼓吹一部總以寵授頻煩乃面陳曰臣聞兼親疎而兩  
並異同而建此文於昔陳思求而不允愚臣不請而  
得豈但今古云殊遇否大異帝大笑執總手曰二曹才名

相忌吾與汝道德相親緣此而言無慚前烈帝親講喪  
服於清徽堂從容謂羣臣曰彥和季豫等年在冲蒙早  
登纓紱失過庭之訓並未習禮每欲令我一解喪服故  
屈朝彥遂親傳說御史中尉李彪對曰自古及今未有  
天子講禮臣得親承音旨千載一時從征河北除使持  
節都督南征諸軍事正中軍大將軍開府

冊府元龜載詔曰明便交敵可勅將士肅參朝伏

總於是親勅大衆須臾有二大鳥從南來一向行宮一

欽定四庫全書

南北史合注  
卷一百一

六

向幕府各為人所獲總言於帝曰始有一鳥望旗顛仆  
臣謂大吉帝戲之曰鳥之畏威豈獨中軍之略吾亦分  
其一耳至明便大破崔慧景蕭衍其夜大雨帝曰昔聞  
國軍獲勝每逢雲雨今破新野南陽及推此賊果降時  
潤誠哉斯言總對曰水德之應遠稱天心帝令總為露  
布辭曰臣聞露布曰布之四海露之耳目臣小才豈足  
大用帝曰汝亦為才達但可為之及就尤類帝文見者  
咸謂御筆帝曰汝所為者人謂吾製非兄則弟誰能辨



之總對曰子夏被唾於先聖臣又荷責於來今及至豫州帝為家人書於總曰每欲立一宗師肅我元族汝親則宸極官乃中監風標才器實足軌範宗制之重捨汝誰寄有不遵教典隨事以聞帝不豫總內侍醫藥外摠軍國遐邇肅然人無異議徐審當世上醫先是假歸洛陽及召至總引之別所涕泣執手祈請懇至左右見者莫不嗚咽及引入審便欲進藥總以帝神力虛弱唯令以食味消息總乃密為壇於汝水濱依周公故事告天

欽定四庫全書

南北史合注  
卷一百一

地及獻文為帝請命乞以身代帝尋瘳損自懸瓠幸鄴總常侍坐輿晝夜不離側飲食必先嘗手自進御車駕還京會百寮於宣極堂行飲至策勳禮以總功為羣將最

魏書載高祖謂總曰吾與汝等早罹艱苦比纏患經年危若寒葉非汝忠孝孰能動止躬親每尋此事感思殊遠總悲泣謂曰臣等夙遭不天賴陛下撫育得參人伍豈料上靈無鑒致聖躬違和寢興之勞豈申

茶蓼又詔曰朕形疲稚年心勞長歲積思成疴頓發汝穎第六弟總孝均周弟感倖姬旦致茲保康實賴同氣又撫師於霖浩之辰處戎於薦逼之日翼亮之勳功存社稷可增邑千戶總固辭不許

尋以總為司徒太子太傅侍中如故俄齊將陳顯達內寇帝復親討之詔總持節都督中外諸軍事摠攝六師時帝不豫總辭侍疾無暇更請一王摠當軍要帝曰吾牽荷如此深慮不濟安六軍存社稷者捨汝而誰何容

欽定四庫全書

南北史合注  
卷一百一

請人以違心寄及至馬圈大敗顯達疾甚復謂總曰吾今不濟矣社稷所倚惟在汝身霍子孟以異姓受托况汝親賢可不勉諸總泣曰士於布衣猶為知己盡命况臣託靈先皇誠應竭股肱之力但臣出入喉膺每跨時要今復參宰匠機政畢歸此乃周旦遁逃成王疑惑臣辭勤請逸正欲仰成陛下日鏡之明下令愚臣獲退避之福帝久之曰吾尋思汝言理實難奪乃手詔宣武曰汝第六父總清規懋賞與白雲俱潔歷榮捨綬以松竹



為心吾少與綢繆提攜道趣每請朝纓恬真丘壑吾以長兄之重未忍離遠何容仍屈素業長嬰世網吾百年後其聽總辭蟬捨冕遂其冲逸之性

魏書云無使成王之朝翻疑姬旦之聖不亦善乎汝為孝子勿違吾勅

帝崩於行宮遇秘喪事獨與右僕射任城王澄及左右數人計奉遷安車中總等出入如平常視疾進膳可決外奏累曰達宛城乃夜進安車於郡廳事得加欵櫬還

欽定四庫全書

南北史合注 卷一百一

載卧輿六軍內外莫有知者遣中書舍人張儒奉詔徵宣武會駕梓宮至魯陽乃發喪行服宣武即位總跪授遺敕數紙咸陽王禧疑總為變停於魯陽郡外久之乃入謂總曰汝非但辛勤亦云危險總恨之對曰兄識高年長故知有夷險彥和握蛇騎虎不覺艱難禧曰汝恨吾後至耳自孝文不豫總常居中親侍醫藥夙夜不離左右衣不解帶亂首垢面帝患久多忿因之遷怒總每被誚詈言至厲切威責近侍動將誅斬總承顏悉心多

所匡濟及帝升遐齊將陳顯達始奔遁慮凶問世漏致有逼迫總內雖悲慟外示吉容出入俯仰神貌無異及至魯陽東宮官屬多疑總有異志竊懷恐懼而總推誠盡禮卒無纖芥之過總上謚議協時肇享曰孝五宗安之曰孝道德博聞曰文經緯天地曰文上尊號為孝文皇帝廟號高祖陵曰長陵帝從之既葬帝固以總為宰輔總頻陳遺旨請遂素懷帝對總悲慟每不許頻表懇切帝難違遺教遂其雅情猶逼以外任乃以總為都督

欽定四庫全書

南北史合注 卷一百一

定州刺史總仍陳讓帝不許乃述職冊府元龜載王肅等奏曰臣聞姬旦翼周光宅曲阜東平宰漢寵絕列藩彭城王總景思內昭英風外發協廓乾規掃氛漢沔屬先帝在天鳳旌旆旆靜一六師肅寧南服登聖皇於天衢開有魏之靈祐臣等參議宜增戶千五百戶詔曰覽奏倍增殞絕未定酬勲且可如奏總固辭不許帝與總書極家人敬請總入京



魏書載世宗書曰恪奉辭暨今悲戀嗚咽歲月易遠  
便迫暮冬每思聞道奉承風教父既辭榮閑外無容  
頻遠出藩屢朔荒馳實深今遣主書奉宣悲戀願父  
來望必當屆京展洩哀窮指不云遠

景明初齊豫州刺史裴叔業以壽春內屬總都督南州  
諸軍事與尚書令王肅迎接壽春復授司徒又詔以本  
官領揚州刺史

魏書曰總簡刑導禮與民休息州境安靜建安戌主

欽定四庫全書

南北史合注  
卷一百一

胡景畧拒守不下總水陸攻之景畧面縛出降自總  
至壽春東定城戍至於陽石西降建安山蠻順命斬  
首獲生以數萬計

進位大司馬領司徒齊將陳伯之屯於肥口胡松又據  
梁城總部分將士頻戰破之淮南平徵總還朝

冊府元龜載詔曰王威尊上輔德勲莫二壽春初開  
令王親董元戎遠撫淮外冒茲炎蒸銜蓋飄飄經畧  
踰時夙夜繫情制勝宣威義所欽嘉雖凱旋有期可

遣給事黃門侍郎鄭道昭就彼祇勞徵使還朝魏

書曰總政崇寬裕絲毫不犯淮南士庶至今思之

初總定壽春獲齊汝陰太守王果豫州中從事度稷等  
數人總傾衿禮之常參坐席果承問求還江外總矜而  
許之果又謝曰果等今還仰負慈澤請聽仁駕振旅反  
跡江外至此乃還其為遠人所懷如此總至京師頻表  
辭大司馬領司徒及所增邑乞還中山詔不許乃除錄  
尚書侍中司徒如故固辭不允

欽定四庫全書

南北史合注  
卷一百一

魏書曰總雅好淡素不嬰勢利高祖重其事幹所請  
不許雖有遺詔復被留連每乖情願輒淒然太息  
時咸陽王禧驕矜不法北海王詳陰言於帝又言總大  
得人情不宜久在宰輔勸帝遣總教禧等又出領軍于  
烈為恒州烈深以為忿烈子忠常在左右密令忠言於  
帝宜早自覽政時將初祭王公並齋於廟東坊帝遣于  
烈將壯士六十人召禧總詳等引見帝謂總曰頃來南  
北務殷不容仰遂沖操恪是何人敢久違先教令遂叔



父高蹈

魏書載魏答曰陛下仰遵先詔下遂微志感惟今昔

悲喜交深

詔為魏造宅務從簡素以遂其心魏因作蠅賦喻懷又以魏為太師魏固辭詔侍中敦喻帝又為書於魏崇家人敬

魏書載世宗書曰恪言奉還告承猶執冲遜父德望

兼重師訓所歸豈得近遺家國遠崇清尚便願紆降

欽定四庫全書

南北史合注 卷一百一

時副傾注

魏不得已應命帝前後頻幸魏第及京兆廣平二王暴虐不法制宿衛隊主率羽林虎賁幽守諸王於第魏上表切諫帝不納

魏書曰魏既無山水之適又絕知己之遊惟對妻子

鬱鬱不樂

時議定律令魏與高陽王雍八坐朝士有才學者五日

一集參論執制應否之宜凡所裁決時彥歸仰

魏書曰魏夙侍高祖兼聰達博聞凡所裁決時彥歸

仰加以美容貌善風儀端嚴若神折旋合度出入言

笑觀者忘疲

又加侍中魏敦尚文史撰自古帝王賢達至魏世子孫族從為三十卷名曰要略性仁孝言於朝廷以其舅潘

僧固為長樂太守京兆王愉構逆僧固見逼尚書令高

肇性既光復又肇兄女入為夫人順后崩帝欲以為后

魏固執不可肇因屢譖魏又因僧固愉逆誣魏與愉通

欽定四庫全書

南北史合注 卷一百一

南招蠻賊魏國即中令魏偃前防閣高祖珍希肇提携

構成其事肇初令侍中元暉以奏暉不從又令左衛元

珍言之帝訪暉明魏無此帝更問肇肇以魏偃祖珍為

證乃信之永平元年九月召魏及高陽王雍廣陽王嘉

清河主懌廣平王懷及高肇等入時魏妃方產固辭不

得意甚憂懼與妃訣而登車入東掖門度一小橋牛傷

更有使責魏來遲乃去牛人挽而入宴於禁中夜皆醉

各就別所消息俄元珍將武士費毒酒至魏曰皇天皇



天吾忠於朝廷何罪見殺一見至尊死無恨也珍曰至尊何可復見武士以刀環築總二下總大言稱冤武士又以刀築總乃飲毒酒武士就殺之向晨以褥裹屍與從屏間出載屍歸第云因飲堯總妃李氏司空沖之女號哭曰高肇枉理殺人天道有靈汝還當惡死及肇以罪見殺還於此屋論者知有報應帝舉哀東堂

魏書云給東園第一秘器朝服一襲賻錢八十萬布二千匹蠟一百斤大鴻臚護喪事

欽定四庫全書

南北朝合注  
卷一百一

十五

總既有大功無罪見害行路士女皆流涕曰高肇小人枉殺賢王在朝貴戚莫不喪氣景明報德寺僧鳴鐘欲飯忽聞總薨二寺一千餘人皆嗟痛不食但飲水而齋追贈假黃鉞使持節都督中外諸軍事司徒公太師給鑾輅九旒虎賁班劍百人前後部羽葆鼓吹輜輶車有司奏太常卿劉芳議總謚

魏書載議曰王挺德弱齡誕資至孝卓爾之操發自天然不羣之美幼而獨出及入參政務綸綍有光爰

登中鉉敷明五教漢北告危皇赫問罪王內視藥膳外摠六師及宮車晏駕上下哀慘奮猛銜戚英略潛通翼衛靈輿整戎振旅歷次宛謝迄於魯陽送往奉居無慙周霍稟遺作輔遠至通安分陝恒方流詠燕趙廓靖江西威懾南越入釐百揆庶績咸熙履勤不憚在功愈挹温恭愷悌忠雅寬仁興居有度善終篤始高尚厥心美光世典今按謚法云云

保大定功曰武善問周達曰宣宜謚武宣王詔可

欽定四庫全書

南北朝合注  
卷一百一

十六

魏書載靈太后詔曰故太師彭城武宣王道隆德盛功高微管協契先朝導揚末命扶疴濟難効漢北之誠送往奉居盡魯南之節宗社賴之以安皇基由之永固而謙光守挹屢擢增邑之賞辭多受少終保初錫之封非所以述舊報恩也可以前後封戶別封三子為縣公食邑各千戶於是封子直真定縣公子攸武城縣公子正霸城縣公

及孝莊即位追號文穆皇帝妃孝氏為文穆皇后遷神



主於太廟稱肅祖節閏時去其神主

先帝名羽字叔翻獻文皇帝子太和九年封廣陵王加侍中為外都大官羽少聰慧有斷獄稱後罷三都以羽為大理典決京師獄訟遷特進尚書右僕射又為太子太保錄尚書事孝文帝南伐遣羽持節按撫六鎮發其突騎夷夏寧悅還領廷尉卿及駕發與太尉元丕留守帝友愛諸弟及將別不忍早分詔羽從至應門及令羽歸望其稱効故賜如意以表心

欽定四庫全書

南北史合注 卷一百一

魏書曰遷洛之後北番民夷多有未悟羽鎮撫代京內外肅然

十八年羽表辭廷尉不許羽奏外考令文每歲終州鎮列牧守績狀及至再考隨其品第以彰黜陟雖外有成令而內令未班內外考察理應同等臣輒推準外考以定京官績行詔曰論考之事理在不輕問績之方應關聽輒爾輕發殊為躁也今始維夏且待至秋後孝文臨朝堂考羣臣謂羽曰上下二等可為三品中等但為一

品所以然者上下是黜陟之科故旌綵髮之美中等守本事可大通

魏書載羽先呈廷尉五局司直高祖曰廷尉所司人命之本須心平性正抑強哀弱不避貴勢者可為上等但言人惡未必惡言善未必善所以然者或斷訟不避豪貴故人以為惡或將勢抑賤貴人以為好可精辨以聞

帝又謂羽曰汝功勤不聞於朝阿黨頻干朕聽今黜汝

欽定四庫全書

南北史合注 卷一百一

錄尚書廷尉但居特進太保又謂尚書令陸獻曰叔翻在省之初甚著善稱近來偏頗懈怠今奪卿尚書令祿一周謂在僕射元贊曰計叔翻之黜卿應大辟但咎歸一人不復相罪今解卿少師之任削祿一周詔吏部尚書澄曰觀叔父神志驕逸可解少保又謂長兼尚書于果曰卿不能懃謹夙夜數辭以疾今解卿長兼可光祿大夫守尚書削祿一周又謂守尚書尉羽曰卿在集書殊無憂存左史之事今降為長兼常侍亦削祿一周又



謂守尚書盧陽烏曰卿在集書為一省文學之士常不以左史在意今降卿長兼王師守常侍尚書如故奪常侍祿一周謂左丞公孫良石丞乞伏義受曰卿等不能正心直言罪應大辟但以事鐘叔翻故不能別致貶二丞可以白衣守本官冠服祿恤盡皆削奪若三年有成還復本任如其無成則永歸南畝謂散騎常侍元景曰卿等自任集書合省道墮致王言遺滯起居不脩今降為中大夫守常侍奪祿一周又謂諫議大夫李彥卿實

欽定四庫全書

南北史合注

十九

不稱職可去諫議退為元士又謂中庶子游肇及中書舍人李平識學可觀可為中第諸如此比黜官如初孝文又引陸叡元贊等前曰

魏書載孝文語曰北人每言北俗質魯何用知書朕深用憮然今知書者豈皆聖人朕行禮置官正欲開導北人致之禮教

朕為天子何假中原欲令卿等子孫博見多知漸染美俗若永居恒北遇不好文之主恐不免面墻也叡曰實

如明詔金氏若不入仕漢朝何緣七葉知名帝大悅帝幸羽第與諸弟言曰朕親受人訟知廣陵明了咸陽王禧曰臣年為廣陵兄明為廣陵弟帝曰我為汝兄汝為羽昆汝復何恨車駕南伐除開府青州刺史詔羽曰海服之寄故唯宗良唯酒唯田可不誠歎

冊府元龜載書曰吾乘時樹功開荆拓汜息駕汝頽俟秋方舉海服之寄故唯宗良敬慎汝儀勿墜嘉問宣武即位遷司州牧及帝覽政引入內面授司徒請為

欽定四庫全書

南北史合注

二十

司空乃許之羽先淫員外郎馮俊與妻夜私遊為俊與所擊積曰秘匿薨於府宣武親臨哀慟贈司徒謚曰惠子恭襲是為節閔帝帝既立追尊羽先帝

武穆皇帝名懷孝文皇帝子太和二十一年封廣平王宣武之世

本史宣武皆作孝武魏書曰世宗其非孝武可知且孝武懷子安有以子禁父者今悉正之

懷因諸王屢為叛逆乃召入華林別館禁其出入令四



門博士授以經傳懷與焉宣武崩乃得歸後二日懷自恃母弟之親徑至太極西廡欲上殿哭大行見孝明賴崔光折之乃止事見光傳後屢進太保領司徒薨謚武穆孝武懷子也即位追謚武穆皇帝

唐書宰相世圖曰廣平王懷生廣平文懿王悌悌生侍中驃騎大將軍廣平王贊贊生謙周封謙為韓國公紹魏傳菩提寶琳皆襲公唐初停襲冊府元龜

曰唐玄宗秋備三恪求後魏孝文帝嫡系得陳王府諸

欽定四庫全書

南北史合注 卷一百一

議參軍元伯明命襲韓國公伯明去寶琳四世矣自是終唐世不絕云

文景皇帝名愉字宣德孝文皇帝子太和二十一年封京兆王拜都督徐州刺史以彭城王中宣府長史盧陽烏蕙長史州事巨細委之陽烏宣武初

本史宣武亦作孝武今正之

為護軍將軍帝留愛諸弟愉等常出入宮掖晨昏寢處若家人

魏書曰世宗每日華林戲射愉衣衫騎從往來無間遷中書監為納順皇后妹為妃不見禮答愉在徐州納妾李氏因夜聞其歌悅之遂被寵嬖罷州還京欲進貴之託右中即將趙郡李恃顯為養父禮迎於其家後產子寶月順皇后召李入宮毀擊之強令為尼於內以子付妃養歲餘后父于勳以后父無所誕乃表勸廣嬪御因令后歸李於舊愛更甚愉好文章頗著詩賦時引才人宋世景李神儁祖瑩邢晏王遵業張始均等共申宴

欽定四庫全書

南北史合注 卷一百一

喜招四方儒學賓客嚴懷真等數十人館而禮之所得穀帛率多散施又崇信佛道用度常不接與弟廣平王懷競以奢侈相誇貪縱不法宣武攝愉禁中推案杖愉五十出為冀州刺史始愉自以初求侍要見勢劣二弟愧恨形言色又以幸妾屢被頓辱內外離抑及在州謀逆遂殺長史羊靈引及司馬李遵稱得清河王密疏云高肇謀弒主上遂為壇信都之南柴燎告天即皇帝位赦天下號建平元年立李氏為皇后宣武詔尚書李平



討愉愉出拒王師頻敗遂嬰城自守愉知事窮携李及四子數十騎出門諸軍追之見執詔徵赴京師申以家人之訓愉每止宿亭傳必携李手畫其私情雖鎖繫中飲賞自若略無愧懼之色至野王愉語人曰雖主上慈深不忍殺我吾亦何而見至尊歔歔流涕絕氣而死年二十一或云高肇令人殺之

愚按愉敗執後猶無慙懼安能慙見宣武絕氣而死肇令人殺之是

欽定四庫全書

南北史合注  
卷一百一

十一

飲以小棺諸子至洛皆赦之後靈太后令愉四子皆附屬籍追封愉臨洮王寶月乃改葬父母追服三年西魏文帝愉子也即位追尊文景皇帝

清河王亶孝文皇帝孫清河王懌子也襲爵孝武將奔長安偕亶宿渥西尋逃歸洛陽亶女適齊神武世子文襄乃推亶大司馬承制摠萬幾居尚書省大赦境內時神武屢表請孝武還京不報又遣僧道崇奉表曰陛下若遠賜一制許還京洛臣當帥文武式清宮禁若返正

無日則七廟不可無主萬國須有所歸臣寧負陛下不

負社稷帝亦不答神武乃集百官耆老議所立時亶出入已稱警蹕神武醜之乃託以孝昌以來昭穆失叙永安以孝文為伯考永熙遷孝明於夾室業喪祚短職此之由遂立亶世子善見為帝謂亶曰欲立王不如立王之子亶曰天子無父苟使兒立不惜餘生遂立之是為孝靜帝亶不自安輕騎南走神武追還之天平三年亶薨或曰齊神武醜之也謚文宣王亶三子景植威謹俱見孝靜紀

欽定四庫全書

南北史合注  
卷一百一

十二

南安王余太武皇帝子真君三年封吳王後改封南安王正平三年二月太武暴崩中常侍宗愛矯赫連皇后令迎立之即位後乃發喪大赦改年為永平

魏書亦作永平獨資治通鑑作承平後宣武亦改元永平若係余敗亡之號安肯用之當從通鑑

尊皇后為皇太后以愛為大司馬大將軍太師都督中外諸軍事領中秘書封馮翊王余自以非次而立厚遺



羣下取悅於衆為長夜之飲聲樂不絕旬月間帑藏空罄尤好弋獵出入無度邊方告難余不留意晏如也愛權恣日甚內外憚之余疑愛為變奪奪其權愛憤怒因余祭廟夜弑余凡立八月文成立葬以王禮謚曰隱東海王尋字莘興景穆帝曾孫父怡見列傳尋性輕躁有膂力孝莊初封長廣王出為太原太守行并州事爾朱榮為孝莊所誅世隆等與兆推尋為王永安三年十月壬申稱皇帝於高都大赦改元建明以爾朱兆為大將軍進爵為王爾朱世隆為尚書令封樂平王爾朱度律為太尉封常山王十一月丙子封爾朱天光為隴西王十二月壬寅爾朱兆破京師執孝莊帝戊申大赦爾朱兆返晉陽使世隆度律彥伯等鎮京師甲寅世隆等遣人賊殺尋母衛氏慮其專擅也紇豆陵步蕃大破爾朱兆於秀容齊神武與兆進兵合擊大破之斬步蕃齊州城民趙洛周據西城反應兆刺史丹陽王蕭贊棄城走二年春二月己巳尋至邛山爾朱世隆逼使禪位

欽定四庫全書

南北朝史合注 卷一百一

五

冊府元龜曰在位六十日

更立節閔帝普泰元年春三月封東海王邑萬戶節閔賢明尋賴以保全孝武永熙元年冬十一月以忌遇害於第無子爵除尋小名盆子初立聞者皆謂事類赤眉果不終

安定王朗

魏書稱後廢帝

字仲哲景穆帝曾孫章武王融第三子朗少稱明悟建

欽定四庫全書

南北朝史合注 卷一百一

五

明二年春正月戊子為渤海太守普泰元年冬十月齊神武以渤海王起兵用孫騰計奉朗主號令遂稱皇帝於信都西大赦改元中興以渤海王高歡為丞相都督中外諸軍事以河北大使高乾為司空辛亥高歡大破爾朱兆於廣阿庚辰歡率師攻鄴城冬十一月梁將元樹入據淮城次年春二月壬午援鄴二月辛亥上武懷皇帝諡甲子以高歡為大丞相柱國大將軍太師三月朗入鄴城庚申爾朱兆夜襲鄴城不克退走壬戌高歡



大破爾朱天光等於韓陵夏四月甲子西北大行臺長孫稚等入京師辛巳朗至河陽高歡逼使遜位更立孝武帝五月孝武封朗為安定郡王邑萬戶十一月以忌遇害於門下外省時年二十永熙元年葬鄴西南野馬岡

論曰獻明以身代父義烈足稱景穆夙世早夭其疾園之悼與文穆孝以為質忠而樹行及夫在安處危送往事居周且匪他之旨霍光異姓之誠事實薰之既而功

欽定四庫全書

南北史合注 卷一百一

三

高未至震主德隆遂以動俗間言一入卒不全身周成漢昭之未易過也悲夫雖然生王死帝亦聊云酬乎廣陵淫廣平橫京兆覲覲俱無足稱而以有子為帝得與文穆合傳亦云割榮矣南安見立於闕卒罹闕害宜其及焉東海安定有君立君劉虞拒袁紹胡不聞也自景穆至文景皆追帝自南安至安定皆不應帝而帝惟清河幾帝不帝又以天子父應追帝而不帝噫權相之不使人主得有其父也可畏哉

此卷乃予所更定論惟文穆一段仍舊



欽定四庫全書

南北史合注 卷一百一

南北史合注卷一百一



欽定四庫全書

南北史合注卷一百二

明 李清撰

北史十六



德公嬰文 真定侯陸

長樂王壽樂

望都公頹

曲陽侯素延

六修

欽定四庫全書

南北史合注 卷一百二

吉陽男比干

江夏公呂 高涼王孤

西河公敦

武衛將軍謂

扶風公處真

文安公泥

秦王翰

常山王遵

陳留王虔

毗陵王順

遼西公意烈

窟咄

郁實君另見 石與大頭州

上谷公紇羅神元曾孫初從道武自獨孤如賀蘭部招集舊戶將三百家與弟建勸賀訥推道武為主及道武

即帝位以援立功與建同日賜爵為公卒子題賜爵襄城公後進爵為王擊慕容麟於義臺中流天荒帝以太醫令陰光視療不盡術伏法子悉襲降爵為襄陽公卒贈襄城王

長樂王壽樂章帝後位選部尚書南安王改封長樂王文成即位壽樂有援立功拜太宰大都督中外諸軍錄尚書事矜功與尚書令長孫渴侯爭權並賜死

望都公頹昭帝後隨道武平中原賜爵望都侯太武以頹美儀容進止可觀使迎左昭儀於柔然進爵為公卒

曲陽侯素延宜都王目辰並宣帝後素延以小統從道武征討諸部初定并州為刺史道武驚於栢肆并州守將封實真為逆素延斬之時道武欲撫悅新附悔參合

之誅而素延殺戮過多坐免官中山平拜幽州刺史豪奢放逸左邊上谷太守後賜爵陽侯時道武留心黃老欲以純風化俗雖乘輿服御皆去雕飾素延奢侈過度

帝深銜之積其過因微坐賜死目辰文成即位歷侍中



尚書左僕射封南平公乙渾謀亂日辰與兄順陽公謀殺之事發日辰逃免獻文傳位有定策勲孝文即位進爵宜都王除雍州刺史鎮長安有罪伏法爵除吉陽男比干道武族弟比干以司衛監討白澗丁零有功賜爵吉陽男後為南道都將戰沒

高涼王孤平文第四子多才藝有志畧烈帝前元年國有內難昭成往襄國後烈帝病篤顧命迎立昭成及崩羣臣咸以新有大故昭成來未果宜立長君次第屈剛

欽定四庫全書

南北史合注  
卷一百二

三

猛多變不如孤寬平柔順於是大人梁蓋等殺屈共推孤孤不肯

魏書載孤言曰吾兄居長應繼位我安可越次處大業

乃自詣鄴奉迎請身留為質趙王石虎義而從之昭成即王位乃分國半部與之薨子斤失職懷怒搆實君為逆死於長安道武時以孤勲高追封高涼王謚曰神武斤三傳至那皆襲爵拜中都大官驍猛善戰正平初坐

事伏法獻文即位追那功命子紇紹封薨子大曹性愿直孝文時諸王非道武子孫者例降爵為公以大曹先世讓國功重改封太愿郡公卒無子國除宣武又以大曹從兄子法威紹恭謙好學為潁川太守有政績孝靜初在潁川聚眾應西魏齊神武遣將平之禮弟陵陵子瓌其瓌子鷲孫大器俱別見

孤孫度道武初賜爵松滋侯位比部尚書卒三傳至萇孝文時襲爵松滋侯例降艾陵伯萇性剛毅雖有吉慶

欽定四庫全書

南北史合注  
卷一百二

四

事未嘗開口笑孝文遷都萇以代尹留真除懷朔鎮都大將因別賜萇酒萇雖拜飲顏色不奉帝曰聞公一生不笑今方隔山當為朕笑竟不能 帝曰五行之氣偏有所不入六合之間亦何事不有左右皆把腕大笑宣武時為北中郎將帶河內太守萇以河橋船絙路狹不便行旅又秋水汎漲年常破壞乃為船路空車從京出者率令輸石一雙累以為岸橋濶來往便利近橋諸郡無復勞擾公私賴之歷位度支尚書侍中雍州刺史卒



其謚曰成其中年以後官位微達乃自尊倨昆季不穆性又貪虐論者鄙之其子子華字伏榮襲爵孝莊初除齊州刺史先是州境數經反逆邢杲之亂人不自保而華撫集豪右委之管籥衆皆感悅境內帖然而性甚褊急當其急也口不擇言手自捶擊長史鄭子湛子華親友也湛不堪罵遂即去之子華雖自悔厲終不能改在官不為矯潔之行凡有饋贈辭多受少故人不厭其取鞠獄訊囚務加仁慈齊人樹碑頌德後除濟州刺史爾

欽定四庫全書

南北史合注 卷一百二

五

朱兆入洛齊州地人趙洛周遂刺史丹陽王蕭贊表濟南太守房士達攝州事洛周子元顯先隨子華在濟州邀路改表請子華復為齊州刺史子華母房氏曾就親人飲食夜還大吐人以為中毒母甚憂懼子華遂擲吐盡噉之母乃安尋以母憂還都孝靜初除南兗州刺史弟子思通使闕西朝廷使右衛將軍郭瓊收之子思謂瓊僕曰速可見殺何為久執國士子華謂子思曰由汝粗疏令我如此以首叩牀涕泣不自勝子思以手捋鬚

顧謂子華曰君惡體氣尋與子思俱賜死門下外省子思字衆念性剛暴恒忠烈自許

愚按魏收因子思謀入西魏故以剛暴與忠烈並言北史仍之何也

元天穆當朝權以親從薦為御史中尉先是兼尚書僕射元順奏以尚書百揆之本至於公事不應送名御史子思奏曰案御史令文中尉督司百察治書侍御史糾察禁內又云中尉出行車輻前驅除道一里王公百辟

欽定四庫全書

南北史合注 卷一百二

六

避路時經四帝前後中尉二十許人奉以周旋未嘗暫廢府寺臺省並從此令唯孝明時為臨洮舉哀兼尚書左僕射臣順不肯與名又不送簿故中尉臣麟道元舉奏之而順復啟云尚書百揆之本令僕納言之責不宜下隸中尉送名御史尋亦蒙敕聽如其奏從此迄奉遂無準一臣初上臺欲申請決議但以權兼未宜便爾日復一日遂歷炎涼去月朔旦臺移尚書索應朝名帳而省稽留不送尋復移催忽尚書郎中裴獻伯後注云案



舊事御史中尉連臺郎於復道中尉下車執板郎中車上舉手禮之以此而言明非體敵臣見而怪愕以都省別被新式改易高祖舊名即遣移問事何所依又獲尚書中郎王元旭報出蔡氏漢官似非穿鑿始知裴王亦規環典謨心欲自矯臣案漢書宣秉傳詔徵秉為御史中丞與司隸校尉尚書令俱會殿廷並專席坐京師號三獨坐又尋魏書崔琰傳晉文陽傳蝦傳皆云既為中丞百察震悚以此而言則中丞不揖省郎久矣憲臺不

欽定四庫全書

南北史合注  
卷一百二

七

屬都堂亦非一日又尋職令云朝會失時即加彈糾則百官簿帳應送上臺明矣又皇太子以下違犯憲制皆得糾察則令僕朝名宜付御史又彰矣若不付名否職臧何驗臣順專執未為平通先朝曲遂豈是正法謹案尚書郎中臣裴獻伯王元旭等望班士流早參清宦輕美短札苟執異端此而不細將墮朝令請以見事免獻伯等所居官付法科處尚書納言之本令僕百揆之要同彼浮虛助茲乖失宜明首從節級其罪詔曰國異政不

可據古事付司檢高祖舊格推處得失以聞尋從子思奏仍為元天穆所忿遂停元顥之敗封安定縣子孝靜時位侍中死其弟珍字金省襲爵父陵男宣武時曲事高肇遂為帝寵昵彭城王勰賜死珍率壯士害之後卒於尚書左僕射平弟長生長生子天穆性和厚美形貌射有能名六鎮之亂尚書令李崇廣陽王深北討天穆以太尉奉使慰勞諸軍路出秀容見爾朱榮深相結託約為兄弟未幾改授別將赴秀容為榮腹心除并州

欽定四庫全書

南北史合注  
卷一百二

八

刺史及榮赴洛天穆參其始謀  
伽監記曰穆年大榮兄事之榮為盟主穆亦拜榮孝莊踐阼除太尉封上黨王徵赴京師後增封通前三萬戶尋監國史錄尚書事開府世襲并州刺史初杜洛周鮮于修禮為寇瀛冀諸州人多避亂南向幽州前北平府主薄河間邢杲擁率部曲屯據鄴城以拒洛周垂將三載及廣陽王深等為葛榮敗杲南度居青州北海靈太后詔流人所在皆屬郡縣違豪右為守令撫鎮之



時青州刺史元世儁表置新安郡以果為太守未報會  
臺簡授郡縣以果從子子瑤資蔭居前授河間太守果  
深恥恨遂反所遂流人先為土人所陵忽聞果起逆率  
來從之旬朔間眾踰十萬先是河南人嘗笑河北人好  
食榆葉故齊人號諸榆賊果東掠光州盡海而還又破  
都督李叔仁軍詔天穆與齊神武共討大破之果請降  
傳斬京師時元顥乘虛陷禁陽天穆聞孝莊北巡自畢  
公壘北度會車駕於河內爾朱榮以天時炎熱欲還師

欽定四庫全書

南北史合注 卷一百二

九

天穆固執不可榮從之帝還宮加大宰羽葆彭吹增邑  
通前七萬戶天穆以疎屬本無德望憑藉爾朱爵位隆  
極當時熏灼朝野王公已下每旦盈門受納財貨珍寶  
充積而寬柔容物不甚見忌帝以其榮黨外示優寵詔  
天穆乘車馬出入大司馬門天穆與榮相倚世隆等雖  
榮子侄位遇已重天穆曾言其失榮即加杖其相親任  
如此帝內畏惡之與榮同時見殺節閔初贈丞相柱國  
大將軍雍州刺史假黃鉞謚武昭子儼襲美才貌位都

官尚書及齊受禪聞敕召假病遂怖而卒  
西河公敦平文帝曾孫道武初從征名冠諸將後從征  
中山所向無前明元時拜中都大官太武時進爵西河  
公寵遇彌篤卒

武衛將軍謂烈帝第四子寬雅有將畧常從道武征討  
有功除武衛將軍子烏真膂力絕人隨道武征伐屢有  
戰功官至鉅鹿太守子興都聰敏剛毅文成時為河間  
太守賜爵樂城子為政嚴猛百姓憚之獻文初以子丕

欽定四庫全書

南北史合注 卷一百二

十

貴重進爵樂城侯謝老歸家帝益禮之賜几杖服物致  
膳於第其妻婁氏為東陽王太妃卒追贈定州刺史河  
間公謚曰宣丕太武時從駕臨江賜爵興平子獻文即  
位累遷侍中丞相丕渾謀反丕以奏聞詔收渾誅之遷  
尚書令改封東陽公孝文時封東陽王拜侍中司徒公  
魏書曰時有諸疑事三百餘條敕丕制次率皆平允  
丕子超生車駕親幸其第以執心不二詔賜丕入八議  
傳示子孫犯至百聽責數恕之放其同籍丁口雜使役







以決疑不疑何卜

帝曰昔軒轅請卜兆龜焦乃問天老謂為善遂從其言終致昌吉然則至人之量未然審於龜矣帝又詔羣臣曰昔平文棄背率土昭成營居感樂道武神武遷居平城朕幸屬勝殘之運故宅中原北人比及十年使其徐移朕自多積儲不令窘乏前懷州刺史青龍前秦州刺史呂受恩等仍守愚固帝皆撫而答之辭屈退帝又將北巡丕遷太傅錄尚書事頻表固讓詔斷表啟就家拜

欽定四庫全書

南北史合注 卷一百二

十三

授丕留守又詔在代之事一委太傅賜帝所乘車馬往來府省丕雅愛本風至於變俗遷洛改官制服禁絕舊言皆所不願帝亦不逼之但誘示大理令不生同異至於衣冕已行朱服列位而丕猶胡服列在坐隅晚乃稍加弁帶而不能修飾容儀帝以丕年衰體重亦不疆責及罷降非道武子孫及異姓王者為公丕利享封邑亦不悅帝南征丕表乞少留思更圖後舉會司徒馮誕卒詔六軍反旆丕又以熙亮於代都表求駕親臨詔曰今

洛邑肇構跂望成勞安有天子之重遠赴舅國之喪天下至重君臣道懸豈宜苟相誘引陷君不德今僕已下可付法官貶之又詔以丕為都督領并州刺史後詔以平陽畿甸改封新興公初李冲德望所屬又當時貴重丕遂為子超娶冲兄女即伯尚妹也丕前妻子隆及同產數人別居後得官人所生同宅共產父子情因此偏丕父子不樂遷洛帝發平城太子恂留舊京及將還洛隆與穆秦等密謀留恂舉兵據涇北丕時以老居并州

欽定四庫全書

南北史合注 卷一百二

十四

雖不預始計而隆超咸以告丕丕外慮不成口雖致難心頗然之及帝幸平城推穆秦等首謀隆兄弟並是秦黨丕亦隨駕至平城每質問令丕坐觀與元業等兄弟並坐謀逆有司奏處擊戮詔以丕應連坐但以先許不死躬非染逆聽免死仍為太原民其後妻二子聽隨隆超母弟及餘庶兄弟皆徙敦煌丕時年垂八十猶自平城力載隨駕至洛帝每遣左右慰勉之乃還晉陽孝文崩丕自并來赴宣武引見以丕舊老禮之有加尋敕留



洛陽後宴於華林都亭時令二子扶持坐起至仕歷六世垂七十年位極公輔而還為庶人然猶心戀京邑中能自絕人事詔以丕為三老景明四年薨年八十二贈左光祿大夫冀州刺史謚曰平長子隆先以反誅隆弟乙升超亦同誅

河間公齊烈帝玄孫少雄傑魁岸太武征赫連昌馬蹶賊逼帝齊以身蔽捍決死力戰賊乃退帝得上馬是日微齊幾殆帝以微服入城齊固諫不許乃與數人從帝

欽定四庫全書

南北史合注  
卷一百二

十五

入城內既覺諸門悉閉帝及齊等因入其宮得婦人裙繫梁上帝乘而上因此得振齊有力焉賜爵浮陽侯從征和龍以功拜尚書進爵為公後與新興王俊討禿髮保周坐事免官爵宋將裴方明陷仇池太武復齊前將軍與建興公右弼討之遂克仇池咸振羗氏復賜爵河間公與武都王楊保宗對鎮駱谷時保宗弟文德說保宗閉險自固有期矣秦州主簿邊因知之密告齊齊晨詣保宗呼曰古弼至欲宣詔保宗出齊叱左右扶保宗

上馬馳驛送臺諸氏遂推文德為主求援於宋宋遣將房亮之符昭啖龍等率眾助文德齊擊斬龍禽亮之氏遂平以功拜內都大官卒謚敬王長子陵襲爵陵性抗直天安初為乙渾所害陵弟蘭以忠謹見寵孝文初賜爵建陽子卒於武川鎮將子志字猛畧少清辨疆幹歷覽書傳頗有文才為洛陽不避疆禦與御史中尉李彪爭路俱入見面陳得失彪言御史中尉辟承華蓋駐論道劍鼓安有洛陽令與臣抗衡志言神鄉縣主普天之

欽定四庫全書

南北史合注  
卷一百二

十六

下誰不編戶豈有俯同眾官趨避中尉孝文曰洛陽我之豐沛自應分路揚鑣自今後可分路而行及出與彪折尺量道各取其半帝謂邢巒曰此兒竟可所謂王孫公子不鏤自彫巒曰露行霜條故多勁節非鷹則鳳其在本枝也員外郎馮俊昭儀之弟恃勢恣搆所部里正志令主史收繫處刑除官由此忤旨左遷太尉主簿俄為從事中郎車駕南征帝微服觀戰所有箭欲犯帝志以身軀之帝得免矢中志目因此一目喪明以志行恒



州事宣武時除荊州刺史還朝御史中尉王顯奏志在  
州日抑買良人為婢會赦免孝明初兼廷尉後除揚  
州刺史賜爵建忠伯志在州威名雖減李崇亦為荆楚  
所憚尋刺史雍州晚年就聲伎在揚州侍側將百人冠  
服珍麗冠一時及在雍州愈尚華侈聚斂無極聲名遂  
損莫折念生反詔志為西征都督討之念生遣其弟天  
生屯龍口與志相持為賊所乘遂棄大衆奔還岐州賊  
遂攻城州刺史裴芬之疑城人與賊潛通將盡出之志

欽定四庫全書

南北史合注  
卷一百二

十七

不聽城人果開門引賊鏢志及芬之送念生見害節閔  
初贈尚書僕射太保

扶風公處真烈帝後少以壯烈聞位殿中尚書賜爵扶  
風公委以大政甚見尊禮吐京胡曹僕渾等叛招引朔  
方胡為援處真與高涼王那等討滅之性貪婪在軍烈  
暴坐事伏法

文安公泥國之疎族性忠直有智畫道武厚遇之賜爵  
文安公拜安東將軍卒子屈襲明元時居門下出納詔

命性明敏善奏事每合上旨賜爵元城侯加功勞將軍  
與南平公長孫嵩白馬崔宏等並決獄訟明元東巡命  
屈行右丞相山陽侯奚斤行左丞相共掌軍國甚有聲  
譽後吐京胡與離石胡叛置立將校外引赫連勃勃屈  
督會稽劉潔永安侯魏勤捍之勤沒於陣潔墜馬胡執  
送勃勃唯屈象猶存明元以屈沒二將欲斬之時并州  
刺史元六頭荒淫乃赦屈令攝州事屈嗜酒頗廢政事  
帝積其前後失檻車徵還斬於市子磨渾少為明元

欽定四庫全書

南北史合注  
卷一百二

十八

所知元紹之逆明元潛隱於外磨渾與叔孫詐云明元  
所在紹使帳下二人隨磨渾往規為逆磨渾既出便縛  
帳下詣明元斬之帝得磨渾大喜因為羽翼以勲賜爵  
長沙公拜尚書出為定州刺史卒

昭成皇帝九子庶長曰寔君次曰獻明帝次曰秦王翰  
次曰閼婆次曰壽鳩次曰紇根次曰地干次曰力真次

曰窟咄

實君別見

秦王翰少有高氣年十五便請征伐昭成壯之使領騎



二千長統兵號令嚴信多有尅捷建國十五年卒道武  
即位追贈秦王謚曰明子儀長七尺五寸容貌甚偉美  
髯有筭畧少能舞劍騎射絕人道武幸賀蘭部侍從出  
入登國初賜爵九原公從破諸部有謀戰功帝將圖慕  
容垂遣儀觀釁垂問儀道武不自來意儀曰先人以來  
世據北土子孫相承乃祖受晉正朔爵稱代王與燕世  
為兄弟儀之奉命理謂非失垂壯其對因戲曰吾威加  
四海卿主不自見吾云何非失儀曰燕若不脩文德欲  
欽定四庫全書  
南北史合注  
卷一百二  
十九

愚按德時在鄴亦未嘗敗於中山疑德仍普驎之誤  
齊治通鑑普驎作麟  
帝以普驎妻周氏賜儀并其僮僕財物尋遷都督中外  
諸軍事左丞相進封衛王中山平遣儀討鄴平之道武  
將還代都置中山行臺詔儀守尚書令鎮之遠近懷附  
尋徵儀以丞相入輔又從征高車儀別從西北破其別  
部又從討姚平有功賜以絹布綿牛馬羊等儀督力過  
人弓力將十石陳留公度稍大稱異時人云衛王弓桓  
欽定四庫全書  
南北史合注  
卷一百二  
二十

以兵威自強此本朝將帥事非儀所知也及還報曰垂  
死乃可圖今則未可帝作色問之儀曰垂年已暮子寶  
弱而無威謀不能決慕容德自負才氣非弱主臣釁將  
內起方可圖之帝以為然後改封平原公道武征衛辰  
儀出別道獲衛辰尸傳首行宮帝大喜徙封東平公命

督屯田於河北自五原至稠陽塞外大得民心慕容寶  
寇五原儀躡朔方要其還并州平儀功多遷尚書令從  
圍中山慕容德之敗

王稍太武初育道武喜夜召儀入曰卿聞夜喚乃不怪  
懼乎儀曰臣推誠事陛下忽夜奉詔怪有之懼實無帝  
告以太武生賜儀御馬御帶練錦等先是上谷侯岌張  
袞代都許謙等有名初來入軍聞儀待士先就儀儀並  
禮之共談當世之務

魏書曰儀指畫山河分別城邑成敗要害造次舉  
謙等三人曰平原公有不世之畧吾等宜附其尾道武  
以儀器望待之尤重數幸其第如家人禮儀矜功恃寵



遂與宜都公穆崇伏甲謀亂崇子遂留在仗士中道武  
召之遂留聞召恐事發踰牆告狀帝秘而怒之天賜六  
年天文多變占者云當有逆臣伏尸流血帝惡之頻殺  
公卿欲厭天災儀內不自安單騎遁走帝使人追執之  
賜死葬以民禮儀十五子纂五歲道武命養宮中恩與  
諸皇子同太武踐阼除定州刺史封中山公進爵為王  
步悅几優異之纂好酒愛佞政以賄成太武殺其親嬖  
後悔過脩謹拜內大將軍居官清約簡慎更稱廉平纂

欽定四庫全書

南北朝合注  
卷一百二

二十二

於宗屬最長宗室有事故就諾焉亮謚曰簡纂弟良性  
忠篤明元追錄儀功封南陽王以詔儀後良弟幹善弓  
馬明元於白登之東北有雙鷓飛鳴於上帝命左右射  
之莫能中鷓旋飛稍高幹以一箭下雙鷓帝賜之御  
馬弓矢金帶一以旌其能軍中號幹為射鷓都將從太  
武南巡進爵新蔡公文成即位拜都官尚書卒謚曰昭  
子禎膽氣過人太武時為司衛監從征柔然忽遇賊別  
部多少不敵禎乃就山解鞍放馬示有伏賊果疑而避

之孝文初賜爵沛郡公後拜南豫州刺史大胡山蠻好  
鈔掠前後守牧羈縻而已禎乃召新蔡襄城蠻首使之  
觀射先選左右能射者二千餘人禎自發數箭皆中因  
命左右以次射先出一囚犯死罪者使參射限不中禎  
即責斬之蠻魁等伏伎畏威相視股慄又預教左右取  
死囚十人皆著蠻衣云是鈔賊禎乃臨坐偽舉目瞻天  
微有風動禎謂蠻曰風氣稍暴似有鈔賊入境不過十  
人當在西南五十里許即命騎追掩果縛送十人禎告

欽定四庫全書

南北朝合注  
卷一百二

二十二

諸蠻曰爾卿里作賊如此合死否蠻等皆叩首曰合萬  
死禎即斬之因慰諭遣還自是境無暴掠淮南人相率  
投附者三千餘家置城東汝水側名曰歸義坊初豫州  
城豪胡丘生數與外交通及禎為刺史丘生嘗有犯懷  
恨圖為不軌詐以昏進城告人云刺史欲遷城中大家  
向代共謀翻城城人石道起密告禎宜速掩丘生并諸  
預謀者禎曰吾不負人人何以叛但為丘生誑誤若即  
收掩眾必大懼吾靜以待之不久自當悔服語未訖城



中三百人自縛詣州門陳丘生譎誑罪而丘生單騎逃走禎恕而不問後徵為都收尚書卒贈侍中儀同三司謚簡公有八子第五子瑞初瑞母尹氏有娠致傷後晝寢夢一老翁具衣冠告曰吾賜汝一子勿憂寤而私喜又問筮者筮者曰大吉未幾生瑞禎以為協夢故名瑞字天賜位太中大夫卒贈太常卿儀弟烈剛武有智畧元紹之逆百寮莫敢有聲惟烈行出外詐附紹募執明元紹信之自延秋門出遂迎立明元以功進爵陰平王

欽定四庫全書

南北史合注  
卷一百二

二十三

薨謚曰熹子求襲弟道子位下大夫道子孫晏孝靜初累遷吏部尚書平心不撓時論稱之出為瀛州刺史在任未幾百姓欣賴蔣天樂之逆見引詔錄送定州賜死晏好集圖籍私書多於秘閣諸有假借咸不逆其意以此見稱烈弟觚勇烈有膽氣少與兄儀從道武侍衛左右使於慕容垂垂末年政在羣下遂止觚求賄道武絕之觚率左右馳還為垂子寶所執遂待之更厚因留心學業誦讀經書數十萬言垂國人咸稱之道武討中山

慕容普麟遂害觚以固衆心帝聞之哀慟及平中山發普麟塚斬其尸收議害觚者傅高霸程同等皆夷五族以大刃剄殺之乃莖觚追謚秦愍王封子夔為豫章王以紹觚

常山王遵壽鳩子少壯勇不拘小節道武初有佐命勲賜爵畧陽公慕容寶之敗別率騎七百邀其歸路由是有參合之捷及平中山拜尚書左僕射加侍中領勃海之合口及博陵勃海羣盜起遵討平之遼州收封常山

欽定四庫全書

南北史合注  
卷一百二

二十四

王遵好酒色天賜四年生醉亂失禮於太原公主賜死莖以民禮子素明元從母所生特見親寵太武初復襲爵休屠郁原等叛素討之斬渠帥徙千餘家於涿鹿之陽立平原郡處之及平統萬以素有威懷之畧拜假節征西大將軍鎮之後拜內都大官文成即位務崇寬政罷諸雜調有司奏國用不足固請復之唯素曰臣聞百姓不足君孰與足帝善而從之

魏書曰帝詔羣臣議定皇子名素及司徒陸麗議曰



古帝王制名體有五有信有義有蒙有假有類陛下  
運當武明誕生皇子宜以德命從之

素宗屬之懿又年老帝每引入訪以政事固辭疾歸第  
雅性方正居官五十載終始若一時論賢之薨謚曰康  
陪墓金陵配饗廟廷長子陵年十七從太武獵遇一猛  
虎陵空手搏獸帝曰汝材力絕人當為國立功勿如此  
也即拜內行阿干又從平涼州沮渠茂虔令一驍將與  
陵相擊兩槩皆折陵抽箭射之墜馬陵恐其救至未及

欽定四庫全書

南北史合注  
卷一百二

二十五

拔劍以刀子戾其頸使身首異處帝壯之即日拜都幢  
將封豎陽子卒於中軍都將弟陪斤襲坐事國除陪斤  
子昭小字阿倪尚書張彛引兼殿中郎孝文將為齊郡  
王簡舉哀而昭作宮懸帝大怒詔曰阿倪愚騃誰引為  
郎黜彛白衣守尚書昭遂停廢宣武時昭從弟暉親寵  
用事稍遷左丞宣武崩于忠執政昭為黃門郎又曲事之  
專權擅威枉陷忠良多昭指導靈太后臨朝為尚書河  
南尹聿而佞戾理務峭急所在患之尋出為雍州刺

史貪虐大為民害後入為尚書諂事劉騰進號征西將  
軍卒贈尚書左僕射納貨元又贈禮優越子玄字彥道  
以節儉知名孝莊時為洛陽令節閔即位玄表請葬孝  
莊時議善之後除尚書左丞孝武即位以孫騰為左僕  
射騰齊神武心膂仗入省玄依法舉劾咸為玄懼孝武  
重其強正封臨淄縣子及從入關封陳郡王位儀同三  
司加開府薨謚曰平昭弟紹字醜倫少聰慧遷尚書右  
丞紹斷決不避強禦宣武詔令檢趙脩獄以脩佞幸因

欽定四庫全書

南北史合注  
卷一百二

二十六

加杖致死帝責紹不重聞紹曰修姦佞甚於董賢若不  
因釁除之恐陛下復被哀帝之名以其言正遂不罪及  
出廣平王懷拜紹賀曰阿翁乃皇家正直雖未雲汲黯  
何以仰過紹曰但戮之稍晚以為愧耳卒於涼州刺史  
陪斤弟忠字仙德以忠謹聞孝文時累遷右僕射賜爵  
城陽公加侍中鎮西將軍有翼贊之勤百寮咸敬之太  
和四年病篤辭退養疾於高柳駕親送都門外羣寮侍  
臣執別者莫不涕泣及卒皆悼惜之謚曰宣命有司為



立碑銘傳爵至孫懋字伯邕襲爵降為侯從孝武入關封北平王堯贈尚書左僕射謚曰貞慧子順字敬叔從孝武入關封濮陽王位侍中及帝暴崩秘未發喪諸人多舉廣平王贇為嗣順於別室垂涕謂周文曰

資治通鑑載順言曰高歡逼逐先帝立幼主專權明公宜反其所為

廣平雖親年德並茂不宜居大寶宜立長君周文深然之因宣國諱上南陽王尊號以順為中尉行雍州事又

欽定四庫全書

南北史合注  
卷一百二

二十七

加開府儀同三司秦州刺史順善射孝武在洛戲射於華林園以銀酒卮容二升許懸百步外命善射者十餘人共射中者賜之順發矢即中帝大悅并賞金帛順仍於箭孔處鑄一銀童足踏金蓮手持刻灸遂勒背上序其射工子偉字大猷有清才大統十六年封南安郡王及尉遲迴伐蜀以偉為司錄書檄文言皆偉所為六官建拜師氏下大夫改淮南縣公周明帝初拜師氏中大夫受詔於駉麟殿刊正經籍

周書曰偉保定二年遷成州刺史政尚清靜百姓悅附流民復業者三千餘口

建德中累遷小司寇使報聘於齊是秋武帝親戎東討偉遂為齊所留齊平方見釋加授上開府後除襄陽刺史位大將軍偉性溫柔好虛靜篤學愛文

周書曰政事之暇未嘗棄書

初自鄴還庾信贈其詩曰梁亡垂棘反齊平寶鼎歸為詞人所重如此後疾卒盛弟壽興少聰慧好學宣武初

欽定四庫全書

南北史合注  
卷一百二

二十八

為徐州刺史在官貪虐失人心從兄侍中暉深害其能因譖於帝詔尚書崔亮馳驛檢覈亮受暉旨遂鞭撻三孀婦令誣稱壽興壓已為婢壽興恐不免乃令其外弟中兵參軍薛修義將車十乘運小麥經其所禁之旁壽興因踰墻出修義以大木函盛壽興加麥其上載之出遂至河東匿修義家進赦乃出見帝自陳為暉譖帝亦更無所責初壽興為中庶子時王顯在東宮素賤因公事杖顯四十及顯有寵為御史中尉因奏壽興在家懷



怨誅謗朝廷乘帝大醉奏其事命帝注可付壽興賜死  
帝書半不成字見者知非本心但懼暉顯威不敢申拔  
及行刑日顯自往視壽興命筆自作墓誌銘曰洛陽男  
子姓元名景有道無時其年不永願謂其子曰我柩中  
可著紙百張筆兩枚吾欲訟顯地下若高祖有靈百日  
內必取顯如遂無知亦何足戀及宣武崩顯尋被殺靈  
太后臨朝三公郎中崔鴻疏理壽興贈豫州刺史謚曰  
莊子最字幹從孝武入關封樂平王位侍中兼尚書左

欽定四庫全書

南北史合注  
卷一百二

二十九

僕射加特進壽興弟益生少亡子昆字休弼孝武在藩  
邸少親之及即位出必陪乘入卧內及帝與齊神武有  
隙時議者各有異同或勸天子入夷或言與齊神武決  
戰或云奔梁唯昆數人以關中帝王桑梓懇勸叩請西  
入策功論賞與領軍斛斯椿等十三人為首封魏郡王  
時王者邑止一千戶唯昆邑一千五百齊神武宣告關  
東云將天子西入事起元毗雖百赦不原堯謚曰景子  
綽忠弟德三傳至寔字子仲孝武初授兗州刺史時城

人王奉伯等相扇謀逆寔棄城出走詔齊州刺史尉景  
本州刺史蔡備各部在州士民往討之寔返復任封濮  
陽縣伯孝靜時轉尚書令攝選部寔雖居重任隨時而  
已堯於瀛州刺史贈司徒公謚靖懿悝弟暉字景襲少  
沉敏頗涉文史宣武即位為給事黃門侍郎初孝文遷  
洛舊貴皆難之時欲和衆情遂許冬居南夏居北宣武  
頗惑左右言外人皆有還北之問至榜賣田宅不安其  
居暉請問言事具奏所聞曰先皇移都以百姓戀土故

欽定四庫全書

南北史合注  
卷一百二

三十

發冬夏二居之詔權寧物意耳且比來遷人安居歲久  
公私計立無復還情願終高祖成業勿信邪臣不然之  
說帝納之再遷侍中領右衛將軍雖無補益深被親寵  
凡禁中要密事暉別奉旨藏於櫝內唯暉入乃開其餘  
侍中黃門莫有知者侍中盧昶亦蒙恩盼故時人號曰  
餓彪將軍飢鷹侍中遷吏部尚書納貨用官皆有定價  
大郡二千匹次郡一千匹下郡五百匹餘官職各有差  
號曰市曹出為萬州刺史下州日連車載物發信都至



湯陰首尾相屬不斷其車少脂角即於道上所逢牛生  
截取角充用暉檢括丁戶聽其歸首出調絹五萬匹然  
聚斂無極百姓患之孝明初徵拜尚書左僕射詔攝吏  
部選事

魏書曰暉尚疏言治人之本實係牧守宜令三司人  
座侍中黃門各布耳目外訪州鎮特守令能否若德  
教有方清白獨著宜以名聞即加褒陟若治績無效  
貪暴遠聞亦使示牒等加貶退又表御史之任鷹鷂

欽定四庫全書

南北史合注  
卷一百二

三十二

是逐若選後生年少氣血方剛者恐其輕肆動直傷  
物必廣宜簡宿官經事忠良平慎者充之詔付外行  
後詔暉與任城王澄京兆王愉東平王匡共決門下大  
事暉又上書論政要其一曰御史之職務使得賢必得  
其人不拘階秩久於其事責其成功其二曰安人寧邊  
觀時而動頃來邊將亡遠畧貪萬一功楚梁之好未聞  
蠶婦之怨屢結乃庸人銳於姦利所致平吳之計自有  
良圖不在一城一戍又河北數州國之計本饑荒多年

戶口流散兵復徵發愚謂數年以來唯宜靜邊以息召  
役安人勸農惠此中夏請嚴敕邊將自今賊戍求內附  
不聽輒遣援接皆須表聞違者雖有功請以違詔書論  
三曰國之資儲唯藉河北今饑饉積年戶口逃散生長  
姦詐因生隱藏出縮老小妄注死收民租調割入於  
己人困於下官損於上自非更立權制善加檢括損耗  
方未已請求其議明宣條格帝納之暉雅好文學招集  
儒士崔鴻等撰錄百家要事以類相從名曰科錄凡二

欽定四庫全書

南北史合注  
卷一百二

三十二

百七十卷上起伏蕞迄於晉凡十四代暉疾篤表上之  
卒賜東園秘器贈使持節都督中外諸軍事司空公謚  
曰文憲子弼字宗輔性和厚美容儀以孝莊舅子塔特  
封廣川縣子天平初累遷尚書令弼妹為孝武所納  
愚按孝武讀論納弼妹豈又一明月耶然考孝武奔  
長安孝靜乃立天平孝靜年號也孝武必神武之訛  
以親情見委禮遇特隆歷中書監錄尚書事位特進宗  
師齊受禪除左光祿大夫天保三年卒十年諸子與諸



兄同誅死弼弟子士將有巧思至齊武成時位將作大匠德弟贊有名譽好陳軍國事宜初置司州以贊為刺史賜爵上谷侯孝文戒贊布化畿甸可宣孝道必令風教洽和自今有不孝不悌者比其門樹以刻其柱又詔司州刺史官尊位重職總畿甸但諸王年少未閑政體故以受贊庶能助暉道化今司州始立郡縣初置公卿已下皆有本屬可人率子弟用相展敬於是賜名贊詔贊乘步挽入殿門加太子少師遷左僕射孝文將謀

欽定四庫全書

南北史合注 卷一百二

三十三

遷洛諸公多異同惟贊贊成大策帝每歲南伐執手寄以後事卒贈衛將軍僕射如故後以留守贊輔功進封晉陽縣伯贊弟淑字買仁彎弓三百斤善騎射孝文時為河東太守河東俗多高賈罕事農桑有年三十不識耒耜者淑下車勸課躬往教示二年間家給人足民間謠曰秦州河東杼柚代春元公至止田疇始理卒於平城鎮將謚曰靜有七子季海字元泉兄弟中最有名位洛州刺史季海妻司空李冲女孝莊從母賜爵唐郡君

時政在爾朱禍難方始勸季海為外官及孝莊之難季海果以在藩得免從孝武入關封馮翊王位中書令雍州刺史遷司空亮謚曰穆子亨字德良遇東西分隔年方數歲與母季居洛陽齊神武以亨父在關西禁固之季遂稱凍餒得就食湯陰託大豪李長壽攜亨及孤姪數人至長安周文以功臣子甚禮之大統末襲爵馮翊王

隋書曰亨受拜日悲慟不自勝

欽定四庫全書

南北史合注 卷一百二

三十四

累遷勳州刺史改封平涼王周受禪例降為公隋文帝受禪自洛州刺史隋書曰文帝為丞相洛陽人梁康邢流水等皆舉兵應尉遲迥旬日間眾至萬餘州治中文舒潛與康相結將圖亨亨陰知其計乃選關中兵二千人為左右執文舒斬之復以兵襲破康等徵拜太常卿尋出為衛州刺史在職八年風化大洽以老病乞骸骨吏民詣闕表留帝嗟嘆久之其年亨以篤



疾重請還京帝令使者致醫藥問動靜相望於道卒於家謚曰宣

陳留王虔紇根子登國初賜爵陳留公與衛王儀破黜弗部從衛辰慕容寶來寇虔絕其左翼寶敗垂志甚遂來寇柔乾虔勇而輕敵於陣戰沒虔姿貌魁傑武力絕倫每以矛細短大作之猶患其輕復綴鈴刀下弓刀尤倍常皆貯代京武庫以其神異常存而志之虔常以稍刺人遂貫而高舉入嘗以一手頓稍於地馳馬偽退

欽定四庫全書

南北史合注  
卷一百二

三十五

敵人爭取引不能出虔引弓射之一箭殺二三人搖稍之徒亡魂散走徐令人取稍去每從征討及為偏將嘗先登陷陣勇冠當時敵無衆寡莫敢抗其前者及薨舉國悲嘆道武傷惜者數焉追謚陳留桓王配饗廟庭封其子悅為朱提王悅外和內佞道武以桓王死王事特加親寵為左將軍襲封後為宗師悅恃寵驕矜每謂所親王洛生之徒曰一旦宮車晏駕吾止避衛王除此誰在吾前衛王儀美髯為內外所重故云初秦主姚興贖

狄伯支悅送之路由鴈門悅因背誘姦豪以中其意後

遇謹逃奔鴈門規收豪傑欲圖不軌為土人執送帝怒而不罪明元即位引悅入侍仍懷姦計說帝云京師雜人不可保信宜誅其非類者又鴈門人多詐并可誅之欲雪其私忿帝不從悅內自疑懼懷刃入侍謀為大逆叔孫俊疑之竊視其懷有刃執而賜死弟崇太武詔令襲桓王爵崇性沉厚初衛王死後道武欲敦宗親詔引諸王子弟入宴常山王素等三十餘人咸疑與衛王相

欽定四庫全書

南北史合注  
卷一百二

三十六

坐疑懼將奔柔然惟崇獨至道武甚悅厚加禮賜遂寵敬之素等亦安久之拜并州刺史有政績從征柔然別督諸軍出大澤越涿耶山威懾漠北薨謚曰景王子建降爵為公曾孫暉暉字叔平鬚眉如畫進止可觀好涉獵書記少得美名於長安周文禮之命與諸子遊處每同硯席情契甚厚再遷武伯下大夫時突厥屢為寇將與結和親令暉買錦綵十萬使突厥說以利害可汗大悅遣其名王隨獻方物儀同三司周武帝聘突厥



后令暉致禮授開府轉司憲大夫及平關東使暉安集河北封義寧子隋文帝總百揆加上開府進爵為公開皇初拜都官尚書兼領太僕奉詔決杜陽水灌三時原溉鵠鹵地數千頃民賴其利再遷兵部尚書監漕渠役未幾坐事免項之拜魏州刺史頗有惠政後以疾去職卒于京帝嗟悼久之敕鴻臚監護喪事諡曰元虔兄顓性嚴重少言道武常敬之雅有謀策從平中山以功賜爵蒲城侯特見寵厚給鼓吹羽儀禮同岳牧蒞政以威

欽定四庫全書

南北朝合注 卷一百二

三十七

勁若令推草車方軌並進乘風縱煙火以精兵自後乘之破之必矣從之斬康祖傳首行宮文成即位除秦州刺史進爵隴西公卒諡曰定公子琛嗣毗陵王順地干子性疎狠登國初賜爵南安公及道武討中山留順守京師柘肆之敗軍人有亡歸者言大軍奔散不知帝所在順聞欲自立納莫題諫乃止時賀力眷等聚眾作亂於陰館順討之不尅乃自白登南入繁時故城阻澗水為固以寧人心道武善之進封為王位

欽定四庫全書

南北朝合注 卷一百二

三十八

信著稱居官七年乃以元易干代顓為郡時易干子萬言寵於道武易干恃子輕顓輕騎卒至排顓墜牀而據其坐顓不知代已謂以罪見捕既而知之恥其侮慢謂易干曰我更滿被代常也汝無禮見辱豈可容哉遂搏而殺之以狀聞道武壯之萬言累訴詔顓輸贖顓乃自請罪赦之復免其贖病卒子崙太武時襲父爵以功除統萬鎮將後從永昌王仁南征別出汝陰濟淮宋將劉康祖屯於慰武亭以邀軍路師人患之崙曰今大風既

家 遼西公意烈力真子先沒於慕容垂道武征中山棄妻于迎於井陘及平中原有戰獲勲賜爵遠西公除廣平太守時和跋為鄴行臺意烈性雄耿自以帝屬恥居跋下遂陰結徒黨將襲鄴發覺賜死子拔干博知古今道武以拔干宗親雖其父有罪猶委之心腹有計畧屢効



忠勤明元踐祚除勃海太守吏民樂之賜爵武遂子轉平原鎮將得將士心卒謚曰靈公曾孫洪超頗有學涉大乘賊亂後詔洪超持節兼黃門侍郎綏慰冀部還上言冀土寬廣界去州六七百里負海險遠宜分置一州鎮邊海曲朝議從之遂立滄州卒於北軍將光祿大夫意烈弟勃善射御以勲賜爵彭城公卒長子粟襲太武時督諸軍屯漠南粟亮直善御衆撫恤將士與同勞逸征和龍以功進封為王亮陪葬金陵粟弟渾少善弓馬

欽定四庫全書

南北史合注  
卷一百二

二十九

會有諸方使太武命渾射獸三頭發皆中舉坐成以為善及為宰官尚書頗以驕縱為失坐事免徙長社為人所害子庫汗為羽林中郎將從北巡有兔起乘輿前命庫汗射之應弦斃太武悅賜一金以旌其能文成起景穆廟賜爵陽豐侯獻文即位復造文成廟進為公庫汗明於斷決每奉使察行州鎮折獄以情所歷皆稱之秦州父老詣闕乞庫汗為刺史者前後千餘人朝廷許之未及遣遇病卒子古辰襲

窟咄昭成崩後符洛以其年長逼徙長安秦王符堅禮之教以書學

晉書曰代王什翼犍子翼圭縛父降堅以翼犍荒俗命入太學習禮還翼圭於蜀堅嘗之太學問翼犍曰中國以學養性而人壽考漠北噉牛羊而人不壽何也翼犍不能答又問仰種人堪將者堪為國用對曰漠北人捕六畜逐水草而已何堪為將又問好學否對曰若不好學陛下教臣何為觀此皆窟咄與堅問

欽定四庫全書

南北史合注  
卷一百二

四十

答也昭成先已被弑何得至長安習禮且無父子俱名翼者皆晉書訛

因亂隨慕容永東遷永以為新興太守劉顯之敗遣弟亢望等迎窟咄遂逼南界諸部騷動道武左右于桓等謀應之同謀人單烏干告帝帝慮駭人心沉吟未發後三日桓以謀白其舅穆崇崇又告之帝乃誅桓等五人餘莫題等七姓悉原不問帝慮內難乃北踰陰山幸賀蘭部遣安同及長孫賀請兵於慕容垂賀亡奔窟咄同



間行達中山垂遣子賀麟率步騎六千隨之同與垂使人  
 人蘭紇俱還達牛川窟咄兄子意烈要之同隱商賈囊  
 中至暮入空井得免仍奔賀麟賀麟軍既不至窟咄稍  
 前逼賀染干染干陰懷異端乃為窟咄來侵北部人皆  
 驚異莫有固志於是北部大人叔孫普洛節及諸烏丸  
 亡奔衛辰賀麟聞之遽遣安同朱譚等來衆既知賀麟  
 軍近乃稍定道武自弩山幸牛川窟咄進屯高柳道武  
 復使同詣賀麟尅會期同還帝踰參合出代北與賀麟

欽定四庫全書

南北史合注 卷一百二

四十一

會於高柳窟咄窮迫望旗奔走衛辰殺之帝悉收其衆  
 賀麟別帝歸中山

愚讀新唐書宰相世系圖惟昭成後尤盛於唐元結

元德秀元稹皆其後

論曰魏氏始自幽都肇基帝業上谷公等分枝若木疏  
 派天潢或績預經綸大開土宇或迹同凶悖自致殲夷  
 禍福之來唯人所召至高涼不事黃屋高揖萬乘義感  
 鄰國祚隆帝統泰伯延陵未足多也斤係讓國之角

那負猛壯之風或大位未加或功不贖罪褒德圖勞其  
 義為關松滋氣幹相承聲迹俱顯天穆得不以道任過  
 其量持盈必悔殺身為幸武衛父子兼將丕畧始見罷  
 重終以姦棄不足觀矣河間扶風武烈宣著宗子之可  
 稱乎衛王英風猛概折衝見重見謀之不臧卒以自喪  
 秦王體度恢偉陳留膽氣絕倫亡身強冠志力不展惜  
 哉常山勇冠威屬與魏升降優乎陰平忠烈蒲陰罷宇  
 榮寵兼萃益有由焉毘陵踈狠遠西狷介全身保立亦

欽定四庫全書

南北史合注 卷一百二

四十二

已難矣雖然衛辰誅窟咄所謂天下之惡一焉

南北史合注卷一百二



欽定四庫全書

南北史合注卷一百三

明 李清 撰

列傳第五

北史十七

道武七王

明元五王

太武五王

道武皇帝十男宣穆劉后生明元皇帝賀夫人生清河

欽定四庫全書

南北史合注  
卷一百三

王紹大王夫人生陽平王熙王夫人生河南王曜段夫

人生廣平王連京兆王黎紹別見內天者刪後皆倣此

陽平王熙天興六年封聰達有雅操明元練兵東部詔

熙督十二軍校閱甚得軍儀賞賜隆厚泰常六年薨帝

哀慟不已長子佗襲佗性忠厚武藝過人

魏書曰佗從世祖討山胡白龍於西河屠其城別破

餘黨斬首數千級

後改封淮南王鎮虎牢

魏書曰佗先為雍州刺史鎮長安撫綏秦土得民夸

心至是以佗威信素著復為虎牢鎮都大將

威名甚著孝文時位司徒贈安几杖入朝不趨太和十

二年薨時孝文有事太廟始薦聞之廢祭輿駕親臨哀

慟禮贈有加謚曰靖世子吐萬早卒傳孫至曾孫世遵

世遵孝明時刺史荊州州在邊境前代以來互相抄掠

世遵到州不聽侵擾其弟均時在荊州為朝陽戍主有

南戍主妻三月三日遊戲沔水側均遣部曲掠取世遵

欽定四庫全書

南北史合注  
卷一百三

聞之責均移還本戍吳人感荷後頗行貨賄散費邊儲

聲名有損

魏書曰沔南蠻首及襄陽民望密引世遵請以襄陽

內附世遵表求赴應乃詔洛州伊窋生魯陽太守崔

模為別將帥步騎二萬受世遵節度軍至漢水模等

疑不渡世遵怒臨之以兵乃濟而內應者謀泄被殺

築門自固模焚襄陽邑郭焚殺數萬口會是夜大風

雨雪模等班師士卒凍死十二三世遵等並坐免官



薨於定州刺史謚曰康子敬先襲

魏書曰元顥入洛莊帝北巡敬先以主衣都統與叔

父均等於河梁起義為顥所害追贈太尉 子宣洪

別見世遵弟均魏書曰均以河梁立義功封安康縣

開國伯卒均子忻之魏書曰忻之有氣力累遷尚書

右中兵郎以河渚起義功賜爵東阿侯孝莊將圖爾

朱榮元天穆忻之密啓臨事日乞得侍立手斬二人

及榮死百寮入賀忻之獨蒙勞問出帝時襲先封刺

欽定四庫全書

南北史合注 卷一百三

史除北徐州刺史便道之州於中途為樊子鵠所害

以死王事贈司空公謚文貞 均弟禹魏書曰禹累

官東海太守頗好內學每云晉地有福孝昌末遂詣

爾朱榮後與榮同入洛封郵城縣開國伯為并州東

面大都督鎮樂平榮死土民王惡疆起義殺之

吐萬弟鍾葵早卒長子法壽累遷安州刺史法壽先令

所親微服入境觀察風俗下車便大行賞罰境內肅然

魏書曰更滿還朝吏民詣闕訴乞肅宗嘉之詔復任

後於河陰遇害子慶智性貪鄙為太尉主簿事無大小

得物然後判或十數錢或二十錢得便取之府中號十

錢主簿法壽弟法僧位益州刺史殺戮自任威怒無恒

王賈諸姓州內人士法僧皆召為卒伍無所假縱合境

皆反招引外寇後拜徐州刺史法僧本附元乂驕恣恐

禍及已孝昌元年殺行臺高諒反於彭城自稱尊號改

元天啓大軍致討法僧奔梁其武官三千餘人戍彭城

者法僧皆印額為奴逼將南度梁武帝授法僧司空封

欽定四庫全書

南北史合注 卷一百三

始安郡王尋改封宋王甚見優寵

梁書曰時方事招撫悅降附贈法僧甲第女樂及

金帛前後不可勝數法僧以在魏久處疆場殺戮甚

多求兵自衛詔給甲仗百人出入禁闥 愚按梁武

以叛臣為腹心優禮如此此它日納侯景之開端也

又進太尉仍立為魏主不行授開府儀同三司鄂州刺

史乃徵為太尉卒於梁謚襄厲子景仲景隆景隆初封

丹陽公位廣州刺史徙徐州改封彭城王丁父憂襲封



宋王又為廣州刺史卒梁復以景仲為廣州刺史封枝  
江縣公侯景作亂誘召之詐奉為主景仲將應之為西  
江督護陳霸先所攻乃自縊

河南王暉天興六年封五歲嘗射雀於道武前中之帝  
驚歎及長武藝絕人與陽平王熙等並督諸軍講武衆  
咸服其勇薨長子提襲驍烈有父風改封潁川王迎昭  
儀於塞北時年十六有夙成之量殊域敬焉累遷統萬  
鎮都大將薨謚曰成長子平原襲忠果有智略為齊州

欽定四庫全書

南北史合注  
卷一百三

五

刺史善於懷撫孝文時妖賊司馬小君自稱晉後屯聚  
平陵年號聖君平原身自討擊禽小君送京師斬之又  
有妖人劉舉自稱天子復討斬之時歲頻不登齊人饑  
饉平原出私米三千餘斛為粥全民命北州戍卒一千  
餘人還者皆給路糧民稱詠之遷征南大將軍開府雍  
州刺史鎮長安薨謚曰簡長子和字長意襲爵初和聘  
乙氏公主女妃生子顯薄之以公主故不得遣因懷忿  
遂薙髮為僧既不幸其母乃捨顯以爵讓次第鑿鑿固

辭公主以其外孫不得襲訴於孝文孝文詔鑿終後令  
顯襲爵鑿乃受之鑿字紹達沉重少言寬和好士為齊  
州刺史時變革之始鑿上書遵孝文之旨採齊舊風軌  
制粲然皆合規矩

魏書曰高祖覽其所上嗟美久之顧謂侍臣曰諸州  
刺史皆能如此變風易俗更有何難

孝文下詔褒美班之天下一如鑿所上齊大愛詠咸謂  
耳目更新孝文崩後和罷僧歸俗棄其妻子納一孀婦

欽定四庫全書

南北史合注  
卷一百三

六

曹氏為妻曹氏長和十五歲攜男女五人隨鑿至歷城  
干亂政事和與曹及五子七處受納鑿皆順其言獄以  
賄成取受狼籍齊民苦之鑿名大損轉徐州刺史屬徐  
兗大水民多饑餓鑿表加賑恤民賴以濟先是京兆王  
愉為徐州王既年少長史盧陽烏寬以馭下郡縣多不  
奉法鑿表梁郡太守程靈虬虐政殘民盜賊並起詔免  
靈虬徐境肅然

魏書曰鑿克蕭衍角城破其援兵世宗以此城襟帶



淮潁川路衝要屢圖不遂至鑒乃克之詔嘉其功

薨謚悼王和與鑒子伯崇競襲

魏書曰尚書令肇奏先朝詔旨聽傳子顯不許其身

和先讓後求有乖道素其子既終請令伯崇承襲

詔聽和襲位東郡太守先是郡人孫天恩家豪富嘗與

和爭地遣奴客捶和捶死至此和誣天恩與北人來往

父子兄弟俱戮資財田宅沒官天恩宗從欲請闕以和

與元義親不敢和語其郡人曰我覓一州亦應可得念

欽定四庫全書

南北史合注  
卷一百三

七

此小人痛入骨髓故乞此郡以報宿怨此後更不求富

貴識者曰王當沒於此矣薨贈相州刺史

廣平王連天賜四年薨無子太武以陽平王熙第二子

渾為南平王繼連後渾好弓馬射鳥輒歷飛而中之日

射兔得五十頭太武嘗命左右分射勝者中的籌滿詔

渾解之三發皆中帝大悅器其藝能常引侍左右累遷

涼州鎮將都督西戎諸軍事領護西域校尉恩著涼土

更滿還京父老皆涕泣追送如違所親薨子飛龍襲後

賜名霄身長九尺腰帶十圍容貌魁偉雅有風則貞白

卓然好直言正諫朝臣憚之孝文特垂欽重除宗正卿

詔曰自今奏事諸臣相稱可云姓名唯南平王一人可

直言其封遷左光祿大夫薨賜東園第一祕器孝文總

哀臨霄喪宴不舉樂謚曰安子纂襲

京兆王黎天賜四年封薨子吐根襲改封江陽王薨無

子獻文以南平王霄第二子繼字世仁為後襲封江陽

王

欽定四庫全書

南北史合注  
卷一百三

八

魏書曰高車酋帥擁部民叛詔繼討之繼表高車不

識威憲輕相合集背復逃歸若悉追戮恐遂擾亂請

遣使推檢斬訊首一人餘加慰諭若悔悟從役即令

赴軍詔從之叛徒往往歸順高祖顧謂侍臣曰江陽

良足大任也

宣武時為青州刺史坐家僮取民女為婦妾又以良人

為婢為御史所彈坐免官爵及靈太后臨朝繼子義父

納太后妹復繼本封後徙封京王歷司徒加侍中繼孝



文時已歷內外顯任靈太后臨朝入居心齋

魏書曰繼疾患連年每太后遊幸於外特令扶入居

守禁內

歷轉台司頻表遜位轉太保侍中如故加前後部鼓吹  
詔以至節禮有朝慶繼位高年宿可依齊郡王簡故事  
朝訖引坐免其拜伏轉太傅侍中如故時又執殺生大  
權拜受日送者傾朝識者為致懼

魏書禮志載繼表曰臣功總內皆道武皇帝後於臣

欽定四庫全書

南北史合注  
卷一百三

九

始是曾孫道武德最重配天郊祀百世不遷而曾玄  
諸孫蒸嘗之薦不預拜於廟廷霜露之感闕陪奠於  
階席疎同庶族斯之為屈昔堯敦九族周隆本枝今  
臣之所親生見隔棄非所以隆建公族請付外傳議  
駁繼請者甚眾獨國子博士李義琰以為可從靈太  
后命如琰議

又詔令乘步挽至殿廷兩人扶侍禮與丞相高陽王瑒  
後除使持節侍中太師大將軍錄尚書事大都督節度

西道諸軍事及出師車駕臨餞傾朝祖送尋加大尉公

及班師繼啟求還復封江陽詔從之繼晚更貪恠收守

令長新除赴官無不納賄以相託付妻子各別請屬至

郡縣微吏亦不獲平心選舉憑義威勢法官不敢糾擿

天下患之義黜繼廢於家初爾朱榮為直寢數以名馬

奉義接以恩意榮甚德之建義初復以繼為太師司州

牧永安二年薨贈假黃都督九州諸軍錄尚書事大丞

相如故謚曰武烈又字伯偁小字夜叉靈太后臨朝以

欽定四庫全書

南北史合注  
卷一百三

十

又妹夫除通直郎又妻封馮翊君拜女侍中又女天太  
后詔贈鄉主又累加侍中領軍將軍既在門下兼總禁  
兵深為太后信委太傅清河王懌以親賢輔政每欲斥  
黜之義遂令通直郎宋維告司染都尉韓文殊欲謀逆  
立懌懌坐禁止後窮案無實懌雖得免猶以兵衛守於  
宮西別館久之恐懌終為己害乃與侍中劉騰密謀詐  
取主食中黃門胡度胡定列誣懌云貨度等金帛令以  
毒藥置御食害孝明騰具奏帝信之乃御顯陽殿騰閉



永巷門太后不得出憚入遇義於含章殿後命宗士及直齋執憚衣袂將入含章東省騰稱詔集公卿議以大逆論咸畏義無敢異者唯僕射游肇執意不同義騰持公卿議入奏夜中殺憚於是假為太后辭避詔義遂與太師高陽王雍等輔政常直禁中帝呼為姨父自後專綜機要百寮重跡後帝徙御徽音殿義亦入居殿右曲盡佞媚遂出入禁中恒令勇士持刀劍先後義於千秋門外殿下施木闌檻出入止息其中腹心防守以備竊

欽定四庫全書

南北史合注 卷一百三

十一

發初義專政矯情自飾勞謙待士時事得失頗以關懷後便自矜復耽酒好色與奪任情乃於禁中自作別庫掌握之寶充叔其中又曾卧婦人於食輿以屣覆之輿入禁內出亦如之直衛雖知莫敢言者政事怠惰紀綱不舉州鎮多非其人天下遂亂矣義自知不法恐被廢黜乃陰遣弟洪業召武州人姬庫根等聚宴遂為誓盟欲令為亂朝廷以已為大將軍往伐因共為表裏如此可得自立根等然其言乃厚遺根等遣還州與洪業買

馬義從劉騰死後防護微緩時宿於外每日出遊留連他邑太后微察知之正光五年秋太后對孝明謂羣臣魏書載太后謂羣臣曰隔絕我母子何用我為可放我出家

求出家於嵩山開居寺欲自下髮帝與郡臣大懼叩首泣涕遂與太后密謀圖之乃對義流涕叙太后欲出家憂怖狀義勸帝從太后意於是太后數御顯陽二宮無復禁礙舉其親元法僧為徐州刺史法僧據州叛太后

欽定四庫全書

南北史合注 卷一百三

十二

數以為言義深愧悔丞相高陽王雍雖位重於義甚畏憚之會太后與帝遊洛水遂幸雍第日宴至內室定圖義計後雍從帝朝太后乃進言義父子權重太后曰然元郎若忠於朝廷何故不去領軍以餘官輔政義聞甚懼免冠求解乃以為儀同三司尚書令侍中領左右雖去兵權然摠任內外不慮黜廢又有閹人張景嵩劉思逸屯弘昶伏景謀廢義嵩以帝嬪潘外憐有幸說云元義欲害之嬪泣訴於帝云義非直殺妾亦將害陛下帝



信之後又出宿遂解其侍中旦欲入宮門者不納尋除名初咸陽王禧以逆見誅子樹奔梁梁封鄴王及法僧叛樹遺公卿百寮書暴義過惡

魏書載樹書前一段曰元義狼心蕙毒權位日滋篡逼之事旦暮必行夫名以出信信以制義山川隱疾猶不以名成師兆亂巨君不臣求之史籍有自來矣又本名夜義弟羅實名羅刹夜義羅刹此鬼食人非遇黑風事同飄墮嗚呼魏境離此二災惡木盜泉不息不

欽定四庫全書

南北史合注  
卷一百三

飲勝名泉稱不入不為況昆季此名表能噬物日露久矣始信斯言義為遠近所惡如此後太后顧謂侍臣曰劉騰元義昔邀朕索鐵券望得不死朕賴不與中書舍人韓子順對曰臣聞殺活豈計與否陛下昔雖不與何解今日不殺太后憮然未幾有人告又及其弟瓜謀反先遣其從弟洪業率六鎮降戶反定州又令勾魯陽諸蠻侵擾伊闕又兄弟為內應起有日矣得其手書太后以妹婿故未忍便決羣臣固執不已帝又以為言乃從

之義及弟瓜並賜死於家太后猶以妹故復追贈尚書

令冀州刺史又子舒祕書郎又死後奔梁官至征北大將軍青冀二州刺史子善亦名善任少隨父至江南性好學通涉五經尤明左氏傳侯景之亂善歸周武帝甚禮之以為太子宫尹賜爵江陽縣公每執經授太子隨開皇初拜內史侍郎凡有敷奏詞氣抑揚觀者屬目陳使袁雅來聘帝令善就館受書雅出門不拜善論舊事有拜儀雅未能對遂拜成禮而去後遷國子祭酒帝嘗

欽定四庫全書

南北史合注  
卷一百三

親臨釋奠令善講孝經敷陳義理兼以諫帝大悅曰聞江陽之說更起朕心資絹一百疋衣一襲善通博在河妥每懷不平欲屈善因講春秋初發題諸儒畢集善私謂妥曰名望已定幸無相苦妥然之及就講肆妥引古今滯義難善多不能對由是有隙善以高穎有宰相具嘗言於帝曰楊素麤疎蘇威怯懦元胄元旻正是鴨耳可付社稷者唯獨高穎帝初然之及穎得罪帝以善為類游說深責望之善憂懼先患消渴病頓而卒又弟羅



字仲綱雖父兄貴盛而虛已接物累遷青州刺史又當朝專政羅望傾四海於時才名之士王元景邢子才李獎等咸為其賓客從遊青土罷州入為宗正卿又死後羅通又妻時人穢之或云其救命計也孝武時位尚書令開府儀同三司梁州刺史孝靜初梁遣將圍逼羅以州降封南郡王及侯景自立以羅為開府儀同三司尚書令封江陽王梁元帝滅景周文求羅得還除開府儀同三司侍中少師襲爵江陽王舒子善住後從南入關

欽定四庫全書

南北史合注 卷一百三

十五

羅乃以爵還善住改封羅固道郡公

愚按周書明帝本紀載封少師元羅為韓國公以紹魏後何以不紀

羅弟蠻仕齊歷位兼度支尚書行潁州事坐不為繼母服為左丞所彈後除開府儀同三司齊天保十年大誅元氏昭帝元后蠻女也因為苦請自市追免之賜性步孤氏卒贈司空蠻弟瓜字景邕位給事中與兄又同誅繼弟羅侯遷洛之際以墳陵在北遂家於燕州昌平郡

內豐資產唯以意得為適不入京師有賓客來往者必厚相禮遺豪據北方甚有聲稱以又執權尤不樂入仕就拜昌平太守

明元皇帝七男杜密皇后生太武皇帝大慕容夫人生樂平戾王丕慕容夫人生樂安宣王範尹夫人生永昌莊王健建寧王崇新興王俊二王並闕母氏

樂平王丕少有才幹泰常七年封車騎大將軍後督河西高平諸軍討南秦王難當軍至略陽禁令齊肅所過

欽定四庫全書

南北史合注 卷一百三

十六

無私百姓爭致牛酒難懼還仇池而諸將議曰若不誅豪帥軍還後必聚而為寇又大衆遠出不有所掠無以充軍實賞將士將從之時中書侍郎高允參丕軍事諫曰今若誅之是傷其向化之心恐大軍一還為亂必速不然之緩懷初附秋毫無犯初馮弘奔高麗太武詔遣送之高麗不遣太武怒將討之丕疏言和龍新定宜廣修農殖以饒軍實然後進圖可一舉滅帝納之後坐劉絜事以憂薨事在絜傳謚曰戾子拔襲後坐事賜死國



除正之灃及日者董道秀之死也高允遂著筮論曰昔明元末起白臺高二十餘丈樂平王夢登其上四望無所見問日者董道秀筮之曰大吉王默然喜後事發王憂死道秀棄市道秀若推六爻以對王曰易稱亢龍有悔窮高曰亢高而無民不為善也如是則上寧王下保己福祿方至豈有禍哉今舍本從末咎譽之至不亦宜乎

正後有願達梁書曰願達祖明元帝父樂平王仕魏

欽定四庫全書

南北史合注  
卷一百三

七

為司州刺史普通中大軍北伐願達降封樂平王賜甲第女樂累官侍中卒此其後也

樂安王範泰常七年封雅性沈厚太武以長安形勝拜範為衛大將軍開府儀同三司長安鎮都大將範謙恭惠下推心撫納民稱之時秦土新羅寇賊流亡相繼請崇簡易之治帝納之遂寬徭與民休息後劉絜之謀範聞而不告事發因疾暴薨長子良太武未有子嘗曰兄弟之子猶子親撫養之長而壯勇多智嘗參軍國大計

文成時襲王拜長安鎮都大將雍州刺史為內都大官薨謚白簡

永昌王健泰常七年封健姿貌魁壯征戰常有大功才藝比陳留桓王而智略過之從太武破赫連昌遂西略至木根山討和龍健別攻拔建德後平叛胡白龍餘黨於西海太武襲柔然越涿邪山詔健殿後矢不虛發所中皆應弦斃威震漠北尋從平涼州健功居多又討破禿髮保周保周自殺傳首京師復降沮渠無諱薨謚曰

欽定四庫全書

南北史合注  
卷一百三

十八

莊子仁襲驍勇有父風太武奇之

魏書島夷傳曰帝南伐仁攻懸瓠拔之獲劉義隆守將起淮過定項城破尉武成執其城主進攻壽陽屯兵於孫叔敖冢掠馬頭鍾離二郡義隆遣左軍將軍劉康祖赴壽陽與仁相遇仁大破之盡坑其眾斬康祖傳首示壽春獲其將胡盛之王羅漢等以所斬首使軍士曳之遠城三匝積之城西高與城齊劉鑠乃焚四郭廬舍嬰城固守



後與漢陽王閭若文謀不軌發覺賜死國除

建寧王崇泰常七年封文成時封崇子麗濟南王後與

京兆王杜元寶謀逆父子俱賜死新興王俊泰常七年

封少善騎射多藝坐法削爵為公俊好酒色多越法度

又以母先遇罪死而已被貶削恒懷怨望頗有悖心後

事發賜死國除

太武皇帝五男賀皇后生景穆帝越叔房生晉王伏羅

舒叔房生東平王翰弗叔房生臨淮王譚伏叔房生廣

欽定四庫全書

南北史合注 卷一百三

十九

陽王建閭右昭儀生吳王余景穆帝南安王余別見

晉王伏羅真君三年封加車騎大將軍曰若從正道恐

軍聲先振必當遠遁莫若潛軍出其非意此鄧艾擒蜀

計也諸將咸難之伏羅曰將軍制勝萬里擇利專之可

也遂間道行至大母橋慕利延眾驚奔白蘭其子拾寅

走阿曲降其部落萬餘八年薨

宋書索綽傳曰綽素所任屠蘇為疾雷所擊屠蘇倒

幾壓死左右皆泣晉王獨不悲遂賜死此出於傳聞

不足信

無子國除

東平王翰真君三年封秦王拜侍中中軍大將軍參典

都曹事忠貞雅正百寮憚之太傅高允以翰年少作諸

侯歲遺之翰大悅後鎮枹罕羗戎敬服改封東平王太

武崩諸大臣等議欲立翰中常侍宗愛與翰不協矯太

后令立南安王余遂殺翰子道符襲爵拜長安鎮都大

將皇興元年謀反司馬段太陽斬之傳首京師

欽定四庫全書

南北史合注 卷一百三

二十

魏書曰世祖南討授中軍大將軍劉義隆以鄒山險

固積糧備守禦譚攻之獲米三十萬供軍儲義隆恃

淮之阻素不設備造筏數十潛軍而渡賊眾驚潰斬

首萬餘

魏謚曰宣子提襲為梁州刺史以貪縱削除加罰徙配

北鎮久之提子員外郎穎免冠請解官代父邊戍孝文

不許後詔提從駕南伐至洛陽參定遷都議尋卒以參

定功追封長鄉縣侯宣武時贈雍州刺史謚曰懿提子



昌字法顯好文學居父母喪哀號孺慕悲感行人宣武  
時復封臨淮王未拜封贈齊州刺史謚曰康追封濟南  
子或字文若紹封少有才學彼時譽甚美侍中崔光謂  
人曰黑頭三公當此人也少與從兄安豐王延明中山  
王熙並以宗室博古文學齊名時莫能定其優劣尚書  
郎范陽盧思道謂吏部清河崔休曰三人才學雖並優  
美然安豐少於造次中山皂白太多未若濟南風雅寬  
雅時人為語曰三王楚琳瑯未若濟南備員方或姿制  
欽定四庫全書 南北史合注 卷一百三 三  
閑裕吐發流美瑯邪王誦名人也見之未嘗不心醉忘  
疲  
伽藍記曰或博通典籍容止可觀至三元肇慶萬國  
齊軫負荷執笏逶迤復道觀者莫不忘疲  
奏郊廟歌詞時咸稱美除給事黃門侍郎或本名亮字  
仕明時侍中穆紹與或同署避紹父諱啓求改名詔曰  
仕明風神運吐嘗自比荀文若可名或以取定體相倫  
之美或求復本封詔許復封臨淮寄食相州魏郡又嘗

兼御史中尉或以為倫叙得之不謝領軍於忠不悅言  
之朝廷曰淮臨雖復風流可觀  
伽藍記曰或性愛林泉又重賓客每至春際花樹如  
錦晨食南館夜遊後園僚寀成羣俊民滿席綵桐發  
響羽觴流行詩賦並陳清言乍起入其室者謂為登  
仙荆州秀才張裴裳為五言有異林花共色別樹鳥  
同聲之句或以蛟龍錦賜之  
而無骨體之操中尉之任恐非所堪遂去威儀單車而  
還朝流為嘆息累遷侍中衛將軍左光祿大夫兼尚書  
左僕射攝選後以本官為東道行臺會爾朱榮入洛殺  
害元氏或撫膺慟哭遂奔梁梁武遣其舍人陳建孫迎  
接并觀或為人建孫稱或風神閑雋梁武亦先聞名深  
相器待見或於樂遊園因設宴樂或聞聲歔歔涕泣交  
下梁武為不樂自前後奔叛皆候旨稱魏為偽唯或表  
啓嘗云魏臨淮王梁武體或雅性不以為責及知孝莊  
踐祚以母老請還辭旨懇切梁武惜其才又難違其意

欽定四庫全書

南北史合注 卷一百三

三



遣其僕射徐逸私勸或留或曰死猶願北況於生也乃以禮遣或性至孝自經違離不進酒肉憔悴容貌見者傷之歷位尚書令大司馬兼錄尚書孝莊追崇武宣王為文穆皇帝廟號肅祖母李妃為文穆皇后將遷神主於太廟以孝文為伯考或表諫以為漢祖創業香街有太上之廟光武中興南頓立春陵之寢元帝於光武疏為絕服猶身奉子道入繼大宗高祖於聖躬親實猶子陛下既纂洪緒宜加伯考名且漢宣繼孝昭乃上後

欽定四庫全書

南北史合注 卷一百三

三十三

叔祖豈忘宗承考妣蓋以大義斯奪及金德將興宣王受寄景王文王心規裂冠雖祭則魏主而權歸晉室昆季實傾曹氏且子元宣王家胤文王成其大業故晉武繼文祖宣景王有伯考之稱以今類古恐或非儔高祖德溢寰中道超無外文穆雖勲格宇宙猶奉贄稱臣穆后稟德以元復配享乾位君臣並筵嫂叔同室歷觀墳籍未有其事時孝莊意銳朝臣無敢言者唯或與吏部尚書李神儁並有表聞詔執曰文穆皇帝勲格四表是

用考循舊範恭上尊號王表云漢太上於香街南頓於春陵漢高不用瓜瓞之緒光武又無世及之德皆身受符命不由父祖別廟異寢於理何差文穆天暵人宅歷數有歸朕忝承下武遂主神器既帝業有統漢氏非倫漢郡國立廟者欲尊高祖之德使饗遍天下非闕太廟神主獨在外祠薦漢宣之父亦非勲德所出雖不追尊不亦可乎伯考之名自是尊卑之序何必准古而言非類也復云君臣同列嫂叔共室當以文穆昔遂臣道以

欽定四庫全書

南北史合注 卷一百三

三十四

此為疑禮天子元子猶士禘禘豈不得同室乎且晉文景共為一代議者云世限七主無定數昭穆既同明有共室之禮禮既有祔嫂叔何嫌禮祖禰一廟豈無婦舅共室也若專以共室為疑可更議遷毀耶孝莊既逼諸妹之請此詞意黃門侍郎常景中書侍郎邢子才所贊成也又追尊兄彭城王為孝宣帝或又面諫曰陛下作而不法後世何觀歷尋書籍未有其事帝不從及神主入廟復敕百官悉陪從一依乘輿之式或表言爰自中



古迄於下葉崇尚君親褒明功德乃有皇號終無帝名  
今若去帝直留皇名求之古義少有依准又不納爾朱  
榮死除或司徒公及爾朱兆率眾奄至或出東掖門賊  
執見兆辭色不屈為羣胡所歐薨孝武未贈大將軍太  
師太尉公錄尚書事謚文穆或美風韻善進止衣冠之  
下雅有容則博覽羣書不為章句所制文藻雖多亡失  
猶有傳於世者然居官不能清白進舉止於親婭為識  
者所譏無子弟孝友少有時譽襲爵淮陽王累遷滄州

欽定四庫全書

南北史合注  
卷一百三

三五

刺史為政溫和好行小惠不能清白而無所侵犯百姓  
亦便之魏孝靜宴齊文襄於華林園孝友因醉自譽又  
云陛下許賜臣能帝笑曰朕恒聞王自道清文襄曰臨  
淮王雅旨舍罪於是君臣俱笑而不罪孝友明於政理  
嘗奏表曰令制百家為黨族二十家為閭五家為比隣  
百家內有帥二十五徵發皆免苦樂不均羊少狼多復  
有蠶食此之為弊久矣京邑諸坊或七八百家惟一里  
正二史庶事無闕而況外州乎請依舊置三正之名不

改而百家為四閭閭二比計族省十二丁得十二匹貨  
絹略記見管戶應二萬餘族一歲出貨絹二十四萬匹  
十五丁出一番兵計得一萬六千兵此富國安民之道  
也古諸侯娶九女士有一妻二妾晉令諸王置妾八人  
郡公侯妾六人官品令第一第二品有四妾第三第四  
有三妾第五第六有二妾第七第八有一妾廣繼嗣孝  
也脩陰教禮也而聖朝忽棄此數由來漸久將相多尚  
公主王侯亦娶后族故無媵妾習以為常婦人多幸生

欽定四庫全書

南北史合注  
卷一百三

三五

逢今世舉朝略是無妾天下殆皆一妻設令人疆志廣  
娶則家道離索身事迍邐內外親知共相嗤怪凡今之  
人通無准節父母嫁女則教以妬姑姊逢迎必勸以忌  
持制夫為婦德以能妬為女工自云受人欺畏他笑我  
王公猶自一心以下何敢二意夫妬忌心生則妻妾禮  
廢妻妾禮廢則姦淫兆興斯臣所以毒恨也請以王公  
第一品娶八通妻以備九女稱事二品備七三品四品  
備五五品六品則一妻二妾限以一周悉令充數若不



充數及待妾非禮使妻妬加捶撻免所居官其妻無子不娶妾斯則自絕無以血食祖父請科不孝之罪離遣其妻臣之心欲使吉凶合禮貴賤有儀省人帥以出兵丁立倉儲以豐穀食設賞格以擒姦盜行令典以示朝章庶使足食足兵民信之矣又冒申妻妾之數正欲使王侯將相功臣子弟苗胤滿朝傳祚無窮此臣志也詔付有司儀奏不同孝友又言今人生為皂隸莫擬王侯存沒異途無復節制崇壯邱壠盛飾祭儀隣里相榮稱

欽定四庫全書

南北史合注 卷一百三

二十七

為至孝又夫婦之始王化所先共食合歡足以成禮而今之富者彌奢同牢之設甚於祭饗累魚成山山有林木林木之上鸞鳳斯存徒有煩勞終成委棄請自茲以後若婚葬過禮者以違旨論官司不加糾劾即與同罪孝友在尹積年以法自守甚著聲稱然性無骨鯁善事權勢為正直所譏齊天保初准例降爵臨淮縣公拜光祿大夫二年冬被召入晉陽宮出與元暉業同被害昌弟字字秀和少有令譽侍中游肇并州刺史高聰司徒

崔光等見孚曰此子當准的人物恨吾徒衰暮不及見耳累遷兼尚書右丞靈太后臨朝宦者干政孚乃摠括古今名妃賢后為四卷奏之遷左丞柔然主阿那瓌既反國大饑相率入塞阿那瓌上表請臺賑給詔孚為北道行臺請彼賑恤孚陳便宜表曰皮服之人未嘗粒食宜從俗因利極其所無昔漢建武中單于款塞轉河東米糶二萬五千斛牛羊三萬六千頭給之斯柔遠長策也乞以特牛產羊餽其口食且畜牧繁息是其所便毛

欽定四庫全書

南北史合注 卷一百三

二十八

血之利惠兼衣食又尚書奏云如其仍任七州隨寬置之臣謂人情戀本寧肯徙內若依臣請給賑雜畜愛本重鄉必還舊土如其不然禁留益損假令逼徙事非久計何者人面獸心去留難測既易水草病恙憂愁死忘必甚兼其餘類尚在沙磧脫出狂悖翻歸舊巢必殘掠邑里遺毒百姓亂而方塞未若杜其未萌又賀遷起於上古交易行於中世漢與胡通亦立關市今北人阻饑命懸溝壑公給之外必求市易彼若願求宜聽見許又



云營大者不計小名圖遠者弗拘近利周之北伐僅獲中規漢氏外攘裁收下策昔在代京恒為重備將帥勞止甲士疲力前世苦之力未能致今天祚大魏亂亡在彼朝廷鳩其散亡禮送令反宜因此時善思遠策昔漢宣之世呼韓歎塞漢遣董忠韓昌領邊郡士馬送出朔方因留衛助又先武時亦令中郎將段彬置安集椽史隨單于所在參察動靜斯皆安邊勝策計今朝廷成功不減曩時蠕蠕國弊亦同疇日宜依舊事借所開地聽

欽定四庫全書

南北史合注  
卷一百三

三九

使田牧粗置官屬示相撫慰嚴戒邊兵以見保衛馭以寬仁縻以久策使親不至矯詐疎不容叛反又云先人有奪人之心待降如受疆敵武非尋外而亦防內若從處分割配諸州鎮遼遠非轉輸可到悔叛之情變起難測又居民畜業布在原野戎吝性貪見則思盜防彼肅此少兵不堪渾流之際易相干犯驅之還本未必樂去配州內徙復不肯從既其如此為費必大朝廷不許字持白虎幡勞阿那瓌於柔玄懷荒二鎮間阿那瓌眾號

三十萬陰有異意遂拘留孚載以醞車日給酪一升肉一段每集其眾坐孚東廂稱為行臺甚加禮敬阿那瓌遂南過至舊京後遣孚等還因上表謝罪有司以孚事下廷尉丞高謙之云孚辱命處孚流罪後拜冀州刺史孚勸課農桑境內稱慈父隣州號神君先是州人張孟都張洪建馬潘崔獨憐張叔緒崔醜張天宜崔思哲等八人皆屯保林野不臣王命州郡號曰八王孚至皆請入城願效死力後為葛榮所陷見執兄祐為防城都督

欽定四庫全書

南北史合注  
卷一百三

三九

兄子禮為錄事參軍榮欲先害子禮孚請先死贖子禮叩首流血榮乃捨之又大集將士議其死事孚兄弟各誣已引過爭相為死又孟都潘紹等數百人皆叩首就法請活使君榮曰此皆魏誠臣義士也同禁五百人皆得免榮平還除冀州刺史元顥入洛授孚東道行臺彭城郡王孚封顥逆書送朝孝莊嘉之顥平封孚萬年鄉男永安末樂器殘缺孝莊命孚監儀注孚上表曰昔太和中中書監高閭太樂令公孫崇脩造金石數十年間



乃奏成功大集儒生考其得失太常卿劉芳請別營造久而不就復召公卿量校合否論者沸騰莫有適從登被旨敕並見施用往歲大軍入洛戎馬交馳樂器亡失垂盡臣至太樂署問太樂令張乾龜等云承前以來置宮懸四廂篋箎六架東北架編黃鍾之磬十四雖器名黃鍾而聲實夸則考之音制不甚諧韻姑洗懸於東北太簇編於西北蕤賓列於西南並皆器象差位調律不和又有儀鍾十四虛懸架首初不叩擊今便刪廢以從

欽定四庫全書 南北史合注 卷一百三 三十一

正則臣今據周禮鳧氏脩廣之規磬氏倨句之法吹律求聲叩鍾求音損除繁雜討論實錄依十二月為十二宮各准辰次當位懸設月聲既備隨用擊奏則會還相為宮之儀又律呂相生之義今量鍾磬之數各以十二架為定奏可時措紳之士咸往觀聽靡不咨嗟歎服太傅錄尚書長孫稚妙解聲律特復稱善後從孝武入關

愚按孝武西奔後諸元為道武以下子孫者居洛陽安也隨關西者正也然居者皆羅高洋之屠而隨者獨

延世紀正之為貴也孰與安

除尚書左僕射扶風郡王尋監國史厯司空兼尚書令太保時柔然主與字相識先請見字然後遣女乃使字行柔然君臣見字莫不懼悅奉后來歸字機辨好酒貌短而秃周文帝偏所眷顧嘗於室內置酒十甌鈺餘一斛上皆加帽欲戲字字適入室見即驚喜曰吾兄弟輩甚無禮何為竊入王家匡坐相對宜早還宅也因持酒歸周文撫手大笑後遇風患手足不隨口不能言乃左

欽定四庫全書 南北史合注 卷一百三 三十二

手畫地作字乞解所任三奏不許遷太傅堯文帝親臨百官起弔贈大司馬錄尚書事諡文簡子端嗣位大行臺尚書華州刺史性疎佷頗以基地驕物時論鄙之

廣陽王建真君三年封楚王後改封廣陽堯諡曰簡子石侯襲堯諡曰哀傳子而絕第嘉少沉敏喜怒不形於色兼有武畧孝文初拜徐州刺史甚有威惠後封廣陽王紹建後孝文南伐詔嘉斷均口嘉違失指授令賦得免帝怒責之曰叔父定非世孫何太不上類及將大漸



遺詔以嘉為尚書左僕射與咸陽王禧等輔政遷司州  
牧嘉表請於京四面築坊三百二十各周一千二百步  
乞發三正復丁以充茲役雖有暫勞奸盜永止詔從之  
拜衛大將軍尚書令除儀同三司嘉好飲酒或沉醉在  
宣武前言笑自恣帝以屬尊年老嘗優容之與彭城北  
海高陽諸王每入宴集極歡彌夜帝亦時幸其第性好  
儀飾車服鮮華既居儀同又任端首出入容衛道路榮  
之後遷司空轉司徒嘉好立功名有益公私多所敷奏

欽定四庫全書

南北史合注  
卷一百三

三十三

帝雅委託之愛敬人物後來才俊未為時知者侍坐之  
次轉加談引時以此稱之薨遺命薄葬宣武悼惜之贈  
侍中太保謚懿烈嘉後妃宜都王穆壽孫女司空從妹  
也聰明婦人及為嘉妃多所匡贊光益家道子深

愚按本史及魏書俱作深魏書李崇傳內作廣陵王  
淵又溫子昇傳內復作廣陽王深不一而足廣陽不  
聞改封崇傳誤淵唐祖諱李延壽以唐人作北史故  
易淵為深若魏收作魏書時何緣避諱前後參差不

可辨今姑從深

字智遠襲爵孝明初拜肆州刺史胡人便其恩信劫盜  
止息後為恒州刺史政以賄成私家有馬千匹者必取  
百匹以此為恒累遷殿中尚書未拜坐淫城陽王徽妃  
于氏為徽表訟詔付丞相高陽王雍等宗室議決其罪  
以王還第及沃野鎮人破六韓拔陵反臨淮王或討之  
失利詔深為北道大都督受尚書令李崇節度時東道  
都督崔暹敗於白道深等諸軍退還朔州上書曰邊豎

欽定四庫全書

南北史合注  
卷一百三

三十四

構逆由來非一朝昔皇始以移防為重盛簡親賢擁麾  
作鎮配以高門子弟以死防邊不但不廢任宦至乃偏  
得復除當時人物忻慕為之及太和在歷僕射李冲當  
官任事涼州土人悉免廝役豐沛舊門仍防邊戍自非  
得罪當世莫肯與伍征鎮驅使但為虞侯白直一生推  
遷不過軍主然其往世房分居京者得上品通官在鎮  
者便為清途所隔或投畀有北以御魑魅多逃胡鄉乃  
峻邊防之格鎮人浮遊在外皆聽流兵捉之少年不得



從師長者不得遊宦獨為匪人言者流涕自定鼎伊洛  
邊任益輕唯底滯凡才出為鎮將轉相模習專事聚斂  
或諸方奸吏犯罪配邊為之指蹤政有賄立莫能自改  
無不切齒增怒及阿那瓌背恩縱掠竊奔命師追之十  
五萬衆渡沙漠不日而還邊人見此援師便意輕中國  
尚書令臣崇時即申聞求改鎮為州將允其願抑亦先  
覺朝廷未許而高闕戍主率下失和拔陵殺之為逆攻  
城屠地王師屢北崔暹隻輪不反臣崇與臣遠巡復路

欽定四庫全書

南北史合注  
卷一百三

三五

今者相與還次雲中馬首是瞻未便西邁將士之情莫  
不解體今日所慮非止西北將恐諸鎮尋亦如此天下  
之事何易可量時不納其策及東西部敕勒叛朝儀更  
思深言遣兼黃門侍郎鄺道元為大使欲復鎮為州以  
順民望會六鎮盡叛不得施行深後言今六鎮俱叛二  
部高車亦同惡黨以疲兵討之必不制敵請簡選兵或  
留守恒州要處更為後圖及李崇徵還深專總戎政拔  
陵避柔然南移度河先是別將李叔仁以拔陵來逼請

求迎援深赴之前後降二十萬人深與行臺元纂表求  
恒州北別立郡縣安置降戶隨宜賑賚息其亂心不從  
詔遣黃門侍郎楊置分散之就食冀定瀛三州深謂纂  
曰此輩復為乞活矣禍亂當由此作既而鮮于脩禮叛  
於定州杜洛周反於幽州其餘降戶猶在恒州欲推深  
為主深乃上書還京師令左衛將軍楊津代深都督以  
深為侍中右衛將軍定州刺史時中山太守趙叔隆別  
駕崔融討賊失利臺使劉審按覈未訖會賊逼中山深

欽定四庫全書

南北史合注  
卷一百三

三五

乃令叔隆防境審馳驛還京言深檀相放縱城陽王徽  
與深有隙因此構之乃徵深為吏部尚書兼中領軍及  
深至都孝明不欲使徽深相憾因宴會令相和解徽銜  
不已後河間王琛等為鮮于脩禮所敗乃除深儀同三  
司大都督章武王融為左都督並受深節度徽因奏靈  
太后構深曰廣陽以愛子握兵在外不可測也乃敕武  
王等潛相防備融以敕示深深懼事無大小不敢自決  
太后聞之使問深意狀乃具言曰往者元乂執權移天



徙日徽私相託附今大明反政任寄唯重以徽褊心銜臣切骨臣遠離京輦被其構阻徽一歲八遷位居宰相積年淹滯有功不錄自徽執政以來非但抑臣將士告捷終無片賞雖為表請多不蒙允如留元標處盛樂後被重圍析骸易子嬰城二載賊散後依階乞官徽不久所請而元法僧之叛徐州下邳戍主賈勳暨被圍逼固守之勲比元標未重乃立得州即授開國功同賞異不平謂何又驃騎李崇北征日啟募八州之人聽用關西

欽定四庫全書

南北史合注  
卷一百三

三十一

格及臣在後依此科賞復言北道征者不得同於關西定襄陵廟至重平城守國要鎮若計此論功亦何負於秦楚但以嫉臣故便欲望風排抑然其當途以來何直退勲而已但隨臣征者即便為所嫉統軍袁和叔曾經省訢徽初言有理又聞北征隸臣為統應時變色復令臣兄子仲顯訟臣緝緝翩翩謀相誹謗言臣惡者接以恩顏稱臣善者即被譙責甄琛曾理臣屈視若仇讎徐統頗言臣短待如親戚又驃騎長史祖瑩昔在軍中妄

增首級蠹害軍府獲罪有司避命山澤直以謗臣乃還雪其罪臣府司馬劉敬比送降人既到定州翻然叛背賊如決河豈敬能擁以臣府參察便身首異處從臣行者莫不悚懼頃恒州人乞臣為刺史徽言不可測及降戶結謀臣頻表啟徽乃執言此事及向定州遠彼姦惡又復論臣將有異志翻覆如此欲相陷沒致令國朝遽賜遷代賊起之由誰使然也徽優幸任隆車馬填門臣居邊境慮其為梗乞赴京闕屬流人舉斧元戎垂翅

欽定四庫全書

南北史合注  
卷一百三

三十二

俛先驅不敢辭事及臣出都行塵未滅已聞復生異議言臣將兒自隨證為構亂悠悠之人復傳左軍臣融右軍臣衍皆密受敕伺察臣事徽用心如此臣何以自安竊以天步未奪國難猶梗方伯之任於斯為急徽昔臨藩乃有民譽及居端右茂爾無聞今求出之為州使得申其利用徽若外從所長臣無內慮之切脫蒙賜允公私幸甚深以兵士頻經退散人無鬪情連營轉柵日行十里行達交津隔水而陣賊鮮于脩禮嘗與葛榮謀後



稍信朔州人毛普賢榮嘗銜之普賢昔為深統軍及在交津深傳人論之普賢乃有降意又使錄事參軍元晏說賊程殺鬼果相猜貳葛榮遂殺普賢脩禮自立

按本史孝明本紀云元洪業殺鮮于脩禮請降葛榮殺洪業自立與此全殊何也

榮新得大眾上下未安北度瀛州深因此率眾北轉及榮東攻章武王融融與戰敗於白牛深遂退走趣定州聞刺史楊津慮其有異志止州南佛寺亭二日夜乃召

欽定四庫全書

南北史合注 卷一百三

三九

都督毛謚等六七十人齧臂肩為約期危難相拯恤謚疑深意異乃以謀不軌告津津遣謚討深深走出謚叫譟追躡深與左右行至博陵郡界逢賊遊騎引詣葛榮賊徒見深頗有喜者榮新自立內惡之乃害深孝莊追復王爵贈司徒公

伽藍記曰淵初討葛榮夜夢着袞衣倚槐樹立問善解夢楊元慎曰三公之祥退告人曰廣陵死矣槐字是木傍鬼死後尚得三公果為葛榮所殺追贈司徒

公

謚忠武子湛字士淵

愚按湛父果名淵何以又字士淵以父名為字其為深可知

少有風尚孝莊初襲封孝靜初累遷冀州刺史所在聚斂風政不立入為侍中後行司州牧時齊神武作相以湛頗有器望啟起拜太尉公薨贈假黃鉞大司馬尚書令謚文獻初湛名位漸重留連聲色始以婢紫光遺尚

欽定四庫全書

南北史合注 卷一百三

四十一

書郎中宋遊道後乃私耽出為冀州竊而攜去遊大致紛紜乃云紫光湛父所寵湛母遺已將致公文久乃停息論者兩非之湛弟瑾別見湛子法輪紫光所生也湛諸子坐瑾謀殺齊文襄合門被戮文襄矜湛覆滅乃啟原法輪復其爵土

論曰平陽以降並多天促英才武略未顯高年靖簡二王為時稱首鑒既有聲渾亦見器霄繼荷遇太和之日名位豈妄及哉又階緣寵私遂亂天下殺身全祀固為



幸馬樂平樂安將領自効竟以憂迫逝驗克終為鮮焉  
莊王才力智謀一時之傑與建寧新興不同日也太武  
之子秦晉才賢而翰遇酷倚仗豈可量矣臨淮之後或  
為盛德廣陽之世嘉實為美深見惡元徽所謂盜憎之  
義歟

欽定四庫全書

南北史合注  
卷一百三

南北史合注  
卷一百三

南北史合注卷一百三

欽定四庫全書

南北史合注卷一百四

幽州

明李清撰  
北史十八

幽王新成尉椒房生京兆康王子推濟陰王小新成陽  
椒房生汝陰靈王天賜樂良厲王萬壽廣平瑒王洛侯

欽定四庫全書

南北史合注  
卷一百四

母並闕孟椒房生任城康王雲劉椒房生南安惠王楨  
城陽康王長壽慕容椒房生章武敬王太洛尉椒房生  
樂陵康王胡兒孟椒房生安定靖王休魏舊太子後庭  
未有位號文成即位景穆宮人有子者並號為椒房  
陽平王新成太安三年封後為內都大官薨諡曰幽長  
子安壽襲爵孝文賜名願累遷懷朔鎮大將都督三道  
諸軍事及北討詔徵赴京勅以戰伐事對曰當仰仗廟  
算使呼韓同渭橋之禮帝嘆曰壯王言朕所望也未發



遭母憂詔遣侍臣以金革敦喻既殯而發與陸獻集三  
道諸將議軍途所詣中道出黑山東道趣士盧河西道  
向侯延河軍過大磧大破柔然願入朝詔曰王之前言  
果不虛也後除朔州刺史及恒州刺史穆泰謀反遣使  
推願為主願密以狀聞泰等伏誅帝甚嘉之宣武景明  
六年薨於青州刺史諡曰莊傳國至孫宗肖孝明時坐  
殺叔父賜死爵除願弟衍字安樂賜爵廣陵侯位梁州  
刺史表請假王以崇威重詔曰可謂無厭之求也所請

欽定四庫全書

南北史合注  
卷一百四

二

不合轉徐州刺史至州病篤帝敕徐成伯乘傳療之疾  
差成伯還帝曰卿定名醫賚絹三千疋成伯辭請受一  
千帝曰詩云人之云亡邦國殄瘁以是而言豈惟三千  
其為帝所重如此後生母雷氏卒表請解州詔曰先君  
餘尊之所厭禮之明文季末陵遲斯典或廢侯既親王  
子宜從餘尊之義便可大功卒於雍州刺史諡曰康侯  
行性清慎所在廉潔不營產業歷牧四州皆有稱績亡  
日無斂屍具子暢字叔暢從孝武入關拜鴻臚封博陵

王夫統三年東討沒於陣子敏嗜酒多費家為之貧其  
婿柱國乙弗貴大將軍大利積祐家資皆千萬每營給  
之敏隨散盡而文帝不之責貴祐後遂絕之位儀同三  
司改封南武縣公暢弟融字叔融貌甚短陋驍武過人  
孝莊謀殺爾朱榮以融為直閣將軍及爾朱兆入洛融  
逃人間後從孝武入關封魏興王位侍郎殿中尚書行  
弟欽字思若位中書監尚書右僕射儀同三司欽色尤  
黑時號黑面僕射欽淫從兄麗妻崔氏為御史中尉封

欽定四庫全書

南北史合注  
卷一百四

三

回勅奏遇赦免尋除司州牧欽少好學早有令譽時人  
語曰皇宗略略壽安思若及晚年貴重不能有所匡益  
論者輕之欽曾託青州人高僧壽為子求師師至未幾  
逃去欽以謀僧壽僧壽性滑稽反謂欽曰凡人絕粒七  
日乃死始經五朝便爾逃遁去食就信實有所關欽大  
慙待客稍厚後除司空公封鉅平縣公於河陰遇害贈  
假黃鉞太師太尉公子子孝字季業早有令譽年八歲  
司徒崔光異之曰後生領袖必此人也孝武入關不及



從駕後赴長安封義陽王子孝美容儀善笑誑好酒愛  
士縉紳歸之賓客常滿終日無倦性又寬慈敦睦親族  
乃置學館於私第集羣從弟子晝夜講讀并給衣食與  
諸子同後歷尚書令柱國大將軍子孝以國運漸移深  
自貶晦日夜縱酒後例降為公復姓拓拔氏未幾卒子  
贊襲

京兆王子推太安五年封位侍中征南大將軍長安鎮  
大將子推性沈雅善於綏接秦雍服其威惠入為中都

欽定四庫全書

南北史合注  
卷一百四

大官察獄有稱獻文將禪於子推以大臣固諫乃傳孝  
文孝文即位拜侍中本將軍開府儀同三司青州刺史  
未至道薨子太興襲拜長安鎮大將以黠貨削除官爵  
後除秘書監還復前爵改封西河轉守衛尉卿初太興  
遇患請諸沙門行道所有資財一時布施乞求病愈名  
散生齋及齋後僧皆四散有一沙門方云乞齋餘食太  
興戲之曰齋食既盡猶言不飽及辭出酒肉俱在追之  
無所見太興遂佛前乞願向師當非俗人若此病得差

即捨王爵入道未幾愈遂請為僧表十餘上乃許時孝  
文南討在軍詔皇太子於四月八日為之下髮施帛二  
千匹既為沙門名僧懿居嵩山太和二十二年薨傳爵  
至孫悰悰字魏慶孝靜時累遷太尉錄尚書事司州牧  
青州刺史薨於州贈假黃鉞太傅司徒公諡曰文悰寬  
和有度量美容貌風望儼然得喪不見於色性清儉不  
營產業身死日家無餘財悰叔仲景性嚴峭孝莊時兼  
御史中尉京師肅然每向臺恒駕赤牛時號赤牛中尉

欽定四庫全書

南北史合注  
卷一百四

太昌初為河南尹奉法無私時吏部尚書樊子鳩部下  
縱橫又為盜竊仲景密加收捕悉獲之咸即行決豪貴  
寒心孝武將入關授仲景中軍大都督留京師齊神武  
欲至洛陽仲景遂棄妻子追駕至長安仍除尚書右僕  
射封順陽王仲景既失妻子乃娶故爾朱天光妻也列  
氏本倡女有美色仲景甚嬖之經數年前妻叔表統氏  
自洛陽間行至也列徙居異宅久之表事露詔仲景殺  
之仲景寵情愈至謬殺一婢蒙其屍厚葬以代徙也列



密處人莫知其詐仲景三子濟鍾奉叔表純氏生也皆以宗室早歷清官仲景以也列尚在恐妻子漏之乃謀殺表純純先覺復欲陰害也列也列謂從奴曰若表純殺我必投我廁中我告丞相莫或不死若不理首愆猶埋我好地爾為我告之奴遂告周文周文依奏詔答仲景一百免右僕射以王歸第也列以自告逐之仲景猶私不已又有告者詔重答一百付宗正官爵盡除仲景仍通馬後周文以其歷任有令名且杖策追駕乃奏復

欽定四庫全書

南北史合注 卷一百四

六

官爵於是也列表純同居大統五年除幽州刺史仲景多內亂後就州賜死仲景弟暹字叔照孝莊初除南兖州刺史在州猛暴多殺害元顥入洛暹據州不屈帝還宮封汝陽王累遷秦州刺史先秦州城人屢為反復暹盡誅之存者十二普泰元年除涼州刺史貪暴無極欲規府人及商胡富人財物詐一臺符誣諸豪等云欲加賞一時屠戮其資產生口悉自入孝靜時位侍中錄尚書子冲襲無子國絕太興弟暹字太原有器望以左衛

將軍從孝文南征賜爵饒陽男宣武初遭所生母憂表請解任詔以餘尊所厭不許孝明初累遷左光祿大夫仍領護軍遷冀州刺史沙門法慶為妖幻說勃海人李歸伯歸伯合家從之招鄉人推法慶為主法慶以歸伯為十住菩薩平魔軍師定漢王自號大乘殺一人為一住菩薩殺十人為十住菩薩又合狂藥令人服之父子兄弟不相知識唯殺害為事刺史蕭寶夤兼長史崔伯驎討之敗於煮棗城伯驎戰沒山眾遂成所在屠滅寺舍

欽定四庫全書

南北史合注 卷一百四

七

斬戮僧尼焚燒經像云新佛出世除去眾魔詔以暹為使持節都督北征諸軍事討破之禽法慶并其妻尼惠暉等斬之傳首京師後擒歸伯戮於都市初暹大功臣弟皆景穆孫至孝明而本服絕故除暹等屬籍暹表曰竊聞聖人南面聽天下其不可得變革者親也尊也四世而總服窮五世而袒免六世而親屬竭矣去茲以往猶繫以姓而弗別綴以食而弗殊又律云議親者非唯當世之屬親歷謂先帝之五世謹尋斯旨將以廣帝宗



重磐石先皇所以變茲事條為此別制者太和之季方有意吳蜀經始之費方深刻減之議暫出且臨淮王提分屬籍之始孝文皇帝賜帛三千匹所以重分離樂良王長命亦賜練二千匹所以存慈眷此皆懇懇克念不得已而然也古人言百足之蟲至死不僵以輔已者衆臣誠不欲妄親太階苟求潤屋但傷大宗一分則天子屬籍不過十數人漢諸王子不限多少皆列土而封謂之曰侯至於魏晉莫不廣胙河山稱之曰公蓋惡大宗

欽定四庫全書

南北史合注  
卷一百四

不固骨肉之恩疎耳臣去皇上雖五世於先帝便是天子之孫孝文深見及此所以國秩祿賦復給衣后族唯給其賦不與衣食者欲以別內外限異同也今諸廟之感未忘行道之悲已及其諸封者身亡之日三年服終然後改奪今朝廷猶在過密便議此事實用未安詔付尚書博議尚書令任城王澄尚書左僕射元暉奏同遙表靈太后不從卒諡宣公遙弟恒字景安粗涉書史恒以春秋之義為名不以山川表求改名是歷位太常卿

中書監侍中後遇害河陰贈太傅司徒公諡宣穆公濟陰王小新成和平二年封頗有武畧庫莫奚侵擾詔新成討之新成乃多為毒酒賊逼便棄營去賊至競飲遂簡輕騎因醉縱擊俘馘甚多後位外都大官亮贈大將軍諡曰惠子爵字伏生襲位開府為徐州刺史以黠貨賜死國除長子弼字苞明剛正有文學位中散大夫以世嫡應襲爵為季父尚書僕射麗因于氏親寵奪弼爵橫授同母兄子誕於是弼絕棄人事託疾還私第宣

欽定四庫全書

南北史合注  
卷一百四

武徵為侍中弼上表固讓入嵩山以穴為室布衣蔬食卒建義元年子暉業訴復王爵永安三年追贈尚書令司徒公諡文獻初弼嘗夢人謂曰君身不得傳世封紹先爵者君長子紹遠也弼覺即語暉業終如其言暉業少險薄多與寇盜交通長乃變節涉子史頗屬文慷慨有志節歷司空太尉加特進領中書監錄尚書事齊文襄嘗問之曰比何所披覽對曰數尋伊霍之傳不讀曹馬之書暉業以時運漸謝不復圖全唯事飲啗一日三



羊三日一犢又嘗賦詩云昔居王道泰濟濟富羣英今  
逢世路阻狐兔鬱縱橫齊初降封美陽縣公開府儀同  
三司特進暉業在晉陽無所交通居嘗閑暇乃撰魏蕃  
王家世號辨宗錄四十卷行於世既位望隆重又性氣  
不倫每被猜忌天保二年從駕至晉陽於宮門外罵元  
詔曰爾不及一老嫗背負鹽與人何不擊碎之我出此  
言知即死爾亦詎得幾時文宣聞而殺之并斬臨淮公  
孝友孝友臨刑驚惶暉業神色自若仍鑿冰沉其屍暉

欽定四庫全書

南北史合注  
卷一百四

十

業弟昭業頗有學問位諫議大夫孝莊將幸洛南昭業  
立閭闔門外叩馬諫帝避之而過後勞勉之位給事黃  
門侍郎衛將軍右光祿大夫卒諡文侯爵弟偃位太中  
大夫子誕字曇首初誕伯父爵以貪汙賜死爵除詔以  
誕為偃正妃子立為嫡孫特聽紹封累遷齊州刺史在  
州貪暴大為民患牛馬騾驢無不逼奪家之奴隸悉迫  
取良人為婦有沙門為誕採藥還見誕問外消息對曰  
唯聞王貪願王早代誕曰齊州七萬家吾至來一家未

得三十錢何得言貪後為御史中尉元纂所糾會赦免  
亮諡曰靜子撫字伯懿襲孝莊初為從兄暉業訴奪王  
爵偃弟麗字寶掌位兼宗正卿右衛將軍遷光祿勳宗  
正右衛如故時秦州屠各王法智推州主簿呂苟兒為  
主號建明元年置立百官攻逼州郡涇州人陳瞻亦聚  
眾自稱王號聖明元年以麗為使持節都督與楊椿討  
之苟兒率眾十餘萬屯孤山列據諸險圍逼州城麗出  
擊大破之便進軍永洛賊徒逆戰麗夜擊走之行秦州

欽定四庫全書

南北史合注  
卷一百四

十一

事李韶破苟兒於孤山乘勝追掩獲其父母妻子諸城  
之圍悉奔散苟兒率其王公三十餘人詣麗請罪麗因  
平賊之勢枉掠良善七百餘人宣武嘉其功詔有司不  
聽追檢拜雍州刺史為政嚴酷吏民患之妻崔氏誕一  
男麗遂出州獄囚應死及徒流案未申臺者一時放免  
遷冀州刺史入為尚書左僕射帝問曰聞公在州濫殺  
無理且又大殺道人對曰臣在冀州可殺道人二百許  
人亦復何多帝曰一物不得其所若納諸隍况殺道人



二百而言不多麗脫冠謝賜坐卒諡曰威子顯和另見汝陰王天賜和平三年封後為內都大官孝文初殿中尚書胡莫寒簡西部敕勒豪富兼丁者為殿中武士大納財貨衆怒殺莫寒及高平假鎮將奚陵諸部敕勒悉叛詔天賜與給事中羅雲討之敕勒前鋒詐降雲信之副將元伏曰敕勒色動恐有變今不設備將為所圖雲不從敕勒襲殺雲天賜僅得自全累遷懷朔鎮大將坐貪殘怒死削官爵卒孝文哭於思政觀贈本爵葬以王

欽定四庫全書

南北史合注  
卷一百四

十一

禮諡曰靈孫慶和東豫州刺史為梁將所攻舉城降梁武以為北道總督魏王至項城朝廷出師討之望風退走梁武責之曰言同百舌膽若鼷鼠遂徙合浦逞弟汎字普安自元士稍遷營州刺史性貪殘民不堪命相率逐之汎走平州後除光祿大夫宗正卿封東燕縣男於河陰遇害汎弟脩義字壽安頗有文才自元士稍遷濟州刺史脩義以齊州頻喪刺史累表固辭詔不許聽隨便立解字脩義乃移東城為政寬和

魏書云在州四歲不殺一人百姓追思之

遷秦州刺史孝明初表陳庶人禧愉等請省前愆賜葬陵域靈太后詔曰收葬之恩事由上旨藩岳何得越職干陳在州多受納累遷吏部尚書及在銓衡唯事貨賄授官大小皆有定價時中散大夫高居奉旨先叙上黨郡缺居遂求之脩義私已許人抑不與居大言不遜脩義命左右牽曳之居對大衆呼天唱賊或曰白日公庭安得有賊居指脩義曰此生上者違天子詔物多者得

欽定四庫全書

南北史合注  
卷一百四

十一

官京師白刼此非大賊乎脩義失色居且行且罵而出後欲邀車駕論脩義罪狀左僕射蕭寶夤喻之乃止二秦反假脩義兼尚書右僕射西道行臺行秦州事為諸軍節度脩義性好酒每飲連日遂遇風病神明昏喪雖至長安竟無部分元志敗沒賊東至黑水更遣蕭寶夤討之以脩義為雍州刺史卒於州贈司空諡曰文子均位給事黃門侍郎後入西魏封安昌王位開府儀同三司亮贈司空諡曰平子則字孝規襲爵位義州刺史仕



周為冢宰江陵總管子文都別見則弟矩字孝矩西魏時襲祖爵始平縣公刺史南豐州時見周文專政將危元氏陰謂昆季曰宇文之心路人所見顛而不扶焉用宗子為兄則所過乃止後周文為兄子晉公護娶其妹情好甚密

隋書曰閔帝受禪護總百揆孝矩寵益隆

及護誅坐徙蜀後拜司憲大夫隋文帝重其門地娶其女為世子勇妃及為丞相拜少冢宰位柱國賜爵洵陽

欽定四庫全書

南北史合注 卷一百四

十四

郡公代勇鎮洛陽及勇為皇太子立其女為太子妃親禮彌厚拜壽州總管

隋書載文帝賜璽書曰楊越氛祲侵軼邊鄙爭桑興役不識大猷以公志存遠畧令鎮邊服懷柔以禮稱

朕意焉

時陳將任蠻奴等屢寇江北復以孝矩領行軍總管屯兵江上後以老乞骸轉涇州刺史卒官諡曰簡子無竭嗣矩次弟雅字孝方有文武幹用開皇中歷左領左右

將軍集沁二州刺史封順陽郡公雅弟襄字孝整少有成人量年十歲孤為諸兄愛養善事諸兄諸兄議欲別居襄泣諫不從家素富多金寶襄一無所受而出仕周位開府北平縣公趙州刺史從帝常孝寬平尉遲迥以功拜柱國進封河南郡公隋開皇中拜原州總管有商人為賊劫疑同宿者執之襄察其色寃辭正遂捨之商人詣闕訟襄受金縱賊隋文帝遣窮之使者薄責襄何故利金捨盜襄引咎無異辭使者與襄俱詣京坐免官已

欽定四庫全書

南北史合注 卷一百四

十五

盜發他所帝謂曰何自誣襄曰臣受委一州不能息盜臣罪一百姓為人所謗不付法司懸即放免臣罪二無顧形迹為物所疑臣罪三臣有三罪何所逃責若不言受賂使者將別有窮究縲絏及良善重臣之罪是以自誣帝歎為長者煬帝即位拜齊郡太守及遼東之役郡官督事者前後相屬有西曹掾當行詐疾襄杖之掾大言曰我將詣行在所欲有所告襄大怒杖百餘數日死坐免官卒於家



樂良王萬壽和平三年封拜征東大將軍鎮和龍性貪  
暴徵還道憂薨諡曰厲三傳至忠明帝時位太常少卿  
孝武汎舟天泉池命宗室諸王陪宴忠性好衣服遂著  
紅羅襦繡作領碧紬袴錦為緣帝謂曰朝廷衣冠應有  
常式何為著百戲衣忠曰臣以來所愛情存綺羅歌衣  
俛服是臣所願帝曰人之無良乃至此乎

廣平王洛侯和平二年封薨諡曰殤無子後以陽平幽  
王第五子匡後之匡字建扶性耿介有氣節孝文器之

欽定四庫全書

南北史合注  
卷一百四

夫

謂曰叔父必能儀刑社稷匡輔朕躬今可改名匡成克  
終之美宣武即位累遷給事黃門侍郎茹皓始有寵百  
僚微憚之帝曾于山陵還詔匡陪乘又命皓登車皓蹇  
裳將上匡諫帝推之令下皓恨匡失色當時壯其忠蹇  
宣武親政除肆州刺史匡既忤皓懼為所害廉慎自脩  
甚有聲績遷恒州刺史微為太宗正卿河南邑中正匡  
奏親王及始藩三藩王妻悉有妃號而三藩以下皆謂  
之妻上不得同妃名而下五品以上有命婦號竊以為

疑詔曰夫貴於朝妻榮於室婦女無定升從其夫三藩  
既啓王封妃名亦宜同等妻者齊也理與已齊可從妃  
例自是三藩王妻名號始定後除度支尚書匡表引樂  
陵章武例求紹洛侯封詔付尚書議尚書奏聽襲封以  
明興絕之義時宣武委政高肇宗室傾憚唯匡與肇抗  
衡先造棺置聽事欲與棺詣闕論肇罪惡自殺切諫肇  
聞而惡之後與太常卿劉芳議爭權量遂與肇聲色御  
史中尉王顯奏匡曰白金行失御禮壞樂崩孝文皇帝

欽定四庫全書

南北史合注  
卷一百四

主

克復舊典命故中書監高閭廣旌儒林推尋樂府以黍  
莖寸將均周漢舊章屬雲構中遷尚未云就孝文睿思  
玄深參考經記以一黍之大用成分體準之為尺宣布  
施行暨正始中故太樂令公孫崇立意以黍十二為寸  
別造尺度定律利鍾皆向成訖表求觀試時敕太常卿  
臣芳集朝英議其得否芳疑崇尺度與先朝不同察其  
作者與經史復異推造鮮據非所宜行時尚書令臣肇  
清河王懌等以崇造率謬與周禮不同遂奏臣芳依周



禮更造成訖量校從其善者而芳以先朝尺度事合古  
典乃依前詔書以忝列寸並呈朝廷用裁金石于時議  
者多云芳是唯黃門侍郎臣孫惠蔚與崇扶同二說參  
差頻經考議而尚書令臣肇以芳造於崇物故後而惠  
蔚亦造一尺以比崇尺自相乖背量省二三謂芳為得  
而尚書臣匡表云劉孫二尺長短相傾稽考兩律所容  
殊異言取中忝校彼二家云並參差抑中無所自立一  
途請求議判當時議者或是於匡兩途舛駁未即時定

欽定四庫全書

南北史合注  
卷一百四

六

肇又云權斛斗尺班行已久今者所論豈踰先旨宜仰  
依先朝故尺為定自爾以後匡與肇厲言都坐高下失  
其常倫噉競無復彛序匡更表列據已十是云芳十非  
又云肇前被敕旨共芳營督規立鐘石之名希播制作  
之譽乃憑樞衡之尊藉舅氏之勢與奪任心臧否自己  
阿黨劉芳逼絕臣事望勢雷同者接以恩言依經案古  
者即被怒責雖未指鹿為馬移天徙日實使蘊藉之士  
聳氣坐端懷道之夫結舌筵次又言芳昔與崇競恒言

自作今共臣論忽稱先朝豈不前謂可行輒欲自取後  
知錯謬便推先朝殊非大臣之體深失為下之義復考  
校勢臣之前量度頗偏之手臣必別足內朝抱璞人外  
器言肆意彰於朝野然匡職當出納獻替所在斗尺權  
度正是所司若已有所見能練臧否宜應首唱義端早  
辨諸惑何故嘿心隨從不關一言見芳成事方出此語  
計芳才學與匡殊懸所見淺深不應相匹今乃始發恐  
借智於人規成虛譽况匡表云所據銅權形如古誌明

欽定四庫全書

南北史合注  
卷一百四

七

是漢作非莽別造及案權銘云黃帝始祖德播於虞虞  
帝始祖德布於新若莽佐漢時事寧銘偽新之號哉又  
尋莽傳云莽居攝即變漢制度考較二證非漢權明矣  
復云芳之所造又短先朝之尺臣既比之權然相合更  
云芳尺與千金堰不同臣復量比因見其異二三浮濫  
難可據準又云共構虛端妄為疑似託以先朝云非已  
制臣案此欺詐在匡不在芳何以言之芳先被勅專造  
鐘律管籥優劣是其所裁權斛尺度本非其事比前門



下索芳尺度而芳牒報云依先朝所班新尺復應下黍更不增損為造鍾律調正分寸而已檢匡造時在牒後一歲芳於爾日匡未共爭已有此牒豈為詐也計崇造寸積黍十二羣情共知而芳造寸唯止十黍亦俱見先朝詔書以黍成寸首尾歷然寧有輒欲自取之理肇任居端右百寮是望若恃權阿黨詐託先詔將指鹿為馬徙日移天即魏之趙高何以宰物肇若無此匡誣毀宰相阻惑朝聽不敬至甚請以肇匡並禁尚書推窮其原

欽定四庫全書

南北史合注  
卷一百四

五

付廷尉定罪詔曰可有司奏匡誣肇處匡死刑宣武起死降為光祿大夫又兼宗正卿出為兗州刺史匡臨發帝引見東堂勞勉之匡猶以尺度金石國之大經前雖為南臺所彈然猶許更議議日願聽臣暫赴帝曰劉芳學高一時深明典故其所據者與先朝尺乃寸過一黍何得復云先朝之意兗州既所執不經後議何必赴都孝明初入為御史中尉匡嚴於彈糾始奏于忠次彈高聰等免官靈太后並不許以違其糾惡之心又慮匡辭

解進號安南將軍後加鎮東匡屢請更權衡不已詔曰謹權審度自昔令典定章革歷往代良規匡留心既久可更集儒貴以時驗決必務權衡得衷寸籥不舛又詔曰故廣平殤王洛侯茂年薨殞不祀忽諸匡親同若子宜繼維城封東平郡王匡所制尺度訖請集朝士議是非詔付門下尚書三府九列議之太師高陽王雍等議以晉中書監荀勗所造尺與孝文帝所定毫釐畧同侍中崔光得古象尺時亦準令施用孝文獻明下燭不

欽定四庫全書

南北史合注  
卷一百四

五

刊之式事難變改臣等參論請停匡議永遵先皇之制詔從之匡每有奏請尚書令任城王澄時致執奪匡剛隘不平先所造柅猶在僧寺乃復脩事將與澄攻澄頗知之後將赴省與匡逢過關卒相撾朝野駭愕澄因奏匡罪狀三十餘條廷尉處以死刑詔付八議特加原宥削爵除官三公郎中辛雄奏理之後為關右都督兼尚書行臺遇疾還京孝昌初卒謚文貞後追復本爵改封濟南王第四子獻襲堯



欽定四庫全書

南北史合注卷一百五

明 李清 撰

列傳第七

北史十九

景穆十二王下

任城王雲和平五年封少聰慧年五歲景穆崩號哭不絕聲太武抱之泣曰汝何知而有成人意也獻文時拜都督中外諸軍事中都大官聽訟甚收時譽以獻文欲

欽定四庫全書

南北史合注 卷一百五

禪京兆王子推王公卿士莫敢先言雲進曰父子相傳久矣皇魏未之有革

魏書曰顯祖欲禪子推雲進曰陛下方臨四海豈得上違宗廟下棄兆民若必欲割損塵務順神清曠皇儲元統宜紹寶厯朕欲捨備輒改神器上乖七廟之靈下長姦亂之道太尉源賀又進曰陛下若禪皇叔臣恐春秋蒸嘗昭穆有亂萬世後必有逆餐之譏願思任城言此北史加詳今錄之

欽定四庫全書

南北史合注 卷一百四

五

南北史合注卷一百四



太尉源賀又進以為不可願思任城言東陽公元丕等  
進曰皇太子雖聖德夙彰然實冲幼陛下欲隆獨善若  
宗廟何帝曰儲宮正統羣公相之有何不可於是傳位  
柔然犯塞雲為中軍大都督從獻文討之過大磧雲曰  
春秋之馬初不見虎頭楯若此楯在前破之必矣帝從  
之命敕勒首領執手勞遣之於是相率而歌方駕而前  
大破之獲其兇首後仇池氏反又命云討平之除開府  
除州刺史雲以太妃蓋氏薨表求解任獻文不許雲悲

欽定四庫全書

南北史合注  
卷一百五

二

號動疾乃許之性善撫接深得徐方心為民追德送遺  
錢貨一無所受再遷冀州刺史甚得下情於是合州請  
戶輸絹五尺粟五升以報雲恩孝文嘉之詔宣告天下  
使知勸勵遷長安鎮都大將雍州刺史雲廉謹自脩留  
心庶獄控却豪強劫盜止息州人頌之者千餘人太和  
五年薨於州遺令薄葬勿受贈祕諸子遵其旨謚曰康  
陪葬雲中金陵長子澄字道鏡少好學美鬚髮善舉止  
言詞清辨響若懸鐘康王薨居喪以孝聞襲封加征北

大將軍以氏叛除征南大將軍梁州刺史文明太后  
引誠厲之顧謂中書令李冲曰此兒風神吐發當為宗  
室領袖是行當不辱命澄至州誘導懷附西南款順  
魏書曰梁州氏帥楊仲顯婆羅楊卜兄弟及苻叱盤  
等自以居邊地險世為山狡澄至州量彼風俗誘導  
懷附表送婆羅仲顯三人及其餘首帥各隨才用之  
款附者賞違命者誅仇池帖然

欽定四庫全書

南北史合注  
卷一百五

三

刺史甚著聲績朝京師引見皇信堂孝文詔澄曰昔鄭  
子產鑄刑書晉叔向非之此二人皆賢士得失竟誰對  
曰鄭國寡弱攝於強隣民情去就非刑莫制故鑄刑書  
亦威雖乖古式合今權道

魏書曰叔向譏議示不忘古可與論道未可語權  
帝方革變深善其對笑曰任城當為魏子產也朕方創  
改朝制當與任城共萬世功後徵為中書令改授尚書  
令齊庾華來聘見澄音韻道雅風儀秀逸謂主客郎張



曩曰往魏任城以武著稱今魏任城乃以文見美時詔  
 延四廟之子下逮方孫之胃申宗宴於皇信堂不以爵  
 秩為列悉序昭穆為次用家人禮帝曰行禮已畢欲令  
 宗室各言其志可率賦詩特命澄為七言連韻與孝文  
 往復遂至極歡夜乃罷後帝外示南討意在謀遷齊於  
 明堂左介詔太常卿王懋親令龜卜易筮南伐之事兆  
 遇革孝文曰此湯武革命順人之卦澄進曰易言革者  
 更也將欲革君臣之命湯武得之為吉陛下帝有天下  
 欽定四庫全書 南北史合注 卷一百五  
 今日卜征不得云革命未為全吉也帝厲聲曰此云大  
 人虎變何言不吉  
 魏書載澄對曰陛下龍興既久豈可方同虎變帝勃  
 然曰社稷我之社稷任城欲阻眾耶澄曰社稷誠陛  
 下社稷然臣社稷之臣敢盡愚衷  
 車駕還宮便召澄未及升階遥謂曰向者之革今欲論  
 之明堂之念懼眾人競言沮我大計故厲色怖文武耳  
 乃獨謂澄曰國家興自此土徙居平城此間用武之地

非可與文峭函帝宅河洛王里因茲大舉光宅中原任  
 城以何如澄深贊成其計  
 資治通鑑載澄對曰陛下卜宅中土經畧四海此周  
 漢所以興隆也帝曰北人習常變故驚擾奈何澄曰  
 非常之事非常人所及陛下斷自聖懷彼何能為與  
 魏書意同以立言簡快故用之  
 帝曰任城我子房也加撫軍大將軍太子少保又兼尚  
 書左僕射及車駕幸洛定遷都策詔澄馳驛向北問彼  
 欽定四庫全書 南北史合注 卷一百五  
 百司論擇可否曰近日論革今真革也澄至代都眾聞  
 遷詔莫不驚駭澄援引今古徐曉之眾乃開伏遂南馳  
 還報會車駕於滑臺帝大悅曰若非任城朕事不就後  
 幸鄴除吏部尚書及車駕自代北巡留澄銜簡舊臣初  
 魏自公侯以下動有萬數冗散無事澄品為三等量其  
 優劣盡其能否咸無怨者駕還洛京復兼右僕射帝至  
 北邙遂幸洪池命澄侍升龍舟帝曰朕昨夜夢一老公  
 迎拜立路左云晉侍中嵇紹神爽早懼似有求焉澄曰



陛下經殷墟而弔比干至洛陽而遺絺紹當是希思感  
夢帝曰朕既有此夢或如任城言於是求其兆域遣使  
弔祭齊明帝廢裁自立其雍州刺史曹虎請以襄陽內  
附車駕將赴之引澄及咸陽王禧彭城王勰司徒馮誕  
司空穆亮鎮南李冲等議之或云宜行或言宜止帝曰  
衆人意見不等宜有客主共相起發任城與鎮南議留  
朕主行諸公坐聽言長者從之於是帝往復數交

魏書載高祖曰二賢試言留計冲曰臣等正以遷御

欽定四庫全書

南北史合注  
卷一百五

六

草創內應未審不宜輕發高祖曰如其是虛且可遊  
巡淮楚問民之廣使彼知君德所在脫是實也而停  
不撫接恐稽阻歎毀朕大畧澄曰彼若實應有表質  
使不再來其詐可知今代遷之衆人懷戀本細累相  
攜始就洛邑居無一椽之室家無儋石之糧而使怨  
苦即戎恐非歌舞之師自區宇方構又東作方興正  
子來百堵農夫肆力之秋宜寬彼遭誅患此民庶今  
無故勞涉空為往返恐損天威更成賊膽時司空穆

亮以為宜行公卿皆同之澄謂亮曰公在外時見旌  
旗既張便有憂色每不願此行何對聖顏更為斯語  
面背不同事涉欺佞或有傾側當由公輩佞臣李冲  
曰任城王可謂忠於社稷

資治通鑑載帝言曰任城以從朕者為佞不從朕者  
豈必皆忠小忠者大忠之賊無乃似諸澄曰臣愚雖  
涉小忠要是竭誠謀國不知大忠者竟何所據

駕遂南征不從澄及冲等言後從征至懸瓠以疾篤還

欽定四庫全書

南北史合注  
卷一百五

七

京車駕還洛引見王公侍臣於清徽堂帝曰此堂成來  
未與王公行宴樂禮今與諸賢欲無高不升無小不入  
因之流化渠帝曰此曲水者取乾道曲成萬物無滯次  
之洗頰池帝曰此池亦有嘉魚澄曰所謂魚在在藻有  
頌其首帝曰且取王在靈沼於物魚躍次之觀德殿帝  
曰射以觀德故命之次之凝閣堂帝曰此堂取夫子閑  
居義不可縱奢忘儉自安忘危故此堂德作茅茨堂謂  
李冲曰此東曰步元廡西曰遊虬廡此座雖無唐堯之



君卿等當無愧元凱冲對曰臣既遭唐堯之君敢辭元凱之譽帝曰光景垂落朕同宗有載考之義卿等將出何得默爾德音即命黃門侍郎崔光郭祚通直郎邢巒崔休等賦詩言志燭至公卿辭退李冲再拜上千萬歲壽帝曰卿等以燭至致辭復獻萬壽朕報卿以南山之詩乃曰燭辭退庶姓之禮在夜載考宗族之義卿等且還朕與諸王宗室欲成此夜飲後坐公事免官尋兼吏部尚書恒州刺史穆泰在州謀反

欽定四庫全書

南北史合注 卷一百五

八

魏書曰泰迎陽平王頌為主頌表其狀考文召澄語曰泰謀為不軌遷京甫爾南北紛擾朕洛陽不立也此事非任城不辨如其弱也直往擒剪若其勢強可發并肆共殄之資治通鑑載澄對曰泰等愚惑正繇德舊非有深謀遠慮臣雖驚怯足以制之願陛下勿憂帝笑曰任城肯行朕復何憂授澄節銅虎竹使符御仗左右仍行恒州事行達鴈門

魏書曰太守夜告泰已握衆西就陽平城下聚結惟見弓仗澄聞便速進時右丞孟斌請依款召并肆兵澄曰泰不據堅城更迎陽平似當勢弱無故發兵非宜也但速往鎮之遂倍道兼行出其不意

遣治書侍御史李煥先赴至即擒泰窮其黨與罪人皆得鉅鹿公陸叡安樂侯元隆等百餘人並獄禁具狀表聞帝覽表大悅曰任城可謂社稷臣雖臯陶斷獄豈能過之顧成陽王等曰汝等脫當其處不能辨也車駕尋

欽定四庫全書

南北史合注 卷一百五

九

幸平城勞澄引見逆徒無一人稱枉帝謂左右曰必也無訟今日見之以澄正尚書車駕南伐留澄居守復兼右僕射表請以國秩一歲租帛助供軍資詔受其半帝復幸鄴詔公卿曰朕昨入城見車上婦人冠帽着小襦襖者尚書何為不察澄曰着者猶少帝曰任城欲令全着手一言可以喪邦其斯之謂可命史官書之又曰王者不降佐於蒼昊拔才而用之朕失於舉人任一羣婦人輩更當銓簡且任城在省為舉天下網維為當署事而已



澄曰臣實署事帝曰如此便一令史足矣何待任城尋除尚書左僕射從駕南禦

魏書載孝文不豫召澄入見詔之曰顯達侵亂朕不親行莫攘此賊朕疾患淹年氣力微敝如有非常委任城大事此行必須從朕澄涕泣奉詔曰臣謹竭股肱之力畢力上報

孝文崩受顧命宣武初有降人嚴叔懋告尚書令王肅謀叛遣孔思達潛通於齊澄信之乃表肅將叛輒禁止

欽定四庫全書

南北史合注  
卷一百五

十

咸陽北海二王奏澄擅禁宰輔免官還第尋除開府揚州刺史下車封孫叔敖墓毀蔣子文廟又表請脩復皇宗之學開四門之教

冊府元龜載表曰臣忝訓先朝每當侍坐先帝未嘗不書典在懷禮經為事自鳳舉中京方隆禮教宗室之範每蒙委及四門之選負荷詮量自先帝升遐未蒙脩述每惟其事竊所傷懷何當太平聖明之日而使子衿嘆興宗人訓闕宜教有司復皇宗之學闢四

門之教使墜落之族日就月將詔從之

魏書載澄刺史揚州時蕭衍將張翼之寇陷夸陵戍澄遣將討破之復夸陵又攻破陰山白橐二戍連斬其將乃表曰蕭衍頻斷東閩欲令巢湖汎溢以灌淮南吳楚便水且灌且掠淮南將非國有壽陽去江五百餘里衆庶惶惶並懼水害脫乘民之願攻敵之虛豫勒諸州募集士馬首秋大集應機經畧縱混一不

欽定四庫全書

南北史合注  
卷一百五

十一

可必江南且無虞若猶豫不赴平原民戍定為魚矣乃詔發冀定瀛相并濟六州二萬人畢會淮南并壽陽先兵三萬委澄經畧

先是朝議有南伐計以蕭寶夤為東揚州刺史據東城陳伯之為江州刺史戍陽石以澄摠督二鎮授之節度冊府元龜曰時代梁獲其將軍張惠紹梁有移求換澄表請不許詔乃聽後果復寇邊

澄於是遣統軍傅監眼王神念等進次大岷東闢九山



淮陵皆分部諸將倍道據之澄摠勒大衆絡繹相接所  
在克捷詔書褒美

冊府元龜載詔曰王文德內昭武功外著奮揚大略  
將蕩勾吳長旌始舒師徒懾氣熊旅方馳東闕席捲  
江湖弭波想在旦夕耳 魏書載澄攻鍾離詔鍾離  
若食盡三月前可克如至四月淮水汎長舟行無礙  
宜善量之為萬全計不宜昧利以貽後悔

欽定四庫全書

南北史合注  
卷一百五

十三

餘人澄頻表解州帝不許有司奏奪其開府又降三階  
轉鎮北大將軍定州刺史初民間每有橫調恒煩苦之  
前後牧守未能蠲除澄多所省減又明黜陟賞罰之法  
表減公園地以給業貧民布絹不任衣者禁不聽造  
百姓欣賴母孟太妃薨居喪過毀服闋除太子太保時  
高肇當朝猜忌賢咸澄為肇間搆常恐不全乃終日昏  
飲以示荒敗所作詭越時謂為狂宣武夜崩時事倉卒  
高肇擁兵於外孝明沖幼朝野不安澄雖疎斥而朝望

所屬領軍于忠侍中崔光等奏澄為尚書令澄表上皇  
詰宗制并訓詁各一卷欲靈太后覽之以思勸誡又奏  
利國濟民十條一曰律度量衡公私不同所宜一之二  
曰宜興學校明黜陟法三曰宜興滅繼絕各舉所知四  
曰五調外一不煩人任民之力不過三日五曰臨民之  
官皆須黜陟以明賞罰六曰逃亡代輸去來年久者若  
非伎作任聽即住七曰邊兵逃走或實陷沒皆須精檢  
三長及近親若實隱之徵其代輸不隱勿論八曰工商

欽定四庫全書

南北史合注  
卷一百五

十四

世業之戶復徵租調無以堪濟請免之使專其業九曰  
三長禁姦不得越隔相領戶不滿者隨近并合人曰羽  
林虎賁邊方有事暫可赴戰常戍宜遣番兵代之太后  
下其奏百寮議有同石時四中郎將兵數寡弱不足襟  
帶京師澄奏宜以東中帶滎陽郡南中帶魯陽郡西中  
帶恒農郡北中帶河內郡選二品三品親賢兼稱者居  
之省非急之作配以強兵如此則深根固本強幹弱枝  
之義太后將從之後議者不同乃止



魏書載澄又重奏曰臣聞固本宜強防微在豫今南蠻仍擾北妖頻結脫累勃忽起四府羸卒何以防擬平康之世可以寄安遺之久長恐非善策如即將領兵兼摠民職省官實祿於是手在求還依前增兵益號將位既重則念報亦深軍郡相依則表裏俱濟卒不納

尋以疾患表求解任不許澄以北邊鎮將選舉彌輕恐賊鹵闖邊山陵危迫奏求重鎮將之選脩警備之嚴不

欽定四庫全書

南北史合注  
卷一百五

古

從後賊鹵入寇至於舊都鎮將都非其人所在叛亂犯逼山陵如澄所慮澄奏都城府寺猶未周悉今軍旅初寧無宜發衆請取諸職人及司州郡縣犯十杖以上百鞭以下收贖之物絹一匹輸博二百以漸脩造從之

冊府元龜曰京師諸州鎮或止用古錢不行新鑄致商貨不通澄上言太和古錢雖利於京師之肆而不入徐揚之市其貨既殊貨鬻亦異便於荆郢之邦者則礙於充豫之域致使貧民困而王道隔去永平三

年都座奏斷天下用錢不依準式者詔令權行年末

斷之謹尋不行之錢律有明式指謂鵝眼環鑿更無餘禁又何北州鎮既無新造之錢故舊錢復禁斷專以單絲之縑踈縵之布促幅狹度裂疋為尺以濟有無徒成杼袖之勞不免饑寒之苦謹惟自古以來錢為不一然其為名欲泉流不已臣謂今之太和與新鑄五銖及諸古錢方俗所使用者雖有大小皆得通行貴賤之差自依鄉價庶環海內外公私無壅又言

欽定四庫全書

南北史合注  
卷一百五

十五

錢之為用貫鏹相屬不假斗斛不勞秤尺深為濟世之宜請並下諸州如前奏行之鵝眼環鑿依律而禁若盜鑄錢罪重常禁其符旨一宣仍不遵用敕史守令一體治罪從之而河北諸州舊少錢貨猶以他物更易卒不行錢也

太傅清河王懌表駁其事寢不行澄又奏司州牧高陽王臣雍棊殺奉朝請韓元昭前門下錄事姚敬賢雖因公事理實未盡何者若昭等罪狀已定應刑都市如疑



似不分情理未究不宜以三清九流之官杖下便死輕絕人命傷理敗法往年任州於大市鞭教五人及檢賊狀全無尺寸今復酷害至此朝野云云咸懷驚愕若生殺在下虐專於臣人君之權安所復用請以見事付廷尉推究却狀從之澄當官無所回避又奏聖田授受之制八條甚有綱貫西域厥達波斯諸國各因公使遺澄駁馬一匹澄請付太僕以充國閑詔曰王康貞之德有過楚相可教付庶以成君子大哉之美御史中尉東平

欽定四庫全書

南北史合注 卷一百五

六

王匡奏請景明元年以來內外考簿吏部除書中兵勳案并諸殿最欲以案杖竊階盜官之人太后許之

魏書載澄表前段云臣聞老聃曰法令滋章盜賊多有欲求治本莫若省事清心昔漢文斷獄四百幾至刑措省事所致也蕭曹為相載基清淨畫一之歌清心之本也今欲求之於本宜以省事為先豈宜擾世教以深文烹小鮮以煩手哉隔世之事方相窮核以臣愚見謂為不可

澄表御史之體風聞是司至於冒勳妄階皆有處別若一處有風謠即應攝其一簿研檢虛實果差殊不同偽情自露然後繩以典刑人誰不服豈有移一省之事窮隔世之尤如此求過誰堪其罪斯實聖朝所宜重慎也太后納之後還司徒公侍中尚書令如故神龜元年詔加女侍中貂蟬同外侍中之飾澄表諫曰孝文宣武皆有女侍中官未見綴金蟬於象珥極麗貂於鬢髮晉穆何后有女尚書而加貂璫乃哀世妖服且婦人而服男

欽定四庫全書

南北史合注 卷一百五

七

子服至陰而陽故自穆哀以降國統二絕劉裕因以篡逆禮容舉措風化之本請依常儀追還前詔帝從之時太后銳於興繕在京師則起永寧太上公等佛寺工費不少外州各造五級佛圖又數為一切齋會施物動至萬計百姓疲於土木金銀為之價踊至削奪百官祿力費損庫藏兼田賚左右日有數千澄上表極言得失魏書又載澄表曰頃年以來東西難寇大損財力且饑饉之民散亡不保收入之賦不增出用之費彌衆



不愛力以悅民無豐資以待敵此臣所以夙夜慄憂也古者使民歲不過三日雖太平之法似難卒因然妨民害財亦所宜戒今坊雜素脩廡庫崇列省府粗得庇憇理務諸寺靈塔俱足致虔講道惟明堂辟雍國禮之大來冬司徒兵至請籌量減徹專力早就其廣濟敷施之才酬商互市之弊凡所營造自非供御切須戎仗急須亦宜微節庶府無橫損民有全力夫食土簋而鳩德昭寢甲室而禹功威章臺麗而楚力

欽定四庫全書

南北史合注  
卷一百五

六

東阿宮壯而秦財竭存亡之由灼然願思前王一同之功蓄力聚財以待時會 冊府元龜又載澄表曰臣聞取外由內強國入須自備陛下妙齡在位朝乾夕惕若留意負荷忿車書未一脩干戈蓄熊虎將相督力未衰愚臣猶堪戎伍荷戈帶甲之衆蓄銳於今燕狐冀馬之威充拓在昔又蕭衍子弟閭恃豐逆已彰亂亡可見大同之機宜須蓄備昔漢高力疾討滅英布高祖卧病親勦顯達實以侵名亂正計不獲已

今宜慕二帝遠圖以肅寧為任

雖卒不從常優答禮之政無大小皆引參預澄亦盡心匡輔事有不便者必諫殷勤不已內外咸敬憚之二年薨賜布千二百匹錢六十萬給東園温明秘器大鴻臚監護喪事贈假黃鉞使持節都督中外諸軍事太傅領太尉公加以殊禮備九錫謚文宣澄之葬也凶飾甚威太后親送郊外停輿悲哭哀慟左右百官會赴千餘人莫不歔歎第四子彛襲彛字子倫繼室馮氏所生頗有

欽定四庫全書

南北史合注  
卷一百五

九

父風拜直散騎常侍及元叉專權彛耻託附故不得顯職孝莊初河陰遇害贈儀同三司青州刺史謚曰文彛庶兄順字子和年九歲師事樂安陳豐初書王羲之小學篇數千言晝夜誦之旬有五曰一皆通徹豐奇之白澄曰豐十五從師迄於白首耳目所經未見此比江夏黃童不得無雙也澄笑曰藍田生玉何容不爾十六通杜氏春秋下帷讀書篤志愛古性寥謬淡於榮利好飲酒解鼓琴每長吟永歎叱詠虛室宣武時上魏道頌文



多不載起家給事中時高華權重人事望塵拜伏順曾  
懷刺詣肇門門者以其年少答云在座大有貴客不肯  
通順叱之曰任城王兒可是賤也及見直往登牀捧手  
抗禮王公先達莫不怪愕而順辭吐傲然若無所覩肇  
謂眾賓曰此兒豪氣尚爾况其父乎及去肇加敬送之  
澄聞大怒杖之數十後拜太常少卿以父憂去職哭泣  
嘔血身自負土時年三十五便有白髮免喪抽去不復  
更生人以為孝思所致尋除給事黃門侍郎時領軍元

欽定四庫全書

南北史合注  
卷一百五

五

又威勢尤威凡有遷授莫不造門謝謁順拜表而已曾  
不詣又又謂順曰卿何得不見我順正色曰天子富於  
春秋委政宗輔叔父宜以至公為心舉士報國如何賣  
恩責人私謝至朝論得失順嘗鯁言正議曾不阿旨由  
此見憚出除恒州刺史順謂又曰北鎮紛紜方為國梗  
桑乾舊都根本所繫請假都督為國屏捍又心疑難不  
欲授以兵官謂順曰此朝廷事非我所裁順曰叔父既  
殺生由已自言天恩在我何得復有朝廷又彌忿憚之

轉齊州刺史順自負有才不得居內帶快形言色遂縱  
酒自娛不親政事又解領軍徵為給事黃門侍郎親友  
郊迎賀其得入順曰不患不入正恐入而復出俄兼殿  
中尚書轉侍中初中山王熙起兵討元又不果遇害及  
太后反政方得改葬順侍坐西遊園因奏太后曰臣昨  
往看中山家墓非唯宗親哀其冤酷行路士庶見一家  
十喪莫不酸泣又妻時在太后側順指之曰陛下奈何  
以一妹之故不正元又罪使天下慄冤太后嘿然就德

欽定四庫全書

南北史合注  
卷一百五

五

與於營州反使尚書盧同往討之大敗而還屬侍中穆  
紹與順侍坐因論同罪同先有近宅借紹紹頗欲為言  
順勃然曰盧同終將無罪太后曰何得如侍中言順曰  
同有好宅與要勢侍中豈慮罪也紹慙不敢復言太后  
頗事粧飾數出遊順面諍曰禮婦人喪夫自稱未亡人  
首去珠珥衣不綴綵陛下母臨天下年垂不惑過脩容  
飾何以示後太后慙而還召順入責之曰千里相徵豈  
容眾中見辱也順曰陛下威服炫容不畏天下所笑豈



耻臣一言手初城陽王徽慕順才名偏相賞納而廣陽王深通徽妻于氏大為嫌隙及深自定州被徵入為吏部尚書兼中領軍順為詔書辭頗優美徽疑順為深左右與徐紇間順於太后出為護軍將軍太常卿順奉辭西遊園徽紇侍側順指謂太后曰此人魏之宰嚭魏國不滅終不死亡紇脅肩出順因抗聲叱之曰一介刀筆小人正堪為機案之吏寧應忝茲執戟虜我彛倫遂振衣起太后嘿而不言時追論順父顧託功增任城王彛

欽定四庫全書

南北史合注  
卷一百五

五

邑二十戶又折彛邑五百封順為東阿縣公順疾徽等間之遂為蒼蠅賦

魏書載順蠅賦曰余以仲秋休沐端坐衡門寄想琴書託情紙翰而蒼蠅小虫往來几牀疾其變白聊為賦云遐哉大道廓矣洪氛肇立秋夏爰啟冬春既含育於萬性又芻狗而不仁隨因緣以授體齊美惡而無分生茲穢類靡益於人名備羣品聲損衆倫歌脛織翼紫首蒼身飛不能迴聲若遠聞點緇成素變白

為黑寡愛蘭芳偏貪穢食集桓公之尸居平叔之側亂鳴鷄之響毀皇宮之飾習習戶庭營營荆棘反覆往還譬彼讒賊膚受既通諧潤罔極緝緝幡幡交亂四國於是妖姬進邪士來聖賢擁忠孝推周昌拘於美里天乙囚於夏臺伯奇為之痛結申生為之蒙災鴟鴞悲其室採葛懼其懷小弁頽其涕靈均表其哀自古明哲猶如此何況中庸與凡才若夫天生地養各有所親獸必依地鳥亦憑雲或來儀以呈祉或自擾

欽定四庫全書

南北史合注  
卷一百五

五

而見文或負圖而昭德或銜書以告真或天胎而奉味或殘軀以獻珍或主皮而興禮或牢茶以供神雖死生之異質俱有益於國人非如蒼蠅之無用唯構亂於蒸民

屬疾在家杜絕慶吊後除吏部尚書右僕射與城陽王徽同日拜職舍人鄭儼於止車門外先謁徽後拜順順怒曰卿是佞人當拜佞王我是直人不受曲拜儼深懷謝順曰卿以高門子弟為北宮幸臣僕射李思冲尚與



王洛誠同傳以此度之卿亦應繼其卷下見者為震動而順安然自得及上省登階向榻見榻甚故問都令史徐作起作起曰此榻曾經先王坐順即哽塞涕泗久不能言遂令換之時三公曹令史朱暉素事錄尚書高陽王雍雍欲以為廷尉評頗託順順不為用雍下命用之順投於地雍大怒昧爽坐都廳召尚書及丞郎畢集欲待順至於衆挫之順日高方至雍攘袂撫几言曰身天子之子天子之弟天子之叔天子之相親尊莫二元順

欽定四庫全書

南北史合注 卷一百五

晉

何人投身成命於地順鬚髮俱張仰面看屋憤氣奔湧長歎不言久之搯一白羽扇徐謂雍曰孝文皇帝遷宅中土創定九流官方清濁軌儀萬古而朱暉小人身為省吏何合為廷尉清官殿下既先皇同氣誠宜遵旨自有恒規而復踰之也雍曰身為丞相錄尚書如何不得用一人為官順曰庖人雖不治庖尸祝不越樽俎代之未聞有別旨令殿下參選事順又厲聲曰必如是當依事奏聞雍遂笑而言曰豈可以朱暉小人便相忿恨起

呼順入室與極飲順亢毅不撓皆此類也後兼左僕射爾朱榮奉孝莊召百官悉至河陰素聞順數諫詳惜其亮直謂朱瑞曰可語元僕射但在省不須來順不達其旨聞害衣冠便出走為陵戶鮮于康奴所害家徒四壁無物歛止有書數千卷門下通事令史王才達裂裳覆之孝莊還宮遣黃門侍郎山偉巡喻偉臨順喪悲恸無已既還帝怪其聲偉以狀對帝敕侍中元祉曰宗室喪亡非一不可周瞻元僕射清苦之節死乃益彰特贈絹

欽定四庫全書

南北史合注 卷一百五

晉

百匹餘不得例贈尚書令司徒公謚文烈初帝在藩順夢黑雲一片從西北直來觸東南上日月俱破復翳諸星天地盡闇俄雲消霧散有日出自西南隅甚明淨云長樂王曰尋見孝莊從闔闔門入登太極殿唱萬歲三百官咸加朝服謁帝唯順步集書省廊西槐樹下脫衣冠卧既寤告元暉業曰吾昨夜之夢於我殊不佳為說夢訖因解曰黑雲氣之惡者是北方色終當有此敵亂京師害二宮殘百寮何者日君象月后象衆星百官象



以此言之京邑其禍乎雖然彭城王總有文德於天下  
今夢其兒為天子積德必報然矣但恨得之不父所以  
然者出自西南以時易年不過三歲但恨我不見何者  
我夢卧槐樹下槐字木傍鬼身與鬼并復解冠冕此寧  
不死乎然亡後乃得三公贈耳皆如其夢順撰帝錄二  
十卷詩賦表頌數十篇並多亡失長子朗時年十七枕  
戈潛伏積年乃手刃康奴以首祭順墓然後詣闕請罪  
朝廷嘉而不問朗位司徒屬天平中為奴害贈尚書右

欽定四庫全書

南北史合注  
卷一百五

五

僕射順弟紀字子綱隨孝武入關位尚書左僕射華山  
郡王澄弟嵩字道岳孝文時位步兵校尉安定王休薨未  
及卒哭嵩便遊田帝大怒詔曰大司馬薨殂爾爾嵩便  
鷹鷄自娛有如父之痛無猶子之情捐心棄禮何其太  
速便可免官後兼武衛將軍孝文南伐齊將陳顯達率  
眾拒戰嵩身備三伏免胄直前勇冠三軍將士從之顯  
達奔潰帝大悅曰任城康王大有福德文武頓出其門  
以功賜爵高平縣侯初孝文發洛馮皇后以罪幽宮內

及平顯達回次穀唐原帝疾甚將賜后死曰使人不易  
可得顧謂任城王澄曰任城必不負我嵩亦當不負任  
城可使嵩引嵩入內親詔遣之

資治通鑑考異曰按馮后傳孝文梓宮至魯陽乃行  
遺詔賜馮后死安有孝文遣嵩事北史誤

宣武即位

魏書曰嵩出為平南將軍荊州刺史表曰蕭寶卷骨  
肉相殘忠良先戮臣下噉然干戈日尋聞寶卷雍州

欽定四庫全書

南北史合注  
卷一百五

五

刺史蕭衍阻兵與寶卷相持荊鄂二州刺史並寶卷  
弟必有圖衍之志臣若遣書相聞冀獲同心并力除  
衍衍除後彼必旋救丹陽當不能復經營疆陲全固  
襄沔臣之軍威已得臨據則沔南可一舉收緣漢曜  
兵示以威德思歸有道者引納之受疑告危者援接  
之若零落怠懈之勢彰著便可順流摧鋒長驅席卷  
朝廷將從之既聞衍克建業乃止  
為揚州刺史威名大振



魏書曰高刺史揚州先破蕭衍湘州刺史楊公則等  
 又破徐州刺史昌義之等並有新獲行征南將軍趙  
 革屯黃口高遣軍司趙熾等往討先遣統軍安伯醜  
 潛師夜渡伏兵下蔡革率卒四千來拒伯醜等前後  
 夾擊大破之俘斬溺死四千餘人衍將姜慶真據肥  
 內冠軍將軍曹天寶屯鷄口軍主尹明世屯東峽石  
 高遣別將羊引次淮西去賊營十里司馬趙熾帥兵  
 一萬為表裏聲勢眾軍既會分擊賊四壘四壘賊皆  
 敗走斬獲數千溺死萬數統軍牛敬賓攻峽石明世  
 宵遁慶真合餘燼浮淮而下下蔡戍主王略截流擊  
 之俘斬大半

欽定四庫全書

南北史合注 卷一百五

三

後并妻穆氏為蒼頭李太伯等所害謚曰剛第二子世  
 儁另見

南安王楨皇興二年封孝文時累遷長安鎮都大將雍  
 州刺史楨性忠謹母疾篤憂毀異常有白雉遊其庭前  
 帝聞賜帛千匹褒之徵赴講武引見皇信堂戒之曰公

孝行著家令聞彰國既國之懿親終無貧賤之慮所宜  
 慎者有三一恃親驕矜違理僭度二傲慢貪奢不恤政  
 事三飲酒遊逸不擇交友三者不去患禍將生而楨不  
 能遵奉聚飲肆情孝文以楨孝養聞內外特加原恕削  
 除封爵以庶人歸第禁錮終身

魏書載孝文詔曰南安王作鎮闔右肆欲殖貨昔魏  
 武剪髮齊眾叔向我弟明法克已忍情以先天下夫  
 豈不懷有為而然耳今者所犯事重疇日以王孝養

欽定四庫全書

南北史合注 卷一百五

元

聞名特原恕云云

以議定遷都復封南安王為鎮北大將軍相州刺史帝  
 餞楨於華林都亭

冊府元龜載詔曰南安之藩將曠達千里環懷憫戀  
 今者之集雖曰分歧實為曲宴並可賦詩申意

詔並賦詩不能者聽射當使武士彎弓文人下筆帝送  
 楨下階流涕而別太和二十年五月至鄴上日暴雨大  
 風凍死數十人楨又以旱祈雨羣神鄴城有石虎廟人



奉祀之楨告神像云三日不雨當加鞭罰請雨不驗鞭  
像一百是月疽發背薨謚曰惠及恒州刺史穆泰謀反  
楨知而不告雖薨猶追奪爵封國除子英字虎兒性識  
聰敏善騎射解音律微曉醫術孝文時為梁州刺史帝  
南代為漢中別道都將後孝文臨鍾離英以大駕親動  
勢傾東南漢中有可乘之會表求追討帝許之

魏書曰師次沮水蕭焉將蕭懿遣將尹紹祖季群等  
領衆二萬徼山立柵隔水為營英謀曰彼帥殘民慢  
欽定四庫全書

南北史合注  
卷一百五

三

莫能相服若選精卒并攻一營彼不相救我克必矣  
若克一軍四營自拔於是簡兵三面騰上果不相救  
既破一處四營復潰生擒季羣斬三千餘級俘七百  
人馮白馬戍將夜逃乘勝長驅將逼南鄭漢川民以  
為神相率歸附梁州民李天幹等詣英降待以國士  
禮天幹等在南鄭西請師迎接英遣迎之懿遣將姜  
脩率衆追襲逮夜文戰頗有殺傷脩後屢敗復更請  
軍懿遣衆赴之迎者告急英率騎一千倍道赴敵未

至賊已退還英恐其入城別遣統軍元拔隨後英微  
其前合擊之盡俘其衆懿續遣軍英不虞賊至且衆  
力已疲軍少人懼咸欲奔走英緩騎徐行神色自若  
登高望賊東西指揮狀似處分然後整列而前賊謂  
有伏俄退乘勢追殄遂圍南鄭止三軍一無所犯遠  
近皆供租運先是英未至也懿遣軍主范潔領三千  
餘人伐榛及開大軍圍城欲還救援英遣統軍李平  
敵李鐵騎等收合巴西晉壽土人以斷其路潔死賊

欽定四庫全書

南北史合注  
卷一百五

三

敗平敵軍英候其稍近以奇兵掩之盡皆擒獲攻圍  
九十餘日戰無不克被執班師英先遣老弱身勒精  
騎留後遣使與懿告別懿以為詐英還一日猶閉門  
不開二日後遣將追英英親自殿後與士卒下馬交  
戰賊衆莫敢逼四日夜賊退全軍而還會山氏反  
斷英歸路英勒衆奮擊且戰且行為流矢所中軍人  
莫知  
以功遷安南大將軍賜爵廣武伯宣武即位



資治通鑑曰英以鎮南將軍還京表言蕭寶卷驕縱日甚虐害無辜其雍州刺史蕭衍東伐秣陵掃土興兵順流而下惟有孤城更無重衛乃皇天授我千載一逢臣乞躬帥步騎三萬直指沔陰據襄陽城斷黑水路昏虐君臣自相魚肉我居上流威震遠邇長驅南出進拔江陵則三楚之地一朝可收岷蜀之道自然斷絕又命揚徐二州聲言俱舉建業窮威如魚遊釜可混天地為一伏乞獨決聖心無取疑議此期朕

欽定四庫全書

南北史合注 卷一百五

三

英并吞無日事寢不報英又奏曰今寶卷亂常骨肉相賊藩戍鼎立莫知所歸義陽孤絕密邇天境外靡糧援內無兵儲授首之寇何容緩斧若此行有果則江右之地斯為經畧之基如其否也非直後舉難圖亦或居要生疾時豫州刺史司馬悅已戒嚴垂行而東豫州刺史田益宗方擬守三關英請遣軍司節度乃詔直寢羊靈引為之拜吏部尚書以前後軍功進爵常山侯尋詔英率衆南

討大破梁曹景宗軍梁司州刺史蔡道恭憂死三關戍棄城走

魏書曰蕭衍司州刺史蔡道恭聞英將至遣驍騎將軍楊由帥城外居民三千餘家保賢首山為二柵英勒諸軍圍賢首山焚其柵門由驅水牛從營出繼以兵我師避牛遂退下尋分兵圍守其夜柵民任馬駒斬由降三軍館穀降民安堵衍遣平西將軍曹景宗後將軍王僧炳等率步騎二萬救義陽僧炳統衆三

欽定四庫全書

南北史合注 卷一百五

三

萬人據鑿峴景宗率一萬繼後英遣冠軍將軍元逞等據樊城拒之大破僧炳軍俘斬四千英又於士雅山結壘與景宗抗分遣諸統伏於四山示以弱衍將馬仙琕率衆萬餘掩英營英命諸軍偽北諉之既至平地進擊敗之斬首二十餘仙琕又率萬餘人重來決戰英又破之復斬其二特別破東嶺軍斬首五百時道恭憂死蔡靈恩以驍騎將軍行州事短兵日接景宗仙琕知城將潰盡銳決戰一日三交皆大敗而



還靈恩勢窘遂降三關戍聞之皆棄城走

初孝文平漢陽英有戰功許復其封及為陳顯達敗遂

寢是役也宣武大悅乃復之改封中山王既而梁入寇

肥梁詔英率衆十萬討之所在皆便宜從事英表陳事

機乃擊破陰陵斬梁將二十五人及鹵首五千餘級又

頻破梁軍於梁城斬其支將四十二人殺獲及溺死將

五萬梁中軍大將軍臨川王蕭宏尚書左僕射柳悅等

大將五人沿淮東走凡收米四十萬石英追奔至馬頭

欽定四庫全書

南北史合注  
卷一百五

三五

梁馬頭戍主委城遁遂圍鍾離詔以師行已久命英為

振旅之意

魏書載詔曰師行已久士馬疲瘠賊城險固難攻冬

春之交稍非勝便十萬之衆日費無貲方圖後舉不

待今事且可密裝徐嚴為振旅之意

英表期至二月將末三月之初理在必剋但自此月一

日已來霖雨連并可謂天違人願然王者行師舉動不

易不可少致睽淹便生異議

冊府元龜載英表曰臣亦諦思若入三月後連雨不

得進攻臣已更高郢陽之橋防其汎突或意外洪長

慮其破橋臣亦部分造船復於鍾離城水狹處營造

浮橋至三月中旬必成晴則復騰雨則圍守

願聞朝廷特開遠畧假以日月無使為山之功中途而

廢

魏書載詔曰比頻得啟制勝不過暮春今復期孟夏

末彼土蒸澤無宜久淹兵久力殆朝廷深憂故遣王

欽定四庫全書

南北史合注  
卷一百五

三五

書曹道往諭道還英猶表可克

及四月水盛破橋英及諸將狼狽奔退士衆沒者十五

六英至揚州遣使送節及衣冠詔蟬章綬詔以付典有

司奏英經筭失圖處死詔恕死為民後京兆王愉反復

英封除使持節假征東將軍都督冀州諸軍事英未發

冀州已平時郢州中從事督榮祖潛引梁軍以義陽應

之三關之戍並據城降梁郢州刺史婁悅嬰城自守縣

人白早生等殺豫州刺史司馬悅據城南叛梁將齊



苟兇率眾守懸瓠悅子尚華陽公主并為所劫詔英持節都督南征諸軍事假征南將軍出自汝南

冊府元龜載帝言曰王董彼三軍朕無憂矣鍾離一

青豈損大德 魏書載宣武謂英曰王國之召虎威

名夙震故屈親行英曰臣前失律喪師宜嬰子反之

戮陛下慈深念屢愛等鍾牛使臣得同苟伯再生明

世誓追孟氏以報復為期滅賊方略已在臣目中願

無勞聖慮

欽定四庫全書

南北史合注 卷一百五

三五

帝以邢巒頻破早生詔英南赴義陽英以眾少累表請

軍帝不許而英輒與邢巒分兵共攻懸瓠剋之乃引軍

南既次義陽將取三關策之曰三關相須如左右手若

剋一關二關不待攻而定攻難不如攻易東關易攻宜

先取即黃石公所謂戰如風發攻如河決也英恐其并

力於東乃使長史李華率五統向西關分其兵勢身諸

軍向東關

魏書曰先是蕭衍司州刺史馬仙琕使雲騎將軍馬

廣屯長薄軍主胡文超別屯松峴英至長薄廣遁入

武陽英進攻之聞蕭遣其冠軍將軍徐甯生驃騎將

軍徐超秀拔武陽英乃緩軍故縱入城曰吾觀此城

形勢易攻取之如拾遺諸將未信甯生等既入城英

促圍攻之六日而廣等降進擊黃峴衍太子左衛率

李元履棄城走又討西關仙琕亦走

果如英策凡擒其大將六人支將二十人卒七千米四

十萬石軍資稱是還朝除尚書僕射薨贈司徒公謚獻

欽定四庫全書

南北史合注 卷一百五

三五

武王英子熙字真興好學俊爽有文才然輕躁英深慮

非保家之主

愚按熙非保家之主有之觀其仗義執言以討元叉

未可言輕躁魏收言非

當欲廢之立第四子略略固請乃止累遷光祿勳時領

軍于忠執政熙忠婿也故歲中驟遷後授相州刺史熙

以七月入治其日大風寒雨凍死二十餘人驢馬數十

匹熙聞其祖父前事心惡之又有蛆生其庭初熙兄弟



並為清河王暉所昵及劉騰元又隔絕二宮矯詔殺暉  
熙乃起兵討之

魏書載熙表曰元又叨榮左右豺狼為心使二宮隔  
阻溫清缺禮又太傅清河王暉橫被酷害致忠臣烈  
士喪氣闕廷親賢宗戚憤恨內外妄指鹿馬孰能踰  
之臣仰瞻雲闕泣血而生以細草不除將為爛熳况  
又恃逆孰可忍之臣忝籍枝芻碎首屠肝甘之若蔗  
用是親搃三軍星電赴難置兵溫城伏聽天旨王公  
欽定四庫全書

南北史合注  
卷一百五

三

即解甲散兵赴謝朝闕  
熙起兵甫十日為其長史柳元章別駕游荆魏郡太守  
李孝怡執熙置高樓并其子弟又遣尚書左丞盧同斬  
之鄴街傳首京師始熙妃于氏知熙必敗不從其謀自  
初哭泣不絕至於熙死

魏書載熙臨刑為五言詩示其寮吏曰義實動君子  
主辱死忠臣何以明是節將解七尺身與知交別曰

平生方寸心殷勤屬知已從今一銷化悲傷無極已  
熙既藩王如有文學風氣甚高始鎮鄴知友才學之士  
來翻李琰之李神儁王誦兄弟裴敬憲等咸餞於河梁  
賦詩告別將死復與知故書恨志意不遂

魏書載熙與知故書曰今皇太后見廢此宮清河王  
橫受屠酷主上幼年獨在前殿君親如此無以自安  
故帥兵民建大義於天下本以名義干心不得不爾  
流腸碎首復何言哉昔李斯憶上蔡黃夫陸機想華  
亭鶴唳今欲對秋月臨春風藉芳草蔭美樹廣台名  
勝賦詩洛濱其可得乎凡百君子各敬爾宜為國為  
身善勗名節

欽定四庫全書

南北史合注  
卷一百五

三

時人矜之又熙於任城王澄堯前夢有人告之曰任城  
當死死後二百日外君亦不免若其不信試看任城家  
熙夢中顧瞻任城第舍四面墻崩無遺堵焉熙惡之覺  
以告所親及熙死果如所言熙兄弟三人每從征伐在  
軍貪暴或因迎降遂北斬殺無辜多增首級為功狀又



于忠誣郭祚裴植忠意未決害之由熙勸獎遂至極法世以為冤及熙之禍識者以為有報太后反政贈太尉公謚文莊熙弟略字儁興位給事黃門侍郎熙敗略潛行自託舊識河內司馬始賓為荻筏夜與略俱渡盟津詣上黨屯留縣粟法光家法光素敦信義欣而納之略舊識刁雙時為西河太守略復歸之停止經年雙令從子昌送略潛遁江左梁武帝甚敬禮之

洛陽伽藍記曰蕭衍見其文學優瞻甚敬重之問曰

欽定四庫全書

南北史合注 卷一百五

四十一

洛中如王者幾人對曰如臣之比趙咨所云車載斗量不可勝數衍大笑

封中山王宣城太守俄徐州刺史元法僧據城南叛梁以略為大都督令詣彭城誘接初附尋徵略與法僧同還略雖在江南自以家禍晨夜哭泣身若居喪又惡法僧與言未嘗一笑梁復除略衡州刺史未行會其豫章王綜以城歸國綜長史江革司馬祖暉將士五千人悉見擒鹵孝明敕有司悉遣革等還南因徵略梁乃備禮

道之

伽藍記曰蕭衍初謂略曰朕寧失江革不得無王略略曰臣遭家禍白骨未收乞還本朝叙錄存歿因悲泣衍哀而遣之贈遺甚厚親率百官送江上作五言詩贈者百餘人

孝明詔光祿大夫刁雙境首勞問除略侍中義陽王及連石人驛亭詔宗室親黨內外百官先相識者迎之近郊其司馬始賓除給事中領直候粟法光本縣令刁昌

欽定四庫全書

南北史合注 卷一百五

四十二

東平太守刁雙西兗州刺史略所經一食一宿處無不霑賞尋改東平王後為尚書令靈太后甚寵任之委信與元徽埒

伽藍記曰略從容閑雅本自天資出南入北轉復高邁言論動止朝野師模

時天下多事軍國萬端略守常自保具臣而已爾朱榮乃略姑夫略素所輕忽又黨於鄭儼徐紇榮兼銜之見害河陰加贈太保司空公謚文貞英弟怡位都善鎮將



在鎮貪暴為有司糾逃免卒考莊初以爾朱榮婦兄贈太尉扶風王子肅封魯郡王肅弟暹另見

城陽王長壽皇興二年封位沃野鎮都大將甚有威名

亮謚康子鸞襲鸞字宣明身長八尺腰帶十圍以武藝

稱頗為北都大將孝文初除使持節征南大將軍與安

南將軍盧陽烏李佐攻諸陽不剋敗退降為定襄縣王

魏書載孝文責之曰卿等虧損王威罪應大辟革變

之始事從寬貸古者軍行必載廟社之主以示威惠

欽定四庫全書

南北史合注 卷一百五

四三

今彭卿等敗軍之罪於廟社前以彭厥咎

後以留守功復本封宣武時為定州刺史鸞愛佛道繕

起佛寺勸率百姓大興土木公私費擾宣武聞之詔奪

祿一周亮謚懷子徽字顯順粗涉文史頗有吏才宣武

時襲封為河內太守在郡清整有時譽孝明時為并州

刺史先是州界夏霜安業者少徽開倉賑之文武咸共

諫止徽曰昔汲長孺郡守耳尚輒開倉賑民我皇家親

近受委大藩豈可拘法不救民困先給後奏帝嘉之加

安北將軍汾州山胡舊多劫掠自徽為郡羣胡自相戒

勿得侵擾隣州汾肆之民多詣徽投訴願得口判除秦

州刺史還都吏民泣涕攀車徽車馬贏敝皆京來舊物

見者歎其清儉改授度支尚書兼吏部尚書尋為正徽

以選舉法期在得人限以停年有乖舊體但行之日久

難於頓革以德同者盡年勞等者進德時稱中平除侍

中餘官如故徽來乞守一官士子莫不歎息咸曰城陽

離選貧者復何所希怨嗟之聲俄然上徵還令兼吏部

欽定四庫全書

南北史合注 卷一百五

四三

尚書累遷尚書令時靈太后專制朝綱頽微居寵任

與鄭儼之徒阿黨外似柔謹內多猜忌睚眦之忿必報

識者疾之又不能閑內妻于氏遂與廣陽王深姦及深

受任軍府每有表啟論罪過雖涉誣毀頗亦實焉孝莊

踐祚拜司州牧除司徒仍領牧元顥入洛徽從帝北巡

如藍記曰北海入洛莊帝北巡自餘諸王各懷二望

惟徽獨從帝至長子城 信斯言也何爾朱兆入洛

徽又捨帝不顧是前後兩截也



及車駕還宮以與謀功除侍中大司馬太尉公加羽葆  
鼓吹增邑通前二萬戶徽表辭官封前後屢上徽為帝  
親待內懼爾朱榮等故有此辭帝識其意但聽辭封不  
許讓官徽後妻帝舅女侍中李或帝之姊壻徽性佞媚  
挾內外之意宗室中親寵莫比遂與或等勸帝圖榮帝  
亦先有意榮死世隆等屯據不解除徽太保仍大司馬  
宗師錄尚書事總統內外徽本謂榮死後枝葉散亡及  
爾朱宗族聚結謀難徽笑略無出憂怖而已性多嫉妬

欽定四庫全書

南北史合注  
卷一百五

四

不欲人居前每入參謀議獨與帝決朝臣有上軍國善  
策者勸帝不納乃云小賊何慮不除又惜財用有所賞  
賜咸出薄少或多而中減與而復追思不感物帝雅自  
約狹亦微贊成太府少卿李苗徽司徒時司馬徽待之  
頗厚苗每致忠言徽多不納苗謂人曰城陽本自蜂目  
而豺聲復露及爾朱兆入洛禁衛奔散帝步出雲龍門  
徽乘馬奔度帝頻呼之不顧去遂走山南至故吏寇彌  
宅彌外雖容納內不自安乃怖徽云官捕將至今避他

所使人路中遺害送尸於兆

洛陽伽藍記曰徽投寇祖仁家祖仁一門刺史皆徽  
將校以舊恩投之祖仁聞爾朱兆構徽獲送封千戶  
侯謂子弟曰今日富貴矣斬送之兆亦不加賞初徽  
投祖仁家有金百斤馬五十匹皆為祖仁乾沒至是  
兆忽夢徽云我有金二百斤馬百匹在祖仁家可往  
徵之兆如夢往徵祖仁盡徵所有兆猶疑其藏隱捉  
祖仁懸首高樹大石墜足捶之至死

欽定四庫全書

南北史合注  
卷一百五

四

孝武初贈使持節侍中太師錄尚書事司州牧謚文獻  
子延襲齊受禪例降  
章文武太洛皇興二年薨追贈征北大將軍章武郡王  
謚曰敬無子孝文初以安南惠王第二子彬為後彬字  
豹兒勇健有將用刺史夏州以貪憚削封後除汾州刺  
史胡六六百餘人保險謀反彬請兵二萬帝大怒曰必  
須大衆者先斬刺史然後發兵彬奉詔大懼身先將士  
討平之卒贈散騎常侍子融字永興儀貌壯麗性通率



有豪氣宣武初復先爵累遷河南尹融性貪恣情聚斂為中尉糾彈削除官爵分夏山胡叛連結正平平陽詔復融前封征東將軍持節都督討之融寡於經略為胡所敗後賊帥鮮于脩禮寇累瀛定二州長孫稚等討之失利除融車騎將軍為前驅左軍都督與廣陽王深等共討脩禮師度交津葛榮殺脩禮自立轉營至白牛邏輕騎擊融

魏書曰融苦戰終日更無外援

欽定四庫全書

南北史合注  
卷一百五

四十六

於陣見殺以死王事贈司徒公加前後部鼓吹謚莊武

子景哲襲景哲弟朗即廢帝也另見

樂陵王胡兒和平四年薨追封樂陵王謚曰康無子獻

文詔胡兒兄汝陰王天賜第二子永全後之襲封後改

名思譽孝文時為鎮北大將軍穆春陰謀不軌思譽知

而不告削封為民太和末復王封堯謚密王子景略襲

位幽州刺史堯謚惠王

安定王休皇興二年封少聰敏為外都大官斷獄有稱

魏書曰柔然犯塞出為征北大將軍休身先士卒擊  
鹵走之

車駕南伐領大司馬孝文親行諸軍遇休欲斬三盜以  
狗六軍詔赦之休執曰陛下親御六師跋涉野次軍行  
始爾已有毒竊不斬何以息盜詔曰王者之體時有非  
常之澤雖違軍法可特原之休乃奉詔帝謂司徒馮誕  
曰大司馬嚴而執法諸軍不可不慎於是六軍肅然及  
定都洛邑休從駕幸鄴命率從駕文武迎家平城帝親

欽定四庫全書

南北史合注  
卷一百五

四十七

饒休於漳水北十八年休寢疾帝幸其第流涕問疾中

使醫藥相望於路及薨至殯帝三臨初至門改服褐裋

素弁加絰皇太子百官皆從行弔禮謚曰靖詔贈假黃

鉞加羽葆鼓吹帝親送出郊慟哭而返諸王恩禮莫比

宣武世配饗廟廷次子變襲拜太中大夫除華州刺史

變表曰謹惟州居李潤堡雖少梁舊地晉芮錫壤然胡

李內附遂為戎落

魏書曰居岡飲澗井谷穢雜升降劬勞往返數里



竊以馮翊古城實惟西藩與府面華渭包原澤井淺地  
平樵牧饒廣採材華陰陸運七十伐木龍門順流而下  
陪削舊雉功省力易丁不十錢之費人無八旬之勤損  
輕益重乞垂昭鑒遂詔曰一勞永逸便可聽移麈於州  
贈朔州刺史子超字化生襲時以胡國珍封安定公改  
封北平王後復本封爾朱榮入洛避難見害超弟琰字  
伏寶大統中封宋安王堯謚曰懿子景山

景山字寶岳少有器局幹略過人周孝閔時以軍功累  
欽定四庫全書 南北史合注 卷一百五 四六

遷開府儀同三司從武帝平齊以功拜大將軍平原郡  
公亳州總管法令明肅賊盜屏迹部內大清徵為候正  
宣帝嗣位從上柱國韋孝寬經略淮南鄖州總管宇文  
亮反以輕兵襲孝寬寬為亮所薄景山擊破之

隋書曰孝寬窘迫未得整陣景山率鐵騎三百擊破  
之

以功拜亳州總管隋文帝為丞相尉遲迥起兵榮州刺  
史宇文胄與迥通謀因以書詛景山景山執使封書詣

相府進位上大將軍以軍功

隋書曰司馬消難以鄖州入陳陳遣將樊毅馬傑來  
接景山帥輕騎五百馳赴之一日一夜行三百餘里  
與毅戰於漳口二合皆克毅等退悉復消難所陷城  
邑

遷安州總管進柱國隋文帝受禪拜上柱國明年大舉  
伐陳以景山為行軍元帥出漢口連破陳將陸綸陳紀  
等旣山沈陽二鎮皆下將濟江會陳宣帝殂詔班師景

欽定四庫全書 南北史合注 卷一百五 四九

山大著威名甚為敵憚後數載坐事免卒於家贈梁州  
總管謚曰襄子成壽嗣便弓馬為秦王庫直大業中為  
西平郡通守變弟願平清狂無行宣武初為給事中恃  
惡日甚殺人劫盜公私咸患帝以戚近不忍致法禁別  
館館名愁思堂冀其克念帝崩乃得出靈太后臨朝以  
其不悛依前禁錮別館久之離禁還家付宗師嚴加誨  
獎後拜通直散騎常侍前將軍坐裸其妻王氏於男女  
前又姦姦妻妹於妻母側御史中尉侯剛案以不道處



絞會赦免黜為員外常侍卒

魏書曰燮子緒孝莊時以慰勞闕右十二州大使歿

於吐谷渾子長春武定初封南郡王齊受禪爵例降

談藪曰齊天保十年大誅元氏惟長春以多力善

射與元蠻元文遙等二家俱免 唐書宰相世系圖

云景穆諸子惟潘新成子推天錫雲禎胡兒休八房

子孫聞于唐潘即文成皇帝

論曰平陽諸子熙乃忠壯京兆之肖悰實有聲匡之蹇

欽定四庫全書

南北史合注  
卷一百五

至

直有足稱矣當獻文將禪康王毅然廷諍一言興邦斯

之謂歟文宣貞固俊遠壽為宗傑身用累朝寧濟夸險

社稷是任其梁棟之望手順蹇諤個儻有汲黯風不用

於時橫招非命惜矣嵩有行陣之氣儻乃冠冕之徒南


安原始要終善不掩惡英將帥之用著聲於時熙略兄

弟早播民譽或才疎志大或器狹任廣咸不能就其功

名俱至非命惜也康王不永驚起家聲徽飾智飾情外

諛內忌永安之禍誰任其責究其死也宜哉章武樂陵

蓋不足數靖王聽斷威重見稱太和美矣



欽定四庫全書

南北史合注  
卷一百五

至

南北史合注卷一百五



欽定四庫全書

南北史合注卷一百六

明 李清撰

北史二十



孝文一太子四王

文成皇帝六男孝元皇后生獻文皇帝李夫人生安樂

欽定四庫全書

南北史合注 卷一百六

厲王長樂曹夫人生廣川莊王略沮渠夫人生齊郡順

王簡乙夫人生河間孝王若悅夫人生安豐匡王猛

安樂王長樂皇興四年封建昌王後改封安樂王長樂

性凝重獻文器愛之承明元年拜太尉出為定州刺史

頓辱衣冠多不奉法百姓詣闕訟之孝文罰杖三十貪

暴彌甚以罪徵詣京師後謀不軌事發賜死於家葬以

王禮諡曰厲子銓字搜賢襲宣武初為涼州刺史在州

貪穢政以賄成後除定州刺史及京兆王愉反詐言國

變在北州鎮咸疑朝廷有變遣使觀諗動靜諗具以狀告州鎮帖然愉奔信都諗與李平高殖等四面攻焚愉突門出尋除侍中兼以首告功除尚書左僕射薨諡武康子鑒字長文襲後除相州刺史北討大都督裴衍共攻信都鑒既庸才見天下多事遂謀降葛榮都督源子邕與裴衍合圍鑒斬首傳洛詔改姓元氏

愚按資治通鑑云改姓拓拔氏當從通鑑

欽定四庫全書

南北史合注 卷一百六

孝莊初許復本族又特復鑒王爵贈司空鑒弟斌之字

子爽性險無行及與鑒反敗遂奔葛榮滅得還孝武

時封潁川郡王委以腹心之任帝入關城之奔梁大統

二年還長安位尚書令薨贈太尉諡武襄

廣川王略延興二年封位中都大官性明敏鞠獄稱平

太和四年薨諡曰莊子諧字仲和襲十九年薨詔曰古

者大臣之喪有三臨禮此蓋三公已上自漢以降多無

此禮朕仰遵古典雖以尊降伏私痛寧爽欲令親王有



暮親者為三臨大功親者為再臨小功總麻為一臨廣川王於朕大功必欲再臨再臨者欲於大斂日親臨盡哀成服後總衰而弔既殯之總麻理在無疑大斂之臨當否如何為須撫柩始喪為應盡哀闔樞黃門侍郎崔光宋弁通直常侍劉芳典命下大夫李元凱中書侍郎高聰等議曰三臨古禮爰及漢魏行之者稀陛下方遵前軌臣等以為若暮親三臨大功宜再始喪為哀之至既以情降宜從始喪大斂之臨伏如聖旨詔曰魏晉已

欽定四庫全書

南北史合注  
卷一百六

三

來親臨多缺至於戚臣必哭之東堂頃大司馬安定王薨朕既臨後受慰東堂今日之事應更哭否光等議曰東堂之哭蓋因不臨今陛下躬親撫視羣臣從駕臣等議以為不宜復哭詔曰若大司馬威尊位重必哭於東堂而廣川既諸王子又年位尚幼卿等議之朕無異焉諸將大斂帝素服深衣哭之入室哀慟撫尸而出有司奏廣川王妃薨於代京未審以新尊從卑舊卑舊就新尊詔曰遷洛之人自後悉歸骸芒嶺不得就塋恒代其

夫先葬北婦今喪在南婦人從夫宜還代葬若欲移父就母亦任之其有妻墳於恒代夫死於洛不得以尊就卑欲移母就父亦從之若異葬亦從之若不在葬限身在代喪葬之彼此皆得任意其尸屬恒燕身官京洛去留之宜亦從所擇其屬諸州者各得任之詔贈諸武衛將軍諡曰剛帝親臨送子靈道襲卒諡悼王

欽定四庫全書

南北史合注  
卷一百六

四

齊郡王簡字叔亮太和五年封位中都大官簡母沮渠牧犍女性貌特類外祖後為內都大官孝文嘗與簡朝文明太后於皇信堂簡居帝右行人禮遷太保孝文仁孝以諸父零落存者唯簡每見立待之俟坐致敬問起居停簡拜伏簡性好酒不能理公私事妻常氏燕郡公喜女文明太后以賜簡幹綜家事頗節簡酒乃至盜竊求乞婢侍不能自禁薨時孝文不豫詔曰叔父薨背痛慕摧絕但虛頓牀枕未堪奉赴當力疾發哀諡曰靈宣武時改諡順子祐字伯授母常氏孝文謂納不以禮不許為妃宣武以母從子貴詔特拜齊國太妃祐位涇



州刺史薨諡曰敬

河間王若字叔儒未封薨追封河間諡曰孝詔京兆康王子太安為後太安於若為從弟非相後義廢之以齊郡王子琛繼琛字曇寶幼敏慧孝文愛之宣武時拜定州刺史琛妃宣武舅女高后妹琛憑恃內外在州貪恠及還朝靈太后詔曰琛在定州唯不將中山宮來自餘無所不致何可敕用廢於家琛以孝明始學獻金字孝經無方自達乃與劉騰為養息賂騰金寶巨萬騰為言

欽定四庫全書

南北史合注 卷一百六

五

得兼都官尚書出為秦州刺史在州聚斂百姓吁嗟

伽藍記曰琛為秦州刺史諸羌外叛屢討不降有婢朝雲善吹箎能為團扇歌壘上聲乃令假為貧姬吹箎而乞諸羌聞之皆流涕思家相率歸降秦氏語曰快馬健兒不如老嫗吹箎遣使向西域求名馬歸以銀為槽金為鎖鑲造文栢堂置玉井金罐以五色絲為繩常會宗室陳諸寶器有水精鉢馬腦碗赤玉卮作工奇妙皆從西域來又陳女樂及諸名馬復引諸

王按行府庫錦罽珠璣之類不可勝計顧謂章武王融曰不恨我不見石崇恨石崇不見我融素自負富歸而惋歎三日京兆王繼往省之曰卿財不減彼何愧羨乃爾融曰始謂高陽富於我不意復有河間繼曰卿似表術在淮南不知世間復有劉備也融乃笑而起

東益南秦二州氏反詔琛為行臺仍充都督還攝州事既摠軍省求欲無厭進討氏羌大被摧破內恃劉騰無

欽定四庫全書

南北史合注 卷一百六

六

所畏憚為中尉彈糾會赦除名尋復王爵後討鮮于修禮敗免官爵後討汾晉胡蜀卒於軍追復王爵

伽藍記曰琛沒後逢亂宅改為寺京師士女多往觀河間寺見其廊廡綺麗以為蓬萊不過入其後園見飛梁跨閣高樹出雲咸歎梁王苑不如也

安豐王猛字季烈太和五年封加侍中出為鎮都大將營州刺史猛寬仁雄毅甚有威略戎夷畏愛之薨於州贈太尉諡曰匡子延明襲宣武時授太中大夫延昌初



歲大飢延明減家財拯賓客數十人并贍其家孝明初為豫州刺史甚有政績累遷給事黃門侍郎性清儉不營產業博極羣書兼有文藻鳩集圖籍萬餘卷與中山王熙及弟臨淮王彧等並以才學令望有名雖風流造次不及熙彧而稽古敦篤過之遷侍中詔與侍中崔光撰定服制後兼尚書右僕射以延明博識多聞敕監金石事及元法僧反詔為東道行臺徐州大都督節度諸軍與都督臨淮王彧尚書李憲等討法僧梁遣其豫章

欽定四庫全書

南北史合注  
卷一百六

七

王綜鎮徐州延明先牧徐方甚得民譽招懷舊土遠近歸之綜既降延明以軍乘之復東南境至宿豫還遷都督徐州刺史頻經師旅人物凋弊延明招携新故民悉安業孝莊時兼大司馬元顥入洛延明受顥委寄顥敗奔梁卒於江南孝莊末喪還孝武初贈太保王如故諡文宣所著詩賦讚頌銘誄三百餘篇又撰五經宗略詩禮別義帝王世紀列仙傳又以河間人信都芳工算圖又集器準九篇芳別為之注皆行於世孫長儒孝靜時

襲祖爵

唐書宰相世系圖云文成諸子惟弘長樂二房子孫聞於唐弘即獻文皇帝

獻文皇帝七男思皇后生孝文皇帝封昭儀生成陽王禧韓貴人生趙郡靈王幹高陽文穆王雍孟椒房生廣陵惠王羽潘貴人生彭城武宣王總高椒房生北海王詳羽總別見

成陽王禧字思永太和九年封加侍中驃騎大將軍中

欽定四庫全書

南北史合注  
卷一百六

八

都大官文明太后令皇子皇孫於靜所別置學選忠信博聞有司奏冀州人蘇僧瓘等三千人稱禧清明有惠政請世胙冀州詔曰畫田由君理非下請入除司州牧詔以禧元弟之重食邑三千戶自餘五王皆食邑二千孝文引見朝臣詔斷北語一從正音禧贊成其事

魏書載高祖詔羣臣曰卿等欲令魏朝齊美殷周抑令漢晉獨擅上代禧曰願邁迹前王高祖曰為欲修身改俗為欲仍染前事禧曰願傳之來葉高祖曰若



然必須改作卿等不得違禧曰上令下從如風靡草耳

於是詔年三十已上習性已久或不可卒革三十已下見在朝廷之人語言不聽仍舊有故違者當降爵黜官若仍舊俗恐數世後伊洛之下復成被髮之人朕嘗與李冲論此冲言四方之語竟知誰是帝者言之即正何必改舊從新此言應合死罪乃謂冲曰卿實負社稷冲免冠陳謝又責留京之官曰昨望見婦人之服仍為夾

欽定四庫全書

南北史合注 卷一百六

九

領小袖何為違前詔禧對曰陛下光化中原舛違之罪實合處刑孝文曰若朕言非卿等當廷論如何入則順旨退有不從昔舜語禹汝無面從退有後言卿等之謂乎

冊府元龜曰帝有事方澤質明羣臣問起居帝曰時日甚暑遇大雲蔭密行人差得無弊禧曰陛下德感天地雖雨師洒道風伯清塵不過於此帝曰伊洛南面之中此陰陽風雨所會自然之應非寡德所致

尋以禧長兼太尉公後帝幸禧第謂司空穆亮僕射李冲曰元弟禧戚連皇極且長兼太尉以和飪鼎朕恐君有空授之名臣貽彼已之刺今幸其宅徒屈二賓良以為愧帝篤於兄弟以禧次長禮遇優隆然亦知其貪每加切誠而終不改操後加侍中正太尉及帝崩禧受遺輔政雖為宰輔首而潛受賄賂姬妾數十意尚未已猶欲遠聘以恣其情宣武頗惡之景明二年春召禧等入光極殿詔曰恪比纏疴疾實憑諸父今便親攝百揆且

欽定四庫全書

南北史合注 卷一百六

十

還府司當別處分尋詔進位太保領太尉帝親覽政禧意不安

魏書曰其國齋帥劉小苟每稱左右言欲誅禧禧數曰我不負心天家豈應如此由是常懷憂懼

遂與其妃兄兼給事黃門侍郎李伯尚謀反帝時幸小早禧在城西小宅初欲勒兵直入金墉衆懷沮異禧心因緩自旦達捕計不能決遂約不洩而散直寢符承祖薛魏孫與禧將害帝是日帝息於芒山止浮圖陰下少



時卧魏孫便欲行大事承祖私謂魏孫曰吾聞殺天子者癩且止帝尋覺悟俄武興王楊集始出便馳告而禧意不疑乃與臣妾向洪池別墅遣其齋帥劉小苟奉啓云檢行田牧小苟至芒嶺已逢軍人皆怪小苟赤衣將欲殺害小苟言欲告反乃緩之禧是夜宿於洪池不知事露其夜將士所在追禧禧自洪池東南走左右從禧者唯兼防閤尹龍虎禧憂迫謂曰試作一謎當解以釋悶龍虎歎憶舊謎云眠則同眠起則同起貪如豺狼賊不入已蓋有心規刺也禧不疑諷已解之曰此是眼也而龍虎謂是著渡洛水至栢塢顧謂龍虎曰凡夫尚有節義汝可勉心與太尉公同死龍虎曰若與殿下同命雖死猶生俄禧被擒送華林都亭著千斤鎖格命龍虎羽林掌衛之時熱甚禧渴悶垂死救斷水漿侍中崔光令左右送酪漿升餘禧一飲而盡初孝文觀台宿有逆謀氣言於禧曰玄象有變汝終為逆謀會無所成但受惡而已至此果如言禧臨盡畏迫喪志乃與諸妹公主

欽定四庫全書

南北史合注  
卷一百六

十一

等訣言及一二愛妾公主哭罵曰正坐多取此婢輩貪逐財物致今日事復何屬問此等禧愧而無言賜死私第

魏書曰初孝文閑宴言於禧等曰我後子孫邂逅不逮汝等觀望取之無令他人有禧臨盡猶涕泣追述先旨然畏迫喪志不能慷慨

絕其諸子屬籍禧諸女微給資產奴婢自餘家財悉賚高肇趙修二家餘賜內外百官逮於流外多者百匹下

欽定四庫全書

南北史合注  
卷一百六

十二

至十匹其積聚若此宮人為歌曰可憐咸陽王奈何作事誤金牀玉几不能眠夜榻霜與露洛水湛湛彌岸長行人那得度此歌流至江表北人在南者雖富貴聞絃管奏之莫不灑泣禧八子長子通字曇和竊入河內太守陸瑋家初與通情既聞禧敗乃殺之通弟翼字仲和會赦詣闕上書求葬不許乃與二弟昌尋奔梁正光中詔咸陽京兆二王諸子並聽附屬籍後復禧王爵葬以王禮詔尋弟坦襲翼與昌申屠氏出尋李妃出翼容貌



魁壯風制可觀梁武甚重之封咸陽王翼讓嫡弟昇木  
許後為青冀二州刺史鎮郁州謀舉州入國為梁武所  
殺翼弟樹字秀和一家獨立美姿貌善吐納兼有將略  
位宗正卿後亦奔梁梁武尤器之封魏郡王後改封鄴  
王數為將領窺覲邊服

魏書曰時揚州降蕭衍兵武既象行將湛僧珍盡欲  
殺之樹以家國皆聽還

爾朱榮害百官樹時為郢州刺史梁武資其士馬侵擾

欽定四庫全書

南北史合注  
卷一百六

十三

境上孝武初御史中尉樊子鵠為行臺率徐州刺史杜  
德舍人李昭等討之樹城守不下子鵠使金紫光祿大  
夫張安期說之樹請委城還南子鵠許之殺白馬為盟  
樹恃誓不為戰備與杜德別還南德不許送洛陽置景  
明寺樹年十五奔南未及富貴每見嵩山雲向南未嘗  
不引領歔歔初發梁其愛妹玉兒以金指環與別樹嘗  
著之寄以還梁表必還意朝廷知之俄賜死未幾杜德  
忽得狂疾云元樹打我不已至死此驚不絕舍人李昭

尋奉使向秦州至潼關驛夜夢樹云我已訴天帝待卿  
至隴終不相放昭覺惡之及至隴口為賀拔岳所殺子  
鵠尋為達野拔所殺孝靜時其子貞自建業求隨聘使  
崔長謙赴鄴葬樹梁武許之詔贈樹太師司徒尚書令  
貞既葬還江南位太子舍人及侯景南奔梁武以貞為  
咸陽王送景使為魏主未幾景反尋字世茂梁封柔乾  
王卒於南坦一名穆字延和傲狠兇麤因飲醉於洛橋  
左右頓辱行人為道路患從叔安豐王延明切責之曰

欽定四庫全書

南北史合注  
卷一百六

十四

汝之凶恃性與身長昔宋東海王禕志性凡劣時號驢  
王我熟觀汝所作亦恐不免驢號當時號為驢王禧誅  
後坦兄翼樹等五人相繼南奔故坦得襲改封敷城王  
永安初復本封咸陽王累遷侍中孝莊從容謂曰王才  
非荀蔡中歲累遷當由少長朕家故有超授蓋因禧死  
後諸子為彭城王總收養故有此言

魏書曰禧沒後乏衣食獨彭城王總歲中再三時資  
給之



孝武初兄樹見禽坦見樹長且賢慮其代已密勸朝廷除之樹知之泣謂坦曰我往家難寄食江湖受其爵命今者之來求活而已豈望榮華汝何肆其猜忌忘在原之義腰背雖偉善無可稱坦作色去樹死竟不臨哭後歷司徒太尉太傅加侍中太師錄尚書事宗師司州牧雖祿厚位尊貪求滋甚賣獄鬻官不知紀極為御史劾奏免官以王歸第尋起為特進出為冀州刺史專懷聚斂每百姓納賦先責絹五匹然後受又性好改漁無日

欽定四庫全書

南北史合注  
卷一百六

十五

不出秋冬獵雉兔春夏捕魚蟹鷹犬嘗數百頭自言寧三日不食不能一日不獵入為太傅齊天保初準例降封新豐縣公除特進開府儀同三司坐子世寶與通直散騎侍郎彭貴平因醉誹謗妄說圖讖有司奏當死詔並宥之坦配北營州死配所趙郡王幹字思直太和九年封南王位大將軍孝文篤愛諸弟

幹所生母薨孝文以幹故親往臨哭見魏書

以幹摠戎別道戒之曰司空穆亮年器可師散騎常侍

盧陽烏才堪詢訪汝其師之遷洛改封趙郡王除都督冀州刺史帝親餞于郊誠曰刑獄之理先哲所難既有邦國得不自勵詔以李憑為長史唐茂為司馬盧尚之諮議參軍以匡弼之憑等諫諍幹殊不納州表斬盜馬人於律過重而尚書以幹初臨縱而不劾詔曰

冊府元龜有曰律令條憲無聽新君加戮之文典禮舊章不著始臨專威之美

尚書曲阿朕意實傷皇度幹闇於政理律外重刑並可

欽定四庫全書

南北史合注  
卷一百六

十六

推聞後轉特進司州牧車駕南伐詔幹都督中外諸軍事給鼓吹一部甲士三百人出入殿門幹貪淫不遵政典御史中尉李彪將劾之會遇幹尚書下舍屏左右誠幹幹悠然不以為意彪表彈之詔幹與北海王詳俱隨太子詣行在所及至密使左右察之無憂悔色乃親數其過杖之一百免所居官以王還第薨諡曰靈陪葬長陵子謚襲幹妃穆氏表謚及謚母趙等悖禮僭常詔曰妻於女君猶婦人事舅姑妾于君母禮加如子之恭



何得贖我風猷可付宗正依禮正罪謚在母喪聽聲飲  
戲為御史中尉李平所彈遇赦復封後刺史岐州謚性  
暴虐孝明初臺使元延至其州界以驛邏無兵檢覈之  
隊主高保願列言所有之兵王皆私役謚聞大怒鞭保  
願等五人各二百數日間謚召近州人夫閉四門內外  
嚴固搜掩城民楚掠備至又無事斬六人合城洵懼衆  
大呼屯門謚怖登樓毀梯自固士人散走城人分守四  
門靈太后遣游擊將軍王焯馳驛喻之城人既見焯至

欽定四庫全書

南北史合注  
卷一百六

十七

開門謝罪乃罷謚州除大司農卿遷幽州刺史謚妃胡  
氏太后從女未發坐毆妃免官後除都官尚書車駕出  
拜圓丘謚與妃乘赤馬犯鹵簿為御史所彈太后特不  
問薨高陽王雍幹之母弟啟論謚贈假侍中司州牧謚  
貞景謚兄諶字興伯性平和位都官尚書爾朱榮入洛  
啟孝莊欲遷都晉陽帝以問諶諶爭不可榮怒曰何關  
君而固執且河陰之役君應知之諶曰天下事當公論  
奈何以河陰之酷恐諶諶宗室戚屬位居常伯生既無

益死復何損正使今日碎首流腸亦無所懼榮大怒欲  
罪諶其從弟世隆固諫乃止見者莫不震悚諶顏色自  
若後數日帝與榮見宮闕壯麗列樹成行乃歎曰臣昨  
愚志有遷京意今見皇居壯觀何用去河洛而就晉陽  
元尚書言深不可奪由是罷遷都議永安元年拜尚書  
左僕射封魏郡王諶本年長應襲王封因父靈王愛其  
弟諶以為世子孝莊詔復諶趙郡王位司空太保太尉  
錄尚書事孝靜初拜大司馬薨諶孝懿諶無他才識歷

欽定四庫全書

南北史合注  
卷一百六

十八

位雖重時人忽之  
愚按諶讓爵止遷兩事即其才識史言非  
諶弟譚頗強立少為宗室推敬卒於秦州刺史譚弟謙  
貪暴無禮位太中大夫封平鄉男河陰遇害  
魏書曰譚子景暄直閣將軍從出帝沒於關西 凡  
西入者皆免於高洋之屠故錄以幸之  
廣陵王羽別見長子欣字慶樂節閔帝兄也性麤率好  
鷹犬孝莊初封沛郡王後封淮陽王孝武時加太師開



府復封廣陵王太傅司州牧尋除大司馬帝入關欣投  
託李延孫得達長安拜太傅錄尚書事欣于西遷宗室  
禮遇最隆自廣平諸王悉居其下又為大宗師進大冢  
宰中軍大都督大統中為柱國大將軍太傅文帝謂欣  
曰王三為太傅再為太師自古人臣未聞此例欣遜謝  
而已後拜司徒恭帝初遷大丞相薨諡曰容欣好營產  
業多所樹藝京師名果皆出其園所汲引及僚佐咸非  
長者為世所鄙

欽定四庫全書

南北史合注  
卷一百六

十九

高陽王雍字思穆少儻不恒孝文曰吾未能測此兒  
深淺然觀其任真率素莫年器晚成耳太和九年封潁  
川王或說雍待士營譽雍曰吾天子之子位為諸王用  
名何為改封高陽後刺史相州帝誡曰為牧之道亦易  
亦難其身正不令而行故易其身不正雖令不從故難  
宣武初遷冀州刺史雍在二州微有聲稱入拜司州牧  
帝幸雍第皆盡家人禮遷司空轉太尉加侍中尋除太  
保領太尉侍中如故孝明初詔雍入居太極西栢堂諮

決大政給親信二十人又詔雍為宗師進太傅侍中領  
太尉公別敕將作營國子學寺給雍居之領軍于忠擅  
權專恣僕射郭祚勸雍出之忠矯詔殺祚及尚書裴植  
廢雍以王歸第朝有大事使黃門諮之忠尋矯詔將殺  
雍問侍中崔光拒之乃止未幾靈太后臨朝出忠為  
冀州刺史雍表暴忠罪陳已不能匡正請反私門

欽定四庫全書

南北史合注  
卷一百六

二十

無加賞之義忠既人臣受恩先帝迎陛下東宮人臣  
恒事耳如其不爾更欲何為而忠意氣凌雲坐要封  
爵臣知不可以權臣所欲因而授之臣罪何辭又言  
臣初入栢堂見詔旨之行一由門下臣出君行深知  
不可而不能禁忠專權生殺自恣而臣不能違忠規  
欲謀臣賴在事執拒臣欲出忠於外在心未行反為  
忠廢忝官尸祿孤負恩私謹反私門伏聽司敗  
太后感忠保護之勳不問其罪除雍侍中太師領司州  
牧雍表請王公已下賤妾悉不聽用織成錦繡金玉珠



璣違者以違旨論奴婢止於縵繒布服悉不得衣綾錦  
纈以金銀為釵帶犯者鞭一百太后從之而不能久也  
詔雍乘步挽出入掖門又以本官錄尚書事朝晡侍講  
孝明覽政詔雍乘車出入大司馬門進位丞相又詔依  
齊郡王簡太和故事朝訖引坐特優拜伏禮摠攝內外  
與元乂同決庶政歲祿至四萬石伎侍盈房榮貴之盛  
昆弟莫比

伽藍記曰雍居止第宅區於帝宮白殿丹楹窈窕連

欽定四庫全書

南北史合注  
卷一百六

二十二

亘僮僕六千妓女五百隋珠照日羅綺從風出則鏡  
吹競發笳聲哀轉入則歌姬舞女絲管迭奏竹林魚  
池侔於禁苑芳草如積珍木連陰厚自奉養一日以  
數萬錢為限李崇富埒於雍而性儉嗇謂人曰高陽  
一食敵我千日

元妃盧氏薨後更納博陵崔顯妹欲以為妃宣武初以  
顯世號東崔地寒望劣難之久乃許延昌己後疎棄崔  
氏別房幽禁僅給衣食未幾暴薨多云雍毆殺也太后

許賜雍女伎未及送雍其閹豎丁鵠自至宮內料簡四  
人還第太后責其專擅追停之孝莊初於河陰遇害贈  
假黃鉞相國諡文穆雍識懷短淺又無學業雖位居朝  
首不為時情所推自熙平後朝政褻落不能守正唯唯  
而已及清河王懌遇害元乂專政大責歸焉嫡子泰頗  
有時譽位太常卿與雍同遇害贈太尉公高陽王諡曰  
文子斌襲歷侍中尚書左僕射斌美儀貌性寬和居官  
重慎頗為齊文襄愛賞天保初準例降爵高陽縣公拜

欽定四庫全書

南北史合注  
卷一百六

二十三

右光祿大夫二年從文宣討契丹還至白狼河以罪賜  
死

魏書曰泰弟獻封濟北郡王子徽別見徽弟僧育封

頓平縣開國伯後奔關西

彭城王勰別見嫡子劭字子納孝莊兄也勰以忠遇害

劭襲封劭善武藝少有氣節孝明初梁將寇邊劭表上

粟九千斛資絹六百匹國吏二百人以充軍用

冊府元龜載劭表曰偽豎遊魂闕觀邊境勞兵兼時



日費千金臣仰藉先資詔饗厚秩思以埃塵用禪山  
嶽臣國封徐州去軍差近謹表云云

靈太后嘉其至意不許累遷青州刺史孝昌末太后失  
德四方紛擾劭遂有異志為安豐王延明所啓徵入為  
御史中尉孝莊即位尊為無上王尋遇害河陰謚孝宣  
皇帝妻李氏為文恭皇后子詔字世胄好學美容儀初  
爾朱榮將入洛父劭恐以詔寄所親滎陽太守鄭仲明  
仲明尋為城人所殺詔因亂與乳母相失遂與仲明兄

欽定四庫全書

南北史合注  
卷一百六

二十三

子僧副避難路中為賊所逼僧副恐不免令詔下馬僧  
副謂賊曰窮鳥投人尚或矜憐况諸王如何棄乎舉刀  
逼之賊乃退詔逢一程老母哀之隱於私家居十餘日  
孝莊訪獲焉襲彭城王齊神武後以孝武后配之魏室  
奇寶多隨后入詔家有二玉鉢相感轉而不可出瑪瑙  
榼容三升王縫之皆稱西域鬼作也歷太尉侍中錄尚  
書司州牧特進太傅齊天保元年降爵為縣公詔性行  
溫裕以高氏塔頗膺時寵能自謙退臨民有惠政好儒

學能禮致才彥愛林泉修第宅華而不侈文宣帝荆詔  
鬢鬚加以粉黛衣婦人服自隨曰以彭城為嬪御譏元  
氏微弱比之婦女十年太史奏云今年當除舊布新文  
宣謂詔曰漢光武何故中興詔曰為誅諸劉不盡乃誅  
諸元厭之遂以五月誅元世哲景武等二十五家餘十  
九家並禁止之詔幽于京畿地牢絕食啣衣袖死及七  
月大誅元氏自昭成已下皆無遺

當云自道武已下不當云昭成辨見元景安傳

欽定四庫全書

南北史合注  
卷一百六

二十四

或父祖為王或身常貴顯或兄弟強壯皆斬東市其嬰  
兒投諸空中承以稍前後死者七百二十一人悉投尸  
漳水剖魚者多得爪甲

談藪曰呼為元郎

都下為之久不食魚世哲從弟黃頭

魏書曰黃頭廢主安定王朗子襲安定王

使與諸囚自金鳳臺各乘紙鴿以飛黃頭獨能至紫陌  
乃墜仍付御史獄畢義雲餓殺之



北海王詳字季豫美姿容善舉止太和九年封加侍中  
孝文自洛北巡詳與侍中彭城王勰並在輿輦陪侍左  
右至文成射銘所帝停駕詔諸弟及侍臣皆試射遠近  
諸人皆去一二十步唯詳矢及之帝拊掌欣笑詔勒銘  
親自為制車駕南伐詳行中領軍留守

冊府元龜載帝詔詳曰比神遊何業丘墳六籍何事  
非娛善正風猷肅是禁旅

孝文臨崩顧命詳為司空輔政宣武覽政為中大將軍

欽定四庫全書

南北史合注  
卷一百六

二十五

錄尚書事咸陽王禧謀反詳表求解任制不許除太傅  
領司徒侍中錄尚書事如故詳拜命夜暴風震電拔其  
廷中桐大十圍者倒立本處初宣武覽政詳聞彭城王  
勰有震主慮欲奪其司徒大懼物議故為大將軍至是  
乃居之天威如此識者知其不終既以季父崇寵位望  
兼極貪冒無厭公私營販

魏書曰詳嬖狎羣小所在請托珍羞充盈聲色侈縱  
建飾第宇開起山池所費巨萬

又於東掖門外規占第宅甚有喪柩在室請延至葬而  
不見許與觀巷次行路哀嗟詳母高太妃頗助威虐怨  
響嗷然妃宋王劉昶女不見禮寵范氏愛等伉儷及死  
葬訖猶毀隧視之表請贈平昌縣君又杰於安定王燮  
妃高氏即茹皓妻姊詳既素附皓又緣淫好往來稠密  
詳雖貪侈宣武禮敬尚隆常別住華林園西隅與都亭  
宮館相接帝每潛幸其所肆飲終日與高太妃相見呼  
為阿母伏而上酒禮若家人臨出高每拜送舉觴祝言

欽定四庫全書

南北史合注  
卷一百六

二十六

願官家千萬年壽歲一入妾母子舍也初宣武親政詳  
與咸陽王禧彭城王勰並被召入共乘犢車防衛嚴固  
高惶迫以為必死亦乘車傍路哭送至金墉及詳得免  
高云自今以後不願富貴但願母子相保共汝掃市作  
活也至此貴戚不復慮禍敗後為高肇所譖云詳與皓  
等謀逆時詳在南第帝召中尉崔亮入禁糾詳貪淫及  
茹皓劉胄常季賢陳掃靜等專恣狀夜即收禁南臺又  
虎賁百人圍守詳第夜中慮其驚懼奔越遣左右郭翼



開金墉門馳出喻之示以中尉彈狀詳母高見翼頓首號泣不自勝詳言審如中尉所糾何憂也人奉我珍異貨物我實受之果為取受吾何憂乎至明皓等皆賜死引高陽王雍等五王入議詳罪單車防守還華林館母妻相與哭入所居小奴弱婢數人隨從防衛甚嚴徒就太府寺免為民別營坊館於河陽縣東北隅如法禁衛限以終身名曰思善堂將徙詳居之會其家奴陰結黨輩欲劫出之密抄名字潛託侍婢通於詳詳始得執省

欽定四庫全書

南北史合注  
卷一百六

三十一

而門防主司遙見突就詳手覽得呈奏帝密令害之詳哭數聲暴薨初至太府令其母妻還居南宅五日一至此夜母妻不至竟死奴婢手詔喪還南宅諸王皇宗悉令奔赴賄物一依廣陵故事詳初禁以淫高事告母大怒詈之曰汝妻妾侍婢少盛如花何共高麗婢姦以致此罪我得高麗婢當啜其肉乃杖詳背及兩脚百餘下自行杖力疲乃使奴代高氏素嚴詳每有微非常加責罰以絮裹杖至是去絮皆至創膿又杖其妃劉數十云

新婦大家女門戶匹敵何所畏而不檢校夫婿

魏書曰婦人皆妬獨不妬何也

劉笑而受罰卒無言詳貪淫雖聞遠近死之日罪無定名遠近歎怪永平元年十月追復王爵諡曰平子顥襲顥字子明少慷慨有壯氣為徐州刺史尋為御史彈劾除名後賊帥宿慈明遠叱干麒麟等寇亂幽華等州乃復顥王爵兼左僕射西道行臺以討明遠頻破賊解幽華圍後蕭寶夤等大敗於平涼顥亦奔還京武泰初為相州刺史禦葛榮屬爾朱榮入洛推孝莊授顥太傅顥以葛榮南侵爾朱縱害遂盤桓圖自安策事不諧與子冠受奔梁梁武以為魏主假之兵將令北入永安二年四月登壇燔燎於梁國城南僭帝位年號孝基孝莊詔濟陰王暉業拒之考城為顥所擒

欽定四庫全書

南北史合注  
卷一百六

三十二

走

孝莊北幸顥遂入洛改稱建武元年顥以數千眾轉戰



屢剋據有都邑號令自己人情想望風政自謂天授頗  
懷驕怠宿昔賓客近習之徒咸見寵待干擾政事日夜  
縱酒不恤軍國所統南兵陵竊市里又加之酷飲朝野  
失望孝莊與爾朱榮還師討顥顥自於河梁拒戰冠受  
戰敗被擒顥自輟輟出至臨頰為臨頰縣卒所斬初顥  
入洛之日暴風將進閭闔門馬大驚不進令人執轡乃  
入有弘農楊曇華告人曰顥必無成假服袞冕不過六  
十日諫議大夫元昭業曰昔更始自洛陽而西初發馬

欽定四庫全書

南北史合注  
卷一百六

二十九

驚奔觸北宮鐵柱三馬皆死卒不成帝其兆一也至七  
月果敗孝武初贈太師大司馬顥弟頊孝莊初封東海  
王位中書監及顥入洛成敗未分便意氣自得為時所  
笑顥敗潛竄為人所執斬於市孝武初贈太尉

唐書宰相世系圖云獻文諸子惟宏幹羽勰四房子  
孫聞於唐宏即孝文皇帝

孝文七男林廢后生廢太子恂文昭皇后生宣武皇帝  
廣平武穆王懷表貴人生京兆王愉羅夫人生清河文

獻王懌汝南王悅懷愉別見廢太子庶人恂字元道文  
明太后賜其母死躬撫視之常置左右年四歲太后為  
立名恂字元道太和十七年七月癸丑立為皇太子及  
冠於廟孝文臨光極東堂引恂入見誠以冠義曰字汝  
元道所寄不輕汝當尋名求義以順吾旨二十年改字  
宣道遷洛詔恂詣代都進止儀體帝皆為定及恂入辭  
帝曰今汝不應向代但太師薨於恒壞朕既居皇極不  
容輕赴舅氏喪欲使汝展哀舅氏拜汝母墓一寫子情

欽定四庫全書

南北史合注  
卷一百六

三十

耳山陵在北侯太師事畢宜一往拜拜訖汝族祖南安  
可一就問訊在途當溫讀經籍如今日親見吾也後帝  
每歲征幸恂常留守主執廟祀恂不好書學體貌肥大  
深忌河洛暑熱每追樂北方中庶子高道悅數苦言致  
諫恂甚銜之孝文幸嵩岳恂留守金墉謀欲召牧馬輕  
騎奔代手刃道悅於禁中領軍元徽勒門防遏久不行  
帝聞駭惋外寢其事仍至汴口還引恂數罪與咸陽王  
禧等親杖恂又令禧等更代百餘下扶曳出外不起月



餘拘城西別館引見羣臣於清徽堂議廢之司空太子太傅穆亮尚書僕射少保李冲並免冠稽首謝帝曰古人有言大義滅親

魏書曰今恂欲違父背尊跨據河朔天下未有無父之國何其包藏身與心俱

此小兒今日不滅乃國家大禍恐有永嘉之亂乃廢為庶人置河陽服食所供粗免飢寒帝幸代遂如長安中尉李彪乘間密表告恂復與左右謀逆帝使中書侍郎

欽定四庫全書

南北史合注  
卷一百六

三十一

邢巒與咸陽王禧奉詔賫椒酒詣河陽賜恂死時年十五斂以麤棺常服瘞河陽城二十二年冬御史臺令史龍文觀坐法當死因告廷尉稱恂置河陽日有手書自理不知狀而中尉李彪侍御史賈尚寢不為聞賈坐繫廷尉時彪免歸帝在鄴尚書表收彪赴洛會赦遂不窮本末尚出繫累病數日死初帝將為恂娶司徒馮誕長女以女幼待年長先聘彭城劉長文滎陽鄭懿女為左右孺子時恂年十三四帝謂郭祚崔光宋弁曰人生須

自放不可終朝讀書我欲使恂旦出省經傳食後還內晡時復出日夕而罷卿等以為何如光曰孔子稱血氣未定戒之在色太子以幼年涉學不宜於正晝時捨書御內非所以安柔弱之體固永年之命帝然之不令恂晝入內無子

清河王懌字宣仁幼而敏慧美姿貌孝文愛之彭城王勰甚器異之每曰此兒風神外偉黃中內潤若天假之年繼二南矣博涉經史兼綜羣言有文才善談理寬仁

欽定四庫全書

南北史合注  
卷一百六

三十二

容裕喜怒不形於色太和二年封宣武初拜侍中轉尚書僕射懌才長從政斷決衆務甚有聲名司空高肇以帝舅擅威權謀去良宗屢譖懌及愉等愉不勝忿怒遂舉逆冀州因愉之逆又搆勰懌恐不免肇又錄囚徒以立私惠懌因侍宴酒酣謂肇曰天子兄弟詎有幾人而炎炎不息昔王莽頭禿藉渭陽之資遂篡漢室今君曲形見矣終成亂階又言於宣武曰臣聞唯器與名不可假人以杜漸防萌今減膳錄囚人君之事而司徒以



人臣行之且陛下修政教解獄訟則時雨可降乃明君失於上姦臣竊於下長亂之基於此在矣宣武笑而不應

如藍記曰懌親王中更有名行世宗愛之特隆諸弟

世宗崩懌與高陽王雍廣平王懷並受遺詔輔孝明

孝明熙平初遷太尉侍中如故懌詔裁門下之事又典

經義注時沙門惠憐自云咒水飲人能差諸病病人就

之者日有千數靈太后詔給衣食事力優重使療人于

欽定四庫全書

南北史合注 卷一百六

三十三

城西之南懌表諫曰臣聞律深惑眾之科禮絕妖淫之禁皆以大明正防邪漢末張角亦以此術熒惑當時與今不異遂能眩誘生人致黃巾之禍天下塗炭數十年間角之由也昔新垣姦不登明堂五利僥終嬰顯禍今其類是乎太后以懌孝明懿叔德先具瞻委以朝政懌竭力匡輔以天下為己任

資治通鑑曰懌美風儀胡太后逼幸之然有才能輔政多所匡益

領軍元乂太后妹夫恃寵驕盈懌裁以法每抑黜之為乂所疾乂黨人通直郎宗準愛希乂旨告懌謀反禁懌門下訊問事得雪乃釋之懌以忠獲謗集古忠烈士為顯忠錄二十卷見意正光元年七月乂與劉騰逼孝明於顯陽殿閉太后後宮囚懌門下省誣懌罪狀遂害之時年三十四

如藍記曰懌第宅豐大西北有樓樓下有儒材館退

賓堂斜峰入幄曲沼環堂樹響飛嚶堦叢花樂懌愛

欽定四庫全書

南北史合注 卷一百六

三十四

賓客重文藻才莫不輻輳臣佐並選才俊至於清辰明景騁望南臺珍羞具設琴笙並奏芳醴盈罍佳賓滿席

朝野貴賤知與不知含悲喪氣驚振遠近夷人在京者聞懌喪為劈面者數百人

如藍記曰太后還抱萬幾追贈懌太子太師大將軍

都督中外諸軍事假黃鉞給九旒鷹輅黃屋左纛輶轅車前後部羽葆鼓吹葬禮依晉安平王孚故事諡

續修四庫全書 史部 正史類 四四六



文獻圖懌像於建始殿徒王國三卿為執戟近代所無也

汝南王悅好讀佛經覽書史為性不倫儻難測妃閻氏即東海公女生一子不見禮有崔延夏以左道與悅遊合服仙藥松木之屬輕與出採宿城外小人之所遂斷酒肉粟稻惟食麥飯又絕房帷而更好男色極妃妾同婢悅之出也妃居別第靈太后引入檢問窮悅事故妃病杖伏林褥瘡尚未愈太后因悅杖妃普令禁斷凡

欽定四庫全書

南北史合注  
卷一百六

三十五

諸親王及三藩正妃有疾百日上皆遣奏聞若猶行搥撻就削封位及清河王懌為元叉所害悅畧無離恨以桑落酒候之盡其私佞又大喜以悅為侍中太尉臨拜日就懌子亶求懌服既不時稱旨召亶杖之百亶居廬未葬形氣羸弱殆至不支仍呼阿兒親自循撫悅又為大剗碓置州門盜者便欲斬手時人懼其無常能行異事姦偷為暫息及爾朱榮舉兵向洛悅奔梁梁武厚相資待孝莊崩立為魏主號年更興節閔初遣兵送悅置

境上以覲侵逼及齊神武既誅爾朱以悅孝文子宜承大業令人示意悅既至清狂如故動為罪失乃止孝武初除大司馬開府孝武以節閔素有德望悅屬尊地近內懷畏忌故前後害之贈假黃鉞太師司州牧大司馬王如故謚文宣子頽與父俱奔梁卒於江左

愚按孝莊一子未名節閔一子子恕普泰元年封勃海王孝武改封沛郡王齊受禪爵例降文帝八子除廢恭二帝外寧儉謹儒公見本紀武都王戌見乙弗

欽定四庫全書

南北史合注  
卷一百六

三十六

后傳孝靜三子長太子長仁與不知名二子俱見本紀因北史魏書皆略故錄此以補其闕

論曰文成五王安豐特標令望延明學業該瞻加以雅談之美及於永安運迹寇戎卒致奔亡亦其命也獻文諸子俱漸太和之訓而成陽終於逆節廣陵斃於桑中入而無儀各宜造死高陽器術缺然終荷棟幹至於撓敗實尸其闕北海義味鵠鴒奢淫行喪雖禍發青蠅亦自貽伊戚顛取若拾遺亡不旋踵豈守之無術其天將



覆之與庶人險暴之性自幼而長至廢黜不得其終斯  
朱均之性堯舜不能訓也清河器識才譽以懿親作輔  
時鍾屯諛始遠墻茨之逼運屬道消晚扼克權之手悲  
哉汝南性致狂逸以天人所棄卒嬰猜懼之毒益地逼  
之尤也魏自西遷後權移周室而周文天縱寬仁性罕  
猜忌元氏戚屬並見保全內外任使布於列職孝閔踐  
祚無替前緒明武纘業亦遵先志雖天厭魏德鼎命已  
遷枝葉榮茂足愈前代矣

欽定四庫全書

南北史合注  
卷一百六

三十七

予為續一語曰悲夫東魏元氏之獨為菹醢也又曰  
予因是有思夫新唐書之作元氏世系圖也自景穆  
文成獻文孝文皆有子若孫聞於唐獨繇太武遡道  
武無餘房則當穆然於參合之屠與六州之赤地矣  
故吾謂族元之高洋有胎反胎自二君雖然元氏甫  
盡則洋暴死或曰洋酷故殃及其身或曰道武太武  
酷故毒流於後予曰兩有之元氏盡則洋死元氏不  
盡則洋亦不死然則元氏盡而不盡又延西魏及唐

何也仁哉孝文

欽定四庫全書

南北史合注  
卷一百六

三十八

南北史合注卷一百六



欽定四庫全書

南北史合注卷一百七

明李清撰

列傳第九

北史二十一

衛 操

莫 含

劉庫仁

弟子羅辰羅辰曾孫仁之

尉古真

從玄孫瑾

穆 崇

子亮

奚 斤

叔孫建

安 同

欽定四庫全書

南北史合注卷一百七

庾業延

王 建

羅 結

婁伏連

曾孫賈

閻大肥

奚 牧

和 跋

莫 題

賀狄干

李 栗

衛操字德元代人少通俠有才略晉征北將軍衛瓘以操為牙門將當魏神元時頗自結附神元殂與從子雄及其宗室鄉親姬澹等來歸說桓穆二帝招納晉人桓

帝以為輔相任以國事及劉石之亂桓帝匡助晉氏

魏書曰操勸桓帝匡助晉氏東嬴公司馬騰聞而善

之

操稍遷至右將軍封定襄侯桓帝殂操立碑大邦城南

以頌功德云魏軒轅苗裔桓穆二帝統國御眾威禁大

行國無奸盜路有頌聲威武所向無交兵招喻六狄

咸來歸誠奉承晉皇捍禦邊疆王室多難天網弛綱豪

心遠濟靡離其殃歲翦逆命奸盜豺狼永安元年歲次

欽定四庫全書

南北史合注卷一百七

甲子奸黨猶逆東西狼踣敢逼天王兵甲屢起怙眾肆

暴虐用將士鄴洛構隙棄親求疏乃招異類屠各匈奴

魏書載碑云劉淵奸賊結黨同呼敢擊并土殺害無

辜

交刃千里長蛇塞塗晉道應天言展良謨使持節平北

將軍并州刺史護匈奴中郎將東嬴公司馬騰才神絕

世規略超遠欲求外救朝臣莫應簡賢選士命茲良使

遣參軍壺倫牙門中行嘉義陽亭侯衛謨協義亭侯衛



韃等馳奉檄書至晉陽城又稱桓穆二帝心存宸極輔相二衛對揚毗翼採展文謨雄奮武烈承命會議諮論奮發

魏書曰二衛到鎮言若合符會盟汾東命將先驅南救涅縣東解壽陽太原西河樂平上黨羯賊肆虐六郡凋傷旌旗輕指羯黨破散遣騎十萬前臨淇漳鄴遂振潰凶黨奔亡軍據州南耀鋒太行

翼衛內外鎮靜四方志在竭力奉戴天王忠恕用暉外

欽定四庫全書

南北史合注 卷一百七

勲亦據

魏書曰周覽載籍自古迄今未聞外域奔救內患惟公遠略臨難能權又云非桓天挺忠孝自然孰能超

常感公之言

功濟方州勲烈光延升平之日納貢充藩馮瞻鑿蓋步趾三川有德無祿天命不延年三十九以永興三年六月二十四日寢疾薨殂背棄華殿雲中名都國失惠主哀感歎歎悲痛煩寃載呼載號遠近親執奔赴梓廬仰

訴造化痛延悲夫

又云桓帝忠於晉室駿奔長衢隆冬淒淒四出行誅蒙犯霜雪疹入肌膚用致薨隕不永桑榆以死勤事載美晉書平北京悼祭以豐厨考行論勲諡曰義烈又云桓帝王有北方行能濟國羯胡因釁敢害并土率衆百萬平夷險阻存亡繼絕一州蒙枯功烈桓桓龍文虎武刊石勒銘垂示後昆 愚按後魏遠祖翼戴晉室故其後人奄有中原此推本之論也凡碑文

欽定四庫全書

南北史合注 卷一百七

中與晉事相涉而為北史削去者皆補存之

時晉光熙元年也皇興初雍州別駕鴈門段榮於大邦掘得此碑故略附於傳採以穆帝三年卒始採所與宗室鄉親入國者衛勲安樂亭侯衛崇衛清並都亭侯衛沈段繁並信義將軍都鄉侯王發建武將軍都亭侯范班折衝將軍廣武亭侯賈慶建武將軍上洛亭侯賈楷都亭侯李壹關中侯郭孔闕內侯皆桓帝所表授也六脩之難存者多隨劉琨任子遵南奔衛雄姬澹莫合等



名皆見碑雄字世遠澹字世雅並勇健多計桓帝並以  
為將常隨征伐雄稍遷至左將軍雲中侯澹亦以勇績  
著名桓帝末至信義將軍樓煩侯穆帝初並見委任衛  
操卒後俱為左右輔相六脩之逆國內大亂雄澹並為  
羣情所附

魏書曰二人謀欲南歸言於眾曰聞諸舊人忌新人  
悍戰欲盡殺之吾等不早為計恐無種矣晉人及烏  
丸懼皆曰死生隨二將軍

欽定四庫全書

南北史合注  
卷一百七

五

乃與劉遵率烏丸晉人數萬而叛劉琨聞之大悅如平  
城撫納之欲因以滅石勒

魏書載雄澹二人諫曰亂民飢疲未可使用宜休息  
觀釁而動琨不聽

後為勒將孔長所滅

莫含鴈門繁峙人劉琨為并州辟含從事舍居近塞下  
常交國中穆帝愛其才器及為代王備置官屬求含於  
琨琨喻遣之

魏書曰琨遣入國舍不願琨曰當今胡寇滔天泯滅  
諸夏惟此一州介在羣胡以吾薄德能自存立實賴  
代王長子遠贊莫雪大恥卿何惜共事小誠以志出  
身大益若為代王腹心亦一州所賴

乃入參國官常參軍國大謀卒於左將軍關中侯其故  
宅在桑乾川南世稱莫舍壁舍音訛又謂莫回城云子  
顯昭成世為左常侍顯子題道武初為大將以功賜爵  
東宛侍常與李栗侍宴栗坐不敬獲罪題亦被黜為濟

欽定四庫全書

南北史合注  
卷一百七

六

陽太守後道武欲廣宮室規度以題機巧徵令監之召  
入與論興造之制題久侍頗怠賜死題弟雲好學善射  
道武時嘗典選曹賜爵安德侯遷執金吾參軍國謀議  
太武克赫連昌詔雲與常山王素留鎮統萬進爵安定  
公雲撫慰新舊皆得其所卒謚曰敬公

劉庫仁字沒根獨孤部人劉虎之宗也少豪俠有智略  
母平文女昭成復妻以宗女為南部大人昭成暴殂道  
武未立秦王苻堅以庫仁為陵江將軍關內侯令與衛



辰分國眾統之河西屬衛辰河東屬庫仁於是獻明后  
 搗道武及衛泰二王自賀蘭部來居庫仁盡忠奉事不  
 以興廢易節符堅處衛辰在庫仁下衛辰怒叛攻庫仁  
 庫仁伐衛辰破之堅賜庫仁妻公孫氏厚其資送慕容  
 垂圍符丕於鄴又遣將平規攻堅幽州刺史王永於薊  
 庫仁自以受堅爵命遣妻兄公孫希助永擊規大破之  
 阮規降卒五千餘人庫仁復將大舉救丕發鴈門上谷  
 代郡兵次於繁時先是慕容文等當徙長安道依庫仁  
 欽定四庫全書 南北史合注 卷一百七

州刺史卒諡曰敬四傳至仁之粗涉書史思衛將軍西  
 兖州刺史諡曰敬仁之外示長者內多矯詐其對賓客  
 破牀弊席粗飯冷菜衣服故惡乃過逼下善候當塗能  
 為詭激每於稠人廣眾中或搨一奸吏或縱一孤貧大  
 言自眩淺識皆稱其美公能之譽動過其實性又酷虐  
 在晉陽曾營城雉仁之統監作後以小稽緩遂杖前殷  
 州刺史裴瑗并州刺史王綽齊神武大加譴責性好文  
 字吏書失體便加鞭撻言韻微訛亦見捶楚吏民以此  
 欽定四庫全書 南北史合注 卷一百七

部常思東歸是役也知人不樂文等夜率三郡人攻殺  
 庫仁乘其駿馬奔垂希聞亂走丁零庫仁弟眷繼攝國  
 事眷第三子羅辰機警有智謀謂眷曰從兄顯忍人心  
 腹之疾願早圖之眷不以為意後庫仁子顯果殺眷又  
 謀逆及道武即位討顯於馬邑追至彌澤大破之後奔  
 慕容麟麟徙之中山羅辰即宣穆后兄也顯既殺眷羅  
 辰遂奔道武顯恃強每謀逆羅辰輒先聞奏拜南部大  
 人從平中原以功賜爵永安公以軍功除征東將軍定

苦之而愛好文史敬重人流與齊帥馮元興交款元興  
 死後積年仁之營視其家常出隆厚時以此重之仁之  
 伯乞歸真君中除中散大夫性寬和與物無競未嘗言  
 人善惡曾遇患晝寢有奴偷竊乞歸詐睡不見亦不泄  
 之此奴走入柔然方笑言之亦無嗔色獻文未除主客  
 尚書孝文初位東雍州刺史賜爵永安侯卒于嵩字阿  
 龍好周人急與主仲興自平城被追赴洛家貧不能自達  
 尚事事資遣宣武時仲興寵幸奏除給事坐事流元壽



立授大鴻臚卿

尉古真代人道武在賀蘭部賀染干遣侯引乙突等將肆逆古真知之密覲告道武染干疑古真泄其謀執拷之以兩車軸押其頭傷一目不服乃免之後從平中原以功賜爵東州侯明元初為鴻飛將軍鎮大洛卒於定州刺史子億萬襲古真弟諾以忠謹稱從道武圍中山先登傷一目道武歎曰諾兄弟皆毀目建功誠可嘉也賜安樂子從平姚平還拜國部大人

欽定四庫全書

南北史合注 卷一百七

九

魏書曰諾太宗時為幽州刺史有惠政世祖時州民詣闕請諾復除幽州

太武時改邑遼西公

魏書曰兄弟並為方伯時人榮之燕王亂久民戶凋散諾在州前後十數餘年還業者萬餘家

卒第八子歡襲諾長子卷忠謹有父風明元時執事左右為太官令時侍臣受斤亡入柔然詔卷追之遂至虜廷

魏書曰大檀聞故卷曰受斤負罪天子逃刑在此不時執送是以來取

禽之大檀前因以驍烈聞太武即位命卷與散騎侍郎劉庫仁等八人分典四部館奏機要加陳兵將軍

魏書曰卷西破柔然屢有斬獲又與侍御史安頡陰謀設伏擒赫連昌

文成時拜侍中太尉封漁陽王與太宰常英等錄尚書事文成北巡狩以寒雪方降議還卷曰今去都不遠而

欽定四庫全書

南北史合注 卷一百七

十

旋北敵必疑我有內難雖方寒雪宜更進前帝遂度漠而還以卷元老賜杖履上殿薨謚曰莊子多侯襲爵多侯少有武幹獻文時假節領護羌戎校尉敦煌鎮將至鎮求輕騎五千西入于闐兼平諸國因敵取資平定為効弗許孝文初

魏書曰多侯獵於南山柔然遣部帥度拔入圍敦煌斷其還路多侯且戰且前衝圍而入率眾出戰大破之追北十餘里斬首千餘級



又求北取伊吾斷柔然通西域路帝善其計以東作方  
輿難之為妻元氏所害多侯弟子慶賓善騎射有將略  
稍遷太中大夫孝明時朝議送柔然主阿那瓌還國慶  
賓上表固爭不從後阿那瓌因執行臺元孚後拜肆州  
刺史時爾朱榮兵威漸盛曾經肆州慶賓惡之據城不  
納榮襲之拘還秀容呼為假父後以母憂還都尋起為  
光祿大夫督鎮汝陰還朝卒贈司空子瑾瑾少敏悟好  
學慕善以國姓門資稍遷直後司馬子如執政瑾娶其

欽定四庫全書

南北史合注  
卷一百七

十三

甥皮氏為妻由此除中書舍人後除吏部郎中齊文襄  
遇害文宣命瑾在鄴北宮共高德正典機密天保中累  
遷七兵尚書侍郎孝昭輔政除吏部尚書武成踐祚趙  
彥深本子如賓僚元文遥和士開並帝鄉故舊共相薦  
達任遇彌重又吏部銓衡所歸事多秘密由是朝之機  
事頗亦預聞後為尚書右僕射卒武成方在三臺嚮宴  
文遥奏聞命撤樂罷飲瑾外雖通顯閨門穢雜有女在  
室忽從奔誘瑾遂以適婦姪皮逸人瑾又通寡嫂元氏

瑾嘗議吏部郎中頓丘李構云郎不稽古構對令史云  
我實不稽古未知通嫂得作稽古否瑾聞大慚然亦能  
折節下士引接名流但不能別也好效吳人搖唇振足  
為人所哂見人好笑時人比之寒蟬又少威儀子德載  
以蒲鞭責之便投井瑾自臨井呼云兒出聞者皆笑及  
位任重便大躁急省內郎中將論事者逆即嗔罵既居  
大選彌自驕狠皮子賤恃其親通多所談薦大有受納  
瑾死後其弟靜忽而發之子賤坐決鞭二百配北營州

欽定四庫全書

南北史合注  
卷一百七

十三

初瑾為聘梁使梁人陳昭善相謂瑾曰二十年後當為  
宰相瑾出私謂人曰此公宰相後不過三年當死昭後  
為陳使主兼散騎常侍至齊瑾時兼右僕射鳴騶鼓吹  
昭復謂人曰二年當死果如言眷弟地干機悟有才藝  
馳馬立射五的時人莫能及太武時位庫部尚書加散  
騎常侍領侍輦即奉上忠瑾尤善嘲笑太武見其效人  
舉措忻悅不能自勝甚見親愛參軍國大謀時征平涼  
試衝車以攻冢地干為索所縶折脅卒帝親往哭慟贈



中領軍燕郡公諡曰惠古真族玄孫聿字成興性耿介  
孝明時為武衛將軍時領軍元叉執權百寮莫不加敬  
聿獨長揖不拜尋出為涼州刺史涼州緋色天下之最  
叉送白綾二千匹令聿拒不受叉諷御史劾之驛微  
至京覆無狀還任卒

穆崇

內入諸姓丘穆陵氏孝文改穆氏

代人其先世劾節神元桓穆時崇少事盜竊道武居獨

欽定四庫全書

南北史合注  
卷一百七

十三

孤部崇往來奉給後劉顯之逆平文外孫梁卷知之密  
遣崇告道武卷謂崇曰顯若知之雖剗割勿泄也因以  
寵妻及所乘良馬付崇曰事覺吾當以此自明崇來告  
難道武馳如賀蘭部顯果疑卷泄將囚之崇乃唱言梁  
卷不顧恩義助顯為逆今我掠得其妻馬足以雪怨顯  
聞而信之得免窟咄之難崇外甥于植等與崇謀執道  
武崇夜告道武道武誅植等北踰陰山復幸賀蘭部道  
武為魏王崇從平中原位侍中豫州刺史太尉宜都公

天賜三年薨先是衛王儀謀逆崇預焉道武惜其功秘  
之及有司奏諡帝親覽諡法述義不尅曰丁曰此當矣  
乃諡丁初道武避窟咄難遣崇還察人心崇留馬與從  
者微服入其營會有火光為春妾所識賊皆驚起崇求  
從者不得因匿阬中徐竊馬奔走宿大澤有白狼向崇  
號崇覺悟馳隨狼奔遂免難道武異之命崇立祀子孫  
世奉馮太和中追錄功臣以崇配饗孝文追思崇勲令  
著作郎韓顯宗選定碑文建於白登山四傳至泰本名

欽定四庫全書

南北史合注  
卷一百七

十四

石洛孝文賜名以功臣子孫尚章武長公主拜駙馬都  
尉典羽獵四曹事以尚書右僕射馮翊侯出為定州刺  
史初文明太后幽孝文於別室將謀廢泰切諫乃止  
孝文德之故寵侍隆至自陳久病乞為恒州許之泰不  
願遷洛潛圖叛乃與定州刺史陸叡及安樂侯元隆等  
謀推朔州刺史陽平王躋為主躋密表其事帝乃遣任  
城王澄發并肆兵討之澄先遣治書侍御史李煥單騎  
入代出其不意泰等驚駭無計煥曉喻逆徒示以禍福



凶黨莫為用泰自度必敗乃率麾下攻煥郭門不克走出為人擒送孝文幸代泰等伏誅子士儒徙涼州後得還為太尉參軍事子子容少好學無所不覽求天下書逢即寫錄得萬餘卷魏末為兼通直散騎常侍聘梁齊受禪卒於司農卿崇嫡孫觀字闡拔襲崇爵以文藝知名明元中為左衛將軍縮門下中書出納詔命及訪舊事未嘗遺漏尚宜陽公主拜駙馬都尉位太尉太武監國觀為右弼出則統攝朝政入則應對左右事無巨細

欽定四庫全書

南北史合注 卷一百七

十五

皆關決焉終日怡怡無愠色勞謙善誘不以富貴驕人太常八年暴疾薨年三十五明元親臨其喪悲慟左右賜以通身隱起金飾棺喪禮一依安城王叔孫俊故事贈宜都王謚文成太武即位每與羣臣談宴未嘗不歎息殷勤以為自道武以來佐命勲臣文武兼濟無及之者子壽襲爵尚樂陵公主拜駙馬都尉明敏有父風太武愛重之擢為下大夫敷奏機辨有聲內外遷侍中中書監領南部尚書進爵宜都王加征東大將軍壽辭曰

臣祖崇先皇之世屢逢艱危幸天贊梁者誠心先告故得効功前朝流福於後昔陳平受賞歸功無如今卷元勲未錄臣獨奕世受榮豈惟仰愧古賢抑亦有虧國典太武嘉之乃求卷孫賜爵郡公駕征涼州命壽輔景穆總錄機要內外聽焉次雲中將濟河帝別御靜室召壽及司徒崔浩尚書李順謂壽曰柔然吳提與牧犍連和今聞朕征涼州必來犯塞莫伏兵漠南殄之為易牧田訖可分伏要害以待虜至引使深入然後擊之若違朕

欽定四庫全書

南北史合注 卷一百七

十六

指授為虜侵害朕還斬卿浩順為證非虛言也壽信卜筮言謂賊不至竟不設備吳提果至京邑大駭壽不知所為欲築西郭門請景穆避南山惠保太后不聽乃止遣司空長孫道生等擊之太武還以無大損傷故不追咎景穆監國壽與崔浩等輔政人皆敬浩壽獨陵之又自侍位任謂其子師曰但今吾兒及我亦足勝人不須苦教之遇諸父兄弟有如僕隸夫妻並坐共食而令諸父餒餘為時鄙笑莫贈太尉謚文宣子平國襲爵尚城



陽長公主拜駙馬都尉侍中中書監為太子四輔卒次子熙以兄伏干無嗣襲爵尚新平長公主拜駙馬都尉虎牢鎮將頻以不法致罪孝文以勲德之舊讓而赦之轉吐京鎮將深自剋勵後改吐京鎮為汾州仍以熙為刺史前吐京太守劉升在郡甚有威惠限滿還都胡人八百餘人詣熙請之前定陽令吳平仁亦有思信戶增數倍熙以吏民懷之並為表請孝文皆從焉熙既頻薦升等所部守令咸自砥礪威化大行州人李軌郭及祖

欽定四庫全書

南北史合注  
卷一百七

十七

七百餘人詣闕稱熙恩德孝文以熙政和民悅增秩延限後徵為光祿勳隨例降王為魏郡公累遷侍中中書監穆泰反熙與潛通赦後事發削封為編戶卒於家宣武時追贈鎮北將軍恒州刺史熙弟亮字幼輔早有風度獻文時起家侍御中散尚仲山長公主拜駙馬都尉封長樂王孝文時除征南大將軍領護西戎校尉仇池鎮將宕昌王梁彌機卒子彌博立為吐谷渾所逼來奔仇池亮以彌博允恃氏羌所棄彌機兄子彌承戎人歸

樂表請納之孝文從焉於是擊走吐谷渾立彌承而還氏豪楊卜自延興以來從軍二十一戰前來鎮將抑不間亮表卜為廣業太守豪右咸悅境內大安徵為侍中尚書左僕射時復置司州孝文曰司州始立未有察吏須立中正以定選舉然中正之任必須德望兼資世祖時崔浩為冀州中正長孫嵩為司州中正可謂得人公卿等宜審推舉尚書陸叡舉亮為司州大中正後拜司空參議律令例降爵為公時文明太后崩已過朞月孝

欽定四庫全書

南北史合注  
卷一百七

十八

文毀瘠猶甚

魏書載亮表略曰位重者為世以屈已居聖者違命以忘情近蒙接見聖容哀毀一人過哀黎元馬繫亮表請上承金匱遺訓下稱億兆之心時襲輕服數御常膳修崇郊祠垂惠咸秩詔曰苟孝悌之至無所不通今飄風亢旱時雨不降實由誠慕未濃幽顯無感也尋領太子太傅時將建太極殿帝引見羣臣於太華殿曰將營殿宇今欲徙居永樂以避巽埃土木雖無心毀之



能不悽愴今故臨對卿等與之取別此殿高宗所制爰  
歷顯祖逮朕冲年受位於此但事來奪情將有改制仰  
惟疇昔惟深悲感亮稽首請稽之卜筮又以去歲後作  
功多太廟明堂一年便就若仍歲頻興恐民力凋弊願  
待逾年帝曰有周創業經建靈臺洪漢受命未央是作  
草創猶若此况朕承累聖之運欲及此時以就大功脩  
短命也著蔡雖智其如命何當委之分豈假卜筮移御  
永樂宮後帝臨朝嘗謂亮曰三代之禮日出視朝自漢

欽定四庫全書

南北史合注  
卷一百七

十九

魏以來禮儀漸殺晉令有朔望集公卿於朝堂論政事  
亦無天子親臨之文今因卿等日中之集中前卿等自  
論政事中後與卿等共議可否遂命讀奏案帝親決之  
及遷都加武衛大將軍以本官董攝中軍事帝南伐以  
亮錄尚書事留鎮洛陽後帝自小平津汎舟幸石濟亮  
諫曰漢帝欲乘舟渡渭廣德將以首血汙車輪帝乃感  
而就橋渭之小水猶尚若斯况洪河不測難出慮表帝  
曰司空言是也

冊府元龜載帝詔亮曰徐州表給歸化人廩誠宜許  
之但今荆揚不賓書軌未一計萬戶投化歲食百萬  
若聽其給施則蓄儲虛竭雖得衆百萬猶未成一同  
且欲隨貧賑恤亮曰所存遠大實如明旨

及罷預穆泰反事覺亮上表自劾帝優詔令攝事因請  
乃許後徙頓丘郡公以紹崇爵宣武即位拜尚書令司  
空公薨宣武親臨小斂贈太尉諡曰匡子紹字永業尚  
琅邪長公主拜駙馬都尉歷殿中尚書遭所生喪免以

欽定四庫全書

南北史合注  
卷一百七

二十

孝聞之又歷衛大將軍中書監侍中領本邑中正紹無  
他才能而資姓方重罕接賓容領軍元乂當權薰灼曾  
往紹宅紹迎送下階而已及靈太后欲廢乂猶豫紹贊  
成之以功加特進侍中元順與紹同直嘗因醉入寢所  
紹擁被而起正色讓順曰老身二十年侍中與卿先君  
曾連職事縱卿後進何宜排突遂謝事還家詔喻乃起  
又除侍中託疾未起故免河陰之害孝莊立爾朱榮徵  
之紹以為必死哭辭家廟及見榮捧手不拜榮亦矯意



禮之顧謂人曰穆紹不虛作大家兒帝入宮尋授尚書  
令司空進爵為王給班劍四十人仍如侍中時河南尹  
李獎往詣紹獎以紹郡人謂必致敬紹又恃封邑是獎  
國主匡坐不動獎憚其位望致拜而還議者兩譏焉未  
幾降王復本爵普泰元年除驃騎大將軍開府青州刺  
史加都督未行薨贈大將軍尚書令大保謚文獻子長  
嵩襲平國弟正國尚長樂公主拜駙馬都尉子平城早  
卒孝文時始平公主薨追贈平城駙馬都尉與公主冥  
欽定四庫全書

南北史合注  
卷一百七

三

婚壽弟多侯封長寧子位司衛監文成崩乙渾專權召  
司徒陸麗麗時在温湯療疾多侯謂曰渾有無君心大  
王衆所望去必危宜徐歸而圖之麗不從遂為渾害多  
侯亦見殺觀弟翰封西海王子龍兒降封公傳子豐國豐  
國弟子弼有風格善自位置涉獵經史與長孫稚陸希  
道等齊名然矜已陵物頗以此損孝文定氏族欲以弼  
為國子助教弼以屈辭帝曰朕欲教勵胄子屈卿先之  
白玉接泥豈能相汙弼曰既遇明時恥沈泥滓會司州

牧武陽王禧入帝曰朕與卿作州督舉一王簿即命弼  
謂之曰為帝所知宣武初為廣平王懷國郎中令數有  
匡諫除中書舍人卒於華州刺史謚曰懿翰弟顛有才  
力以侍御郎從太武征赫連昌勇冠一時賜爵泥陽子  
拜司衛監從太武田崞山有虎突出顛搏獲之帝歎曰  
詩云有力如虎顛乃過之後從征白龍討柔然以功進  
爵建安公後出鎮涼州文成時歷征西大將軍督諸軍  
征吐谷渾坐擊賊不進免官徙邊帝以顛著勳前朝徵  
欽定四庫全書

南北史合注  
卷一百七

三

為內都大官卒贈征西大將軍建安王謚曰康子寄生  
襲崇宗人醜善道武初率部歸附與崇同心戮力捍禦  
左右拜天部大人居東蕃其子孫位亦通顯  
奚斤  
獻帝以長弟為達奚氏孝文改奚氏  
代人世典馬牧父輩寵於昭成時國有良馬曰騶駟一  
夜忽逸後知南部大人劉庫仁所盜養於窟室輩聞馳往  
取馬痺仁以國甥恃寵恣而逆擊輩輩捽其髮落傷其



一乳及苻堅使庫仁與衛辰分領國部軍懼遂奔衛辰及道武滅衛辰軍晚乃得歸故名位後於舊臣斤機辨有識度登國初與長孫肥等俱統禁兵後以為侍郎親近左右從征慕容寶於參合皇始初拜越騎校尉典宿衛禁旅駕還京博陵勃海章武諸郡羣盜並起斤與略陽公遵等討平之從征破高車諸部又破庫狄宥連部徙其別部諸落於塞南又進擊侯莫陳部至大城谷置戍而還兩遷至晉兵將軍幽州刺史賜爵山陽侯明元

欽定四庫全書

南北史合注 卷一百七

即位為鄭兵將軍詔以斤世忠孝贈其父算長寧子帝幸雲中斤留守京師昌黎王慕容伯兒謀反斤召入天安殿東廡下誅之詔與南平公長孫嵩等俱坐朝堂錄決囚徒明元大閱於東郊講武以斤行左丞相大蒐石會山駕西巡詔斤先驅討越勒部於鹿那山大破之又詔斤與長孫嵩等八人坐止車門左聽理萬機拜天部大人進爵為公命斤出入乘輅軒備威儀導從太武為皇太子臨朝聽政以斤為左輔宋廢主義苻立國內離

阻乃遣斤收河南地假斤節都督前鋒諸軍事司空晉兵夫將軍行揚州刺史率吳兵將軍公孫表等南征用表計攻滑臺不下求濟師帝怒其不先略地切責之乃親南巡次中山斤自滑臺趣洛陽長驅至虎牢遂平兗豫諸郡還圍虎牢及虎牢潰斤置守宰撫之自魏初大將行兵唯長孫嵩拒宋武斤征河南獨給漏刻及十二牙旗大武即位進爵宜城王仍為司空及征赫連昌遣斤率義兵將軍封禮等襲蒲坂

欽定四庫全書

南北史合注 卷一百七

魏書曰昌守將赫連乙升聞斤將至遣使告昌使至統萬見大軍已圍城還告乙升言昌已敗乙升懼棄蒲坂西走斤追敗之乙升奔長安斤入蒲坂收其資器百姓安業昌弟助興先守長安乙升至復與助興棄長安西走安定斤又西據長安秦雍氐羌皆來附斤與赫連定相持累戰破定定聞昌敗走上邽斤追至雍不及而還詔斤班師斤請因其危平之



魏書載斤疏曰赫連昌亡保上邽鳩合餘燼未有盤據之資今因其危滅之為易請益鎧馬平昌而還世祖曰昌亡國叛夫擊之勞傷將士且可息兵取之未晚斤固執乃許之給斤萬人馬三千匹

乃進討安定昌退保平涼斤屯軍安定以糧竭馬死深壘自固監軍侍御史安頊擊昌禽之昌眾復立昌弟定為主守平涼斤恥以元帥而擒昌之功不在已乃舍輜重追定於平涼定眾將遁會一小將有罪亡入賊具告

欽定四庫全書

南北史合注  
卷一百七

三五

其實定知斤軍無糧乏水乃邀斤前後斤眾大潰斤及將娥清劉拔為定所擒後太武尅平涼斤等得歸免為宰人使負酒食從駕還京師以辱之尋拜安東將軍降爵為公太延初為衛尉改為恒農王後為萬騎大將軍太武議伐涼州斤等三十餘人以為不可帝不從涼州平以戰功賜童隸七十戶又以斤元老賜安車平決獄訟諮訪朝政斤聰辨彊識善談論說先朝故事時有所得聽者歎美之每議大政多見從用朝廷稱焉真君九

年莫時年八十九太武親臨哀慟謚昭王斤有數十婦子男二十餘父長子他觀襲太武曰斤關西之敗國有常刑以其佐命先朝故復其爵秩將收孟明之効今斤終天年君臣之分全矣降他觀爵為公傳國至孫緒無子國除太和中孝文追錄先朝功臣以斤配饗廟廷宣武繼絕世以緒弟子監紹其後

叔孫建

獻帝以叔父之胤為乙旃氏孝文改叔孫氏

欽定四庫全書

南北史合注  
卷一百七

三五

代人父骨為昭成母王太后所養與皇子同列建少以智勇稱道武幸賀蘭部常從左右登國初為外朝大人與安同等十三人迭典庶事參軍國之謀隨秦王觚使慕容垂歷六載還累遷中領軍賜爵安平公出為并州刺史後以公事免守鄴城圍明元即位念前功以為正直將軍相州刺史飢胡劉虎等聚黨叛假建前號安平公督公孫表等討虎斬首萬餘級餘眾奔走投諸水死水為不流晉將劉裕伐秦令其部將王仲德為前鋒將



逼滑臺兗州刺史尉建率所部棄城濟河仲德遂入滑臺乃宣言曰晉本意欲以布帛七萬匹假道於魏不謂魏之守將復爾棄城明元聞之詔建度河曜威斬建投其屍於河呼仲德軍人與語詰其侵境狀

資治通鑑曰魏主嗣使問太尉裕裕辭謝曰羌據洛陽本晉舊都晉自欲修山陵耳今假道於魏非敢為不利也

尋遷廣阿鎮將威名甚著久之除使持節都督前鋒諸

欽定四庫全書

南北史合注 卷一百七

三五

軍事楚兵將軍徐州刺史率眾自平原濟河徇下青兗諸郡遂東入青州圍宋刺史竺夔於東陽城宋遣將檀道濟王仲德救夔建不克而還以功賜爵壽光公

魏書載建表曰近聞南寇發軍尚北徐卓之已至彭城到彥之軍在泗口宜繕兵益戍先為之備且吳越之眾便於舟楫今至北土舍其所長逆順既殊勞逸不等平寇定功在於今日臣秣馬枕戈思効微節願陛下勿以為憂

與汝陰公長孫道生濟河而南仲德等自清入濟東走

青州太武以建威名南震為宋所憚除平原鎮大將封

丹陽王加征南大將軍先是簡幽州以南戍兵集於河

上一道攻洛陽一道攻滑臺宋將檀道濟王仲德救滑

臺建與汝陰公道生拒擊之建分軍挾戰縱輕騎邀其

前後焚穀草以絕其糧道道濟兵饑叛者相繼由是安

頡等得拔滑臺建沈敏多智東西征伐常為謀主容貌

清整號曰嚴明又雅尚人倫禮賢愛士在平原十餘年

欽定四庫全書

南北史合注 卷一百七

三五

經懷內外甚得邊稱魏初名將鮮有及之南方憚其威略青兗輟不為寇太延三年薨年七十三謚曰襄賜葬金陵長子俊字醜歸少聰敏年十五內侍左右性謹密初無過行以便弓馬轉為獵郎清河王紹弒道武閉宮門明元在外紹逼俊為己援俊外雖從紹內實忠款仍與元磨渾等說紹歸帝時帝左右唯車路頭王洛兒等及得俊等大悅以為爪牙即位後稍遷衛將軍賜爵安成公及朱提王悅懷亦入禁欲行大逆俊覺悅舉動有



異乃於悅懷中搜得兩刃七首遂執悅殺之帝以後前  
後功重軍國大計皆委之羣官上事先由後銓校然後  
奏聞性平正柔和未嘗有喜怒色忠篤愛厚不諂上抑  
下每奉詔宣外必告示懇懇上下嘉歎泰常元年卒年  
二十八帝親臨哀慟朝野無不追惜贈司空安成王謚  
孝元賜溫明秘器載以輜輶車衛士導從陪葬金陵自  
後有大功及寵幸貴臣薨賜賻送終禮皆依俊故事無  
得踰之者初俊卒明元命其妻桓氏曰生既共榮沒宜

欽定四庫全書

南北史合注  
卷一百七

三五

同穴能夠葬者可任意桓氏乃縊遂合葬子蒲襲爵  
安同遼東胡人其先世曰世高漢時以安息王侍子入  
洛歷魏至晉避亂遼東遂家焉父屈仕前燕慕容暉暉  
為秦苻堅所滅屈友人公孫眷妹沒入苻氏宮出賜劉  
庫仁為妻庫仁貴寵之同隨眷南販見道武有濟世才  
遂留奉侍性端嚴明惠好長者之言登國初道武請兵  
於燕王慕容垂同頻使稱旨為外朝大人與和跋等出  
入禁中迭典庶事從征姚平於柴壁秦王姚興悉眾救

平同進討曰汾東有蒙坑東西三百餘里徑路不通興  
來必從汾西乘高臨下直至柴壁如此則寇內外勢接  
宜截汾曲為南北浮橋兼西岸築圍西圍既固賊至無  
所施其智力矣從之興果視平屠滅而不能救以功賜  
爵北新侯

魏書曰清河王紹之亂太宗在外使夜告同令收合  
百工伎巧眾皆響應

明元即位命同與南平公長孫嵩並理民訟又紹同與  
欽定四庫全書

南北史合注  
卷一百七

三五

肥如侯賀護持節循察并定二州及諸山居雜胡丁零  
宣詔撫慰問其疾苦糾舉守宰不法郡國肅然同東出  
井陘至鉅鹿發眾欲脩大嶺山通天門闕又築城於宋  
子以鎮靜郡縣護嫉同得眾心使人告同築城聚眾欲  
圖大事

魏書曰太宗以同擅徵發於外檻車徵還尋以同雖  
專命意在為公釋之

太武監國臨朝聽政以同為左輔及即位進爵高陽公



冀清二州刺史同長子屈明元時典太倉事盜官粳米數石欲以養親同大怒求戮屈自劾不能訓子帝嘉而恕之遂詔長給粳米同在官明察長於校閱家法脩整為世所稱及在冀州年老頗殖財貨大興寺塔為民所苦卒贈高陽王諡恭惠屈弟原雅性矜嚴沈勇多智略明元時為獵郎出監雲中軍事時夏主赫連勃勃犯河西原以數十騎擊之殺十餘人帝以原輕敵違節度加罪然知原驍勇遂任以為將鎮雲中柔然犯塞原輒破

欽定四庫全書

西北史合注 卷一百七

三

之以功賜爵武原侯太武即位拜駕部尚書車駕征柔然大檀分為五道又遷尚書左僕射進爵河間公原在朝無所比周然恃寵驕恣多所排抑為子求襄城公盧魯元女魯元不許原告其罪狀事相連逮歷時不決原懼不勝遂謀逆事泄誅原兄弟外節儉而內蓄積及誅後籍其財至數萬弟頡辨慧多策略有父風明元初為內侍長令察舉百寮糾刺奸慝無所迴避嘗告其父陰事帝以為忠特親寵之宣城王奚斤自長安追夏主赫

連昌至安定頡為監軍侍御史斤以馬多疫死士眾乏糧築壘自固遣太僕丘堆等督租民間為昌所敗昌遂騎矜日來侵掠

魏書曰時芻牧者不得出士卒患之

頡曰等死當戰死寧可坐受囚乎斤猶以馬死為辭

魏書載頡進計曰本奉詔誅賊今乃退守窮城不為賊殺當為法誅進退皆無生路而王公諸將晏然無謀何以報恩塞責斤以馬力不足尚須京師救騎至

欽定四庫全書

西北史合注 卷一百七

三

為辭頡曰猛寇遊逸於外而吾等兵疲力屈士有飢色不一決戰死在旦夕何救兵可待等死當戰死何坐困乎斤猶以馬少為辭頡曰今兵雖無馬但將帥所乘可得二百騎請募壯勇出擊之且昌獨而無謀每好挑戰眾皆識之且伏兵掩擊可擒也斤猶難之頡乃陰與尉卷等謀選騎馬昌來攻壘頡出應之魏書曰昌于陳前自接戰軍士識昌爭往赴之會天大風揚塵晝昏眾亂昌退頡等追擊



昌馬蹶而墜頡輪昌送京師

十六國春秋抄云昌與魏戰於黑渠為魏所敗與數千騎奔還魏追騎亦至昌河內公費連烏提守高平徙諸城民七萬戶於安定以都之已魏軍至安定三城潰昌奔秦州魏東平公娥清追擒之送於魏與此不同

賜爵西平公代堆統攝諸軍夏至赫連定將復入長安詔頡鎮蒲坂拒之宋將到彥之寇河南以援定列守南

欽定四庫全書

南北史合注  
卷一百七

三五

岸至於衡關太武西征定以頡為援軍將軍督諸軍擊彥之遂濟河攻洛陽拔之進攻虎牢虎牢潰又同瑯邪王司馬楚之平滑臺擒宋將朱修之李元德及東郡太守申謨乃振旅還京師進爵為王卒謚曰襄頡為將善綏士卒及卒宋士卒降者無不歎惜

庾業延代人後賜名岳其父及兄和辰世典畜牧稍轉中部大人昭成崩苻氏內侮事難之間收斂畜產富擬國君劉顯謀逆道武外幸和辰奉獻明太后歸道武又

得其資用以和辰為內侍長和辰分別公私舊畜頗不

會道武恨之岳獨恭慎脩謹善處危難道武嘉之與王建等俱為外朝大人參預軍國從平中原拜安遠將軍官軍之警於栢肆也賀蘭部帥附力眷統突隣部帥匿物尼統奚部帥叱奴根等聞之反於陰館宋室南安公順討之不尅詔岳討叱奴根等滅之又討破離石叛胡帥呼延鐵西河叛胡帥張崇等以功賜爵西昌公遷鄴行臺岳為將有謀略衆服其智勇名冠諸將及罷鄴

欽定四庫全書

南北史合注  
卷一百七

三五

行臺以所統六郡置相州即拜岳刺史秉法平當百姓稱之鄴舊有園池時果初熟丞吏送之岳不受曰果未進御吾何得先食其謹如此遷司空岳兄子路有罪諸父兄弟悉誅特赦岳父子候官告岳衣服鮮麗又行止風采擬儀人君過道武不豫多所猜忌遂被誅時人咸冤惜之岳葬代西善無界後太武征赫連氏經其墓宅愴然改容詔為立廟冷一川之人四時致祭求其子孫任為帥者得岳子陵從征有功聽襲爵



王建廣寧人祖姑為平文后生昭成建少尚公主登國  
初為外朝大人與和跋等十三人迭典庶事參預計謀  
道武邊使燕王慕容垂建辭色高亢垂壯之還為左大  
夫建兄迴時為大夫諸子多不慎法建具以壯聞迴父  
子伏誅從征伐諸國破二十餘部又從征衛辰破之為  
中部大人破燕主慕容寶於參合帝乘勝將席卷南夏  
簡擇俘衆有才能者留之餘衆悉給衣糧遣歸令中州  
咸知思德建以為寶覆敗於此國內空虛獲而歸之縱

欽定四庫全書

南北史合注  
卷一百七

三五

敵生患不如殺之帝曰若從建言非伐罪弔民之義諸  
將咸然建言建又固執乃抗之帝既而悔焉并州既平  
駕出井陘次常山諸郡皆降唯中山鄴信都三城不下  
乃遣衛王儀南攻鄴建攻信都等城建等攻城六十餘  
日不能尅士卒多傷帝自中山幸信都降之已幸鉅鹿  
破寶衆於栢肆塢遂圍中山寶棄城走和龍城內空虛  
無主帝將乘勝夜入據守其門建貪而無謀意在虜獲  
恐士卒肆掠盜亂府庫請候天明帝乃止是夜徒何人

共立慕容普麟為主閉門固守帝悉衆攻之使入登巢  
車臨城招其衆皆曰但恐如參合之衆故求全月日命  
耳帝聞之顧視建而唾其面中山平賜建爵真定公加  
散騎常侍冀青二州刺史卒陪葬金陵

魏書曰建子斤世祖時進爵淮南公後鎮長安假節  
鎮西將軍信用左右調後百姓民不堪命南奔漢川  
者數千家世祖遣按之斬斤以徇 愚按白起以坑  
降戮身建以坑降斬子斤無足錄特錄以示戒

欽定四庫全書

南北史合注  
卷一百七

三五

羅結

內入諸姓有叱羅氏孝文改羅氏

代人其先世領部落為魏附臣劉顯之逆翼衛鑿與從  
道武幸賀蘭部後賜爵屈地侯太武初累遷侍中外都  
太官總三十六曹事年一百七歲精爽不衰帝以其忠  
慈甚信待之監典後宮出入卧內因除長秋卿年一百  
二十詔聽歸老賜大寧東川為私第別業并為築城號  
羅侯城朝廷每有大事驛馬詢問年一百二十乃卒謚



曰真子斤從太武討赫連昌力戰有功歷四部尚書從平涼州以功賜爵帶方公柔然侵境除柔玄鎮都大將卒謚曰靜陪葬金陵子敦襲位庫部尚書卒子伊利襲魏書曰伊利除內行長沉密恭勤顯祖親幸其家問疾躬視湯藥歷官司農卿

婁伏連

內入諸姓有匹婁氏孝文改婁氏

代人代為首帥伏連忠厚有器量年十三襲父位領部

欽定四庫全書

南北史合注  
卷一百七

三六

落道武初從破賀蘭部又平中山及征姚平於柴壁以功賜爵安邑侯太武即位封廣陵公進為王後鎮統萬堯謚曰恭子真襲降為公真弟大拔大拔孫寶字道成性淳樸好讀書孝明時仕至朔州刺史時邊事屢興人多流散及寶至稍安集之殘壞舊宅皆命葺構人歸繼路歲考為天下最後隨大都督源子邕討擊葛榮王師敗績寶囚於榮軍變姓名匿行伍免害久之賊中有朔州人識寶者謂寶曰使君寧自苦至此遂將詣榮笑曰

婁公吾方圖事何相見之晚因顧謂人曰此公行善天道報之得免亂兵即其驗也寶遇逃者密啓賊形勢規為內應天子感其壯志召寶第二子景賢授員外散騎常侍郎榮滅寶始得還永安中除假員外散騎常侍使柔然先是柔然稱藩上表後以中州不競書為敵國之儀寶責之柔然主驚謝曰此作書人誤遂更稱藩考武立敕寶與行臺長孫子彥鎮恒農後從入關大統中累進儀同三司兼太子太傅攝東宮詹事為人清簡少言

欽定四庫全書

南北史合注  
卷一百七

三六

頗諳舊事守靖謙恭以此為人所敬後行涇州事卒於州

伏連兄曾孫毅魏書曰毅累官涼州刺史高祖南伐毅表曰伏聞六軍雲動問罪荆揚但京邑新遷公私草創兼往歲弗稔民多饑饉嗟惋易興天道悠長宜遵養時晦願抑赫斯以待後日不從

間大肥柔然人道武時歸魏尚華陽公主賜爵其思子與弟並為正賓入八議明元即位為內都大官進爵為



侯

魏書曰泰常初為都將領禁兵討柔然獲其大將

宜城王奚斤攻虎牢大肥與娥清領十二軍出中道太

武初復與奚斤出雲中白道討柔然大檀破之後從討

赫連昌以功授滎陽公公主薨復尚獲澤公主

魏書曰又為都將擊大檀大破之 愚按大肥以柔

然種類效忠於魏亦變事也

太武將拜大肥為王遇疾卒

欽定四庫全書

南北史合注 卷一百七

奚牧代人重厚有智謀道武寵遇之稱曰仲兄初劉顯

害帝梁卷知之潛使牧與穆帝至七個山告帝錄先帝

舊臣又以牧告顯功使敷奏政事參預計謀從征燕主

慕容寶以功拜并州刺史賜爵任城公州與秦主姚興

接界興頗寇邊牧乃與興書稱頓首均禮拜之責興侵邊

不直興以與國和通恨之有言於道武道武戮之

和跋

內入諸姓有素和氏孝文改和氏

代人世領部落為魏附臣跋以才辨知名道武擢為外

朝大人參軍國大謀雅有智算賜爵日南公從平中原

以功進為尚書鎮鄴以破慕容德軍

魏書曰德使兄子和守滑臺和長史李辨殺和求援

於跋跋帥輕騎赴之既至辨悔閉門拒守跋使說之

乃開門跋入收其府藏德遣將率三千騎擊跋跋逆

擊擒其將士千餘人陳穎之民多來向化

改封定陵公與常山王遵討賀蘭部別帥木易干破之

欽定四庫全書

南北史合注 卷一百七

出為平原太守為道武寵任時羣臣皆敦尚恭儉而跋

好脩虛譽炫耀於時性尤奢淫帝戒之不革後北巡狩

山收跋刑之路側妻劉氏自殺以從初將刑跋道武命

其諸弟毗等視訣跋謂毗曰灑北地瘠可居水南就耕

良田廣為產業各相勸勵令之背已曰汝曹何忍視吾

死毗等解其微意詐稱使者奔長安道武誅其家後太

武幸射山校獵忽遇暴風雲霧四塞怪問之羣下僉言

跋世居此祠冢猶存或能致斯變帝遣建興公古弼祭



三牲霧即除太武蒐狩每先遣祭之  
莫題

內入諸姓莫那婁氏孝文改莫氏

代人多智有才用初為幢將領禁兵道武征燕主慕容  
寶寶夜犯營軍人驚駭有亡還京師者言官軍敗於柘  
肆京師不安南安公順因欲攝國事題曰大事不可輕  
爾不然禍將及矣乃止後封高邑公窟咄寇南鄙題時  
貳於帝遺箭窟咄謂之曰三歲犢豈勝重載言窟咄長  
欽定四庫全書

南北史合注  
卷一百七

四十一

而帝少也帝既銜之後有告題居處倨傲擬則人主帝乃  
使人示之箭告之曰三歲犢能勝重載否題奉詔父子  
對泣詰朝刑之  
賀狄干代人冢本小族世忠厚為將以平當稱稍遷北  
部大人登國初與長孫嵩為對明於聽察為人愛敬道  
武遣狄干致馬千匹結婚於秦主姚萇會萇卒興立因  
止狄干而絕婚興弟平寇平陽道武討平之擒其將狄  
伯支唐小方等四十餘人後興以駿馬千匹贖伯支而

遣狄干還帝許之干在長安習讀書史通論語尚書諸  
經舉止風流有似儒者初帝普封功臣狄干雖為興留  
還賜爵襲武侯及狄干至帝見其言語衣服類中國以  
為慕而習之故忽而殺之

李栗鴈門人昭成時父子入國栗少辨捷有才能兼具  
有將略初隨道武幸賀蘭部愛其藝能時王業草創爪  
牙心腹多任親近唯栗一介遠寄兼非戚舊數有戰功  
拜左軍將軍栗性簡慢矜寵不率禮度每在道武前舒

欽定四庫全書

南北史合注  
卷一百七

四十二

放倨傲不自祇肅笑唾任情道武即其宿過誅之於是  
威嚴始厲制勒羣下盡謙卑禮自栗始也

論曰帝王之興雖則天命經綸所說咸藉股肱元桓穆  
之際王迹未顯操舍託身馳驟自立功名可謂志識之  
士矣而劉庫仁兄弟忠以為心盛衰不二純節所存其  
意蓋遠而並貽非命惜乎尉真兄弟忠勇奮發義以忘生  
眷威略著時增隆家業穆崇夙奉龍顏早著誠款遂膺  
寵眷位極台司至乃身豫逆謀卒蒙全護從享於廟抑



亦尚功世載公卿弈弈青紫盛矣奚斤世稱忠孝征伐有尅平涼之後師殲身虜雖敗崎之責已赦封尸之效靡立而恩禮隆渥沒祀廟廷叔孫建少展誠勤終著庸伐臨邊有術威震夷楚俊委節明元義彰顛沛察朱提之變有日碑之風加以柔而能正見美朝野安同異類之人智識日用任等時俊當有由哉頡龠赫連昌推宋氏眾遂為名將未易輕也庾業延見紀危難受事草創智勇既申功名尤舉而不免傾覆命矣夫王建位遇既

欽定四庫全書

南北史合注 卷一百七

四十三

高許以求直參合之後不其罪歟羅結枝附葉從子孫榮祿婁伏連問大肥並征伐著蹟策名前代奚牧和跋莫提賀狄干李粟有忠勤征伐之效不能以功名自卑俱至誅夷亦各其命也

南北史合注卷一百七

欽定四庫全書

南北史合注卷一百八

明李清撰

北史二十二

許謙

崔浩

鄧彥海

張家

燕鳳字子章代人少好學博綜經史明習陰陽識緯昭

欽定四庫全書

南北史合注 卷一百八

二

成素聞其名使以禮致之鳳不應及軍圍代謂城人曰鳳不來屠之代人懼遂送鳳昭成待以賓禮後拜代王左長史參決國事又以經授獻明常使秦王待堅堅問鳳曰代王何如人對曰寬和仁愛經略高遠一時雄主也常有并吞天下之志堅曰卿輩北人無剛甲利兵敵弱則進強則退安能并兼耶鳳曰北人壯悍上馬持三仗驅馳若飛主上雄雋率服北土控弦百萬號令若一軍無輻重樵爨之苦輕行速捷因敵取資此南方所以



疲弊北方所以常勝也堅曰彼國人馬多少鳳曰控弦之士數十萬見馬一百萬匹堅曰卿言人衆則可說馬太多鳳曰雲中川自東山至西河二百里北山至南山百餘里每歲孟秋馬常大集略為滿川以此推之使人言猶未盡鳳還堅厚加贈遺及昭成崩道武將還長安鳳以道武幼弱固請於堅曰代主初薨人臣亡叛遺孫冲弱莫相輔立其別部大人劉庫仁勇而有智鐵弗術辰狡猾多端皆不可獨任宜分部為二令兩人統之兩

欽定四庫全書

南北史合注  
卷一百八

三

人素有深讎勢莫能先發此禦邊上策待其孫長存而立之是陛下大惠於亡國也堅從之鳳尋東還道武即位歷吏部郎給事黃門侍郎行臺尚書甚見器重明元世與崔宏封懿梁越等入講經傳出議朝政太武初以舊勲賜爵平舒侯卒子才襲

許謙字元遜代人少有文才善天文圖讖學建國時將家歸附昭成擢為代王郎中令兼掌文記與燕鳳俱授獻明經昭成殂謙徙長安秦王待堅弟行唐公洛鎮和

龍請謙之鎮未幾以繼母老辭歸登國初遂歸道武以為右司馬與張冢等參贊初慕容寶來寇道武使謙告難於秦主姚興興遣將楊佛嵩來援佛嵩稽緩道武命謙為書遺之

魏書載謙書曰慕容無道侵我疆場師老兵疲將軍因此而舉千載之功一朝可立然後高會雲中進師三魏舉觴稱壽不亦綽乎

佛嵩乃倍道兼行道武大悅賜謙爵關內侯寶敗佛嵩

欽定四庫全書

南北史合注  
卷一百八

三

乃還及燕主慕容垂卒謙上書勸進并州平以謙為陽曲護軍賜爵平舒侯卒贈幽州刺史高陽公謚曰文子洛陽襲明元追錄謙功以洛陽為雁門太守洛陽家田三生嘉禾皆異詔同穎太武善之進爵北地公卒謚曰恭

崔宏字玄伯清河東武城人魏司空六世孫林祖悅父潛仕石氏慕容氏並以才學稱宏少有雋才號冀州神童符融牧冀州時虛心禮敬拜陽平公侍郎領冀州從



事出摠庶事入為賓友衆務脩理處斷無滯秦主符堅聞之微為太子舍人辭以母疾不就左遷著作佐郎太原郝軒名知人稱宏有王佐才堅亡避難齊魯問為丁零翟釗及晉叛將張願所留軒歎曰斯人遇斯時不因扶搖之勢而與鷄雀飛沉豈不惜哉仕燕主慕容垂歷官高陽內史所歷著稱立身雅正雖在兵亂猶厲志篤學不以資產為意妻子不免飢寒道武征慕容寶次中山棄郡走海濱帝素聞其名遣騎追求及至以為黃門

欽定四庫全書

南北史合注 卷一百八

侍郎與張袞對摠機要草創制度時晉使來聘帝將報之詔有司議國號宏議曰三皇五帝之立號或因所生上或以封國名故虞夏商周世皆諸侯及聖德既隆萬國宗戴稱號隨本不復更立唯商人屢徙改號曰殷然猶兼行不廢始號故詩云殷商之旅此其義也國家統北方廣漠之土至於陛下受命維新以是登國初改代曰魏夫魏者大名神州之上國斯乃革命徵驗利見玄符也宜號為魏道武從之於是稱魏及帝幸鄴問故事

宏應對若流帝善之還次恒嶺帝親登山頂撫慰新民適遇宏扶老母登嶺賜以牛黍因詔諸徙人不能自進者給以牛車遷吏部尚書時命有司制官爵撰朝儀協音樂定律令申科禁宏摠而裁之以為永式及置八部大人以擬八座宏通署三十六曹如今僕統事深被信任勢傾朝廷約儉自居不營產業家徒四壁出無車乘朝脯步上母年七十供養無重膳帝聞益重之厚加饋賜時人亦或譏其過約而宏居之愈甚常引問古今舊

欽定四庫全書

南北史合注 卷一百八

事王者制度宏陳古人制作之體及往代廢興之由甚合上意未嘗嘗謬忤旨亦不諂諛苟容及道武季年大臣多犯威怒宏獨無譴者由於此也帝曾引宏講論漢書至婁敬說高祖欲以魯元公主妻匈奴善之嗟嘆良久是以諸公主皆嫁賓附之國朝臣子弟良族美彥不得尚焉尚書職罷賜宏爵白馬侯加周兵將軍與舊功臣庾岳奚斤等同班而信寵過之道武崩明元未即位清河王紹因人心不安大出財帛班賜朝士宏獨不受



魏書曰太宗即位以不受紹財帛特賜帛二百匹

長孫嵩以下咸愧之詔遣使者循行郡國糾察守宰不如法者令宏與宜都公穆觀等案之帝稱其平當又詔宏與長孫嵩等朝堂決獄明元以郡國豪右大人蠹害乃優詔徵之人多戀本而長吏逼遣之於是輕薄少年扇動所在聚結河西建興盜賊並起守宰討之不能禁帝乃引宏及北新侯安同壽光侯叔孫建宗室元城侯屈等問焉宏欲大赦以紓之屈曰不如先誅首惡赦其

欽定四庫全書

南北史合注  
卷一百八

黨類宏曰王者以安民為本何顧小曲直故雖非正道可以權行若赦而不改誅之不晚明元從之神瑞初詔宏與南平公嵩等坐止車門右聽理機事并州胡數萬南掠河內遣將軍公孫表等討之敗績帝問計羣臣宏曰表等諸軍非不足但失於處分故使小盜假息胡衆雖多而無猛健主將所謂千奴共一膽也宜得大將素為胡服信者將數百騎就攝表軍討之賊聞必望風震怖壽光侯建前在并州諸將莫及帝從之遂平胡寇尋

拜天部大人進爵為公太常三年夏宏病篤帝遣侍中穆觀就受遺言侍臣問疾一夜數返卒追贈司空謚文貞喪禮一依安城王叔孫俊故事詔羣臣及附國渠帥皆會葬自親王以外盡命拜送子浩襲太和中孝文追錄先朝功臣以宏配饗廟廷浩字伯深少好學博覽經史玄象陰陽百家之言無不該覽研精義理時人莫及弱冠為通直郎稍遷著作郎道武以其工書常置左右帝季年威嚴頗峻宮省左右多以微過得罪莫不避匿

欽定四庫全書

南北史合注  
卷一百八

浩獨恭勤不急或終日不歸帝知之輒命賜以御粥其砥直任時不為窮通改節若此明元初拜博士祭酒賜爵武城子常授帝經書每至郊祀父子並乘軒輅時人榮之帝好陰陽術數聞浩說易及洪範五行善之因命筮吉凶參觀天文考定疑惑浩總覈天人之際舉其綱紀者數家多有應驗恒與軍國大謀甚為寵密時有免在後宮檢問無從得入帝令浩推之浩以為當有隣國貢嬪嬙者明年秦姚興果獻女神瑞二年秋穀不登太



史令王亮蘇坦言識書云國家當都鄴應大樂五十年  
勸帝遷鄴可救今饑帝問浩浩曰非長策也東州人謂  
國家居廣漢民畜無算號稱牛毛之衆今留守舊都分  
家南徙恐不滿諸州之地若參居郡縣不便水土疾疫  
死傷情見事露則百姓意阻四方有輕侮之意屈丐蠕  
蠕必提挈而來雲中平城將有危殆之慮況阻隔恒代  
千里之險救援甚難則聲實俱損矣今居北方假令山  
東有變輕騎南出耀威桑梓之中誰知多少百姓見之

欽定四庫全書

南北史合注 卷一百八

望塵振伏此國家威制諸夏之長策也至春草生乳酪  
將出兼有菜果足接來秋若得中熟事則濟矣帝深然  
之復使中貴人問浩浩曰今既無以餬口至來秋或復不  
熟將如何浩浩曰可簡窮下戶就穀諸州若秋無年願更  
圖之但不可遷都於是分民詣山東三州就食出倉穀  
粟之來年大熟賜浩浩妾一人及御衣綿絹等初姚興卒  
之前歲太史奏熒惑在匏瓜星中一夜忽亡失不知所  
在或謂下入危亡之國將為童謠妖言方行其災禍帝

乃名諸碩儒與史官求其所詣浩浩對曰按春秋左氏傳  
說神降于莘其至之日各以其物祭請以日辰推之庚  
午之夕辛未之朝天有陰雲熒惑之亡當在此二日內  
庚與午皆主秦辛為西夷今姚興據咸陽是熒惑入秦  
矣諸人皆作色曰天上失星人安能知其所詣而妄言  
無徵浩浩笑而不應後八十餘日熒惑果出東井留守盤  
旋秦中大旱赤地昆明池水竭童謠訛言國中喧擾明  
年興死二子交兵三年國滅諸人乃服太常元年晉將

欽定四庫全書

南北史合注 卷一百八

劉裕伐秦姚泓欲沂河西上求假道詔羣臣議之外朝  
公卿咸曰函谷天險裕何能西入揚言伐秦意或難測  
宜先發軍斷河上流勿令西過內朝咸同外計帝將從  
之浩浩曰此非上策司馬休之之徒擾其荊州裕切齒久  
矣今興卒子幼秉其危亡伐之臣觀其意必欲入關動  
躁之人不顧後患若塞其西路必上岷北侵如此則秦  
無事而我受敵矣蠕蠕內寇民食又乏發軍赴南則北  
寇進擊若其救北則南州復危未若假之水道縱裕西



入然後興兵塞其東歸之路所謂下莊刺虎兩得之勢也使裕勝也必德我假道今姚氏勝也亦不失救隣之名縱裕得關中懸遠難守彼不能守終為我物今不勞兵馬坐觀成敗關兩虎而收長久之利上策也夫為國之計擇利為之豈顧婚姻酬一女子之惠哉假國家棄恒山以南裕必不能發吳越之兵爭守河北也議者猶曰裕西入函關則進退路窮腹背受敵北上岸則秦軍必不出關助我揚聲西行意在北進其勢然也帝遂從

欽定四庫全書

南北史合注  
卷一百八

十一

羣議遣長孫嵩拒之戰於畔城為晉將朱超石所敗帝恨不用浩言二年晉齊郡太守王懿來降陳計稱劉裕在洛勸以軍絕其後路則裕軍不戰可克書奏帝善之會浩在前進講書傳帝問浩曰裕西伐已至潼關御觀事濟否浩曰姚興好養虛名而無寔用子泓又病衆叛親離乘其危亡兵精將勇克之必矣帝曰裕武能何如慕容垂浩曰垂承父祖之資生便尊貴同類歸之若夜

蟲赴火

本文蟲作蛾蛾赴火則焦疑誤今依通鑑改蟲少加倚仗便作立功劉裕挺出寒微不因一卒奮臂大呼夷滅桓玄北擒慕容超南摧盧循

資治通鑑曰非其才過人安能如此

若再平姚泓必篡其主秦地戎夷混并裕亦不能守之秦地終為國有耳

資治通鑑曰關中華戎雜錯風俗勁悍裕欲以荆揚之化施之函秦此無異解衣救火張羅捕虎雖留兵

欽定四庫全書

南北史合注  
卷一百八

十一

守之人情未洽趨向不同適為寇資耳願按兵息民以觀其變秦地終為國有可坐守也

帝曰裕已入關不能進退我遣精騎南襲彭城壽春裕何能自立浩曰今西北二寇未殄陛下不可親御六師長孫嵩有經國之用無進取之能非裕敵也待之不晚帝笑曰卿量之審矣浩曰臣常私論近世人物不敢不上聞若王猛經國符堅之管仲也慕容恪輔少主慕容暉之霍光也劉裕平逆亂司馬德宗之曹操也帝曰屈



弓何如浩曰屈弓家國夷滅一身孤寄為姚氏封值不  
思樹黨強隣報復雖耻乃結孺孺背德姚興擬豎小人  
無大經略終為人殘滅耳帝大悅說至中夜賜浩縹醪  
酒十斛水精戎鹽一兩曰朕味卿言若此鹽酒故與卿  
同其味也三年慧星出天津入太微經北斗絡紫微犯  
天棓八十餘日至天漢而滅帝復召諸儒術士問之曰  
災咎將在何國朕甚畏之浩曰災由人起人無霧妖不  
自作漢書載王莽篡位前慧星出入正與今同國家主

欽定四庫全書

南北史合注  
卷一百八

十一

尊臣卑人無異望是為借晉將滅劉裕篡之之應也帝  
深然之五年宋果代晉南鎮上宋改元赦書時帝幸東  
南烏油池射鳥聞之驛馳召浩告曰卿慧星之占驗矣  
朕今日始信天道初浩父疾篤乃翦爪截髮夜禱斗極  
為父請命求以身代叩頭流血歲餘不息家人罕知及  
父終居喪盡禮時人稱之襲爵白馬公自朝廷禮儀優  
文策詔軍國書記盡關於浩浩能為雅說不長屬文而  
留心制度科律及經術之言作家祭法次序五宗蒸嘗

之禮豐儉之節義理可觀性不好莊老每讀不過數十  
行輒棄之曰此矯誣之說不近人情必非老子所作老  
聃習禮仲尼所師豈設敗法之言以亂先王之教袁生  
所謂家人筐篋中物不可揚於王庭帝恒有微疾災異  
屢見乃使中貴人密問浩曰今茲日蝕於胃昂盡光趙  
代之分野朕疾疹彌年恐一旦奄忽諸子並少其為我  
設圖後計浩曰昔宋景見災修德焚惑退舍況陛下春  
秋富盛德可除災無以聞昧之說致損聖思必不得已

欽定四庫全書

南北史合注  
卷一百八

十一

請陳蕃言自聖化龍興不崇儲貳是以永興之始社稷  
幾危今宜早建東宮選公卿忠賢陛下素所委仗者使  
為師傅左右信臣簡在帝心者以充賓友入摠萬幾出  
統戎政監國撫軍六柄在手若此則陛下可以優游無  
為頤神養壽

魏書載浩言曰萬歲後國有成主民有所歸則奸宄  
無覲覲

此萬代令典也今長皇子燾年漸一紀衆情所繫時登



儲副則天下幸甚立子以長禮之大經若須並大成人而擇倒錯天倫則生履霜堅冰之禍自古以來載籍所記興衰存亡豈不由此帝納之於是使浩奉策告宗廟令太武為國副主居正殿臨朝司徒長孫嵩山陽公奚斤北新公安同為左輔坐東廂西面浩與太尉穆觀散騎常侍丘堆為右弼坐西廂東面百寮摠己以聰明元居西宮時隱而窺之聽其決斷大悅謂左右侍臣曰長孫嵩宿德舊臣歷事四世功存社稷奚斤辯捷智謀名

欽定四庫全書

南北史合注  
卷一百八

聞遐邇安同曉解俗情明於校練穆觀達於政要識吾旨趣崔浩博聞強識精於天人之會丘堆雖無大用然在公專謹以六人輔吾子足以經國吾與汝曹遊行四境伐叛柔服可以得志天下矣羣臣時奏事所疑帝曰此非我所知當決之汝曹國主也會聞宋武帝殂帝欲取洛陽虎牢滑臺浩曰陛下不以劉裕歿起納其使聘裕亦敬事陛下不幸今使乘喪伐之雖得之不令春秋晉士句侵齊聞齊侯卒乃還君子大其不伐喪以為思

感孝子義動諸侯今國家未能一舉定江南宜遣人弔祭恤其凶災布義風于天下且裕新死黨與未離不如緩之待其強臣爭權變難必起然後命將揚威可不勞士卒而收淮北之地帝銳意南伐語浩曰劉裕因姚興死而滅其國裕死我伐之何為不可浩固執曰興死二子交爭裕乃伐之帝大怒不從遂遣奚斤等南伐議于監國前曰先攻城先略地斤請先攻城浩曰南人長于固守符氏攻襄陽經年不拔今以大國之力攻其小城

欽定四庫全書

南北史合注  
卷一百八

若不時剋挫損軍勢危道也不如分軍略地至淮為限列置守宰收斂租穀滑臺虎牢反在軍北絕望南救必沿河東走若或不然即圍中之物公孫表請先圍其城斤等濟河先攻滑臺經時不拔表請濟師帝怒乃親南巡拜浩相州刺史隨軍為謀主及駕還浩從幸西河太原下臨河流傍覽川城慨然有感遂與同寮論五等郡縣之是非考秦皇漢武之違失時伏其言天師絕諫之每與浩言聞其論古興亡常自夜達旦竦意斂容以嘆



美之曰斯言皆可底行當今臯陶也但人貴遠賤近不能深察之耳因謂浩曰吾當兼修儒教輔助太平真君而學不稽古為吾撰列王者政典并論其大要浩乃著書二十餘篇止推太初下及秦漢變弊之迹大旨先以復五等為本太武左右忌浩正直共排毀之帝雖知其能不免羣議故浩以公歸第及有疑議召問焉浩纖妍白皙如美婦人性敏達長於謀計自比張良謂已稽古通之既歸第因欲修服食養生術而寇謙之有神中錄

欽定四庫全書

南北史合注 卷一百八

十六

圖新經浩因師之始光中進爵東郡公拜太常經時議伐赫連昌羣臣皆以為難唯浩曰往年以來熒惑再守羽林越鈞陳其占秦亡又今年五星并出東方利以西伐天應人和時會並集不可不進帝乃使奚斤等擊蒲坂而親率輕騎掠其都城大獲而還後復討昌次其城下收衆偽退昌鼓譟而前舒陣為兩翼會有風雨從東南來揚沙昏冥官者趙倪進曰今風雨從賊後來我向彼背天不助人又將士饑渴願陛下攝騎避之更待後

日浩叱之曰是何言數千里制勝一日中豈得變易賊前行不止後已離絕宜分軍隱出掩擊不意風道在人豈有常也帝曰善分騎奮擊昌軍大潰神慮二年議擊柔然朝臣內外盡不欲行保太后亦固止帝帝皆不聽唯浩讚成之尚書令劉潔左僕射安原等乃使黃門侍郎仇齊推赫連昌太史張淵徐辯說帝曰今年己巳三陰之歲歲星襲月太白在西方不可舉兵北伐伐必敗雖克不利於上又羣臣共讚淵等云淵少時常諫符堅不

欽定四庫全書

南北史合注 卷一百八

十七

可南征堅不從而敗天時人事俱不和協如何輕舉帝意不快召浩與淵等辯之浩難淵曰陽者德也陰者刑也故日食修德月蝕修刑夫王者用刑大陳原野小肆市朝戰伐用刑之大者也以此言之三陰用兵蓋得其類修刑之義歲星襲月年饑民流應在他國遠期十二年太白行蒼龍宿於天文為東不妨北伐淵等俗生牽於術數不達大體難于遠圖臣觀天文比年以來月行掩昴至今猶然其占三年天子大破旄頭之國端端高



車旄頭之衆也夫聖明御時能行非常之事願陛下勿  
疑淵等慙曰蠕蠕荒外無用之物得其地不可耕而食  
得其人不可臣而使羸疾無常難得而制有何汲汲而  
勞苦士馬浩曰淵言天時是其所職若論形勢非彼所  
知斯乃漢世舊說常談施之於今不合事宜何以言之  
夫蠕蠕者舊是國家北邊叛隸今誅其元惡収其善人  
今復舊位非無用也漠北高涼不生蚊蚋水草美善夏  
則北邊田牧其地非不可耕而食也蠕蠕子弟來降貴

欽定四庫全書

南北史合注  
卷一百八

六

者尚公主賤者將軍大夫居滿朝列又高車駟馬為名騎  
非不可臣而畜也夫以南人追之則患其羸疾于國兵  
不然彼能遠走我亦能遠逐非難制也往數入塞國人  
震驚今夏不棄虛掩進破滅其國至秋復來不得安卧  
自太宗迄今無歲不警宣不汲汲哉世皆謂淵辯通解  
數術明決成敗臣請問以西國未滅有何亡徵知而不  
言是不忠若實不知是無術時赫連昌在坐淵等以無  
先言慙不能對帝大悅謂公卿曰吾意決矣亡國之臣

不可與謀信哉而保太后猶疑之復令羣臣至保太后

前評議曉之令寤既罷朝或尤浩曰吳賊南侵舍之北

伐師行千里其誰不知蠕蠕遠遁前無所獲後有南侵

之患此危道也浩曰今年不摧蠕蠕則無以禦南賊自

國家并西國以來南人恐懼揚聲動衆以衝淮北彼北

我南彼勞我息其勢然矣北破蠕蠕往還間不見其至

何以言之劉裕得關中留其受子精兵數萬良將勁卒

猶不能固守舉軍盡沒號哭之聲至今未已如何當國

欽定四庫全書

南北史合注  
卷一百八

七

家休明士馬強盛之時而欲以駒犢齒虎口也設國家  
與之河南彼必不能守自量不能守是以必不來若或  
有衆備邊之軍耳夫見瓶水凍知天下寒嘗肉一嚙識  
鑊中味物有其類可推而得且蠕蠕恃遠謂國家力不  
能至自寬日久故夏則散衆放畜秋肥乃聚背寒向温  
南來寇抄今掩其不備大軍卒至必望塵驚走牡馬獲  
收北馬戀駒驅馳難制不得水草未過數日朋聚而困  
弊可一舉滅暫勞永逸時不可失聖慮已決如何止之



遂行天師謂浩曰是行果克乎浩曰必克但恐諸將瑣瑣前後顧慮不能乘勝深入使不全舉耳及軍入其境柔然先不設備於是分軍搜討東西五千里南北三千里所虜及獲畜產車廬數百萬高車殺柔然種類歸降者三十餘萬落虜遂散亂帝沿弱水西至涿邪山諸大將果慮深入有伏勸帝止天師以浩褻言固勸帝窮討不聽後有降人言柔然大檀先被疾不知所為乃焚寫廬科車自載將數百人入山南走民畜窟聚方六十里

欽定四庫全書

南北史合注 卷一百八

無人統領相去百八十里追軍不至乃徐西遁唯此得免後聞涼州賈胡言若復前行二日則盡滅之矣帝深恨之大軍既還南軍竟不能動如浩所料浩明識天文好觀星變常置金銀銅鋌於酌器中夜有所見即以鋌畫紙作字記其異太武每幸浩第多問以異事或倉卒不及束帶奉進蔬食不暇精美帝為舉匕箸或立嘗而還其見寵愛如此於是引浩出入卧內加侍中特進撫軍大將軍左光祿大夫以賞謀謨之功帝從容謂浩曰

卿才智深博事朕祖考忠著三世朕故延卿自近其思盡規諫勿有隱懷朕雖當時或不用久當思卿言也因令歌工歷頌羣臣事在長孫道生傳又召新降高車渠帥數百人賜酒食於前指浩示之曰汝曹視此人纖冠懦弱手不能彎弓持予其胸中所懷乃踰於兵甲朕始時有征討之志慮不自決前後剋捷皆此人導吾至此乃敕諸尚書曰凡軍國大計卿等所不能決皆先諮浩然後行俄南藩諸將表宋師欲犯河南請兵三萬先其

欽定四庫全書

南北史合注 卷一百八

未發逆擊之因誅河北流人在界上者絕其鄉導足以挫其銳氣使不敢深入詔公卿議之咸言宜許浩曰此不可從往年國家大破蠕蠕馬力有餘南賊喪膽常恐輕兵奄至故揚聲動衆以備不虞非敢先發又南土下隰夏月蒸暑非行師時且彼先嚴有備必堅城固守屯軍攻之則糧食不給分兵肆討則無以應敵就使能來待其勞倦秋涼馬肥因敵取食徐往擊之此萬全計在朝羣臣及西北守將從陛下征討西滅赫連北破蠕蠕



多獲美女珍寶馬畜成羣南鎮諸將聞而生羨亦欲南抄以取資財是以妄張賊勢披毛求瑕莫得肆心既不獲聽故數稱賊動以恐朝廷背公存私為國生事非忠也帝從浩議南鎮諸將復表賊至而自陳兵少求簡幽州南戍兵佐守就漳水造船嚴備公卿議者僉然之又欲遣騎五千并假儲司馬楚之魯軌韓延之等令誘引邊人浩曰非上策也彼聞幽州已南精兵悉發大造舟船輕騎在後欲存立司馬誅除劉族必舉國駭懼當悉

欽定四庫全書

南北史合注  
卷一百八

五

發精銳來備北境後審知官軍有聲無實恃其先聚必喜而前行徑來至河肆其侵暴則我守將無以禦之若彼有見機之人善設權請乘間深入虞我國虛生變不難今公卿欲以威力攘賊乃所以招令遠至也張虛聲而召實害此之謂矣我使在彼期四月前還可待使至審而後發且楚之等瑣才能招合輕薄無賴而不能成就大功為國生事兵連禍結必此之羣臣聞魯軌說姚興求入荊州至則敗散蠻賊略責為奴使禍及姚泓已

然之效浩又陳天時不利於彼曰今茲宮氣在揚州不宜先舉兵一也午歲自刑先發者傷二也日蝕滅光晝昏星見飛鳥墮落宿當斗牛憂在危亡三也焚惑伏匿於翼軫戒亂及喪四也太白未出進兵者敗五也夫興國之君先修人事次盡地利後觀天時故萬舉萬全國安而身盛今宋國新造是人事未周也災變屢見是天時不協也舟行水涸是地利不盡也三事無一成自守猶或不安何得先發而攻人哉彼必聽我虛聲而嚴我

欽定四庫全書

南北史合注  
卷一百八

五

亦承彼嚴而動兩推其咎皆自以為應敵兵法當分災迎受害氣未可舉動也帝不能違衆乃從公卿議浩復固爭不從遂遣陽平王杜超鎮鄴琅邪王司馬楚之等屯潁川於是寇來遂疾到彥自清水入河沂流西行分兵列守南岬西至潼關帝聞赫連定與宋懸分河北乃先討赫連羣臣皆曰義隆軍猶在河中舍之西行前冠未可必剋而義隆乘虛則東州敗矣帝疑焉問計於浩浩曰義隆與赫連定同惡相連招結馮跋牽引蠕蠕規



肆逆心虛相唱和義隆望定進定待義隆前守莫敢先  
入以臣觀之有似連雞不得俱飛無能為害臣始謂義  
隆軍屯住河中兩道北上東道向冀州西道衝鄴如此  
則陛下當自致討不得徐行今則不然東西列兵徑二  
千里一處不過數千形分勢弱以此觀之俾兒情見正  
望固守免死為幸無北度意也赫連定殘根易摧擬之  
必仆剋定後東出潼關席捲而前威振南極江淮以北  
無立草矣聖策獨發非愚近所及願陛下必行無疑平

欽定四庫全書

南北史合注 卷一百八

涼既平其日宴會帝執浩手示蒙遜使曰所云崔公此  
是也才略之美當今無比朕行止必問決成敗若合符  
契後冠軍安頡軍還獻南俘因說南賊之言云宋救其  
諸將若北國兵動先其未至徑前入河若其不動往彭  
城勿進如浩所量帝謂公卿曰卿輩前謂我用浩計為  
謬驚怖固諫常勝之家自謂踰人至于歸終乃不能及  
遷浩司徒時方士初織奏立四王以日東西南北為名  
欲致吉除灾詔浩與學士議之浩曰先王建國以作藩

屏不應假名為福夫日月運轉周歷四方京師所居在  
於其內四王之稱寔奄邦畿名之則逆不可承用先是  
織奏改代為萬年浩曰昔道武皇帝應期受命開拓洪  
業諸所制宜無不循古以始封代土後稱為魏故代魏  
兼用猶彼殷商國家積德著在圖史當享萬億不待假  
名為益也織之所聞皆非正義帝從之時河西王沮渠  
牧犍內有二意帝將討焉先問於浩浩對曰牧犍惡心  
已露不可不誅官軍往年北伐雖不剋獲寔無所損于

欽定四庫全書

南北史合注 卷一百八

時行者內外軍馬三十萬及計在道死傷不滿八千歲  
常羸死恒不減萬乃不少於前而遠方承虛便謂大損  
不能大振今出其不圖大軍卒至必驚擾不知所出擒  
之必矣牧犍幼弱諸弟驕恣爭權縱橫人心離解加比  
年以來天災地變俱在秦涼成滅之國也帝命公卿議  
之恒農王奚斤等三十餘人皆表曰牧犍西垂下國雖  
心或未純然繼父職貢朝廷接以藩禮又王姬釐降罪  
未甚彭謂且羈縻而已今士馬勞止可宜小息又其地



由斤略無水草大軍既到不彼久停彼聞軍來必完聚  
城守攻則難拔野無所掠於是尚書古弼李順之徒皆  
曰自溫園河以西至於涼州地純枯石了無水草不見  
流川皆言姑臧城南天梯山上冬有積雪深一丈餘春  
夏消液下流成川引以溉灌彼聞軍至決此渠口水不  
通流則致渴乏去城百里內赤地無草不任久停軍馬  
斤等議是也帝乃命浩以前言與斤相難諸人唯曰彼  
無水草浩曰漢書地理志稱涼州之畜為天下饒若無  
欽定四庫全書 南北史合注 卷一百八  
水草何以畜牧又漢人為居終不予無水草之地築城  
郭立郡縣也又雪之消液裁不斂塵何得通渠引漕溉  
灌數百萬頃此言誣矣李順等復曰吾曹目見何可共  
辯浩曰汝曹受人金錢欲為之辭謂我目不見便可欺  
也帝隱聽聞之乃出親見斤等辭旨嚴厲羣臣不敢復  
言遂討涼州平之多饒水草如浩所言乃詔浩總理史  
務務從實錄

冊府元龜載詔曰昔皇祚之興世隆北土太祖應期

撥亂奄有區夏太宗光隆前緒大業維新然荒域之  
外猶未賓服朕即位之初不遑寧處揚威朔裔掃定  
赫連逮於神鷹始命史職注集成功以成一代之典  
自爾以來戎旗仍舉秦舉克定徐兗無塵平遼寇于  
龍川討孽暨於涼城皆宗廟之靈羣公卿士宣力之  
効也而史闕其職篇籍不著公德冠朝列言為世範  
小大之任望君存之述成此書務從實錄

於是監秘書事以中書侍郎高允散騎侍郎張偉參著

欽定四庫全書

南北史合注 卷一百八

作續成前紀至于損益褒貶折衷潤色浩所摠焉浩有  
鑒識以人倫為己任明元太武之世徵海內賢才起自  
仄陋及所得外國遠方名士拔而用之皆浩之由也至  
禮樂憲章皆歸宗于浩景穆始摠百揆浩復與宜都王  
穆壽輔政事及將討柔然劉潔復致異議帝愈欲討之  
召問浩浩對曰往擊蠕蠕師不多日潔等計過夫北土  
多積雪冬常避寒南徙若因其時潛軍而出必與之遇  
遇則可擒帝以為然乃分軍四道諸將俱會鹿渾海期



日有定而潔恨計不用沮誤諸將無功而還帝西巡至東雍親臨汾曲觀叛賊薛永宗壘進軍圍之永宗出兵欲戰帝問浩曰今日可擊否浩曰永宗未知陛下自來人心安閑北風迅疾宜急擊之須臾必破若待明日恐見官軍盛大必夜遁帝從之永宗潰滅車駕濟河前驅告賊在渭北帝至洛水橋賊已夜遁詔問浩曰蓋吳在長安北九十里渭北地空穀草不備欲渡渭南西行何如浩曰蓋吳營去此六十里賊魁所在擊蛇之法當先

欽定四庫全書  
南北史合注 卷一百八

破頭頭破尾豈能動宜乘勢先擊吳令軍往一日便列待吳平後迴向長安亦一日至耳一日內未便損傷宜從北道若從南道則蓋吳徐入北山卒未可平帝不從乃度渭南吳聞帝至盡散入北山果如浩言軍無所剋帝悔之後以浩輔東宮之勤賜繒絮布各千段帝薨于河西詔浩詣行所議軍事浩表曰昔漢武患匈奴強盛故開涼州五郡通西域廣農積穀為滅賊資東西迭擊漢未疲而匈奴已弊後遂入朝昔平涼州臣愚以為北

賊未平征役不息可不從其人若從其人則土地空虛雖有鎮戍適可禦邊而已至于大舉軍資必乏陛下以此事濶遠竟不施用如臣愚意猶如前議募促豪強大家充實涼土軍舉之日東西齊勢此計之得者

水經注曰帝嘗幸龍荒南秦王楊難當陞見名殿曰廣德刻石樹碑其辭曰肅清帝道振攝四荒有蠻有戎自彼氐羌無思不服重譯稽顙恂恂南秦欲欲推亡峨峨廣德奕奕焜煌侍中司徒東郡公崔浩辭也

欽定四庫全書  
南北史合注 卷一百八

浩又上五寅元曆表曰太宗即位元年敕臣解急就章考經論語詩尚書春秋禮記周易三年成訖復詔臣學天文星曆易式九宮無不盡看三十九年晝夜無廢臣稟性弱劣力不及健婦人更無餘能是以專心思書忘寢與食至夢共鬼爭義遂得周公孔子要術始知古人有虛有實妄語者多真正者少自秦始皇焚書後經典絕滅漢高祖以來世人妄造歷術者十餘家皆不得天道之正大誤四千小誤甚多臣慙其如此今陛下除偽



從真宜改誤歷以從天道是以臣前奏造歷今始成訖  
 惟思省察以臣歷術宣示中書博士然後施用非但時  
 人天地鬼神知臣得正可以益國家萬世之名矣浩又  
 以晉書諸家並多誤著晉後書未就傳世者五十餘卷  
 初道武詔秘書郎鄧彥海著國記十餘卷編年次事體  
 例未成逮於明元廢不著述神鷹二年詔集諸文人檢  
 錄國書浩及弟覽高謙鄧穎晁繼范享黃輔等共參著  
 作叙成國書三十卷著作令史太原閔湛趙郡却標素  
 欽定四庫全書  
 南北史合注  
 卷一百八  
 諂事浩乃請立石銘刊載國書以彰直筆并勅浩所注  
 五經浩贊成之景穆善焉遂營於天郊東三里方百步  
 用功三百萬乃訖浩書國事備而不典而石銘顯在衛  
 路北人咸忿毒相與構浩於帝以為暴揚國惡帝大怒  
 使有司案浩取秘書郎及長歷生數百人意狀浩服受  
 賊真君十一年六月誅浩

通鑑考異曰宋柳元景從祖弟光世為索虜河北太  
 守光世姊夫為司從崔浩虜相也虜主拓拔燾南寇

浩密有異圖光世要河北義士與浩應接謀泄被誅  
 河東大姓坐連謀夷滅者甚衆光世南奔得免宋書  
 所載與魏書不同愚按浩自明元及太武世皆巧言  
 以阻南侵與王猛止苻堅伐晉同而高允亦云浩之  
 所坐若更有餘霧非臣敢知光世之言非無因者觀  
 浩父宏初欲避地江南不遂作詩自傷浩藏其詩不  
 出則其心可知矣宜兩存之

清河崔氏無遠近及范陽盧氏太原郭氏河東柳氏皆  
 欽定四庫全書  
 南北史合注  
 卷一百八  
 浩姻親盡夷其族秘書郎史以下盡死浩始弱冠太原  
 郭逸妻以女浩晚成不曜華采故時人未知逸妻王氏  
 宋鎮北將軍王仲德姊每奇浩才能自矜得塔俄女亡王  
 氏深為傷恨復欲以少女繼昏逸及親屬不可王氏因  
 執與之逸不能違遂重結好浩非毀佛法妻郭氏敬好  
 釋典時時讀誦浩怒取焚之捐灰廁中  
 魏書釋老志曰浩勸太武誅滅佛法道士寇謙之時  
 與浩同從駕苦向浩爭浩不肯謂浩曰卿今促年受



戮滅門戶矣後四年浩誅備五刑時年七十

及浩幽執置檻內送於城南使衛士數十人洩其上呼

聲嗷嗷聞于行路自宰司被戮辱未有如浩者世皆以

為報應初浩害李順基萌已成夜夢以火焚順寢室火

作順死浩與室家羣立觀之俄順弟息號哭而出曰此

輩吾賊也以戈擊之悉扶於河寤而惡之告館客馮景

仁對曰此真不善夫以火焚人暴之極也且兆始惡者

有終殃積不善者無餘慶屬階成矣公其圖之浩曰吾

欽定四庫全書

南北史合注 卷一百八

方思之而不能俊至是族浩既工書人多託寫急就章

從少至老初不憚勞所書百數必稱馮代彊示不敢犯

國其謹如此浩書體勢及其先人而巧妙不如世寶其

迹多裁割綴連以為摹楷浩母盧謹孫女浩著食經序

曰予自少及長耳目聞見諸母諸姑所修婦功無不蘊

習酒食朝夕養舅姑四時供祭祀雖有功力不任僮使

常手自親焉昔遭喪亂饑饉仍臻餽蔬餬口不能具其

物用十餘年間不復備設先妣慮久廢忘後生無所知

見而少不習書乃占授為九篇文辭約舉婉而成章聰

辯強記皆此類也親沒後過國龍興平暴除亂拓定四

方釁備位台鉉與參大謀賞獲豐厚牛羊蓋澤貲累巨

萬衣則重錦食則梁肉遠惟平生思季路負米時不可

復得故序遺文垂示來世

魏書及本史曰浩死後太武北伐時宣城公李孝伯

疾篤傳者以為卒帝謂左右曰李宣城可惜既而曰

朕向失言李宣城可哀崔司徒可惜此太武本紀末

欽定四庫全書

南北史合注 卷一百八

語也予改錄于此聊為浩吐氣云

浩弟簡一名覽好學少以善書知名道武初歷中書侍

郎爵五等侯參著作事卒簡弟恬位豫州刺史爵武陽

侯坐浩誅宏祖悅與范陽盧謹並以博藝齊名謹法鍾

繇悅法衛瓘而俱習索靖之草皆盡其妙謹傳子偃傳

子邈悅傳子潛潛傳子宏世不替業故魏初重崔盧之

書宏自非朝廷文誥四方書檄初不妄染故世無遺文

尤善草隸為世摹楷行押特盡精巧而不見遺迹始宏

一書 100 升 賣多日車全書第 2 反文內



因苻氏亂欲避地江南為張願所獲本圖不遂乃作詩自傷而不行于時蓋懼罪也浩誅中書侍郎高允受勅收浩家書始見此詩允知其意允孫綽錄于允集初宏父潛為兄渾等誅有手筆本草延昌初著作佐郎王遵業買書於市得之年將二百寶其書迹深藏秘之武定中遵業子松年以遺黃門郎崔季舒人競摹榻左光祿大夫姚元標以工書知名於時見潛書以為過於浩也宏弟徽字玄猷少有文才與勃海高演俱知名歷位秘

欽定四庫全書

南北史合注  
卷一百八

書監賜爵貝丘侯樂安王範鎮長安選舊德之士與範俱以徽為平西將軍副將行樂安王傳進爵濟南公徽為政務存大體不親小事性好人倫引接賓客或談及平生或講論道義誨誘後進終日不止以疾徵還京師卒諡曰元公士類無不歎息始清河崔寃祖彤隨晉南陽王保避地隴右遂仕西涼及北涼彤生剖字伯宗每慷慨有懷東土常歎曰風雨如晦雞鳴不已吾所庶幾及太武西巡剖乃摠率同義使子寬送款太武嘉之拜

寬岐陽令賜爵延水男遣使與寬俱西撫慰初附徵剖詣京師未至卒文成以剖誠著先朝贈涼州刺史武陵公諡曰元寬字景仁還京封安國子位宏農太守初寬通款見浩浩與相齒次厚存接之及浩誅以遠來陳族獨得不坐遂家於武城居司空林舊墟以一子繼浩與浩弟覽妻封氏相奉如親寬後襲爵武陵公陝城鎮將三嶠地嶮人多寇劫而寬性滑稽誘接豪右宿盜魁帥與相交結傾衿待遇不逆細微莫不感其意氣時官無

欽定四庫全書

南北史合注  
卷一百八

祿力唯取給于民寬善撫納招致禮遺大有取受而與之者無恨又恒農出漆蠟竹木之饒路與南通貿易來往家產豐富百姓樂之諸鎮中號曰能政及解鎮民多追戀詣闕上疏者三百餘人卒遺言薄葬歛以時服長子衡字伯玉少以孝行著稱學崔浩書頗亦類焉天安元年擢為內秘書中散班下詔命及御覽書多其迹也衡舉李冲李元愷程駿等終為名器承明元年遷內都坐令善折獄孝文嘉之太和二年襲爵武陵公衡涉獵



書史頗為文筆柔然犯塞衛上書陳備禦之方便國利民之策凡五十餘條除秦州刺史徙爵齊郡公先是河東年饑劫盜大起衛至修築邊法勸課農桑周年間寇盜止息卒贈冀州刺史謚惠公衛五子長子敬襲爵降侯為平原相敬性狷急與刺史楊椿迭相表列敬坐免官宣武初為鉅鹿太守弟肱之逆敬為黃木軍主韓文殊所藏家悉籍沒唯敬妻李氏以公主女自隨奴婢田宅二百餘口得免正光中普釋禁錮敬復爵郡侯卒於

欽定四庫全書

南北史合注 卷一百八

三六

趙郡太守宏同郡董謚謚父京與同郡崔康時廣陽霍原等俱以碩學播名遠海謚好學傳父業中山平入朝拜儀曹郎撰朝觀饗宴郊廟社稷之儀

張袞字洪龍上谷沮陽人祖翼父卓位並太守袞篤實好學有文才道武為代王選為左長史從追柔然五六百里諸部帥因袞言糧盡不宜深入帝問袞曰殺副馬足三日食乎皆言足帝乃倍道追及于廣漠赤地南林山下大破之既而帝問袞曰卿曹外人知我前問三日

糧意乎蠕蠕奔足數日畜產失飲至水必留計其道程三日足及輕騎卒至出彼不意必當驚散部帥聞之咸曰聖策非所及也袞常參大謀每告人曰主上天資極邁必能囊括六合遭風雲之會不建騰躍之功非人豪也遂策名委質竭誠服事時劉顯地廣兵強跨有朔裔會其兄弟爭離共相疑阻袞言于道武曰顯志大意高今因其內務宜速乘之

欽定四庫全書

南北史合注 卷一百八

三五

魏書載袞言曰若輕師獨進或恐越逸可遣告慕容垂共相聲援東西俱舉勢必擒之然後摠括英雄撫懷遐邇此千載一時

帝從之遂破走顯又從破賀訥道武登勿居山遊晏從官請聚石為峯以記功德乃命袞為文慕容寶來寇袞言于道武曰寶乘滑臺功因長子撓傾財竭力難與爭鋒宜羸師以侈其心帝從之果破之參合遷給事黃門侍郎道武南伐次中山袞遺寶書喻以成敗寶見書大懼遂奔和龍既剋中山聽入八議拜幽州刺史賜爵臨



渭侯民皆安之天興初徵還京師後與崔暹答晉將却  
恢書失旨黜為尚書令史家遇創業初始以才謀見任  
率心奉上不顧嫌疑道武曾問南州人于衮衮與盧溥  
州里數稱薦之又未嘗與崔暹相識聞風稱美及中山  
平盧溥聚黨為逆崔暹答書不允並申本言故忿之衮  
年過七十閤門守靜手執經書刊定重失愛好人物善  
誘無倦士類以此高之

魏書載衮疾篤上疏曰方令中夏雖平九域未一因

欽定四庫全書

南北史合注  
卷一百八

三

機撫會寔須經畧伏願恢崇教道克廣德心昔子囊  
將終寄言城郢苟偃辭哈遺恨在齊臣雖閤劣敢忘  
前志魂而有靈結草泉壤

永興二年卒太武後追錄舊勳遣大鴻臚即墓策贈太  
保謚文康孫白澤年十一遭母憂以孝聞長而博學文  
成初除殿中曹給事中甚見寵任

魏書曰蠕蠕犯塞元目辰等請車駕無行待其自退  
獨白澤曰蠢爾荒愚輕犯王畧若鑿與親動必望麾

奔散寧容萬乘之尊嬰城自守進失可乘之機退非  
無前之義顯祖從之遂大破虜衆

白澤本字鍾葵獻文賜名白澤納其女為嬪出行雍州  
刺史清心少欲民吏安之獻文詔諸監臨官取所監羊  
一口酒一斛罪至大辟與者以從坐論糾得尚書以下  
罪狀者各隨所糾官輕重而授之白澤上表以為

魏書載白澤表曰周之下士尚有代耕况皇朝貴仕  
而服勤無報

欽定四庫全書

南北史合注  
卷一百八

三

此法若行之不已恐奸人窺望勞臣懈節請依律令舊  
法

魏書曰稽周前典班祿酌廉首去亂羣常刑無赦  
獻文納之太和初懷州人伊初苟初三十餘人謀反文  
明太后欲盡誅一城人白澤諫以為周書父子兄弟罪  
不相及不誣十室况一州

魏書載白澤表曰今羣雄肆虐輟裂誅盡合城無辜  
奈何極辟况一州內豈無忠仁若濫刑濫及殺忠與



仁斯乃西伯所以太息九侯孔子所以四輪河上伏  
惟止怒抑威則溥天幸甚

后從之乃止轉散騎常侍殿中尚書卒贈相州刺史廣  
平公謚曰簡長子倫字天念歷官大司農少卿燕州大  
中正熙平中柔然主醜奴遣使來朝抗敵國禮不修臣  
敬朝議將依漢答匈奴故事遣使報之倫表以為虜雖  
慕德亦來觀我懼之以強倘或歸附示之以弱窺覲或  
起春秋所謂以我卜也高祖世宗知其若此來既莫逆

欽定四庫全書

南北史合注  
卷一百八

四十一

去又不追必其委贄玉帛之辰屈膝藩方之禮則豐其  
勞賄藉以珍物至於王人遠役啣命虜庭優以匹敵之  
尊加以相望之寵恐徒生虜慢無益聖朝

魏書載表末曰若事不獲已應頌制詔示其上下之  
儀宰臣致書諷以歸順之道豈可遽虧典制結昆弟  
而抗分廷無乃取笑當時貽醜來葉乎昔文公請隨  
襄后有言荆莊問鼎王孫是抑以古方今竊為不取  
不從孝莊初卒於大司農卿家弟恂恂字洪讓隨兄家

歸北參代王軍事說道武宜叔中士士庶之望以建大  
業帝深加器異皇始初拜中書侍郎惟幄密謀頗亦參  
預賜爵平臯子出為廣平太守恂招集離散勸課農桑  
流民歸者數千戶遷常山太守恂開建學校優禮儒士  
吏民歌詠之時喪亂後罕能克厲者惟恂當官清白仁  
恕臨下百姓親愛之政為當時第一明元即位徵拜太  
中大夫卒恂性清儉死日家無餘財贈并州刺史平臯  
侯謚曰宣次子代陳留北平二郡太守所歷著稱有父

欽定四庫全書

南北史合注  
卷一百八

四十二

遺風代子長年為汝南太守郡人劉崇之兄弟析家  
貧惟一牛爭不能決訟于郡庭長年見之悽然曰汝曹  
當以一牛故致此競脫二牛必不致爭乃以己牛一頭  
賜之於是境中各相戒約咸敦敬讓卒于郡子孫少有  
孝行位至太子翊軍校尉卒

鄧淵字彥海安定人祖羗符秦車騎將軍父翼河間相  
燕慕容垂圍鄴以為冀州刺史爵真定侯翼拒使者曰  
先君忠于秦室翼豈可先叛忠臣不事二主未敢聞命



垂遺喻之曰吾與車騎結為異姓兄弟卿猶吾子弟安  
 得辭翼曰冀州宜任親賢翼請他後効命垂乃用為河  
 間太守後卒於趙郡內史淵性貞素言行可復博覽經  
 書長於易筮道武定中原擢為著作即再遷尚書吏部  
 郎淵明解制度多識故事與尚書崔宏參定朝儀律令  
 音樂及軍國文記詔策多淵所為賜爵下博子道武詔  
 淵撰國記十餘卷唯次年月起居行事未有體例淵謹  
 於朝事未嘗忤旨其從父弟暉時為尚書郎免俠好奇  
 欽定四庫全書  
 南北史合注  
 卷一百八  
 與定陵侯和跋厚跋有罪誅其子弟奔長安或告暉將  
 送出之道武疑淵知情遂并賜死既而悔之時人咸慙  
 惜焉子穎襲稍遷中書侍郎太武詔太常卿崔浩集諸  
 文學撰述國書穎與浩弟覽等俱參著作事太武幸漢  
 南高車莫弗庫若干率騎數萬餘驅鹿百餘萬詣行在  
 所詔穎為文銘于漢南以記功德兼散騎常侍使宋進  
 爵為侯卒謚文恭  
 論曰昭成道武之時雲雷方始至于經邦緯俗文武兼

資燕鳳博識多聞首膺禮命許謙才術俱美驅馳艱虞  
 不然何以成帝業也崔宏家世雋偉仍屬權輿摠機任  
 重守正成務禮從清廟固其宜也浩才藝通博究覽天  
 文政事籌策時莫之二此其所以自比于房焉屬明元  
 為政之秋太武經營之日言聽計從寧廓區夏過既深  
 矣勳亦茂哉謀雖蓋世威未震主末途邂逅遂不自全  
 豈烏盡弓藏人惡其上將器盈必弊陰害貽禍何斯人  
 而遭斯酷乎若張袞才策不免其戾彥海貞白禍非其  
 欽定四庫全書  
 南北史合注  
 卷一百八  
 罪亦足痛云洪讓世著循吏家風良可貴矣  
 南北史合注卷一百八



欽定四庫全書

南北史合注卷一百九

明 李清 撰

列傳第十一

北史二十三

長孫嵩

五世孫 儉 儉子平

長孫道生

玄孫 幼 兄 兄子城 從孫 紹遠 紹遠子覽 熾弟晟

長孫肥

長孫嵩

欽定四庫全書

南北史合注 卷一百九

獻帝以次兄為拓拔氏孝文改長孫氏新唐書又作拔拔氏又云道武以嵩宗室之長改長孫氏不知何據

代人父仁昭成時為南部大人嵩寬雅有器度昭成賜名馬年十四代父統事昭成末年諸部乖亂秦王苻堅使劉庫仁攝國事嵩與元他等率部眾歸之劉顯謀難嵩率舊人及庶師七百餘家叛顯走將至五原時實君子渥亦聚眾自立嵩欲歸之見於烏渥烏渥稱渥逆父

之子勸嵩歸道武嵩未決烏渥迴其牛首嵩僂從從之見道武於三漢亭以為南部大人累著軍功後從征中山除冀州刺史歷侍中司徒相州刺史封南平公所在著稱明元即位與山陽侯奚斤北新侯安同白馬侯崔宏等八人坐止車門右聽理萬機號八公晉將劉裕伐姚泓明元假嵩節督山東諸軍事傳詣平原緣河北岸列軍次於畔城軍頗失利

北史失利下有詔假裕道四字此掩敗之辭削去之

欽定四庫全書

南北史合注 卷一百九

裕於舟中望嵩度蓋遺以郵酒及江南食物嵩皆送京師詔嵩厚答之又教簡精兵為戰備若裕西過者便率精銳南出彭沛如不時過但引軍隨之彼至峭陝間必與姚泓相持一死一傷眾力疲弊比及秋月徐乘之則裕首可不戰而懸於是叔孫建等尋河趣洛遂入關嵩與建等自城臯南濟晉諸屯戍皆潰裕尅長安嵩乃班師明元寢疾問後事於嵩嵩曰立長則順以德則人服今長皇子賢而世嫡天所命也請立之乃定策詔太武



臨國嵩為左輔太武即位進爵北平王司州中正詔問公卿赫連蠕蠕征討何先嵩與平陽王長孫翰司空奚斤等曰赫連土居未能為患蠕蠕世為邊害宜先討大檀及則收其畜產足以富國不及則校獵陰山多殺禽獸皮肉筋角以充軍實亦愈於破一小國太常崔浩曰大檀遷徙烏逝疾追則不足經久則大衆不能及赫連屈丐土宇不過千里刑政殘害人神所棄宜先討之尚書劉絮武京侯安原請先平馮跋帝默然遂西巡後聞

欽定四庫全書

南北史合注  
卷一百九

三

勃勃死關中大亂議欲征之嵩等曰彼若城守以逸待勞大檀聞之乘虛南寇危道也帝乃問幽微於天師寇謙之勸行杜超之贊成之浩又言西伐利嵩等固諫不可帝大怒責嵩在官貪污使武士頓辱尋遷太尉久之加柱國大將軍自是車駕征伐嵩以元老多留鎮京師坐朝堂平斷刑獄薨年八十謚曰宣後孝文追錄先朝功臣以嵩配饗廟庭子頽孫敦傳封不絕嵩五世孫儉任周知名儉本名慶明父械員外散騎侍郎早卒儉方

正有操行神彩嚴肅雖在私室終日儼然性不妄交非其同志雖貴遊造門亦不與相見太昌中邊方騷動儉初假東夏州防城大都督從爾朱天光破宿勤明達等以功賜爵索盧侯周文臨夏州以為錄事參軍事深敬器之賀拔岳被害周文赴平涼凡有經綸謀策儉皆參預從平侯莫陳悅留儉為秦州長史防城大都督委以後事別封信都縣伯渭州刺史可朱渾道元奔東魏河渭間人情離阻刺史李弼令儉權鎮渭州儉將十餘騎

欽定四庫全書

南北史合注  
卷一百九

四

冒難赴之隨機安撫羗胡悅服轉夏州刺史甚得民和時西夏州仍未內屬而東魏遣許和為刺史儉以信義招之和乃歸附即以儉為西夏州刺史總統三夏州諸軍事荆襄初附周文表授儉都督三荆等十二州諸軍事荆州刺史東南道行臺僕射所部鄭縣令泉璨為民所訟推按獲實儉即大集僚屬周書載儉謂僚屬曰此由刺史教誨不明信不被物我愆非璨罪



遂於聽事前引已過肉袒自罰捨璫不問於是屬城肅  
 勵莫敢犯法魏文帝璽書勞之周文又與儉書曰近聞  
 公部內縣令有罪遂自杖三十用爾羣下聞之嘉歎儉  
 清正率下兼懷仁恕有竊盜者原情得實誨而放之荆  
 蠻舊俗少不敬長儉殷勤勸導風俗大革務廣耕桑兼  
 習武事故邊境無虞民安其業吏民表請為儉構清德  
 樓樹碑刻頌朝議許之吏民又恐儉秩滿或代詣闕乞  
 留朝廷嘉而許之在州歷七載徵授大行臺尚書兼相

欽定四庫全書 南北朝史 卷一百九 五十一

府司馬常與羣公侍坐及退周文謂左右曰此人閒雅  
 孤每與語常肅然畏敬恐有所失他日周文謂儉曰名  
 實須稱尚書志安貧素可改名儉以彰雅操遷尚書左  
 僕射加侍中後除東南道行臺僕射大都督十五州諸  
 軍事荊州刺史時梁宣帝以岳陽王內附初遣使入朝  
 至荊州儉與聽事列軍儀具戎服以賓主禮見使容貌  
 魁偉音聲如鐘大為鮮卑語遣人傳譯以問客客惶恐  
 不敢仰視日晚儉乃著裙襦紗帽引客宴別齋因叙梁

國喪亂朝廷招攜之意發言可觀使人大悅出口吾所  
 不能測也後授東南道大都督荆襄等三十三州鎮防  
 諸軍事及梁孝元嗣位江陵外敦隣睦內懷異計儉密  
 啓陳攻取之謀徵儉入朝問以經略儉陳謀

周書載儉言曰今江陵在江北去我不遠湘東即位  
 已涉三載觀其形勢不欲東下骨肉相殘民厭其毒  
 且兼弱攻昧武之常經國家既有蜀土若更平江漢  
 撫而安之收其貢賦以供軍國天下不足定也

欽定四庫全書 南北朝史 卷一百九 六

周文深然之乃命還州密備尋令柱國於謹伐江陵事  
 平以儉元謀

周書載周文與儉書曰本圖江陵由公畫計今果如  
 言知者見未萌何其妙也

賞奴婢三百口遂令儉鎮江陵進爵昌寧郡公後移鎮  
 荊州授總管荆襄等五十二州諸軍事行荊州刺史周  
 孝閔初趙貴等將圖晉公護儉長子僧衍預其謀坐死  
 護乃徵儉拜小冢宰保定四年拜柱國朝議以儉操行



清白勲績隆重下詔褒美兼賜雜絲粟麥以彰其美天和初轉陝州總管七州諸軍事陝州刺史儉嘗詣闕奏事時大雪立雪中待報自旦達暮無惰容其謹慤若此因疾還京詔以儉舊居狹隘賜甲第一區後薨於夏州總管臨終遺令歛以時服素車載柩不設儀仗親友贈祔一無所受諸子並奉行之又遺啓請葬周文陵側賜宅制度宏麗非諸子所應居請還官詔皆從之贈本官加涼瓜等十州諸軍事涼州刺史追封鄆國公謚曰文

欽定四庫全書

南北史合注  
卷一百九

荆州人儀同趙超等六百九十七人詣闕請為儉立廟樹碑詔許之建德元年詔曰故柱國鄆國公儉臨終請以所賜宅還官更遷他所昔叔敖辭沃壤之地蕭何就窮僻之鄉以古方今無慙曩哲而有司未達大體遽以其第外給夫追善念功先王令典豈得遂其謙挹致乖懲勸今以本宅還其妻子俾清風遠播無替聿修次子隆隆弟平最知名平字處均美容儀有器幹頗覽書記為周衛王侍讀時武帝逼於宇文護與衛王謀誅之王

常使平通意於帝護誅拜開府儀同三司宣帝置東京官屬以平為少司寇與宗伯趙芳分掌六府隋文龍潛時與平情好款洽及為丞相恩禮彌厚時賀若弼鎮壽陽帝恐其懷貳遣平代之為揚州總管賜爵襄陽公弼果不從平度壯士執弼送京隋開皇三年徵拜度支尚書平見天下州縣多罹水旱奏令民間每秋家出粟麥壹石已下貧富為差儲閭里以備凶年名曰義倉隋書載平疏曰臣聞國以民為命民以食為本古者

欽定四庫全書

南北史合注  
卷一百九

三年耕而餘一年之積九年作而有三年之儲雖水旱為災民無菜色皆由勸導有方蓄積先備故也經國之道義資遠筭請敕諸州刺史縣令以勸農積穀為務隋書食貨志曰凡百姓收穫日隨其所得勸課出粟麥於當社造倉貯之即委社司執帳檢校弗使損敗若時或不熟當社鐵鏹即以此穀賑給帝深嘉納自是州里豐衍後轉工部尚書名曰稱職時有人告大都督邳紹非毀朝廷為憤憤者帝怒將斬之



平諫曰諺云不癡不聾不作大家翁此言雖小可以踰  
大邴紹之言不應聞奏陛下又復誅之恐百代後有虧  
聖德帝因赦紹救羣臣誹謗之罪勿復聞後突厥達頭  
可汗與都藍可汗相攻各遣使請援帝遣平持節宣諭  
令其和解平至陳利害遂各解兵可汗贈平馬二百疋  
還進所得馬帝盡賜之未幾過譴以尚書檢校汴州事  
尋歷汴許貝三州刺史俱有善政鄴都俗薄前後刺史  
多不稱職朝廷以平為相州刺史甚有能名在州數年

欽定四庫全書

南北史合注  
卷一百九

九

坐正月十五日百姓大戲畫衣裳登甲象免官俄念平  
鎮淮南時事進位大將軍拜太常卿吏部尚書卒官謚  
曰康子師孝性輕狡好利數犯法帝以其不克負荷遣  
使弔平以師孝為勃海郡主簿屬大業之季恣行貪濁  
一郡苦之後為王世充所害

長孫道生嵩從子忠厚廉謙道武愛其慎重使掌機密  
與賀毗等四人內侍左右出入詔命明元即位除南統  
將軍冀州刺史後取人美女以獻明元切責之以舊臣

不加罪黜太武即位進爵汝陰公遷廷尉卿從征柔然  
與尉春等率衆出白黑兩漠間大捷而還太武征赫連  
昌道生與司徒長孫翰宗正斌清為前驅遂平其國昌  
弟定走保平涼宋遣將到彥之王仲德寇河南敕定詔  
道生與丹陽王太之屯河上禦之遂誘宋將檀道濟邀  
其前後追至厯城而還除司空加侍中進封上黨王薨  
年八十二贈太尉謚曰靖道生廉約身為三司衣不華  
飾食不兼味一熊皮郭泥數十年不易時比之晏嬰第

欽定四庫全書

南北史合注  
卷一百九

十

宅卑陋出鎮後其子弟頗更修繕起堂廡道生還歎曰  
昔霍去病言匈奴未滅無用家為今強寇遊魂漠北吾  
豈可安生華美乃切責子弟毀其宅所在著績每建大  
議多合時機為將有權略善待士衆帝命歌工歷頌羣  
臣曰智如崔浩廉如道生與從父嵩俱為三公當世以  
為榮孫觀少以壯勇知名後襲祖爵上黨王時異姓諸  
王襲爵多降為公帝以其祖道生佐命先朝故特不降  
以征西大將軍假司空督河西七鎮諸軍討吐谷渾拾



寅焚其所居城邑而還孝文初拜殿中尚書侍中吐谷  
渾又侵逼復假觀司空討降之後為征南大將軍薨謚  
曰定葬禮依其祖靖王故事陪葬雲中金陵子冀歸六  
歲襲爵降為公孝文以其幼承家業賜名稚字承業稚  
聰敏有才藝虛心愛士以前將軍從孝文南討宣武時  
為揚州刺史假鎮南大將軍都督淮南諸軍事梁將裴  
邃虞鴻襲據壽春稚諸子曉果邃頗難之號曰鐵小兒  
詔河間王琛總衆援之琛欲決戰稚以兩久更須持重

欽定四庫全書

南北史合注  
卷一百九

十一

琛弗從遂戰為賊所乘稚後殿初稚既總強兵久不決  
戰議者疑有異圖朝廷重遣河間王琛及臨淮王彧尚  
書李憲等三都督助稚內實防之會鮮于修禮反於中  
山以稚為大都督北討尋解行臺罷大使遣河間王琛  
為大都督鄴道元為行臺稚遣子子裕奉表稱與琛同  
在淮南俱當國難琛敗臣全遂生私隙且臨機奪帥非  
策所長書奏不納琛與稚前到呼沱稚未欲戰琛不從  
行達五鹿為修禮邀擊琛不赴援賊至遂大敗稚與琛

並除名尋正平郡蜀反復假稚鎮西將軍討蜀都督頻  
戰有功除平東將軍復本爵後除尚書右僕射未幾雖  
州刺史蕭寶寅據州反復以稚為行臺討之時背疽未  
愈靈太后勞之曰卿疹源如此朕欲相停更無可寄如  
何答曰死而後已敢不自力時子彥亦患脚痺扶杖入  
辭尚書僕射元順顧相謂曰吾等備為大臣各居寵位  
危難之日病者先行無乃不可乎莫有對者時薛鳳賢  
反於正平薛修義屯聚河東分據鹽池攻圍蒲坂東西

欽定四庫全書

南北史合注  
卷一百九

十二

連結以應寶寅稚乃據河東時有詔廢鹽池稅稚表言  
鹽池天資賄貨密邇京畿唯須寶護均贍以理今四境  
多虞府藏罄竭冀定二州亡亂常調之絹不復可收仰  
惟府庫有出無入必須經綸出入相補略論鹽稅一年  
中準絹而言猶不應減三十萬疋便是移冀定二州置  
於畿甸今若廢之事同再失臣前違嚴旨先討闕賊徑  
解河東者非聞長安而急蒲坂一陷沒失鹽池三軍口  
命濟贍理絕昔高祖昇平之年無所乏少猶創置鹽官



而加典護非為物競利恐由利亂俗况今王公素餐百  
官尸祿租徵六年之粟調折來歲之資此皆出入私財  
奪人膂力豈是願言事不獲已臣輒符司監將尉還率  
所部依常收稅更聽後教及雍州平除雖州刺史孝莊  
初封馮翊王後降為郡公節閔立累官太尉公錄尚書  
事及韓陵之敗斛斯椿先據河橋謀誅爾朱使稚先入  
洛啓節閔以誅世隆兄弟意孝武初轉太傅以定策功  
更封開國子稚表請迴授其姨兄廷尉卿元洪超次子

欽定四庫全書

南北史合注  
卷一百九

五

惲初稚生母亡為洪超母撫養故也許之孝武入關稚  
時鎮虎牢隨赴長安位太師錄尚書事封上黨王大統  
元年薨贈假黃鉞大丞相都督三十州諸軍事雖州刺  
史謚文宣稚少輕俠鬪雞走馬力爭殺人因亡抵龍門  
將陳興德家會赦乃免因以後妻羅氏前夫女配興思  
以報之羅氏長稚十餘歲酷妬稚稚相敬愛無姬妾其  
童侍在稚左右嫌疑致死者乃有數四前妻張氏二子  
子彥子裕羅三子紹遠士亮季亮兄弟皆雄武子彥本

名雋有膂力以累從父征討功封槐里縣子孝武與齊  
神武構隙加子彥中軍大都督行臺僕射鎮恒農以為  
心膂及從入關封高平郡公位儀同三司以從征實泰  
戰沙苑功開府侍中及東復舊京以子彥兼尚書令行  
司州牧留鎮洛陽後以不利班師大統七年拜太子太  
傅子彥少常墜馬折臂肘上骨起寸餘命開肉鋸骨流  
血數升言戲自若時以為踰於闕羽末年石發舉體生  
瘡雖親戚兄弟以為惡疾子彥曰惡疾如此難以自明

欽定四庫全書

南北史合注  
卷一百九

五

世無良醫吾其死矣嘗聞惡疾蝮蛇螫之不痛試為求  
之當令兄弟知我乃於南山得蛇以股觸之痛楚號叫  
俄腫死文帝聞之慟哭曰失我良將贈雍州刺史子裕  
裕子兇性機辯強記博聞雅重賓游尤善談論從魏孝  
武西遷別封鄴縣侯周天和初歷熊絳二州刺史並有  
能名襲爵平原縣公卒子熾熾守仲光性敏慧美姿容  
頗涉羣書兼長武藝建德初周武崇尚道法求學兼經  
史者為通道館學士熾應其選隋文作相擢丞相府功



曹參軍封陽平縣子遷稍伯下大夫以平王謀

隋書曰熾為前軍破謙一鎮定楚合等五州擒偽總  
管荆山公元振

拜儀同三司及帝受禪熾率官屬先入清宮投內史舍  
人上儀同三司攝東宮右庶子出入兩宮甚被委遇改  
封饒陽縣子大業中累大理卿戶部尚書吐谷渾寇張  
掖令熾擊之追至青海以功授銀青光祿大夫六年帝  
幸江都官留熾東都居守攝左候衛將軍卒官謚曰靜

欽定四庫全書

南北朝合注  
卷一百九

五

弟晟晟字季晟性通敏略涉書記善彈工射趨捷過人  
年十八仕周為司衛上士初未知名唯隋文一見深異  
馬謂曰長孫季晟武藝逸羣又多奇略後之名將非此  
子邪及突厥攝圖請婚周以趙王招女千金公主妻之  
周與攝圖各相誇競妙選驍勇充使因遣晟副汝南公  
宇文神慶送主至其牙前後使人數十輩攝圖多不禮  
獨愛晟每共游獵留之竟歲嘗有二鵝飛而爭肉因以  
箭兩隻與晟請射取之晟馳往遇鵝相獲遂一發雙貫

攝圖喜命諸子弟貴人皆昵近之以學彈射其弟處羅

侯號突利設尤得衆心為攝圖所忌密託心腹陰與晟  
盟晟與游獵因察山川形勢部衆強弱皆盡知之還拜  
奉車都尉開皇元年攝圖曰我周家親也今隋公自立  
而不能制何面目見可賀敦因與高寶寧攻陷臨渝鎮  
約諸部落共南寇文帝新立大懼修長城發兵屯北境  
命陰壽鎮幽州虞慶則鎮并州屯兵為備晟先知攝圖  
玷厥阿波突利等叔姪兄弟各統強兵俱號可汗分居

欽定四庫全書

南北朝合注  
卷一百九

六

四面內懷猜忌外示和同難以力征易可離間因上書  
曰臣於周末忝充外使知玷厥於攝圖兵強而位下外  
名相屬內隙已彰鼓動其情必將自戰又處羅侯者攝  
圖之弟姦多而勢弱曲取衆心國人愛之因為攝圖所  
忌又阿波首鼠介在其間頗畏攝圖受其牽率唯強是  
與未有定心宜遠交而近攻離強而合弱通使玷厥說  
合阿波則攝圖迴兵自防右地又引處羅遣連奚雷則  
攝圖分衆還備左方首尾猜嫌腹心離阻十數年後乘



霧討之必可一舉而空其國帝省表大悅因召與語晟  
口陳形勢手畫山川寫其虛實皆如指掌帝深嗟異皆  
納用焉因遣太僕元暉出伊吾道使詣玷厥賜以狼頭  
纛謬為欽敬玷厥使來引居攝圖使上反間既行果相  
猜貳投晟車騎將軍出黃龍道齋幣賜奚雷契丹等遣  
為卿導得至處羅侯所深布心腹誘令內附二年攝圖  
號四十萬騎自蘭州入至於周盤破達奚長儒軍更欲  
南入玷厥不從引兵去時晟又說染干詐告攝圖曰鐵

欽定四庫全書

南北史合注  
卷一百九

七

勒等反欲襲其牙攝圖懼迴兵出塞後數年突厥大入  
詔發八道元帥出拒之阿波至涼州與竇榮定戰虜帥  
累北時晟為偏將使謂之曰攝圖每來戰皆大勝阿波  
纔入便敗此乃突厥之恥且攝圖與阿波兵勢本敵今  
攝圖日勝為衆所崇阿波不利為國生辱攝圖必當因  
此罪爾成其夙計滅北牙矣阿波使至晟又謂曰今達  
頭與隋連和而攝圖不能制可汗何不依附天子連結  
達頭相合為強此萬全計豈若喪兵負罪歸就攝圖受

其戮辱耶阿波納之因留塞上後使人隨晟入朝時攝  
圖與衛王軍遇戰於白道敗走至磧聞阿波懷貳乃掩  
北牙盡獲其衆而殺其母阿波還無所歸西奔玷厥乞  
師十餘萬東擊攝圖復得故地收散卒與攝圖相攻阿  
波頻勝勢益強攝圖又遣使朝貢公主自請改姓為帝  
女帝許之四年遣晟副虞慶則使於攝圖賜公主姓楊  
改封大義公主攝圖奉詔不肯起拜晟進曰突厥與隋  
俱大國天子可汗不起安敢違意但可賀敦為帝女則

欽定四庫全書

南北史合注  
卷一百九

六

可汗是大隋女婿奈何不敬婦公攝圖笑謂其達官曰  
須拜婦公乃拜受詔使還稱旨授儀同三司左勳衛車  
騎將軍七年攝圖死遣晟持節拜其弟處羅侯為莫何  
可汗以其子雍閭為葉護可汗處羅侯因晟奏曰阿波  
為天所滅與五六千騎在山谷間當取以獻時召文武  
議焉樂安公元諧曰請就彼梟首以懲其惡武陽公李  
充請生將入朝顯戮示百姓帝問晟晟曰阿波之惡非  
負國家因其困窮取戮恐非招遠之道不如兩存之帝



曰善八年處羅侯死遣晟往弔仍齎陳國所獻寶器以賜雍閻十三年流人楊欽亡入突厥詐言彭城公劉昶共宇文氏女謀欲圖隋遣來密告公主雍閻信之乃不修貢又遣晟出使微觀察焉公主見晟言不遜又遣所私胡人安遂迦

愚按公主以周女圖報隋奈何以所私二字加之必晟証辭

共欽計議扇惑雍閻晟還以狀奏又遣晟往索欽雍閻

欽定四庫全書

南北史合注  
卷一百九

五

欲勿與謬曰客內無此色人晟乃貨其達官知欽所在夜掩獲之以示雍閻因發公主私事國人大恥雍閻執遂迦等付晟使還帝大喜加授開府仍遣入藩莊殺大義公主雍閻又表請婚僉議將許之晟奏曰臣觀雍閻反覆無信特與玷厥有隙故依倚國家縱與為婚終必叛今若得尚公主承藉威靈玷厥染干必又受其徵發強而更反後恐難圖且染干者處羅侯之子素有誠款於今兩世臣前與相見亦乞通婚不如許之招令南徙

兵少力弱易於撫馴可使敵雍閻以捍邊帝曰善又遣慰喻染干許尚公主十七年染干遣使隨晟來逆女以宗女封安義公主妻之晟說染干南徙居度斤舊鎮雍閻疾之亟來抄略染干伺知動靜輒遣奏聞故賊來每先有備十九年染干因晟奏雍閻作攻具欲攻大同城詔發六總管並取漢王節度分道出塞討之雍閻懼復共達頭同盟合力掩襲染干大戰於大長城下染干敗績其兄弟子姪盡見殺而部落亡散染干與晟獨以五

欽定四庫全書

南北史合注  
卷一百九

三

騎逼夜南走至旦行百餘里收得數百騎乃相與謀曰今兵敗入朝大隋天子豈禮一降人乎玷厥雖來本無寬隙若往投之必相存濟晟知懷貳乃密遣使者入伏遠鎮令速舉烽染干見四烽俱發問晟城上烽然何也晟紹之曰城高地迫必遙見賊來我國家法若賊少舉二烽來多舉三烽大通舉四烽使見賊多而又近耳染干大懼謂其眾曰追兵已逼且可投城既入鎮晟留其達官執室領其眾自將染干馳驛入朝帝大喜進晟左



勲衛驃騎將軍持節護突厥晟遣降虜覘候雍閭知其  
牙內屢有災變夜見赤虹光照數百里天狗賈兩血三  
日流星墜其營內有聲如雷每夜自驚言隋師且至並  
遣奏知尋以染干為意彌豆啓民可汗賜射武安殿選  
善射者十二人分為兩朋啓民曰臣由長孫大使得見  
天子今日賜射願入其朋許之給晟箭六發皆入鹿啓  
民之朋竟勝時有萬羣飛帝曰公善彈為我取之十發  
俱中應丸而落是日百官獲賚晟獨居多尋遣領五萬

欽定四庫全書

南北史合注  
卷一百九

五

人於朔州築大利城以處染干安義公主卒持節復送  
義城公主妻之晟又奏染干部落歸者既衆雖在長城  
內猶被雍閭抄略往來辛苦不得寧居請徙五原以河  
為固於夏勝兩州間東西至河南北四百里掘為橫塹  
令處內放牧免於抄掠人必自安從之二十年都藍大  
亂為部下所殺晟因奏曰賊內攜離其主被殺乘此招  
誘必並來降請遣染干部下分頭招慰許之果盡來附  
達頭恐怖又大集兵詔晟部領降人為秦州行軍總管

取晉王廣節度出討達頭達頭與王相抗晟進策曰突  
厥飲泉易可行毒因取諸藥毒水上流達頭人畜飲之  
多死大驚曰天雨惡水其亡我乎因夜遁晟追之斬首  
千餘級俘百餘口王大喜引晟入內同宴極歡有突厥  
達官來降時亦預坐言突厥內大畏長孫總管聞其弓  
聲謂為霹靂見其走馬稱為閃電王笑曰將軍行域外  
與雷霆比壯哉師旋授上開府儀同三司復遣還大利  
城安撫新附仁壽元年晟表奏曰臣夜登城樓望見磧

欽定四庫全書

南北史合注  
卷一百九

五

北有赤氣長百餘里皆如雨足下垂被地謹驗兵書此  
名灑血其下之國必破亡欲滅匈奴宜在今日詔楊素  
為行軍元帥晟為受降使者送染干北伐一年軍次北  
河逢虜帥思力俟斤等領兵拒戰晟與大將軍梁默擊  
走之虜衆多降晟又教染干分遣使者往北方鐵勒等  
部招攜取之三年有鐵勒思結伏具渾斛薛阿拔僕骨  
等十餘部盡背達頭來降附達頭衆大潰西奔吐谷渾  
晟送染干安置磧口事畢入朝遇文帝暴崩匿喪未發



煬帝引晟於大行前委以內衙宿衛知門禁事即日拜左領軍將軍遇漢王諒起兵敕以本官刺史相州發山東兵與李雄等共經略之晟辭以子行本在諒所帝曰册府元龜載帝言曰相州本齊都人俗澆浮易可搔擾倘生變動賊勢即張思所以鎮之非公不可

公體國深終不以兒害義勿辭也馳遣赴相州諒破追還轉武衛將軍大業三年煬帝幸榆林欲出塞外陳兵耀武經突厥中指於涿郡仍恐染干驚懼先遣晟往喻

欽定四庫全書

南北史合注  
卷一百九

五

旨述帝意染干聽之召所部諸國奚雷室韋等種落數十酋長咸萃馬晟見牙中草穢欲令染干親除之示諸部落以明威重乃指帳前草曰此根大香染干遽取嗅之曰殊不香也曰國家法天子行幸所在諸侯並躬親洒掃耘除御路以表至敬今牙中蕪穢謂是留香草耳染干乃悟曰奴罪過奴之骨肉皆天子賜得効筋力豈敢有辭特邊人不知法耳遂拔所佩刀自艾草其貴人及諸部落爭効之乃發榆林北境至其牙又東達於薊

長三千里廣百餘步舉國就役而開御道帝聞益喜復除淮陽太守未赴任復為右驍衛將軍五年卒年五十八帝悼惜之後突厥圍鴈門帝歎曰向使長孫晟在不令匈奴至此晟好奇計務立功名性至孝居憂毀瘠為朝士所稱唐貞觀中追贈司空上柱國謚曰獻少子無忌嗣長子行布亦多謀略有父風起家漢王諒庫直後遇諒起兵率衆南拒官軍留行布守城遂與豆盧毓等閉門拒諒城陷遇害次子恒安以兄功授鷹揚郎將紹

欽定四庫全書

南北史合注  
卷一百九

五

遠字師少名仁寬容有大度雅好墳籍聰慧過人父稚作牧壽春時紹遠年十三稚管記王碩文學士也聞紹遠強記遂白稚求驗稚命試之碩乃試以禮記月令紹遠讀數紙纔一遍誦之若流碩乃歎服起家司徒府參軍事魏孝武西遷紹遠隨稚奔赴以功別封文安縣子仍襲父爵後例降為公改馮翊郡恭帝二年由中書令累遷錄尚書事周文每謂羣臣曰長孫公任使處令人無反顧憂漢之蕭冠何足多也其容止堂堂足為當今



模楷六官建拜大司樂周閔踐祚復封上黨郡公初紹遠為太常廣召工人創造樂器惟黃鍾不調恒恨之嘗經韓使君佛寺聞浮圖三層上鐸鳴其音雅合宮調因取而配奏方始克諧乃啓明帝曰魏氏來宅秦雍雖祖述樂章然黃鍾為君天子正位往經創造歷稔無成方知水行將季木運伊始天命有歸靈樂自降方當降物和神祚隆萬世詔曰此非朕菲德可當乃公達鑒所致耳俄改授禮部中大夫時猶因魏氏舊樂未遑更造但

欽定四庫全書

南北文命注 卷一百九

五

去小呂加大呂而已紹遠疏陳雅樂詔行之紹遠所奏樂以八為數故梁黃門侍郎裴正上書以為昔者大舜欲聞七始下泊周武爰制七音持林鍾作黃鍾以為正調之音詔與紹遠詳議正曰天子用八非無典故懸而不擊未聞厥理且黃鍾為天大呂為地太簇為人今懸黃鍾而擊太簇便是虛天位專用人矣紹遠曰夫天不言四時行焉地不言萬物生焉人感中和之氣居變通之道今懸黃鍾而擊太簇是天子端拱羣司奉職從此

而議何往不可正曰按呂氏春秋曰楚之衰也為作巫音齊之衰也為作大呂以下七鍾皆林鍾之調何得稱為十一月調專用六月之均便是欲迎仲冬猶行季夏以此而奏深非至理紹遠曰卿之所言似欲求勝若窮理盡性自伐更深何者按周禮祀天樂云黃鍾為宮大呂為角此則大呂之用宛而成章雖引呂氏小文不覺失周公大禮且今懸大呂則有黃鍾林鍾二均乃備春夏則奏林鍾秋冬則奏黃鍾作黃鍾不擊大呂作林鍾

欽定四庫全書

南北文命注 卷一百九

五

不擊黃鍾此所謂左之右之君子宜之右之左之君子有之而卿不懸大呂止有黃鍾一宮便是季夏之時仍作仲冬之調以此為至理無乃不可然周禮又云乃奏黃鍾歌大呂以祀天神謂五帝及日月星辰也王者各以夏之正月祀感帝於南郊又朝日以春分夕月以秋分依如正禮並用仲冬之調又曰奏大簇歌應鍾以祭地祇謂神州及社稷以春秋二仲依如正禮唯奏孟春之宮自外四望山川先妣先祖並各周宮不依月變略



舉大綱則三隅可反然則還相為宮雖有其義引禮取證乃不月別變宮且黃鍾為君則陽之正位若隨時變易是君無定體而卿用林鍾為正調便是君臣易位陰陽相反正之名器將何取焉正曰今用林鍾為黃鍾實得相生之義既清且韻妙合真體然八音平濁何足可稱紹遠曰天者陽位故其音平而濁濁則君聲地者陰位故其音急而清清則臣調然急清者於體易絕平濁者在義可久可久可大王者之基至於鄭衛新聲非不

欽定四庫全書

南北史合注  
卷一百九

七

清韻若欲施之聖世吾所不取遂定以八為數尋拜京兆尹歷少保小司空出為河州刺史河右戎落向化日近同姓婚姻成俗紹遠導之以禮大革弊風政存簡恕百姓悅服入為小宗伯武帝讀史書見武王克殷而作七始又欲廢八懸七并除黃鍾之正宮用林鍾為調首紹遠奏云天子懸八百王共軌下逮周武甫修七始之音詳諸經義又無廢八之典且黃鍾為君天子正位今欲廢之未見其可臣按周禮奏黃鍾歌大呂此則先聖

明證願勿輕變古典趣改樂章帝默然久之曰朕欲廢八懸七者所望體本求直豈苟易名當更思其義後竟行七音屬紹遠遘疾慮有司遽捐樂器乃與樂部齊樹書曰伏聞朝廷前議欲廢八懸七然則天子懸八有自來矣古先聖殊塗一致逮周武克殷逆取順守專用干戈事乖揖讓反求經義是用七音蓋非萬代不易之典其懸八筍簞不得毀之宜待吾疾瘳別奏後紹遠疾篤乃命其子覽曰夫黃鍾者天子之宮大呂者皇后之位

欽定四庫全書

南北史合注  
卷一百九

七

今廢黃鍾之位是祿去王室若用林鍾為首是政出私門將恐八百之祚不得同姬周之永也吾義無寢默必與疾固爭後疾甚乃上遺表曰謹按春秋隱公傳云天子用八周禮云天子懸二八僖氏之鍾十六母句氏之磬十六漢成帝獲古磬十六周禮圖懸十六此數事者照爛典章足為龜鏡伏惟陛下受圖蒼帝接統玄精如周武有事干戈臣獨鄙之而况陛下臣自揣餘息匪夕伊朝伏願珍御萬機不勞改八從七帝省表涕零重贈



柱國大將軍謚曰獻號樂祖配饗廟庭子覽嗣覽字休因性弘雅有器度喜愠不形色略涉書記尤曉鍾律周明帝時為大都督帝以覽性質淳和堪為師表使事魯公甚見親善及魯公即位是為武帝超拜車騎大將軍每公卿上奏必令省讀覽有口辨聲氣雄壯凡所宣傳百寮屬目帝每嘉歎之覽初名善帝謂曰朕以萬機委卿先覽遂賜名馬及誅宇文護以功進封薛國公累遷小司空從平齊進位柱國公帝崩受遺輔政宣帝時位

欽定四庫全書

南北朝史卷一百九

元

上柱國大司徒隋文帝為丞相歷宜州刺史開皇二年將有事江南徵為東南道行軍元帥統八總管出壽陽水陸俱進師臨江陳人大駭會陳宣帝殂覽欲乘霧滅之監軍高頴以禮不伐喪乃還命覽與安德王楊雄上柱國元諧李充左僕射高頴右衛大將軍虞慶則吳州總管賀若弼等同宴帝曰朕在周朝備展誠節但苦被猜忌每致寒心朕與公等共享終吉罪非謀逆一無所問朕亦知公至誠特付太子宜數參見之庶得漸相親

愛柱臣素望實屬於公宜識朕意其恩禮如此又為蜀王秀納覽女為妃後為涇州刺史卒官子洪嗣澄字士亮年十四司徒李瑒之見而奇之遂以女妻十四從父雅征討有智謀勇冠諸將以功封西華縣侯及長容貌魁岸風儀溫雅魏大統中歷豫渭二州刺史以軍功累進覆津縣侯魏文帝與周文及羣公宴從容曰孝經一卷人行之本諸君宜各引孝經要言澄應聲曰夙夜匪懈以事一人座中有人次云匡救其惡既出西閣周文

欽定四庫全書

南北朝史卷一百九

平

深歎澄合機而遣其次答者周孝閔踐祚拜大將軍進爵義門郡公出為玉壁總管頗有威信卒於鎮贈柱國謚曰簡自喪初至及葬明帝三臨之典祀中大夫宇文容諫曰君臨臣喪自有節制今乘輿屢降恐乖典禮帝不從其為上追惜如此

隋書曰澄雅對賓客接引忘疲雖不飲酒好觀人酣興恐坐客請歸別進異饌留之子嶸嗣旂弟禮少以父任為散騎侍郎與襄城公盧魯



元等內侍恭敏有才志太武寵信之曰其父親近吾祖子在我左右不亦宜乎

長孫肥代人昭成時年十五以選內侍少有雅度果毅少言道武在獨孤及賀蘭部內常侍從禦侮左右帝深信伏之登國初與莫題等俱為大將屢有軍功後從平中山以功

魏書曰道武次晉陽燕并州刺史遼西王農棗城道肥追至酒泉獲其妻子慕容寶奔和龍肥追至范陽

欽定四庫全書

高麗文合注  
卷一百九

主

不及俘千餘人慕容賀麟據中山肥率七千騎襲之入其邪而還賀麟以步騎四千追肥肥自魏昌擊之

獲鎧騎二百

賜爵琅邪公遷衛尉卿改爵盧鄉時中山太守仇儒不樂內徙亡匿趙郡推趙準為主妄造妖言云燕東傾趙當續欲知其名淮水不足準喜而從之自號鉅鹿公儒為長史據闕城連引丁零殺害長吏肥討破準於九門斬仇儒擒準詔以儒肉食準傳送京師輟於市夷其族

除肥兗州刺史姚平寇平陽道武徵肥與毗陵王順等為前鋒

魏書曰車駕次永安平募遣勇將率精騎二百關軍肥逆擊擒之匹馬不返

平退保柴壁帝進攻屠之遣肥還鎮兗州撫慰河南威信著於淮泗善策謀勇冠諸將前後征討未嘗失敗故每有大難令肥當之南平中原西摧羗寇肥功居多賞賜千計後降爵藍田侯卒謚曰武陪葬金陵子翰襲翰

欽定四庫全書

高麗文合注  
卷一百九

主

少有父風道武時以善騎射為獵郎明元在外翰與元磨渾等潛謀奉迎及即位與磨渾等拾遺左右以功累遷平南將軍率眾鎮北境威名甚著太武即位封平陽王柔然大檀入寇雲中帝親征之遣翰與東平公城清出長川討大檀大檀北遁追擊剋獲而還遷司徒從襲赫連昌破之翰清正嚴明喜撫將士薨太武為流涕親臨其喪禮依安城王叔孫俊謚曰威陪葬金陵論曰昭成之末眾叛親離長孫嵩寬厚沈毅任重王室



歷事累世遊為元老生則宗臣歿祀清廟美矣儉器識明允智謀通膽有公輔之望王臣之節而處朝廷日少在方岳日多何哉平識具該通外內流譽亦有隋棟桷也道生恭慎廉約兼著威名見知明主聲入歌奏二公列暉炫朝野門祉世祿榮被後昆雖漢世八王無以方其茂績張氏七葉不能譬此重光子彥勇烈絕倫紹遠聲樂特妙熾早稱英俊覽獨擅雄辯不然何以並統師旅俱司禮閣鐘鼎不墜且公且侯晟體資英武兼包奇

欽定四庫全書

南北史合注卷一百九

十一



南北史合注卷一百九

欽定四庫全書

南北史合注卷一百十

明李清撰

北史二十四

六世孫 註子實 實子顯 實弟翼 翼子望 翼弟義



于栗磾代人少習武藝材力過人能左右馳射登國中拜冠軍將軍假新安子與寧朔將軍公孫蘭潛至太原

欽定四庫全書

南北史合注卷一百十

從韓信故道開井陘關路襲燕主慕容寶於中山道武後至見道路修理大悅即賜以名馬及趙魏平帝置酒高會曾謂栗磾曰卿吾點彭也進假新安公道武田於白登山見熊將數子頗栗磾曰能搏之乎對曰若搏之不勝豈不虛斃一壯士自可驅致御前坐而制之尋皆擒獲帝顧謝之後為河內鎮將劉裕伐秦主姚弘栗磾慮其北擾築壘河上裕憚之遣栗磾書假道西上題書曰黑稍公麾下栗磾以狀表聞明元因授栗磾黑稍將



軍栗磾好持黑稍裕望而異之故有此號遷豫州刺史  
進爵新安侯洛陽雖歷代所都實為邊界

魏書曰城闕蕭條野無烟火

栗磾勞來安集甚得民心明元南幸盟津謂栗磾曰河  
可橋乎栗磾曰杜預造橋遺事可想乃編大船構橋於  
野坂六軍既濟帝深歎美之太武征赫連昌教栗磾與  
宋兵將軍周幾襲陝城長驅至三輔進爵為公累遷外  
都大官平刑折獄甚有聲稱卒贈太尉栗磾自少總戎

欽定四庫全書

南北史合注  
卷一百十

迄於白首臨事善斷所向無前加以謙虛下士刑罰不  
濫太武甚悼惜之子洛拔有姿容善應對拜侍御中散  
太武甚加愛寵因賜名轉監御曹令景穆在東宮厚加  
禮遇洛拔恒畏避屏退不敢逆自結納頃之襲爵後為  
侍中尚書令百 憚之卒官洛拔有子長子烈善射少  
言有不可犯之色累遷侍中殿尚書時孝文幼冲文明  
太后稱制烈與元丕陸叡李冲等各賜金策許以有罪  
不死進爵洛陽侯轉衛尉卿及遷都洛陽人情戀本多

有異議帝以問烈對曰陛下聖略深遠非愚管所測若  
隱心而言樂遷與戀舊中半且帝曰卿不唱異即是同  
深感不言之益教鎮代留臺庶政一相參委車駕幸代  
執烈手曰宗廟至重翼衛不輕卿當祇奉靈駕時遷洛  
邑烈與高陽王雍奉神主於洛陽遷光祿卿十九年大  
選百僚烈子登引例求進烈表聖明之朝理應謙讓引  
已素無教訓請即黜落帝曰此有識之言不謂烈能辦  
此乃引見登詔曰朕今創禮新邑明揚天下卿父行謙

欽定四庫全書

南北史合注  
卷一百十

讓之表有直士風故進卿為太子翊軍校尉又加烈散  
騎常侍封聊城縣子及穆泰陸叡謀反舊京帝幸代泰  
等伏法賜烈及李冲璽書述叙金策之意時代鄉舊族  
同惡者多唯烈一宗無所染豫帝益器重之歎曰元儼  
決斷恩威深自不惡然盡忠猛決不如烈爾日烈在代  
都必即斬其五三元首烈之節槩不謝金日磾詔除領  
軍將軍以本官從征荆沔加鼓吹一部二十三年齊將  
陳顯達入寇馬國帝與疾討之執烈手以京邑為託



魏書載帝執烈手曰都邑空虛維捍宜重可鎮衛一  
宮以輯遠近之望

帝崩於行宮彭城王勰秘諱而返稱詔召宣武會駕魯  
陽以烈留守之重密報凶問烈處分行留守無變宣武  
即位寵任如前咸陽王禧為軍輔權重當時曾遣家僮  
傳言於烈求舊羽林武賁執仗出入烈不許禧遣謂烈  
曰我是天子兒天子叔元輔之命與詔何異烈厲色答  
曰向亦不道王非天子兒叔若是詔應遣官人所由若

欽定四庫全書

南北史合注  
卷一百十

遣私奴索官家羽林烈頭可得羽林不可得禧惡烈剛  
直出為恒州刺史烈不願藩授謂彭城王勰曰殿下忘  
先帝南陽之詔乎而逼老夫至此遂以疾辭宣武以禧  
等專權潛謀廢之景明二年正月初祭三公致齋於廟  
帝夜召烈子忠謂曰卿父明可早入及明烈至詔曰諸  
父慢怠今欲使卿以兵名之卿其行乎烈曰老臣歷奉  
累朝頗以幹勇賜識今日之事所不敢辭  
愚按禧雖專慢總則不然烈於此時當分明言之何

得槩以兵名他日宣武賊虐親賢已兆於烈

乃將直閣以下六十餘人宣旨名咸陽王禧彭城王勰  
北海王詳衛送至帝前諸公各稽首歸政以烈為領軍  
進爵為侯自是長直禁中機密大事皆所參焉咸陽王  
禧謀反宣武從禽於野左右分散倉卒莫知為計乃敕  
烈子忠馳覘虛實烈時留守已處分有備因忠奏曰臣  
雖朽邁心力猶可禧等猖狂不足為慮願安蹕徐還以  
安物望帝甚以為慰車駕還宮禧已逃詔烈追執之順

欽定四庫全書

南北史合注  
卷一百十

后既立以世父之重彌見優禮及卒宣武舉哀於朝堂  
給東園第一秘器贈太尉封鉅鹿郡公子祚襲祚弟忠  
字思賢本字千年弱冠拜侍御中散文明太后臨朝刑  
政頗峻侍臣左右多以微謹得罪忠朴直少言終無過  
誤太和中授武騎侍郎賜名登累遣左中郎將領直寢  
咸陽王禧之亂車駕在外變起倉卒忠曰臣父為領軍  
計防遏有在必無所慮帝遣忠馳觀之烈分兵嚴備果  
如所量忠還宣武撫其背曰卿差強人意先帝賜卿名



登誠為美稱朕嘉卿忠款今改名忠既表貞固之誠亦  
以名實相副也父憂去職徙為司空長史時太傅錄尚  
書北海王詳親尊權重將作大匠王遇多隨詳所欲給  
之忠於詳前謂遇曰殿下國之周公阿衡王室所須財用  
自應聞旨何至阿諛附勢損公惠私遇既不寧詳亦慙  
謝以平禧功封魏郡公遷散騎常侍兼武衛將軍每以  
鯁氣正辭為詳所忿面責忠曰我憂在前見爾死不憂  
爾見我死時忠曰人生自有定分若應死王手避亦不

欽定四庫全書

南北史合注  
卷一百十

六

免不爾王不能殺詳因忠表讓之際密勸帝以忠為列  
御於是詔停其封優進太府卿正始二年詔忠以本官  
使持節兼侍中為西道大使刺史鎮將賊罪顯暴者以  
狀聞守令以下便行決斷與尚書李崇分使二道忠劾  
并州刺史高聰贓罪二百餘條論以大辟除華州刺史  
遭繼母憂不行服闋再遷衛尉卿河南邑中正忠與吏  
部尚書元暉度支尚書元匡河南尹元萇等推定代方  
姓族高肇忌其為人乃言於宣武稱山中要領作捍須

才出忠為定州刺史既而帝悔復授衛尉卿領左衛將  
軍恒州大中正密遣使詣忠慰勉之延昌初除都官尚  
書領左衛中正如故又加散騎常侍宴賜之劍杖舉酒  
屬忠曰卿世執貞節故恒以禁衛相委昔以卿行忠賜  
名曰忠今以卿才堪禦侮以所御劍仗相錫循名取義  
意不輕出入恒以自防也連侍中領軍將軍忠辭無學  
識宣武曰學識有文章者不少但心直不如卿欲使卿  
劬勞於下我當無憂於上及帝崩夜中與侍中崔光遣

欽定四庫全書

南北史合注  
卷一百十

七

右衛將軍侯剛迎孝明於東宮及即位忠與門下議以  
帝冲年未親機政大尉高陽王雍屬尊望重宜入居西  
栢堂省決庶政任城王澄明德茂親可為尚書令總攝  
百官奏中宮請即教授御史中尉王顯欲逞奸計與中  
常侍給事中孫遵等厲色不聽寢門下之奏孫遵等密  
欲矯太后令以高肇錄尚書事顯與高猛為侍中忠即  
殿中收顯殺之忠既居門下又總禁衛遂執朝政權傾  
一時初太和中軍國多事孝文以用不足百官祿四分



減一忠擅朝欲以惠澤自固悉復所減祿職人進位一級舊制百姓絹布一疋外各輸綿麻八兩忠悉與之乃白陽王雍自云宣武本許優轉雍憚忠威權便順意加忠車騎大將軍忠自為新故之際有安社稷功諷百寮令加已賞太尉雍清河王懌廣平王懷難違其意封忠常山郡公忠又難於獨受乃諷朝廷同在門下者加封邑尚書左僕射郭祚尚書裴植以忠權勢日盛勸雍出忠忠聞之逼有司誣奏其罪祚有司傳舊恩植擁地入國

欽定四庫全書

南北史合注 卷一百十

忠並矯詔殺之朝野無不切齒王公以下畏之累跡又欲殺高陽王雍侍中崔光固執乃止遂免雍太尉以王還第自此詔命生殺皆出於忠既尊靈太后為皇太后居崇訓宮忠為儀同三司尚書令崇訓衛尉侍中領軍如故太后臨朝解忠侍中領軍崇訓衛尉止為儀同尚書令侍中忠為令旬餘太后引門下侍官問忠在端右聲聽何如咸為不稱厥任乃出為冀州刺史太傅清河王等奏忠擅殺樞納輒廢宰輔朝野駭心遠近怪愕功

過相除悉不合賞請悉追奪太后從之熙平元年御史中尉元匡奏

冊府元龜載匡奏曰臣聞事主不以幽貞草心奉上不以趨舍虧節是以倚秦宮而慟哭復楚之功誠多陟廬龍而捷伐廣魏之勳不淺而申包避賞田疇拒封君子美之

忠受遇累朝幸國大災專擅朝命無人臣心裴郭受寬於既往宰輔黜辱於明世又自矯旨為儀同三司尚書

欽定四庫全書

南北史合注 卷一百十

令領崇訓衛尉原其此意便欲無上自處既事在恩後宜加顯戮請遣御史一人令史二人就州行決冊府元龜又載匡奏曰請自去月十三日世宗宴駕後八月一日皇太后未親覽前諸有不由階級而權臣用命或發門下詔書或由中書宣敕乃擅相拜授不以時望冒階而進並求追奪太后以忠事經肆請遂不追罪餘如奏又詔以忠歷任禁要誠節皓然



魏書載詔曰豈宜一謬棄其餘勲

賜爵靈壽縣公初宣武崩高太后將害靈太后劉騰以告侯剛剛以告忠忠請計於崔光光曰宜置胡嬪別所嚴兵守衛忠從之具此意啓太后太后意乃安故深德騰等四人並有寵投忠以毀之者多懼不免禍願還京自救太后不許二年四月除尚書右僕射加侍中將軍如故神龜元年三月復儀同三司疾未拜見裴郭為崇自知必死先表養亡第二子司掾永超為子乞以為嫡

欽定四庫全書

南北史合注  
卷一百十

太后許之卒贈司空有司奏太常少卿元瑞議按謚法剛強理直曰武怙威肆行曰醜宜謚武醜公太常卿元修義議忠盡心奉上剪除凶逆依謚法除偽寧真曰武夙夜恭事曰敬宜謚武敬公二卿不同太后令依正卿議忠性多阻忌不交勝已唯與直閣將軍章初瓌千牛備身楊保元為斷金交李世哲求寵於忠私以金帛貨初瓌保元二人薦之遂被賞愛引為腹心忠擅權味進為崇訓之由皆世哲計也

魏書曰忠後妻中山王尼頊女微解詩書太后臨朝引為女侍中賜號范陽郡君

忠弟景字百年忠卒後為武衛將軍謀廢元乂乂黜為懷荒鎮將及柔然主阿那瓌叛鎮人請糧景不給鎮人遂執縛景及其妻拘守別室皆去其衣服令景着皮裘妻着故絳旗襖月餘乃殺之烈弟果果弟勁勁頗有武畧位沃野鎮將宣武納其女為后封勁太原郡公妻劉氏為章武郡君後卒贈司空謚恭莊自粟碑至勁累世

欽定四庫全書

南北史合注  
卷一百十

貴戚一皇后四贈公三領軍二尚書令三開國公子暉后母弟少有氣幹襲爵位汾州刺史暉善事人為爾朱榮所親以女妻其子長儒歷侍中河南尹後兼尚書僕射東南道行臺與齊神武討平羊侃於兗州元顥入洛害之勁弟天恩天恩三傳至提為隴西郡守以子謹著勲追贈太保建平郡公謹字思敬小名巨引

周書作巨彌

沉深有識量略窺經史尤好孫子兵書屏居未有仕進



志或勸之謹曰州郡之職昔人所鄙台鼎之位須待時  
來太宰元天穆見之歎曰王佐才也及破六韓拔陵首  
亂北境引柔然為援大行臺元纂討之夙聞謹名辟為  
鎧曹參軍事從軍北伐柔然逃塞纂令謹追之前後  
十七戰盡降其衆後率輕騎出塞覘賊屬賊勒數千騎  
奄至謹以衆寡不敵乃散其騎使匿叢薄間又遣人升  
山指麾若分步軍衆賊望見雖疑有伏恃衆不以為慮  
乃進逼謹謹以常乘駿馬一紫一駟賊先所識乃使二

欽定四庫全書

南北史合注 卷一百十

十三

人各乘一馬突陣出賊以為謹爭逐之乃率餘軍擊其  
追騎賊走因得入塞正光四年行臺廣陽王元深北伐  
引謹為長流參軍特相禮接使其世子佛陀拜馬遂與  
深破賊主斛律野叡祿等謹請馳往諭之

周書載謹謂廣陽王曰今醜類蟻聚其徒實繁若極  
武窮兵非計之上謹願奉王威畧馳往諭之必不勞  
兵甲可致清蕩王然之

謹兼解諸國語乃單騎入賊示以恩信於是西部鐵勒

酋長也列河等三萬餘戶並款附相率南還深與謹至  
析郭嶺迎接之謹曰拔陵兵衆不少聞也列河等款附  
必來要擊若先據險難與爭鋒今以也列河等餌之當  
競來抄掠然後設伏而待必指掌破之深然其計拔陵  
果來要擊破也列河於嶺上部衆皆沒謹伏兵發賊大  
敗悉收也列河之衆孝昌元年又隨深征鮮于修禮軍  
次白斗牛邏會章武王融為修禮所害遂停車中山侍  
中元宴宣言於靈太后曰廣陽王深盤桓不進坐圖非

欽定四庫全書

南北史合注 卷一百十

十四

望又有于謹者智略過人為其謀主恐非陛下純臣太  
后詔于尚書省門外立榜募獲謹者許以重賞謹聞之  
請詣闕披露心腹

周書載謹謂深曰今女主臨朝取信讒佞脫不明殿  
下素志恐禍至無日謹請束身詣闕披露心腹王許  
之

深許之謹遂到榜下曰吾知此人衆共詰之謹曰我是  
也有司以聞太后見之大怒謹備述深忠款兼陳停軍



狀太后遂捨之後從爾朱天光與齊神武戰於韓陵山  
天光敗謹遂入關周文帝臨夏州以謹為防城大都督  
兼夏州長史及賀拔岳被害周文赴平涼謹言於文曰  
關中秦漢舊都古稱天府若據其要害招集英雄足觀  
時變且天子在洛逼迫羣凶請都關右然後挾天子而  
令諸侯千載一時也

愚按謹自此止知宇文氏不知有魏挾天子以令諸  
侯是教奉為莽操也

欽定四庫全書

南北史合注  
卷一百十

古

周文大悅會有敕追謹為關中大都督謹因進都關中  
策魏孝武西遷仍從周文征潼關破回洛城投北雍州刺  
史進爵藍田縣公大統三年大軍東伐為前鋒進拔弘  
農擒東魏陝州刺史李徽伯神武至沙苑謹力戰進爵  
常山郡公又從戰河橋拜大丞相府長史兼大行臺尚  
書再遷太子太保芷山之戰大不利謹率麾下偽降立  
於路左齊神武乘勝逐北不以為虞追騎過盡乃自後  
擊之敵大駭獨孤信又收兵於後奮擊神武軍亂大軍

得全十二年拜尚書左僕射領司農卿及侯景款附請  
兵為援謹諫以為景情難測

周書載謹諫曰侯景少習兵權情實難測且宜厚其  
禮秩以觀其變遣兵未可

周文不聽尋兼大行臺尚書大丞相長史率兵鎮潼關  
加授華州刺史賜租邑一占珪瓚副馬俄拜司空恭帝  
元年除雍州刺史初梁孝元於江漢嗣位寇與齊交通  
將謀侵軼其兄子岳陽王譽即後梁宣帝也時刺史雍

欽定四庫全書

南北史合注  
卷一百十

古

州以孝元殺其兄譽遂結隙據襄陽來附乃命謹出討  
周文賤於青泥谷長孫儉曰為蕭繹計將如何謹曰躍  
兵漢沔席卷渡江直據丹陽上策也移郭內居人退保  
子城以待援中策也若難於移動據守羅郭下策耳儉  
曰裁繹出何策謹曰必下儉曰何也對曰蕭氏保據江  
南縣歷數紀屬中原有故未遑外略又以我有高氏之  
患必謂力不能分且驕懦而無謀多疑少斷愚人難與  
慮始皆戀邑居既惡遷移當保羅郭所以用下策謹令



中山公護及大將軍楊忠等先據江津斷其走路梁人  
監木柵於外城廣輪六十里尋謹至悉衆圍之旬有六  
日外城遂陷梁主退保子城翼日率其太子以下面縛  
出降尋殺之擄其男女十餘萬人收其府庫珍寶得宋  
渾天儀梁日晷銅表魏相風烏銅蟠螭跌大玉徑四尺  
圍七尺及諸輿輦法物以獻軍無私焉立岳陽王譽為  
梁主振旅而旋周文親至其第宴語極歡賞謹奴婢一  
千口及梁寶物并金石絲竹樂一部別封新野郡公謹

欽定四庫全書

南北史合注  
卷一百一十

固辭不許又令司樂作常山公平梁歌十首使工人歌  
之謹自以久當權重功名既立願保優閑乃上先所乘  
駿馬及所著鎧甲等周文識其意曰今巨猾未平公豈  
得便爾獨善遂不受六官建拜大司寇及周文殂孝閔  
尚幼中山公護雖受顧命而名位素下羣公各圖執政  
護深憂之密訪於謹謹曰夙蒙丞相殊眷今日必以死  
爭若對衆定策公必不得讓明日羣公會議謹曰昔帝室  
傾危丞相志存匡救今奄棄百寮嗣子雖幼而中山公

親則猶子兼受顧命軍國大事理須歸之辭色抗厲衆  
皆悚動護曰此家事護何敢辭謹既周文等夷護每申  
禮敬至是謹乃起言曰公若統理軍國謹等便有所依  
遂再拜羣公迫於謹亦拜衆議始定

愚按宇文泰既凶大權應返天子謹世為魏臣乃知  
有權門不知有國其知雖優其心不足取也

孝閔踐阼進封燕國公邑萬戶遷太傅太宗伯與李弼侯  
莫陳崇等參議朝政及賀蘭祥符討吐谷渾明帝令謹遙

欽定四庫全書

南北史合注  
卷一百一十

統其軍授以方略保定二年謹以年老乞骸優詔不許

周書載詔報曰昔師尚父年踰九十召公奭幾將百  
歲皆勤王家自強不息豈容忘二公雅操而有斯請  
若更執謙便可斷啟

三年以謹為三老固辭又不許賜延年杖武帝幸太學  
食之三老入門帝迎拜屏間三老答拜有司設三老席  
於中楹南向太師晉公護升階設席施几三老升席南  
面馮几坐師道自居大司寇楚國公寧升階正鳥帝升



立於斧辰之前西面有司進饌帝跪設醬豆親自袒割  
三老食訖帝又親跪授爵以酌有司撤訖帝北面立訪  
道三老乃起立於席帝曰公其誨之三老答曰木從繩  
則正君從諫則聖自古明王聖主皆虚心納諫以知得  
失天下乃安又曰為國之本在忠信古人去食去兵信  
不可失國家興廢莫不由之又曰為國之道必須有法  
法者國之綱紀不可不正所正在於賞罰若功必賞罪  
必罰則為善者日益為惡者日止若功不賞罪不罰則

欽定四庫全書

南北史合注  
卷一百十

十六

天下善惡不分下人無所措其手足又曰言行者立身  
之基言出行隨俱願陛下念之言畢帝再拜受之三老答  
拜禮成而出及晉公護東伐謹時有病護以其宿將舊  
臣猶請與同行詢訪戎畧軍還賜鍾磬一部天和二年  
又賜安車一乘尋授雍州牧三年卒年七十六武帝親  
臨詔譙王儉監護喪事賜繪千段粟麥千斛贈本官加  
使持節太師雍恒等二十州諸軍事雍州刺史謚曰文  
及葬王公以下咸送郊外配享文帝廟廷謹有智謀善

於事上名位雖重愈存謙挹每朝參往來不過從兩三  
騎軍國之務朝廷多與謹決謹亦竭其智能故功臣中  
特見委信始終若一人無間言每誠諸子務存靜退加  
以年齒遐長禮遇隆重子孫繁衍皆至顯達當時莫比  
子寔嗣寔少和厚以軍功封萬年縣子大統十四年累  
遷尚書是歲周文與魏太子西巡寔從行周文刻石隴  
山上錄功臣名位以次鐫勒預以寔為開府儀同三司  
至十五年方授之

欽定四庫全書

南北史合注  
卷一百十

十九

昔人猶以受爵公朝謝恩私門為戒况朝廷崇秩乃  
可預授此亦權臣無君一徵

尋除滑州刺史持給鼓吹一部進爵為公魏恭帝二年  
羗東念姐率部落反西連吐谷渾大將軍豆盧寧討之  
踰時不克令寔往遂破之周文手書勞問賜奴婢馬孝  
閔踐阼授戶部中大夫進爵延壽郡公天和二年延州  
蒲川賊郝三郎反攻丹州遣寔討平之仍除延州刺史  
五年襲燕國公進柱國以罪免尋復本官累官至大左



輔隋開皇元年卒贈司空謚曰安子顛顛身長八尺美鬚眉周大冢宰宇文護見而器之妻以女因父勳賜爵新野郡公歷左右宮伯郢州刺史大象中以水軍總管從韋孝寬經畧淮南尉遲迥起義總管趙文表與顛素不協顛將圖之因卧間內詐疾文表獨至顛殺之因言文表與迥通謀麾下無敢動者時隋文為丞相以迥未平慮顛復生邊患因宥免之即拜吳州總管頻敗陳師賜綵數百段及隋受禪文表弟詣闕稱兄無罪帝令按

欽定四庫全書

南北史合注 卷一百十

其事太傅竇熾等議顛當死帝以其門著勳績特原之貶為開府後襲燕國公尋拜澤州刺史免卒于家顛弟仲文仲文字次武少聰敏髫髻就學耽習不倦父寔異之曰此兒必興吾宗年九歲於雲陽宮見周文問曰聞兒好讀書書有何事對曰資父事君忠孝而已周文甚嗟嘆之後就博士李詳受周易三禮畧通太義及長個儻有大志氣調英拔起家為趙王屬安國太守有任杜兩家各失牛後得一牛兩家俱認州郡久不決仲文曰

此易解耳乃令二家各驅牛羣至乃放所認者牛牛向任氏羣中仲文遂訶責杜氏服罪去始州刺史屈突尚宇文護之黨先坐事下獄無敢繩者仲文至郡窮之遂竟其獄蜀中語曰明斷無雙有于公不避彊禦有次武徵為御正下大夫封延壽郡公以勳授儀同三司宣帝時為東郡太守及尉遲迥起義使誘仲文仲拒之迥遣儀同宇文威攻之仲文迎擊大破威以功授開府迥又遣其將宇文胄度石濟宇文威郟紹自白馬二道俱進

欽定四庫全書

南北史合注 卷一百十

復攻仲文郡人赫連僧伽敬子哲率眾應迥仲文自度不能支棄妻子潰圍而遁遠于京師迥屠其三子一女隋文引入卧內為下泣進位大軍領河南道行軍總管給鼓吹馳傳詣洛陽發兵攻迥將檀讓時韋孝寬拒迥於永橋仲文詣之有所計議總管宇文忻頗自疑惑謂仲文曰尉遲迥誠不足平正恐事寧後更有藏弓之慮仲文懼忻生變謂曰丞相寬仁大度明識有餘仲文在京三日頻見三善忻曰三善何如仲文曰有陳萬敵新

一 隋書 卷一百一十 反內



從賊中來丞相即令其弟難敵召募鄉曲從軍討賊此大度一也上士宋謙奉使勾檢謙緣此別求他罪丞相責之曰入網者自可推求何須別訪以虧大體此不求人私二也言及仲文妻子未嘗不潛泣此有仁心三也忻乃安仲文軍至汴州東頓破迴將

周書曰仲文軍次蓼隄檀讓領眾數萬仲文以羸師挑讓讓悉眾來拒仲文偽北讓軍頗驕乃遣精兵左右翼擊之大敗讓

欽定四庫全書

南北史合注  
卷一百一十

進攻梁郡迴守將梁孝寬棄城走初仲文在蓼隄諸將皆曰軍自遠來疲弊不可決戰仲文令趣食列陳既而破賊諸將問其故笑曰吾所部將士皆山東人果於速進不宜持久乘勢擊之所以制勝皆曰非所及也進擊曹州獲迴所署刺史李仲康及上儀同房勁檀讓以餘眾屯成武

周書仲文詐移書州縣謂大將軍至可多積粟謂仲文未能卒至方推牛饗士仲文還騎襲之遂拔成

武迴將席毗羅眾十萬屯沛縣將攻徐州其妻子在金鄉仲文遣人詐作毗羅使謂金鄉城主徐善淨曰檀讓明日午時到金鄉將宣蜀公令賞將士金鄉人謂為信然皆喜仲文簡精兵偽建迴旗幟善淨以為讓至出城迎謁仲文執之遂取金鄉諸將勸屠之仲文曰當寬其妻子其兵可自歸如即屠之彼皆絕矣眾皆稱善於是毗羅侍眾來薄官軍仲文背城結陣設伏兵發俱拽柴鼓譟毗羅軍潰皆投洙水死冰為不流獲讓檻送京師

欽定四庫全書

南北史合注  
卷一百一十

河南志平毗羅匿滎陽人家執斬之傳首闕下勒石紀功樹於泗上入朝京師隋文帝引入卧内宴享極歡賜雜綵千段妓女十人拜柱國屬帝受禪不行未幾其叔父太尉翼坐事下獄仲文亦為吏所薄於獄中上書曰曩者尉迴逆亂所在景從臣任處關河地居衝要誓以必死迴時購臣位大將軍邑萬戶臣不顧妻子不受身命冒白及漬重圍三男一女相繼淪沒馳赴闕廷蒙陛下授臣以高官委臣以兵草於時河南凶寇狼顧鴟張臣



羸兵八千掃除氛祲推劉寬於梁郡破檀謙於蓼隄平曹州復東郡安成武定永昌解亳州圍破徐州之賊席毗羅十萬之衆一戰土崩河南蝗聚之徒應時戡定當犀兕問鼎生靈乏主之辰臣第二叔翼先在幽州總馭燕趙南隣羣寇北掃旄頭內安外撫得免罪戾臣第五叔智建旗黑水與王謙隣式遏蠻貊鎮綏蜀道臣兄顛作牧淮南坐制勅敵乘機剿定傳首京師王謙竊據二州叛渙三蜀臣第三叔善受脈廟庭恭行天罰自外父

欽定四庫全書

南北史合注 卷一百十

五

叔兄弟皆當文武重寄或銜命危難或侍衛鈞陳合門誠款冀有可明

愚按於謹為宇文泰心腹受周恩獨最觀仲文此書

適以暴其舉宗從逆耳醜哉言也

帝覽表并翼釋之明年拜行軍元帥統十二州總管擊胡出服遠鎮遇虜破之從金河出白道遣總管辛明謹元滂等二萬人出盛樂道趣那頡山至護軍州北與虜遇可汗見仲文軍容整肅不戰退仲文踰山追之及還

以尚書省文簿繁雜吏多奸詐令仲文勘錄省中事所發摺甚多帝嘉其明斷厚加賞勞又憂轉運不給仲文請決渭水開漕渠帝然之使仲文總其事及伐陳之役拜行軍總管高智慧等作亂江南仲文復以行君總管討之時三軍乏食米粟踴貴仲文坐私糶軍糧除名明年復官爵率兵屯馬邑備胡晉王廣以仲文有將才常屬意至是奏之令督晉王軍府事突厥犯塞王為元帥使仲文將前軍大破賊而還煬帝即位遷左翊衛大將

欽定四庫全書

南北史合注 卷一百十

五

軍參掌文武選事遼東之役仲文率軍指樂浪道次烏骨城簡羸馬驢數千置軍後既而率衆東過高麗出兵掩襲輜重仲文回擊大破之至鴨綠水高麗將乙支文德詐降入營仲文先奉密旨若遇高元及文德必擒之至是仲文將執文德尚書右丞劉士龍為慰撫使固止之仲文遂捨文德尋悔遣人給文德曰更有議可復來文德不從遂濟仲文選騎度水追之每戰破賊文德遺仲文詩曰神策究天文妙算窮地理戰勝功既高知足



願云止仲文答書諭之文德焚柵遁時宇文述以糧盡欲還仲文議以精銳追文德可有功述固止仲文怒曰將軍杖十萬衆不能破小賊何顏見帝且仲文此行固無功述因厲聲曰何以知無功仲文曰昔周亞夫為將見天子軍容不變此決在一人所以功成今人各其心何以赴敵初帝以仲文有計畫令諸軍聽稟節度故有此言述等不得已遂行東至薩水述以兵餒退歸師遂敗績帝以屬吏諸將皆委罪仲文帝大怒釋諸將獨擊欽定四庫全書

南北史合注 卷一百十

仲文仲文憂患病篤方出之卒於家時年六十八撰漢書刊繁三十卷略覽三十卷有子九人欽明最知名寔弟翼字文若美風儀有識度年十一尚周文女平原公主拜員外散騎常侍大統十六年從安平縣公進爵郡公加大都督領周文帳下左右禁中宿衛遷武衛將軍謹平江陵所賜軍實分給諸子翼一無所取唯簡賞口內名望子弟有士風者別待遇之周文聞賜奴婢二百口翼固辭不受尋授車騎大將軍開府儀同三司六官

建除左官伯孝閔踐祚出為渭州刺史翼兄實先蒞此州頗有惠政翼又推誠布信事存寬簡夷夏感悅比之大小馮君時吐谷渾入寇河右涼鄯三州被圍使來告急秦州都督遣翼赴援不從寮屬咸以為言翼曰攻取之術非夷俗所長此來不過抄掠邊牧耳安能頓兵城下久事攻圍掠而獲勢將自走勞師以往亦無所及翼揣之已了矣數日問至果如翼策賀蘭祥討吐谷渾翼以先鋒率州兵深入以增邑尋徵拜右官伯明帝雅欽定四庫全書

南北史合注 卷一百十

愛文史立麟趾學在朝有藝業者不限貴賤皆聽預乃至蕭撝王褒等與卑鄙之徒同為學士翼言於帝曰撝梁宗子褒梁公御今與趨走同儕恐非尚賢貴爵之義帝納之詔翼定其班次於是右等差矣帝崩翼與晉公護同受遺詔立武帝保定三年改封常山郡公天和初遷司會中大夫三年皇后阿史那氏至自突厥武帝行親迎禮命翼總司儀制狄人雖躡踞無節然咸憚翼禮法其敢違犯遺文憂去職居喪過禮尋詔起視事帝又



以翼有人倫鑒皇太子及諸王等相傳以下並委翼選置所擢皆民譽會謂得人遷大將軍總中外宿衛兵事晉公獲以帝委翼心腹內懷猜忌轉小司徒加拜柱國外示崇重實疎斥之及誅護帝召翼遣往河東取護子中山公訓仍代鎮蒲州翼曰冢宰無君陵上自取誅夷元惡既除餘孽宜殄然皆陛下骨肉猶謂疎不問親陛下不使諸王而使臣異姓臣所未安帝然之乃遣越王盛代翼先是與齊陳二境各修邊防雖通聘好而每歲

欽定四庫全書

南北史合注 卷一百十

文

交兵一彼一此不能有所克獲帝既親萬機將圖東討詔邊城鎮並益儲峙加戍卒齊人聞之亦增修守禦翼諫曰疆場相侵互有勝敗徒損兵儲非策之上不若解邊嚴減兵防繼好息民敬待來者彼必喜於通和懈而無備然後出其不意一舉而山東可圖帝納之建德二年出為安州總管時大旱涇水絕流舊俗每逢亢旱禱白兆山祈雨帝先禁羣祀山廟已除翼遣主簿祭之即日澍雨遂有年百姓聚會歌舞之四年帝將東伐朝臣

未有知者遣納言盧韞前後三乘驛詣翼問策翼贊成之及軍出詔翼自宛葉趣襄城旬日下齊十九城所過秋毫無犯所部都督輒入人村即斬以徇百姓欣悅赴者如歸屬帝有疾班師翼亦旋鎮轉宜陽總管以宜陽地非襟帶請移鎮陝詔從之仍除陝州刺史總管如舊其年大軍復東討翼自陝入徑到洛陽齊洛州刺史獨孤城業開門降河南九州三十鎮一時俱下襄城民庶等喜復見翼並壺漿道左除河陽總管仍徙豫州

欽定四庫全書

南北史合注 卷一百十

文

周書曰敕河陽襄州安州荊州泗州總管內有武幹者任翼徵牒不限多少儀同以下官爵承制先授後聞

陳將魯天念久圍光州聞翼到汝南望風退散

周書曰霍州田元顯負險不賓至是送質請附陳將任蠻奴悉眾攻之元顯立柵拒戰無離心及翼歸朝便叛其得殊俗物情如此

大象初徵拜大司徒詔翼巡長城立亭郵西自鴈門東



至碣石創新改舊咸得其要害仍除幽州總管先是突厥屢為抄掠民居失業翼素有威武兼明斥候自是不敢犯塞及尉遲迴據相州舉義以書招翼翼執其使并書送之時隋文帝執政進位上柱國封任國公增邑通前五千戶別食任城縣一千戶收其租賦翼又遣子讓通表勸進

恩按翼周室至親不為禍首以全身家猶鄙夫也與李穆同勸進則犬馬不若

欽定四庫全書

南北史合注  
卷一百十

并請入朝許之隋開皇初翼入朝帝降榻握手極歡數日拜太尉或有告翼往在幽州欲同尉遲迴按驗以無實見原三年卒加贈六州諸軍事蒲州刺史謚曰穆翼性恭儉與物無競常以滿盈自戒故能以功名終子翼少有氣幹仕周封黎陽縣公歷官石勳曹中大夫尋領右忠義隋文受禪加上大夫軍進爵郡公歷汴即二州刺史所歷並有恩惠後檢校江陵總管邵州人張願等數十人詣闕上表請留聖帝嘉歎良久令還邵州父老

相賀尋歷洛熊二州刺史亦有惠政以疾還京師卒於家謚曰靜翼弟義字慈恭少矜嚴有操尚篤志好學大統末以父功賜爵廣都縣公周考閱踐阼遷安武太守專崇教化不尚威刑有郡人張善安王叔兒爭財相訟義曰太守德薄不勝所致乃以家財分與二人喻而遣去善安等各懷恥愧移貫他州於是風化大洽進封建平郡公明武世歷西兗瓜邵三州刺史數從征伐進位開府宣帝即位政刑自亂義上疏諫時鄭譯劉昉以恩

欽定四庫全書

南北史合注  
卷一百十

倖當權謂義不利於己先惡之於帝帝覽表動色謂侍臣曰于義謗訕朝廷也御正大夫顏之儀進曰先古哲王立謗訕之木置敢諫之鼓猶懼不聞過義言不可罪帝乃解及王謙起兵隋文帝以丞相謀將於高潁潁言義可為元帥隋文將任之劉昉曰梁睿任望素重不可居義下乃以睿為元帥義為行軍總管將左軍破謙將達奚甚於開遠尋拜潼州總管超拜上柱國歲餘以疾免歸卒於京贈豫州刺史謚曰剛子宣道宣敏並知名



宣道性謹密不文非類仕周以父功賜爵城安縣男隋  
 文為丞相引為外兵曹及踐阼遷內史舍人進爵為子  
 父憂水漿不入口累日歲餘起視事免喪累官上儀同  
 卒子志寧早知名出繼叔父宣敏宣敏少沉密有才思  
 年十一詣周趙王招命賦詩宣敏為詩甚有幽貞之志  
 招大奇之坐客莫不嗟賞起家右侍上士遷千牛備身  
 隋踐阼拜秦車都尉奉使撫慰巴蜀及還上疏曰臣聞  
 開盤石之宗漢室於是唯永建淮城之固周阼所以靈  
 欽定四庫全書

南北史合注 卷一百一

五

長昔秦皇置牧守而罷諸侯魏后昵諂邪而疎骨肉遂  
 使宗社移於他族神器傳於異姓往事之明甚於觀火  
 然山川設險非親勿居且蜀土沃饒人物殷富西通中  
 夔南屬荆巫周德之衰此地便為禍先是以明者防於  
 無形制其未亂陛下運膺樂運理須樹建屏藩封植子  
 孫繼周漢宏圖改秦魏履軌但三屬二齊古稱天險分  
 王戚屬今正其時若使利建合宜封樹德所則巨猶息  
 其非望奸臣杜其邪謀矣帝省表嘉之謂高潁曰于氏

世有人竟納其言遣蜀王秀鎮於蜀宣敏常以盛滿之  
 誠昔賢所重每懷靜退著述志賦見志未幾卒官年二  
 十九義弟智初為開府以受宣帝密旨告齊王憲反遂  
 封齊國公尋拜柱國位大司空

論曰魏氏平定中原後于果碑有武功於三世兼以虛  
 已下物罰不濫加斯亦諸將所稀矣洛拔任參內外以  
 功名自終烈氣舉沉遠受任艱危有柱石之質殆禦侮  
 之臣乎忠以梗朴見親乘非其據遂擅威權生殺自己

欽定四庫全書

南北史合注 卷一百一

五

苟非女主之世何以全其門族抑云幸矣謹負佐時之  
 略逢興運之期為大厦棟梁卒以耆年碩德譽高望重  
 禮備上庠功歌司樂而常以滿盈為誠覆折是憂不有  
 君子何以能國乎翼功臣子地則姻親荷累葉之恩兼  
 文武之寄理同休戚與存與亡加以總戎馬之權受杆  
 城之託智足衡難勢堪勤王曾無釋位之心但務隨時  
 之義弘名節以高貴豈所望於斯人耶仲文博涉書記  
 以英略自許尉迴之變遂立功名自慈厥後屬當推轂



遼東之役實喪師徒斯乃大樹將顛非一繩之罪也義  
運屬時來宣其力用崇基弗墜析薪克荷盛矣

欽定四庫全書

南北史合注  
卷一百十

書

南北史合注卷一百十

欽定四庫全書

南北史合注卷一百十一

明 李清 撰

列傳第十三

北史二十五

崔 逞

子顯 孫或 玄孫同 休 五世孫俊  
六世孫瞻 德 逞 兄道

王 憲

曾孫斯 晞 皓

封 懿

族曾孫回 回子隆之 回弟肅  
回族弟述

崔逞字叔祖清河東武城人魏中尉琰五世孫父瑜黃  
欽定四庫全書

南北史合注  
卷一百十一

門郎逞少好學有文才

魏書曰逞遭亂孤貧躬耕于野講誦不輟

仕燕主慕容暉撰燕記再遷黃門侍郎暉滅秦主苻堅

以為齊郡太守堅敗仕晉歷清河平原二郡太守為翟

遼所鹵官中書令燕主慕容垂滅翟釗又官秘書監值

慕容寶東走和龍授留臺吏部尚書及慕容麟立逞攜

妻子歸魏張袞先稱美之道武禮遇甚厚累官御史中

丞帝攻中山未剋六軍乏糧問計於逞逞曰飛鷄食甚



改音詩稱其事可取以助糧帝雖銜其侮慢然兵既須食乃聽人以萇當租暹又言可使軍人及時自取過時則落盡帝怒曰內賊未平兵人安可解甲收萇乎以中山未拔不加罪及後秦主姚興侵晉襄陽戍將郝恢乞師常山王遵書云賢兄虎步中原帝以為悖君臣體救暹與張袞為遵書使亦貶其主號報之暹袞為書乃云貴主帝怒其失旨黜袞賜暹死後晉荊州刺史司馬休之等數十人為桓玄所逐將來奔至陳留聞暹被殺分

欽定四庫全書

南北史合注 卷一百一十一

二

二輩一奔長安一奔廣固帝聞深悔自是士人有過多見優容暹子毅祿嚴頗初暹內徙終慮不免乃使其妻張氏與四子歸南燕主慕容德於廣固獨與小子願在代京及暹死亦以此為譴願字太冲為散騎常侍賜爵清河侯太武以其兄譴為冀州刺史乃曰義隆用其兄我豈無冀州地耶乃以願為冀州刺史入為大鴻臚持節策拜難當為南秦王奉使數返光揚朝命帝善之後與方士韋文秀詣王屋山造金丹不就真君初卒始崔

浩與願及榮陽太守模等年皆相次浩為長次模次願三人別祖而模願為親浩恃其家世魏晉公卿嘗侮模浩不信佛道模深所歸向雖糞壤中禮拜形像浩大笑曰持此頭顱不淨處跪是胡神也模嘗謂人曰桃簡可欺我何容輕我周兒也浩小名桃簡願小名周兒太武頗聞之故浩誅二家獲免願五子少子叔以交通境外伏誅自暹死至叔誅三世積五十餘年在北一門盡矣或字文若願兄禕之孫父勲之位大司馬外兵郎或與

欽定四庫全書

南北史合注 卷一百一十一

三

兄相如俱自宋入魏相如以才學知名早卒或少逢隱沙門教以素問甲乙遂善醫術中山王英子畧曾病王顯等不能療或針之抽針即愈後位冀州別駕性仁怒見疹者喜與療之廣教門生令多救療其弟子清河趙約勃海郝文法之徒咸有名或子景哲蒙率亦以醫知名仕魏大中大夫司徒長史景哲子罔

北齊書同作國

字法峻幼好學汎覽經傳多伎藝尤工相術仕魏為司



空叅軍齊天保初為尚藥典御歷官至散騎常侍假儀  
同三司從後主幸晉陽謂中書侍郎李德林曰比日看  
高相王以下文武官人相表俱盡事不忍言惟第一人  
更應富貴當在他國不在本朝吾不及見也其精如此  
問性廉謹恭儉自修所得俸秩必分親故終鴻臚卿臨  
終誠其二子曰夫恭儉福之與傲侈禍之機乘福與者  
浸康蹈禍機者忽覆汝其誠歟吾沒後歛以時服祭無  
牢餼棺足周屍瘞不泄露而已及卒長子休遵父命休  
字惠盛曾祖諱祖靈和俱仕宋父宗伯始遷魏追贈清  
河太守休少孤貧矯然自立舉秀才入京師與宋弁邢  
密雅相知友尚書王嶷欽其人望為長子甥休姊贍以  
財貨由是少振孝文納休妹為嬪嬪遷兼給事黃門侍  
郎休勤學公事軍旅之際手不釋卷禮遇亞於宋弁郭  
祚孝文南伐以北海王詳為尚書僕射統留臺事以休  
為尚書左丞詔北海年少百揆務殷便以委休轉長史  
兼給事黃門侍郎叅定禮儀帝嘗問政府得舊冠題曰

欽定四庫全書

卷一百一十一

南部尚書崔暹制顧謂休曰此卿家舊事也後從駕南  
行還幸彭城汎舟泗水觀者榮之宣武初休以祖父未  
葬弟黃又亡固求出為勃海太守性嚴明雅長政體下  
車先戮豪猾數人奸盜莫不擒剪清身率下部內安之  
時大儒張吾貴名盛山東弟子恒千餘人所在多不見  
容休招延禮接使肄業而還儒者稱為口實入為吏部  
郎中遷散騎常侍權兼選任多所拔擢廣平王懷數引  
談宴以與諸王交游免官後為司徒右長史

欽定四庫全書

卷一百一十一

五

魏書曰休聰明強記雅善斷決幙府多事辭訟盈庭  
剖決若流殊無疑滯  
公平清潔甚得時譽歷青幽二州刺史皆以清白稱二  
州懷其德澤入為度支七兵殿中三尚書休久在臺閣  
明習典故每朝廷疑議咸取正焉諸公咸謂崔尚書下  
意處不可異也卒贈尚書右僕射謚文貞休少而謙退  
事毋孝謹及為尚書子仲文娶丞相高陽王雍女女適  
領軍元叉庶長子舒休恃二家志氣微改陵藉同列尚



書令李崇左僕射蕭寶夤右僕射元欽皆以此憚下之始休母房氏欲以休女妻其外孫邢氏休乃違母情以妻人子議者非之子悛悛字長儒狀貌偉麗善容止少知名為魏宣武挽郎釋褐太學博士累遷散騎侍郎坐事免歸鄉里冀部豪傑之起爭召悛兄弟悛中立無所就高敖曹以三百騎劫為師友齊神武至住都歷官給事黃門侍郎衛將軍神武入洛議定廢立太僕綦儁盛言節閔帝賢明可主社稷恃作色前曰若其賢明自可

欽定四庫全書

南北史合注 卷一百一十一

六

待我高王既為逆胡所立何得猶作天子若從儁言王師何名義舉

愚按綦儁聞悛言時何不再折之云漢孝獻既為董卓所立何得猶為天子乃致賢明節閔終罹廢弑可慨也

由是節閔及中興主皆廢更立平陽王是為孝武以建義功封武城縣公悛恃預義旗頗自矜縱尋以貪汙為御史糾劾逃還鄉里時清河多盜齊文襄以石愷為太

守令得專殺愷經悛宅謂少年曰諸郎輩莫作賊太守能杖殺人悛顧曰何不答府君云下官家作賊止捉一天子牽下殿捉一天子推上殿不作偷驢摸犢賊及遇赦出復為黃門天平中授徐州刺史悛性暴慢寵妾馮氏長且狡家人號曰成母朝士邪子才等多姦之至是假其威勢恣情取受風政不立初悛為常侍求人修起居注或曰魏收可悛曰收輕薄徒耳更引祖鴻勳為之又欲陷收不孝之罪乃以盧元明代收為中書郎由是

欽定四庫全書

南北史合注 卷一百一十一

七

收衡之及收聘梁過徐州悛備刺史鹵簿迎之使人相問收曰勿怪儀衛多稽古力也收語蹇急報曰崔徐州建義之勲何稽古之有悛自以門代素高不平此言收乘宿憾故以此挫之罷徐州除秘書監以母憂去官服終轉七兵尚書清河邑中正悛有文學偉風貌寡言笑端凝如神以簡貴自處齊神武言崔悛應作令僕恨其精神太道趙郡李渾將聘梁名輩畢萃詩酒正謹悛後到一坐寂然鄭伯猷歎曰身長八尺面如刻畫聲效為



洪鍾響胸中貯千卷書使人安得不畏服悛以籍地自  
矜長與蕭祇明少選等高宴終日獨無年少選晚謂悛  
曰驚風飄白日忽然落西山悛亦無言直曰爾每謂盧  
元明曰天下盛門惟我與爾博崔趙李何事者哉崔選  
聞而銜之神武葬後悛又竊言黃領小兒堪當重任否  
選外兄李慎告選選啟文襄絕悛朝謂悛要拜道左文  
襄發怒曰黃領兒何足拜也鑠悛赴晉陽訊之不服選  
引邢子才為證子才執無此言悛在禁謂子才曰卿知  
欽定四庫全書

南北史合注  
卷一百一十一

八

我意屬太丘否子才出告悛子瞻曰觀尊公意正應欲  
結姻陳元康耳時瞻有新生女乃許妻元康子元康言  
於文襄曰崔悛名望素重不可以私語殺之文襄曰若  
免其性命當徙之選裔元康曰悛若在邊或將外叛以  
英賢資冠非所宜也文襄曰既有季珪之罪還令輸作  
可乎元康曰常讀崔琰傳追恨魏武不弘悛若殞於作  
所後世豈道公不殺耶文襄曰奈何元康曰悛合死朝  
野皆知公誠能以寬濟猛特輕其罰則仁德彌著天下

歸心段孝先亦言悛勲舊乃召捨之悛進謁奉謝文襄  
猶怒曰我雖無堪忝當大任被卿目為黃領小兒金石  
可銷此言難滅齊天保初除侍中監起居以禪代之際  
叅掌儀禮別封新豐縣男回授第九弟子約一門婚嫁  
皆衣冠美族吉凶儀範為當時稱妻太后為博陵王納  
悛妹為妃救其使曰好作勿使崔家笑人婚夕文宣帝  
舉酒祝曰新婦宜男孝順富貴悛跪對曰孝順乃自臣  
門富貴恩由陛下五年刺史東兖州復攜馮氏之部為  
欽定四庫全書

南北史合注  
卷一百一十一

九

馮氏厭盡頗失精爽尋遇偏風馮氏受納狼籍為御史  
所劾與悛俱召付廷尉諸因多姦馬獄中致競尋別詔  
斬馮氏於市支解為九段悛以疾卒獄悛歷覽羣書兼  
有辭恭自中興迄孝武詔誥表檄多悛所為然性侈耽  
財色於諸弟不能盡雍穆之美世論以此譏之素與魏  
收不協收後專典國史悛恐被惡言乃悅之曰昔有班  
固今則魏子收縮鼻笑之憾不釋悛子瞻字彥通潔白  
善容止神彩巖然言不忘發才學風流為後來秀初穎



川荀濟自江南入洛瞻學於濟故得經史有師法侍中李神雋雅有風譽晚年無子見瞻而歎謂邢劭曰昨見崔陵兒便為後生第一我遂無此見之使人傷懷年十五刺史高昂召署主簿清河公高岳辟為開府西閣祭酒博陵崔暹為中尉除侍御史以父與暹隙俄去官神武召與北海王暕俱為諸子賓友仍為相府中兵主簿文襄遇害秘未發喪文宣命瞻兼相府司馬使於鄴魏孝靜以人日登雲龍門與其父陵侍宴為詩詔問邢

欽定四庫全書

南北史合注 卷一百一十一

十

劭等曰瞻此詩何如父咸曰陵博雅弘麗瞻氣調清新並詩人冠冕宴罷咸共嗟賞云今日之宴併為崔瞻父子齊天保初楊愔欲引瞻為中書侍郎時盧思道直中書省愔問其文蒸優劣思道曰崔瞻文詞可稱但舉世重其風流所以才華見沒愔然思道言其日奏用之又曰晉裴瓚為中書郎神情高邁每於禁門出入宿衛皆肅然動容崔生堂堂亦當無媿裴子孝昭皇建初除給事黃門侍郎與趙郡李粲為莫逆友粲將東還瞻遺之

書曰仗氣使酒我之常弊詆訶指切在卿尤甚足下告歸吾於何聞過也瞻患氣無性遲重雖居二省不堪敷奏及皇太子就傅受業除太子中庶子徵赴晉陽敕曰東宮弱年未陶訓義卿儀形風德人之師表故勞卿朝夕遊處開發幼蒙一物三善皆以相寄瞻專在東宮調護講讀及進退禮度皆歸委焉太子納妃斛律氏敕瞻與鴻臚崔劼撰定婚禮儀注主司以為後式時昭議三恪禮太子少傅魏收為一議朝士莫不雷同瞻別立異

欽定四庫全書

南北史合注 卷一百一十一

十一

議收讀訖笑而不言瞻正色曰今詔羣臣議國家大典少傅名位不輕若瞻議是須贊其所長若非須詰其不允何容讀國士議文作此莞爾耶瞻居顯職尚不免見疵况草萊諸生欲言將何自進瞻容貌方嚴詞旨雄辯收慙遽無一言大寧元年除衛尉少卿尋兼散騎常侍聘陳使主行過彭城讀道旁碑文未畢而絕倒從者遂見以為中惡已知此碑乃瞻父徐州時所立故哀感馬瞻經熱病面多癩痕然雍容可觀辭韻溫雅南人大相



欽服陳舍人劉師知見而心醉乃言常侍前朝通好之日何意不來今日誰相對揚者其見重如此還襲爵武城公再遷吏部郎中因患耳請急十餘日舊式百日不止解官吏部尚書尉瑾性偏急以贍舉措舒緩曹務煩劇附驛奏聞因見代遂免歸天統末加驃騎大將軍就拜銀青光祿大夫卒贈大理卿濟州刺史謚曰文贍性簡傲以才地自矜所與周旋皆一時名望在御史臺恒宅中送食備盡珍羞別室獨食處之自若有一河東人

欽定四庫全書

南北史合注  
卷一百一十一

十三

士姓裴亦為御史伺贍食便往造馬贍不與言又不命七筋裴坐觀贍食食罷而退明日自攜七筋恣情飲噉贍謂曰我初不呼君食亦不共君語遂能不拘小節昔劉毅在京口曾請鵝災豈亦異是君定名士於是每與同食性方重好讀書酒後清言聞者莫不傾耳天保以後重吏事謂容止醜籍者為潦倒而贍終不改常見選曹以劉述為縣令謂之曰官長正應子琮輩耳乃復屈名人馮子琮聞大怒及用事幾敗焉有集二十卷悛弟

仲文有文學太和中為丞相掾沙苑之敗仲文持馬尾渡河波中乍沒乍出神武望見曰崔掾也遽遣舟赴接及至謂曰卿為君為親不顧萬死可謂家之孝子國之忠臣後文襄欲使行青州聞其多醉乃止天保初悛為侍中仲文為銀青光祿大夫同日受拜時云兩鳳連飛嘗被敕召宿醒未解文宣怒將罰之試使為觀射詩十韻操筆立成乃原之拜散騎常侍光祿大夫卒子儵字歧叔少與苑陽盧思道隴西辛德源同志友善每以讀

欽定四庫全書

南北史合注  
卷一百一十一

十三

書為務

隋書曰數年間遂博覽羣言

負恃才地大署其戶曰不讀五千卷書無得入此室在齊舉秀才累官殿中侍御史與熊安生馬敬德等議五禮兼修律令尋兼散騎侍郎使陳還待詔文林館歷尚書郎與頓丘李若俱見稱重時人語曰京師灼灼崔儵李若若每謂其子曰盧思道崔儵杳然崖岸吾所重也汝其師之思道與儵嘗酒後相調曰偃逸無聞思道譏



儻曰高曾官簿齊止歸鄉仕郡為功曹補主簿隋開皇四年以通直散騎侍郎聘陳還授員外散騎侍郎以龔常得無事一醉輒八日越國公楊素時方貴幸重儻門地為子玄縱娶其女娉禮甚厚親迎之始公御滿座素令騎迎之儻敝衣冠騎驢而至素推令上座儻禮倨言又不遜素忿然拂衣而起竟罷坐後數日儻方來謝素待之如初詔授易州刺史或言其未合乃追停儻語人曰易州刺史何必勝道義仁壽中卒於京師仲文弟叔

欽定四庫全書

南北史合注 卷一百一十一

十四

仁輕俠重矜期仕魏為潁州刺史以貪污為御史中丞高仲密所劾賜死於宅臨刑賦詩五絕與諸弟訣別不及其兄以悛不甚營救也叔仁弟叔義魏孝莊時為尚書庫部郎初叔義父休為青州刺史放盜魁令出其党遂以為門容在洛陽與兄叔仁鑄錢

魏書曰叔義坐兄悛鑄錢為徽所殺觀此則叔仁非悛也魏收素與悛有隙故移坐悛耳當以北史為正事發合家逃逸叔義見執時城陽王徽為司州牧臨淮

王或以非其身罪驟為致言徽以求婚不得遂停赦書而殺之叔義弟子侃以寄名從軍竊級為中書郎為尚書左丞和子岳彈糾失官性兼使氣後自修改閉門讀書當時稱為博洽後兼通直散騎常侍使梁為陽斐副取居斐下自負才地呼斐為陽子語輒折之還卒於路第九弟子約五歲喪父不肯食肉後居母喪哀毀骨立人云崔九作孝風吹即倒禪月兄子度死又百日不入房長八尺餘恣神雋異潛觀梁使劉孝儀賓從見者駭

欽定四庫全書

南北史合注 卷一百一十一

十五

日武定中為平原公開府祭酒與兄子瞻俱詣晉陽寄居佛寺瞻長於子約二歲每退朝久立于約馮几對之儀望俱華儼然相映諸沙門竊視之以為二天人乾明中為考功郎病且卒謂瞻曰自諸兄歿門業頽替唯吾與爾耳命之脩短曾何足悲汝能勉之吾不餒矣休弟黃字敬禮位太子舍人卒妻樂安王長女晉寧公主也貞烈有德行子愍字長謙約聰敏濟州刺史盧尚之欲以長女妻之休子悛求尚之次女曰家道多由婦人欲



令姊妹為妯娌尚之感其義於是同日成婚休誠諸子曰汝等宜皆一體勿作同堂意若不用吾言鬼神不享汝祭祀休凶枕中有書如平生所誠諸子奉馬長謙與休第二子仲文同年而月長其家謂之大小二長謙少與太原王延業俱為著作佐郎監典校書後為青州司馬賊圍城二百日長謙讀書不廢凡手抄八百餘紙天文律歷醫方卜相風角鳥言靡不開解晚頗以酒為損遷司徒諮議修起居注後兼散騎常侍使梁將行謂

欽定四庫全書

南北史合注  
卷一百一十一

十六

人曰我兄在吳國忌在酉年今恐不免及還未入境卒年二十八贈南青州刺史暹兄通亦有名於時為燕慕容垂尚書左丞適玄孫隆宗簡率友悌居喪以孝聞位蘭陵燕二郡太守仁信待物檢慎至誠故見重於時卒贈齊州刺史謚曰孝子敬保敬保子子安子昇武定中連元瑾事遇害暹宗人模字思範琰兄霸後仕宋為滎陽太守神麈中平滑臺歸降

宋書言其殉難非也

後賜爵武城男模長者篤厚不營榮利雖為崔浩輕侮而不為浩屈與崔頤相親往來如一家始模在南妻張氏有二子仲智季柔模至京師賜妻金氏生子幼度仲智等以父隔遠乃聚貨規贖之其母張氏汝父志懷無決必不能來行人以賄至都模果顧念幼度等指謂行人曰何忍捨此輩致為刑辱當為爾取一人使名位不減我乃授以申謨謨宋東郡太守也神麈中被執賜妻生子靈度既聞模言乃棄妻子走還江外靈度刑為閹

欽定四庫全書

南北史合注  
卷一百一十一

十七

人初真君末模兄協子哀利為宋魯郡太守以郡降賜爵臨淄子拜廣甯太守卒哀利二子懷順次恩仍居宋青州懷順以父入魏故不仕及魏克青州懷順迎哀利喪還青州云

王憲字顯則北海劇人祖猛仕秦王苻堅位丞相父休河東太守憲幼孤隨伯父永在鄴符丕稱尊號復以永為丞相永為慕容永所殺憲匿於清河民家皇始中歸魏道武見之曰此王猛孫也厚禮之以為本州中正領



選曹事兼掌門下太武即位遷廷尉卿出為上谷太守清身率下風化大行尋拜外都大官復移中都歷任二曹斷獄稱旨出為并州刺史境內清肅累遷北海公及還京師以憲年老特賜錦繡布帛珍羞禮膳天安初卒年八十九謚曰康次子嶷字道長孝文初為南都尚書在任十四年時南州多事訟者填門嶷性儒緩不斷終日昏睡李訢鄧宗慶等號明察終見誅戮餘十數人或出或免唯嶷卒得自保時人語曰實癡實昏終得保存

欽定四庫全書

南北史合注 卷一百一十一

十八

後封華山公入為內都大官卒孫訢字元景少篤學能誦書日以中疊舉手極上為率與太原王延業俱詣魏安豐王延明延明歎美之太尉汝南王悅辟為騎兵參軍舊事王出則騎兵武服持刀陪從訢恥之未嘗肯依行列悅好逸遊或馳騁信宿訢輒棄還悅乃令騎兵在前手為驅策訢捨轡高拱任馬所之左右言其誕慢悅曰府望唯在此賢不可責也悅數散錢於地令諸佐爭拾之訢獨不拾悅又散銀錢目訢乃取其一悅與府寮

飲酒起自移床人爭進手訢獨執版却立悅作色曰我帝孫帝子帝弟帝叔今親起與牀卿何偃蹇對曰元景位望微劣不足使殿下式瞻儀形安敢以親王寮案從廝養之役悅謝焉坐上皆引滿酣暢訢先起卧於閑室頗名不至悅乃自詣呼之曰懷其才而忽府主可謂仁乎訢曰商辛沈湎其亾也忽諸府主自忽傲耳寮佐敢任其咎悅大笑而去後除著作佐郎以兵亂漸起將避地海隅侍中李琰之黃門侍郎王遵業惜其名士不容

欽定四庫全書

南北史合注 卷一百一十一

十九

外任奏除尚書右外兵郎中出為光州長史故免河陰之難遷東萊太守時年凶人多相食訢勤恤民隱多所全濟訢少時與河間邢邵俱為元羅賓友及手東萊舉室就之郡人以邵是邢果從弟會兵將執之訢以身蔽伏其上呼曰欲執子才常先執我邵乃免太昌初還洛吏部尚書李神儁奏言比因多故常侍遂無員限今以王元景等為常侍定限八員加金紫光祿大夫孝武或時袒露與近臣戲狎每見訢即正冠欽容訢體素肥遭



喪後遂終身羸瘠楊愔重其德素以為人之師表元象  
元年兼散騎常侍聘梁魏收為副並為朝廷所重

談藪曰元景使梁劉孝標送之位下元景無淚謝曰  
卿勿怪我我別後當應關干耳

使還高隆之求貨不得諷憲臺劾所收在江東大將商  
人市易並坐禁止齊文襄營救之累遷秘書監所雅好  
清言詞無淺俗在東萊時獲殺其同行侶者詰之未服  
所謂曰彼物故不歸卿無恙而反何以自明頃之以被

欽定四庫全書

南北史合注  
卷一百一十一

十一

謗左遷陽平太守在郡有稱文襄謂人曰元景殊獲我  
力遂為良二千石文宣踐阼拜七兵尚書以參議禮封  
宜君縣男嘗有鮮卑聚語崔昂戲問昕曰頗解此否昕  
曰樓羅樓羅實自難解時唱染干似道我輩文宣以昕  
疏誕非濟世才罵曰好門戶惡人身又有讒之者云王  
元景每嗟水運不應遂絕帝愈怒乃詔曰尚書百揆之  
本庶務攸歸元景與奪任情威福在己能使直而為枉  
曲反成絃害政損公名義安在偽賞賓郎之味好詠輕

薄之篇自謂模擬儉楚曲盡風制推此為長餘何足取  
此而不繩後將焉肅在身官爵宜從削奪于是徙幽州  
為民昕任運窮通不改其操未幾徵還奉敕送蕭莊於  
梁為主除銀青光祿大夫判祠部尚書帝怒臨漳令嵇  
粲及舍人李文師以粲賜薛豐洛文師賜崔士順為奴  
鄭子默私誘昕曰自古無朝士作奴昕曰箕子為之奴  
何言無也子默遂以昕言啟文宣仍曰王元景比陛下  
於紂楊愔微解之帝謂愔曰王元景是爾博士爾語皆

欽定四庫全書

南北史合注  
卷一百一十一

十一

元景所教帝後與朝臣酣飲所稱疾不至遣騎執之見  
方掙膝吟詠遂斬於御前投屍漳水天統末追贈吏部  
尚書有文集二十卷昕母清河崔氏學識有風訓生九  
子皆風流醞籍世號王氏九龍昕弟暉昭晞皓最知名  
暉少與昕齊名兼多術藝卒於中書舍人昭少好儒術  
又頗以武藝自許性敦篤以友悌知名卒於考功郎中  
晞字叔朗小名沙彌幼孝謹淹雅有氣度好學不倦美  
容儀有風則魏末隨母兄東適海隅與邢子良遊處子



良愛其清悟與其在洛兩兄書曰賢弟彌郎意識深遠曠達不羈簡於造次言必詣理吟詠性情麗絕當時恐足下方難為兄不暇慮其不進也魏永安初第二兄暉聘梁啟暉釋褐除官暉願養母竟不受署母終後仍屬遷鄴遨遊鞏洛悅其山水與范陽盧元明鉅鹿魏季景結侶同契往天陵山浩然有終焉之志及西魏將獨孤信入洛署為開府記室暉稱先被大傷因篤不赴有故人疑其所傷非獬與書勸令赴暉復書曰循復眷旨似

欽定四庫全書

南北史合注 卷一百一十一

二十二

疑吾所傷未必是獬吾豈願其必獬但理契無疑耳足下既疑其非獬亦可疑其是獬其疑半矣若疑其是獬而營護雖非獬亦無損疑其非獬而不療儗是獬則難救然則過療則致萬全過不療或至於死若晞無可惜則不足取既取之便是可惜奈何奪其萬全任其或死於是方得見寬俄信返晞遂歸鄴齊神武訪朝廷子弟忠孝謹密者令與諸子遊晞與清河崔瞻頓丘李度范陽盧正通首應此選文襄時為大將軍握晞等手曰我

弟並向成長志識未定若不負義方卿祿位當亞吾弟苟使回邪致相誑誤舉及門族非止一身晞隨神武到晉陽補中外府功曹參軍帶常山公演友齊天保初行太原郡事及文宣昏逸常山王數諫帝疑王假辭於晞欲加大辟王私謂晞曰博士明日當作一事相活亦圖自全宜深體勿怪乃於眾中杖晞二十帝尋發怒聞晞得杖故不殺髡鉗配甲坊居三年王又固諫爭大被毆扃閉口不食太后極憂之帝謂左右曰儗小兒死奈我

欽定四庫全書

南北史合注 卷一百一十一

二十三

老母何於是每問王疾謂曰努力強食當以王晞還汝乃釋晞令往王抱晞曰吾氣息惛然恐不復相見晞流涕曰天道神明豈令殿下遂斃此舍至尊親為人兄尊為人主安可與計今殿下不食太后亦不食縱不自惜不惜太后乎言未卒王強坐而飯晞因得免徒還為王友王復錄尚書事新除官者必詣王謝職去必辭晞言於田曰愛爵天朝拜恩私第自古以為干紀朝廷文武出入辭謝宜一約絕王深納焉常從容謂晞曰主上起



居不恒吾豈可以前途一怒遂爾結舌卿宜為撰諫草  
吾當伺便極諫晞條十餘事以呈因切諫曰今朝廷乃  
爾欲學介子匹夫輕一朝之命狂藥令人不覺刀箭豈  
識親疎一旦禍出理外奈殿下家業何奈皇太后何乞  
且將順日慎一日王歎歎不自勝曰乃至是乎明日見  
晞曰吾長夜九思今便息意便對晞焚之後王承間苦  
諫遂致忤旨帝便力士反接白刃注頸罵曰小子何知  
欲以吏才非我是誰教汝王曰天下喋口除臣誰敢言

欽定四庫全書

南北史合注  
卷一百一十一

二十五

帝催遣捶楚亂杖數十會醉卧得解爾後褻黷之好遍  
於宗戚所往留連俾畫作夜唯常山邱多無適而去及  
帝崩濟南嗣立王謂晞曰一人垂拱吾曹亦保優閑因  
言朝廷寬仁慈恕真守文良主晞曰天保享祚東宮委  
一胡人今卒覽萬幾聖德幼冲未堪多難而使他姓出納  
詔命必權有所歸殿下雖欲守藩其可得也假令得遂  
冲退自審家祚得保靈長否王默然思久之曰何以處  
我晞曰周公抱成王朝諸侯攝政七年然後復子明辟

幸有故事王曰我安敢擬周公晞曰殿下今日地望欲  
避周公得耶王不答帝臨發敕王從駕除晞并州長史  
及王至鄴誅楊燕等詔以王為大丞相都督中外諸軍  
事督攝文武還并州及至延晞謂曰不早用卿言使羣  
小弄權幾至傾覆今君側雖暫清終何以處我晞曰殿  
下往時地位猶可以名教出處今日事勢遂闕天時非  
復人理所及有頃奏趙郡王叡為左長史晞為司馬每  
夜載入畫則不與語以晞儒緩恐不允武將意後進晞

欽定四庫全書

南北史合注  
卷一百一十一

二十五

密室曰比王侯諸貴每見煎迫言我違天不祥恐或有  
變起吾正欲以法繩之晞曰朝廷比者疎遠親戚寧思  
骨血之重殿下倉卒所行非復人臣之事也刺在背交  
戟入頸上下相疑何由可久且天道不恒虧盈迭至神  
機變化盼蟹斯集若批糠神器便違上玄之意王曰卿  
何敢發此言須致卿於法晞曰竊謂天時人事俱無異  
揆是以冒犯雷霆得披肝膽抑亦神明攸贊王曰拯難  
匡時方俟聖哲吾何敢私儀幸勿多言尋有詔以丞相



任重普進府僚一班晞以司馬領吏部郎中丞相從事  
中郎陸杳將出使臨別握晞手曰相王為眾樂推物無  
異望杳等願披赤心而忽奉外使無由面盡短誠寸心  
謹以仰白何無所論可自以卿意密與言之晞以問問  
彥深對曰我比亦驚此音謠每欲陳聞則口噤心戰第  
既發論吾亦欲昧死一披肝膽因亦同勸是時諸王公  
將相日敦請四方岳牧表陳符命乾明元年八月孝昭  
踐阼九月除晞散騎常侍仍領兼吏郎郎中後因奏事

欽定四庫全書

南北史合注  
卷一百一十一

十六

罷帝從容曰比日何為自同外客畧不可見自今假非  
局司但有所懷隨宜作一牒候少隙即徑進也因敕尚  
書楊休之鴻臚卿崔劼等三人每日本職務罷並入東  
廊共舉錄歷代廢禮墜樂職司廢置朝饗異同輿服增  
損或道德高儁久在沈淪或巧言眩俗妖邪害政爰及  
田布舟車徵稅逼塞婚葬儀軌貴賤齊衰有不便於時  
而古今行用不已者或自古利用而當今毀棄者悉令  
詳思以漸條奏未待預備遇憶續聞朝晡給典御食畢

景聽選時百官請建東宮敕未許每令晞就東堂監視  
太子冠服導引趨拜尋拜為太子太傅晞以局司奉璽  
授皇太子太子釋奠又兼中庶子帝謂曰令既當劇職  
不得尋常舒慢也帝將北征敕問比何所聞晞曰道路  
傳駕將行帝曰庫莫莫南侵我未經親戎聊欲習武晞  
曰鑿駕巡狩可爾若輕有征戰天下失望帝曰此懦夫  
常慮吾自當臨時斟酌帝使齋帥裴澤主書蔡暉伺察  
羣下好相誣枉朝士呼為裴蔡時二人奏車駕北征後

欽定四庫全書

南北史合注  
卷一百一十一

十七

楊休之王晞數與諸人遊宴不以公事注懷帝杖休之  
晞脛各四十帝斬人於前問晞曰此人合死否晞曰舉  
實合死但恨不得死地臣聞刑人於市與眾棄之殿廷  
非殺戮之所帝改容曰自今當為王公改之帝欲以晞  
為侍中苦辭不受或勸晞曰自疎晞曰我少年以來閱  
要人多矣鮮不敗績且性實疎緩不堪時務人主思私  
何由可保萬一披猖求退無地非不愛作熱官但思之  
爛熟耳百官嘗賜射晞中的當得絹為不書箭有司不



與晞陶然曰我今可謂武有餘文不足矣晞無子帝將賜之妾使小黃門就宅宣旨又命皇后聞之晞妻晞令妻答妻終不言晞以手撩會而退帝聞之笑孝昭崩晞哀慕不自勝因以羸敗武成本念其儒緩彌嫌之因奏事大被訶叱而雅步宴然歷東徐州刺史秘書監武平初遷大鴻臚加儀同三司監修起居注待詔文林館性閑澹寡欲雖王事鞅掌而雅操不移在并州戎馬填閭未嘗以世務為累良辰美景嘯詠逸遊登臨山水以

欽定四庫全書

南北史合注  
卷一百一十一

十八

談讌為事時謂之方外司馬指晉祠賦詩曰日落應歸去魚鳥見留連忽有相王使召晞不時至明日丞相西閣祭酒盧思道謂晞曰昨被召朱顏得無以魚鳥致怪晞緩笑曰昨晚陶然頗以酒漿被責卿輩亦是留連中一物豈直魚鳥而已及晉陽陷敗與同志避周兵東北走山路險迫懼有土賊而晞温酒服膏曾不一廢每不肯疾去行侶尤之晞曰莫尤我我行事若不悔久作三公矣齊亡周武帝以晞為儀同大將軍太子諫議大夫

隨開皇元年卒於洛陽年七十一贈儀同三司曹州刺史皓字季高少立名行為士友所稱遭母憂居喪有至性儒緩亦同諸兄嘗從文宣北征乘赤馬旦蒙霜氣遂不復識自言失馬虞侯為求不得須臾日出馬體霜盡繫在幕前方云我馬尚在為司徒掾在府聽午鼓蹠蹠待去羣寮嘲之曰王七思歸何太疾季高曰大鵬始欲舉燕雀何啾唧嘲者曰誰家屋當頭鋪首浪遊逸於是宣笑季高不復得言太寧初兼散騎常侍聘陳使主天

欽定四庫全書

南北史合注  
卷一百一十一

十九

統未修國史尋除通直散騎常侍卒贈鄂州刺史封懿字處德勃海蓀人父放燕慕容暉吏部尚書懿有才器能屬文與兄太尉孚雖器行有長短而名位畧齊仕慕容寶位中書令戶部尚書寶敗歸魏除給事黃門侍郎都坐大官章安子道武引見問以慕容舊事懿應對疎慢廢黜還家明元初復徵拜都坐大官進爵為侯卒官懿撰燕書頗行於世子玄之坐與司馬國璠温楷等謀亂伏誅臨刑明元謂曰終不令絕汝種將宥汝一



子玄之以弟虔之子磨奴早孤乞全其命乃殺玄之四子赦磨奴刑為官人崔浩之誅太武謂磨奴曰汝本應全所以致刑者由浩也後賜爵富城子卒贈渤海公謚曰定以族子回為後回字叔念孝文賜名父鑒初磨奴既以回為後請於獻文贈鑒寧遠將軍滄水太守回襲磨奴爵富城子宣武時累遷安州刺史山民應朴父子賓旅同寢一室回下車勒令別處俗遂改孝明時為瀛州刺史時大乘寇亂後加以水潦表求賑恤免其兵調

欽定四庫全書

南北史合注 卷一百一十一 三十一

州內賴之歷度支都官二尚書冀州太中正滎陽鄭雲諂事長秋卿劉騰貨紫纈四百匹得為安州刺史除書旦出晚往詣回坐未定問回安州治生何事為便回曰卿荷國寵靈位至方伯雖不能拔園葵去織婦宜思方畧以濟百姓如何見造問治生乎回不為商賈何以相示雲慙失色 魏書曰靈太后召百官問得失回對曰昔孔子為魯司寇十日誅少正卯魯國以肅周公行戮不避兄弟

周道用隆徐偃專行仁義其國乃滅自古及今未不厲威刑而治者頃來長吏寬怠侵剝百姓致盜賊羣起請肅刑書以懲未犯太后不能用

轉七兵尚書領御史中尉劾奏尚書右僕射元欽與從兄麗妻崔氏姦通時人稱之後為殿中尚書右光祿大夫孝莊初遇害何陰贈司空公謚孝宣長子隆之隆之字祖喬小名皮寬和有度量迨昌中道人法慶作亂冀州自號大乘衆五萬餘隆之以開府中兵參軍與大都

欽定四庫全書

南北史合注 卷一百一十一 三十二

督元迺討之獲法慶賜爵武城子累遷河內太守未到郡屬爾朱兆入洛孝莊遇弒隆之以父遇害常懷報雪因特節東歸圖為義舉遂與高乾等夜襲冀州克之北齊書載高乾語隆之曰爾朱暴逆禍加至尊弟與兄弟並荷先帝殊眷豈可不出身為主以報仇耻隆之對曰國耻家怨痛入骨髓乘機而動今實其時乃推隆之為刺史及齊神武自晉陽東出隆之遣子子繪隨高乾奉迎於滏口



北齊書曰高祖既至信都集議平尔朱兆計隆之曰  
尔朱暴虐天亡斯至雖握重兵其強易弱願王弗疑  
中興初拜吏部尚書韓陵之役留隆之鎮鄴城未幾徵  
為侍中

北齊書曰時高祖自洛還鄴隆之過謁因啟曰斛斯  
椿賀拔勝賈顯智等往事尔朱中復乖阻及討仲遠  
又與之同猜忍之人志欲無限又叱列延壽侯念賢  
皆在京師王授以名位此等必構禍隙高祖然之

欽定四庫全書

南北史合注  
卷一百一十一

三三

封安德郡公時朝議以尔朱榮宜配食孝明朝庭隆之  
議曰榮為人臣親行弑逆豈有害人之母而與子對食  
者以參議麟趾閣新制又贈其妻祖氏范陽郡君隆之  
表以先爵富城子及武城子轉授弟子孝琬等朝廷嘉  
而從之後為斛斯椿等所構逃歸鄉里齊神武召赴晉  
陽魏孝靜立除吏部尚書尋加侍中元象初刺史冀州  
北齊書曰隆之素得鄉里人情頗為本州留心撫字  
吏民追思

累遷尚書右僕射及北豫州刺史高仲密將叛陰招冀  
州豪望為內應詔隆之馳驛慰撫遂得安靜

北齊書曰世宗密書與隆之欲收仲密枝党累以  
警將來隆之以為恩旨既行理無中改今若收治示  
民不信脫或警擾所虧殊大乃啟高祖事遂得寢

隆之首參神武經畧奇謀皆密以啟聞手書削稿罕知  
於外卒於齊州刺史贈司徒神武以追榮未盡復啟贈  
太保謚宣懿神武後至冀州北境次交津追憶隆之顧

欽定四庫全書

南北史合注  
卷一百一十一

三三

冀州行事司馬子如言其德美

北齊書載神武言曰封公出納軍國垂二十年契濶  
艱虞始終如一以其忠信可憑方托後事何期報善  
無微奄從物化言念忠賢良可痛惜

為之流涕令以太牢就祭隆之歷事五帝以謹素見知  
四臨冀部州中舊齒咸曰我封公復來其得物情如此子  
子繪嗣子繪字仲藻小名搔性和理有器局釋褐秘書  
郎累遷平陽太守如散騎常侍晉州北界霍山舊號千



里徑山坂高峻每大軍往來士馬勞苦子繪請於舊徑東谷別開一路神武從之仍令子繪修開旬日而就微補大行臺吏部郎中

北齊書曰高仲密以虎牢西叛周文擁眾東侵高祖破之印山乘勝至潼關高祖集羣僚議其進止子繪曰賊帥驅卒亡叛送死伊瀍雖僅以身免而魂膽俱喪混一車書正在今日昔魏武平漢中不乘勝取蜀後悔無及願王弗疑高祖以時方盛暑遂班師

欽定四庫全書

南北史合注 卷一百一十一

三四

神武祖秘未發表文襄以子繪為勃海太守執其手曰誠知未允勲望但須鎮撫且衣錦畫遊古人所貴宜善加經畧不勞習常太守向州參也仍聽收集部曲一千人

北齊書曰天保七年除合州刺史到州未幾值蕭軌等敗後在州器械隨軍畧盡城隍虧壞子繪修造繕治守禦所須畢備人情漸安尋敕造船艦于州子繪為總監陳將徐度等襲合肥規燒船舫以夜一更潛

冠城下子繪率將士格戰陳人敗退

大寧二年為都官尚書高歸彥作逆命子繪參贊軍事北齊書曰高歸彥作逆世祖召見子繪諭以父祖世蒞本州恩洽有年故遣參贊宜善加謀畧即日馳傳赴軍諭以禍福民吏降欵日夜相繼賊中動靜小大必知

賊平救子繪權行州事徵拜儀同三司尚書右僕射卒謚曰簡子繪弟子繡位霍州刺史陳將吳明徹侵淮南

欽定四庫全書

南北史合注 卷一百一十一

三五

子繡城陷送揚州齊亡後逃歸隨時終於通州刺史子繡外貌儒雅而使氣難犯兄女婿司空婁定遠為瀛州刺史子繡為勃海太守定遠過之對妻及諸女譙集言戲微褻慢子繡鳴鼓集眾將攻之俄頃兵至數千馬將千匹定遠免冠拜謝久之乃釋隆之弟興之經明行修恬素清靜位瀛冀二州刺史平北府長史所歷有當官譽早卒子孝琬七歲而孤為隆之鞠養慈愛甚篤隆之啟以父爵富城子授馬位東宮洗馬卒贈太府少卿孝



琬性恬靜頗好文詠太子少師邢邵七兵尚書王  
昕並先達高才與琬年位懸隔晚相逢過分好  
遂深孝琬靈輓言歸二人送於郊外悲哭悽慟有  
感路人孝琬弟孝琰字士光少修飭學尚有風儀  
位秘書丞散騎常侍聘陳使主在道遙授中書侍  
郎還坐受魏收囑牒其門客從行事發付南都獄決  
鞭二百除名後除并省吏部郎中南陽王友赴晉陽  
典機密和士開母喪託附者咸往奔哭鄰中富商丁  
欽定四庫全書

南北史合注  
卷一百一十一

三

鄒嚴興等並為義孝有一士人亦在哭限孝琰入弔  
出謂人曰嚴興之南丁鄒之北有一朝士號叫甚哀  
聞者傳之士開知而大怒後會黃門郎李環奏南陽  
王驕恣士開因諧之曰孝琰從出外乘其副馬捨離  
部伍別行戲語時孝琰女為范陽王紹義妃為禮事  
因假入辭遂決馬鞭一百放出又遣高阿那肱重決  
五十幾死還鄴在集書省上下自此沈廢士開死後  
為通直散騎常侍後與周和好以為聘周使副祖琰

輔政奏入文林館撰御覽孝琰文筆不高但以風流自  
立善談戲威儀閑雅容止進退人皆慕之以琰好自矜  
大佞之云是衣冠宰相異於餘人近習聞之大恨尋以  
本官兼尚書右丞其所彈射多承意旨時有道人曇獻  
為皇太后所幸賞賜隆厚車服過度又乞為沙門統後  
主意不許但太后欲之遂得居任然後主常憾焉因僧  
尼他事訢者辭引曇獻令有司推劾孝琰按其受賄致  
於極法其家珍異悉沒官由是正授左丞仍奏門下事  
欽定四庫全書

南北史合注  
卷一百一十一

三

性頗簡傲不諧時俗意遇漸高彌自矜誕舉動舒遲無  
所降屈識者鄙之與崔季舒等以正諫同死  
唐書載太宗貞觀元年與崔季舒郭遵等皆免其子  
內侍授以官又載高宗永徽三年復求孝琰與司沐  
大夫裴融後官之於孝琰獨兩蒙異恩云  
子君確君靜徙北邊少子君嚴君贊下蠶室南安王思  
好敗君確等二人皆坐死與之弟延之字祖業少明辯  
有世用封琰城子位青州刺史多所受納後行晉州事



沙苑之敗延之棄州北走以隆之故免其死卒贈尚書左僕射司徒公謚文恭懿從兄子愷奕之孫父勸燕慕容垂侍中太常卿愷位給事黃門侍郎散騎常侍後入代都名出懿子玄右俱坐司馬氏事死愷妻盧玄女愷子伯達棄母及妻李氏南奔河表改婚房氏獻文末伯達子休傑內入祖母盧猶存垂百歲矣而李已卒休傑位異州咸陽王禧府諮議參軍回族叔執字廣度好學通覽經傳與光祿大夫武邑孫惠蔚同志友善惠蔚每

欽定四庫全書

南北史合注 卷一百一十一

三六

推執曰封生經義吾弗如多矣頗自修潔儀容甚偉或曰學士不事修飾此賢何獨如此執聞笑曰君子整其衣冠尊其瞻視何必蓬頭垢面而後為賢言者慙退以兼員外散騎常侍御命高麗高麗王雲恃其偏遠稱疾不親受詔執正色詰之喻以大義雲乃北面受旨使還轉考功郎中除本郡中正勃海大守崔休入為吏部郎中以事干執執曰法者天下之平不可以舊君故虧之也休歎其守正執在臺中稱為儒雅除國子博士司空

清河王懌表修明堂辟雍詔百寮集議執議曰周官匠人職云夏后氏世室殷人重屋周人明堂五室九階四戶八窻鄭玄曰或舉宗廟或舉正寢或舉明堂互文以見同制然則三代明堂其制一也案周與夏殷損益不同至於明堂因而弗革明五室之義得天數矣是以鄭玄又曰五室者象五行也然則九階者法九土四戶者達四時八窻者通八風誠不易大範若其上圓下方以則天地通水環宮以節觀者茅蓋白盛為之質飾赤綴

欽定四庫全書

南北史合注 卷一百一十一

三九

白綴為之戶牖皆典籍所載制度之明義也秦楚滅五典非毀三代變更先聖不依舊憲故呂氏月令見九室之義大戴之禮著十二堂之文漢承秦法亦未能改東西二京俱為九室是以黃圖白虎通蔡邕應劭等咸稱九室以象九州十二堂以象十二辰夫室以祭天堂以布政依天而祭故室不過五依時布政故堂不踰四州之與辰非所可法九與十二厥用安在今聖朝欲尊道訓人備禮化物宜則五室以為永制至如廟學之嫌臺



治之雜表準之徒已論正矣後卒於廷尉少卿贈濟州  
刺史初執深為郭祚所知祚常謂子景尚曰封執高綽  
二人並幹國才必應遠至吾平生不妄進舉每薦此二  
人非直為國進賢亦為汝等津梁其見重如此執既以  
方直自業高綽亦以風槩立名高肇拜司徒綽送迎往  
來執竟不詣綽顧不見執乃遽歸曰吾一生自謂無愆  
規矩今日舉措不如封生遠矣執以務德慎言修身之  
本姦回纒佞世之巨害乃為務德慎言遠佞防姦四戒

欽定四庫全書

南北史合注  
卷一百一十一

四十一

文多不載長子偉伯字君良博學有才思弱冠除太學  
博士每朝廷大議偉伯參焉雅為太保崔光僕射游肇  
所知賞太尉清河王懌辟參軍事懌親為孝經解詁命  
偉伯為難例九條皆發起隱漏偉伯又討論禮傳詩易  
疑事數十條儒者咸稱之時朝廷將經始明堂廣集儒  
學議其制度九五之論久而不定偉伯乃搜檢經緯上  
明堂圖說六卷又撰封氏本錄六卷正光末尚書僕射  
蕭寶夤為關西臺臺引為行臺郎及寶夤為逆偉伯與

南平王冏潛結關中豪右韋子粲等謀舉義兵事發見  
殺水安中贈瀛州刺史聽一子出身無子轉授弟翼翼  
弟述述有幹用天平中為三公郎中時增損舊事為麟  
趾新格名法科條皆述所刪定齊受禪累遷大理卿清  
河三年敕與錄尚書趙彥深僕射魏收尚書陽休之國  
子祭酒馬敬德等議定律令歷度支五兵殿中三尚書  
述久為法官明解律令議斷平允深為時人所稱而厚  
積財產一無分饋雖至親密友貧病困篤亦絕拯濟朝

欽定四庫全書

南北史合注  
卷一百一十一

四十二

野甚鄙之外貌方整而不免請謁回避進趣頗致嗤駭  
前妻河內司馬氏一息為娶隴西李士元女大輸財聘  
及將成禮猶競懸違述忽取所供養像對士元打像為  
誓士元笑曰封公何處常得應急像須誓便用一息娶  
范陽盧莊女述又經府訴云送騾乃嫌脚短評田則云  
賊薄銅器又嫌古廢皆為恠書所及每致紛紜云述弟  
詢闖涉經史以清素自持位尚書左丞濟南太守厯官  
皆有幹局才具臨郡甚著聲績隋開皇中卒



論曰在廷文學器識當年之俊忍微慮遠俱以為災休立身  
有本當官著稱長儒才望之美禍因驕物雖有周公之才猶  
且為累况未足論其高下能無及乎瞻詞韻温雅風神  
道相映也王憲名公之孫老見優異元景昆季履  
賓隆堂構可謂載德者矣君義聚斂書悛無乃鄙哉

欽定四庫全書

南北史合注  
卷一百一十一

南北史合注卷一百一十一

欽定四庫全書

南北史合注卷一百一十二

明 李清 撰

北史二十六



娥清

乙 瓊

欽定四庫全書

南北史合注  
卷一百一十二

豆代田

車伊洛

王洛兒

車路頭

盧魯元

陳建

來大千

宿石

萬安國

陸真

呂洛拔

薛彪子

子玟

尉元

慕容白曜

和其奴

苟頽



宇文福

古弼

內入諸姓有吐奚氏孝文改古氏

代人少忠謹善騎射初為獵郎門下奏事以敏正稱明元嘉其真而有用賜名筆後改名弼言有輔佐才也今典西部與劉潔等分館機要數奏百揆太武即位以功拜立節將軍賜爵靈壽侯歷侍中吏部尚書典南部奏事

欽定四庫全書

南北史合注  
卷一百十二

魏書曰弼以安西將軍從征赫連定與侍中張黎擊

平涼定自安定率步騎二萬來救弼偽退誘之世祖

仗高車勒勒馳擊定斬首數千弼遂取安定

從征馮弘將奔高麗

魏書曰大臣古望因衆心不欲率衆攻弘開城引官

軍弼疑其詐不入城

高麗救軍至弘乃隨之令婦人被甲居中其精卒及高

麗陳兵於外弼部將高苟子欲擊賊軍弼酒醉拔刀止

之故弘得東奔帝大怒黜為廣夏門卒尋復為侍中與

尚書李順使涼州賜爵建興公鎮長安甚有威名及議

征涼州弼與順咸言涼州乏水草不宜行帝不從既尅

姑臧微嫌之以有將畧弗之責宋將裴方明尅仇池立

楊玄庶子保城假弼節督隴右諸軍討仇池平之

魏書曰劉義隆遣其秦州刺史胡崇之屯仇池弼邀

於蜀水臨陣擒之其衆走還漢中弼徙祥郊山南入

義隆守將姜道祖退守扶亭諸將以道扶雪深用馬

欽定四庫全書

南北史合注  
卷一百十二

不便皆遲留不進弼獨進軍使元齊等擊扶亭道祖

南走仇池平

未幾諸氏復推揚文德為主圍仇池弼攻解其圍文德走

漢川時東道將皮豹子聞仇池圍解欲還軍弼使謂

曰若班師寇至後舉為難不出秋冬南寇必來以逸待

勞百勝之策也乃止帝聞之曰弼長策者也制有南秦

弼謀多矣景穆總攝萬機微為東宮四輔與宜都王穆

壽並參政事遷尚書令弼雖事務殷湊而讀書不輟端



謹慎密口不言禁中事功名等於張黎廉而不及上谷人上書言苑囿過度民無田業宜減大半賜貧者粥入欲陳奏遇帝與給事中劉樹基粥侍生良以不獲申聞乃起於帝前捧樹頭擊下牀以手搏耳以拳敲背曰朝廷不理實爾之罪帝失容放基曰不聽奏事過在朕樹何罪之粥具狀聞帝奇粥公直皆可其奏以丐百姓粥曰臣子逞志君前非無罪也乃詣公車免冠徒跣自劾請罪帝召謂曰卿其冠履吾聞築社之役寒屨而築之

欽定四庫全書 南北文公注 卷一百十二

端冕而事之神與之福卿何罪自今以後苟利社稷益國便民者雖復顛沛造次卿為之無顧也帝大閱將校獵於河西粥留守詔以肥馬給騎人粥命給弱者帝大怒曰尖頭奴敢裁量朕朕還臺先斬此奴粥頭尖帝名之筆頭時人呼為筆公屬官懼誅粥告之曰吾以弱馬而給田獵使盤游不適其罪小不備不虞使戎寇恣逸其罪大今北狄孔熾南鹵未滅狡馬之志窺伺邊境是吾憂也故選肥馬備軍實為不虞之慮苟國家有利吾

寧避死乎明主可以理干此自吾罪帝聞而歎曰有臣如此國之寶也賜衣一襲馬二匹鹿十頭後車駕田於山北獲麋鹿數千頭詔尚書發車牛五十乘運之帝尋謂從者也筆公必不與我汝輩不如馬運之速遂還行百餘里而粥表至曰今秋穀懸黃麻菽布野猪鹿竊食鳥鴈侵費風波所耗朝夕三倍乞賜矜緩使得收載帝謂左右曰筆公果如朕卜可謂社稷之臣初楊難當之來詔粥悉送其子弟於京師楊玄少子文德以黃金三十斤賂粥粥受金留文德而遇之無禮文德亡入宋帝以其正直有戰功弗加罪責太武崩吳王立以粥為司徒文成即位與張黎並坐議不合旨俱免傳有怨謗之言其家人以巫蠱告俱伏法時入寃之

欽定四庫全書 南北文公注 卷一百十二

愚按粥受太武殊恩及宗愛兩弒不發一謀安其祿位以此見誅未盡寃也但坐以巫蠱則非

張黎馬門平原人善書計道武知待之明元器其忠亮賜爵廣平公管綜機要太武以其勲舊任以輔粥除大



司農卿軍國大議黎常與焉以征赫連定功進號征北  
大將軍與樂安王範濟南公崔徽鎮長安清約公平甚  
著聲稱代還日家無餘財太武征涼州柔然吳提乘虛  
入寇黎與司空長孫道生拒擊走之景穆初總百揆黎  
與崔浩等輔政忠於奉上非公事不言詔賜浩黎布帛  
各千疋以褒舊勲吳王余立以黎為太尉文成立與古  
弼俱誅

劉潔長樂信都人昭成時慕容氏嫁女於國潔祖父生

為公主家臣隨入魏賜以妻妾生子堤位樂陵太守封

信都男卒潔襲堤爵數從征討進爵會稽公後與永安  
侯魏勤及功勞將軍元屈等擊吐京叛胡為所執送赫  
連勃勃潔聲氣不撓呼其字與言神色自若勃勃壯而  
釋之後得還國典東部事明元寢疾太武監國潔與古  
弼等選侍東宮對綜機要太武即位奇其有柱石用委  
以大任及議軍國朝臣咸推其能遷尚書令改為鉅鹿  
公

魏書曰時南州大水百姓阻餓潔奏曰頃邊寇內侵  
戎車屢駕郡國之民雖不征討服勤農桑以供軍國  
近山以東遍遇水患應加哀矜以弘覆育帝從之復  
境內一歲租賦潔與樂平王丕督諸軍取上邽及至  
諸將咸欲斬其豪帥示威潔不從撫慰秦隴秋毫無  
犯人皆安業帝欲發隴右騎卒以伐高麗潔進曰隴  
土新民始染大化宜賜優復以饒實之然後可用帝  
深納之

車駕西伐潔為前鋒沮渠牧犍弟董來距戰城南潔信

卜者言以日辰不協擊鼓却陣故董來得入城太武微  
嫌之潔久在樞密恃寵自專帝稍不平時議伐柔然潔  
言不如廣農積穀以待其來羣臣皆從其議帝從崔浩  
議決行與諸將期會鹿渾谷潔恨計不用欲沮諸將乃  
矯詔更期諸將不至特由衆大亂景穆欲擊之潔執不  
可俾虎渾谷六日諸將猶不集賊已遠遁追至石水不  
及而還師次漢中糧盡士卒多死潔陰使人驚軍勸帝



秦軍輕還帝不從潔以軍行無功奏罪浩帝曰諸將後  
期及賊不擊罪在諸將豈在於浩浩又言潔矯詔事駕  
至五原收潔幽之帝之征也潔私謂親人曰若軍出無  
功車駕不返即吾當立樂平王潔又使右丞張嵩求圖  
讖問劉氏應王繼國家後我審其名姓否嵩對曰有姓  
無名窮驗款引搜嵩家果得讖書潔與南康公秋隣及  
嵩等皆夷三族死者百餘人潔既居勢要內外憚之側  
目而視

欽定四庫全書

南北史合注 卷一百十二

魏書曰潔擅作威福阿附者登進忤恨者黜免拔城

破國者聚斂貨財與潔分之

籍其家財產鉅萬太武追忿言則切齒

丘堆

獻帝以次第為丘敦氏孝文改丘氏

代人美容儀初以忠謹入侍明元即位拾遺左右稍遷

散騎常侍太武監國臨朝堆與太尉穆觀等為右弼及

即位賜爵臨淮公位太僕與宗正娥清略地闡右而宜

城王奚斤表留堆合軍與赫連昌相推

魏書曰時士馬乏糧堆與義兵將軍封禮督祖民間

士卒暴掠昌襲敗之堆將數百騎還城

斤進擊赫連定留堆守鞏重斤為定擒堆聞棄甲走長

安帝大怒遣西平公安頡斬堆

娥清代人少有將略累著戰功稍遷給事黃門侍郎明

元南巡幸鄴以清為中領軍將軍與宋兵將軍周幾等

渡河略地至湖陸

欽定四庫全書

南北史合注 卷一百十二

魏書曰高平民屯聚林藪拒射官軍清與宋兵將軍

周幾等誅數千家幽獲萬餘口

以功賜爵須昌侯與幾等鎮枋頭太武初還京進東平

公後從平統萬遂與奚斤討赫連昌至安定及昌弟定

西走斤追之清欲尋水往斤不從遂與斤俱為定擒及

剋平涼乃得還

魏書曰清鎮并州討山胡白龍於西河遂屠其城

後與古弼等東討馮弘以不急戰致弘奔高麗檻車徵



默為門卒卒於家子廷賜爵南平公

伊馘

獻帝以次弟為伊婁氏孝文改伊氏

代人少勇健走及奔馬善射力能曳牛却行太武神麤  
初擢為侍郎轉三郎賜爵汾陽子太武將討涼州議者  
咸以無水草諫唯司徒崔浩勸行羣臣出馘乃曰涼州  
若無水草何得為國宜從浩言帝善之及剋涼州大會  
於姑臧謂羣臣曰崔公智計有餘吾亦不復奇之正奇

欽定四庫全書

南北史合注  
卷一百十二

十一

馘弓馬士所見能與崔同耳顧謂浩曰馘智力如此終  
至公相浩曰何必讀書然後為學術青霍去病亦不讀  
書而致公輔帝欲以馘為尚書封羣公馘以尚書務殷  
公爵至重辭之中秘二省多諸文士請參其次帝賢之  
拜秘書監賜爵河南公拜司空清約自守為政舉大綱  
不為等碎大安二年領太子太保三年與司徒陸麗等  
並平尚書事卒傳爵至孫盆生驍勇有膽氣累有戰功  
遂為名將以勳賜爵平城子戰歿贈雍州刺史

乙瓌

內入諸姓乙弗氏孝文改乙氏詳見皇后紀

代人其先世統部落太武時瓌父匹知遣瓌入貢帝留  
之瓌善騎射手格猛獸尚帝女上谷公主駙駙馬都尉  
賜爵西平公從駕南征都督前鋒諸軍事勇冠三軍後  
進爵為王卒贈太尉公謚曰恭子乾歸襲爵乾歸身長  
八尺有氣幹頗習書疏尤好兵法尚景穆女安樂公主  
除駙馬都尉後刺史秦州有惠政孝文時卒謚曰康孫

欽定四庫全書

南北史合注  
卷一百十二

十二

瑗字雅珍尚孝文女淮陽公主除駙馬都尉累遷西充  
州刺史孝靜初舉兵應拱子鴟戰敗死

周幾

獻帝以次兄為普氏孝文改周氏

代人少以善射為獵郎明元即位為左部尚書以軍功  
封文趾侯太武以幾有智勇遣鎮河南威信著外境幾  
嫌莫斤等綏撫關中失和言論形聲色斥等憚馬進號  
宋兵將軍率洛州刺史於栗磧以萬人襲陝城卒於軍



軍人無不歎息歸葬京師謚曰桓子步襲

豆代田代人明元時以善騎射為內細射從攻虎牢詔

代田登樓射賊矢不虛發以功遷內三郎從征赫連昌

乘勝追賊入其宮門門閉代田踰宮而出太武壯之拜

勇武將軍後從討平涼破赫連定得美斤等以定妻賜

之詔斤膝行授酒於代田敕斤曰全爾身命者代田功

也以徒討和龍戰功封長廣公卒於統萬鎮大將贈長

廣王謚曰恭子周求襲

欽定四庫全書

南北史合注 卷一百十二

三

車伊洛焉耆胡人世為東境部落帥恒修職貢太武延

和中授平西將軍封前部王伊洛規欲歸闕為沮渠無

諱斷路伊洛連戰破之無諱卒伊洛前後遣使招喻其

子乾壽等及其戶伍百餘家送京師又率部眾二千餘

人伐高昌討破焉耆東關七城正平二年伊洛朝京師

拜都官尚書將軍如故卒謚康王葬禮依盧魯元故事

子歇襲

王洛兒京兆人明元在東宮以善騎射給事帳下謹愿

未嘗有過明元嘗獵於澤南冰陷沒馬洛兒投水奉帝

出殆凍死帝解賜之思寵日隆天賜末帝避難居外洛

兒晨夜侍衛恭勤發於至誠清河王紹之逆帝左右唯

洛兒與車路頭晝居山嶺夜還洛兒家洛兒隣人李道

潛相奉給晨復還山眾庶知頗喜而相告紹聞收道斬

洛兒猶冒難往返京都通問大臣大臣遂出奉迎百姓

奔赴帝還宮社稷獲全洛兒有功焉明元即位拜散騎

常侍

欽定四庫全書

南北史合注 卷一百十二

三

魏書載詔曰王洛兒車路頭等服勤左右十有餘年

及在艱難人皆易志而洛兒等授命不移貞操愈懇

雖漢之樊灌魏之許典無以加焉勤而不賞何以獎

勸 愚按李道之死亦宜優恤洛兒何不為一言

賜爵新息公又追贈其父為列侯賜僮隸五十戶卒贈

太尉建平王賜輜明秘器載以輜輶車使殿中衛士為

之導從親臨慟數四乃鳩其妻周氏與合葬于長城襲

車路頭



獻帝以疏宗為車焜氏孝文改車氏

代人少以忠厚選給東宮為帳下帥道武未明元避嫌出外路頭隨侍竭力及即位封宣城公帝性明察羣臣多以職事遇譴至有杖罰故路頭優游不任事

魏書曰侍宿左右從容談笑而已

性無害每評獄處理常獻寬恕之議以此見重於朝帝亦敬納之卒明元親臨哀慟贈太保宣城王謚忠貞喪禮一依安城王叔孫俊故事陪葬金陵子春襲

欽定四庫全書

南史文合注 卷一百十二

古

盧魯元昌黎徒河人魯元寬和有雅度明元時選為通直郎以忠謹給侍東宮太武親愛之即位以為中書侍郎寵待彌渥而魯元益加謹肅帝愈親待之內外大臣莫不敬憚性多容納善與人交好掩過揚美公卿咸親附以工書有文才累遷中書監領秘書事賜爵襄城公從征赫連昌帝親追擊入其城門魯元隨帝出入是日微魯元幾殆後遷太保錄尚書事帝貴異之臨幸其第不出旬日欲其居近易往來乃賜甲第於宮門南衣食

車馬皆乘輿之副真君三年駕幸陰山魯元以疾不從

侍臣問疾醫藥傳驛相屬於路及卒甚悼惜之還臨其喪哭之慟東西二宮命太官日送奠晨昏哭臨訖則備奏鐘鼓伎樂與駕比葬三臨之喪禮依安城王叔孫俊故事而贈送有加贈襄城王謚曰孝葬崢山為建碑闕

自魏興貴臣恩寵無與為比子統襲以父任侍東宮太武以元舅陽平王杜超女南安長公所生妻之駕親臨送太官設供具賞賚千計文成即位典選部主客二曹

欽定四庫全書

南史文合注 卷一百十二

主

卒贈襄城王謚曰景魯元少子內給侍東宮景穆深昵之常與卧起同衣食父子有寵兩宮勢傾天下內性寬和有父風而恭慎不及正平初宮臣伏誅太武以魯元故惟殺內而厚撫其兄弟

陳建

內入諸姓有侯莫陳氏孝文改陳氏後亦有復其故姓者來時猶有侯莫陳利用

代人以善騎射擢為三郎遷下大夫內行長太武討山



胡白龍輕之單將騎數十每日登山白龍伏壯士出不  
意帝墜馬幾至不測建以身捍賊大呼奮擊殺數人被  
十餘瘡帝壯之賜別戶二十文咸初出為幽州刺史假  
秦郡公帝以建貪懦遣使就州罰杖五十孝文初徵為  
尚書右僕射加侍中進爵趙郡公建與晉陽侯元仙德  
長樂王穆亮平原王陸叡密表啓南伐

魏書載建等表曰頃聞劉昱天亡權臣殺害時不再

來臺分之差致悔千里宜簡雄將號令八方義陽王

欽定四庫全書

南北史合注 卷一百十二

臣祖深悟存亡遠同孫氏苟歷運響從則吳會可定

脫事或難成則振旅而返宜乘之會運鍾今日

帝嘉之遷司徒進爵魏郡王帝與文明太后頻幸建第

賜建妻於後庭卒子念生襲

來大千代人父初真從道武避難叱候山參初業功官

至後將軍武原侯與在八議大千驍果善騎射永興初

襲爵位中散朝賀日大千嘗著御鎧盤馬殿庭朝臣莫

不嗟歎遷內三郎幢將典宿衛禁旅大千用法嚴明上

下齊爾嘗從明元校獵見虎在高巖上持稍直前刺之

應手死帝嘉其勇壯太武踐阼與襄城公盧魯元等七

人俱為常侍帝持仗侍衛晝夜不離左右累從征伐以

戰功賜爵廬陵公鎮雲中兼統白道軍事帝以其壯勇

數有戰功兼悉北境險要詔使巡撫六鎮以防寇由經

略布置甚得事宜後吐京胡反以大千為都將討平之

卒喪還停於平城南帝出遊還見而問之左右以對帝

悼歎良久詔聽其喪入殯城內贈司空謚莊公子丘類

欽定四庫全書

南北史合注 卷一百十二

襲

宿石

內入諸姓有宿六斤氏孝文改宿氏是又一宿矣

朔方人祖若豆根明元時賜姓宿氏襲上將軍父沓干

從太武征平涼有功賜爵漢安男後從討柔然戰沒石

年十三襲爵擢為中散文咸與光中遷內行令從幸苑

中游獵石走馬前引道峻馬倒殞絕久之乃蘇由是御

馬得制帝嘉之賜以綿帛駿馬改爵義陽子又常從獵



帝親欲射猛虎石叩馬諫引帝至高原上後猛虎騰躍  
殺人喪其忠許後有罪勿生賜駿馬一疋尚上谷公主  
拜駙馬都尉進爵太山公為北征中道都大將卒贈太  
原王謚康葬禮依盧魯元故事太和初子倪襲

萬安國代人世為酋帥父振尚高陽長公主拜駙馬都  
尉安國少明敏以國甥復尚河南公主拜駙馬都尉獻  
文特親寵之與同卧起拜大司馬大將軍封安城王安  
國先與神部長奚買奴不平承明初矯詔殺買奴苑中

欽定四庫全書

南北史合注  
卷一百十二

六

孝文大怒賜死有嵇根者世為紇奚部帥皇始初率部  
歸魏生子拔位尚書令尚華陰公主生子敬元紹之送  
主有功超授敬大司馬封長樂王堯子護襲根事迹遺  
落故略附云

陸真

內入諸姓有步陸孤氏考文改陸氏

代人父洛侯秦州刺史真少善騎射太武以真膂力過  
人拜內三郎真君中從討柔然以功賜爵關內侯後攻

懸瓠登樓臨射城中弦不虛發從太武至江還次盱台  
真功居多文成即位進爵都昌侯拜長安鎮將時初置  
長地鎮真率眾築城未訖氏豪仇侮檀等叛真擊平之  
卒城長地還東平王道符反長安以真為長安鎮將賜  
爵河南公長安兵民素服其威信及至皆帖然

魏書曰咸陽民趙昌為亂聚黨數百鄠縣民王雅兄  
弟復聚眾二千餘同逆始平石安池陽靈武四縣皆  
應之眾至五千詔南郡王李惠等率步騎六千往討

欽定四庫全書

南北史合注  
卷一百十二

七

真慮其滋蔓不俟惠大軍至與雍州刺史劉邈討昌  
擊破之斬昌及賊首三千餘級并誅其黨與七百餘  
人雍州民夷莫不震伏

在鎮數年甚著威稱卒謚曰烈子延襲

呂洛拔代人父匹知太武時封滎陽公洛拔以壯勇知  
名文成末為平原鎮都將

魏書曰徐州刺史薛安都歸誠請援洛拔隨尉元入  
彭城元遣洛拔率騎詣五原擊張永將王茂之時茂



之領兵五千援其運車洛拔格戰二日手殺九人奪運車二百餘乘

隨尉元攻宋將張永大敗之賜爵成武侯卒長子文祖獻文時以舊語譯註皇誥辭義通辯為外都曹奏事中散

薛彪子代人祖達頭率部落歸魏道武賜爵聊城侯待以上客禮父野睹并太二州刺史封河東公有聲稱彪子姿貌壯偉明斷有父風為內行長典奏諸曹事當官

欽定四庫全書

南北文合注 卷一百十二

正直內外憚之及文明太后臨朝出為枋頭鎮將素剛簡為近臣所嫉因小過黜為鎮門士及獻文南巡次山陽彪子拜訴於路復除枋頭鎮將累遷開府徐州刺史在州甚多惠政百姓便之

冊府元龜曰時州鎮戍兵資絹自隨不入公庫任其私用彪子表曰臣聞金湯之固非粟不守韓白之勇非糧不戰竊惟在鎮之兵不減數萬資糧之絹入十

二尺隨身用度未及代下不免饑寒論公無毫髮之

潤語私則橫費不足今徐州左右水陸壤沃清汴通流足盈灌溉其中良田四十餘萬若以兵絹市牛計牛數萬頭興力公田必當大獲且給公食半兵芸植餘兵捍邊一年之收過於十倍之絹暫時之耕充於數年之食五稔後穀帛俱溢昔杜預田宛葉以平吳充國耕西零以強漢臣識謝人庶揚塵露有增山海

孝文納之

沛郡太守邵安下邳太守張攀咸以賊汙彪子按之於

欽定四庫全書

南北文合注 卷一百十二

法安等遣子弟上書誣彪子南通賊由孝文曰此妄矣推按果虛卒謚曰文子珣珣字曇珍形貌瓌偉少以幹用為典客令每引見儀望甚美宣武謂曰卿風度峻整姿貌秀異後當升進何以處官珣答曰宗廟之禮不敢不敬朝廷之事不敢不忠此外非庸臣所及正光中行洛陽令部內肅然時久旱京師見囚悉召集都亭理問寃滯洛陽獄唯三人孝明嘉之賜縑百疋珣本附元乂乂廢憂懼政教廢弛坐免官寺神軌有寵於靈太后珣



復事之累遷吏部郎中先是吏部尚書崔亮奏立停年  
格不簡人才專問勞舊珣乃上書曰臣聞錦穀雖輕不  
委以學割瑚璉任重豈寄以弱力若使選曹惟取年勞  
不簡賢否使義均行厲次若貫魚勸簿呼名一吏足矣  
數人而用何謂銓衡今黎元之命繫於守長得人則蘇  
息有地任非其器為惠更深請郡縣之職吏部先盡擇  
才并學通古今曉達政職者以應其選不拘入職遠近  
年勲多少其積勞中有才堪牧民者自在先用之限其

欽定四庫全書

南北史合注

卷一百十二

五

餘不堪者既壯藉其力豈容老而棄之將佐丞尉去人  
稍遠小小當否未為多失宜依次補叙以酬其勞書奏  
不報後因引見復陳之曰今四方初定務在養民臣請  
依漢氏更立四科令三公宰貴各薦時賢以補郡縣明  
立條格防其阿黨之端庶令塗炭之餘戴仰有地詔下  
公卿議事亦寢元天穆討邢杲以珣為行臺尚書軍次  
東郡時北海王顥已據鄴城邢杲又逼厯下天穆議所  
先議者咸以杲盛宜先經略惟珣以杲聚眾無名雖強

猶賊顥皇室昵親來稱義舉自河陰之役人情駭然今  
有際會易生感動請待顥事決然後迴師天穆以羣情  
所願遂先討杲杲降軍還至定陶天穆留珣行西兗州  
事尋為顥所陷顥執珣自隨爾朱榮破顥天穆謂珣曰  
不用君言乃至於此天平初拜七兵尚書齊神武引為  
丞相府長史軍國之事多所關知珣亦推誠盡節屢進  
忠諫神武大舉西伐將度蒲津珣諫曰西賊連年饑饉  
故冒死入陝州欲取倉粟今高司徒已圍陝城粟不得

欽定四庫全書

南北史合注

卷一百十二

五

出但宜置兵諸道勿與野戰比及來年麥應刈應餓死  
實炬黑獺自然歸降願無渡河侯景亦曰今舉兵極大  
萬一不捷卒難收歛不如分為二軍相繼而進前軍若  
勝後軍合力前軍若敗後軍承之神武皆弗納遂有沙  
苑之敗後苑陽盧仲禮起兵珣與諸軍討平之轉殷州  
刺史為政嚴酷吏民苦之天保元年卒於兼尚書右僕  
射臨終教其子欽以時服踰月便葬不聽干求贈官自  
制喪車不加彫飾但用麻為旒蘇繩用網絡而已明器



等物並不令置瑕久在省闈明開簿領當官剖斷敏速如流然天性險忌受納貨賄曲理舞法深文刻薄多所傷害人士畏惡之魏東平王元匡妾張氏淫恣珣初與姦後納為婦感其讒遂棄前妻于氏不認其子允家人內忽競相告列深為世所譏鄙贈開府儀同三司尚書左僕射青州刺史謚威恭子允嗣

尉元字苟仁代人世為豪宗父目斤勇略聞當時位中山太守元善射為羽林中郎以匪懈見知文成和平中

欽定四庫全書

南史卷一百一十二

五

累遷北都尚書進爵太昌侯天安元年薛安都以徐州內附獻文以元為持節都督東道諸軍事與城陽公孔伯恭赴之宋兗州刺史畢眾敬遣東平太守章仇榭歸款元並納之遂長驅而進宋遣將張永沈攸之等屯下碓安都出城見元元依朝旨授徐州刺史遣中書侍郎高閭李琛等與安都俱還城收其管鑰別令孔伯恭撫安內外然後元入彭城元以永仍據險要乃命安都與琛等同守身率精銳揚兵於外分擊呂梁絕其糧運永

捐城夜遁

資治通鑑曰永等棄城夜遁會天大雪泗水冰合永等棄舟步走士卒凍死大半手足斷者什七八尉邀其前薛安都乘其後大破永等於呂梁之東死者萬數枕尸六十餘里委棄軍資器械不可數計永足指亦墮與沈攸之僅以身免 魏書曰張永分巡羽林監王穆之領卒五千守輜重於武原龍驤將軍謝善居領卒二千據呂梁散騎侍郎張引領二千守茱萸

欽定四庫全書

南史卷一百一十二

五

督租糧供軍元身率精銳揚兵於外分擊呂梁絕其糧運善居遁奔茱萸仍與引東走武原元馳騎追擊斬首八百武原窮寇八千餘拒戰不下元親擐甲胄四面攻之破穆之外營殺傷大半獲其輜重五百餘乘給彭城諸軍然後收師緩戰開其走路穆之等奔永軍元乘勝圍之永棄舟走元豫測永必走身率眾軍邀其走路大破永等于呂梁東斬首數萬追北六十餘里死者相枕手足凍斷者什八九收其船車軍



資器械不可勝計元遣尉諭東徐州刺史張諱青州  
刺史沈文秀等皆遣使通款元表言彭城兵荒後公  
私困竭請發冀相濟充四州粟取永所棄舟九百餘  
艘沿河運載以賑新民詔從之又言彭城賊之要藩  
非積粟強兵不固若資儲既廣雖劉或師徒悉起不  
敢窺淮北地又言若賊向彭城必由清泗過宿豫歷  
下邳趨青州路亦由下邳入沂水經東安皆為賊用  
師之要今若先定下邳平宿豫鎮淮陽代東安則青

欽定四庫全書

南北史合注  
卷一百十二

五

冀諸鎮不攻而克若四城不服青冀雖拔百姓狼顧  
猶懷僥倖宜釋青冀之師先定東南之地斷劉或北  
顧絕愚民南望夏水雖盛無津途可因冬路雖通無  
高城可固如此則淮北自舉暫勞永逸矣兵尚神速  
久則生變若天雨既降或因水通運糧益衆規為進  
取恐近淮民庶翻然改圖青冀二州猝未可拔已或  
復遣沈攸之等領卒數萬從沂清進欲據下邳元遣  
孔伯恭率騎一萬拒之并以攸之前敗軍人傷殘手

足瘁瓦膝行者盡送令還以阻其衆遂大破其軍攸  
之等遁徐宿豫淮陽皆不守 魏書靈徵志曰初天  
安元年六月兗州有黑蟻與赤蟻關長六十步廣四  
寸赤蟻斷首死黑主北赤主南至十一月果大破宋  
將周凱等 又曰皇興三年尉元表臣於彭城遣別  
將至睢口邀賊將陳顯達有戰士芻牧營外五里見  
一白頭翁乘白馬呼與語稱至十八日辰必來到此  
語汝將軍領衆從東北入我當驅賊令走申時必大

欽定四庫全書

南北史合注  
卷一百十二

五

破宿豫淮揚皆克我當與汝國淮畔為斷下邳城我  
當驅出不勞兵力後數日此戰士復於彭城南戲馬  
臺東二里見白頭翁復乘白馬從東北來呼謂曰我  
與東海四瀆太山北嶽神共行淮北助汝二將蕩除  
已定汝上下喜否忽不見詔於老人前後見所為壇  
表祀云

於是遣高閭與張諱對為東徐州刺史李琛與畢衆敬  
對為東兗州刺史拜元開府都督徐州刺史淮揚公太



和初為使持節鎮西大將軍開府統萬鎮都將甚得夷  
人心三年進爵淮揚王以舊老見禮聽乘步挽杖於朝  
齊高帝墓立多遠間謀扇動新人不逞之徒所在蜂起  
以元威名夙振使總率諸軍討之東南清晏遠近帖然  
徵入累遷尚書令進位司徒十年例降庶姓王爵封山  
陽郡公其年頻表以老乞身詔許之元詣闕謝孝文引  
見於庭命升殿勞宴賜玄冠素服又詔曰前司徒山陽  
郡公尉元前大鴻臚卿新太伯游明根並明允誠素位

欽定四庫全書

南北史合注  
卷一百十二

天

顯台宿歸老私第可謂知始知卒希世之賢也公以八  
十之年宜處三老之重卿以七十之齡可充五更之選  
於是養三老五更於明堂國老庶老於階下孝文再拜  
三老親袒割牲執爵饋於五更行肅拜禮賜國老庶老  
衣服有差既而元曰人之所崇莫重於孝願陛下重之  
以化四方明根曰至孝通靈故詩云孝悌之至通於神  
明光於四海如此則孝道無所不格願陛下念之以濟  
黎庶帝曰五更三老共言至範當克已復禮以行來授

禮畢賜步挽一乘詔曰尊老尚更列聖同致欽年敬德  
綿哲齊軌故推老以德立更以元父焉斯彰兄焉斯顯  
矣前司徒公元前鴻臚卿明根並以冲德懸車懿量歸  
老故尊老以三事更以五雖老更非官耆耄罔祿然况  
事既高宜加殊養三老可給上公祿五更可食元卿俸  
供食之味亦同其例十七年元疾篤帝親省疾薨謚曰  
桓葬以珠禮給羽葆鼓吹假黃鉞班劍四十人子翊襲  
慕容白曜燕王慕容晃玄孫父琚歷官廉清賜爵高都

欽定四庫全書

南北史合注  
卷一百十二

天

侯終尚書左丞白曜少為中書吏以敦直給事官中襲  
爵稍遷北部尚書  
魏書曰在職執法無所阿縱高宗厚待之  
文成崩與乙渾共執朝政遷尚書右僕射進爵南鄉公  
宋徐州刺史薛安都兗州刺史畢眾敬以城內附詔鎮  
南天將軍尉元鎮東將軍孔伯恭赴之而宋東平太守  
申纂屯無鹽并州刺史房崇吉屯斗城還絕王使皇興  
初加白曜使持節督諸軍事征南天將軍進爵上黨公



七礪礪為諸軍後繼白曜攻纂於無鹽拔其東郭纂遁  
遣兵追執之迴攻斗城肥城戍主聞軍至棄城遁獲粟  
三十萬石又襲破廩溝垣苗二戍得粟十餘萬斛軍糧  
充足先是淮揚公皮豹子再征垣苗不尅白曜旬內  
頻拔四城威震齊主獻文下詔褒美斗城不降白曜縱  
兵陵城殺數百人崇吉夜遁白曜撫其民民皆懷之獲  
崇吉母妻待以禮宋遣將吳喜公欲寇彭城鎮南大將  
軍尉元請濟師詔白曜赴之白曜到瑕丘遇患因停會

欽定四庫全書

南北史合注  
卷一百十二

五

崇吉與從弟法壽盜宋盤陽城以贖母妻白曜遣將軍  
長孫觀等率騎入自馬耳闕赴之觀至盤陽諸縣悉降  
白曜自瑕丘進攻厯城二年崔道固及兗州刺史梁鄒  
守將劉休賓並面縛降白曜皆釋之送道固休賓及其  
寮屬於京師後從二城民望於下館朝廷置平齊郡懷  
寧歸安二縣居之餘悉為奴婢分賜百官白曜雖在軍  
旅而接待人物寬和有禮所獲崇吉母妻申纂婦女皆  
別營安置不令士卒喧雜及進克東陽擒沈文秀凡獲

倉粟八十五萬斛始末三年築圍攻擊雖士卒死傷無  
多恣叛三齊欣然安堵樂業

資治通鑑曰白曜撫御有方東人安之

尅城日以沈文秀抗倨不為拜忽而捷之唯以此見譏  
以功拜開府儀同三司都督青州刺史進爵濟南王初  
乙渾專權白曜頗所挾附後追以為責四年見誅云謀  
反時論究之白曜少子真安年十一聞父被執將自殺  
家人止之曰輕重未可知真安曰王位高功重若小罪

欽定四庫全書

南北史合注  
卷一百十二

五

終不至此我不忍見父死遂自縊太和中著作佐郎成  
淹表理白曜

魏書載淹表曰臣聞經疆啓土良將之功褒德酬庸  
聖王之務若聞外功成而流言內作樂毅背燕章邯  
奔楚鄧艾懷忠矯命寧國橫受屠戮王濬伐吳浮江  
入洛幾至顛沛每覽其事常為痛心往天安初乃春  
南顧顯舉元將百寮同音咸推白曜遂授以專征仗  
鉞一方威陵河濟淮徐震懼師出無鹽申纂投首濟



北太原同時消濟廣溝垣苗相尋奔走于時東揚未  
平入懷去就沈文靜高崇仁擁衆不朝崔僧祐益次  
陽陳顯達連兵淮海揚旌而至規授青齊而白曜外  
宣皇風內盡方畧身探甲冑與士卒同安撫初附示  
以仁厚三軍懷扶纜之恩新民欣來蘇之澤遂使僧  
祐擁徒拜旆效順軍門文靜崇仁棄城竄海次陽顯  
達望塵南奔聲震江吳風偃荆漢及青州克平文秀  
面縛海波清靜三齊克定迨彼東南永為國有白曜

欽定四庫全書

南北文合注  
卷一百十二

三

有力矣及氛翳既靜爵命亦隆功高流言未紫難辨  
傷夷未瘳闔門屠戮有識之徒能不凄愴臣謂白曜  
策名王庭累荷榮授歷司出納世載忠美秉鉞啓藩  
折衝敵國開疆千里拔城十二辛勤戎旅契濶矢石  
登鋒履危志在靖亂方難既夷身膺高賞受胙河山  
與國升降六十之年寵靈已極觀其立功足明機運  
豈容僥倖更邀非望者乎且於時國家士馬屯積京  
南跨州連鎮勢侔雲岳此之不可生心白曜知之矣

况借逆阻兵營成厭亂王師仍舉州郡屠裂齊民勞  
止神膽俱喪亡殫之衆不可圖存若因塗炭之民而  
欲立非常之事此愚夫所弗為况白曜果毅習戎體  
闔兵勢者耶陛下聖鑒自天開國以來諸犯極刑不  
得骸骨者悉聽收葬白曜人舊功高名滅國除方之  
餘流應有差異願陛下揚日月之光明勲臣之績使  
闔棺定謚沒有餘稱選其宗近才堪驅策錫以微爵  
繼以絕世進可獎勸將來退可顯國恩澤使存者荷

欽定四庫全書

南北文合注  
卷一百十二

三

莫大之恩死者受骨肉之惠詎不美哉  
孝文覽表嘉愍之白曜弟子契輕薄無檢太和初以名  
家子擢為中散遷宰官中散南安王植有貪暴之響遣  
中散閻文祖詣長安察之文祖受植金寶隱而不言事  
發太后引見羣臣謂曰前論貪清皆云勉修文祖時亦  
在中後竟犯法以此言之人心信不可知孝文曰卿等  
自審不勝貪心者聽辭位歸第契進曰小人之性無定  
帝王之法有常以無恒之心奉有常之法非所勉也



垂退免帝曰契若知心不可常即知貪之惡矣何為求  
退還宰官今賜爵定陶男後卒於都督朔州刺史謚曰  
剋初慕容氏破後種族仍繁天賜末頗忌而誅之時有  
免者不敢復姓皆以與為氏延昌末詔復舊姓而其子  
女先入掖庭者猶號慕容特多於他族

和其奴代入少有操行善射御初為三郎文成初封平  
昌公累遷尚書左僕射又與河東王閼毗太宰常英等  
並平尚書事在官慎法不受私請遷司空加侍中文成

欽定四庫全書

南北朝史合注  
卷一百一十二

五

崩乙渾與林金閻擅殺尚書楊保年等時殿中尚書元  
郁率殿中宿衛士欲加兵於渾渾懼歸谷金閻執付郁  
時其奴以金閻罪惡未分出之為定州刺史皇興元年  
長安鎮將東平王道符反詔其奴討之未至而道符敗  
軍還卒內外歎息之贈平昌王謚曰宣子受襲  
苟類

內入諸姓若干氏孝文改苟氏詳見皇后傳

代人父洛拔內行長類厚重寡言少嚴毅清直武力過

人擢為中散小心謹敬累遷司衛監洛州刺史抑強扶

弱山蠻畏威不敢為寇太和中歷侍中都普尚書爵河

南公類方正好直言雖文明太后生殺不允類亦言之

懇切李惠李斯之誅類並致諫遷司空進爵河東王以

舊老聽乘步挽杖於朝駕幸三川類留守京師沙門法

秀謀反類率禁旅收掩畢獲內外晏然堯謚僖王長子

愷襲

宇文福其先南單于遠屬世為雍部大人祖活撥仕燕

欽定四庫全書

南北朝史合注  
卷一百一十二

五

慕容垂為唐郡內史遼東公道武平慕容氏活撥入魏

為第一客福少驍果有膂力太和中累遷都牧給事及

遷洛救福檢牧馬所福規石濟以西河內以東拒黃河

南北千里為牧地今馬場是也及徙代移雜畜牧於其

所福善於將養並無損耗孝文嘉之尋補司衛監

魏書曰福從車駕南伐軍法齊整將士閒習大為高

祖褒嘆蕭驚遠其尚書崔慧景黃門蕭衍率眾十萬

求救救福領高車羽林五百騎出南面奪其橋道賊



六道來戰福據鞍誓衆身先士卒賊不得前遂大奔  
潰

後以勲封襄樂縣男累官瀛州刺史性忠清在公嚴毅  
以信御人甚得聲譽後除都督懷朔沃野武川三鎮諸  
軍事懷朔鎮將至鎮卒謚貞惠子廷宇慶壽體貌魁岸  
眉目疎朗位員外散騎侍郎以父老詔聽隨侍在瀛州  
屬大乘妖黨突入州城廷率奴客逆戰身被重瘡賊縱  
火焚齋閣福時在內廷突火入抱福出外支體灼爛髮

欽定四庫全書

南北史合注  
卷一百十二

髮盡焦於是勒衆與賊苦戰賊乃散走以此見稱累遷  
直寢與万俟醜奴戰沒

論曰古弼軍謀經國有柱石之量張黎誠謹廉方以勲  
舊見重並繼介問一朝隕覆宥及十世乃徒言耳劉潔  
谷之徒也丘堆敗以亡身娥清伊馘俱以材力見用而  
馘以謀猷取異其殆優乎乙瓌之驍猛周幾之智勇代  
田之騎射其位過豈徒然也車伊洛宅心自遠豈常戎  
乎王洛兒車路頭盧魯元陳建來大千宿石或誠發於

衷竭節危難或忠存衛主義足感人苟非志烈何能若  
此宜其生受恩遇歿盡哀榮至如安國以至覆亡害盈  
之義也陸真呂洛拔等咸以勇毅自進而薛彪子世載  
強正墨珍克盛家聲美矣乎魏之諸將軍方面績尉元  
以寬雅之風膺將帥之任威名遠被位極公老自致乞  
言之地無乃近代一人歟白曜出專薄伐席捲三齊考  
績圖勞固不細矣而功名難處追猜嬰戮宥賢議勳未  
聞於斯日也和其奴之真正苟頽之剛直宇文福之氣

欽定四庫全書

南北史合注  
卷一百十二

幹咸亦有用之士乎

南北史合注卷一百十二



欽定四庫全書

南北史合注卷一百十三

明李清撰

列傳第十五

北史二十七

宋

隱敬子惜 惜孫弁 弁孫欽道 升族

許

彥五世孫 弟于世良 世執 翻弟世景

辛紹先

韋閻孫子榮

杜銓

欽定四庫全書

南北史合注 卷一百十三

宋隱字處默廣平列人人曾祖爽祖活父恭世仕慕容氏位並通顯隱性至孝專精好學仕燕主慕容垂位本州別駕道武平中山拜隱尚書吏部郎遷行臺右丞領選以老病乞骸不許尋以母喪歸列人既莫被徵乃棄妻子匿長樂數年臨終謂其子經曰汝等苟能入順父兄出悌鄉黨仕郡幸至功曹史以忠清奉之足矣不勞遠詣臺閣恐爾不能富貴徒延門戶累耳若忘吾言是死若父也使鬼有知吾不歸食矣隱弟宣

魏書曰隱叔洽為慕容垂尚書太祖圍中山洽專守北園當洽所統官軍多被殺傷太祖特深念恨城平殺之子順訓並下腐刑宣洽第四子觀此則宣之仕魏獨不識王哀高義也

與范陽盧玄勃海高允博陵崔建從子惜俱徵拜中書博士後拜侍郎行司徒校尉卒謚簡侯宣孫瓊字普賢以孝稱母曾病季秋月思瓜瓊夢想見之求而遂獲時人異之卒於家惜爵列人子長子顯襲爵無子養弟子

欽定四庫全書

南北史合注 卷一百十三

弁為後弁字義和父叔珍娶趙郡李敷妹坐敷事死弁至京見尚書李冲言論移日冲退曰此人一日千里王佐才也顯卒弁襲爵弁與李彪州里彪為秘書丞請為著作佐郎遷尚書殿中郎中孝文曾因朝會次歷訪政道弁年少官微自下而對聲姿清亮進止可觀帝稱善久之大被知遇賜名弁取弁和獻王楚王不知寶之也以兼員外散騎常侍使齊齊司徒蕭子良秘書丞王融等皆稱美之以為志氣蹇諤不逮李彪而體韻和雅舉



止閑遠過之轉散騎侍郎時散騎位在中書右孝文曾  
 論江左事問弁在南興亡之教弁以為蕭氏父子無大  
 功於天下既以送取不能順守必不能貽厥孫謀保有  
 南海若物憚其威身免為幸後駕南征以弁為司徒司  
 馬東道副將軍人有盜馬絆者斬以徇三軍震懼莫敢  
 犯法黃門郎崔光劾弁自代帝不許亦賞光知人未幾  
 以弁兼司徒左長史時大選內外羣官弁定四海士族  
 弁專參銓重之任事多稱旨然好言人陰短高門大族  
 欽定四庫全書 南北史合注 卷一百十三 三

意所不便者因毀之至於舊族淪滯人非可忌又申達  
 之弁又為本州大中正姓族多降抑頗為時人所怨累  
 遷右衛將軍領黃門弁屢自陳讓帝曰吾為相知者卿  
 豈得專守一官不助朕為政且常侍者黃門之粗冗領  
 軍者三衛之假攝不足空存推讓以棄大委其被知遇  
 如此孝文北都之選李冲多所參預頗抑宋氏弁憾冲  
 與李彪交結雅相知重及彪抗冲冲謂彪曰爾如狗耳  
 為人所嫉及冲劾彪不至大罪弁之力也彪除名弁大

相嗟慨密圖申復孝文在汝南不豫大漸旬餘日不見  
 侍臣左右惟彭城王勰等數人小瘳乃引見門下及宗  
 室長幼諸人入者未能皆致悲泣惟弁與司徒司馬張  
 海徽歎流涕由是益重之駕征馬園留弁以本官兼祠  
 部尚書攝七兵事及行執其手曰國之大事在祠與戎  
 故令卿館攝二曹弁頓首辭謝弁劬勞王事恩遇莫及  
 名重朝野亞於李冲帝每稱弁可為吏部尚書及崩遺  
 詔以弁為之與咸陽王禧等六人輔政而弁先卒年二  
 十八贈瀛州刺史謚貞順弁好矜伐自許膏腴孝文以  
 郭祚晉魏名門從容謂弁曰卿當推郭祚門弁笑曰臣  
 家未肯推祚帝曰卿自漢魏以來既無高官又無雋秀  
 何得不推弁曰臣清素自立要爾不推待臣出後帝謂  
 彭人王勰曰弁人身自不惡乃復欲以門戶自矜殊為  
 可怪長子維襲父爵為給事中坐諂事高肇出為益州  
 龍驤府長史辭疾不行大尉清河王懌輔政以維名臣  
 子薦為通直郎辟其弟紀行參軍靈太后臨政委任元



又恃寵驕盈，憚每以公理裁斷，又甚憤恨，思害憚，遂與維作計，以富貴許之。維見又寵世日隆，乃告司染都尉韓文殊父子，送謀立憚，憚被錄禁中文殊父子懼而逃，及鞠無反狀，以文殊亡走，懸處大辟，置憚官西別館，禁兵守之。維應反，坐又言於太后，欲開將來告者之路，乃然為燕州昌平郡守，紀為秦州大羌令。維及紀頗涉經史，而浮薄無行，憚尊親，懿望朝野，瞻屬維受憚眷賞，而無狀構間，莫不怪賤之。及又殺憚，專斷朝政，以維兄弟

欽定四庫全書

南北史合注  
卷一百十三

五

前告憚，徵維為散騎侍郎，紀為太學博士，領侍御史。甚昵之。維起，遷通直常侍，又除洛州刺史。紀起，遷尚書郎，初弁為族弟。世景言維疎險，紀識慧不足，終必敗。吾業世景以為不爾，至是果然。聞者以為知子莫若父。尚書令李崇左僕射郭祚右僕射游肇，每云維凶疎，終敗宋氏，幸得殺身耳。論者以為有徵後，除營州刺史。太后反政，以又黨除名，遂還鄉里。尋追其前，誣告憚事於鄴，賜老無後。弟紀以次子欽仁嗣。欽仁子欽道，欽道仕齊。

歷中山太守，長於撫接，然好察細事。其州府佐吏使人間者，先酬錢，然後敢食。臨蒞處，稱為嚴整。尋為黃門侍郎，又令在東宮教子。更事時，鄭子默以文學見知，知亦被親寵。欽道本艾法吏，不甚諳識古今，凡有疑事，必詢子默二人。幸於兩宮，雖諸王貴臣，莫敢不敬憚。欽道累遷侍中。乾明中，與楊愔同誅，贈吏部尚書。趙州刺史弁，族弟。穎位魏郡太守，納債劉騰，騰言之，以為涼州刺史。穎前妻劉氏亡後十五年，穎夢見之，拜曰：「新婦今被處。」

欽定四庫全書

南北史合注  
卷一百十三

六

分為高崇妻，故來辭君，泣然涕流。穎且見崇言之，崇後數日卒。穎族弟鴻貴為定州北平府參軍，送戍兵於荊州，坐取兵絹四百匹，兵欲告之，乃斬兵十人，又不達。令律見有梟首罪，乃生斷兵手，以水澆之。然後斬決，尋坐伏法。時人哀兵之苦，笑鴻貴之愚。弁族弟翻，字飛鳥，少有操行人，以剛斷許。孝莊時，除司徒左長史。河南尹初翻為河陰令，順陽公主家奴為劫攝而不送，翻將兵圍主宅，執主，塔馮穆步驅向縣。時正炎暑，立之日中，流汗。



露地縣舊有大枷時號彌尾青及翻為縣主吏請焚之  
 翻曰置南墻下以待豪右未幾有內監楊小駒詣縣請  
 事辭色不遜翻命取尾青鑽之小駒既免入訴宣武宣  
 武大怒救河南尹推之翻具自陳狀詔曰卿故違明法  
 豈不欲作威買名翻對曰造者非臣買名者亦宜非臣  
 所以留者非敢施於百姓欲待凶暴之徒如駒者耳於  
 是威振京師及為洛陽迄於河南尹畏憚權勢更相承  
 接名大減損卒官累贈驃騎大將軍儀同三司上書左  
 僕射雍州刺史謚貞烈翻弟毓毓子世良世良字元友  
 年十五便有膽氣後隨伯父翻在南兖州屢有戰功行  
 臺臨淮王或與語奇之孝莊以介朱榮有不臣跡將圖  
 之密令或將兵赴洛或在梁郡稱疾假世良都督令還  
 南兖發兵聽期世良請簡見兵三千期五日必到洛陽  
 并陳三策或皆不能從尋為殿中侍御史詣河北括戶  
 大獲浮情還見汲郡城旁多骸骨移書州郡悉令收瘞  
 其夜甘雨滂沱河內太守田佑賦負百萬世良檢按未

欽定四庫全書

南北史合注  
卷一百十三

七

竟遇赦而還孝莊勞之曰知卿所括得丁倍於本帳若  
 官人皆如此用心便是更出一天下也後遷殿中世良  
 奏殿中主齊會之事請改付餘曹帝曰卿意不欲親庖  
 厨邪宜付右兵以為永世河州刺史梁景獻抱罕羌首  
 特達不敬其賀正使人頻年稱疾奏州刺史陳悅受其  
 贈遺常為送表世良並奏科其罪帝加之謂長孫稚曰  
 宋郎中有家風可重也後拜清河太守世良才識闇明  
 尤善政術在郡未幾聲問甚高陽平郡移掩劫盜三十  
 餘人世良訊其情狀惟送十二人餘皆放之陽平太守  
 魏明明大怒云軌放吾賊及推問送者皆實放者皆非  
 明明大服郡東南有曲堤成公一姓阻居之辟盜多萃  
 人為之語曰寧度東吳會稽不歷成公曲堤世良施八  
 條之制盜奔他境人又謠曰曲堤雖險賊何益但有宋  
 公自屏跡齊天保初大赦郡無一囚率羣吏拜詔而已  
 獄內櫓生桃樹蓬蒿亦滿每日牙門虛寂無訴訟者謂  
 之神門其冬醴泉出於界內及代至傾城祖道有老人

欽定四庫全書

南北史合注  
卷一百十三

八



丁金剛泣而前謝曰老人年九十記三十五政府君非  
惟善政清亦徹底今失賢者人何以濟莫不攀轅涕泣  
後卒於東都大守贈信州刺史世良強學好屬文撰字  
畧五篇宋氏別錄十卷子伯宗位侍御史性清退好學  
多所撰述至齊亡不從職遂不入仕隋大業初卒於家  
世良弟世軌世軌幼自修整好法律天保初歷三尚書  
三公二十石都官郎中兼并州長史執獄寬平多所全濟為  
都官郎中有囚被枉將送垂致法世軌遣騎追止之奏

欽定四庫全書

南北史合注  
卷一百十三

其狀遂免稍遷廷尉少卿洛州人聚結欲劫河橋吏捕  
按之連諸元徒黨千七百人崔昂為廷尉以為反數年  
不斷及世軌為少卿判其事為劫奪惟殺魁首餘從坐  
悉舍焉大理正蘇珍之以平幹知名寺中語曰決定嫌  
疑蘇珍之視表見裏宋世軌時為侍中二絕焉南臺囚  
到廷尉世軌多雪之仍移攝御史將問其濫狀中尉畢  
義雲不送移往復不止世軌遂上書極言義雲酷擅文  
宣引見二人親勅世軌曰我知臺欺事少卿能則理抗

衡但守此心勿慮不富貴救義雲曰卿此所為誠合死  
以志在疾惡故且一恕羣顧謂朝臣曰此二人並我骨  
鯁臣也及卒廷尉御史諸繫囚皆哭曰宋廷尉死我等  
豈有生路贈光州刺史謚曰平無子翻弟世景世景少  
自修立事親以孝聞與弟道璵下帷讀誦博覽羣言尤  
精經義族兄弁甚重之舉秀才上第再遷彭城王總開  
府法曹行參將總愛其才學雅相器敬孝文甚嘉異之  
遷司徒法曹行參軍世景明刑理著律令裁決疑獄剖

欽定四庫全書

南北史合注  
卷一百十三

判如流轉尚書祠部郎總每稱曰宋世景精微尚書僕  
射才也臺中疑事右僕射游肇常委之世景既才長從  
政加夙勤不急兼領數曹深著稱績左僕射源懷引為  
行臺郎巡察州鎮十有餘所黜陟賞罰莫不成允遷七  
鎮別置諸戍明設亭侯以備不虞懷大相委重還薦之  
宣武以為不減李冲

魏書載懷言曰宋世景文武才畧當今寡匹清平忠  
直亦少其比若陛下任以機要不減李冲



帝曰朕亦聞之後為伏波將軍行榮陽太守鄭氏豪橫  
號為難制濟州刺史鄭尙弟遠慶先為苑陵令多所受  
納百姓患之世景下車名誠之

魏書載世景誠遠慶曰與卿親宜假借吾未至前一  
不相問今日後終不相捨

遠慶行意自若世景繩以法遠慶俱棄官亡走屬縣畏  
威莫不改肅終日坐聽事未嘗寢息

魏書曰縣史三正及諸細民至即見之無早晚節來

欽定四庫全書

南北史合注  
卷一百十三

者皆盡其情抱皆假之恩顏屏人密語

人間之事巨細必知發奸擿伏若神嘗有一吏休滿還  
郡食人雞豚又有一幹受人一帽又食二雞世景叱而  
告之吏幹叩頭伏罪自是上下震悚莫敢犯禁坐弟道  
璵事除名世景友於之性過絕於人及道璵死哭之酸  
感行路歲餘母喪遂不勝哀而卒世景曾撰晉書竟未  
就遺腹子季儒位太學博士曾至譙宋間為文弔嵇康  
甚有理致後夜寢室壞壓頰人咸悼惜之道璵少而敏

俊自太學博士轉京兆王愉法曹行參軍坐愉反得罪  
作詩及挽歌詞寄之朋親以見冤痛道璵又曾著作郎  
張始均詩其末章云子深懷壁憂余有當門病道璵既  
不免難始均亦遇世禍時咸怪之道璵從孫孝王學涉  
亦好緝綴文藻形貌雅陋好臧否人物時論甚疾之  
為北平王文學求入文林館不遂因非毀朝士撰朝士  
別錄二十卷會周武滅齊改為關東風俗傳更廣文見  
勒成三十卷上之言多妄謬篇第冗雜無著述體

欽定四庫全書

南北史合注  
卷一百十三

北齊書文苑序中又言孝王才性入館諸賢皆不逮

此所記亦本齊書循吏傳何矛盾乃爾

周大象末預尉遲迴事見害

愚按與迴事者忠本史言誅死今正之孝王先後得  
毀無乃皆以迴事

許彥高陽新城人彥少孤貧好讀書從沙門法叔受易  
太武徵令卜筮頻驗遂在參軍參與謀議彥質厚慎密  
與人言不及內事帝以此益親待之賜爵武昌公拜相



州刺史在州受納違法詔切讓之然以彥腹心近臣弗罪也卒謚宣公子熙襲熙弟宗之歷殿中尙書定州刺史封穎川公受勅討丁零既平宗之因循郡縣未取不節深澤人馬超毀宗之宗之怒歐殺超家人告狀宗之上超謗訕朝政文成聞之曰

魏書載文成言曰必詐也朕為天下主何惡於超而有是言

此必宗之惧罪誣超索驗果然遂斬於市元康弟護州

欽定四庫全書

南北史合注  
卷一百十三

十三

主簿子詢頗有業尚閨門雍睦三世同居吏部尙書李神儻常稱其家風累官太中大夫卒贈吏部尙書刺冀州刺史恂弟惇字季良清識敏速達於從政位司徒主簿以明斷見知時人號入鐵主簿稍遷陽平太守時遷都於鄴陽平為畿郡軍國責辦賦歛無準又勲貴屢請朝夕徵求惇並御之以道上下無怨政為天下第一特加賞異圖形於闕詔頌天下歷魏尹齊梁二州刺史政並有治聲遷大司農會王思政入據潁城師出攻之惇常

督漕軍無乏絕引洧水灌城惇之策也遷殿中尙書惇美鬚下垂至帶省中號長鬣公齊文宣嘗因酒酣提惇鬚稱美以刀截之惟留一握惇惧因不復敢長人又號齊鬚公歷尙書右僕射特進以年老致仕三年卒惇少純直晚更浮動齊朝體式本州大中正以京官為之乾明中邢邵為中書監德望甚高惇與邵競中正遂憑附宋欽道出邵為刺史朝議甚鄙之雖久處朝行歷官清顯與邢邵魏收陽休之崔劼徐之才同列諸人或談說

欽定四庫全書

南北史合注  
卷一百十三

十四

經史或吟咏詩賦更相嘲笑欣笑滿堂惇不好劇談又無學術或坐杜口隱几而睡不為勝流所重次子文紀勤學方雅身無擇行口無戲言卒於隋相州刺史刀癰字淑和勃海饒安人父暢晉右衛將軍初晉時劉裕徵時負社錢三萬遣時不還暢兄達執而徵焉及誅桓玄以熒先誅刁氏癰為暢故吏所匿遂奔秦姚興以為太子中庶子及姚泓滅與司馬休之等歸魏請於南境自劾明元假癰建威將軍癰遂於河濟間招集流散傳



檄邊境癰弟彌時亦率眾入京口共討裕裕頻遣兵破之明元南幸癰朝於行宮帝問曰縛劉裕者於卿親疎癰曰伯父帝笑曰劉裕父子當應憚卿於是假癰鎮東大將軍青州刺史東光侯使別立義軍

魏書曰癰招集義眾得五千人遣撫尉郡縣土人盡下送租供軍叔孫建攻東陽平其北城三十許步癰請以時入取又請將義兵先入建皆不從會檀道濟等救青州癰謂建曰賊畏官軍突時以鎖連車為函

欽定四庫全書

南北史合注 卷一百十三

十五

大峴以南狹隘不得方軌請將義兵五千邀除險破之建以兵人疫病引還

又詔癰隨機立効癰於是招集譙梁彭沛人五千餘家置二十七營遷鎮濟陰遷徐州刺史賜爵東安伯後除薄骨律鎮將癰以西土乏雨表求鑿渠溉公私田

魏書曰癰表曰富平西南三十里有艾山南北二十六里東南四十五里鑿以通河似禹舊迹其兩岸作溉田大渠廣十餘步山南引水入此渠中計昔為之

高於水不過一丈河水激急沙土漂流今日此渠高於河水二丈三尺又河水浸射往往奔頽渠溉高懸水不得上雖復諸處按舊引水水亦難求今艾山北河中有洲渚水分為二西河小狹水廣百四十步臣今求入來年正月於河西高渠之北八里分河之下五里平地鑿渠廣十五步深五尺築其兩岸令高一丈北行四十里還入古高渠即循高渠而北復八十里合百二十里大有良田計用四千人四十日功渠

欽定四庫全書

南北史合注 卷一百十三

十六

得成訖所欲鑿新渠口河下五尺水不得入今求從小河東南岸斜斷到西北岸計長二百七十步廣十步高二丈絕斷小河二十日功計得成畢合計用功六十日小河之水盡入新渠水則充足溉官私田四萬餘頃一旬之間則水一過水凡四溉穀得成實官課常充民亦豐贍

又奉詔以高平安定統萬及薄骨律等四鎮出車牛五千乘運屯穀五十萬斛付沃野以供軍糧道多深沙車



牛艱阻求於牽屯山河水之次造船水運

魏書載癰表曰臣聞鄭國之渠遠引懷海之粟沂流數千周年乃一至猶稱國有儲糧民用安樂今求於牽屯山河水之次造船二百艘二船為一舫一船勝穀二千戶一船十人計須千人臣鎮內兵皆習水一運二十萬斛方舟順流五日而至自沃野牽屯上十日還到合六十日得一返從三月至九月三返運送六十萬斛計用人功輕於車運十倍有餘不費牛力

欽定四庫全書

南北史合注  
卷一百十三

又不費田

又以所縮邊表常俱不虞造城儲穀置兵備守

冊府元龜載癰表曰臣鎮所縮河西爰在邊表其人散居無依脫有妖奸必致狼狽今求造城儲穀置兵備守鎮自建立更不煩官又於三時之隙不令廢農一二歲不竣三歲必成立城之所必在水陸之次大小高下量力取辦

詔從之名此城為刁公城以旌功

魏書載癰和平六年表曰臣聞安上治民莫善於禮

易俗移風莫善於樂故帝克修五禮以明典章作咸池以諧萬類夫感天動神莫近於禮樂大樂與天地同和大禮與天地同節和故百物阜生節故報天祭地禮行於郊則上下和肅肅者禮之情和者樂之致樂至則無怨禮至則無違惟聖人知禮樂不可已作樂應天制禮配地所以治天道而治人情虞夏殷周易代而起及周之末王政陵遲仲尼傷禮樂崩亡自

欽定四庫全書

南北史合注  
卷一百十三

衛返魯各得其中逮乎秦皇翦棄道術坑燼儒士蕭

韶來儀不可追矣漢興改正朔易服色協音樂制禮儀正聲古禮粗欲周備至於孝章每以三代損益優劣殊執慨然制興作之意博士曹褒因上疏求定諸儀為漢禮終休廢不行及魏晉兩朝修而不備伏惟陛下恭己御世方鳴和鸞以陟岱宗而三禮缺於唐辰象舞替於周日史之封石之文王絕清頌之響良由禮樂不興王政有虧故也臣聞樂由禮所以象德



禮由樂所以防淫故五帝不相沿三王不相襲謂宜修禮正樂以光聖治詔公卿集議會高宗崩遂寢

皇興中雍與隴西王源賀及中書監高允等並以耆年特見優禮錫羸几杖劍履上殿月致珍羞癰性寬柔好文典手不釋書明敏多智凡所為詩賦論頌并諸雜文百有餘篇又汎施愛士恬靜寡欲篤信佛道著教誡二十餘篇以訓子孫太和八年卒年九十五謚曰簡子遵襲爵遵少不拘小節長更修政太和中例降為侯嘗經

欽定四庫全書

南北史合注 卷一百十三

十九

篤病幾死見有神明救之言福門子當享長年後卒於洛州刺史謚曰惠子楷早卒子楷冲字文朗十三而孤孝慕過人其祖母司空高允女聰明婦人也哀其早孤撫養尤篤冲免喪後便志學他方高氏泣涕留之冲終不止雖家世貴達及從師於外自同諸生時學制諸生悉日直監厨冲雖有僕隸不令代已身自炊爨每師受之際發志精專不捨晝夜殆忘寒暑學通諸經偏修鄭說陰陽圖緯算數天文風氣之書莫不闡綜當世服其

精博刺史郭祚聞其盛名訪以疑義冲應機解辯無不祛其久惑後太守范陽盧尚之刺史河東裴桓並徵冲為功曹主簿非所好也不闕事務為講學為心四方學徒就其受業者歲有數百冲雖儒生而執心壯烈不畏強禦延昌中帝舅司徒高肇擅恣威權冲抗表極言辭旨懇直文義忠憤太傅清河王懌覽而歎息先是冲曾祖雍作行孝論以誠子孫稱古之葬者衣之以薪不封不樹後世聖人易以棺槨至秦以後生則不能致養死

欽定四庫全書

南北史合注 卷一百十三

二十

則厚塋過度及於末世至蘧蔭累尸保而葬者確而為論並非折衷既知二者之失豈宜同之當今所存者棺厚不過三寸高不過三尺復用繪練歛以時服輜車并用白布為幔不加畫飾名為清素車又去挽歌方相并明器雜物及冲祖遵將卒教其子孫令奉癰遺旨河南尹丞張普惠謂為太儉貽書於冲叔整令與通學議之冲乃致書國學諸儒論其事學官竟不能答神麈末冲以嫡傳祖爵東安侯京兆王繼為司空並以高選頻辟



記室參民孝明將親釋奠國子助教韓神固與諸儒詣國子祭酒崔光吏部尙甄琛舉其才學奏徵焉及卒國子博士高涼及范陽盧道侃盧景裕等復上狀陳冲業行議奏謚曰安憲先生祭以太牢楷弟整字景智少少大度頗涉書史太和十五年為奉朝請孝文都洛親自臨選除司空法曹參軍累遷黃門郎

魏書曰延昌三年世宗親選百官於朝拜右軍將軍尋轉驍騎將軍相州刺史中山王熙起兵於鄴將誅

欽定四庫全書

南北史合注  
卷一百十三

三十一

元义事敗傳首親故莫敢視整弟婦即熙姊遂收其屍藏之後還熙所親幾為义陷幽繫之賴御史王基前軍將檢事使魏子建理雪獲免

普泰初假征東大將軍滄冀瀛三州刺史大都督逢本鄉賊亂奉母客齊州既母卒母即高允女崔光崔亮皆經允接待是以涼燠之既光等每致拜天平四年卒於鄴贈司空公謚文獻整解音律輕財好施交結名勝聲酒自娛然貪而好色為議者所貶子柔字子温少好學

留心儀禮性強記氏族內外皆所悉居喪母喪以孝聞

初為魏宣武挽郎解巾司空行參軍齊天保初累遷國子博士中書令魏收撰魏史啓柔等同其事柔性專固自是所聞收常嫌憚又參議律令時議者以為五等爵

邑承襲無嫡子立嫡孫無嫡孫立嫡子弟無嫡子弟立嫡孫弟柔以為無嫡孫應立嫡曾孫不應立嫡子弟議

曰案禮立嫡以長故為長子為嫡子嫡子死以嫡子之

子為嫡孫死則曾玄亦然然則嫡子之名本為傳重故

欽定四庫全書

南北史合注  
卷一百十三

三十二

喪服曰庶子不為長子三年不繼祖與禰也禮公儀仲子之喪檀弓曰我未之前聞也仲子舍其孫而立其子何也子服伯子曰仲子亦猶行古之道也昔者文王舍伯邑考而立武王發微子舍其孫臚而立其弟衍鄭注曰仲子為親者諱耳立子非也文王立武王權也微子嫡子死立弟衍殷禮也子游問諸孔子孔子曰否立孫注商以嫡子死立嫡子之母弟周以嫡子死立嫡子之子為嫡孫故春秋公羊之義嫡子有孫而死質家親親



先立弟文家尊尊先立孫喪服云為父後者為出母無服小記云祖父卒而後為祖母後者三年為出母無服者喪者不祭故也為祖母三年太宗傳重故也今議乃以嫡孫死而立嫡子母弟嫡子母弟者則為父後矣嫡子母弟本非承嫡以無嫡故得為父後則嫡孫之弟理應得為父後則是父卒然後為祖後者服斬既得為祖服斬而不得為傳重未之聞也若用喪家親親之義本不應舍嫡子而立嫡孫若從周尊尊之文豈宜舍其孫

欽定四庫全書

南北史合注 卷一百十三

二十三

而立其弟或文或質愚用惑焉小記云嫡婦為舅姑後者則舅姑為之小功注云謂夫有廢疾他故若死無子不受重者小功庶婦之服凡父母於子舅姑於婦將不傳重於嫡及將所傳重者非嫡服之皆如衆子庶婦也言死無子者謂絕世無子非謂無嫡子如其有子焉得云無後夫雖廢疾無子婦猶以嫡為名嫡名既在而欲廢其子如禮何禮有損益代相公草必為宗嫡可得而變則為後服斬亦宜有因而改七年卒柔在史館未久

魏書中與其內外通親者並虛美過實為時論所譏刁氏世榮貴然門風不甚修潔為時所鄙雍族孫雙字子山少好學兼涉文史雅為中山王熙所知賞位西河太守為政清簡吏民安悅及中山王熙起兵誅元义事敗熙弟略投命於雙雙藏護周年時購略甚切略惧累雙求送出境雙曰人生會有一死所難遇耳今遭知己視死如歸願不以為慮略復苦求南轉雙乃遣從子昌送達江左靈太后反政知略因雙獲濟徵拜光祿大夫時

欽定四庫全書

南北史合注 卷一百十三

二十四

略姊饒安公主刁宣妻也頻訴太后乞徵略還乃以徐州所獲俘江草祖暉二人易之以雙與略有舊令至境迎接孝明末除西兗州刺史時賊盜蜂起州人張桃弓等招聚亡命公行劫掠雙至境先遣使諭桃弓陳示禍福桃弓即隨使歸罪雙捨而不問後有盜發處令桃弓追捕悉擒獲州境清肅孝莊初以功封曲城鄉男孝武初遷驍騎大將軍右光祿大夫興和三年卒贈車騎大將軍儀同三司齊州刺史謚曰清穆



辛紹先隴西狄道人父洲仕西涼王李暠為驍騎將軍及涼後主詔與沮渠蒙遜戰於蓼泉軍敗失馬洲以所乘授歆死於難以義烈稱西土涼州平紹先內徙家於晉陽明敏有識量與廣平游明根范陽盧度世等甚相友有至性丁父憂三年口不甘味頭不櫛沐髮遂落盡故常著垂裾皂帽自中書博士轉神部令皇興中薛安都以彭城歸魏時朝廷欲綏安初附以紹先為下邳太守為政不甚嚴察舉其大綱而已惟教民為治產禦賊之備及宋將陳顯達蕭道成蕭順之來寇道成謂順之曰辛紹先未易侵也宜共慎之於是不歷郡境經屯呂梁卒於郡贈并州刺史晉陽侯謚曰惠子鳳達耽道樂古有長者名卒於京兆王子推國常侍鳳達子祥字萬福舉司州秀才遷司空主簿咸陽王禧妃即祥妻之妹及禧構逆親知多罹塵謗獨詳蕭然不預轉并州平北府司馬有白壁還兵藥道顯被誣為賊官屬咸疑之祥曰道顯面有悲色察獄以色其此之謂乎苦執申之月

欽定四庫全書

南北史合注  
卷一百十三

二十五

餘別獲真賊後除郢州龍驤府長史帶義陽太守白早生反梁遣東援緣淮鎮戍相繼降沒惟祥堅城固守梁又遣將胡武城陶平鹵於州南金山之上連營侵逼祥出不意襲之賊大崩魏書曰祥時出挑戰偽退以騎賊賊果日來攻逼不復自備乃夜出襲其營將曉矢石交下賊大崩擒平鹵斬武城以送京師州境獲全論功方有賞授而刺史婁悅恥勲出其下臨之執政竟不行胡賊劉龍駒作逆華州除長安定王燮征鹵府長史仍為別將與討胡使薛和滅之卒贈南青州刺史祥弟少雍字季和少聰穎有孝行尤為祖父紹先所愛紹先性嗜羊肝嘗呼少雍共食及紹先卒少雍終身不食肝性仁厚有禮義門內之法為時所重稍遷司空高陽王雍田曹參軍少雍清正不憚強禦積年久訟造次決之請託路絕時稱賢明正始中詔百官各舉所知雍及吏部郎中李憲俱以少雍為舉首卒於給事中少雍妻王氏有德義少雍

欽定四庫全書

南北史合注  
卷一百十三

二十六



與從弟懷仁兄弟同居懷仁等事之甚謹閨門禮讓人無間焉士大夫以此稱美鳳達弟穆字叔宗舉茂才東雍州別駕初隨父在下邳與彭城陳敬文友善敬文弟敬武少為沙門從師遠學經有不返敬文病臨卒以雜綾二十匹託穆與敬武穆久不得見經二百年始於洛陽見敬武以物還之封題如故世稱廉信歷汝陽太守遇水滂民飢表請輕賦帝從之遂勅汝陽一郡聽以小絹為調除平原相徵為征南將軍太中大夫未發卒於

欽定四庫全書 南北史合注 卷一百十三 二十七

郡贈後將軍幽州刺史子子馥字元穎早有學行累遷平原相父子并為此郡吏民懷安之北海王顥入洛子馥不從孝莊反政封三門縣男天平中除太尉府司馬白山連接三齊瑕丘數州之界多盜子馥受使檢覆因辯山谷要害宜立鎮戍之所又諸州豪右在山鼓鑄奸黨多依之密造兵仗表請破罷諸冶朝廷善而從之後卒於清河太守子馥以三傳經同說異遂為一部傳注並出校比短長會亡未就

韋閻京兆杜陵人世為三輔冠族父遠燕慕容垂大長秋卿閻少有器望遇慕容氏政亂避地薊城太武初拜武都太守卒郡孫儁早有學少孤事祖母以孝聞性溫

和廉讓為州里所稱太和中襲爵歷都水使者宣武崩領軍於忠矯擅威刑儁與左僕射郭祚昏嫁故亦同時遇害臨終詐枉於尚書元欽欽知而不敢申理儁歎曰吾一生為善未蒙善報常不為惡今為惡終悠悠蒼天抱直無訢時人或怨傷焉熙平元年追贈洛州刺史謚

欽定四庫全書 南北史合注 卷一百十三 二十八

曰貞子子榮齊王蕭寶夤為雍州刺史引為府主簿轉錄事參軍及寶夤反子榮與弟子爽執志不從相率逃免雍州平賜爵長安子晉太中累遷中書侍郎孝武入關子榮歷行臺左丞南汾州刺史少弟道諧為鎮城都督元象中齊神武命將出討子榮及道諧俱被獲送晉陽子榮後卒於豫州刺史謚曰忠子榮兄弟十三人並有孝行居父喪毀瘠過禮既葬廬於墓側負土成墳弟榮亮博學有文才德行仁孝為時所重歷諫議大夫衛



大將軍卒贈河州刺史子綱有操行才學見稱開皇中  
位長州長史閻從叔道福父熙為秦丞相王猛所器重  
以女妻焉仕秦王堅為東海太守堅滅奔江左有志畧  
歷盱眙南沛二郡太守與徐州刺史薛安都謀擁州內  
附賜爵高密侯因家彭城卒贈兗州刺史謚曰簡子欣  
宗

魏書曰欣宗從父弟東海合宗生子元恢有氣幹孝  
昌初值刺史元法僧據州外叛元恢招聚同志潛規

欽定四庫全書

南北史合注  
卷一百十三

二十九

克復事泄遇害時人傷惜之

閻從子崇字洪基父肅隨劉義真渡江位豫州刺史崇  
年十歲父卒母鄭氏攜以入魏因寓居河洛少為舅兗  
州刺史鄭儀所器賞位司徒從事中郎孝文納其女為  
充華嬪除南潁州太守不好發適細事恒云何用小察  
以傷大道吏民感之郡中大安帝聞而嘉遂賜帛二百  
匹遷洛累遷河南邑中正崇頻居衡品以平直見稱出  
為鄉郡太守更滿應代吏民詣闕乞留復延三年後卒

閻族弟珍字靈智孝文賜名父子尚位樂安王良安西  
府從事中郎珍少有志操歷尚書南部郎孝文初蠻首  
桓誕歸疑朝廷思安遣之畧以誕為東荊州刺史令珍  
為使與誕招慰蠻左珍至桐栢山窮淮源宣揚恩澤莫  
不懷附淮源舊有祠堂蠻恒恒用人祭之珍乃曉告曰  
天地明靈即人之父母豈有父母甘子肉味自今宜以  
酒脯代羣蠻從約凡所招降七萬餘戶置郡縣而還以  
奉使稱旨賜爵霸城子後以軍功

欽定四庫全書

南北史合注  
卷一百十三

三十

魏書曰司州民樊道蓋自署刺史規欲以州內附詔  
珍援接之蕭道成遣將苟元賓據淮逆拒珍分遣鐵  
馬母上流潛渡親率步士與對旗鼓始交甲騎奄至  
腹背奮擊破之詔珍移鎮北陽雍州刺史陳顯達率  
衆來寇珍語將士曰彼初至氣銳且共堅守待其攻  
我疲敝擊之未晚於是憑城相持旬有三日夜開城  
門掩擊之遂奔潰

進爵為侯累遷顯武將軍鄆州刺史所在有聲績朝廷



嘉之遷龍驤將軍賜驛留二尺帛五十匹穀三百斛珍乃名集州內孤貧者謂曰天子謂我能撫綏卿等故賜以穀帛吾何敢獨當遂以所賜悉分之尋轉荊州刺史與尚書盧陽烏征赭陽為齊將垣厯生蔡道恭所敗免歸鄉里臨別謂陽烏曰主上聖明志吞吳會用兵機要在於上流若有事荆楚恐老夫復不得停耳後駕征鄧沔復起珍為中軍大將軍彭城王勰長史鄧沔既平試守魯陽郡孝文復南伐路經珍郡加中累將軍正太守

欽定四庫全書

南北史合注 卷一百十三

珍從至清水帝曰朕頃戎車再駕卿恒翼務中軍今日之舉亦欲引卿同行但三鴟險要非卿無以守因救還及孝文崩於行宮秘匿而還至珍郡始發大諱還除中散大夫尋加鎮遠將軍大尉諮議參軍卒贈本將軍青州刺史謚曰懿長子纘年十三補中書學生聰敏明辯為博士李彪所稱再遷侍御中散孝文每與德學沙門談論往復纘掌綴錄無遺頗見知賞累遷長兼尚書左丞壽春內附尚書令王肅出鎮揚州請纘行累梁郡大

守任城王澄代肅為州復啓纘為長史澄出征後梁將姜慶真乘虛攻襲遂據外郭雖尋克復纘坐免官纘弟或亦有學識稍遷東豫州刺史綏懷蠻左頗得其心蠻首田亦宗子魯生魯賢先叛父南入數為寇掠自或至州魯生等咸殘啓修敬不復為害或以蠻俗不識禮儀乃立太學選諸郡生徒於州總教又於城北置崇武館習武州境清肅罷還遇大將軍京兆王繼西征請為長史尋以本官兼尚書為幽夏行臺以功封陰盤縣男卒

欽定四庫全書

南北史合注 卷一百十三

贈撫軍將軍雍州刺史謚曰文子肱少有志業年十八辟州主簿時屬歲儉肱以家粟造粥餉饑民所活甚眾解褐太學博士累南郢州刺史田夷啓稱肱父珍往任荆州思洽夷夏乞肱充南道別將領荆州驍勇共為腹背詔從之未幾行南荆州事遷東徐州刺史梁遣其郢州刺史田祖禧率眾來寇肱於石羊岡破斬之以功封杜縣子卒於侍中雍州刺史謚曰宣杜銓京兆人晉征南將軍預五世孫父寔燕慕容垂秘



書監仍僑居趙郡銓學涉有長者風與盧玄高允等同  
被徵為中書博士初密太后父豹喪在濮陽太武欲令  
迎葬於鄴謂司徒崔浩曰天下諸杜何處望高朕今方  
改葬外祖意欲取杜中長老一人為宗正令營護凶事  
浩曰京兆為美中書博士杜銓家在趙郡是杜預後令  
於諸杜最密及名見銓氣貌瓌雅帝感悅謂浩曰此真  
吾欲也以為宗正令與杜超子道生送豹柩莫鄴南銓  
遂與超如親超謂銓曰既是宗近何緣僑居趙郡乃延

欽定四庫全書

南北史合注  
卷一百十三

三十三

引同屬魏郡再遷中書侍郎賜爵新豐侯卒贈相州刺  
史魏縣侯謚曰宣銓族孫景學通經史州府交辟不就  
景子裕字慶延雖官非貴仕而文學相傳任齊位止樂  
陵令齊亡退居教授中無家子正玄字知禮少傳家業  
耽志經史  
隋書曰正玄字慎微自八世祖昌文至正玄世以文  
學相授正玄尤聰敏博涉兄弟數人俱未弱冠並以  
文章才辨籍甚三河間

隋開皇十五年學秀才試策高第曹司以策過左僕射  
楊素怒曰周孔更生尚不得為秀才刺史何忽妄舉此  
人可附下考乃以策抵地不視時海內惟正玄一人應  
秀才餘常貢者隨例銓注訖正玄獨不得進止曹司以  
選期將盡重啓素素志在試退正玄乃手題使擬司馬  
相如上林賦王褒聖主得賢臣頌班固燕然山銘張載  
劍閣銘白鸚鵡賦

欽定四庫全書

南北史合注  
卷一百十三

三十四

隋書曰素負才傲物正玄抗辭酬對素甚不悅久之  
林邑獻白鸚鵡素促名正玄使者相望及至即令作  
賦正玄投筆立成文不加點始異之  
曰我不能為君住宿可至未時令就正玄及時並了素  
數徧大驚曰誠好秀才命曹司錄奏屬吏部選期已過  
注色令選期年重集素謂曹司曰秀才杜正玄至矣又  
試官人有奇器賦並立成文不加點素大嗟之命吏部  
優曹叙司以擬長寧王儼記室參軍時素情背曹官及  
見曰小王不盡其才也晉王廣方鎮揚州妙選府寮乃



以正玄為晉王府參軍後豫章王暕鎮揚州又為王記室卒正玄弟正藏字為善亦好學善屬文開皇十六年舉秀才時蘇威監選試擬賈誼過秦論及尚書商湯誓匠人箴連理樹賦凡賦弓銘應時並就又無點竄時射策甲第者合奏曹司抑為乙科正藏訴屈威怒改為丙第授純州行參軍遷梁郡下邑縣正大業中與劉炫同以學業該通應紹被舉時正藏弟正儀貢充進士正倫為秀才兄弟三人同時應命當世嗟美之著作郎王邛

欽定四庫全書

南北史合注 卷一百十三

三五

奏追修史司穀大夫薛道衡奏擬從事並以見任且放還九年從駕征遠為夫餘道行軍長史還至涿郡卒正箴為文迅速有如宿構曾令數人並執紙筆各題一文正箴口授俱成皆有文理為當時異又以為文執二十卷論為文體則甚有條貫後生寶而行之多資以解褐大行於世

隋書曰海外高麗百濟亦共傳習

謂之杜家新書云

論曰宋隱操行貞白遺畧榮名宣惜並保退素咸見微辟可謂德門者義和以才度見知迹參顧命拔萃出類嘗有以箴無子之嘆豈無羊舌宗祀不亡蓋其幸也翻而斷務世良昆秀雅有家風道謨卜筮取學淺刁癩才識恢遠著聲立事禮遇優隆世有人堂構之美也辛章不殞門風杜銓所在為重正玄難兄難弟美哉

欽定四庫全書

南北史合注 卷一百十三

三十六



南北史合注卷一百十三



欽定四庫全書

南北史合注卷一百十四

明李清撰

北史二十八

張蒲

公孫表子軌

李先

竇瑾

張濟

賈彝

欽定四庫全書

南北史合注  
卷一百十四

李訢

韓延之

袁式

毛修之嚴稜  
朱修之

唐和

寇讚孫偶

鄺範

韓秀


堯暄孫雄

柳崇

屈遵

內入諸姓有尸突氏孝文改屈氏

昌黎徒何人博學多才藝燕主慕容垂以為博陸令道



武南伐博陵太守申永南奔河外高陽太守崔宏東走  
海濱屬城長吏率多逃竄遵獨歸道武

魏書載遵告其吏民曰天棄燕矣人弗能支魏王御

衆百萬號令若一弗遇嘉運而為禍先

道武素聞其名拜中書令中原既平賜爵下蔡子卒子

須襲須長子恒沈粹有局量歷尚書右僕射加侍中以

破平涼功賜爵濟北公

魏書曰恒以鎮東大將軍督諸軍東伐馮弘師次和

欽定四庫全書

南北史合注  
卷一百十四

龍弘奉牛酒犒軍恒責其不送侍子掠男女六千口

而歸

太武委以大政駕出征常居中留鎮與襄城公盧魯元

俱賜甲第真君四年隆馬卒時帝幸陰山景穆遣使乘

傳奏狀帝甚悼惜之謂使人曰汝等殺朕良臣何用乘

馬遂令步歸贈征西大將軍諡曰成子道賜襲道賜善

騎射機辯有辭氣太武甚器之位尚書右僕射加侍中

卒諡曰哀子拔襲帝追思其父祖年十四以為南部大



人時帝南伐擒宋守將胡盛之以付拔醉不覺盛之  
逃帝令斬之將伏鎖帝愴然曰若鬼有知長生問其子  
孫朕何以應乃赦拔獻文以功臣子拜營州刺史

張蒲字玄則河內修武人本名謨父攀仕燕慕容垂位  
兵部尚書以清方稱蒲少有父風仕慕容寶為尚書左  
丞道武定中山寶官司敍用多降品秩帝素聞蒲名仍  
拜尚書左丞明元即位為內都大官賜爵泰昌子參決  
庶獄私謁不行

欽定四庫全書

南北史合注  
卷一百十四

三

魏書曰丁零翟猛雀驅逼吏民入白嶠山謀亂詔蒲  
與長孫道生等往討道生等欲徑以大兵擊之蒲曰  
良民所以從猛雀皆逼凶威強服之耳若臨以大軍  
則返善無由又懼誅夷必并勢來拒然後入山恃阻  
未易圖也不如先遣使諭之同謀者弗坐則民必喜  
而俱降矣道生以蒲言奏聞詔蒲軍前慰諭乃下數  
千家皆安集之猛雀與百餘人奔逃追斬其首  
太武即位以蒲清貧妻子衣食不給拜相州刺史扶弱

抑彊進善黜惡風化大行卒於官吏民痛惜之蒲在謀  
臣列屢出為將朝廷常以為稱首贈平東將軍廣平公  
諡曰文恭子昭襲以軍功進爵修武侯位幽州刺史以  
善政見稱

谷渾昌黎人父哀擊弓三百斤勇冠一時仕燕慕容垂  
位廣武將軍渾少有父風任俠好氣晚乃折節授經業  
被服類儒者道武時以善隸書為內侍左右太武時累  
遷侍中儀曹尚書賜爵濮陽公渾正直有操行性不苟

欽定四庫全書

南北史合注  
卷一百十四

四

合  
魏書曰趨舍不與己同者視之蟻如也  
然愛重舊故不以富貴驕人時以此稱之在官廉直為  
太武所器重以渾子孫年十五以上悉補中書學生卒  
諡曰文宣子闡襲闡子洪位尚書性貪奢僕妾衣服錦  
綺時獻文舅李峻等初至官給衣服洪輒截沒為有司  
所糾并窮其前後贓罪伏法子頴頴子士恢位鴻臚少  
卿太后嬖幸鄭儼懼紹達間構於帝因言次以紹達為



州紹達耽寵不願出太后誣其罪殺之渾曾孫楷楷有  
幹局稍遷奉車都尉眇一目性甚嚴忍前後奉使皆以  
酷暴為名時號瞎虎累遷城門校尉卒

公孫表字玄元燕郡廣陽人為西燕慕容冲尚書郎慕容  
容垂破長子從入中山慕容寶走乃歸國為博士初道  
武以慕容垂諸子分據勢要權柄推移遂至亡滅表詣  
關上韓非書二十卷勸帝以法制御下道武稱善明元  
初賜爵固安子河西饑胡劉虎反於上黨詔表討之為

欽定四庫全書

南北史合注  
卷一百十四

五

胡所敗

魏書曰初令表與姚興成將結期使備河南岸然後  
進軍討之表見胡內自疑阻更相殺害遂不與成將  
相聞又法令不整故敗

帝深銜之太常七年宋武帝殂時議取河南侵地

魏書曰太宗以為掠地至淮滑臺等三城自下表固  
執宜先攻城從之

以奚斤為都督以表為吳兵將軍廣州刺史表既尅滑

臺遂圍虎牢駕次汲郡始昌子蘇坦太史令王亮奏表

置軍虎牢東不得形便之地故令賊不時滅帝雅好術  
數又積前忿及攻虎牢士卒多傷乃使人夜就帳中縊  
之以敵未退秘不宣初表與勃海封愷友善後為子求  
愷從女愷不許表甚銜之及封氏為司馬國璠所逮帝  
以舊族欲原之表證其罪乃誅封氏表外和內忌時以  
此薄之表本與王亮同營署及出輕侮亮故及於死第  
二子軌明元時出從征討補諸軍司馬太武平夏赫連

欽定四庫全書

南北史合注  
卷一百十四

六

昌引諸將帥入其府藏令任意取金玉諸將取之盈懷  
軌獨不取帝把其手親探金賜之謂曰卿臨財廉朕所  
以增賜者欲顯廉於眾人後魚大鴻臚持節拜氏楊玄  
為南秦王及境玄不郊迎軌數玄無藩臣禮

魏書曰玄請入國然後受謁軌答曰大夫入境尚有  
郊勞而況王命請奉策以還

玄懼詣郊受命使還稱旨拜尚書賜爵燕郡公出為虎  
牢鎮將初太武將北征發驢運糧使軌部調雍州軌令



驢主皆加絹一疋乃受之百姓語曰驢無強弱輔脊自壯眾共唾之坐徵還卒軌既死帝謂崔浩曰吾過上黨父老皆曰軌為將受貨縱賊使至今餘姦不除其初未單馬執鞭及去從車百兩載物而南丁零渠帥乘山罵軌軌怒取罵軌者之母以矛刺其陰殺之曰何以生此逆子從下列劈分磔四支於山樹上是忍行不忍之事軌幸早死在者吾必族誅之軌終得娶封氏生子叡位儀曹長賜爵陽平公時獻文於苑內立殿勅中祕羣官

欽定四庫全書

南北史合注 卷一百十四

七

制名叡奏曰臣聞至尊至貴莫崇於帝王天人挹損莫大於謙光宜曰崇光奏可卒於南部尚書諡曰宣叡妻崔浩弟女也生子良聰明好學官尚書左丞為孝文所知遇良弟衡良推爵讓之仕至司直良以別功賜爵昌平子子崇基襲軌弟質有經義為中書學生稍遷博士太武征涼州留宜都王穆壽輔景穆時柔然乘虛犯塞京師震恐壽雅信任質以為謀主質好卜筮卜筮者咸云不至故不設備由質幾敗國後屢進諫言超遷尚書

卒贈廣陽侯諡曰恭第二子還位南部尚書出為青州刺史以還在公遺迹可紀下詔褒述卒官孝文在鄴宮為之舉哀時百度唯新青州佐史疑為還服詔曰今古時殊專古也理與今違專今也大平曩義當斟酌兩途商量得失吏民之情亦不可苟順主簿近代相承服斬過葬便除可如故事自餘無服大成寥落可準諸境內人為齊衰三月還叡為從父兄弟叡才器小優又封氏甥崔氏塔遠母鴈門李氏地望懸隔鉅鹿太守祖季真

欽定四庫全書

南北史合注 卷一百十四

八

多識北方人物每云士大夫當須好婚親二公孫同堂兄弟耳吉凶會集便有士庶之異張濟字士度西河人父千秋西燕慕容永驍騎將軍永滅來奔道武善之拜建節將軍濟涉獵書傳清辯善儀容道武愛之與公孫表等俱為行人拜散騎侍郎先是晉雍州刺史楊佺期乞師於常山王遵以禦秦姚興帝遣濟為導從事即報之濟自襄陽還帝問濟江南事濟曰司馬昌明沒子德宗代立君弱臣強全無綱紀佺期



問臣魏初伐中山幾十萬衆臣答曰三十餘萬佺期曰魏被甲戎馬幾匹臣答中軍精騎十餘萬外軍無數佺期曰以此討羗豈足滅也又曰魏定中山徙幾戶於北臣答七萬餘家佺期曰都何城臣答都平城佺期曰有此大衆何用城為又曰魏帝欲久都平城將復移也臣答非所知佺期聞朝廷不都山東有喜色曰洛城救援仰恃於魏若獲保全當必厚報如為羗所乘寧使魏取道武嘉其辭厚賞其使許救洛陽從以累使稱旨拜勝

欽定四庫全書

南北史合注  
卷一百十四

兵將軍卒

李先字宏仁中山盧奴人少好學善占相術西燕慕容永迎為謀主勸永據長子城永滅徙中山皇始初先於井陘歸國道武問先曰卿何國人祖父及身歷何官先曰臣本趙郡平棘人大父重晉大將軍右司馬父懋石虎左中郎將臣符丕左主客郎慕容永祕書監魏書曰以先為衛王儀府左長史從儀平鄴回定中山每一進策所向克平

駕還代再遷博士定州大中正帝問先何者最善可益人神智先曰經書三皇五帝政化之典可補王者神智又問朕欲集天下書籍如何對曰主之所好集亦不難魏書曰誠欲集之嚴制天下諸州郡縣搜索備送

帝於是班制境內經籍稍集及禦秦主姚興於柴壁問先計對曰兵以正合戰以奇勝聞姚興欲屯兵天渡利其糧道及其未到遣奇兵先邀天渡柴壁左右嚴設伏兵備其表裏與欲進不得任又乏糧夫高者為敵所棲

欽定四庫全書

南北史合注  
卷一百十四

深者為敵所囚兵法所忌而興居之可不戰而取帝從其計興果敗歸明元即位問左右舊臣中誰為先帝所親信新息公王洛兒曰李先為先帝所知

魏書曰太宗引見問曰卿有何功行蒙先帝識對曰臣以忠直奉上更無異能

讀韓子連珠論二十二篇太公兵法十一事詔有司曰先所知皆軍國大事自今常宿於內賜先絹綵及御馬一匹拜安東將軍壽春侯賜隸戶二十二



魏書曰先與長孫道生襲馮跋已連城克之先曰宜密使兵人備青草一束各五尺圍用填城整攻其西南絕其外援勒兵急攻賊必可擒道生不從掠民而歸

後卒於內都大官年九十五詔賜金縷命服一襲贈定州刺史中山公諡文懿子國襲國孫預太和初累遷馮翊太守府解罷郡遂居長安羨古人殮玉法乃採訪藍田躬往攻掘得若環璧雜器形者大小百餘頗有麤黑

欽定四庫全書

南北史合注 卷一百十四

十二

者亦篋盛以還至家觀之皆光潤可玩預乃椎七十枚為屑食之從預聞者更求玉於故處皆無所見馮翊公源懷弟得其玉琢為器佩皆鮮明可寶預服經年云有効驗而世事寢食皆不禁節一加好酒損志及疾篤謂妻子曰

魏書載預言曰服食屏居山林排棄嗜欲或當大有

神力

吾酒色不絕自致於死非藥過也然吾尸體當有異勿

連殯令後人知殮服之妙時七月中旬長安毒熱預停屍四宿體色不變妻常氏以玉珠二枚含之口閉常謂曰君自云殮玉有神驗何不受含言訖齒啟納珠因噓其口都無穢氣舉斂於柩堅直不傾委死時有遺玉屑數升盛以囊納諸柩初先少子皎於天興中密問先曰子孫永為魏臣將復事他姓耶先曰國家政化長遠不可紀極皎為寇讎之弟子服氣絕粒數十年隱於恒山年九十餘顏如少童一旦沐浴冠帶家人異之俄坐卒

欽定四庫全書

南北史合注 卷一百十四

十二

道士咸稱其尸解仙道皎孫義徽太和中以儒學博通有才華補清河王懌府記室牋書表疏文不加點清典瞻遠當世稱之又為懌撰輿地圖及顯忠錄性好老莊甚嗤釋教靈太后臨朝屬有沙門惠憐以咒水飲人云能愈疾百姓奔湊日以千數義徽白懌稱其妖妄因令義徽草奏以諫太后納其言元乂惡懌從義徽都水使者俄懌被害棄官隱太房山少子蘭以純孝著不受辟召孝昌中旌其門閭正光中清河王亶嗣爵思義徽雅



正博篤薦其孫景儒位至奉車都尉自皇始至齊受禪百五十歲先言有明徵焉

愚按魏收齊臣故止以禪齊計年辨見明元本紀

景儒子昭徽博涉稽古脫畧不羈時稱為播郎因以字行於燕趙善談論有宏辯屬文任氣不拘常則志好隱逸慕葛洪為人尋師訪道不遠千里遇高尚則傾蓋如舊見庸識雖王公蔑如初為道士中年應詔舉為高唐尉大業中將妻子隱於嵩山號黃冠子有文集十卷為欽定四庫全書

南北史合注  
卷一百十四

十三

學者所稱

賈彝字彥倫本武威始臧人六世祖敷仕魏子孫因家幽州父為秦王苻堅鉅鹿太守坐訕謗繫獄彝年十歲詣長安訟父獲申遠近歎之僉曰此子英英賈誼後莫與京道武先聞其名帝遣使求彝於燕主慕容垂垂彌增器敬後遣其太子寶求寇大敗於參合執彝及其從兄代郡太守潤等道武即位拜尚書左丞參預國政天賜末彝請詣溫陽療疾為叛胡所掠送於秦主姚興積

數年遁歸又為夏主赫連勃勃所執拜秘書監卒太武

平赫連昌子秀迎觀葬代南秀位中庶子獻文即位爵

陽都子時丞相山渾妻庶姓妄求公主號屢言於秀秀

默然後因公事就第見渾渾夫妻同坐厲色曰爾管攝

職事我請公主不應何意秀慷慨大言曰公主之稱本

屬王姬非庶族所宜秀寧就死今朝不取笑後日渾左

右莫不失色為之振懼秀神色自若渾夫妻默然含忍

他日乃書太醫給事楊惠富臂作老奴官慳字令示秀

欽定四庫全書

南北史合注  
卷一百十四

十四

渾每欲伺隙陷之會渾誅遂免難時秀與中書令勃海高允俱以儒舊重於時皆選擬方岳以詢訪被留各聽長子出為郡秀固讓不受

魏書載秀辭曰臣少而受恩老無成效恐先草露靡

報殊私豈令無功之子超齊先達乞收戍命以安微

臣

許之自始及終歷奉五帝雖不至大官常當機要廉清

儉約不營資產年七十三遇疾詔給醫藥賜几杖時朝



廷舉動及大事不決每遣尚書高平公李敷就第訪決卒贈冀州刺史武邑公諡曰簡子儁字異隣襲爵位荆州刺史依例降為伯先是上洛置荊州後改為洛州在重山人不知學儁表置學官選聰悟者教之在州五載清靖寡事吏民安之卒贈兗州刺史子叔休襲潤曾孫禎字叔願學涉經史居喪以孝聞太和中以中書博士副中書侍郎高聰使江左還以母老病輒過家定省生免官後為司徒諮議參軍通直散騎常侍卒贈齊州刺

欽定四庫全書

南北史合注 卷一百十四 五

史禎兄子景儁改節義弟景與清峻鯁直為州主簿遂栖遲不仕後葛榮陷冀州稱疾不拜景與每捫膝曰吾不負汝以不拜榮也實瑾字道瑜頓丘衛國人自云漢司空融後高祖成頓丘太守因家焉瑾少以文學知名自中書博士為中書侍郎參軍國謀屢有功轉四部尚書初定三秦人猶去就拜長安鎮將毗陵公在鎮八年甚著威惠徵為殿中都官尚書太武親待之賞賜甚厚從征益吳平留瑾鎮

長安還京復為殿中都官典左右執法帝歎曰國之良輔毗陵公之謂矣出為冀州刺史清約沖素著稱當時還為內都大官與光初瑾女婿鬱林公司馬彌陀以選尚臨涇公主瑾教彌陀辭託有誹謗咒詛之言與彌陀同誅唯少子遵逃匿得免遵善楷篆北京諸碑及臺殿樓觀宮門題署多遵書位濮陽太守多所受納其子僧演姦通人婦為部人賈邀告坐免後以善書拜庫部令卒官

欽定四庫全書

南北史合注 卷一百十四 十六

李訢字元盛小名真奴范陽人曾祖產產子績二世知名於慕容氏父崇北燕馮跋吏部尚書石城太守太武至和龍崇率十餘郡歸降帝甚禮之呼曰李公卒於北幽州刺史訢母賤為諸兄所輕崇曰此子之生相者言貴或未可知遂使入都為中書學生太武幸中書學見而異之指謂從者曰此小兒終効用於朕子孫因識胝之帝舅陽平王杜超有女將許貴戚帝曰李訢後必官達益人門戶可妻之遂勸成婚南人李哲常言訢必當



貴達起死帝親哭三日訢以起塔得在喪位出入帝指謂左右曰觀此人舉動有異於衆必為朕家幹事臣訢聰敏機辯強記明察初李靈為文成博士詔崔浩選中書學生器業優者為助教浩舉其弟子箱子與盧度世李敷三人應之給事高謙子祐尚書段霸兒姪等以為浩阿其親戚言於景穆景穆以浩為不平聞之太武太武意在訢曰云何不取幽州刺史李崇老翁兒浩對曰前亦言訢合選但以其先行在外故不取帝曰可待訢

欽定四庫全書

南北史合注  
卷一百十四

十七

還罷箱子等遂除中書助教博士入授文成經文成即位訢以舊恩親寵遷儀曹尚書領中秘書賜爵扶風公贈其母孫氏為容城君帝顧羣臣曰朕始學之歲情未能專既總萬機溫習靡定是故儒道寔有關焉豈惟子咎抑亦師傅不勤爵賞仍隆不遺舊也訢免冠拜謝出為相州刺史為政清簡百姓稱之訢上疏求於州郡各立學官使士望之流衣冠之胄就而受業其經藝通明者上王府

魏書載訢表曰臣聞昔之明主建庠序於京畿立學官於郡邑教國子弟然後選其俊異以為造士今所任州土學校未立臣常願備之使後生聞雅頌之音童稚觀經教之本今重荷榮遇顯任方岳列任以來訪諸文學舊德已老後生來進歲首所貢恒懼不堪臣愚欲仰依先典於州郡治所各立學官使士望之流冠冕之胄就而受業其經藝通明者貢之王府則郁郁之文於此不墜

欽定四庫全書

南北史合注  
卷一百十四

十八

書奏獻文從之以訢政為諸州最加賜衣服自是驕矜自得受納人財物商胡珍寶為兵民告言尚書李敷與訢少長相好每左右之或勸奏聞敷不許獻文聞訢罪狀檻車徵訢拷劾抵罪時敷兄弟將見疎斥有司諷以中旨嫌敷兄弟令訢告列敷等隱罪可得自全訢深不欲且弗之知乃謂其壻裴攸曰吾與敷族世雖遠情如一家在事既有此勸昨來引替自刺以帶自絞而不能致絕且亦不知其事攸曰何為為人死也敷兄弟事覺



可知有馮闢者先為敷殺其家切恨之但呼闢弟問足知委曲訐從其言又趙郡范櫛具列敷兄弟事狀有司以聞敷坐得罪詔列訐貪冒應死以糾敷兄弟故免百鞭髡刑配為廝役訐之廢也平壽侯張譴見訐與語奇之謂人曰此佳士也終不久屈未幾復為太倉尚書攝南部事用范櫛陳策令千里外戶別轉運諸倉輸之所任委滯停延歲月百姓競以貨賂各求在前遠近大困弊道路羣議曰蓄聚斂之臣未若盜臣訐弟左軍將軍

欽定四庫全書 南北史合注 卷一百十四 十九

璞謂訐曰范櫛善能降人以色假人以辭未聞德義之言但有世利之說聽其言也甘察其行也賊所謂讒諂貪奸不早絕之後悔無及訐不從彌信之腹心事皆告櫛訐既寵於獻文參決軍國大議兼典選舉權傾內外百寮莫不曲節事之櫛以無功起家拜奴盧令獻文崩訐遷司空進爵范陽公出為侍中鎮南大將軍開府儀同三司徐州刺史櫛知文明太后忿訐又知內外疾之太和元年希旨告訐外叛太后徵訐至京師詰其叛狀

訐曰無之引櫛證訐訐言爾妄言知我吾又何言雖然爾不顧予厚德而忍為此不仁甚矣櫛曰公德於櫛何若李敷德於公公昔忍於敷櫛今敢不忍公乎訐慨然曰吾不用璞言自貽伊戚萬悔於心何嗟及矣遂見誅璞字季直性醇厚多識人物賜爵宜陽侯太常卿韓延之字顯宗南陽堵陽人魏司徒暨後仕晉位平西府錄事參軍晉將劉裕伐司馬休之未至江陵密與延之書招之延之報書辭甚激厲事見南史本紀延之以

欽定四庫全書 南北史合注 卷一百十四 二十

裕父名翹字顯宗於是己字顯宗名子為翹示不臣劉氏後奔秦姚興泰常二年與司馬文思等俱入魏明元以延之為虎牢鎮將賜爵魯陽侯初延之曾來往栢谷塢省魯宗之墓有終焉之志謂子孫云河洛三代所都朝廷必有居此者我死不勞向北代葬也可就此子從其言葬宗之墓次延之五十餘年而孝文徙都其孫數家猶居祖墓之北栢谷塢

魏書曰延之前妻羅氏生子措與父同入國又以淮



南王女妻延之生道仁措推道仁為嫡襲父爵

袁式字季祖陳郡陽夏人漢司徒滂後父淵晉侍中式在南歷武陵王遵諮議參軍及劉裕執權式歸秦姚興姚泓滅歸魏為上客賜爵陽夏子與司徒崔浩一面便盡國士交時朝儀典章悉出於浩浩以式博於故事每所草創恒顧訪之性長者雖羈旅飄泊而清貧守度不失士節時甚敬之皆呼袁諮議延和二年衛大將軍樂安王範為雍州刺史詔式與中書侍郎高允俱為從事

欽定四庫全書

南北史合注  
卷一百十四

三

中郎辭而獲免式沈靖樂道周覽書傳至於詰訓倉雅偏所留懷作字釋未就以太安二年卒贈豫州刺史諡肅侯子濟襲位魏郡太守政有清稱

毛修之字敬文滎陽武人仕晉劉裕平關中留子義真鎮長安以修之為司馬及義真敗修之被俘遂沒統萬太武平赫連昌獲之使領吳兵以功拜吳兵將軍修之能為南人飲食手自煎調多所適意太武親待之累遷太官尚書賜爵南郡公常在太官主進御膳從討

和龍時諸軍攻城行宮人少宋故將朱修之為雲中將

軍欲率吳兵為逆因入和龍冀浮海南歸以告修之修之不聽乃止是日無修之大變幾作朱修之遂奔北燕馮弘修之又以軍功遷特進撫軍大將軍位次崔浩下浩以其中國舊門雖不博洽猶涉獵書傳與共論說嘗言陳壽三國志有古良史風其所著述文義典正班史以來無及壽者修之曰昔在蜀中聞長老言壽曾為諸葛亮門下書佐得捷百下故其論云應變非亮所長浩

欽定四庫全書

南北史合注  
卷一百十四

三

乃與論曰承祚評亮乃有故義非挾恨之言夫亮之相備乃英雄奮發時君臣相得魚水為喻而不能與曹氏爭天下委棄荊州退入巴蜀守窮崎嶇之地僭號邊夷之間此策之下者可與趙佗為偶而以為管蕭亞匹不亦過乎且亮既據蜀弗量勢力嚴威切法控勒蜀人欲以邊夷之眾抗衡上國出兵隴右再攻祁山一攻陳倉疎遲失會推衄而反後入秦川更求野戰魏人知其意以不戰屈之智窮勢盡發病而沒由是言之豈合古之



善將見可知難乎修之謂浩言為然後卒於外都大官  
諡恭公修之在南有四子唯子法仁入魏文成初襲爵  
歷殿中尚書法仁言聲壯大至於軍旅田狩唱呼處分  
振於山谷卒贈征東大將軍南郡王諡曰威朱修之者  
仕宋為司徒從事中郎守滑臺為安頡所擒太武善其  
固守妻以宗室女以為雲中鎮將後奔北燕馮弘弘送  
之江南後事具南史

唐和字幼起晉西宜安人父繇以涼土喪亂推西涼王

欽定四庫全書

南北史合注 卷一百十四

十三

李嵩霸河右及涼亡和與兄契攜嵩孫寶避難伊吾招  
集民衆二千餘家臣於柔然柔然以契為伊吾王經二  
十年和與契遣使降魏為柔然所逼遂擁部至高昌柔  
然遣部帥阿若攻和至白力城和先攻高寧契與阿若  
戰沒和收餘衆奔前部王國時沮渠安周屯橫截城和  
攻拔之斬安周兄子樹又尅高寧白力二城遣使表狀  
太武嘉之屢賜之璽書後和與前部王車伊洛破安周  
太武使周公萬度歸討焉者詔和與伊洛率所領赴度

歸喻下柳驢以東六城因共擊波居羅城拔之後同征  
龜茲度歸令和鎮焉耆時柳驢戍主乙真瑯將叛和徑  
入其城擒斬乙真瑯西域尅平和有力焉正平元年和  
詣闕太武優寵之待為上客文成以和歸誠先朝封酒  
泉公太安中為濟州刺史甚有稱績徵為內都大官評  
決獄訟不加捶楚察疑獲實者甚多世以是稱之卒贈  
征西大將軍太常卿酒泉王諡曰宣子孫相承不絕

寇讚

欽定四庫全書

南北史合注 卷一百十四

十四

內入諸姓有若口引氏孝文改寇氏不知即此寇否  
字奉國上谷人因難徙馮翊萬年父修之秦王苻堅東  
萊太守讚弟謙有道術太武敬重之故追贈修之安西  
將軍秦州刺史馮翊公諡哀公又贈修之母為馮翊夫  
人及宗從追贈太守縣令侯子男者十六人其臨民者  
七郡五縣

此等爵命可刪存之以見太武信道之濫

讚少以清潔知名身長八尺姿容嚴凝非禮不動秦僕



射韋華州里高達雖年時有異恒以風味相待及華為馮翊太守召為功曹後除襄邑令秦姚泓滅秦雍人千餘家推讚為主歸魏拜河南郡太守後秦雍人來奔河南榮陽河內者戶至萬數拜讚南雍州刺史軹縣侯治於洛陽立雍之郡縣以撫之由是流入襁負自遠而至三倍於前進爵河南公仍刺史分洛豫二州之僑郡益之雖位高爵重接待不倦讚之未貴嘗從相者唐文相文曰君額上黑子入幘位當至方伯封公及其貴也文

欽定四庫全書

南北朝合注 卷一百十四 三五

以民禮拜謂曰明公憶疇昔言乎讚延文生曰往時卿言杜瓊不得官長人咸謂不然及瓊為蓋屋令卿猶言相中不見而瓊果以暴疾未拜而終昔魏舒見主人兒死自知己必至公吾恒以卿言瓊之驗亦復不怠此望也乃賜文衣服良馬讚在州十七年甚收公私譽年老求致仕卒遺令薄葬斂以時服太武悼惜之謚宣穆子元寶襲元寶弟臻年十三遭父憂居喪以孝稱輕財好士獻文末為中川太守時馮熙為洛州刺史政號貪虐

臻附之甚得其意後為弘農太守坐受納為御史所彈遂廢卒於家子祖訓順陽太守祖訓弟治字祖禮兄弟並孝友敦穆白首同居父母亡雖久猶於平生所處堂宇備設幃帳几杖以時節開堂列拜垂涕陳薦若宗廟焉吉凶之事必先啟告遠出反亦如之治宣武末為河州刺史在任數年遇鐵忽反又為城人詣都列其貪狀十六條會赦免之兼廷尉卿又兼尚書畏避勢家承顏候色不能有所執據後蠻反於三鵝為都督追討

欽定四庫全書

南北朝合注 卷一百十四 三六

戰沒贈衛大將軍七兵尚書雍州刺史昌平男治弟雋字祖儻性寬雅有識量好學強記性又廉恕不以財利為心家人曾賣物與人而剩得絹一疋儻於後知之乃曰

周書載儻言曰惡木之陰不可暫息盜泉之水無容誤飲

得財失行吾所不取訪主還之以選為孝文帝挽郎除奉朝請大乘賊起燕趙擾亂儻參護軍事東討以功授



員外散騎侍郎累遷司空府主簿時靈太后臨朝減食祿官十分之一造永寧佛寺令儁典之資費巨萬主吏不能欺隱寺成又極壯麗太后嘉之除左軍將軍孝昌中朝議以國用不足乃置鹽池都將秩比上郎前後居職者多有侵隱乃以儁為之仍主簿永安初華州人史底與司徒楊椿訟田長史以椿勢貴皆言椿直欲以田給椿儁曰史底窮人楊公橫奪其地

觀此一節則魏書所作楊椿傳譽不容口未必皆實

欽定四庫全書

南北史合注 卷一百十四

錄也

若欲損不足以給有餘見使雷同未敢聞命遂以地還底孝莊後知之嘉儁守正不撓拜司馬其附椿者咸責馬二年出為梁州刺史民俗荒獷多為盜賊儁令郡縣為立庠序勸其耕桑教以禮讓數年中風俗頓革梁遣其將曹琰之鎮魏興繼日板築屢擾疆場邊人患之儁遣長史杜林道攻克其城并擒琰之琰之即梁大將軍景宗季弟梁人懼馬屬魏室多故州又僻遠梁知無外

援遂遣大兵頓魏興志圖攻取儁撫厲將士人思効命梁知其得衆弗敢逼儁在州清苦不事產業其子並徒步還吏民送儁留連於道久乃得出界大統三年水魏授儁洛州刺史儁因此謀歸闕五年將家及親屬四百口入闕拜秘書監時軍國草創墳典散逸儁始選置令史抄集經籍四部羣書稍得周備加鎮東將軍封安西縣男十七年加散騎常侍遂稱篤疾不復朝覲孝閔踐作進爵為子武成元年進驃騎大將軍開府儀同三司

欽定四庫全書

南北史合注 卷一百十四

儁年齒雖高志識未衰教授子孫必先典禮明帝尚儁重德特欽賞之數加恩賜思與相見儁不得已入朝常與同席坐顧訪洛陽故事儁身長八尺鬚鬢皓然容止端詳音韻清朗帝與談論不覺屢為前膝及儁辭還帝親執其手曰公年德俱尊朕所欽尚乞言之事所望於公宜數相見以慰虛想以御輿令於帝前乘出顧謂左右曰如此事惟積善者可致何止見重於今亦將傳之萬古時咸以為榮保定三年卒年八十二武帝歎惜之



贈本官加冀定瀛三州諸軍事冀州刺史謚曰元儁篤於仁義期功之中有孤幼者衣食豐約並與之同少為司徒崔光所知光命其子勵與儁結友儁每造光常清談移日小宗伯崔辨以儁業行俱崇待以師友禮每有閒暇輒詣儁謙語彌日恒謂人曰不見西安君煩憂不遣其為通人敬重如此次于奉顛少好學最知名居喪哀毀歷官典祀下大夫小納言瀆澤郡公

鄒範字世則范陽涿鹿人父嵩天水太守範太武時給

欽定四庫全書

南北史合注  
卷一百十四

二十九

事東宮及踐阼追錄先朝舊勳賜爵永寧男後進爵為子為征南大將軍慕容白曜司馬及定三齊範多進策白曜皆用其謀

魏書曰師次無鹽戍主申纂憑城拒守識者皆以攻具未周不宜便進範曰今輕軍遠襲深入敵境無宜淹留且纂必以我軍來速不暇攻圍將不為備今若外潛威形內整戎旅出其非意可一攻而克白曜曰司馬策是遂潛軍偽退示以不攻纂果不設備於是

即夜部分旦便騰城崇朝而克白曜將盡以其民為軍賞範曰齊四履之地世號東秦當遠為經畧今皇威始被民未霑澤連城相望咸有拒守之意宜先信義示之軌物然後民心可懷二州可定白曜曰此良策也乃免之進次肥城白曜將攻之範曰肥城雖小攻則淹日得之無益軍聲失之無損威勢且見無鹽之卒死傷塗地必有懼心若飛書告喻可不攻自服縱其不降亦當逃散白曜乃以書曉之肥城果潰白

欽定四庫全書

南北史合注  
卷一百十四

三十

曜目範於眾曰此行鄉三齊不足定也軍達升城青州刺史沈文秀遣使奉牋歸款請軍援接白曜將遣偏師赴之範曰文秀家在江南擁眾數萬勁甲堅城強則拒戰勢屈則走師未迫之旦夕無患何所畏忌已求援軍且觀其使者詞煩而顏愧視下而志怯幣厚言甘誘我也若進無所取退逼強敵此羝羊觸藩羸角之謂不若先取歷城平盤陽下梁鄒克樂陵然後方軌連鑣揚旌直進何患不壺漿路左哉白曜曰



卿前後策皆不失衷獨今算吾所不取崔道固孤城  
纔能自守盤陽諸戍勢不取野戰文秀自知必亡故  
望風歎服何疑焉範曰歷城足食足兵非可猝拔文  
秀據東陽為諸城根本多遣軍則無以攻歷城少遣  
兵則不足制東陽脫文秀還叛閉門拒守梁鄒諸城  
追擊其後文秀自率大軍還相乘迫腹背受敵進退  
無途願更思審勿入賊計白曜乃止文秀果不降  
遂表為青州刺史進爵為侯累官平東將軍青州刺史

欽定四庫全書

南北史合注 卷一百十四

三十一

假范陽公範前解州還京也夜夢陰毛拂蹀時齊人史  
武進善占夢語範云公豪盛於齊下矣使君臨撫東秦  
道光海岱必當重收全齊再祿營丘範笑答曰吾將為  
卿必驗此夢果如言時鎮將元伊利表範與外賊交通  
孝文詔範曰鎮將伊利表卿造船市玉交通外賊規陷  
卿罪窺觀州任有司推驗虛實自顯有罪者今伏其辜  
矣卿其明為算畧勿復懷疑還朝卒諡曰穆子道元別  
見道元弟道約樸實遲鈍頗愛琴書性多造請好以榮

利干謁乞丐不已多為人笑弄坎壈於世不免饑寒晚  
歷東萊魯陽二郡太守為政清靜吏民安之範弟道峻  
子憚字幼和好學有文才尤長吏幹舉秀才射策高第  
行臺長孫稚引為行臺郎憚頗兼武用恒功名自許每  
進計於稚多見納用以功賞魏昌縣子憚在軍啓求減  
身官爵為父請贈詔授征虜將軍安州刺史憚後與唐  
州刺史崔元珍固守平陽爾朱榮稱兵赴闕憚與元珍  
不從為榮行臺郎中樊子鵠攻陷被害所作文章頗行

欽定四庫全書

南北史合注 卷一百十四

三十一

於世撰慕容氏書不成  
韓秀字白武昌黎人父景皇始初從燕歸魏拜宣威將  
軍騎都尉秀歷尚書郎賜爵遂昌子文成稱秀聰敏清  
辨才任喉舌遂命出納王言并掌機密行幸遊獵隨侍  
左右獻文即位轉給事中參征南慕容白曜軍事延興  
中尚書奏敦煌一鎮介遠西北寇賊路衝慮或不固欲  
移就梁州羣臣會議僉以為然秀獨曰此威國之事非  
關土之宜愚謂敦煌之立其來已久雖隣強寇而兵民



素習循常置戍足以自全若徙就姑臧慮人懷異意或  
貪留重遷情不願徙脫引寇內侵深為國患且敦煌去  
涼州千有餘里捨遠就近遙防有闕一旦廢罷是啟戎  
心夷狄交構互相來往侵竊涼土及近諸戍則關右荒  
擾烽警不息邊役煩興艱難方甚乃徙秀議後為平東  
將軍青州刺史卒子務襲務有吏幹為定州平北長史  
頗有受納為御史中尉李平所劾付廷尉會赦免後除  
龍驤將軍郢州刺史務獻七寶牀象牙席詔曰昔晉武  
欽定四庫全書  
南北史合注  
卷一百十四  
三十三

焚雉頭裘朕常嘉之今務所獻亦此流也奇麗之物有  
乖風素可付其家人後以詐表破賊免官久之拜太中  
大夫卒

堯暄上黨長子人本名鍾葵後賜名暄祖僧賴道武平  
中山首歸國暄聰子美容貌太武以其恭謹擢為中散  
後兼北都尚書時始立三長暄為東道十三州使更比  
戶籍前後從征及出使檢案三十許度皆有克己奉公  
之稱後改置百官再轉大司農卒於平城孝文為舉哀

贈相州刺史初暄至徐州見州城樓觀嫌其華盛往往  
毀徹後更損落及孝文幸彭城聞之曰暄猶可追斬暄  
長子洪襲洪弟子雄字休武少驍果輕財重氣位燕州  
刺史平城縣伯隨爾朱兆與齊神武戰敗於廣阿率所  
部據定州歸神武其從兄傑為兆滄州刺史亦遣使降  
神武以其兄弟俱有誠款使傑便為行瀛州事使雄代  
傑為瀛州刺史進爵為公時禁網踈濶官司相與聚斂  
唯雄義然後取接下以恩甚為吏民所懷魏孝武入關  
欽定四庫全書  
南北史合注  
卷一百十四  
三十四

雄為大都督隨高昂破賀拔勝於穰城仍除豫州刺史  
元洪威據潁川叛人趙繼宗殺潁川太守邵招據樂  
口北應洪威雄討之繼宗敗走城內因雄出據州引西  
魏雄復與行臺侯景討平之梁將李洪芝王當伯襲破  
平鄉城雄並擒之又破梁司州刺史陳慶之

北齊書曰慶之復率眾逼州城雄身被二創壯氣益  
厲慶之敗棄輜重走

慶之復圍南荊州東救未至雄陷其城



北齊書載雄言曰白苟堆乃梁北面重鎮因其空虛  
攻之必拔彼若聞難荆圍自解遂率眾攻之慶之果  
棄荊州來救 愚按北史語意不明必中有脫誤以  
齊書補之乃明

梁以元慶和為魏王侵擾南境雄大破之於南頓尋與  
行臺侯景破梁楚城豫州民上書更乞雄為刺史復行  
豫州事潁州長史賀若統執刺史田迅據州降西魏詔  
雄與廣州刺史趙育揚州刺史是寶隨行臺任祥攻之

欽定四庫全書

南北史合注  
卷一百十四

三十五

西魏將怡鋒敗祥等育寶各還據城降敵雄收散卒保  
大梁周文帝遣其石丞韋孝寬等攻豫州雄都督郭丞  
伯程多寶降之執刺史馮邕并雄家屬及部下妻子數  
千口欲送長安至樂口雄外兵參軍王恒伽都督赫連  
儁等從大梁邀之斬多寶收雄家口還大梁雄別破樂  
口擒丞伯進討懸瓠復以雄行豫州事西魏以是寶為  
揚州刺史據項城義州刺史韓顯據南頓雄一日拔其  
二城擒顯及長史邱岳寶遁走加驃騎大將軍儀同三

司仍隨侯景平魯陽復除豫州刺史雄雖武將性質寬  
厚為政舉大綱而已撫養兵民得其力用在邊十年屢  
有功績愛人物多所施與亦以此稱興和四年卒贈司  
徒諡武恭子師嗣

柳崇字僧生河東解人方雅有器量身長八尺甚美舉秀才  
射策高第解褐太尉主簿轉尚書右外兵郎中時河東河北二郡爭境  
其間有鹽池之饒虞坂之便守宰及民皆恐外割公私  
朋競紛囂臺府考文乃遣崇檢斷官民息訟屬荆郢新

欽定四庫全書

南北史合注  
卷一百十四

三十六

附南寇窺擾又詔崇持節與州郡經畧慰喻還遷太子  
洗馬本郡邑中正累遷河北太守崇初屆郡郡人張明  
失馬疑執十餘人崇見之不問賊事人別指乃溫顏更  
問其親老存否農業多少而微察其辭色即獲真賊呂  
穆等二人餘皆放遣郡中畏服境內帖然卒於官贈岐  
州刺史諡曰穆崇所製文章寇亂遺失子楷身長八尺  
善草書頗涉文史位撫軍司馬

魏書曰崇從父弟元章姿貌魁偉歷官相州東平府



長史屬刺史中山王熙起兵欲除元元章與魏郡太守李孝怡等執熙賜爵猗氏伯除正平太守後靈太后反政削除官爵卒於家

論曰屈尊學藝知機恒乃局量受委張蒲谷渾文武為用人世仍顯不亦善乎公孫表初則一介見知終以輕薄致戾軌始受探金之賞末陷財利之嫌鮮克有終固不虛也張濟使於四方有延譽之美李先學術嘉謀荷過三世賈彝早播時譽秀則不畏強禦實瑾李訢時曰

欽定四庫全書

南北史合注

卷一百十四

三十七

良幹瑾以片言疑似訢以夙故猜嫌皆嬰合門之戮良可悲也韓延之忠于所事有國士之烈表式取遇崔公以博雅重修之晚著誠款唐和萬里慕義冠讚誠信見嘉卿範智器而達韓秀議邊得馭遠之竿克瞻聰察致位禮加存沒柳崇素業有資器行仍世盛矣乎

南北史合注卷一百十四

南北史合注 卷一一五

欽定四庫全書

南北史合注卷一百十五

明李清撰

列傳第十七

北史二十九

陸侯

源

賀曾孫彪 叔雄 玄孫師

劉尼

薛提

陸侯代人曾祖幹祖引世領部落父突道武初帥部人從征伐數有戰功位離石鎮將上黨太守關內侯侯少

欽定四庫全書

南北史合注

卷一百十五

聰慧明元踐祚襲爵關內侯位給事典選部蘭臺事當官無所撓太武征赫連昌詔侯督軍鎮以備柔然與西平安頡攻剋虎牢賜爵建鄴公拜冀州刺史時考州郡惟侯與河內太守邱陳為天下第一轉虎牢鎮大將將平涼休屠金崖羌狄子玉等叛復轉為安定鎮大將追討崖等皆獲之遷懷荒鎮大將末期諸高車莫弗訖懼侯嚴急請前鎮將即孤太武許之徵侯至京朝見言不過周年孤身必敗高車必反帝疑不實切責之以公

六〇一



歸第明年諸莫弗果殺孤叛帝聞大驚召侯問故侯曰  
高車之俗上下無禮無禮之人難為其上臣益以威嚴  
節之憲網欲漸加訓導使知分限而惡直醜正實繁有  
徒故訟臣無恩稱孤之美孤獲還鎮欣其名譽必譏臣  
為失專以寬惠臨之仁恕待之無禮之人易生陵傲不  
過期年無復上下既無上下然後收之以威則人懷怨  
慙怨慙既多敗亂彰矣帝歎曰卿身雖短慮何長也即  
日復除散騎常侍帝征柔然破涼州常隨駕別督輜重

欽定四庫全書

南北史合注  
卷一百十五

又與高涼王那渡河南略地仍遷長安鎮大將與那擊  
破蓋吳於杏城獲吳二叔諸將欲送京侯獨不許曰若  
不斬吳恐長安之變未已一身藏竄非其親信誰能獲  
之若停十萬衆追一人非上策也不如私許吳叔免其  
妻子使自追吳諸將咸曰今獲其二叔惟吳一人何所  
復至侯曰

魏書載侯言曰吳逆背性生今若獲免必誑惑愚民  
稱王者不死為患滋大

諸君不見毒蛇乎不斷其頭猶能為害況除腹心之疾  
而曰必遺其類可乎

魏書曰諸將恐吾二叔不返將不免於罪侯曰此罪  
我為諸君當之

遂舍吳二叔與之期及期吳叔不至諸將咎侯侯曰此  
未得其便必不背也後數日果斬吳以至侯明略獨決  
皆此類也遷內都太官安定盧永劉超等叛帝念侯威  
恩被關中詔加都督秦雍諸軍事鎮長安命以方略定

欽定四庫全書

南北史合注  
卷一百十五

超事入本紀侯遵諭單馬之鎮

魏書曰超等聞之大欣以為無能為也

既至申揚威信示以成敗誘納超女外若姻親超猶無  
降意侯乃率其帳下見超超使人逆曰三百人外當弓  
馬相待三百人內當酒食相供乃將二百騎詣超超備  
甚嚴遂縱酒盡醉而還

魏書曰侯乃謂將士曰超可取也密選精兵五百人  
激厲將士皆願以死從



後偽獵詣超與士卒約曰今會發機當以醉為限俟乃詐醉上馬大呼斬超首士卒應聲縱擊遂平之帝大悅徵拜外都大官文成踐阼以子麗有定策勲進爵東平王薨年六十七謚曰成有子十二人長子馥多智有父風文成見而悅之謂朝臣曰吾常歎其父智過其軀是復踰父矣少為內都下大夫奉上接下行止取與每能逆曉人意與從事者無不愛之興安初賜爵聊城侯出為相州刺史假長廣公為政清平抑強扶弱州中有德

欽定四庫全書

南北史合注  
卷一百十五

四

宿老待以友禮詢之政事責以方略如此者十人號曰十善又簡取諸縣強門百餘人以為假子誘接殷勤賜以衣服令各歸家為耳目於是發奸摘伏事無不驗百姓以為神明無敢劫盜者在州七年家至貧約徵為散騎常侍而士民乞留馥者千餘人獻文不許謂羣臣曰馥之善政雖古人何加賜絹五百疋奴婢十口馥之代還也吏民大斂布帛以遺之馥皆不受民亦不取乃以此物起佛寺名長廣公寺後襲父爵改封建安王時宋

司州刺史常珍奇以懸瓠內附新人猶懷去就馥銜旨撫慰諸有陷軍為婢奴者馥皆免之百姓欣悅民情乃定駕討柔然詔馥為選部尚書錄留臺事及獻文將禪位於京兆王子推任城王雲隴西王源賀並固諫馥抗言曰太子聖德承基四海瞻望不可橫議千國之紀臣請別頸殿庭有死無二久之帝乃解詔曰馥直臣也其能保吾子乎遂以馥為太保與太尉源賀持節奉皇帝璽紱傳位孝文延興四年薨贈以本官謚曰貞馥有六

欽定四庫全書

南北史合注  
卷一百十五

五

子瑋知名瑋字伯琳馥第五子母赫連氏身長七尺九寸甚有婦德馥有以爵傳瑋意瑋年九歲馥謂曰汝祖東平王有十二子我以嫡長承業今已年老屬汝幼冲詎堪為陸氏宗首乎瑋對曰苟非闢力何患童幼馥奇之立瑋為世子馥卒襲爵瑋沉毅少言雅好讀書以功臣子孫累遷祠部尚書司州大中正坐從兄獻事免官景明初守河內郡咸陽王禧謀反令子曇和等先據河內瑋聞禧敗斬曇和首時以瑋不先送曇和禧敗始斬責其通



情徵詣廷尉少卿崔振窮罪狀案瑒大逆陸宗大小咸見收捕會將赦先斃於獄瑒弟凱仍上書訶寬宣武詔復瑒爵凱字智君謹重好學位太子庶子給事黃門侍郎凱在樞要十餘年以忠厚見稱後遇患頓上書乞骸除正平太守在郡七年號為良吏初孝文將議革變舊風大臣並有難色又每引劉方郭祚等與規謀共論政事而國戚舊人謂遂疎已怏怏不平帝令凱私喻之曰至遵但欲廣知前事問其古式耳終不寵彼而相疎也

欽定四庫全書

南北史合注 卷一百十五

六

衆乃稍解及兄瑒陷罪凱亦被收遇赦免凱痛兄死哭無時節目幾失明訶寬不已及復瑒爵凱大喜置酒集諸親曰吾數年抱病忍死者顧門戶計耳今願已遂矣以其年卒贈龍驤將軍南青州刺史謚曰惠長子暉字道暉與弟恭之並有時譽洛陽令賈禎見其兄弟歎曰僕以老年更觀雙璧又嘗兄弟共侯黃門郎孫惠蔚謂諸賓曰不意二陸復在坐暉位尚書右戶三公即坐事免除伏波將軍卒贈冠軍恒州刺史暉擬古急就篇為

悟蒙章及七瑒十醉章表數十篇暉與恭之晚不睦為時所鄙恭之字季順有操尚位荊州刺史贈吏部尚書謚曰懿恭之所著文章詩賦凡千餘篇子粦篤志文學作齊律序位終通直散騎常侍弟寬太子中舍人待詔文林館寬兄弟並有才品議者稱為三武馥弟歸歸孫旭性雅淡好易緯候之學撰五星要決兩儀真圖頗得其指要太和中徵拜中書博士稍遷散騎常侍知天下將亂隱于太行山屢徵不起卒後贈并汾恒肆四州刺史

欽定四庫全書

南北史合注 卷一百十五

七

史子騰字顯聖慷慨有大節從爾朱榮平葛榮以功賜爵清河縣伯周書曰騰尚東萊王貴平女安平公主孝武幸貴平第見騰與語悅之謂貴平曰阿翁真得好婿稍遷通直散騎常侍及孝武西遷時使青州遂留鄴為陽城郡守大統九年大軍東討陽城周書曰時兵威甚盛長史麻休勸騰降不許俱守月餘城乃陷



被執周文釋與語騰盛論東州人物又敘述時事辭理抑揚周文嘆曰卿真不肯本也即拜帳內大都督遷武衛將軍騰既為周文所知思欲立功不願內職及安原賊黃衆寶等作亂攻圍東梁州城中糧盡召騰率軍自子午谷往援騰星言就道與戰大破之軍還拜龍州刺史使通江由路直出南秦

周書載周文謂騰曰卿宜善思經略騰曰臨機制變未敢預陳

欽定四庫全書

南北史合注  
卷一百十五

八

周文謂曰此卿取柱國之日即解所服金帶賜之州人李廣嗣李武等馮據巖險歷政不能制騰密令多造飛梯身率麾下夜襲破之執廣嗣等于鼓下其黨有任公忻圍逼州城請免廣嗣及武彼即散兵請罪騰謂將士曰公忻豎子乃敢邀人吾不殺廣嗣等可謂墮軍實而長寇讐即斬廣嗣及武示以首出兵奮擊盡獲之進位驃騎將軍開府儀同三司進爵上庸縣公陵州木籠獠恃險每行抄劫詔騰討之獠因山為城攻未可拔騰於

城下多設聲樂諸伎示無戰心諸賊果棄其兵仗或挈攜妻子臨城觀樂騰知其無備密令衆軍俱上諸賊不知所為縱兵討擊盡破之周明帝初陵眉等八州夷夏並反攻破郡縣騰率兵討平之及齊公憲作鎮於蜀以騰為隆州刺史令憲入蜀兵馬鎮防皆委騰統攝趙公招代憲復請留之遷隆州總管領刺史保定二年資州石盤人反殺郡守據險自守州軍不能制騰率軍討擊盡破斬之而蠻獠兵所在蠢起山路險阻難得掩襲遂

欽定四庫全書

南北史合注  
卷一百十五

九

量山川形勢隨更開道蠻獠畏威承風請服所開之路多得古銘諸葛亮桓溫舊道是年鐵山獠抄斷內江路使驛不通騰進軍討之

周書曰騰欲至鐵山乃偽還師賊不以為虞騰乘其無備出擊之應時奔潰  
一日下三城招納降附者三萬戶帝以騰母在齊未令東討適有騰親屬自齊還朝晉公護奏令告騰云齊已誅公母兄蓋欲發其怒也騰發哀泣血志在復讐四年



齊公憲與晉公獲東征請騰為副趙公招時在蜀復欲留之晉公護與招書乃令騰馳傳還朝副憲東伐天和初信州蠻蠻據江破叛連結二千餘里又招騰討之騰沿江南而下軍至湯口分道奮擊所向崔破乃築京觀以旌武功涪陵郡守蘭休祖又阻兵為亂方二千餘里復詔騰討之

周書曰當時雖挫其鋒而賊眾既多自夏及秋師老糧盡騰乃激厲眾士復攻拔其魚令城大獲糧儲以

欽定四庫全書

南北史合注 卷一百十五

充軍實又破柵築二城以鎮遏之

巴蜀志定詔樹碑紀績騰自在龍州至是前後破平諸賊凡賞得奴婢八百口馬牛稱是四年遷江陵總管陳遣其將章昭達圍江陵衛王直聞有寇遣大將軍趙閻李遷哲等率步騎赴之並受騰節度時遷哲等守外城陳將程文季雷道勤夜來掩襲遷哲等驚亂不能禦騰夜遣開門奮擊大破之陳人奔潰道勤中流矢斃陳人決龍州寧朔堤引水灌江陵城騰親率將士戰于西堤

破之陳人遁加位柱國進爵上庸郡公建德二年徵拜大司空尋出為涇州總管宣政元年冬卒詔贈太尉公謚曰定子玄嗣騰入關時玄年方七歲仕齊為奉朝請成平令齊平武帝見玄特加勞勉即拜地官府都上士大象末為隋文帝相府內兵參軍復弟麗少以忠謹入侍左右太武特昵之舉動審慎初無僭失賜爵章安子稍遷南部尚書太武崩南安王余立既為中常侍宗愛等所殺百寮憂惶莫知所立麗建大議與殿中尚書長

欽定四庫全書

南北史合注 卷一百十五

孫渴侯尚書源賀羽林中郎劉尼奉迎文武於苑中而立之社稷獲安麗之謀也由是受心膂之任在朝無出其右與安初封平原王麗頓讓

魏書載麗辭曰陛下以嫡統承基奉迎守順臣子之常豈敢昧冒以干大典

不聽乃啟以讓父

魏書載麗辭曰臣父歷奉先朝年至西夕未登王爵願裁過恩聽遂所請



文成曰朕為天下主豈不能得二王封卿父子也以其父侯為東平王麗尋遷侍中撫軍大將軍司徒公復其子孫賜妻妃號麗以優寵既頻固辭不受帝益重之領太子太傅麗好學愛士常以講習為業甚孝遭父憂毀瘠過禮和平六年文成崩先是麗療疾於代郡溫泉聞凶欲赴左右止之曰宮車晏駕王德望素重姦臣若疾民譽慮有不測之禍願少遲回麗曰安有聞君父之喪方慮禍難者便馳赴初乙弗渾恃傲每為不法麗數諍

欽定四庫全書

南北史合注  
卷一百十五

十三

之由是見忌害之謚曰簡陪葬金陵孝文追錄先朝功臣以麗配饗廟庭麗二妻長曰杜氏次張氏長子定國杜氏所生次獻張氏所出定國在襁抱文成幸其第詔養宮內至于游止常與獻文同處年六歲為中庶子及獻文踐祚拜散騎常侍賜封東郡王定國以承父爵辭不許又以父爵讓弟獻乃聽之累遷司空定國恃恩不循法度延興五年坐事免為兵太和初復除侍中鎮南將軍秦益二州刺史復王爵八年卒于州贈以本官謚曰

莊子所之風望端雅襲爵例降為公尚獻文女常山公主拜駙馬都尉歷官有政績轉安北將軍相州刺史卒贈鎮東將軍冀州刺史謚曰惠初定國娶河東柳氏生子安保後娶范陽盧度世女生昕之二室俱舊族而嫡妾不分定國亡兩子爭襲父爵僕射李冲有寵于時與度世子伯源婚親相好遂左右助之昕之由是承襲尚主職位赫奕安保沉廢不免飢寒昕之容貌柔謹孝文以其主壻特垂昵眷宣武時年未四十頻撫三藩昕之卒後母盧過傷而

欽定四庫全書

南北史合注  
卷一百十五

十三

亡公主奉姑有孝稱神龜初與穆氏瑯邪長公主並為女侍中又性不妬以昕之無子為納妾媵而皆育女公主有三女無男以昕之從兄希道第四子彰為後子彰字明遠年十六出後事公主盡禮丞相高陽王雍常言曰常山妹雖無男以子彰為兒乃過自生矣正光中襲爵東都公累遷給事黃門侍郎子彰妻即咸陽王禧女禧誅養於彭城王弟孝莊親之略同諸姊建義初爾朱榮欲循舊事庶姓皆封王由是封子彰濮陽郡王尋



詔罷仍復先爵天平中拜衛將軍潁州刺史以母憂解任元象中以本將軍除齊州刺史又加驃騎將軍行懷州事轉北豫州刺史仍除徐州刺史將軍並如故一年歷三州當世榮之還朝除衛大將軍右光祿大夫行瀛州事尋拜侍中復行滄州事進號驃騎大將軍行冀州事除侍讀兼七兵尚書行青州事子彰初為州以聚歛為事晚節修改自行青冀滄瀛甚有時譽加以虛已納物人敬愛之除中書監卒贈開府儀同三司謚文宣子

欽定四庫全書

南北史合注 卷一百十五

古

彰宗好道術曾嬰重病藥中須桑螵蛸子彰不忍害物遂不服其仁如此教訓六子印印字雲駒少機悟美風神好學不倦博覽羣書五經多通大義善屬文甚為河間邢邵所賞邵又與子彰交游嘗謂子彰曰吾以卿老蚌出明珠意欲為羣拜紀可乎由是名譽日高雅為搢紳所推起家員外散騎侍郎歷中書舍人兼中書侍郎以本職兼太子洗馬自梁魏通和歲月交聘印每兼官謙接在席賦詩印必先成雖未盡工以敏速見美除中

書侍郎修國史以父憂去職居喪盡禮哀毀骨立詔以本官起文襄時鎮鄴嘉其至行親詣門慰勉之印母魏上庸公主初封藍田高明婦人也甚有志操印昆季六人並主出故邢邵常謂人云藍田生玉固不虛矣主教訓諸子皆以義方雖創巨痛深出于天性然動依禮度亦母氏之訓焉印兄弟相率廬墓側負土成墳朝廷嗟尚發詔褒揚改其所居里為孝終里服竟當襲不忍嗣侯使迄未應受齊天保初常山王薦印罷幹文宣面授

欽定四庫全書

南北史合注 卷一百十五

十五

給事黃門侍郎遷吏部郎中上洛王思宗為清都尹辟為邑中正食貝邱縣幹遭母喪哀慕毀悴殆不勝喪遂至沈篤頓伏牀枕又成風疾第五弟搏遇疾臨終謂其兄弟曰大兄厄病性至慈愛搏死日必不得使大兄知之哭泣聲必不可聞徹致有感動家人至於祖載方告之印聞而悲痛一慟便絕年四十八印自在朝篤慎周密不揚人短不伐已長言論清遠有人倫鑒裁朝野甚悲惜之贈衛軍青州刺史謚曰文所著文章十四卷行



于世齊之郊廟諸歌多印所制子又字旦襲爵始平侯  
又聰敏博學有文才年十九司州秀才歷通散騎侍郎  
待詔文林館兼散騎侍郎迎陳使還加通直散騎常侍  
又于五經最精熟館中謂之石經人為之語曰五經無  
對有陸又印第五弟駿自中書舍人歷黃門侍郎卒於  
東廣州刺史駿弟杳字雲邁亦歷中書舍人黃門常侍  
秦州刺史武平中為寇所圍經百餘日就加開府儀同  
三司城中多疫癘死者過半人無異心遇疾卒及城陷  
欽定四庫全書

南北史合注  
卷一百十五

去

陳將吳明徹以杳有善政吏民所懷故陳主還其屍家  
累貨物無所犯贈開府儀同三司尚書僕射杳弟騫字  
雲儀亦歷中書舍人黃門常侍武平末吏部郎中騫弟  
彥師字雲房少以行檢稱及長好學解屬文魏襄城王  
元旭引為參軍事以父喪去職哀毀不勝喪與兄印廬  
於墓次鄉人重之皆就墓側存問晦朔之際車馬不絕  
中書令河間邢邵表薦之未報後歷中外府東閣祭酒  
兄印當襲父始平侯以彥師昆弟中最幼表請讓封彥

師固辭而止世稱友悌孝義總萃一門為中書舍人通  
直散騎侍郎每陳使止必高選主客彥師所接對者前  
後六輩歷中書黃門侍郎後以不阿宦者遇讒出為中  
山太守有惠政數年徵入累官給事黃門侍郎武平末  
駕如晉陽北平王貞鎮鄴彥師掌留臺機密以重慎見  
知周武帝平齊授下大夫轉少納言賜爵臨水縣男及  
隋文為丞相彥師遇疾請假還鄴尉遲迴將起兵彥師  
知之將妻子潛歸長安文帝嘉之及受禪累遷尚書左  
欽定四庫全書

南北史合注  
卷一百十五

去

丞進爵為子彥師素多病乞解所職聽以本官就第歲  
餘轉吏部侍郎隨承周制官無清濁彥師在職凡所仕  
人頗甄別士庶論者美之後復以病出為汾州刺史卒  
官獻字思弼  
魏書曰母張氏字黃龍本宗宮人以賜麗生獻  
年十餘襲爵撫軍大將軍平原王沉雅好學折節下士  
年二十時人便以宰輔許之娶東徐州刺史博陵崔鑒  
女時孝文尚未改北姓鑒謂所親云平原王才度不惡



但恨其姓名重複獻婚自東徐還經鄴見李彪甚敬悅之仍與趣京以為館客後為北征都督擊柔然大破之遷侍中都曹尚書時柔然又犯塞詔獻討之追至石磧禽其帥赤阿突等數百人還遷尚書左僕射領北部尚書十六年降五等爵以麗勲著前朝封獻鉅鹿郡公尋為使持節鎮北大將軍尚書令衛將軍討柔然大破之而還以母憂解孝文將南伐以本官起授征南將軍獻固辭請終情禮勅有司敦喻不許復除使持節都督恒

欽定四庫全書

南北史合注 卷一百十五

六

州刺史行尚書令時車駕南征上表諫

魏書載獻表曰蕭鸞竊據江左惡盈罪稔取亂攻昧誠在茲日但長江浩蕩彼之巨防又南土昏霧鬱蒸師人經夏必多病疾而鼎遷草創庶事南適臺省無論政之館府寺靡聽治之所且兵徭並舉聖主所難今介胄之士外攻仇寇羸弱之夫內勤土木運給之費日損千金驅罷兵討堅城將何以取勝陛下往冬之舉正欲曜威江漢耳自春幾夏理宜釋甲願索旌捲

旆為持久之方崇成帝居深重本之固修理華區諷風洛浦布仁化以綏近播恩施以懷遠乘流而下勢勝萬倍豈必茲年競斯尺寸

帝不從獻又表請車駕還代親臨太師馮熙葬坐削都督三州諸軍事尋進號征北大將軍以有順遷之表加邑四百戶時穆秦為定州刺史以疾請恒州自効乃以獻為定州刺史未發遂與秦等同送賜死獄中聽免孥戮徙其妻子遠西

欽定四庫全書

南北史合注 卷一百十五

九

魏書載孝文與僕射李冲領軍于烈曰陸獻元丕與卿等俱受非常之語許以不允思保大義豈謂無心一至於斯獻反逆自負違誓在彼不關朕也反逆既異餘犯雖欲矜恕未如之何然猶憶先言聽自死別府免厥孥戮丕二子一弟首為賊端其父理在可觀隱而弗窮以連坐應死特恕為民朕本期有終而被自棄卿等忽及今日違心乖念一何可悲故此別示想無致怪也謀反之外皎如白日耳冲烈皆上表謝



獻長子希道字洪度有風貌美鬚髯歷覽經史頗有文致初拜中散遷直郎坐父事徙遼西後得還從征自効効以軍功賜爵淮陽男累遷前將軍郢州刺史希道善馭邊甚有威略轉平西將軍涇州刺史卒官贈撫軍將軍定州刺史希道長子士懋天平中以其曾祖麗有翼戴之勲詔特復鉅鹿郡公令士懋襲位營州刺史

魏書曰希悅弟希質累官建州刺史爾朱榮死世隆率眾北還晉陽希質固守拒之城陷以妻元氏係榮

欽定四庫全書

南北史合注 卷一百十五

三

妻兄孫獲免孝靜時官至都官尚書卒謚曰文

麗季弟麒麟麒麟孫操字仲志高簡有風格早以學業知名雅好文操仕魏兼散騎常侍聘梁使還為廷尉卿齊文襄為世子甚好色崔季舒為掌媒焉

愚按季舒鮮恥如此猶使以殿君逆臣冒忠諫名可乎

薛氏真書妻元氏有色迎入欲通之元氏正辭且哭世子季季舒逆付廷尉罪之操曰廷尉守天子法須知罪

狀世子怒召操命刀環築之更令科罪操終不撓乃口責之後徙御史中丞天保中卒於殿中尚書高貴弟孟遠孟遠孫爽字開明少聰敏年九歲就學日誦二千餘言齊尚書僕射楊愔見而異之曰陸氏世有人仕齊位中書侍郎齊滅周武帝聞其名與陽休之袁叔德等俱徵入關諸人多將輜重爽獨載數千卷書至長安投宣納上士隋文帝受禪頻遷太子洗馬與左庶子宇文愷等撰東宮典記七十卷朝廷以其博學有口辯陳人至

欽定四庫全書

南北史合注 卷一百十五

三

境常令迎勞卒官贈上儀同宣州刺史子法言敏學有家風釋褐承奉郎初爽之為洗馬常奏文帝云皇太子諸未有嘉名請依春秋義更立名字帝從之及太子廢帝追怒爽曰我孫製名寧不自解陸爽乃爾多事扇惑於勇亦由此人其身雖故子孫並宜屏黜不齒法言竟坐除名

源賀西平樂都人私署河西王禿髮儁檀子儁檀為乞伏熾盤所滅賀自樂都奔魏賀偉容貌善風儀太武素



聞其名及見器其機辯賜爵西平侯謂曰卿與朕同源因事分姓今可為氏

愚按道武改拔氏為長孫太武改禿髮氏為源皆孝孝文改虜姓為華姓之見端

從擊叛胡白龍又討吐京胡皆先登陷陣以功進號西平將軍賀征涼州以為嚮道問攻戰計賀曰姑臧城外有四部鮮卑各為之援然皆臣祖父舊人臣願軍前宣國威信必相率請降外援既服攻其孤城拔之如反掌

欽定四庫全書

南北史合注 卷一百十五

三五

耳帝曰善乃遣賀招慰下三萬餘落及圍姑臧因無外慮故得專力攻之涼州平常以功進爵西平公又從征柔然擊五城北京胡討蓋吳諸賊皆有功拜散騎常侍從駕臨江為前鋒大將善撫士卒加有料敵制勝之謀賀為人雄果每遇強寇輒自奮擊帝深誠之賀本名破羌是役也帝謂曰立名宜保其實何可濫也賜名賀拜中尚書南安王余為宗愛所殺賀部勒禁兵靜邊外內與南部尚書陸麗決議定策翼戴文成令麗與劉尼馳

詣苑中奉迎賀守禁中為內應俄麗抱文成單騎至賀乃啟門及即位以定策勲進爵西平王及班賜百僚勅賀任意取之辭以江南未賓漠北不款府庫不宜致匱固使取之唯取之馬一疋時斷獄多濫賀上書曰按律謀反之家子孫雖養他族追還就戮欣以絕罪人之類彰大逆之辜其為劫賊應誅者兄弟子侄在遠道隔關津皆不坐竊惟先朝制律之意以不同謀非絕類之罪故特垂不死之詔若年十三已下家人首惡計所不及

欽定四庫全書

南北史合注 卷一百十五

三五

可原其命没入官帝納之出為冀州刺史改封隴西王既受除上書曰臣聞人之所寶莫寶於生全德之厚者莫厚於宥死然犯死之罪難以盡恕權其輕重有可矜恤今勅寇游魂於北狡賊負嶮於南其在疆場猶須戍防自今非大逆赤手殺人之罪其坐贓及盜與過誤之愆應入死罪者皆原命謫守邊境是則已斷之體更可受生成之恩徭役之家漸蒙休息之惠刑措之化庶幾在茲帝嘉納之已後入死者皆恕死徙邊久之帝謂郡



臣曰昔源賀勸朕宥諸死刑徒充藩諸戍自爾至今今  
一歲所活殊為不少濟命之理既多邊戍之兵有益苟  
人人如賀朕何憂哉賀臨州詢獄以情徭役簡省清約  
寬裕甚得人心時武邑郡姦人石華吾沙門道可與賀  
謀反有司以聞文成曰賀保無此乃精加訊檢華果引  
証乃遣使慰勉之顧左右曰以賀忠誠尚致誣謗不若  
是者可無慎乎時孝殿最賀政為上第賜衣馬器物班  
宣天下後徵拜太尉柔然寇邊賀從駕討破之獻文將

欽定四庫全書

南北史合注  
卷一百十五

二五

傳位京兆王子推時賀都督諸軍事屯漠南乃馳傳徵  
賀賀至正色固執不可即詔持節奉皇帝璽綬授孝文  
是歲河西叛勅遣賀討之多所降破賀依古今兵法及  
先儒者舊說略採至要為十二陳圖上之獻文覽而嘉  
焉又都督三道諸軍屯漠南時每歲秋冬遣軍三道並  
出以備北寇至春中乃班歸賀以勞役京都又非禦邊  
長計乃上言請募諸州鎮有武勇者三萬人復其徭賦  
厚加賑恤分為三部二鎮之間築城城置萬人給強弩

十二牀武衛三百乘弩一牀給年六頭武衛一乘給牛  
二頭多造馬槍及諸器械使武略大將二人鎮撫之冬  
講武春種植並戍並耕則兵未勞而有盈蓄矣又於白  
道南三處立倉運近州鎮租粟充之足食足兵以備不  
虞於事為便不可歲常舉衆事寢不報上書稱病乞骸  
再三許之朝大有議皆就詢訪又給衣藥珍羞太和元  
年二月療疾於溫湯孝文文明太后遣使屢問消息太  
醫視疾患篤還京師乃遣令諸子曰吾頃以老患辭事

欽定四庫全書

南北史合注  
卷一百十五

三五

不悟天慈降恩爵逮于汝汝其母恹恹母荒急母奢越  
母嫉妬疑思問言思審行思恭服思度過惡揚善親賢  
遠佞目觀必真耳屬必正忠勤事君清約臨已吾終後  
所葬時服單積足申孝心擄靈明器一無用也三年卒  
贈侍中太尉隴西王印綬謚曰宣賜輜輶車及命服溫  
明祕器陪葬金陵長子延性謹厚少好學賜爵廣武子  
卒贈侯謚曰簡延弟思禮後賜名懷謙恭寬雅有大度  
文成末為侍御史散父賀辭老詔授父爵後持節督諸



軍屯於漢南柔然甚憚之還除殿中尚書出為長安鎮將雍州刺史清儉有惠政善撫恤劫盜息止後拜殿中尚書加侍中參都曹事又都諸軍以征柔然六道大將咸受節度遷尚書令參議律令後例降為公除司州刺史又從駕南征加衛大將軍領中軍事以母憂去職駕幸代詔使者甲尉宣武景明二年除尚書左僕射加位特進時詔以姦吏犯罪每多逃遁肆情乃出並皆釋然自今犯罪不問輕重藏竄者悉皆遠流若永避不出兄

欽定四庫全書

南北史合注 卷一百十五

五

弟代徒懷乃奏曰謹按條制逃吏不在赦限竊惟聖朝之恩事異前宥諸流徙在路尚蒙旋返況有未發而仍遣邊戍案守宰犯罪逃亡者衆祿潤既優尚有茲失及蒙恩宥卒然得還今獨苦此等恐非均一法書奏門下以成式既班駁奏不許懷重奏曰臣以為法貴經通政尚簡要刑憲之設所以網羅罪人苟理之所備不在繁典伏尋條制勲品以下罪發逃亡遇恩不赦仍流妻子雖欲抑絕姦途匪為通式謹按事條侵官敗法專據流

外豈九品已上人皆貞白也其諸州守宰職任清流至有貪濁事發逃竄而遇恩免罪勲品以下獨乖斯例如此則寬從上流法切下吏育物有差惠罰不等又謀逆滔天經恩尚免吏犯微罪獨不蒙赦使大宥之經不通開生之路致墮進違古典退乖今律輒率愚見以為宜停任奏宣武納之其年除車騎大將軍涼州大中正

魏書載懷表曰蕭寶卷肆厥淫昏月滋日甚內外離心其雍州刺史蕭衍勒兵東襲上流之衆已逼其郊

欽定四庫全書

南北史合注 卷一百十五

五

廣陵京口鍾離淮陰皆觀望得失秣陵孤危制不出門斯實天啟之期乘厥蕭牆之釁藉其分崩之隙東據歷陽兼指瓜步緣江鎮戍達于荆郢則江西吳會指期可舉若蕭衍克就上下同心非直後圖為難寶亦揚境圍逼何則壽春去建鄴七百而已山川水陸彼所諳利脫江湘無波君臣效職藉水憑舟倏忽而至壽春容不自保江南將若之何今寶卷邑居有土崩之形邊城無繼援之志清蕩江區實在今日後以



行事克遂傳

懷又表曰昔太武皇帝升遐南安在位出拜東廟為賊臣宗愛所賦時文成皇帝龍潛內苑宗愛異圖神位未立先臣賀與長孫渴侯陸麗等奉迎文成纂徽寶命麗以扶負聖躬親所見識蒙授撫軍司徒公平原王興安二年追論定策勲進先臣爵西平王皇興季年獻文皇帝將傳位京兆王先臣時屯武川被徵詣京特見顧聞先臣固執不可久乃許之遂命先臣持節授璽綬于孝

欽定四庫全書

南北史合注  
卷一百十五

三

文皇帝至太和十六年麗息獻狀秘書稱其亡父與先臣援立文成朝廷追錄封獻鉅鹿郡開國男臣時伏草土不容及例至二十年除臣雍州刺史臨發奉辭面奏先帝申先臣舊勲時蒙勅旨但赴所臨尋當別判至二十一年駕幸雍臣復陳聞時蒙勅旨征還當授自官車晏駕遂爾不申竊惟先臣遠則援立文成寶歷不墜近則陳力獻文神器有歸麗以父功獲山河之賞臣有家勲不霑葬土之錫得否相懸請垂裁處詔授北馮翊郡

開國公食邑九百戶又詔為使持節加侍中行臺巡行

北邊六鎮恒燕朔三州賑給貧乏兼採風謠考論殿最事之得失先決後聞自京師遷洛邊朔遙遠加以連年旱儉百姓困弊懷銜命撫導存恤有方便宜轉運有無通濟時后父子勁勢傾朝野勁兄子祚與懷宿通婚時為沃野鎮將頗有受納將入鎮祚迎郊道左懷不與相聞即劾祚免官懷朔鎮將元尼須與懷少舊亦貪穢狼籍置酒請懷曰命之長短由卿之口懷曰今日之集乃

欽定四庫全書

南北史合注  
卷一百十五

三

懷與故人飲酒之坐非詢獄之所明日公庭始為使人檢鎮將罪狀之處尼須揮淚而已既而懷表劾尼須其奉公不撓皆此類

魏書曰懷以北蕃連年災旱惟有水田少可蓄畝請依地令給細民先貧後富無令主將參僚專擅使美又言邊圉事勢實少畿服請主帥史佐五分減三詔從之

時百姓為豪強侵壓積年枉滯一朝見申屠日有百數



所上事宜便于北邊者凡三十餘條皆見嘉納正始元年九月有告柔然率十二萬騎六道並進欲直趣沃野懷朔南寇恒代詔懷以本官任使持節侍中出據北蕃指授規略隨須徵發諸所處分皆便宜從事又詔懷子直寢徵隨懷北行詔賜馬一匹細鎧一具御稍一枚懷拜受既訖乃于其庭跨鞍執稍躍馬大呼顧謂賓客曰氣力雖衰尚得如此蠕蠕雖畏壯輕老我亦未便可欺今奉廟勝之規總驍捍之衆足以擒其首帥獻俘闕下

欽定四庫全書

南北史合注 卷一百十五

三

耳時年六十一懷至雲中柔然亡遁旋至恒代乃按視諸鎮左右要害之地可以築城置戍處皆量其高下揣其厚薄及糧積仗之宜大牙相救之勢凡表五十八條宣武並從之

魏書載懷表曰蠕蠕不羈遊魂烏集水草為家歷代驅逐莫之能制皇魏平城威震天下今定鼎成周去去北遙遠戎馬甲兵十分闕八庶事蕩盡謂宜準舊鎮東西相望令形勢相接築城置戍分兵要害勸農

積粟一旦警急隨便翦討且北方沙漠夏乏水草時有小泉不濟大眾脫有非意要待秋冬因雲而動若至冬日冰沙凝厲游騎之寇不敢攻城亦不敢越城南出如此則北方無憂矣宣武從之今北鎮諸戎東西九城是也

卒贈司徒公謚曰惠

冊府元龜曰太常寺議懷體尚寬柔器操平正宜依謚法柔直考終曰靖司徒府議懷作收陝西民欽惠

欽定四庫全書

南北史合注 卷一百十五

三

化入總端二朝列歸仁宜依謚法布德執義曰穆詔曰府寺所執並不克允愛民好與曰惠可謚惠公懷性寬簡不好煩碎恒語人曰為政貴舉大綱而已如為屋但外望高顯楹棟平直足矣斧斤不平非屋病也性不飲酒而喜以飲人好接賓客雅善音律雖在白首宴居之暇常自操絲竹子子邕字靈和少好文雅篤志于學推誠待士士多歸之累遷夏州刺史時沃野鎮人破六韓拔陵首叛統萬逆徒與相應接子邕嬰城自守



城中糧盡煮馬皮食之子邕善綬撫無有離貳以饑饉  
轉切欲自出求糧留子延伯據守

魏書曰延伯初為司空參軍事適南秦民吳富反詔  
以河間王琛為都督而延伯亦隨叔子恭西討戰必  
先鋒子恭見其年幼常呵制之不能禁也子雍在夏  
州表乞兵援詔迎伯帥羽林千人赴之城鬪戰野勇  
冠三軍子雍向東夏留延伯城守延伯與軍士共分  
湯菜防固城隍及子雍為胡執延伯乃人人曉諭曰

欽定四庫全書

南北史合注  
卷一百十五

三十三

吾父凶吉不測方寸焦亂實難裁割但奉命守城若  
以私害公則誠孝並闕諸君幸得此心無虧所寄於  
是衆感其義莫不勵奮朝廷嘉之除龍驤將軍行夏  
州事封五城縣男還國子卒能固守及後刺史至延  
伯率領義勇還赴子雍在甄堂橋戰先鋒陷陣身擒  
維摩及至白冰首推阿非已從子雍至都進爵浮陽  
伯後假冠軍將軍別將隨子雍北征與葛榮戰沒時  
年二十四贈持節平北將軍涼州刺史愚按延伯忠

義若此北史削其傳云何

寮屬僉云未棄城俱去更展規略子邕泣請于衆不曰  
吾世荷國恩此吾死地更欲何求所患乏糧耳遂自率  
羸弱向東夏運糧延伯與將士逆出城哭而拜辭三軍  
莫不嗚咽子邕為朔方胡帥曹阿各拔所邀力屈被執  
乃密遣人齎書問行與城中云大軍在近汝其奉忠勿  
移其操子邕雖被囚束雅為胡人所敬常以民禮事之  
子邕為陳安危禍福之端勸阿各拔令降將從之未果

欽定四庫全書

南北史合注  
卷一百十五

三十三

死拔弟桑生代總部衆竟隨子邕降時北海王顥為大  
行臺子邕具陳諸賊可滅狀顥給子邕兵令其先出時  
東夏合境叛所在屯結子邕專戰而前九旬中凡數十  
戰乃平東夏徵稅租粟運糧統萬二夏漸寧及蕭寶寅  
等為賊所敗關右騷擾時子邕新平黑城遂率士馬并  
夏州募義人鼓行南出賊帥康維摩守鋸谷斷紹顯堂  
橋子邕與戰大破之擒維摩又攻破賊帥契官斤于楊  
氏堡出自西夏至于東夏轉戰千里至是朝廷始得委



問除兼行臺尚書復破賊帥統單步胡提于曲沃孝明  
璽書勞勉之子邕在白水郡破賊率宿勤明達子阿非  
軍多所斬獲除給事黃門侍郎封樂平縣公以葛榮久  
逼信都詔子邕為北討都督相州刺史安樂王鑿據鄴  
反勅子邕與都督李神軌先討平之改封陽平縣公遂  
與斐衍發鄴討葛榮而信都城陷除子邕冀州刺史與  
斐衍俱進

魏書載子邕表曰賊中甚饑專仰野掠今朝廷足食

欽定四庫全書

南北史合注 卷一百十五

三十四

兵卒飽暖高壁深壘勿與爭鋒彼求戰不得野掠無  
獲不盈數旬可坐制凶醜時斐衍復表求行詔子邕  
與俱進子邕重表固請謂苟逼固行取敗旦夕詔不  
聽

子邕戰敗而歿贈司空謚莊穆子邕弟子恭字靈順聰  
敏好學稍遷尚書北主客郎攝南主客事時梁亡人許  
周自云梁給事黃門侍郎朝士咸共信待子恭奏以為  
真偽難辯

魏書載子恭奏曰徐州表托化人許圓并其弟周等  
究其牒狀自稱蕭衍黃門侍郎又稱心存山水不好  
榮宦因爾歸國願畢志嵩嶺若如所言初屈之日即  
應杖策尋山負帙沿水而乃廣尋知已遍造執事希  
榮之心已見逃官之志安在昔梁鴻去鄉終傭吳會  
逢萌浮海遠客遼東並全志養性逍遙而已考之事  
實何其懸哉

請下徐揚二州密訪周果以罪歸闕詐假職位如子恭

欽定四庫全書

南北史合注 卷一百十五

三十五

所疑河羌却鉄忠反詔子恭為行臺討之子恭嚴之勒  
諸軍不得犯民一物輕與賊戰然後示以威恩兩旬間  
悉降朝廷嘉之正光元年為行臺左丞巡北邊轉為起  
部郎中明堂辟雍並未建就子恭上書求加經綜  
魏書曰子恭言今諸寺大作稍以粗舉並可撤減專  
事經綜使祖宗有薦配之期蒼生觀禮樂之富  
書奏從之稍遷豫州刺史頗以軍功加鎮南將軍兼尚  
書行臺北海王顥入洛加子恭車騎將軍子恭不敢拒



而頻遣間使參孝莊動靜未幾顥敗駕還洛錄前後征討功封臨潁縣侯侍中及爾朱榮被誅世隆度律斷據河橋詔子恭為都督討之尋太府卿李苗夜焚河橋世隆退走以子恭兼尚書僕射為大行臺大都督

魏書曰爾朱兆率衆南出子恭所部都督史仵龍羊文義開柵降兆子恭退走為所敗兆因入洛子恭竄於維氏仍被執送俄見釋

節閔初以預定策勲封臨汝縣子孝武時入為吏部尚

欽定四庫全書

南北史合注  
卷一百十五

三

書以子恭前在豫州戰功追賞襄城縣男又論餘劾封新城縣子以授其子天平三年拜魏尹卒贈司空公謚文獻子彪字文宗學涉機警少有名譽魏永安中以功賜爵臨潁縣伯天平四年為涼州大中正及齊文襄攝選沙汰臺郎以文宗為尚書祠部郎中皇建二年累遷涇州刺史文宗以恩信待物甚得邊境之和為隣人欽服前政被抄掠者多被放遣累遷秦州刺史乘傳之府特給後部鼓吹

北齊書曰文宗為治如在涇州時

時李貞聘陳陳主去齊朝還遣源涇州來瓜步真可謂通和矣武平三年授秘書監陳將吳明徹寇淮南歷陽瓜步相尋失守趙彥深于起居省密訪文宗討捍之計文宗曰國家待遇淮南失之同于蒿箭耳謂宜以淮南委王琳琳于曇瑱不肯北面事之明矣

北齊書載文宗言曰如文宗計者不過專委王琳淮南招募三四萬人風俗相通能得死力且琳于曇瑱

欽定四庫全書

南北史合注  
卷一百十五

三七

必不肯北面事之若不推赤心于琳別遣餘人則掣肘便成速禍

彥深曰此誠良圖但爭來十日已不見從時事如此安可盡言因相顧流涕及齊平與陽休之等十八人入京授儀同大將軍司成下大夫隋開皇中拜莒州刺史遇病去官卒文宗以貴族子弟升朝列才識敏贍以幹局見知然好游貴要門時論以為善附會師字踐言少知名明辯有識悟尤以吏事自許仕齊為尚書左外兵郎



中又攝祠部後屬孟夏以龍見請雩時高阿那肱為錄尚書事謂為真龍出見大驚喜問龍所在云作何顏色師整容云此龍星初見依禮當雩祭郊壇非謂真龍別有所降阿那肱忿作色曰漢兒多事強知星宿祭事不行師出竊歎曰國家大事在祀與戎禮既廢也其能久乎齊亡無日矣尋周武平齊授司賦上士隋文受禪累遷尚書左丞以明幹著稱時蜀王秀頗違法度乃以師為益州總管司馬俄秀被徵秀恐京師有變將謝病師

欽定四庫全書

南北史合注 卷一百十五

三九

數勸之不可違命秀作色曰此我家事何預卿也師垂涕苦諫

隋書載師諫曰比年以來國家多故庶人二十年天子相次淪廢秦孝王寢疾奄至堯殂聖情何以堪今有勅追王又遷延未去內外疑駭若發雷霆之詔降一介之使王何以自明

秀乃從徵秀發後州官屬多相連坐師以此獲免後加儀同三司煬帝即位拜大理少卿帝在顯仁宮勅宮外

衛士不得輒離士守有一主帥私令衛士出外帝付大理師據法奏徒帝令斬之師奏曰若陛下初便殺之自可不關文墨既付有司義歸恒典脫宿衛近侍更有此犯將何以加之帝乃止師居職強明有口辯而無廉平之稱卒于刑部侍郎子恭弟纂以太府少卿遇害河陰纂子雄字世略少寬厚美姿容初仕魏歷位秘書郎私

欽定四庫全書

南北史合注 卷一百十五

三九

隋書曰屬其父為高氏所殺雄脫身逃變姓名西歸長安周太祖見而器之賜爵隴西公觀此則上文所云纂遇害河陰誤宜正之

在周以伐齊功封朔方公歷檢校徐州總管及尉遲迥起兵時雄家累在湘州迥潛以書誘之雄卒不顧隋文帝遺書慰勉之迥遣其將畢義緒據蘭陵席毘陷昌慮下邑雄遣眾悉平之陳人見中原多故遣其將蕭摩訶任蠻奴等侵江北自江陵東距壽陽民多應之攻陷城鎮雄與吳州總管于顛等擊走之悉復故地進位上大將軍拜徐州總管遷朔州總管



隋書曰突厥來寇掠雄輒捕擊之深為北夸所憚

平陳之役從秦王俊出信州道陳平以功進位上柱國

賜子崇爵端氏縣伯褒為安化縣伯復鎮朔方後歲上

表乞骸微還京師卒于家子嵩嗣大業中為尚書虞部

郎討北海賊力戰死之贈正議大夫

劉尼代人父妻為冠軍將軍尼勇果善射太武見而喜

之拜羽林中郎賜爵昌國子宗愛既殺南安王余於東

廟祕之唯尼知狀尼勸愛立文成愛自以負罪景穆驚

欽定四庫全書

南北史合注  
卷一百十五

四十一

曰君大癡人皇孫若立豈忘正平時事乎尼曰若爾立

誰愛曰待還宮擇諸王子賢者立之尼懼其有變密以

狀告殿中尚書源賀時與尼俱典兵宿衛仍共南部尚

書陸麗謀密奉皇孫

魏書載尼賀與麗謀曰宗愛立南安復殺之今不奉

戴皇孫以從民望社稷危矣麗從之

於是賀與尚書長孫渴侯麗兵守衛尼與麗迎文成苑

中麗抱文成于馬上入京城尼馳還東廟大呼曰宗愛

殺南安王大逆不道皇孫已登大位有詔宿衛之士皆

可還宮眾咸喝萬歲賀及渴侯即執宗愛賈周等勒兵

入奉文成于宮門外入登永安殿以尼為內行長封東

安公尋遷尚書右僕射為定州刺史在州清慎文成未

為司徒獻文即位以尼有大功先朝特加尊重賜別戶

四十皇興四年駕北征帝親誓眾而尼昏醉兵陣不整

帝以其功重特恕之免官而已延興四年卒于社生襲

薛提太原人皇始中累遷晉王丞衛兵將軍冀州刺史

欽定四庫全書

南北史合注  
卷一百十五

四十二

封太原公有政績徵拜侍中攝都曹事太武崩祕不發

喪尚書左僕射蘭延侍中和延等議以皇孫幼冲宜立

長君徵秦王翰置之祕室提曰皇孫世嫡民望所係春

秋雖少令問聞于天下廢所宜立而更別求君必不可

延等未決中常侍宗愛知其謀矯皇后令徵提等入殺

之文武即位以提有謀立之誠詔提弟浮子襲先爵太

原公有司奏降為侯

論曰陸侯以智識見稱馥乃不替風範雅仗名節自立




功名其傳芳銘典豈徒然也麗忠國奉主鬱為棟梁資忠履義赴難如歸世載克昌名不虛得獻秀以沉雅顯達何末亦披猖子彰令終之美家聲孔振印及彥師俱以孝為本出處之譽並可作範人倫爽學業有聞亦人譽也源賀堂堂非徒武節觀其翼佐文成廷抑禪讓殆社稷之臣懷幹略兼舉出內馳譽繼迹賢孝不墮先業子邕功立夏方身亡冀野彪著名齊朝師雄官成隋代美矣劉尼忠國豈徒驍猛之用薛提正議忠謀見害姦

欽定四庫全書

南北史合注 卷一百十五

閻痛乎



南北史合注卷一百十五



欽定四庫全書

南北史合注卷一百十六

明李清撰

北史三十



劉昶

蕭贊

蕭正表

蕭祇

欽定四庫全書

南北史合注 卷一百十六

蕭退

蕭泰

蕭撫

蕭圓肅

蕭大園

司馬休之字季豫河內溫人晉宣帝季弟譙王進後晉渡江後進子孫襲封譙王至休之父恬為鎮北將軍青兗二州刺史天興五年休之為荊州刺史被桓玄逼逐遂奔南燕慕容德及玄誅還建業復為荊州刺史休之頗得江漢民心子文思繼允尚之為譙王謀圖劉裕裕



執送休之令為其所休之表廢文思并與裕書陳謝神  
瑞中裕收休之子文寶兄子文祖并殺之乃討休之休  
之與魯宗之及宗之子軌起兵討裕

宋書載休之上表晉帝曰臣聞運不常一治亂代有  
昔篡臣四逆皇綱絕紐太尉臣劉豫首建義旗除蕩  
元凶皇居反正布衣匹夫臣復社稷南勦盧循北定  
廣固千載以來功無與等既位傾台牧權傾人主不  
能以道處功情在無上刑戮逆濫政用暴苛問鼎之

欽定四庫全書

南北史合注  
卷一百十六

迹日彰人臣之禮頓缺陛下四時御膳觸事懸空皇  
后寢疾之際湯藥不周皆朝士所聞見莫不憤歎口  
不敢言前揚州刺史元顯第五息法興因桓玄之釁  
逃遠于外王路既開始得歸本某以法興聰敏明慧  
民望所歸內懷憎惡妄扇異言大司馬臣德文及王  
妃公主情計切逼狼狽請命誓不矜許寬酷之痛感  
動行路又以庶孽與德文嫡婚致茲非偶實由威逼  
故衛將軍劉毅右將軍劉藩前將軍諸葛長明尚書

僕射謝混南蠻校尉郗僧施皆社稷輔弼無辜夸戮

猜忍之性終古所希臣自惟門戶哀破相其獲存事

盡祇順再授荊州輒苦陳告屢求解任必不見聽臣

兄子譙王文思性好文遊未知防遠羣醜交構為其

風聲裕遂剪戮人士遠送文思臣順其旨表送章節

請廢文思改襲太宗遣息文寶送女東歸自未推誠

奉順理不過此豈意包藏禍心遂見討伐如惡文思

構生罪與尋裕舉此非有怨憎正以臣王室之幹位

欽定四庫全書

南北史合注  
卷一百十六

居藩岳時賢既盡惟臣獨存規以剪滅成其篡殺今

荆雍義徒不召而集子來之衆其會如林蓋七廟之

靈理貫幽顯使然臣親御大衆出據江津棄甲抗威

隨宜應赴絳旗所指唯裕兄弟父子而已

兵敗

續安帝紀曰休之初奔南燕燕主慕容超欲害之而

休之不知休之所乘驢馬忽連鳴不食注目視鞍休

之試被之即不動訖還牀坐馬又驚跳因試騎視馬



即驟出纜出門外奔馳數里休之顧望所住收者已至遂南奔還荊州加馬楊武之號

與子文思及宗之奔秦姚興裕滅姚泓休之與文思及晉河間王子道賜等數百人皆將妻子降長孫嵩卒贈征西大將軍右光祿大夫始平公謚曰聲文思與淮南公國璠池陽子道賜不平而偽親之國璠性疎直因醉欲外叛文思告之皆坐誅以文思為廷尉賜爵鬱林公文思善於其職聽斷不得匿其情進爵譙王位懷荒鎮

欽定四庫全書

南北史合注 卷一百十六

將卒

魏書曰子彌陀襲爵以選尚臨涇公主辭以先取毗陵公竇瑾女生事誅 愚按彌陀有宋弘風雖已見竇瑾傳仍錄之亦以見國璠等冥報固然

司馬楚之字德秀晉宣弟太常植八世孫父榮期晉益州刺史為其參軍楊承祖所殺

庾信作楚之曾孫裔神道碑稱楚之為會稽王道子次子元顯幼弟讀此乃知其誤

楚之時年十七送父喪還丹陽會劉裕誅夸司馬氏叔父宣期兄真之並遇害楚之乃逃匿諸沙門中濟江至汝穎間楚之少有英氣能折節待士及宋受禪規欲報復收衆據長社歸之者常萬餘人宋武深憚之遣刺客沐謙圖害楚之楚之待謙甚厚謙夜詐疾知楚之必來欲因殺之楚之聞謙病果自齋湯藥姓省之謙感其意出匕首于席下以狀告遂委身事之其推誠信物得士心皆比類也明元末山陽公奚斤略地河南楚之遣使

欽定四庫全書

南北史合注 卷一百十六

請降

魏書曰楚之自言白衣無以制人乞蒙偏俾之號假以唱義

授荊州刺史斤既平南河以楚之所率民戶分置汝南汝陽南頓新蔡四郡以益豫州太武初楚之遣妻子內居鄴尋徵入朝授安南大將軍封琅邪王以拒宋師賜前後部鼓吹破宋將到彥之別軍于長社又與官軍安頓攻拔滑臺擒宋將朱修之李元德及東郡太守申謨



俘萬餘人土疏求更進討

魏書載疏曰陛下神旌所指莫不推服其未賓者為宋為己宜掃清東南使濟濟之風被於江漢

帝以兵久勞不從以散騎常侍徵還宋將裴方明胡崇之寇仇池楚之與淮南公皮豹子等督關中諸軍擊走方明擒崇之平仇池而遷駕征柔然楚之與濟陰公盧中山等督運以繼大軍時鎮北將軍封杏亡入柔然說令擊楚之以絕糧運柔然乃遣覘楚之軍截驢耳而去

欽定四庫全書

南北史合注  
卷一百十六

六

有告失驢耳者楚之曰必覘賊截之為驗耳賊將至矣乃法柳為城灌水令凍城立賊至不可攻逼乃走散帝聞而嘉之尋拜假節侍中鎮西大將軍開府議同三司雲中鎮大將朔州刺史在邊二十餘年以清儉著聞及卒贈征南大將軍領護西戎校尉揚州刺史謚真王陪葬金陵楚之尚諸王女河內公主生子金龍少有父風後襲爵歷官吏部尚書卒贈司徒公謚康王金龍初納太尉隴西王源賀女生子延宗次纂次悅後娶沮渠氏

生子徽亮即河西王沮渠牧犍女太武妹武威公主所生也有寵于文明太后故以徽亮襲例降為公坐連穆

秦罪失爵卒悅字慶宗歷豫州刺史時有汝南上蔡董毛奴齎錢五千死於道路郡縣人疑張堤為劫又于堤家得錢五千堤懼掠自証言殺至州悅觀色察言疑其不實引見毛奴兄靈之謂曰殺人取錢當時狼狽應有所遺得何物靈之曰惟得一刀削悅取之視曰此非里巷所為名州內刀匠示之有郭門前曰此刀削門手所

欽定四庫全書

南北史合注  
卷一百十六

七

作去歲賣與郭入董及祖悅收及祖詰之及祖款引靈之及于及祖身上得毛奴所衣皂襦及祖伏法悅察獄多此類俄與鎮南將軍元英攻克義陽詔改梁司州為郢州以悅為刺史

魏書曰蕭衍豫州刺史馬仙琕等于三關南六十里因山起石為行墩以精卒三千戍之又于關南四十里起城關南之民多懷兩望悅掩擊敗之盡火其城樓儲積并擒戍將



改豫州刺史論前勳封漁陽子永平元年城入白早生  
謀為叛遂斬悅首送梁詔揚州移購悅首贈青州刺史  
謚曰莊子肱襲肱子鴻生通西魏賜死肱弟裔裔字尊  
眉少孤有志操起家司徒府參軍事後為員外散騎常  
侍

周書曰魏孝武西遷裔時在鄴潛歸鄉里

大統三年大軍復弘農乃于温城起義送款歸西魏與

東魏頻戰多所克獲六年授北徐州刺史八年率義眾

欽定四庫全書

南北史合注  
卷一百十六

入朝周文嘉之特蒙賞勞頃之河內有四千餘家歸附

並裔鄉舊命領河內郡守安集流民十五年周文令山

東立義諸將等能率眾入關者並加重賞裔領戶千室

周文欲以封裔裔辭曰立義之士遠歸皇化皆其誠心

內發豈裔能率之乎今以封裔便是賣義士以求榮非

所願也周文善而從之授都督拜其妻元氏為襄城郡

公主周孝閔踐祚進爵琅琊縣伯明帝四年為御正中

大夫進爵為公大軍東討裔與少師楊稟守軹關即授

懷州刺史天和初隨上庸公陸騰討信州反蠻冉令賢  
等裔自開州道入先遣使宣示禍福

周書曰蠻首冉三公等二十餘城皆來降附進次雙

城蠻首向寶勝等據險自固向天王等為其外援裔

晝夜攻圍腹背受敵自春至秋五十餘戰寶勝力屈

乃降又拔籠東一城獲天王等

羣蠻率服厯信潼二州刺史六年徵拜大將軍除西寧

州刺史未及部卒於京裔性清約不事生產所得俸祿

欽定四庫全書

南北史合注  
卷一百十六

並散親戚死之日家無餘財宅宇卑陋喪庭無所詔為

起祠堂贈本官加泗州刺史謚曰定子侃祠侃少果勇

未弱冠便從戎位樂安郡守以軍功加驃騎大將軍開

府儀同三司遷兗州刺史未之部卒贈本官加豫州刺

史謚曰惠子運嗣金龍弟躍字寶龍尚趙郡公主拜駙

馬都尉代兄為雲中鎮將拜朔州刺史假安北將軍河

內公表求罷河西苑封丐民墾殖有司執奏此苑麋鹿所

聚太官取給若以丐民惧有所闕躍固請考文從之還



為祠部尚書大鴻臚卿潁川王師卒楚之父子相繼雲  
中朔土感其威德司馬氏桓玄劉裕之際歸北者又有  
司馬景之叔璠天助位並崇顯

景之晉汝南王亮後明元時歸闕賜爵蒼梧公加征南  
大將軍清直有節操卒贈汝南王子師子襲景之兄準  
以太常末歸魏封新安公除廣寧太守改密陵侯卒子  
安國襲

叔璠晉安平獻王孚後父曇之晉河間王桓玄劉裕之

欽定四庫全書

南北史合注  
卷一百十六

際叔璠與兄國璠奔南燕慕容超後投秦姚泓泓滅奔

夏赫連勃勃統萬平兄弟俱入魏賜國璠爵淮南公

魏書曰國璠賜爵淮南公卒無嗣爵除史糾駁之曰

前文思傳已云坐誅至此又似善終豈如絳市之囚

閱日復蘇耶北史削之有以矣

叔璠爵丹陽侯

天助自云晉剽騎將軍元顯子歸闕封東海公屢破宋  
軍多所圍獲歷青兗二州刺史從駕北征役于陣

劉昶字休道宋文帝子

愚按宋武以下子孫盡為蕭道成所屠僅存此一派  
于魏者幸也

宋封義陽王位徐州刺史及廢主子業立疑昶有異志  
和平六年遂委妻母携妾具氏間行降魏

魏書曰具氏作丈夫服結義從六十餘人間行來降  
在路多叛隨昶至者二十許人昶畧覽子史前後表  
啟皆其自製

欽定四庫全書

南北史合注  
卷一百十六

朝廷加重之尚武邑公主拜侍中征南將軍駙馬都尉

封丹陽王歲餘主薨更尚建興長公主皇興中宋明帝

使至獻文詔昶與書為兄弟式明帝不答責昶以母為

其國妾宜如春秋荀瑩對楚稱外臣禮尋赦昶更為書

辭曰臣若改書事為二敬猶修往文彼所不納請亭今

答朝廷從之拜外都坐大官公主復薨更尚平陽長公

主昶好犬馬愛武事入魏歷紀猶布衣皂冠同凶素服  
然呵罵僮僕音雜夷夏雖在公坐諸王每侮弄之或戾



手齧臂至于痛傷笑呼之聲聞于御聽孝文每優假之不以怪問至奏本國事故語及征役所則斂容涕泗悲動左右而天性偏躁喜怒不恒每至威忿楚朴特苦引待南士禮多不足緣此人懷畏避太和初轉內都坐大官及齊詔昶與諸將南伐

魏書載詔曰卿宗廟不血食朕矜忿兼懷今率甲卒以伐逆豎氣穢既清即胙卿江南以興業

路經徐州哭拜其母舊堂哀感從者乃徧循故居處處

欽定四庫全書

南北史合注 卷一百十六

十三

隕涕左右莫不酸鼻及至軍所將臨陣四面拜諸將士自陳家園滅亡蒙朝廷慈覆辭切理至聲氣激揚涕泗橫流三軍咸為感歎後昶恐水雨方降表請還師從之又加儀同三司領儀曹尚書于時改革朝儀詔昶與蔣少遊專主其事昶條上舊世略不遺亡

魏書曰高祖引見宣文堂昶啟曰臣萬里奔波投蔭皇闕大恥未雪痛愧纏心願處臣邊戍以雪私恥雖死之日猶生之年悲泣良久高祖慰諭之以昶女為

卿君

孝文臨宣文堂引武興王楊集始入宴詔昶曰集始邊方一首不足當諸侯之禮但王者不遺小國之臣况藩垂之主故勞公卿於此又為中書監開建五等封昶齊郡公加宋王號十七年孝文臨經武殿大儀南伐語及劉蕭篡奪昶悲泣不已帝亦為流涕禮之彌崇十八年除使持節都督吳越楚彭城諸軍事大將軍開府鎮徐州昶頻表辭大將軍詔不許及發帝親餞之命百僚賦

欽定四庫全書

南北史合注 卷一百十六

十三

詩贈昶又以文集一部賜昶帝因以御製示之曰時契勝殘事鍾文業雖則不學欲罷不能脫思一見故相示雖無足味耶復為一笑耳其重昶如是自昶背彭城至是久矣齋宇山池並尚存立昶更修繕處其中不能綏邊懷物撫接義故而閨門喧猥內外奸雜舊吏莫不能嘆預營墓于彭城西南與三主公同塋異穴發石累之墳崩壓殺十餘人後復移改公私費害十八年昶朝京師孝文臨光極堂大選曰國家昔在恒代隨時制宜非通



世長法或言惟能是寄必不拘門朕以為不然何者清濁同流混齊一等君子小人名品無別此殊不可我今八族以上士人品第有九九品之外小人之官復有七等若苟有其人可起家為三公正恐賢才難得不可止為一人混為典制故令班鏡九流使千載後庶幾我等髮像唐虞卿等依稀元凱及論大將軍帝曰劉昶即其人也後給班劍二十人死於彭城孝文為舉哀給溫明秘器贈假黃鉞太傅領揚州刺史加以殊禮備九錫給

欽定四庫全書

南北史合注  
卷一百十六

十四

前後部羽葆鼓吹依晉琅琊王仲故事謚曰明昶嫡子承緒主所生少尪疾尚孝文妹彭城長公主為駙馬都尉先昶卒承緒子輝

本史作暉今改從魏書

為世子襲封尚宣武第二姊蘭陵長公主主嚴妬輝嘗私幸主侍婢有身主笞殺之剖其孕子節解以草裝實婢服裸示輝輝忿憾遂疎薄主主姊因入聽講言其故于靈太后太后救清河王懌窮其事與高陽王雍廣平

王懷奏其不和狀請離婚削除封位太后從之主在宮內歲雍等屢等聽復舊義太后流涕送主誠令謹救正光初輝又私淫張陳二氏女主更不檢忌主姑陳留公主共相扇獎與輝復至忿諍輝推主墜狀手足歐蹈主遂傷胎輝懼罪逃逸太后召清河王懌決其事二家女斃答付宮兄弟皆坐鞭刑徒配敦煌為兵主因傷致薨太后痛主受輝頓辱隱忍不言乃親臨慟哭舉哀太極東堂出葬城西太后親送數里盡哀而還後執輝河內

欽定四庫全書

南北史合注  
卷一百十六

十五

溫縣幽于司州將死死刑會赦免後復其官爵遷征南將軍中散大夫卒家遂頽衰無復可紀

愚按劉昶三傳而頓衰猶有遺種否令人思宋武功與宋文仁

蕭贊字德文本名綜初梁武滅齊廢主東昏侯寶卷官人吳氏始孕匿不言及生贊梁武以為己子封豫章王及長學涉有才思其母告以實贊晝則談諛夜則銜悲涕泗



詳見南史

有濟陰苗文寵安定梁話者贊曲加禮接割血自誓布以心腹寵話感其情義深相然諾會元法僧以彭城叛入梁梁武命贊都督江北諸軍事鎮彭城時孝明遣安豐王延明臨淮王或討之贊與寵話奔走延明孝昌元年秋屆於洛陽陛見後就管舉哀追服三載寶寅時在關西遣使觀察問其形貌斂眉悲感朝廷賞賜豐渥禮遇隆厚授司空封高平郡公丹陽王及寶寅反贊怖欲

欽定四庫全書

南北史合注 卷一百十六

六

有子在魏無後  
蕭正表梁武帝弟臨川王宏子封山陰縣侯位北徐州刺史鎮鍾離正表長七尺九寸雖質貌豐美而性理短諳初梁武未有子以正表兄西豐侯正德為子焉及自有子正德歸本私懷忿憾以正光三年背梁奔魏以其人才庸劣不禮焉尋逃歸梁武不之罪封臨賀王侯景將濟江知正德有恨密與交通許推為主正德以舟迎之景渡江攻揚州正表聞正德為景所推盤桓不赴援

欽定四庫全書

南北史合注 卷一百十六

七

景尋以正表為南充州刺史封南郡王正表遂于歐陽立柵斷梁援軍南充州刺史南充王蕭會理遣兵擊破之正表走還鍾離以武定七年據州內屬封蘭陵郡王尋除侍中太子太保開府議同三司卒贈司空公謚昭烈子廣壽  
蕭祗梁武帝弟南平王偉子少聰敏美容儀梁封定襄縣侯位東揚州刺史時江左承平政寬人慢祗獨蒞以嚴切梁武悅之遷北兖州刺史太清二年侯景圍建業



祇聞臺城失守遂來奔以武定七年至鄴齊文襄令委  
收邢邵與相接對歷太子少傅領平陽王師封清河郡  
公齊天保初授右光祿大夫領國子祭酒時梁孝元平  
侯景復與齊通好文宣欲放祇等南還俄西魏克江陵  
遂留鄴卒贈中書監車騎大將軍揚州刺史子放字希  
逸隨祇至鄴祇卒放居喪以孝文所居廬室前有二慈  
烏來集各據一樹為巢自午以前馴庭飲啄午後更不  
下樹每臨時舒翅悲鳴全似哀泣家人伺之未嘗有闕

欽定四庫全書

南北史合注  
卷一百十六

六

時以為之孝之感服闋襲爵武平中待詔文林館放性  
好文詠頗善丹青因在宮中披覽書史及近世詩賦監  
畫工作屏風等雜物見知遂被眷待累遷太子中庶子  
散騎常侍

蕭退梁武帝弟司空鄴陽王恢子梁封湘潭侯位青州  
刺史建業陷與從兄祇俱入東魏齊天保中位金紫光  
祿大夫卒子慨深沉有体表好學善草隸書南士中稱  
為長者歷著作佐郎待詔文林館卒子司徒從事中郎

蕭泰亦恢子梁封豐城侯位譙州刺史侯景襲臨之被  
執尋逃至江陵梁元平侯景以泰為兼太常卿桂陽內  
史未至郡屬于謹平江陵以泰為郢州刺史王琳襲泰  
泰以州輸琳時陳武執政徵為侍中不就乃奔齊為永  
州刺史保定四年大將軍權景宣畧地河南泰遂歸西  
魏以名犯周文諱稱字焉開府儀同三司封義興郡公  
授蔡州刺史政存簡惠深為吏民所安卒官子寶嗣寶  
美風儀善談笑未弱冠名重一時隋文輔政引為丞相

欽定四庫全書

南北史合注  
卷一百十六

五

府典籤開皇中至吏部侍郎後坐太子勇事誅時人寃之  
蕭撫字智遐梁武帝弟安成王秀子性溫裕有議表梁  
封永豐縣侯東魏遣李諧盧元明使梁梁武以撫辭令  
可觀令兼中書侍郎受幣賓館歷黃門侍郎累遷東巴  
西梓潼二郡守及侯景作亂武陵王紀稱尊號時宗室  
在蜀惟撫一人封撫秦郡王紀率眾東下以撫為尚書  
令征西大將軍都督益州刺史守城都又令揚州刺史  
揚乾運守潼州周文知蜀兵寡弱遣大將軍尉遲迴總



衆討之迴入劍閣長驅至城都見兵不滿萬人而倉庫空竭于是率文武於益州城北共迴升壇歃血立盟以城歸魏恭帝元年授侍中開府儀同三司封歸善縣公周閔踐祚進爵黃台郡公武成中明帝令諸文儒于麟趾殿校定經史仍撰世譜搆亦豫焉尋以母老病請在外著書詔許之保定元年授禮部中大夫又以歸款功別賜食多陵縣五百戶收其租賦三年出為守以禮讓為本嘗至元日獄中囚繫悉放歸家聽三日赴獄主者

欽定四庫全書

南北史合注 卷一百十六

三

爭之搆曰昔王長虞延見稱前史吾竊懷景行以之獲罪彌所甘心諸囚並依限至吏民稱其惠化秩滿回還部人季漆等三百餘人乞留更兩載詔雖不許甚嘉美之及搆入朝屬置露門學武帝以搆與唐瑾元偉王褒等四人俱為文學博士搆以母老表請歸養私門

周書載搆表曰臣聞出忠入孝理深人紀昏定晨省事切天經臣母妾褚年過養禮乞解今職侍奉私廷臣披款歸朝十有六載報淺涓埃方辭闕庭屏跡閭

里低徊擊幕戀棟兼深

帝弗許尋母憂去職歷少保少傅改封蔡陽郡公卒武帝舉哀正武殿贈使持節大將軍大都督少傅兼益州刺史謚曰襄搆善草隸書名亞王褒算數醫方咸亦留意所著詩賦雜文數萬言頗行于世子濟少仁厚頗好屬文為東中郎將從搆入朝周孝閔踐祚除中外府記室後至蒲陽郡守

欽定四庫全書

南北史合注 卷一百十六

三

蕭圓肅字明恭梁武帝孫武陵王紀子風度淹雅敏而好學紀稱尊號封宜都王除侍中紀下峽令圓肅副蕭搆守城都及尉遲迴至與搆俱降授開府儀同三司侍中封安化縣公周明初進棘城郡公以歸款勳別賜食思君縣五百戶收其租稅後拜咸陽郡守寬猛相濟甚有政績周武時改授太子少傅作少傅箴

周書載箴曰惟王建國辨方正位左史記言右史記事莫不援立太子為皇之貳是以易稱明兩禮云上嗣東序養德正方主罷東伐就學宵雅更肆朝讀百



篇乙夜乃寐愛月惜力寸陰無棄視膳再飯寢門三  
至小心翼翼大孝蒸蒸謀謨計慮問對凝丞安樂必  
敬無忘戰兢夫天道溢謙人道惡盈漢嗣不絕於馳  
道魏儲回環于鄴城前史攸載後世揚名三善既備  
萬國以真姬周長久實賴元良羸秦短祚誠由少陽  
雖卜年七百有德過歷而昌數世萬一無德不及而  
亡敬之敬之天維顯思光副皇極永固洪基觀德審  
諭受告職司

欽定四庫全書

南北史合注  
卷一百十六

三

太子見而悅之致書勞問歷司宗中大夫進大將軍隋  
開皇初受貝州刺史以母老請歸就養許之卒于家有  
文集十卷又撰時人詩筆為文海四十卷廣堪十卷淮  
海離亂志四卷行於世

蕭大園字仁顯梁簡文帝第二十子幼聰敏年四歲能  
誦三都賦及孝經論語七歲居母喪便有成人性梁大  
寶元年封樂梁郡王丹陽尹屬景侯試簡文大園潛遁  
獲免景平歸建業時表亂後苦無所依寓居善覺佛寺

或告王僧辨乃給舟餼得往江陵梁孝元見之甚為喜  
悅賜以越衫胡帶改封晉熙郡王除琅邪彭城二郡太  
守時大園兄汝南王大封等猶未通謂孝元性忌刻甚  
恨望之乃使大園召之大園即日曉諭兩兄相維出謂  
梁元乃安之大園恐讒生屏絕入事門容左右不過三  
兩人不妄遊狎兄弟間止賤疏而已恒以讀詩禮易為  
事孝元嘗自問五經要事數十條大園詞約指明應答  
無滯孝文歎美之因曰昔河間好學爾既有之臨淄好

欽定四庫全書

南北史合注  
卷一百十六

三

文爾亦兼之然有東平為善彌高前載爾當效焉及于  
謹軍至孝元令大封充使請和大園副之其實質也出  
至軍所信宿孝元降魏恭帝二年大園至長安周文以  
客禮侍之保定二年封大封為晉陵縣公大園始寧縣  
公

冊府元龜載詔曰蕭大封大園梁國子孫宜加厚禮  
式分茅土實允舊章

尋加大園車騎大將軍儀同三司俄開麟趾殿詔集學



士大園預焉梁武帝集四十卷簡文集九十卷各止一本江陵平並藏秘閣大園入麟趾方得見之乃手寫二集一年並畢識者稱歎之大園深信因果心安開放嘗云拂衣褰裳無吞舟之漏網掛冠懸節慮我志之未從倘獲展禽之免有美慈明之進如蒙比叟之放實勝濟南之徵其故何哉夫閭閻有優遊之美朝廷有簪佩之累蓋由來久矣留侯追蹤于松子陶朱成術于辛文良有以焉况乎智不逸羣行不高物而欲辛苦一生何其辟

欽定四庫全書

南北史合注 卷一百十六

也豈如知足知止蕭然無累北山之北棄絕人間南山之南超踰世網面修原而帶流水倚郊甸而枕平臯築蝸舍于叢林構環堵于幽薄近瞻烟霧遠睇風雲藉纖草以蔭長松結幽蘭而援芳桂仰翔禽于百仞俯泳鱗於千尋果園在後開窓以臨花卉蔬圃居前坐簷而看澁畦三頃以供饘粥十畝以給絲麻侍兒五三可充絳織家僮數四足代耕耘沽酪牧羊協滯生之志畜雞種黍應莊叟之言獲菽尋汜氏之書露葵徵尹君之錄烹羔豚

而介春酒迎伏臘而候歲時披良書採至蹟歌纂慕唱烏烏可以娛神可以散慮有朋自遠揚權古今田唆相過劇談稼穡斯亦足矣樂不可支永保性命何畏憂責豈若感足入絆申頸就羈遊帝王之門趨宰衡之勢不知飄塵之少選寧覺年祀之斯須萬物營營靡存其意天道昧昧安可問哉嗟乎人生若浮朝露寧俟長繩繫景寔所願言

愚按周書人生若浮下有雲字繫景作繫量實所願

欽定四庫全書

南北史合注 卷一百十六

言作實不願之與北史不同 執燭夜遊驚其迅邁百年幾何擊跪曲拳四時如流倪眉躡足出處無成語默奚當非直丘明所恥抑亦宣尼恥之建德四年除滕王迺友迺問大園曰吾聞湘東王作梁史有之乎餘傳乃可抑揚帝既奚若隱則非實記則襄羊對曰言之妄也如使有之亦不足怪昔漢明為世祖紀章帝為顯宗紀殷監不遠足為成例且君子之過如日月之食彰于四海安得隱之子為父隱直在其



中諱國之惡抑又禮也適大笑後大軍拔晉州或問大  
園師遂克否對曰高歡昔以晉州肇基偽迹本既拔矣  
能無亡乎所謂君以此始必以此終居數月齊果滅聞  
者以為知言隋開皇初拜內史侍郎卒于西河郡守撰  
梁舊事三十卷寓記三卷士喪儀注五卷要決兩卷并  
文集二十卷大封位開府儀同三司陳州刺史

論曰諸司馬以亂亡歸命楚之最可稱乎其餘碌碌而  
以往代遺緒並當位遇可謂幸矣劉昶猜疑懼禍蕭贛

欽定四庫全書

南北史合注  
卷一百十六

三

亡破之餘並潛骸竄影委命上國俱稱曉了盛當位遇  
雖有枕戈之志終無鞭墓之成昶諸子狂疎喪其家業  
寶贛背恩忘義梟獍其心蕭贛臨鞭脫身晚去讐賊寵  
祿頓臻顛覆旋至信吉凶相倚也梁氏云季子弟奔亡  
正表動不由人胡彥之甚祇退秦搗圓蕭大園等雖羈  
旅異國而終享榮名非素有茲基懷文抱質何能至此  
方武陵擁衆東下任搗以蕭何君臣之道既篤家園之  
情亦隆金石不足比其心河水不足明其誓及魏軍至

城下旬日而智力俱竭委金湯不守舉庸蜀來王若見  
機而作誠有之矣守節沒齒則未可焉

欽定四庫全書

南北史合注  
卷一百十六

三

南北史合注卷十六



欽定四庫全書

南北史合注卷一百十七

明 李清 撰

列傳第十九

北史三十一

盧 玄 玄孫思道 昌街 元明 潛

盧 柔 子儉 盧 觀 弟仲宣 叔彪 從子文偉 景裕弟辨 光

盧 同 子斐 兄子景裕 光從弟勇

盧 誕

欽定四庫全書

南北史合注 卷一百十七

盧玄字子真范陽涿人父邈仕慕容氏以儒雅稱神麤四年太武辟召天下儒儒以玄為首授中書博士遷侍郎本州大中正使北燕主馮弘稱臣請附外兄司徒崔浩每與言輒歎曰對子真使我懷古之情更深浩大欲齊整分倫人明姓族玄曰創制立事各有其時樂為此者詎幾人所宜三思浩雖無以異之竟不納浩敗頗亦由此後以散騎常侍使宋宋文帝與言嘉難良久曰中郎卿曾祖也玄曾祖諶曾為晉劉琨從事中郎故云還

遇疾卒贈平東將軍幽州刺史固安侯諡曰宣子度世字子遷幼聰達有計數為中書學生應選東宣弱冠與從兄遐俱以學行為時流所重崔浩特敬遐位至尚書光祿大夫范陽子度世後以浩事棄官逃高陽鄭罷家罷匿之使者囚罷長子

長子義俠惜逸其名

將加搆楚罷誡之曰君子殺身成仁汝雖死勿言子奉父命遂被拷掠至火焚其體物故卒無所言度世後令

欽定四庫全書

南北史合注 卷一百十七

弟娶罷妹以報其恩太武臨江宋文使其殿上將軍黃延年至帝問曰盧度世坐崔浩親逃命江表應已至彼延年對曰都下無聞當必不至帝詔東宮赦度世宗族逃亡籍沒者度世乃出拜中書侍郎襲爵與安初進爵為侯後除散騎侍郎使宋應對宋侍中柳元景失表還被禁劾經年乃釋除濟州刺史州接邊境將士數相侵掠度世禁勒所統還其俘鹵二境以寧後坐事免尋除青州刺史未拜卒諡曰惠四子淵敏祖尚之初玄有五



子唯度世嫡餘皆別生崔浩之難其庶兄弟恒欲害之  
當時盧族既以崔浩姻親被累何以止及嫡度世而  
不及其庶兄弟猶得欲害之此律殊不可解

度世常深忿憾及度世有子每誠絕妾孽以防後患至  
淵兄弟婢妾生子雖形邈相類皆舉不接為識者所非  
淵字伯源小名揚烏性溫雅寡欲有祖父風敦尚學業  
閨門和睦累加秘書監本州大中正時孝文章立馮后  
先問淵淵請更簡卜帝曰以先后之姪朕意已定淵曰

欽定四庫全書

南北史合注  
卷一百十七

三

雖奉敕如此然臣心實有未盡及朝臣集議執意如前  
馮誕有盛寵深以為恨淵不以介懷及孝文議伐齊淵  
表萬乘親戎轉運難繼詔雖不從優之

魏書載淵表曰臣周覽篇籍自魏晉前未有皇輿親  
御六軍決勝行陣者勝不足為武不勝虧威德昔魏  
武以敵卒一萬而素紹土崩謝玄以步兵三千而苻  
堅无解勝負不由衆寡成敗在於須臾若用田豐之  
謀則生制孟德矣况萬乘親戎轉漕難繼千里饋糧

士有饑色不若命將簡銳蕩滌江右詔曰遠惟承平  
之主所以不親戎者英君或以同軌無征庸君或緣  
志劣寢伐今喻之英皇則非類比之庸后則有惡脫  
元極不宜親駕先王何以有草輅之戎曹孟德勝表  
有德義內主苻永固瓦解緣立政未至非敵卒力强  
十萬衆寡也今用仁義之師審觀成敗經畧付之臨  
機足食寄之蕭相將希混一何得委人也

欽定四庫全書

南北史合注  
卷一百十七

四

六千號三萬徐行而進未經三旬賊衆逃散降者數萬  
口惟梟首惡餘悉不問

資治通鑑曰北地民支酉聚衆數千起兵於長安城  
北石山遣使告梁州刺史陰智伯秦州民王廣亦起  
兵應之攻執魏刺史劉藻秦雍間七州民皆響應衆  
至十萬各守堡壁以待齊至魏河王南幹引兵擊之  
為所敗酉進至咸陽北濁谷穆亮與戰又敗知伯遣  
軍主席德仁等將兵數千與相應接酉等進向長安



盧淵等拒擊大破之降者數萬口淵唯誅首惡餘悉不問獲百廣並斬之

詔兼侍中初淵年十四嘗詣長安將還餞送者五十餘人別於渭北有相扶風人王遠

魏書作王伯達

曰諸君皆不如盧郎雖位不副實然聲名甚盛望踰公輔後二十餘年當制命關右願不相忘此行也相者年過八十乃詣軍門請見言叙平生未幾守儀曹尚書及

欽定四庫全書

南北史合注 卷一百十七

五

齊雍州刺史曹虎請降以淵為使持節安南將軍督前鋒諸軍徑赴樊鄧淵辭以儒生不諳軍事帝不許淵曰臣恐曹虎為周防耳虎果偽降淵乃進攻赭陽師敗坐免官爵尋遭母憂服闋兼太尉長史後為徐州京兆王愉兼長史愉時年少事無巨細多決於淵淵以誠信御物甚得東南民和南徐州刺史沈陵密謀叛

魏書曰陵在邊歷年陰結既廣二州人情咸相扇惑淵覺之屢表聞朝廷不納陵果逃叛陵之餘黨被見報

送淵皆撫而赦之惟歸罪於陵衆心乃安景明初卒於秘書監贈幽州刺史謚曰懿初謚父志法鍾繇書子孫傳業累世有能名至選以上兼善草跡淵習家法伐京宮殿多其所題白馬公崔宏亦善書世傳衛瓘體魏初工書者崔盧二門淵與李冲特相交善冲重淵門風淵私冲才官故結為婚姻往來親密淵荷孝文意遇頗亦由冲淵八子長子道將字祖業應襲先世固安伯爵而讓第八弟道舒詔不許

欽定四庫全書

南北史合注 卷一百十七

六

魏書載詔曰長嫡承重禮之大經何得輒授也

道將引清河王國常侍韓子熙讓弟米魯陽男之例乃許之道將涉獵經史風氣寒誇頗有文才為一家後來之冠諸父並敬憚之彭城王勰任城王澄皆虛衿相待勰為中軍大將軍辟行參軍累遷燕郡太守道將下車表樂毅霍原墓為立祠優禮儒生厲勸學業教課農桑墾田歲倍卒於司徒司馬贈太常御謚曰獻所為文筆數十篇子懷仁字子友涉學有文辭性恬靜蕭然有閑



雅致歷太尉記室弘農郡守不知任卜居陳留介所著  
詩賦銘頌二萬餘言撰中表實錄二十卷懷仁有行檢  
善與人交與琅邪王衍隴西李壽之情好相得常語行  
云昔太邱道廣許邵知而不顧稽生峭立鍾會遇而絕  
言吾處季孟之間去其太甚衍以為然子彥卿有學尙  
仕隋位御史撰後魏紀三十卷道將弟道亮隱居不仕  
子思道字子行聰爽俊辯通脫不羈年十六中山劉松  
為人作碑銘示思道思道讀之多不解乃感激閉戶讀

欽定四庫全書

南北史合注  
卷一百一十七

書師事河間邢子才後復為文示松松不能甚解乃嘆  
曰學之有益然哉因就魏收借異書數年間才學兼著  
然不持操行好輕侮人物

啟顏錄曰嘗共壽陽庾知禮作詩知禮成而思道未  
就知禮曰君何太春日思道曰自許編苦疾嫌他織  
錦遲

齊天保中魏史成思道多所非毀前後再被笞辱因落  
泪不調後左僕射楊愔薦於朝解褐司空行參軍長兼

員外散騎侍郎直中書省文宣崩當朝文士各作挽歌  
十首擇其善者用之魏收陽休之祖珽等不過一二首  
惟思道獨八篇時稱八米盧郎後坐泄省中語出為丞  
相西閣祭酒歷太子舍人司徒錄事參軍每居官多被  
譴辱後以擅用庫錢免婦家嘗於薊北悵然感慨為五  
言詩見意世以為工後為給事黃門侍郎待詔文林館  
張說神道碑曰武平末後主總兵禦周敗績百寮蕩  
析公獨侍從趨鄴授儀同三司

欽定四庫全書

南北史合注  
卷一百一十七

周武平齊授儀同三司追赴長安與同輩陽休之等數  
人作聽蟬鳴篇思道詞意清切為時所重新野庾信編  
覽諸同作者深歎美之未幾母疾還鄉遇同郡祖英伯  
及從兄昌期等舉兵作亂思道預焉柱國宇文神舉討  
平之思道罪當斬神舉素聞其名引出令作露布援筆  
立成文不加點神舉嘉而有之除掌教上士隋文為  
丞相遷武陽太守位下不得志為孤鴻賦以寄情其序  
曰余志學之歲自鄉里遊京師便見識知音歷受羣公



之春年登弱冠甫就朝列談者過誤遂竊虛名通人楊令君邢特進以下皆分庭致敬倒屣相接前拂吹噓長其光價而才本鶩拙性實疎懶勢利債殖淡然不營雖籠絆朝市且三十載而獨往之心未始去懷抱也攝生研和有少氣疾分符坐嘯作守東原洪河之湄沃野殫望囂務既屏魚鳥為隣有離羣之鴻為羅者所獲野人馴養貢之於余置諸池庭朝夕賞玩既用銷憂兼以輕疾大易稱鴻漸於陸羽儀武也楊子曰鴻飛冥冥騫翥

欽定四庫全書

南北史合注 卷一百十七

九

高也淮南子云東歸碣石連滹署也平子賦曰南翔銜陽避祁寒也若其雅步清音遠心高韻鷓鴣已降罕見其儔而鐵翻墻陰偶影獨立唼喋批稗鷓鴣為伍不亦傷乎余五十之年忽焉已至永言身事慨然多緒乃為之賦聊以自尉云

隋書載其詞曰惟此孤鴻擅奇羽蟲實稟清高之氣遠生遼碣之東氍毛將落和鳴順風壯冰云厚矯翅排空出島嶼之赫遊犯霜露之溟鴻鷓鴣魚之密網

畏落鴈之虛弓若其斗柄東指女夸司月乃遙集於寒門遠輕舉於玄闕至如天高氣肅搖落在時既嘯儔於淮浦亦弄吭於江湄摩赤霄以凌厲乘丹氣之威夸遊商飈之嫋嫋玩陽景之遲遲彭蠡方春洞庭初綠理翮整翰羣浮侶浴振雪羽而臨風掩霜毛而侯旭鑿江湖之菁藻飫原野之粟菽行離離而高遊響嗶嗶而相續潔齊國之冰紈皓密山之華玉若乃晨沐清露安趾徐步夕息芳洲延頸乘流違寒競逐

欽定四庫全書

南北史合注 卷一百十七

十

浮阮水宿避暑言歸絕漢雲飛望玄鵠而為侶比朱鷺而相依倦天衢之冥漠降河渚之芳菲忽值羅人設網虞者懸機永辭寥廓蹈迹重圍始則窘束籠樊憂憚刀俎靡軀絕命恨失其所終乃馴狎園庭栖託池籞稻梁為惠恣其容與於是翕羽宛頸屏氣銷聲滅烟霞之高想闕江海之幽情何時驟首奮翼上凌太清騫翥鼓舞遠薄層城惡禽視而不貴小鳥顧而相輕安控地而無恥豈冲天之復榮若夫圖南之羽



偉而去羨栖睫之蟲微而不賤各遂性於天壤弗企  
懷以交戰不聽咸池之樂不饗太牢之薦匹晨而  
共飲偶野鳧以同膳匪揚聲以顯聞寧校體而求見  
聊寓形乎治汜且夷心於澹沲齊榮辱以晏如承君  
子之餘盼

開皇初以母老表請解職優詔許之思道恃才地多所  
陵轍由是官途淪滯既而又著勞生論指切當世

隋書載其詞曰莊子曰大塊勞我以生誠哉斯言也

欽定四庫全書

南北史合注  
卷一百十七

十二

余年五十羸老云至追維疇昔勤矣厥生乃著茲論  
少選之頃盱衡因言時云爾罷郡屏居有客造余者  
而言曰生者天地之大德人者有生之最靈妍蚩愚  
智之辨天懸壤隔行已立身之異入海登山今吾子  
生於右地天授俊才學綜流畧慕孔門之游夏辭窮  
麗則擬漢日之卿雲行藏有節進退以禮不論不驕  
無愠無憚偃仰貴賤之間從容語默之際何其裕也  
下走所欣羨焉余莞爾曰未之思也何所言之過夫

人之生也皆未若無生在余之生勞亦勤止統綺之  
年伏膺教義規行矩步從善而登巾冠之後濯纓受  
署纒鑠仁義籠絆朝市失翹陸之本性喪江湖之遠  
情淪此風波溺於倒躓憂勞總至事非一緒何則地  
胄高華既致嫻於管庫才識美茂亦受嫉於愚庸篤  
學強記聾聵於馬側目清言河瀉木訥所以疚心豈  
徒盡惜春漿鳴悵腐鼠相江都而永嘆傳長沙而不  
歸固亦魯值城倉楚逢靳尚趙一為之哀歌張升於

欽定四庫全書

南北史合注  
卷一百十七

十三

是慟哭有齊之季不遇休明申脰就鞅屏迹無地段  
珪張讓金貝是視賈謚郭淮腥臊可饜淫刑以逞禍  
近池魚耳聽惡來之讒足踐龍逢之血周氏未葉仍  
值僻王斂笏升階汗流浹背莒客之踴躋焦原匹茲  
非險齊人之手執馬尾方此永危若乃羊腸注句之  
道據鞍振策武落鷄田之外櫛風沐雨三旬九食不  
敢稱弊此之為役益其小小者耳今泰運啓開四門  
以穆冕梳司契於上夔龍佐命於下岐伯善卷恥狗



幽憂下隨務光悔從木石余年在秋方已迫知命情  
禮宜退不獲晏安一葉從風無損鄧林之攢植雙鳧  
退飛不虧渤海之游泳耕田鑿井晚息晨興侯南山  
之朝雲擘北堂之明月記勝九穀之書觀其節制崔  
實四時之令奉以周旋晨荷蓑笠白屋黃冠之伍夕  
談穀稼霑體塗足之倫濁酒盈樽高歌滿席恍兮惚  
兮天地一指此野人之樂也子或以是羨余乎客曰  
吾子之事既聞之矣他人有心又請論其梗概余答

欽定四庫全書

南北史合注  
卷一百十七

三

曰雲飛泥沉卑高異等圓行方止動息殊致是以摩  
霄運海輕爵羅於藪澤五衢四照忽斤斧於山林余  
晚值昌辰遂其弱尚觀人事隕獲覩路遭危玄冬修  
夜靜言長想人之百年脆促已甚命駒流電不可以  
為辭顧慕周章數紀之內窮通榮辱事無足道而有  
識者鮮無識者多居家不孝不義出門無愧無恥退  
身知足忘伯陽烟戒陳力就列棄周任格言悠悠遠  
古斯患以積迄於近代此蠹尤深范卿搗讓之風指

紳不嗣夏書昏墊之罪執政所安朝露未晞小車盈  
薰石之巷夕陽且落皂蓋填閭實之里皆如脂如韋  
俯僂匍匐噉惡求媚舐痔自親美言諂笑助其愉樂  
詐泣佞哀恤其喪紀近通旨酒遠貢文蛇艷姬美女  
委脫屣金銑玉華棄同遺迹及鄧通路一簪之賄  
無餘梁冀就誅侯之貴將起向之求官買職至於晚  
謁晨趨刺促望塵之舊遊尹優上堂之夜客始則亡  
魂梳魄若牛兄遇虎心戰色沮似帶公見龍俄而抵

欽定四庫全書

南北史合注  
卷一百十七

四

掌揚眉高視闊步結侶棄廉公之第攜手哭聖御之  
門華轂生塵來如激矢雀羅暫設去等絕絃飴密非  
甘山川未阻千變萬化鬼出神入為此者皆衣冠士  
族或有藝能不恥不仁不畏不義靡愧友朋不慙妻  
子外呈厚貌內蘊百心由是則紆青佩紫牧州典郡  
冠幘劫人厚自封殖妍歌舞舞列鼎撞鍾耳倦絲桐  
口飫珍旨雖素論以為非而時宰之不青末俗蚩蚩  
於此之敝真人御宇斲雕為朴人知榮辱時反邕熙



風力上宰內敷文教方部重臣外揚武節被之大道  
洽以淳風舉必以才爵無濫授礫石變成瑜瑾蓂莢  
化為芝蘭曩之扇俗攪時駁耳穢目今悉不聞不見  
莫余敢悔易曰聖人作而萬物覩斯之謂乎  
歲餘奉詔郊勞陳使

啓顏錄曰文帝以陳使徐陵辨捷命思道往對陵遙  
見思道笑曰此公甚小思道曰以公陪臣不勞長者  
須臾坐定陵謂思道曰昔殷遷頑民本居茲邑今存

欽定四庫全書

南北史合注  
卷一百一十七

十五

者併是其人思道應聲曰昔永嘉南渡盡居江左今  
之存者惟君一人衆皆附掌又嘗聘陳陳主戲之曰  
是何商人齋持重寶思道應聲曰忽遇惡風飄墮羅

刹陳主大慙

頃之遭母憂未幾起為散騎侍郎參內史侍即事時議  
置六卿將除大理思道上奏曰省有駕部寺留大僕省  
有刑部寺除大理斯則重畜產而賤人名誠為不可又  
陳殿庭非杖罰之所朝臣犯咎罪請以贖論帝悉嘉納

之

啓顏錄曰思道常作周齊興亡論一日東宮問興亡  
論是卿作否答曰是東宮曰為卿君者不亦難乎思  
道不能對蓋思道於兩朝諸君率多貶辭故也

是歲卒於京帝甚惜之遣使吊祭集二十卷行於世子  
赤松位河東縣長道亮弟道裕少以學尚知名風儀兼  
美尚獻文女樂浪長公主卒於涇州刺史謚曰文道裕  
弟道虔守虔祖相閑經史兼通美術尚孝文女濟南長

欽定四庫全書

南北史合注  
卷一百一十七

十六

公主拜駙馬都尉公下驕淫聲穢遐邇無疾暴薨時云  
道虔所害宣武秘其事不苦窮之

愚讀後漢書至安帝殺班始事以為庇淫主而害功  
裔非情法之平宣武此舉勝之

後靈太后追主薨事黜道虔令終身不仕道虔外甥李  
或尚孝莊姊豐亭公主因相籍託永安中除輔國大將軍  
通直常侍天平中歷都官尚書卒贈尚書右僕射司空  
公瀛州刺史謚文恭道虔好禮學難齊尚書令王儉喪



服集記七十餘條為尚書同寮於草屋下設鷄黍之膳  
談者以為高昧且將上省必見其弟然後去奴在馬上  
彈琵琶道虔聞之杖奴一百道虔又娶司馬氏有子昌  
裕後司馬氏見出更娉元氏甚聰悟常升高座講老子  
道虔從弟元明隔紗帷以聽元氏生二子昌期昌衡昌  
衡最知名昌衡字子均小字龍子沉靖有才識風神澹  
雅容止可法博涉經史工草行書從弟思道小字釋奴  
宗中稱英妙與昌衡俱被推重故幽州語曰盧家千里  
欽定四庫全書

南北史合注  
卷一百十七

隋書明作州

始天保中尚書王昕以雅談獲罪諸弟尚守而不墜自  
茲浸微昌衡與頓邱李若彭城劉珉河南陸彥師隴西  
辛德源王循並為後進風流之士後兼散騎侍郎迎勞  
周使周武平齊授司玉中士與大宗伯斛斯徵修禮令

隋開皇初拜尚書祠部侍郎文帝嘗大集羣下令各自  
陳功人皆競進昌衡獨無言左僕射高穎目而異之陳  
使賀徹周漬相繼來聘朝廷每令昌衡接對之未幾出  
為徐州總管長史甚有能名吏部尚書蘇威考之曰德  
為世表行為士則論者以為美談常行至浚儀所乘馬  
為人牛所觸致死牛主陳謝求還價直昌衡謂曰六畜  
相觸自關常理此豈人情也君何謝拒不受性寬厚不  
校皆此類轉壽州總管長史宇文述甚敬憚之委以州

欽定四庫全書

南北史合注  
卷一百十七

務歲餘遷金州刺史仁壽中奉詔持節為河南道巡省  
大使及還以奉使稱旨授儀同三司昌衡自以年在懸  
車上表乞骸優詔不許大業初徵為太子左庶子行詣  
洛陽道卒淵弟敏小字洪崖少有大量孝文器之納其  
女為嬪位儀曹郎早卒謚曰靖五子長義僖字遠慶早  
有學尚識度沉雅年九歲喪父便有至性少為僕射李  
冲所嘆美起家秘書郎累遷冠軍將軍中散大夫以母  
憂去職幽州刺史王誦與交款每與故舊李神儻等書



曰盧冠軍在此時復惠存輒留連數日得諮詢政道其見重如此後為征鹵將軍大中大夫散秩多年澹然自得李神儁勸其干謁當途義儔曰既學先生之道貴行先王之志何得苟求富貴也孝昌中除散騎常侍時靈太后臨朝黃門侍郎李神軌勢傾朝野求結婚姻義儔盧其必敗拒不許王頌謂義儔曰昔人不以一女易五男卿易之也義儔曰所以不從正為此耳從之恐禍大而連速誦乃握義儔手曰我聞有命不敢以告人遂適

欽定四庫全書

南北史合注  
卷一百十七

十九

他族婚夕太后遣中常侍服景就家赦停內外惶怖義儔存然自若普泰中除都官尚書驃騎大將軍左光祿大夫義儔寬和畏慎不妄交款性清儉不營財利少時幽州頻遭水旱先有數萬石穀貸人義儔以年穀不熟乃燔其契州閭悅其恩德雖居顯位每至困乏麥飯蔬食怡然甘之卒贈大將軍儀同三司瀛州刺史謚孝簡子遜之清靖寡欲位大守記室參軍義儔四弟並遠不逮兄也敏弟旭字叔達小字師顏學涉經史早有時譽

大和中燕員外散騎常侍使於齊孝文詔昶曰密通江揚不早當晚會是朕物卿等欲言便言無相疑難又敕副使王清石曰卿莫以南人言語致疑盧昶若彼先有識欲見但見須論即論昶寬柔君子無多文才或主客命卿作詩莫以昶不作便休也凡使人以和為貴勿相矜夸見於色貌及至彼遇齊明墓立孝文南討昶兄淵為別道將齊以朝廷加兵酷遇之昶等本非骨鯁大怖淚汗橫流齊以腐米臭魚莖豆供之而謁者張思寧辭

欽定四庫全書

南北史合注  
卷一百十七

二十

氣蹇愕以壯烈死館中昶還孝文責之曰街命之禮有死無辱雖流放海隅猶宜抱節致殞卿不能長纆羈首乃俛眉飲啄自同犬馬有生必死修短幾何卿若殺身成名貽之竹素何如甘彼芻菽以辱君父縱不能遠慙蘇武寧不近愧思寧遂見黜景明初累遷散騎常侍燕尚書時洛陽縣獲白鼠昶奏曰謹案瑞典外鎮刺史二千石令長不祇上命肆行刻暴百姓怨嗟則白鼠至因陳時政多所勸哉



魏書載昶表曰比年以來兵革屢動死喪離曠十室而九而監司因公以貪求豪強恃私而逼掠遂令鬻短褐以益千金之資制口腹而充一朝之急此皆由牧守令長多失其人不思安民止思潤屋故士女呼嗟相望於道往歲法官案驗多挂刑網遣使覆訊公違憲典或承風挾情或容情受賄御史所劾皆言誣枉申雪罪人更云清白白鼠之至信而有徵矣願陛下延對公卿廣詢庶政

欽定四庫全書

南北史合注 卷一百十七

三

詔書褒美其意轉侍中又兼吏部尚書仍侍中昶守職而已無所激揚與侍中元暉等更相朋附為宣武所寵時人鄙之出為徐州刺史

魏書曰昶表乘蕭衍朐山戍將交換克取其城又屢表言我兵九千賊衆四萬決死來戰請益兵擊之詔發虎旅五萬往益其軍又詔昶東唐陸道甚狹一軌外皆大水彼必據之以斷軍路更設何策具以表聞昶既儒生本少將畧又羊社子變為昶司馬專任戎事

掩昶耳目將士怨之朐山戍主傅文驥糧樵俱罄以城降梁昶見城降先走退諸軍相尋道遇大寒寒軍人凍死及落手足者大半自魏經畧江右唯山中王英敗於鍾離昶敗於朐山失利最甚宣武遣黃門甄琛馳駟鎖昶窮其敗狀詔以免官論月餘將統以下悉聽依赦復任未幾拜大常卿仍除雍州刺史進號鎮西將軍加散騎常侍卒官謚曰穆昶寬和矜恕善於綏懷其在徐州戍兵有疾親自親恤至畚兵年滿不歸容克後役終昶

欽定四庫全書

南北史合注 卷一百十七

三

一政然後始還人庶稱之子元明字幼章涉歷羣書兼有文義風彩閑潤進退可觀永安初長兼尚書令臨淮王彧欽愛之及彧開府引為兼屬仍領部曲孝武登祚遷中書侍郎永熙末居洛東緱山乃作幽居賦時元明友人王由居潁川忽夢由攜酒就別賦詩為贈及明憶其詩十字云自茲一去後朝市不復由元明嘆曰由性不狎俗旅寄人間乃有令夢詩復如此必有他故經三日果聞由為亂兵所害尋其亾日乃發夢之夜天平中



兼吏部郎中副李諧使梁南人稱之還拜尚書右丞相  
轉散騎常侍監起居積年在史館了不措意又兼黃門  
郎本州大中正元明善自操置不妄交遊飲酒賦詩遇  
興忘返性好玄理作史子新論數十篇諸文別有集錄  
少時常從鄉還洛途遇相州刺史中山王熙熙博識之  
士見而嘆曰盧郎有如此風神惟須誦離騷飲美酒自  
為佳器遂留之贈帛及馬而別元明凡三娶次妻鄭氏  
與元明兄子士啓濬元明不能離絕又好以世地自矜

欽定四庫全書

南北史合注  
卷一百十七

五

時論以此貶之旭弟尚之小字羨夏以儒素見重位光  
祿大夫孫潛潛容貌瓌偉善言談少有成人志尚累遷  
大將軍府中兵參軍機事強濟為文襄所知言其終可  
大用王思政見獲於潁川文襄重其才識潛常從容白  
文襄思政不能死節何足可重文襄謂左右曰我有盧  
潛便是更得一王思天保中除左戶郎中坐機議親書  
與王松年李庶等俱被禁止會清河王岳救江陵特赦  
潛為岳行台即還歷中書黃門侍郎為奴誣告謀反文

宣明之以奴付潛潛不之責黃門鄭子默奏潛從清河  
王岳南討岳令潛說梁將侯瑱大納瑱賂遺文宣杖潛  
一百仍截其髮潛顏色不變歷魏尹丞司州別駕江州  
刺史所在有善政孝昭作相以潛為揚州道行台左丞  
先是梁將王琳為陳所敗擁其主蕭莊歸壽陽朝廷以  
琳為揚州刺史救潛與琳為南討經畧後除行台尚書  
儀同三司王琳銳意圖南潛以為時事未可又請與陳  
通和息兵由是與琳有隙更相表列武成追琳入鄴除

欽定四庫全書

南北史合注  
卷一百十七

五

潛揚州刺史領行台尚書潛在淮南十三年大樹風績  
為陳人所憚陳主與其邊將書云盧潛猶在卿宜深備  
之文宣初平淮南給復十年年滿後逮天統武平中徵  
稅頗雜又高元海執政斷漁獵人無以自資諸商胡負  
官責息者官者陳德信縱其妄注淮南富家令州縣徵  
責又救送突厥馬數千匹於揚州管內令土豪貴買之  
錢直始入便出救括江淮間馬並送官廐由是百姓騷  
擾切齒嗟怨潛隨事撫慰兼行權畧故得寧靖武平三



年徵為五兵尚書揚州吏民以潛斷酒肉篤信實氏大設僧會以香花緣道流涕送之潛歎曰正恐不久復來耳至鄴未幾復為揚州道行台尚書四年陳將吳明徹來寇領軍封輔相赴援陳兵及峴輔相不進潛固爭不得憂憤發病卧幕下果敗陳人遂圍壽陽壅芍陂以水灌之詔王長春為南討督都長春軍次河南多結兵士糧便鳴角欲引而賤糴其米及頓兵更貴糴其米乃之度景和擁眾十萬於淮北不進壽陽城中青黑龍升天

欽定四庫全書

南北史合注 卷一百十七

十五

城尋陷潛及行台僕射王貴顯特進巴陵王王琳扶風王可朱渾孝裕武衛將軍奚永樂儀同索景和仁州刺史鄴伯偉霍州刺史封子繡泰州刺史高子植行臺左丞李駒駱等督將五十八軍士一萬皆沒焉陳人殺王琳餘皆囚東冶時李駒駱將逃歸并要潛潛曰我此頭面何可誑人吾少者相者云沒在吳越地死生已定弟其行也因寄書與弟士還曰吾夢汝以某月某日得患某月某日漸損昏如其言既而歎曰壽陽陷吾以頸血

滅城而死佛教不聽自殺故荏苒偷生

愚按潛既曰思政不能死節何足可重渠何以不死潛死於建業與思政死於鄴異高澄謂更得一王思政誠哉是言也

今可死矣於是閉氣而絕其家購屍歸莫贈開府儀同三司尚書左僕射兗州刺史潛雅性貞固祖珽嘗要潛陷仁州刺史劉逖許以高位潛曰如此事吾不為也行台慕容恃德常所推重有疾謂其子曰盧尚書教我為

欽定四庫全書

南北史合注 卷一百十七

十六

人有如昆弟我死持上驛馬與之其子以他馬往恃德樞出門自停不可動巫祝為恃德聲怒曰何不與盧尚書我所騎驛馬其子遽奉命樞乃行潛以馬價為營福事其為時重如此弟士遠為崔昂所知昂云此昆季足為後生之俊但恨其俱不讀書耳位至中山太守齊亡後卒初度世為濟州魏初平升城無鹽房崇吉母傅氏度世繼外祖母兄之子婦也兗州刺史申纂妻賈氏崇吉姑女也皆亡被老病憔悴而度世推計中表致其供



恤每見傳氏跪問起居隨時奉送衣被食物而亦存賑賈氏供其服膳青州既陷諸崔墜落多所收贖洲租等並循父風遠親疎屬叙為尊行長者莫不畢拜致敬閨門之禮為世所謙退簡約不與世競父母亡後周居共財自祖至孫家內百口在洛時遇饑年無以自贍然尊卑怡穆豐儉同之親從昆季常旦省諸父出坐別室暮乃入內朝府外不妄交遊其相勗以禮如此又一門二主當世以為榮淵兄弟亡及道將卒後家風哀損子孫

欽定四庫全書

南北史合注  
卷一百一十七

三

多有非法幃簿混穢為時鄙所初玄從祖兄溥慕容寶之末統攝鄉部屯海濱殺其鄉姻諸祖十餘人稱征北大將軍幽州刺史攻掠郡縣天興中討擒之溥玄孫洪洪三子長子崇少立美名有識者計以遠大卒於驃騎府曹參軍崇子柔柔字子剛少孤為叔母所養撫視甚於其子柔盡心溫清亦同已親親族歎重之性聰敏好學未冠解屬文且口吃不能持論頗使酒誕節為世所議司徒臨淮王彧見而器之以女妻焉及魏孝武與齊

神武隙詔賀拔勝出牧荊州柔謂因此可著功績遂從勝之荊州以柔為太行臺郎中掌書記軍中機務柔多預之及勝為太保以柔為掾孝武後召勝引兵赴洛勝以問柔柔曰高歡託晉陽之甲意實難知公宜席卷赴都相與決勝負存沒以之上策也若北阻魯陽南并舊楚東連兗豫西接關中帶甲十萬觀釁而動亦中策也舉三荆之地通疑梁國可以底身功名去矣策之下者勝輕柔年少笑而不應及少武西遷東魏遣侯景襲穰

欽定四庫全書

南北史合注  
卷一百一十七

三

勝敗遂南奔梁柔亦從之勝表梁武求歸關中梁武覽表嘉其辭彩既知柔所製因遣舍人勞門并遺縑錦後與勝俱還行至襄陽齊神武懼勝西入遣侯景以輕騎邀之勝及柔懼乃棄船山行羸糧冒險經數百里時屬秋霖徒侶凍餒者大半至死

周書曰至豐陽界柔迷失道獨宿僵木下寒雨衣濕殆至於死

大統二年至長安封容城縣男周文引為行臺郎中除



從事中郎與郎中蘇綽掌機密時沙苑之役大軍屢捷  
汝穎間多舉義來附書翰往反日百餘牒采隨機報答  
皆合事宜進爵為子累遷黃門侍郎周文知其貧解衣  
賜之後遷中書監周孝閔踐祚進開府宜同三司卒於  
位所作詩頌碑銘檄表啓行於世者數十篇子愷嗣愷  
字長作性孝友神情頹悟涉獵經史有當世幹能頗解  
屬文周齊王憲引為記室從憲伐齊說齊栢社鎮下之  
遷小吏部大夫時染工王神歡以賂進冢宰宇文護擢

欽定四庫全書

南北史合注  
卷一百十七

二十九

為計部下大夫愷諫曰古者登高能賦可為大夫求賢  
審官理須詳慎今神歡出自染工更無殊異徒以家富  
自通遂與搢紳並列實恐鶴翼之刺聞之外境寢其事  
轉內史下大夫武帝在雲陽宮敕諸屯簡老牛欲以享  
士愷諫曰昔田子方贖老馬君子以為美談向奉明敕  
欲以老牛享士有戲仁政帝美其言而止轉禮部大夫  
為聘陳使副先是行人多從其國禮及愷為使一依本  
朝陳人莫能屈建德四年李穆攻拔軹關栢崖二鎮命

愷作露布帝讀大悅曰盧愷文章大進荀景舊故是令  
君之子隋開皇初除尚書吏部侍郎進爵為侯仍攝尚  
書左丞每有敷奏侃然正色雖逢喜怒不改其常加散  
騎常侍八年帝親考百寮以愷為上固讓不受文帝曰  
當仁不讓何愧之有皆在朕心無勞飾讓歲餘拜禮部  
尚書攝吏部尚書事會國子博士何妥與右僕射蘇威  
不平奏威陰事愷坐與相連憲司奏愷曰房恭懿乃尉  
遲迥黨不當任進威愷曲相薦達累轉海州刺史吏部

欽定四庫全書

南北史合注  
卷一百十七

三十

預選者甚多愷不即授官皆注色而遣威從父弟徹肅  
二人並以鄉正徵詣吏部徹文狀後至而先任用肅左  
足蠻塞才用無算愷以威故授朝請郎愷之朋黨事甚  
明白帝大怒曰愷敢將天官為私惠愷免官頓首曰皇  
太子將以通事舍人蘇夔為舍人夔威之子臣以夔未  
當遷固啓而止臣若與威有私豈當如此帝曰威子朝  
廷共知卿乃固執以徼身幸至所不知便行朋附奸臣  
之行也



談藪曰愷兼吏部選以達野客師為蘭州總管客師  
曰某何罪乃得突厥隔牆愷曰突厥安有牆對曰肉  
為酥水為漿穹廬為帳羶為牆愷無以答

除名為民卒於家自周氏以降選無清濁及愷攝吏部  
與薛道衡考師等甄別士流故涉黨因之譖崇弟仲義  
義字小黑知名於世位員外散騎侍郎幽州刺史崇兄  
弟官雖不達婚姻常與玄家齊等光宗子觀觀少好學  
有雋才與太常少卿李神雋光祿大夫王誦等在尚書

欽定四庫全書

南北史合注  
卷一百十七

三

上省撰定朝儀累尚書儀曹郎中孝昌元年卒觀弟仲  
宣小名金才學優洽踰觀但文體頗細兄弟俱以文章  
顯論者美之位太尉屬魏孝莊初遇害河陰及兄觀並  
無子文集莫為撰次罕有存者仲宣弟叔虎

北齊書作叔武必虎也避唐祖諱今改正

叔虎少機悟豪率輕俠好奇策慕諸葛亮為人為賀拔  
勝荊州開府長史勝不用其計棄城奔梁叔彪歸本縣  
築室臨陂優遊自適齊文襄降辟書辭疾不至天保初

復徵不得已布裙露車至鄴楊愔往侯之以為司徒諮  
議辭疾不受孝昭即位召為宗庶子門以世事叔虎勸  
討關西畫地陳兵勢請立重鎮於平陽與彼蒲州相對  
深溝高壘運糧實之

北齊書載叔虎言曰臣聞弱能制強富可兼貧今大  
齊比關西強弱貧富不同而未能併吞此失於不用  
強富也輕兵野戰勝負難必宜立重鎮於平陽與彼  
蒲州對深溝高壘運糧積甲築城戍屬之彼若閉關

欽定四庫全書

南北史合注  
卷一百十七

三

不出則取其黃河以東長安窮蹙自然困死如其出  
兵非十萬以上不能為我敵所供糧食皆出關內我  
兵士相代年別一番穀食豐饒運送不絕彼來求戰  
我不應之彼送退軍我乘其敝自長安以西民疏城  
遠敵兵來往難與我相持農作且廢不過三年彼自  
破矣

帝納其言又願自居平陽成此謀畧帝命元文遙與叔虎  
相參謀撰平西策一卷未幾帝崩事寢武成即位累遷



太子詹事叔虎在鄉時有粟千石每至春夏鄉人無食者令自載取至秋任還其價而不計歲歲常得倍餘既在朝通貴自以年老兒子又多遂營一太屋曰歌於斯哭於斯魏收常來詣之訪以洛京舊事不得食而起云難為子費叔虎留之良久食至但有粟食葵菜木椀盛之片脯而已所將僕從亦盡設食一與此同齊滅歸范陽遭亂城陷與族弟士選皆以寒餒斃周將與之神舉以二人有名德收葬之洪從弟文偉文偉字休族少孤有

欽定四庫全書

南北史合注 卷一百十七

三

志尚頗涉經史州辟主簿年三十八始舉秀才除本州平北府長流參軍說刺史裴儁案舊迹修督元陂溉田萬餘頃民賴其利儁修立之功多以委之文偉既善於管理兼展私力家素貧因此既富及北方將亂文偉積穀范陽城時經荒儉多所振贍彌為鄉里所歸及韓樓據薊城文偉率鄉閭守范陽

北齊書曰以文偉行范陽郡事防守二年與士卒同勞苦分散家財拯救貧乏人皆感悅

樓平以功封大夏縣男除范陽太守孝莊帝遇弒文偉與幽州刺史劉靈助同謀起義靈助克瀛州劉文偉行州事自率兵赴定州為爾朱榮將侯琛所敗文偉走之還本郡仍與高乾兄弟相影響屬神武至性都文偉遣子懷奉啓陳謝後除青州刺史文偉輕財愛客善於撫接好為小惠是以所在頗得民情經紀生資常若不足致財積聚承侯寵要餉遺不絕卒贈司徒公尚書右僕射謚孝威子恭道性溫良頗有文學位范陽郡太守有德

欽定四庫全書

南北史合注 卷一百十七

三

惠先文偉卒子詢祖襲祖爵大夏男有術學文辭華美為後生之俊舉秀才至鄴趙郡李祖勳嘗宴諸文士齊文宣使小黃門敕祖勳曰蠕蠕既破何無賀表使者待之諸賓皆為表詢祖俄傾便成其詞云昔十萬橫行樊將軍諸而受屈五千深入李都尉降而不歸時重其工後朝廷大遷除同日催拜詢祖立於東止車門外為二十餘人作表文不加點詞理可觀詢祖初襲爵有宿德朝士謂曰大夏初成詢祖應聲曰且得燕雀相賀天保



末為築長城子使自負其才內懷鬱快遂毀容服如賤  
役者往見楊愔愔謂曰故舊皆有所廢為大夏未加處  
分詢祖屬聲曰是誰之咎既至役所作築長城賦以寄  
其意其畧曰板則紫栢杵則木瓜何斯材而斯用也草  
則離離靡靡綠岡而殖但使十步而有一芳余亦何辭  
間於荆棘邢邵當戲曰卿小年學富威戴角者無上齒  
恐卿不壽對曰詢祖初聞此言實懷惕懼見丈人蒼蒼  
在鬢差以自安邵甚重其敏贍既有口辯好臧否人物

欽定四庫全書

南北史合注  
卷一百一十七

三五

北齊書載詢祖語人曰我昨東方未明過和氏門外  
已見二陸兩源森然與槐柳齊列謂彥師仁惠與文  
宗那延也

衆共嫉之言其淫於從妹宗人思道謂曰大夏何為招  
四海議詢祖曰骨肉還相殘何況執玉帛者萬國與思  
道俱為北州人俊魏收揚譽思道而以詢祖為不及詢  
祖謂人曰見未能高飛者借以羽毛知逸勢冲天者翦  
其翅翮既諸誘日至素論皆薄其為人長廣太守邢子

廣曰詢祖有規檢禰衡思道無冰稜文舉後頗折節歷  
太子舍人司徒記室卒有文集十卷皆遺逸

北齊書曰詢祖常為趙郡王鄭氏製挽歌詞其一篇  
云君王盛海內伉儷盡寰中女儀掩鄭國嬪容映趙  
宮春艷桃花水秋度桂枝風遂使叢臺夜明月滿牀  
空

恭道弟懷道性輕率好酒頗有慕尚既家預義舉神武  
親待之卒於烏蘇鎮城都督懷道弟宗道性麤率動作

欽定四庫全書

南北史合注  
卷一百一十七

三五

狂俠位南營州刺史嘗於晉陽置酒賓遊滿座中書舍  
人馬士達目其彈箜篌女伎云手甚纖素宗道即遣之  
士達固辭宗道便命家人將解其腕士達不得已而受  
之將赴營州於督亢城坡大集鄉人殺牛聚會有一舊  
門人醉言辭微疎失宗道令沉於水後坐酷濫除名玄  
族子輔本州別駕子同同字叔倫身長八尺容貌魁偉  
善於處世太和中起家北海王詳國常侍熙平初累遷  
尚書左丞時相州刺史奚康生徵百姓歲調皆長七八



十尺以邀慶公之譽部內患之等於歲祿官給長絹同  
乃舉案康生度外徵調書奏詔科康生罪燕褒同在公  
之績孝明世朝政稍衰人多竊冒軍功同閱吏部勳書  
因加檢覈得竊階者三百餘人乃表言竊見吏部勳簿  
多皆改換乃校中兵奏案並復乖舛臣謂罪雖免猶  
須刊定請遣一都令史與令僕省事各一人摠集吏部  
中兵二局勳簿對勾奏案若名級相應者即於黃素指  
書大字具件階級數令本曹尚書以朱印印之明造兩

欽定四庫全書

南北史合注  
卷一百十七

定

通一關吏部一留兵局與奏案對掌進防指洗之偽退  
無改易之理從前以來勳書上省唯別姓名不載本屬  
致竊濫之徒輕為苟且今請征職白身具列本州郡縣  
三長之所其實官正職者亦列名貫別錄歷階仰本軍  
印記其上然後印縫各上所司統將都督並皆印記然  
後列上行臺行臺關太尉太尉檢練精實乃始關刺省  
重究括然後奏申奏出之日黃素朱印關付吏部頃來  
非但偷階冒名改換勳簿或一階再取易名受級凡如

此者其人不少良由吏部無簿防塞失方何者吏部加  
階後簿不注記緣此易生僥倖自今叙階後名簿具注  
加補日月尚書印記然後付曹郎中別作抄目遞代如  
此制一行差止姦罔詔從之同又奏曰臣伏思黃素勳  
簿政可處止姦偽然在軍虛詐猶未可盡請自今在軍  
閱簿日行臺軍司監軍都督各明立文案處處記之斬  
首成一階以上即令給券其券一紙上當中大書起行  
臺統軍位號勳人甲乙斬三賊及被傷成階以上亦具

欽定四庫全書

南北史合注  
卷一百十七

定

書於券各盡一行當行豎裂其券前後皆起年號日月  
破某處陣某官某勳印記為驗一支付勳人一支付行  
臺至京即送門下別函守錄又自遷都以來戎車屢捷  
征勳轉多叙不可盡良申歲久生姦積年長偽巧吏階  
緣偷增遂甚請自今為始諸有勳簿已經奏賞者即廣  
下遠近云某處勳判咸令知聞立格酬叙以三年為斷  
其職人及出身限內悉令銓除寔官及外號隨才加授  
庶使酬勳速申立効者勳事不經久僥倖意息或遺窮



難州無中正者不在此限又勲簿之法征還日即應申送項來行臺督將至京始造或一年二歲方上諸勲書奸偽之原寔自由此今後軍還日便通勲簿不聽隔月詔復依行元義廢靈太后相州刺史中山王熙起兵於鄴敗之又以同為持節黃門侍郎尉勞使乃就州刑熙還授正黃門同善事在位為義所親戮熙日深窮黨與以希義旨論者非之同兄瑋少多大言常云公侯可致至此始為都水使者同啟求回身二階以加瑋瑋遂除

欽定四庫全書

南北史合注  
卷一百十七

七

安州刺史論者稱之營州城人就德興謀反除同度支尚書持節使營州慰勞聽以便宜從事同乃遣賊家口三十人并免家奴為良齊書喻之德興乃降安輯其人而還德興復反詔同為幽州刺史兼尚書行台慰勞之同慮德興難信勒眾而往為德興所擊大敗而還太后反政以同又黨除名孝莊踐祚詔復本秩除都官尚書兼七兵以前尉勞德興功封章武縣伯普太初除侍中同以久病從務啟乞儀同初同為黃門與節閔俱在門

下同異其為人素相款託帝以恩舊許之除儀同三司孝武初卒贈尚書右僕射子斐改酷吏同兄靜好學有風度終太常丞子景裕字仲孺小字白頭少敏專經為學居拒馬河將一老婢作食妻子不自隨從父避地大寧山不營世事居無三業惟慈注解叔父同職居顯要而景裕止於園舍情均郊野謙恭守道貞素自得世號居士節閔初除國子博士參議正聲甚見親遇待以不臣之禮永熙初以例解天平中還相里與邢子才魏季

欽定四庫全書

南北史合注  
卷一百十七

四

景魏收邢昺等同徵赴鄴景裕寓託僧寺講聽不已未幾歸本郡河間邢摩納與景裕從兄仲禮據鄉起兵與之共事以應西魏

愚按本文以起兵為作逆共事為同反皆改正之以西魏正而東魏偽也

齊神武命都督賀拔仁討平之聞景裕經明行著驛馬特徵既而舍之使教諸子在館十日一歸家隨以鼎食景裕風儀言行雅見嗟賞先是景裕注周易尚書孝經



論語禮記老子其毛詩春秋左氏未訖齊文襄入相於  
第開講招延時儁令景裕解所注易景裕理義精微吐  
發閑雅時有問難或相詆訶大聲厲色言至不遜而景  
俗神彩儼然風調如一從容往復無際可奪士君子嗟  
美之初北海王顥入洛以為中書郎普泰中復除國子  
博士進退其間未嘗有得失之色性清靜淡於榮利弊  
衣糲食恬然自安終日端嚴如對賓客

談藪曰景裕雖在暗室必矜莊自持盛夏不袒妻子

欽定四庫全書

南北史合注  
卷一百十七

相對若嚴賓

興和中卒於晉陽神武悼惜之景裕雖不聚徒教授所  
注易大行於世

談藪曰景裕曾生一叢白毛於首數之四十九莖故  
偏好老易為注解至四十九而卒故小字白頭

又好釋氏通其大義天竺胡沙門道惲每譯諸經論輒  
託景裕為序

景裕之敗也繫晉陽獄至心誦經枷鎖自脫是時又

有人負罪當死夢沙門教誦經覺時如夢嘿誦千遍  
臨刑刀折主者以聞赦之此經遂行號高王觀世音  
此本史所載以近幻故改注

景裕弟辨字景宣少好學博通經籍正光初舉秀才為  
太學博士以大戴禮未有解詁辨乃注之其兄景裕為  
當時碩儒謂辨曰昔侍中注小戴今汝注大戴庶纂前  
修矣節問立除中書舍人屬齊神武起兵信都既破爾  
朱遂鼓行指洛節問遣辨持節勞之於鄴神武令辨見

欽定四庫全書

南北史合注  
卷一百十七

所奉中興主辨抗節不從神武怒曰我舉大義誅羣醜  
車駕在此誰遣爾來辨抗言酬答守節不撓神武異之  
捨而不逼孝武即位以辨為廣平王贊師永熙二年平  
等浮屠成

伽藍記曰平等寺乃帝父廣平武穆王所立

孝武會萬僧於寺石佛像自動低舉其頭終日乃止帝  
怪而禮拜之辨曰石立社移自古有此陛下何怪已帝  
果入關事起倉卒辨不及至家單馬而從或問辨曰得



辭家否辯曰門外之治以義斷恩復何辭也孝武至長安歷給事黃門侍郎領著作加本州大中正周文以辯有儒術甚禮之朝廷大議常名顧門遷太子少保領國子祭酒趙青雀之亂魏太子出居渭北辯時隨從亦不告家人其執志敢決皆此類尋除大常卿太子少傅轉少師魏太子及諸王等皆行束修禮受業於辯自孝武西遷朝儀湮墜朝廷憲章乘輿法服金石律呂晷刻渾儀令辯因時制宜皆合軌度多依古禮性強記默識能

錄及四庫全書

南北史合注  
卷一百十七

三

太司禮置中大夫自茲厥後世有損益武成元年增御正四人位上大夫保定四年改宗伯為約言禮部為司宗大司禮為禮部大司樂為樂部五言左右武伯各置大夫一人以建德元年改置宿衛官員二年省六府諸司中大夫以下官府置四司以下大夫為官之長士貳之是歲又增改東宮官員三年初置太子諫議大夫員四人文學十人皇弟皇子友員各二人學士六人四年又改置宿衛官員其司武司衛之類皆後所增改太子

欽定四庫全書

南北史合注  
卷一百十七

四

正宮尹之屬亦後所創置而典章散滅弗可復知宣帝嗣位事不師古官員班品隨情變革至如初置四輔官及六府諸司復置中大夫并御正內史增置上大夫等則今載於外史餘則朝出夕改莫能詳錄時雖行周禮內外衆職又兼用之秦漢等官今畧與其名號及命數附於左其紀傳內更有餘官而於此不載亦史之闕文也

柱國大將軍建德四年增置上柱國上將軍正九命驃



騎大將軍開府儀同三司建德四年改為開府儀同大將軍仍增上開府儀同大將軍車騎大將軍儀同三司建德四年改為儀同大將軍仍增上儀同大將軍雍州牧九命驃騎大將軍右光祿大夫車騎將軍左光祿大夫戶三萬以上州刺史正八命征東征南征西征北等將軍右金紫光祿大夫中軍震軍撫軍等將軍左金紫光祿大夫都督戶二萬以上州刺史京兆尹八命平東平西平南平北等將軍右銀青光祿大夫前右左後等將

**欽定四庫全書**

南北史合注 卷一百十七

軍左銀青光祿大夫帥都督柱國大將軍府長史司馬司錄戶一萬以上州刺史正七命冠軍將軍太中大夫輔國將軍中散大夫都督戶五千以上州刺史戶一萬五千以上郡守七命鎮遠將軍諫議大夫建忠將軍誠議大夫別將開府長史司馬司錄戶不滿五千以下州刺史戶一萬以上郡守正六命中堅將軍右中郎將寧朔將軍左中郎將儀同府正八命州長史司馬司錄戶五千以上郡守大呼藥六命寧遠將軍右員外常侍揚

烈將軍左員外常侍統軍驃騎車騎將軍府八命州長史司馬司錄柱國大將軍府中郎掾屬戶一千以上郡守長安萬年縣令正五命伏波將軍奉車都尉輕車將軍奉騎都尉四征中鎮撫將軍府正七命州長史司馬司錄開府府中郎掾屬戶不滿一千以下郡守戶七千以上縣令正八命州呼藥七命宣威將軍武貴給事明威將軍冗從給事儀同府中郎掾屬柱國大將軍府列曹參軍四平前右左後將軍府七命州長史司馬司錄

**欽定四庫全書**

南北史合注 卷一百十七

正八命州別駕戶四千以上縣令八命州呼藥正四命襄威將軍給事中屬威將軍奉朝請軍主開府列曹參軍冠軍輔國將軍府正六命州長史司馬司錄正七命州別駕正八命州中從事七命郡丞戶二千以上縣令正七命州呼藥四命威烈將軍右員外侍郎討寇將軍左員外侍郎幢主儀同府正八命州列曹參軍柱國大將軍府參軍鎮遠建忠中堅寧朔將軍府長史司馬正六命州別駕正七命州中從事正六命郡丞戶五百以上縣令七命州呼藥正三命蕩寇將軍武騎常侍



蕩難將軍武騎侍郎開府參軍驃騎車騎將軍府八命  
州列曹參軍寧遠揚烈伏波輕車將軍府長史正六命  
州中從事六命郡丞戶不滿五百以下縣令戍主正六  
命州呼藥三命珍寇將軍強弩司馬珍難將軍積弩司  
馬四征中鎮撫將軍府七命州列曹參軍正五命郡丞  
正二命掃寇將軍武騎司馬掃難將軍武威司馬四平  
前右左後將軍府七命州列曹參軍五命郡丞戍副二  
命曠野將軍殿中司馬曠野將軍員外司馬冠軍輔國  
欽定四庫全書  
南北史合注  
卷一百一十七  
將軍府正六命州列曹參軍正一命武威將軍淮海都  
尉武牙將軍山林都尉鎮遠建忠中堅寧朔寧遠揚烈  
伏波輕車將軍府列曹參軍一命周制封郡縣五等爵  
者皆加開國授柱國大將軍開府儀同並加使持節大  
督都其開府又加驃騎大將軍侍中其儀同又加車騎  
大將軍散騎常侍其授總管刺史則加使持節諸軍事  
以此為常大象元年詔總管刺史及行兵者加持節餘  
悉罷之辯制定後又有改革令粗附之云

辯弟光字景仁性溫謹博覽羣書精於三禮善陰陽解  
鍾律又好玄言孝昌初釋褐司空府參軍事及魏孝武  
西遷光於山東立義選授晉州刺史大統六年攜家西  
入除丞相府記室參軍俄拜行臺郎中專掌書記進爵  
燕郡公虞州刺史行陝州總管府長史卒官周武少嘗  
受業於光故贈賻有加贈少傳謚曰簡光性崇佛道至  
誠信敬常從周文狩於檀臺山獵園既合周文遙指山  
上謂羣公曰公等有見否皆曰無所見光獨曰見一桑  
門周文曰是也即解圍還令光於桑門之處造浮圖掘  
基一丈得瓦鉢錫杖各一周文稱歎因立寺及為京兆  
而郡舍先數有妖前後郡將無敢居光曰吉凶由人妖  
不妄作遂入居之未幾光所乘馬忽升聽事登牀南首  
而立食罷無故自破光俱不介懷其精誠守正如此注  
道德經章句行於世子賁另見勇字季景裕從弟父璧  
魏下邳太守勇初與景裕俱在學其叔同曰白頭則必  
以文通季禮當以武達與吾門者二子也幽州反者僕

欽定四庫全書

南北史合注  
卷一百一十七



骨那先以勇為本郡范陽王時年十八後葛榮又以  
勇為燕王齊神武起兵盧文偉召之不應爾朱氏乃赴  
晉陽神武署丞相主簿屬山西霜儉運山東租輸皆令  
實載違者罪之令勇典其事琅琊公主虛儼千餘車勇  
効之公主訖於神武而勇守法不虧神武謂郭秀曰盧  
勇慄慄有不可犯色真公直人也方當委之大事豈止  
納租而已後行洛州事元象初官軍圍廣州未拔行台  
侯景門西魏救兵將至集諸將議之勇請進觀形勢於

欽定四庫全書

南北史合注 卷一百十七

罕

是率百騎各籠一馬至大隗山知西將李景和將至而  
勇乃多置襜褕於樹頭分騎為數十隊鳴角直前擒西  
魏儀同程華斬儀同王征蠻而還再遷幽州刺史鎮宜  
陽叛人韓未蘭陳忻等常為邊患勇大破之啓求入朝  
武神賜勇書曰吾委卿揚州安枕高卧無西南慮矣表  
啓宜停當使漢兒中無在卿前者卒年三十二勇有馬  
五百匹私造甲仗遺啓盡之贈司空冀州刺史謚武貞  
誕本名恭祖曾祖晏博學善隸書有名於世仕慕容氏

位給事黃門侍郎祖壽太子洗馬慕容氏滅入魏為魯  
郡守父叔仁年十八州辟主簿舉秀才除員外郎以親  
老乃辭歸就父母既沒哀毀六年躬營墳壙遂有終焉  
之志景明中被徵入洛授武賁中郎非其好也乃尋除  
鎮遠將軍通直散騎常侍並稱疾不朝乃出為幽州司  
馬又辭歸鄉里當時咸稱其高尚誕於度世為族弟幼  
而通亮博學有詞彩郡辟功曹州舉秀才不行起家侍  
御史累遷北豫州都督府長史時刺高仲密以州歸西

欽定四庫全書

南北史合注 卷一百十七

罕

魏遣大將軍李遠率軍赴援誕與文武二千餘人奉侯  
大軍以功封固安縣伯尋拜給事黃門侍郎魏文帝詔  
曰經師易求人師難得朕諸兒稍長欲令卿為師於是  
親幸晉王第敕晉王以下皆拜之帝前因賜名曰誕周  
文又以誕儒宗學府為當世所推乃拜國子祭酒恭帝  
二年除秘書監卒

論曰盧玄緒業著聞首應旌命子孫繼迹為世盛門其  
文武功烈殆無足紀而見重於時聲高冠帶蓋德業儒



素有過人者伯源兄弟亦有二方之風流雅道家聲諸  
子不逮思道一代俊偉而宦途寥落雖曰窮通抑亦不  
護細行所致乎潛及昌衡雅素之紀家風克嗣堂構無  
虧子剛使酒誕節亦明珠之類長仁諫說可重一簣而  
傾惜矣伯舉仲宣文雅俱邵叔虎志尚宏遠任俠好謀  
文偉望重地華早有志尚間闕存險之際終遇英雄之  
主雖禮秩未弘亦佐命之一也詢祖辭情艷發早著聲  
名負其才地肆情矜矯位遇未聞弱年夭逝若得終介

欽定四庫全書

南北史合注  
卷一百十七

五

眉壽通塞未可量焉叔倫質器洪厚卷舒兼濟景裕兄  
弟雅業可宗雖擇木異邦而立名俱邵辯損益成務其  
殆優乎勇雖文武異趣各其美也誕不殞儒業之足稱  
云



南北史合注卷一百十七

